

ВАДИМ КОЖЕВНИКОВ

ҚИМИЧ Ва ҚАЛҚОН

РОМАН

Биринчи қисм

ҒАФУР ҒУЛОМ НОМИДАГИ ВАДИЙ
АДАБИЁТ НАШРИЁТИ
ТОШКЕНТ — 1989

Вради Кожевниковнинг «Қилич ва қалқон» романи совет разведкасининг фашистлар урсидида олиб борган жасоратга тўла ишларидан ҳикоя қилади. Романда тасвирланган қаҳрамонлар — совет разведкачилари руҳий олами гузал, иродаси ниҳоятда мустаҳкам, юрсақ ядваларларнинг ҳиссига эга бўлган кишилардир. Улар душманнинг ҳарбий ва иқтисодий сирларини оқишга, машғум пиятларини барбод этишга, она юртин яширин суратда тайёрланаётган хавfli ишлардан огоҳ қилишга — халқнинг қалқон ва қасоскор қиллини бўлишга ҳаракат қиладилар.

ИБРОҲИМ ҒАФУРОВ

ва

МУҲСИН АЛИЕВ

таржимаси

Кожевников Ибром.

Қилич ва қалқон. Роман. Қисм I. Т., Ғафур Ғулум номидagi бадивий адабиёт нашр., 1969.

352 бет. Тиражи 60 000.

Кожевников В. Щит а меч, Роман, Ч. 1.

1940 йил ёз кезлари Ригада немис миллатидан бўлган совет фуқароси ўлдирилди.

Латвия жиноят қидирув ходимлари қотиллик ампула портлаган чоғда пайдо бўладиган шиддатли буғ оқими одамни шу заҳотидеқ тил тортқизмай ҳалок қиладиган калий цианид ампуласи билан ўқланувчи махсус қурол ёрдамида амалга оширилганлигини аниқладилар.

Мархумнинг никоҳ узуги, соати, ҳамёни ва бошқа буюмлари ўғирлаб кетилган бўлса-да, уларнинг айримлари канализация қудуғига ташлаб кетилган тугунчадан топилди. Бу эса жиноятнинг ўғирлик ниятида қилинмаганлигини кўрсатарди.

Тўғрироғи, уни олдиндан уюштирилган қўпоровчилик иши деб тахмин қилиш мумкин эди.

Ҳалок бўлган одам радиотехника бўйича йирик мутахассис инженер Рудольф Шварцкопф эди.

Политехника институтининг студенти Генрих Шварцкопф отасининг ўлиmidан эсанкираб қолганидан тузукроқ бир гап айтолмади.

Жиноят қидирув бўлимига Фридрих Кунца қарашли авторемонт устaxonасининг слесарь-механиги Иоганн Вайс чақиртприлди.

Маъжуд маълумотларга кўра, Иоганн Вайс жиноят рўй берган куни Шварцкопфнинг уйида инженер заказ қилган аллақандай ускуналарни анчага довура улаб йиғган экан. Бундан ташқари, Вайс Шварцкопфнинг мотоцикл мусобақасига ишқибоз ўғли билан дўст тутинган эди, шу боис уста механик Вайс Генрих Шварцкопфнинг «Цунда» маркали мотоциклинни такомиллаштириб берган ва унга яқинда бўлиб ўтган кубок мусобақаларида ютиб чиқишга ёрдамлашган эди. Айни чоғда, Иоганн Вайсининг Немис-болтиқ халқ уюшмаси йиғинларига канда қилмай бориб туриши ва шу уюшманинг крейслейтери¹ адвокат Себастьян Функнинг автомашинасини текинга ремонт қилиб бергани ҳамда устахонадаги ишдан бўш вақтларида Функка шоферлик қилиши маълум эди.

Сўроқ вақтида Иоганн Вайс ўзини ниҳоятда оғир тутди, саволларга чалкаш жавоб берди. Латвия жиноят қидирув бўлимининг ёш ходими ўлдирилган одам ўз ватандошингиз бўлишига қарамай, сиз терговга ёрдам беришдан бўйини товляяпсиз, деб аччиқ таъна қилганда, Вайс айтишнинг ватандошим ўлдирилганлигининг ҳеч бир ажабланидиган жойи йўқ, ахир, ҳозир латишларнинг немисларни кўргани кўзлари йўқ-ку, деб жавоб берди.

Бу сўзлардан терговчининг жаҳли чиқди. Ишчи йигит бўла туриб, бунақангги гапларни айтишига қандай тилингиз борди, уялмайсизми? Эндиликда пролетар бирдамлиги туйғуси, миллатидан қатъи назар, барча ишчиларни бирлаштириши кераклигини наҳотки тушунмасангиз, деди у Вайсга.

Вайс бу гапларни диққат билан эшитди, аммо унинг хотиржам башарасидан терговчининг сўзларини қандай қабул қилаётганини англаш

Романнинг 1—24 бобларини *И. Гафуров*, 25—39 бобларини *М. Алиев* таржима қилган.

¹ Район раҳбари (нем.)

мушкул эди. Терговчининг ўзи ҳам ёш ишчилардан бўлиб, яқиндагина жиноят қидирувчи ходим этиб тайинлапган эди. Бу касбга унинг на қобилияти ва на истеъдоди бўлишига қарамай ойна заводининг партия ташкилоти уни шу ишга йўллаган эди. Ходим бу гапларни Вайсга куйиб-пишиб сўзлаб берди, бироқ Вайс лоқайдлигича ўтираверди.

Вайс жиноят қидирув бўлимидан чнқиб кафега кирди, у ерда пиво ва сосиска буюриб, бамайлихотир нонушта қилди-да, яна ана шундай хотиржамлик билан трамвай тўхтайдиган жойга етиб келди. Бу ерда бир трамвайни ўтказиб юборгач, навбатдагисига ўтирди ва йўл бўйи кўчага ғамгин тикилиб, хаёл суриб борди. Бироқ Болтиқ бўйи немислари халқ уюшмасининг крейслейтери адвокат Себастьян Функ турадиган уй яқинидаги остановкага етмасданоқ трамвайдап тушди ва тез-тез одимлаб кетди.

Туладан келган, яғриндор, лунжлари осилиб тушган, гирдиғум Себастьян Функ ўз уйининг эшиги олдида безовталаниб турарди. Вайс эшик олдида даққионусдан қолган «Адлер»ни тўғрилаганда, Функ олдинги ўриндиққа базўр кириб ўтирди-да, жаҳл билан сўради:

— Нега энди машина мени эмасу, мен машинани кутишим керак?

Вайс мулойимлик билан жавоб берди:

— Кечиринг, жаноб Функ, аммо бошимга каттакон ташвиш тушиб қолди.

— Бошингга қанақа ташвиш тушарди сенинг?— башарасини буриштириб тўнғиллади Функ ва қўшиб қўйди:— Ташвиш қанақа бўлишини сенга кўрсатиб қўяман.— Лекин ҳар нечук бирмунча кўнгли юмшаб, сўради.— Хўш, нима гап ўзи?..

Вайс жиноят қидирув бўлимида бўлиб ўтган гапларни бирма-бир сўзлаб берар экан, Функнинг башараси борган сайин мулойимлашиб борарди. У шофернинг елкасига қоқиб қўйди.

— Агар сени қамаб қўйишса, ажабланиб ўтирма. Уларга жиноятчи немис керак. Сен эсанг немиссан.

— Сиз, жаноб Функ, мени танийсиз-ку, ахир. Сиздан ўтинчим шуки, керак бўлиб қолса, менга адвокатлик қилсангиз.

— Ҳожати йўқ,— бепарво деди Функ.— Сен ишчисан, улар эса ишчидан шубҳаланиб ўтиришмайди.

— Э, қанақасига ишчи бўлай?— қнзишиб эътироз билдирди Вайс.— Фермер бўлмоқчи эканлигимдан ўзингизнинг ҳам хабарингиз бор, фирма ҳозир холамга қарамаслигини қаёқдан билай.

— Ҳа, билмаганинг учун ҳам бир неча ой касал холангга шунчалар меҳрибонлик қилиб юрдингки, бутун жамоа сени хўб баодоб йигит чиқдн-да, деб гапирадиган бўлди. Ҳайрон бўлма. Мен крейслейтер сифатида сен тўғрингда ҳатто ўзинг ҳам билмаган нарсалардан хабардор бўлиб туришни бурчим деб тушунаман.

— Албатта, меросдан қуруқ қолганлигим жуда ёмон бўлди, лекин холамни жони дилимдан яхши кўрардим.

Функ бош чайқаб қўйди.

— Қабристонда сен холангга ҳам, меросга ҳам баравар ўкиниб йиғлагандирсан деб ўйлайман...— Кейин қуруққина қилиб сўради:— Сен ҳалиям юртимга қайтсаммикин ё большевиклар билан бирга қолсаммикин, деб иккиланиб юрибсанми?

— Жаноби Функ,— деди Вайс,— энди мен жўнашга, жўнаганда ҳам иложи борича тезроқ жўнашга қарор қилдим.

— Нега аввал шундай қилмадинг?

— Бугун жиноят қидирув бўлимида мен немисларга нақадар ёмон мувосабатда бўлаётганларини тушундим. Жаноби Кунц, хўжа кўрсинга,

эгаллик қилиб юрсин, деб менга ўз устахоналарини ташлаб кетмоқчи эдилар. Бу ерда ўз юртимизга қараганда ишим кўпроқ юришармиди деб ўйлагандим. Аммо устахонани мусодара қилишлари аниққа ўхшаб қолди. Кейин истасам истамасам заводда оддий ишчи бўлиб ишлашдан бошқа чорам қолмайдн. Бу ерда ишчи бўлгандан ватанда солдат бўлган маъқул деб ўйлайман.

— Мана бу энди ҳақиқий немиснинг гапи бўлди!— бошини ликиллатиб маъқуллади Функ.

Вайс кечки пайт машинани ювиб қўйиб, латта билан ойналарини артаётган эди, гаражга кутилмаганда (авваллари у бу ерга сира кирмас эди) Функ кириб келди-да, сўради:

— Сен бугун таъзия билдиргани Шварцкопфнинг ўғли олдига бормоқчимсан?

— Унинг отаси менга доим яхши муносабатда бўларди.

— Хабарим бор,— тўнғиллади Функ,— лекин нега шундай қилганини сира тушунолмаيمان.

— Мен унинг заказларини доимо ўз вақтида бажарардим.

— Бор гап шуми?

— Бўш вақтларимда унга ёрдамлашиб турардим. Ахир у ихтирочи эди.

— Нима устида иш олиб бораётган эди?

— Афсуски, буни тушуниш учун маълумотим етишмайди.

— Тўғри, калланг яхши ишлайди деб бўлмайди,— деди Функ, сўнг овозини пасайтириб қатъий ва салмоқли оҳангда давом этди:— Энди қулоқ сол. Агар сен ватанга қайтишга қарор қилган бўлсанг, ҳали бу қайтасан деган сўз эмас, чунки буни биз ҳал қиламиз. Биз Генрих Шварцкопф ҳам ватанга жўнаган тақдирдагина сен ҳам кетасан деб қарор қилдик. У кетаман деб айтиши учун эса, отасининг кетмоқчи бўлиб юганини билиши керак.

— Наҳотки унинг ўзи буни билмаса?

— Охирги кунгача билмасди. У Рудольфнинг яқинда менга хат юборганидан беҳабар эди... Сен Генрихга менда отасининг хати борлигини айтасан.

— Ундан кўра хатнинг ўзини Генрихга кўрсатиб қўя қолинса бўлмасмикин, у доимо отасининг чизган чизғидан чиқмас эди.

Функ афтинн буруштирди, аммо шу заҳотиёқ юмшаб, деди:

— Иоганн, мен сенга ишонаман, чунки ўғлим қатори кўраман. Бу хатни йўқотиб қўйдим. Чоғимда уни НКВДнинг агентлари илиб кетишди. Рудольф Шварцкопфни ўлдирган ҳам ўшалар. У буларга ҳарбий алоқа техникасинн яхши билган йирик инженер сифатида зарур эдн. Шварцкопф жўнамоқчи бўлганни билишгандан кейин эса уни ўлдириб юборишди.— Шундан сўнг Функ баландпарвоз қилиб қўшиб қўйди.— Эндиликда Шварцкопфнинг фарзандини ватанга қайтариш бизнинг бурчимиздир. Унинг амакиси ҳозир Германияда кўзга кўринган одам. У акаси билан жиянини ўз бағрига олишни орзу қиларди. Мен Германияга қайтгандан сўнг Шварцкопфлар бизларга қараганда чандон имтиёзга эга бўладилар, деб унга ваъда бердим.— Кейин сўради:— Ҳаммаси тушунарлими?

— Ҳа, тушундим, мен Генрихга агар яқин кунлар ичида жўнаб кетишга рози бўлсанг, сенинг энг садоқатли одамнинг бўлиб қоламан, деб айтаман.

— Шундайку-я, лекин сенга менинг ҳам анча-мунча хизматим сингган,— эслатди Функ,— Менинг рози-риз олигимсиз бу ердан чиқиб кетолмайсан.

Ҳатто манаман деган мутахассис ҳам Рудольф Шварцкопфнинг

даҳшатдан ўзгариб кетган юзини асл ҳолига қайтариб, унга осуда бир нфода бера билмади — тобутла унинг юзини қора мато билан ёпиб қўйдилар.

Ригада яшовчи немислар Шварцкопфнинг пуфузли ватапошларига бефарқ қараши, калондимоғлиги, қолаверса, профессор Гольдблатни ҳаддан ташқари эъзоз-икром қилиб юришини ёқтирмас эдилар.

Борингки, гений бўлсини, бироқ яҳудийми, тамом, у билан дўстдашиш — бу жамият юзига оёқ босиш деган гап!

Шварцкопф гўё ўглидан, сен профессор Гольдблатнинг қизига уйлан деб талаб қилганмиш деган овоза ҳам тарқалган эди. Шу билан бирга агар назариётчи олим Гольдблатнинг ишини Шварцкопфнинг техника бўйича олиб бораётган қизини амалий фаолияти билан бирлаштирилса, у ҳолда, ҳатто буюк давлатлар сотиб олиши мумкин бўлган ихтиролар юзга чиқади, деган миш-мишлар ҳам йўқ эмасди.

Дароз, келинган, юзлари жилдий, хатти-ҳаракатлари кибру ҳавога тўла Рудольф Шварцкопф ўзини иродали ва қатъиятли одам қилиб кўрсатишга муваффақ бўлган, лекин аслида бир қайновчи ичида, инжиқ ва ниҳоятда ўзига бинно қўйган кимса эди.

У укаси туфайли Германияга қайтишни истамаётган эди. Шварцкопф уни асосли равишда қобилиятсиз, тўқим табнат пруссак деб атар эди. У, онаси ҳали тирик эканидаёқ отасининг ўйнаши бўлмиш оқсоч гёлдан туғилган ва кейинчалик ўгил қилиб олинган, эндиликда эса, Гитлер ҳукуматида йнрик мансабдор бўлиб қолган эди. Шундай экан, у ўз мавқеидан фойдаланиб акасининг дағал муомаласи, оёқ учиди кўрсатгани учун ўзича ўч олишга уринади: унга мурувват кўрсатиб, ҳсмийлик қилади, эвазига ўз онаси, аввалда оқсоч Анни, ҳозирда эса бева хоним фон Шварцкопфга эҳтиром билан қарашни талаб этади.

Рудольф Шварцкопф фақат радиотехникага оид нарсаларнигина билар, бошқа нарсдан мутлақо беҳабар эди.

Фашизмни қораламас, фашизм ҳарбий мағлубиятдан орияти келган миллатнинг аччиқ талвасасидан бошқа нарса эмас, деб ҳисобларди. Германиянинг ҳозирги кунларда Европада ғалаба қозонаётганлигини у мағлуб давлатлар халқларининг оддий инсон сифатида ҳаёт кечирिशлари, жаҳонга ҳокимлик ёки ватанга муҳаббат даъвоси остида кўзларни қонга тўлиб одамхўрлик қилишга интиласликлари билан изоҳларди.

Рудольфнинг укаси штурмбанфюрер Вилли Шварцкопф крейслейтер Функка йўллаган бир қанча хатларида Латвия социализм ўлкасига айлангандан сўнг Рудольфнинг бундан буён у ерда қолиши менинг партияда юқориқоқ мансабни эгаллашимга монелик қилиши мумкин деб айтган ва крейслейтердан қатъий чоралар кўришни талаб қилган эди.

Рудольф Шварцкопф ҳалокатидан сал олдин Латвия Совнаркомининг раиси инженер билан кўришган ва ундан сизни илмий-текшириш институтининг директорлиги лавозимига тайинласак нима дейсиз деб сўраган эди.

Ушанда Шварцкопф ўйлаб кўраман, деб айтганди.

Шу куниёқ унинг ҳузурига тўсатдан крейслейтер Функ кириб келди ва ғазаб билан: Ригадаги немис доиралари Шварцкопфнинг хатти-ҳаракати Рейхнинг миллий манфаатларига хиёнатдан бошқа нарса эмас, деб ҳисоблашларини маълум қилди.

Геирих кутилмаган бу ташрифдан сўнг отасининг қаттиқ саросимага тушиб қолганлигига унчалек эътибор бермаганди. Чунки ўзининг бутун ишлари ва хатти-ҳаракатларини миридан сиригача кузатиб юрган

укаси штурмбанфюрерни эслатганларида инженернинг инжиқ иззатнафси айниқса озор чекар, тажанглиги тутар эди.

Иоганн Вайс ўзига буюрилган асбоб-ускуналарни хўп тобига келтириб ва ҳатто лойиҳада кўрсатилмаган янгилликларни ҳам қўшиб ясаб келтиргандагина Шварцкопфнинг кўнгли бир оз ёришди.

Иоганн Вайс Шварцкопф ҳузурида ўзини эркин тутар, шу билан бирга айрича назокат кўрсатар, бу эса такаллуфсизликни ўлғудай ёмон кўралиган инженерга жуда ёқиб тушар эди.

Вайс ўзини тута билиши, хизматбарорлиги билан ажралиб турса-да, бироқ унинг хатти-ҳаракатида хушомадгўйликдан асар ҳам йўқ эди. У ўз ҳомийсининг билимдонлигига чуқур ҳурмат билан қарагани сезилиб турарди. Бироқ техника бобида у бажариши лозим бўлган ишлардан бошқасига қизиқмасди. Шварцкопф ўзи ўйлаб қўйган режалар тўғрисида берилиб сўзлаган чоғларида, Вайс маълумотининг етарли эмаслигини. Рудольф Шварцкопф баён қилаётган техник ғояларни яхши тушунмаслигини одоб билан эслатиб, таассуф билдирар эди.

Генрих Шварцкопф билан Вайс дўстона муносабатда эдилар, лекин ота-бола билан у ўз ўрнини яхши билган, тутган мавқелари ўртасидаги тенгсизликни тушунган одам сингари муомала қиларди.

Шунга қарамасдан, Генрих доим Иоганни чин дўстим деб атар ва ҳатто уни профессор Гольдблатнинг уйига ҳам олиб борган эди. Профессорнинг қизи Берта дам олиш кунлари уйига музика мухлисларини чақириб тургувчи эди. Қиз консерваторияда ўқир, ҳозирнинг ўзидаёқ мустақил концерт бера бошлаганди; икки йилча бурун эса у Латвиядан ташқарида: Стокгольм ва Копенгагенда ҳам ўз санъатини намойиш қилганди. Музика кечаларида Иоганн Вайс камтарлик билан бир четда ўтирарди. Овқатланиш олдида эса ошхонага кириб, ошпаз хотинга дудланган чўчка гўштининг сандвич қилиш учун парраклаб тўғрашиб юборар, ишчаларни очиб қўяр, коктейл учун муз майдаларди.

Генрих Иоганндан, Берта тўғрисида нима дейсан деб сўраб қолганида, Вайс:

— Чиройли қиз!— дерди.

— Яна-чи?

— Истеъдодли...

— Хўш-хўш, яна-чи?— сабрсизлик билан сўрарди Генрих.

— Янами, яна, унинг шуҳрати оламга кетади.

Генрихнинг қовоғи тушиб кетар, елкасини асабий учуриб дерди:

— Ҳамма гап шунда. Унга бутун дунё меҳмонхоналарининг этикеткалари ёпиштириб ташланган чамадонини орқасидан кўтариб юрадиган эр керак. Отам ҳам ўз ишини кўзлаб, шу димоғдор яҳудий қизига уйланишнинг талаб қиляпти. У профессорни ўзининг «Рудольф Шварцкопф» фирмасига ходим қилмоқчи.

— Нега энди сен уни димоғдор қиз дейсан?

— Чунки биз немислар жаҳонга ҳукмронлик қилишни истаганимиз каби, у ҳам фортепьяноси билан кишилар устидан шахсий ҳукмронлик ўрнатишни кўнглига тугиб қўйган!

— Лекин бу бутунлай бошқа нарса...

Генрих тажанг тортиб деди:

— Отам, фашизмни жуда ҳам ёқтиради деб айтиб бўлмайди, албатта. Мақсади шуки, Гольдблатни қўлга олиб, унинг режаларини патентга айлантирмоқчи ва техник ғоялар билан савдо қилувчи фирманинг ёлғиз ҳукмрони бўлмоқчи. Шу йўл билан жаҳоннинг энг йирик компанияларига ўз ҳукмини ўтказмоқчи.

— У техника жинниси ва хаёлпараст одам.

— Аммо жуда истеъдодли. Мен-чи?

Вайс тараддудда қолди:

— Сен ўзингни дам унга, дам бупга ураверасан. Менимча, спорт билан ҳам ҳаддан ташқари кўп шугулланияпсан.

— Бу одамни бўлар-бўлмас ўйлардан холи қилади.

— Менимча, ўйдан холи қолиб бўлмайди.

— Мен эсам худди мана шу мумкин бўлмаган ишга интилиб ётибман,— гапга кескин чек қўйди Генрих.

Кейинги ойларда Иоганн Вайс Генрих билан могодромга ва у мотоботда машқ қиладиган денгиз бўйига доим бирга борарди.

Уч ойча бурун улар ҳаво айниб турган чоғи денгизга чиққанларида пўртана кўзғалди. Кучли тўлқин мотоботни тўнтариб юборди. Вайс Генрихни қутқариб қолди. Шунда Генрих сенинг бу қахрамонлигингни бутун Ригага маълум қиламан деб айтганда, Вайс ундан бу ҳақда ҳеч кимга айтмаслигини илтимос қилди. Негаки, агар газетада хабар чиқса, автустахона эгаси Фридрих Кунц уни ишдан бўшатиб юборади, чунки моторли кемаларга хизмат кўрсатувчи устахоналарнинг эгалари Кунцга сен спорт катерларига хизмат қилиш учун ўз ишчиларингни юборяпсан, демак, савдо қондаларини бузаяпсан, деб айб қўйишлари турган гап.

Генрих Иоганнинг илтимосини бажо келтирди. Вайснинг босиқлигини — совуққонликка, мулоҳазалилигини эса — эски немис ахлоқ-одоби тўфайли онгига сингган ҳисоб-китоб билан иш тутиш ўқувига йўяр эди.

Вайс жуذا ёш етим қолганлигини баҳона қилиб, ўзининг болалик чоғлари ҳақида истар-истамас сўзларди. У Россия муҳожирларига қарашли фирмада ишлаган. Холаси бева қолиб, юрагига ўлим ваҳимаси тушгандан кейин уни ўз ёнига олди, ана шундагина Вайс қариндошчилик меҳри нималигини билди. Шу холаси унинг юрагида миллий ифтихор туйғуларини уйғотди. Холасининг яхшигина кутубхонаси бўлиб, у ўз севимли ватани ҳақида ана шу китоблардан ўқиб таассурот олди, аммо бу ҳали етарли эмасди. Бироқ уюшма клубидаги лекциялар чала билган нарсаларини тўлароқ билишга ёрдам берди.

Вайс мотоклубда ўзини Генрихнинг шахсий механигидай тутар ва ҳеч қачон ҳақиқий спортчини техник ишчидан ажратиб турадиган чегарадан нари ўтмасди. У машинани ҳайдовга тайёрлашдан, шу ернинг ўзидаёқ майда-чуйда ремонт қилишдан бўйин товламас, лекин ишини битиргач, ҳар сафар блокнот варағига қилинган иш ҳисобини ёзарди-да, уни йиртиб олиб машина эгасига топширарди. Агар ҳақ тўлашни орқага сурсалар, норози бўлиб қовоқ соларди.

Ортиқча ҳақ берганларида у одоб билан ташаккур айтар, аммо ҳеч қачон ялтоқилик қилмасди.

Спортчилар билан одоб сақлаб, бироқ ўз қадрини билган ҳолда муомала қиларди. У тор чарм костюмда баданлари тирсиллаб турган қизларнинг баъзиларига ёқса ҳам, улардан биронтасини сайри боғ қилган шаҳарнинг олис чеккаларига олиб чиқмасди. Генрих илжайиб, бу дейман, иффатингни йўқотиб қўйишдан қўрқаяпсан шекилли, деб сўраганда, Иоганн жиддий туриб, ҳаммадан ҳам устахона мижозларини қўлдан чиқариб қўйишдан қўрқаман: мен ўзимни қандай тутушим кераклиги ҳақида жаноб Фридрих Кунц чизиб берган йўл-йўриққа амал қилаяпман, холос, деб жавоб берган эди.

Генрих буни қўллар психологиясининг бир кўриниши деб атади.

Бунга жавобан Иоганн: қилаётган хизматимни қадрлайман. Хизматимни деб, ҳар қанча кўнгил ҳуши нарсалардан воз кечишга тайёрман, деди.

Генрих жилмайди:

— Сенинг ўрнингда бўлганимда синфий норозилик туйғусининг ўзн

биланоқ буржуазия устидан тантана қилган бўлардим. Зотан, ўзинг анча келишган йнгитсан.

Иоганн елкасини қисди ва мен ҳозир ишчи бўлсам-да, аммо бу, доимо шундайлигимча қолавераман деган сўз эмас, деди.

— Шунақа дегин,— жилмайди Генрих,— Рейхга кўчиб ўтишим биланоқ ишларим роса юришиб кетади деб ўйласанг керак-да!

— Йўқ,— деди Иоганн,— ундай деб ўйламайман. Германияда мени дарҳол солдатликка олишларини биламан.

— Шунга қарамай кетаман деяпсан.

— Мен ҳалиям бир қарорга келганимча йўқ,— маъюс деди Иоганн,— солдат бўлиш ҳавас қиладиган даражадаги нарса эмаслигини тушунман. Бироқ мен немисман, шундай экан, мен учун бурч ҳамма нарсадан афзалдир.

— Қайғурма, биродар!— Генрих мурувват қилгандай унинг елкасига қоқиб қўйдн,— Вилли амаким қариндош деб менга ғойибона меҳрибонлик қиляпти. У жуда катта одам, отам билан Германияга бормаган тақдиримизда ҳам, биз сенга, тўғрироғи, ўзим амакимга хат ёзиб бераман, у сени бирон ёғлироқ жойга ўрнаштириб қўяди. Бу ёғидан хотиржам бўлавер.

— Бу сен, отанг ва жаноб Вилли Шварцкопфнинг менга қилган марҳаматлари бўлади,— такаллуф билан деди Вайс.

— Отам-ку, унн ёқтирмай юради, паст табақадан чиққан, авлодимиз шаънига доғ туширяпти деб ҳисоблайдп. Амаким бўлса, мени роса чақиряпти, сенга атаб Прагада пойга машпнаси буюриб қўйдим, деб ёзибди. Прагада у гаулейтерга яқин одам экан. Ҳозир ўзи Берлинда, аммо сени отанг билан янги Германиянинг янги чегараларида кутиб оламан, сизлар ҳали бу чегара у томонларга қанчалик яқинлашиб қолганини тасаввур ҳам қилолмайсизлар, деб ёзибди.

— Машинанинг класси қанақа экан?— қизиқиб сўради Иоганн.

— Амаким хатда унинг техник афзалликларини батафсил ёзиб юборибди.

— Уни бир ўқиб чиқсам яхши бўларди-да.

— Бемалол,— деди Генрих ва Иоганнга хатни узатди.

— Сенга малол келмасин тагин?— деди Вайс.

— Қўй-е! Нималар деяпсан.

Вайс хатга кўз югуртиб чиқди-да, қойил қолгандай бўлиб:

— Табриклайман! Бу жуда зўр машина,— деди. Кейин гўсиндан хўжайинга зуд бир ишни қилиб беришга ваъда бергани эсига тушиб, шошилганича жўнаб қолди.

2

Иоганн Вайс қора галстук тақиб Шварцкопфларникига равона бўлди. Уй бошқарувчи аёл таъзияга келувчиларни меҳмонхонада кутиб оларди. Қандил қора мато билан ўраб қўйилганди.

Генрих Шварцкопф отасининг кабинетида экан. Лекин уй ходимаси Вайсга ёш хўжайин уни кутаётганини айтди. Вайс Генрихни афтода бир алфозда кўраман, деб ўйлаган эди, бироқ у ёш Шварцкопф отасининг қоғозларини диққат билан тартибга келтириб, уларни икки катта-коч кон чарм чамадонга жойлаётгани устидан чиқди-ю, ҳайрон бўлди. Генрих Иоганнга қўл бермай, деди:

— Мен кетяпман. Амаким телеграмма бериб, ўзим кутиб оламан деди.— Унинг юзи оқарган, лекин унда қайгудан кўра қандайдир ги-

жирлик, дарғазаблик ифодаси кўпроқ эди. Сўнгра у гап орасида сўради:— Менн кузатиб боришга тайёрмисан?

Вайс бош ирғади. Кейин қўшиб қўйди:

— Шу шарт биланки, агар крейслейтер Функ жаноблари жўнашимга қоғозларни тўғрилаб берсалар.

— Функ мен нима десам шуни қилади,— қатъий қилиб деди Генрих ва жаҳл билан қўшиб қўйди:— Бу киши билан ҳали гестапо шуғулланади. Амаким шундай деб ёзибди. Отам Латвиядан кетиб қолмасин деб, НКВД агентлари суиқасд уюштириб қўйганини у билиши керак эди. Отамни қутқариб қолиш учун ҳеч қандай чора кўрмаган. Функнинг совет агентн эканлигига ишопчим комил. Унинг ўзи отангизнинг ўлимида мен ҳам ўзимни айбдор ҳис қиламан, деб айтди. Қизилларга Совет мамлакатини ташлаб кетишга аҳд қилган немисларни қўрқитиб қўйиш керак эди. Улар кимни қурбон қилмоқчи бўлиб юрганларини Функ гўё билмай қолганмиш.

— Функ анчадан бери шубҳа қилиб юрарканми?

— Буниси билан менинг нима ишим бор? Менга ўз огзи билан айбини бўйнига олгани етарли. Ҳали қилмишидан қон қақшайди у.

Хонага Берта Гольдблат кириб келди. Генрих унга бошдан-оёқ бир разм солди-да:

— О! Сенга қора кийим жуда ярашаркан!— деди.

Қиз ўзини бу сўзларга аҳамият бермагандай кўрсатиб, тўғрироғи, уларга эътибор бермай, узунчоқ, нозик бармоқларини Генрихнинг елкасига оқиста теккизди-да, деди:

— Отамнинг юрак ўйноғи тутиб қолди. Келолмагани учун узр айтди.— Кейин қора қўлқопларини ечаркан, деди:— Мени Москвада концерт беришга таклиф қилишди, лекин рози бўлмадим.— У нима учун рози бўлмаганлигини билдприб қўймоқчидай кўзларини ерга тикди:— Бошингга шундай кулфат тушган бир пайда, Генрих!..

Генрих елкасини учирди.

— Яҳудийлар — Москвага! Немислар — Берлинга!— Вайсга ўгирилиб қаради ва кўзлари билан Бертага ишора қилиб, сўради:— Қараб тўймайсанми? Унга қора кийим ярашаркан? Аммо Берлинда немисга мотам тутиб, қора кийинган жуҳуд қизларни кўрмайсан.

Берта бошини мағрур кўтарди.

— Худди шундай, Берлинда ҳам сизлар қатл қилинаётган яҳудийларга мотам тутган немис қизларини кўрмайсиз...

— Фашистлар қатл қилаётган,— қўшиб қўйди Вайс.

— Келинлар, яхшиси ичайлик,— шаштидан туриб, таклиф қилди Генрих ва қадаҳларга вино қуя туриб, ташвишли бир оҳангда деди:— Отангнинг бетоб бўлиб қолганлигидан жуда хафаман, Берта. Аммо унга катта бир илтимосим бор эди, виждонли одам сифатида у буни рад қилмайди, деб ўйлайман. Шу боисдан илтимосимни сенга айтиб қўя қоламан. Уйингизда отамнинг ишига алоқадор айрим қоғозлар бор. Уларни менга қайтариб беришларини сўрайман, иложи бўлса шу бугуноқ.

— Аммо отанг мен билан эмас, отам билан бирга ишлашган. Дадамнинг ўзи айтмаса, қайси қоғозлар сенинг отангникилигини мен қайдан биламан?

— Бу... Функнинг маслаҳатими?— сўради Вайс Генрихдан.

Генрих тил ямлаб қолди. У ёлғон сўзламасди. Гапни четга бурди:

— Отамга тегишли бўлган нарсалар менга ворис сифатида қайтарилишини талаб қилишим мумкин эмасми?

— Менимча, буни кўпроқ Функ талаб қилаётганга ўхшайди,— деди Вайс.

Генрих Иоганнга еб юборгудай бўлиб қаради, аммо у бунга парво қилмай. тушунтирди:

— Крейслейтер жаноблари бу ерлик немисларнинг барча ишлари билан маълум даражада шуғулланиши керак — бу табиий. Хоҳласанг,— дея таклиф қилди у сўнгра,— мен фрейлейн Бертага қоғозларни аниқлашда ёрдам бераман. Чунки отаингнинг хатини яхши танийман, бундан ташқари, у киши менга майда-чуйда чизма ишларни ҳам топшириб турардилар.

— Майли,— рози бўлди Генрих.

Берта енгил нафас олди.

— Иоганн менга ёрдам берса янаям яхши.

Шу пайт телефон жиринглаб қолди. Вайс трубкани олиб, Генрихга узатар экан деди:

— Профессор Гольдблат.

— Ҳа,— деди Генрих,— қулоғим сизда. Ҳа, ворисликнинг бутун ишлари юзасидан хабардор бўлиб турнш учун крейслейтерга мен розилик бергандим. Иўғ-э, қулоқ солинг... Қулоқ солсангиз-чи, менинг гапимга!..— У талмовсираган ҳолда меҳмонлар томон ўгирилди.

Бертанинг ранги ўчиб, ўрнидан турди. Вайс эса янгигина ботинкасига тикилганича оҳнста деди:

— Назаримда, марҳум жаноб Шварцкопф Функции сира ёқтирмасди, шу сабабдан ўз ишлари ҳақида бу кишининг қайғуриб юрганлигини билса, ҳайратга тушган бўларди.

Берта титраб, қалтироқ овоз билан деди:

— Мен жуда ачинаман, Генрих. Жуда. Мен боришим керак.— Шундан сўнг қиз совуққина бош силкиб, чиқиб кетди.

— Кузатиб қўй,— илтимос қилди Генрих.

Вайс Бертанинг ортидан чиқди. Қиз индамай, тез-тез одим ташлаб борарди.

— Унга бир нарса бўлганми?— Вайсга қарамай сўради у.

Вайс елкасини қисди.

— Ҳозир уни Рудольф Шварцкопф ёқтирмайдиган одамлар ўраб олган.

— Аммо дарров шунчалик ўзгариб кетиш мумкин эмасдир, ахир.

— Сиз уни севадизми?

— Ҳа, Генрих менга ёқади. Лекин мен унга ҳеч қачон ошиқи беқарор бўлган эмасман.

— У-чи?

— Сиз уни мендан кўра яхшироқ биласиз. Кечирасиз, мен таксига тушмасам бўлмайди. Уйда тинтув кетаётганлигига аминман. У ерда немис уюшмасидан келган аллақанақа одамлар бор. Бу отамга ўлган устига чиқиб тепгандай бўлиши мумкин.

— Тезлик билан ҳукумат одамларига хабар қилсангиз бўлмасмикин? Жуда бўлмаганда, гувоҳликка ўтишармиди?

— Мана, сиз гувоҳ бўла қоласиз.

— Бўлмайди,— шошилиб деди Вайс,— крейслейтер жаноблари менинг бу ердан жўнаб кетишимга тўсқинлик қилишлари мумкин, иннайкайин...

— Сиз ҳам анавиларга ўхшаб кетяпсиз, Вайс. Сиздан ҳам кўнглим қолди. Мени холи қўйишингизни сўрайман.— Шундан сўнг Берта кўчанинг нариги бетига ўтиб кетди.

Вайс Шварцкопф ёнига қайтди.

Генрих сўради:

— Хўш?

— У сендан буни кутмаган экан.

— Унинг нима деб ўйлаётганини эмас, мен ҳақимда сен нима дейсан деб сўраяпман.

Вайс креслога ўрнашиб ўтириб олди, сўнг тамаки тутатиб, леди:

— Сен ишнинг кўзини билмабсан. Агар отангнинг қоғозлари ҳақиқатан ҳам қимматли бўлса, уларни профессордан ўзинг бориб олишинг керак эди. Германияга олиб кетиб, у ерда биронта фирмага сотардинг.

— Ҳа-ҳў! Сен жуда режали фикр қиладиган бўлиб қолибсан-ку. Мен ўзимни пасткаш бир одамдай тутганимга эса диққат ҳам қилмайсан.

— Мен айтдим-ку, сен Функнинг йўл-йўриғи билан иш тутибсан, отанг эса, уни ҳатто назарига ҳам илмасди. Бўлган гап шу. Бундан ташқари, сен Берта билан гаплашгандай қилиб сўзлашишга мен ҳали ўзимда олий ирқ ҳисси етарли эмас, деб ўйлайман.

— Сен жуҳудларни яхши кўрасанми?

— Бертани мен эмас, сен яхши кўрасан.

— У тўғрида ана истеъдод, ана шуҳрат, деган гапларни эшитиш жонимга тегди! Мен бўлсам...

— Нима?

— Оддий, хашаки одамман.

— Бўлмаган гап. Агар сен отангнинг изидан борсанг, ҳаётда ҳақиқий ўрнингни топасан. Бу ишда сенга профессор Гольдблатнинг ёрдами тегиши мумкин эди.

— Қандай қилиб?

— Бу тўғрида сенга Вилли амакинг ҳеч нарса демәдими?

— Тўғри, у ёзган эди... агар Гольдблат Германияга кетишга рози бўлса, унга нуфузли яҳудий деган унвон беришар экан ва у хавф-хатарсиз бемалол ўз ишини давом эттиравериши мумкин бўларкан. Лекин отамнинг бошчилигида.

— Демак, профессорнинг қизи билан уришиб қолганингни эшитиб, амакинг хафа бўладиган бўлибди-да.

— Унинг нима иши бор?

— Нега иши бўлмасин. Сен қизини йўлдан уриб, фойдали бир одамнинг Германияга боришига кўмаклашган бўлардинг. Шунда ўз жиянининг бу ишдан Вилли амакининг ҳам боши осмонга старди.

— Нима, мени чиндан ҳам аблаҳ деб ўйлайсанми?

— Қўй-е, нега энди? Рейхга қимматбаҳо яҳудий керак экан, демакки, рейх маъқуллайдиган ишни қилиш керак.

— Сен қандайдир ўзгариб қолдинг, Иоганн. Бунинг сабаби нима?

— Сен ҳам. Балки икковимиз ҳам нациларга ўхшаб фикр қила бошлаганимиздан шундай туюлаётгандир.

— Аммо ҳозир айтган гапларинг ифлос гаплар.

Вайс елкасини қисди.

Генрих ўйга толди. Кейин сўради:

— Демак, сен менга бу ердан кетмасликни ва профессор Гольдблатнинг куёви бўлмаган тақдирда ҳам, шогирди бўлишни маслаҳат берасанми?

— Сенга Функ бу ҳақда нима деди?

— У бу ердан иложи борича тезроқ жўнашга қистаяпти.

— Шунақа экан, сенга бир илтимосим бор: мени ўзинг билан бирга олиб кетишингни Функка айтиб қўй.

— Бошқача бўлиши ҳам мумкин эмас. Қандай тўсиқлар бўлиши мумкин?

— Аммо унга албатта айтиб қўйгин-да.

— Сенсиз бу ердан кетмайман,— деди қатъий Генрих,— сен ҳозир

менинг бирдан-бир яқин одамимсан.— У жилмайиб қўйиб, давом этди:— Қизиқ, танишганимизга атиги бир неча ой бўлди-ю, сен менга энг яқин, ажойиб дўстимдай бўлиб қолдинг.

— Раҳмат, Генрих,— деди Иоганн.

Генрих Вайснинг қўлини сиқди-да, бир оз пайсалланиб тургач, уни қучоқлади...

Иоганн Вайс эрта билан ҳар доимгидай минутини минутига тўғри-лаб, машинани эшикка рўпара қилиб турди.

Функ гаванга қараб юришни буюрди.

Охирги муҳожирлар темир йўл билан жўнашлари керак эди. Шунга қарамасдан, Функ ўзига олдин берилган рухсатномадан фойдаланиб, ҳар куни Рига портига борар, кема тўхтайдиган жойларни кезиб чиқар ва Вайсдан ўзини порт иншоотлари олдида суратга олишни сўраб эди.

Уриндиққа ёнбошлаб олгач, Функ маъқуллаб деди:

— Саранжомлик ва пухталиқ — немиснинг ўзига хос фазилати. Сен кеча кечқурун Генрих Шварцкопфнинг олдида бордингми?

— Бордим, крейслейтер жаноблари.

— Яна ким борди?

— Профессорнинг қизи.

— Вақтни яхши ўтказдингларми?

— Берта билан Генрих уришиб қолишди.

— Сабаб?

— Генрих ирқий устунлигини унга намоён қилди.

— Болакай ўсяпти. Профессор қўнғироқ қилганда ўша ердани-динг?

— Ҳа, крейслейтер жаноблари.

— Профессор билан гаплашгандан кейин Генрихнинг таъби тирриқ бўлгандир?

— Йўқ, крейслейтер жаноблари, мен бунга пайқганим йўқ. Аммо у қаттиқ ҳаяжонланди.

— Нега?

— Тахминимни айтсам бўладими?

Функ бош ирғади.

— Рудольф Шварцкопф профессорнинг бошчилигида ишларди. Шундай экан, Генрих Шварцкопф отамнинг профессор билан биргаликда қилган муҳим ишларни рейх учун йўқолиб кетмасин, деб ўйлаган бўлиши мумкин.

— Генрих кўз ўнгимизда ўсиб борапти,— маъқуллади Функ.— Аммо бу фақат унинггина эмас, бизни ҳам ташвишлантиряпти. Бироқ Гольдблатнинг қизи уйга Совет ҳокимиятининг вакиллари бўлмиш латишларни бошлаб келди, улар қоғозларни олишга ижозат беришмади. Биз норозилик билдириб ўз консулимизга мурожаат қилдик.

— Консул, албатта, Шварцкопфнинг ҳамма қоғозлари ворисга қайтариб берилишини талаб қилади.

— Ҳа, албатта. Аммо биз отасига бутунлай тегишли бўлмаган нарсаларни ҳам Генрихга қайтариб берилишини кўзда тутган эдик.

— Энди бунинг иложи йўқми?

— Биз,— деди хўрсиниб Функ,— бу имкониятдан маҳрум бўлганга ўхшаймиз.— У ўз шоферига назар солди.— Сен менга Генрих тўғрисида ҳозир гапирганингдай бор гапларни айтиб бероласанми?

— Жоним билан, крейслейтер жаноблари.

— Гарчи ўзинг ястамасанг-да, бундан кейин ҳам, шундай қилишнинг керак.— У жим бўлиб қолди.— Сен Генрих билан бирга Германияга жўнайсан. Биз шунга қарор қилдик. Маъқулми?

— Ҳа, крейслейтер жаноблари. Мен Генрихга ишониб кетяпман, унинг амакиси нчки қисмларга жойлашиб олишимга ёрдам бериши мумкин. Одамнинг дарров фронтга жўнаб кетгиси келмайди.

Функ илжайди:

— Мен билан очиқчасига гаплашяпсан. Бу ишинг маъқул! Бўлмаса, нега сен Генрих билан бунчалик тотувсан деб тушунолмай юрардим. Бу одамда шубҳа уйғотарди.

Функ гаванда порт ишчилари билан саломлашаркан, муштумини юқорн кўтариб:

— Рот фронт!— деди.

Аммо ҳеч ким унга жавоб бермади. Риганинг порт ишчилари Функининг қандай одам эканлигини яхши билишарди.

Латвияда яшовчи ўи мипгларча немисларнинг бошқарув органилари: «Дойч-балтише фольксгемейншафт»—«Нсмис-болтиқ халқ уюшмаси» бор эди. Бу уюшманинг статистика, маориф, спорт, қишлоқ хўжалиги ва бошқа шунга ўхшаш бўлимлари бор эди.

Статистика бўлими барча немисларни турар жойига қараб рўйхатдан ўтказарди. Шу мақсадда мамлакат «Дойч-балтише нахбаршафтен» деган районларга бўлинган эди.

Фермер немислар сийрак жойлашган чекка жойларда бир нахбаршафт областга, Рига, Либаве сингари шаҳарларда эса районга тўғри келарди. Район бошлиғи нахбарнфюрер деб аталарди. Веш-олтита район бир бўлиб — зона, яъни крейсни ташкил этар, бунинг бошида крейслейтер турарди. Кимда-ким ташкилотга аъзо бўлса, аъзолик ҳақини тўлаши керак эди. 1939 йилнинг сентябрида ватанларига қайтишни вистаган немисларнинг кўчиши бошланган чоғда, Немис-болтиқ халқ уюшмаси бу ишга раҳбарлик қилишни ўз зиммасига олди. Кўчиш режаси ишлаб чиқилди. Ҳар бир зонага кетиш кунн ва соати белгилаб берилди.

Жўнашдан бир неча кун илгари кўчувчилар қошига дурадгорлар юборилар, буюм жойланадиган материаллар келтириларди. Мебелдан тортиб, бор анжомлар яшиқларга жойланиб, машиналарда гаванга олиб бориларди.

Пароходлар Германияники эди. Пассажир кемаларини «Крафт дурх фрейде»—«Шодлик оша куч сари» жамиятига тегишли немис туристик компанияси берган эди.

Белгиланган соатда кўчувчилар автобусларда гаванга келишар ва Данциг, Штеттин, Гамбург сингари шаҳарларга йўл олувчи пароходларга ўтиришарди.

1940 йилнинг ёзига келиб кўчиш асосан тугалланди — Латвияда озгинагина немислар қолишди. Булар — асосан яҳудий аёлларга уйланган ва сиёсий сабабларга кўра Германияда туришни хоҳламаган кишилар эди. Шу билан бирга сиёсий сабабларга кўра Германияга кетишни орзу қилган латишлар ҳам топилди, улар жуда катта пора бериб, Немис-болтиқ халқ уюшмасига аъзо бўлиб киришга муваффақ бўлдилар.

Совет тергов органилари уюшманинг фаолиятини ўрганишар экан, айрим немислар — национал-социалистик партиясининг яширин аъзолари нима учундир биринчи бўлиб кетувчилар билан бирга жўнамаганликларини аниқладилар. Узларининг Латвияда бундан кейин қолишлари жуда ҳам кўзга ташланиб турмасин деб, улар қонуннинг чизган

чиғидан чиқмайдиган, тезроқ жўнаб кетишга шопилган немисларни атай ушлаб турардилар.

Аммо бир қанча немислар жосуслик қилиб қўлга тушганларидан сўнг, Берлиндан жамоа крейслейтерларига кўчишни тезроқ тугаллаш тўғрисида кўрсатма келди. Социалистик Латвия ҳукуматида буларнинг хатти-ҳаракатига нисбатан туғилган асосли шубҳа устига бундан кейин ҳам кўпроқ шубҳа уйғотмаслик учун Берлин ўзининг очиқ айғоқчиларини олиб кетиш мақсадга мувофиқроқ бўлади деб топди шекилли.

Аммо шу пайт ҳалиги қонунга хилоф иш қилмайдиган немисларнинг, — булар орасида Рудольф Шварцкопф ҳам бор эди, — кичикроқ бир қисми Латвияда қолишга қарор қилди. Уюшма бошлиқлари айғоқчиларнинг фош бўлишига йўл қўйганликлари учун рейхдан роса адабларини ейишларини билишар эди. Энди бўлса устига устак, бир қанча немислар юртларига қайтишдан воз кечиб ўтирибдилар!

Террордан мақсад бўйсунмаганнинг жазосини бериш, иккиланиб юрганларни эса огоҳлантириш эди.

Тергов органларининг ходимлари буни яхши тушунишарди. Аммо тахмин этилган жиноятчиларни қўлга олишнинг ҳозирда имконияти йўқ эди. Икки давлатнинг ўзаро битимига мувофиқ немис аҳолиси Латвиядан ҳеч бир тўсиқсиз чиқиб кетиши керак эди. Битимни бузиш дипломатик чигалликлар туғдирарди. Функ ва унинг яқин ёрдамчиларига қарши эса ҳозирча бевосита ҳеч қандай далил — асос йўқ эди.

3

Иоганн Вайс устахонадаги фанер билан ўраб қўйилган ўз ҳужрасига қайтганда, бу ерда юкларни олиб кетиш учун ёрдамчи ишчи билан бирга келган нахбарнфюрер Папкени кўрди. Вайс жилмайиб саломлашди ва илтифоти учун Папкега ташаккур айтди.

Пол устида китоблар уюлиб ётар, уларнинг ичида бетларига қоғозлар қўйиб ташланган Гитлернинг «Майн кампф» китоби ҳам бор эди.

Папке семиз қўллари билан китобни оларкап, деди:

— Бу елканда қўнқайиб турган каллангнинг дурустгина ишлашига кўркам далолатдир. Бироқ немисга бутун ҳаёти давмида ҳамроҳ бўлиши лозим бўлган яна бир китоб бор. Негадир уни кўрмаётибман.

Вайс тўшагнинг остидан Инжилни олди-да, уни индамай Папкега узатди.

Папке китобни варақлаб кўриб, деди:

— Бироқ бу муборак китобни ҳам зеҳн солиб ўқиганинг билинмаётибди.

Вайс елкасини қисди:

— Маъзур тутинг, нахбарнфюрер жаноблари, аммо биз немис ёшлария учун Муборак китоб қандай табаррук бўлса, фюрернинг таълимоти ҳам шунчалик табаррукдир. Ёки сиз буни маъқул топмайсизми?

Папке қовоғни солди.

— Сен буни чегарадан ўтишинг ҳамон, биринчи учраган гестапо-чига етказиш ниятидасан шекилли?

Ригадаги барча немисларга, шу жумладан, Вайсга ҳам нахбарнфюрер Папке гестапонинг эски ходимларидан эканлиги маълум эса-да, (Папкенинг ўзи ҳам буни яширмасди), Иоганн хафа бўлгандай эътироз билдирди:

— Папке жаноблари, сиз гестапо ҳақида менда ғалати тасаввур туғдирмоқчи бўлиб бскор уриняпсиз. Бироқ, мабодо, рейхга бирон-бир фойда келтиргудай хизматга лойиқ деб топсалар, мен бу юксак ишонч-ни қўлимдан келганча оқлашга ҳаракат қиламан.

Папке паришон тингларди. Кейин гўё бу гапларнинг ўзига ҳеч бир қизиғи йўқдай, бепарвогина сўради:

— Айтмоқчи, Генрих Шварцкопфнинг ишлари қалай? Отасининг барча қоғозларини ололдими?

— Сиз Шварцкопфнинг шахсан ўзига тегишли бўлган қоғозларни сўраяпсизми, ё умуман ҳамма қоғозларними? Профессор Гольдблатдан олиш мумкин бўлган барча қоғозларними демоқчиман,— қайтарди у атай.

— Шунга ўхшашроқ,— деди Папке.

Вайс хўрсиниб, қўлларини ёзди.

— Афсуски, бунда юридик қийинчиликлар рўй берган — Генрихдан шундай деб эшитдим.

— Энди у нима қилмоқчи?

— Менимча, ҳозир Генрих амакиси Вилли Шварцкопф билан тезроқ кўришишни ўйляпти. Бошқа ҳеч нарсага қизиқмай қўйган.

— Яхши бўлмабди,— норози бош чайқади Папке.— Яхши бўлмабди!— Яна қўшиб қўйди:— Афсуски, биз унга қаттиқроқ гап айтолмай-миз. Амакиси билан ҳисоблашишга тўғри келади.

Вайс иккиланиброқ деди:

— Менимча, штурмбанфюрер аввал Генрих бу ерда қола қолсин деган ниятда эди.

— Нега?

Вайс кулимсиради.

— Рейхга бирон жиҳатдан фойда келтириш учун бўлса керак-да.

— Бўлмаган гап, бунақа ишга Генрихнинг бутунлай уқуви йўқ,— жаҳли чиқиб тўнғиллади Папке.— Бунақа ишларга уддабурон кишилар тайинланганлиги менга маълум.— Кейин хафа бўлиб деди:— Наҳотки, биз танлаган одамлардан штурмбанфюрернинг кўнгли тўлмаган бўлса?

— Бундан хабарим йўқ,— деди Вайс ва муғамбирона сўради:— Сиз танлаган одамлар ҳақида Вилли Шварцкопф қандай фикрда эканлигини Генрих билиб бермасмикин?— Сўнг шошиб фикрини ойдинлаштирди:— Мен буни Функ жаноблари Генрихга қандай таъсир ўтказётганлигини билганим учун айтяпман. Ўзингиз биласизки, Функ сизни кўпда ёқтиравермайди, агар бошингизга бирон фалокат тушса, бундан у куйиниб юради, деб ўйламанг.

— Биламан,— қоғонини солиб деди Папке, кейин кутилмаганда жилмайиб, очиқ юз билан сўзлади:— Мана кўряпсизми, болакай, биз ҳали рейхга борганимизча йўқ, рейх олдидаги ўз бурчимизни адо этиб ҳам улгурмадик, аммо ҳалитдан бир-биримизнинг пайимизни қирқиб ҳаракатига тушиб қолганмиз. Яна нимага дегин? Ҳамма, ҳатто баъзи бир тиши лиқиллаб қолганлар ҳам, иложи борича каттароқ луқмани жиғилдонига уришни хаёл қилади.— Папкенинг чеҳраси янада майинлашди.— Тўғрсини айтсам, бошда мен сени ёқтирмай юрардим. Бунга айрим сабаблар бор эди. Аммо ҳозирги гапларнинг билан кўнглимдаги шубҳаларни тарқатиб юбординг.

— Жуда чатоқ бўлибди-да, нахбарнфюрер жаноблари.

— Нега энди?

— Сизнинг ишончингизни нега аввалроқ қозонмадим, деб ачиняпман.

— Ўзингдан кўр.

— Ахир, Папке жаноблари, менинг гуноҳим нима ўзи?

— Жўнашга қарор қилгунингча узоқ иккиланиб юрдиг.

— Аммо, Папке жаноблари, мен Рудольф Шварцкопфнинг қўлида ишлаб топадиган пулимни йўқотгим келмай юрган эдим. Ҳақни эса у жуда яхши тўларди.

— Тўғри, сенинг Шварцкопф билан қилган ҳисоб-китобингни текшириб кўрдик. Уникида дурустгина пул ишларкансан. Шундан сўнг нима сабабдан жўнаш-жўнамаслик масаласини Шварцкопфларга боғлаб қўйганлигинг бизга аён бўлди.

— Мен дурустроқ ишлаб олмоқчи эдим. Ўз юртимизга борганда гадо бўлиб юраманми?

Папке кўзларини қисди:

— Биз омонат пули дафтарчангни текшириб кўрдик. Кетишга ариза бермасингдан олдин ҳамма пулиниги кассадан олган экансан. Йиққан пулиниги ҳам тўғри харжлабсан. Буниси ҳам менга маълум. Сен режали одамсан. Бу ишинг яхши. Мен суҳбатимизнинг фойдали бўлганидан хурсандман. Аммо кетиладиган кунн сен билан айрим нарсалар ҳақида яна сўзлашиб олсак ажаб эмас.

— Хизматингизга тайёрман, нахбарнфюрер жаноблари.— Вайс ботинкаларини бир-бирига уриб таъзим қилди.

Папке ҳалиги тунд башара, ҳарбийлиги аниқ кўриниб турган юк жойловчи одам ҳайлаб келган мотоциклнинг коляскасига тушиб жўнаб кетди.

Вайс каравотга ҳорғин ўтирди-да, нахбарнфюрерни устахона дарвозасига қадар кузатиб қўйгунча юзидан аримаган ялтоқи, нтоаткорона ифодани сидириб ташламоқчи бўлгандай кафтлари билан бетини ишқади. Кафтларини олганда, унинг юзида бениҳоя ҳорғинлик, маъюслик акс этиб турар, унга ташвиш-тахликанинг уқубати соя солгандай эди.

Шундан сўнг Вайс уюлиб ётган китобларни («Майн кампф» ва Инжил шулар орасида эди) оёғи билан нохуш пари суриб, тахта столча ёнига ўтирди. Ҳужра иссиқ бўлишига қарамай, унинг устида турган плиткани ёқди. Шу пайт устахона томондан оёқ товушлари эшитилди. Вайс ўрнидан тезгина туриб, устахонага чиқди. Бу ерда уни қора ёмғирбоп плаш кийган, ёши хийла ўтиб қолган киши — велосипедини яқинда ремонтга берган киши кутиб турарди.

Вайс машина эртага тахт бўлишини айтди.

Аммо ҳалиги одам кетавермади. У Иоганига диққат билан назар солар экан, деди:

— Мен сизнинг отангизни танирдим, у киши медикмиди?

— Ҳа, фельдшер эди.

— Ҳозир қаерда?

— Ўлган.

— Анча бўлдимми?

— 1926 йилда.

— Уни қаерга дафн қилишган?

— У терлама билан оғриб ўлди. Госпиталда эпидемиянинг олдини олиш учун ўлганларни ёқишар эди.

— Аммо ҳар ҳолда отангизни салча бўлса ҳам эсласангиз керак?

— Ҳа, албатта.

— Мен уни яхши танирдим,— деди ҳалиги одам ўйчанлик билан.— У ўлгидай кашанда эди. Фақат, у нима чекарди, трубками, ё сигара шуниси хаёлимдан кўтарилибди.— Кейин сўради:— Отангиз нима чекарди, менга айтиб беролмайсанми?

Иоганн фельдшер Вайснинг ўзи кўрган ҳамма суратларини эслашга ҳаракат қилганча, сўз тополмай гангиб қолди.— Суратларни биронта-

сида ҳам унинг на трубка ва на сигара тутатган ҳолда тушганини эслай олмади.

Ҳалиги одам жиддий туриб деди:

— Ҳа, эсладим: у каттакон трубка чекарди. Уйингизда осиб қўйилган оилавий суратга у ана шу трубка билан тушган эди.

— Сиз янглишяпсиз, отам медик эди ва у доимо менга чекиш соғлиққа эиён етказидади, деб уқтирарди,— кескиилнк билан жавоб қайтарди Вайс.

— Чамамда, сиз ҳақ кўринасиз,— унинг гапига қўшилди ҳалиги одам.— Кечирасиз. Демак, эртагача.

Вайс уни эшиккача кузатиб қўйди, устахонани ёпиб кўчага чиқди. Қош қорайган, шивалаб ёғаётган ёмғир қоронғида кўзга чалинмасди. У порт тарафга қараб кетди, лекин унга етмасдан ён кўчага бурилди-да, ифлос зиналардан тушиб, подвалда жойлашган «Марина» пивохо-насига кирди.

Мўъжазроқ столга бориб ўтиргач, кельнердан қора пиво, картошка салат, карам қўшиб пиширилган чўчка гўшти сўради.

Портда ишлайдиган латишлардан уч йигит келиб Вайснинг ёнидаги бўш жойларни эгаллашди. Улар хийлагина кайф қилишган эди, шунга қарамай, яна ароқ ва пиво сўрашди. Улар Вайсга сира эътибор бермай, ўзларини ниҳоятда ҳаяжонга солган масала устида баҳслашишни давом эттирмакда эдилар.

Гап Совет Иттифоқи билан Германия ўртасида тузилган сулҳ шартномаси устида борарди. Совет қўшинлари ҳозир янги чегарада турган бўлса ҳам,— дейишарди ишчилар,— мабодо, Гитлер Сталинни алдайдиган бўлса, Қизил Армияга ёрдам бериш учун Латвия ишчиларидан кўн-гилли қисмлар тузиб қўйиш лозим. Ишчилар Гитлернинг Латвияга ҳужум қилиши турган гапдай баҳслашишар, гарчи, латишларнинг ҳаммаси ҳали Совет ҳокимияти томонида бўлмаса-да, лекин уларнинг кўпчилиги немисларга қарши жанг қилади, чунки буржуазия Латвиясида немислар гўё ўз мустамлакаларидан юргандай тутиб, одамларнинг жонига теккан дейишарди. Биргина шунинг ўзи учуноқ, немислар томонидан узоқ йиллар мобайнида душманчилик, босқинчиликдан бошқа нарса кўрмай келган халқни қуроллантирса ёмон бўлмасди. Қотмагина, мўйна куртка кийган, пакана бир латиш бошқа ўртоқларига аввало, ҳатто партия сафларида ҳам текшириш ўтказиб, Ульманиснинг фашист ҳукумати даврида иккиланиб юрганларни аниқлаб, уларни партиядан ўчириш керак, деб эътироз билдирарди. Ҳаммани, шу жумладан, ишчиларни ҳам текширишдан ўтказмагунча, кимга ишониб, кимга ишонмаслик кераклигини билиб бўлмайди, дерди у.

Мўйна куртка кийган латиш ўзига ҳамфикр ахтараркан, кўзи Вайсга тушиб, сўради:

— Менга қара, йигит, бу хусусда сен нима деб ўйлайсан?

Вайс пайсалланиб турди, кейин унинг жавобини жон деб эшитишви кутган ишчиларнинг кўзига бақрайиб туриб, сурбетлик билан дона-дона қилиб деди:

— Гапларинг тўғри,— дея мўйна куртка кийган латиш томонга бош силкиди у.— Ишчи синфига ишониб бўлармиди? Аввал уни текшириш керак. Аммо сиз, латишлар, бир-бирларингни текшириб бўлгунларингча, биз, немислар келиб, бу ерда ўзимизнинг янги тартибларимизни ўрнатиб қўямиз.

Шундай деди-ю, стол устига пул қўйиб, ўрнидан турди-да, эшннка томон юрди.

Мўйна куртка кийган киши дўппослайман деб, Вайсга томон ташланган эди, ўртоқлари ушлаб қолишди. Улардан бири деди:

— У сени тўғри тушунди, сен айтган гаплар бизга эмас, немисларга қўл келар экан. Буни қара-я, анави немис, афтидан, гитлерчига ўхшайди, сенинг фикрингни рад этмай туриб, сени эмас, сенга қарши бизнинг ёнимизни олди.

Пивохоиадан чиқиб, Вайс гаванга қараб кетди. Емғир авж олган эди. Кимдир асфальт йўлда яланг оёқ чилп-чилп қилиб юргандай овоз эшитиларди. Кема тўхтайдиган жойларнинг бетон тўсинларига денгиз суви гувиллаб уриларди. Алифланган дагал сариқ зўйдвестка кийган балиқчилар бензин билан ёнаётган чироқлар ёруғида тутилган балиқларни каттакоп ясси саватларга ағдарардилар. Бу ерда қўш отли арваларда келган олибсотарлар уймаллашиб юришарди. Вайс турли-туман юклар жойланган тим тагнга кириб ёмғирдап беркинди.

Унинг ёнига эскигина тиролча шляпа кийган, миқти бир одам келди, одоб билан ярғоқ бошидан шляпасини кўтарди ва соат неча бўлди, деб сўради. Вайс соатига қарамай жавоб берди:

— Етти минути кам.

Ҳалиги одам ҳам соатига қарамасдан, негадир, ҳайрон қолди:

— Буни қаранг-а, меникида ҳам роппа-роса ўзи!— Кейин Вайсни қўлтўқлаб, бу ердан нарироққа олиб кетаркап, шикоят қилди:— Гриппни қўзғайдиган кун бўляпти. Мен бундай кунларда касалнинг олдини олиш учун кальцекс ичиб тураман. Мени Бруно деб атайверинг.— Вайсга кўз қирини ташлади.— Сизнинг хизматингизга тайёрман.— Қатъий деди:— Афтидан, сизга менинг марҳума қизим билан таниш эканлигингизни, унинг кетидан юрганлигингизни эслатиб ўтиришнинг ҳожати бўлмаса керак, мен ҳам сизни куёв деб аташга рози эдим, аммо шаҳар бошқармасидан мени ножўя ишларим учун ҳайдашганидан сўнг...

— Мени яна бир сиповдан ўтказмоқчимсиз дейман?— ёғиниб сўради Вайс.— Биттасидан ўтгандим шекилли.

— Ундай эмас!— эътироз билдирди Бруно. Аммо яна ўз сўзига ўзи қарши чиқиб, деди:— Дарвоқе, шундай бўлса нима қилибди? Сиз бундан ранжияпсизми? Мен бўлсам сира ранжимаيمان.— Кейин сўради:— Конфет берайми? Ширинлик асабларга жуда яхши таъсир кўрсатади.

Вайс қовоғини солиб сўради:

— Рудольф Шварцкопфнинг архиви нима бўлди?

Бруно кўзини ерга тикди ва саволга жавоб бермай, қизиқсиниб сўради:

— Сиз фаоллик қиламан деб кўрсатмадан четга чиқиб кетмаяпсизмики?— Кўзини ердан узиб, паға-паға бўлиб сузиб бораётган булутларга ноҳуш тикилди у. Сўнг зерикари қилиб деди:— Сизнинг ўрнингизда бўлганимда, Шварцкопфнинг ҳужжатлари билан танишиб чиқишга бунчалик шошилмаган бўлардим. Функ жанобларига бу ёқмаслиги мумкин. Сиз кўрсатмани буздингиз. Мен бунга расмий суратда қайд қилиб қўйишга мажбурман.

— Мен ўйловдимки...— ўзини оқламоқчи бўлди Вайс.

— Ҳаммаси тушунарли, азизим, нима деб ўйлаганингизни биланман,— оқ кўнгиллик билан унинг гапини бўлди Бруно,— сиз Генрих воситасида Вилли Шварцкопфдан айғоқчилар рўйхатини аниқлашни Папкега таклиф қилганингизда деярли тўғри йўл таялаган эдингиз. Папке — қип-қизил аҳмоқ, сиз бунга тўғри тушунгансиз. Бироқ унинг аҳмоқлигини ҳамма нарсдан шубҳаланиб юриши босиб кетди. Унинг сиз назардан қочирган кучли томони шу. Сиз яна Папке — ҳашаки гестапочи эканлигини, ҳалигиндақа муҳим рўйхатдан эса фақат гестапонинг йирик арбобигина хабардор бўлиши мумкинлигини назардан қочиргансиз. Папке ҳам, Функ ҳам бундай рўйхатнинг ҳатто яқинига йўлатилмайди. Бошқача бир одамлар бор, ҳа, тамомила бошқача...—

Бруно Вайсга қараб меҳрибонлик билан жилмайди.— Аммо сиз хафа бўлиб юрманг. Мен сиздан тажрибам ва унвоим билангина эмас, ёш жиҳатдан каттаман.— Бир оз сукут қилгач, қўшиб қўйди:— Амин бўлингки, бизнинг фаолиятимиздаги энг мураккаб нарса бу бир мақсадга интилиб, унга олишмай амал қилишдир. Яна шуни ҳам унутмангки, сизга йўл кўрсатиб турган одамлар, ҳали хаёлингизга ҳам келмаган жуда кўп ҳоллардан етарли хабардордирлар. Асосий мақсадга етиш учун кўпинча шу йўлда дуч келган, майли, ҳатто гоёат қимматли бўлсин, баъзи бир бошқа нарсалардан воз кечиш керак бўлади. Гапларим тушунарлими?

— Шундоқ,— қўшилишди Вайс.— Жоиз гап айтдингиз, мен бош-кечига қарамай иш тутиб, кўрсатмани бузибман, ҳайфсангингизни қабул қиламан.

— Қўйинг-е!— кулимсиради Бруно.— Иш ҳайфсангача бориб тақаладиган бўлса, одам четга чиқиб, унинг ўрнига бошқаси келади. Мен шунчаки, тажриба алмашув тариқасида дўстона маслаҳатларимни айтдим.— Кейин эснаб, шикоят қилди:— Биласизми, мен парҳезда юрган одамман, бу ерда эса қандайдир кучли овқат еб қўйибман. Мазам қочиб турибди. Чўчқа гўшти мижозимга тўғри келмайди.

— Меникнда дам олиб, дори-пори қилсангиз қандоқ бўларкин?

— Қўйинг-е, Йоганн!— таънаомуз қилиб деди Бруно.— Бир печа ойлик айрилиқдан кейин, биз вокзалда бўлажак учрашувдагина кўришамиз. Ҳа, айтмоқчи,— мамнун ҳолда деди Бруно,— мен Германияда пиёда қисмлар хизматидан озод қилинсам керак, бизнинг поликлиникамиз врачлари соғлиғимдан бу хизмат учун мутлақо яроқсиз деб топдилар. Кўнглимдагидек бўлди бу. Жуда нари борганда, фронт орқасидаги армия канцеляриясида хизматга қўйишар, бунга эса мен қаршилиқ қилмаган бўлардим. Агар сиз ўз дўстингиз Генрихга қария Бруно ҳақида бир-икки оғиз сўз айтиб қўйсангиз, жуда ажойиб бўларди.— Сўнг жилмайиб деди:— Ахир мен марҳум қизимга илакишиб юришингизга қарши бўлмовдим-ку...— маънодор қилиб таъкидлади:— Қизим Эльзанинг.

— Ҳа, Эльзанинг,— маънос қайтарди Вайс.— Унинг сочлари малла, кўзлари мовий эди, чап оёғи оқсарди — болалигида дарахтдан сакраганида лат еган экан.

— Қолипдан чиққан нусха. Аммо асл нусханинг ўзи шундай бўлгандан кейин начора?— елкасини қисди Бруно.— Кейин жиддий тусда деди:— Хўш, номаълум кишининг олдингизга боргани, отангиз ҳақида гаплашгани — машқ учун қилинганлигини фаҳмлаган бўлсангиз керак. Бугунги мана бу учрашувимиз ҳам шу жумладан.— Кейин қўл узатиб, пати осилиб қолган тиролча шляпасини кўтарди-да, мулозамат билан хайрлашди:— Яна бир карра сизга ўз ҳурматимни изҳор қилишига рухсат этгайсиз,— шундай дея у кўлмаклар узра оғир қадам ташлаб, қоронғи тунга сингиб кетди.

Тунги соат иккиларда Вайс профессор Гольдблатнинг уйи ёнидан ўтиб бораркан, бутун шаҳар қоронғига чўмган, фақат мана шу уйнинг деразаларидан биригагина чироқ ёруғи тушиб турарди. Ўша томондан роялнинг майин овози эшитиларди. Вайс профессор Гольдблат уйини ўраб турган панжара олдида тўхтади-да, тамаки тутатди.

Ажиб мунгли ва ғазабнок куй оҳанглари сукунат қўйнида янада тиниқ жаранглаб, кўчанинг рутубатли тумани узра парпираб учарди. Вайснинг хотирига бир кун Бертанинг Генрихга айтган гапи келди:

— Музыка — бу инсон ҳиссиётларининг ифодаси. Ундан фақат ҳайвонларгина бебаҳрадилар.

Генрих мийғида кулди:

— Вагнер — буюк музикант. Аммо унинг маршлари садоси остида штурмовиклар жуҳуд хонадонларининг кулини кўкка совуриш учун саф тортиб борадилар...

Бертанинг ранги ўчди, тишини тишига босиб деди:

— Циркдаги ҳайвонлар ҳам музика чалсанг ўйинга тушади.

— Сен нациларни аблаҳ одамлар деб ҳисоблайсан-да, ҳайрон бўласанки, нима сабабдан улар...

Берта унинг гапини бўлди:

— Мен улар немис миллатидан бўлган одамлар шаънига иснод келтиряптилар, деб ҳисоблайман.

— Бироқ,— қайсарлик билан эътироз билдирди Генрих,— бошқа бирон одам эмас, худди Гитлернинг ўзи Европа устида тегирмон тоши юргизяпти.

— Европа дейилганда Совет Иттифоқини ҳам назарда тутяптиларми?

— Ахир Сталин Гитлер билан сулҳ тузди-ку.

— Демак, Қизил Армия ўз тинчликсеварлигини намойиш қилиш учунгина янги чегараларга жойлашган экан-да?

— Устомонлик бу.

— Совет халқ фашистлардан ҳазар қилади!

Генрих ижирғаниб елкаларини қисди.

Берта ғурур билан деди:

— Мен совет гражданиман!

— Табриклайман!— Генрих истеҳзо билан таъзим қилди.

— Шундай,— деди Берта.— Табриклаганинг учун раҳмат. Германия ҳозир барча софдил кишилар кўнглида нафрат ва қўрқинч уйғотмоқда. Эндиликда эса менинг ўз ватаним бор, у бутун дунёдаги виждонли кишиларнинг фаҳри ва умидидир. Сенга ачинаман, Генрих. Ҳақиқий совет кишиси бўлишим учун мен ҳали анча чўққиларни эгаллашим керак. Сен бўлсанг, чинакам наци бўлиш учун яна анча тубанлашувинг керак, хонаси келганда айтиб қолай, бу йўлда дурустгина атак-чечак қиляпсан.

Ушанда Вайс Генрих билан бирга чиқиб кетишга мажбур бўлган эди. Генрих шарт ўрнидан туриб, афсус, бугун Бертанинг кайфи жойида эмас экан, деб димоғ билан эшикка қараб йўл олгандан кейин Вайс бу ерда қололмасди, албатта.

Аммо улар кўчага чиқишгач, Генрих алам билан деди:

— Нега мен ўзимни бунча пасткашликка олдим?

— Ҳа, сен ўз қилиғингга жуда тўғри баҳо бердинг.

— Лекин у менга ёқади, ахир!

— Нега унда сен юрагингдаги гапни айтиш учун бунчалар ғалати йўл тутмай, оппа-осонини қила қолмайсан?

Генрихнинг елкаси асабий ўчди.

— Ундан ўз дунёқарашимни яшириб ўтирсам, виждонсизлик бўлади, деб ўйладим.

— Ҳалиги айтган гапларингга ўзинг ҳам ишонасанми?

— Йўқ, ундай эмас,— хўрсинди Генрих.— Мени гумонлар қийнапти. Аммо айтилик, агар мен доимо Бертага бугунигдай кўринадиган бўлсам, менга бўлган муҳаббати туфайли қарашларим билан келишиб кета олармикин?

— Йўқ, келишиб кетолмайди,— пинҳона бир қувонч билан деди Вайс.— Бу гапни кўнглингдан чиқариб ташла. Сен жўнаш олдидагинга узининг керак бўлган ипларни бугун ўзиб қўя қолдинг. Мен шундай деб ўйлайман.

— Гапингда жон борга ўхшайди,— нонлож рози бўлди Генрих.— Мен дилимдаги ниманидир узиб, ундан абадий айрилаётгандайман.

Йўл бўйи улар бир огиз ҳам гаирирмади. Фақат ўз уйининг олдига келгандагина Генрих сўради:

— Сен-чи, Иоганн, сен узадиган ҳеч нарса йўқми?

Вайс бир оз жим турди-да, кейин эҳтиёткорлик билан жавоб берди:

— Биласанми, мен авваллари ўзим кўрган Генрихга эмас, эндиликда янги қиёфа касб қилган манави Генрихга таассуб қилишим керакмиди, балки. Аммо бушдай қилмайман.

— Нега?

— Мендан ранжиб қолсанг, сендек дўстимдан айрилиб қоламанми деб қўрқаман.

— Сен яхши одамсан, Иоганн,— деди Генрих.— Сендай самимий дўстим борлигидан жуда ҳам хурсандман! — у Вайснинг қўлини узоқ қисиб турди.

Ёмғир тинчай деб қолган, рутубатини силкитиб туширган осмон ёруғлашиб борар, музика эса дам сайин газабнок бир эҳтирос билан авжга чиқарди. Одамни алланечук ҳаяжонга соладиган бу куйни Иоганн авваллари Берта ижросида сира эшитмаган эди. У бу қайси куй бўлсайкин, деб эслашга уриниб кўрди, аммо хотирига келмади. Ниҳоят, Вайс панжарадан оҳиста нари юрди-да, сигарет қолдигини ерга ташлаб, устакхона сари йўл олди.

4

Тиниқ ва енгил тонг отди.

Риганинг боғлари, хиёбонлари, кўчалари дарахтларнинг бўртиб-бўртиниб турган япроқларининг ёрқин нурларига кўмилгандай эди. Уйлар патдор булутлар кўрфазга томон сузаётган мовий осмонга кўкрак тираб турардилар.

Кўчиб кетаётган немисларнинг охири тўдаси юклари билан вокзал перрониди сафга тизилган эди. Ҳаммаларининг чеҳраларида ташвиш, тобелик, кимдан чиққан бўлмасин, ишқилиб, буйруқ бўлса бўлгани — шу буйруқни сўзсиз бажаришга муштоқлик ифодаси акс этиб турарди. Улар мулойимгина илжайишар, кимга қараб илжайишаётганини эса билиб бўлмасди. Болалар ота-оналарининг қўлларидан ушлаб олишганича, уларнинг кўзларига термилиб туришади. Ота-оналар эса дам сайин хавотирланиб чамадонлари, қопчиқ-туғунлари, халта-хулталарини қайта-қайта санаб чиқишади. Бошлиқлар, буйруқлар, текшир-текширларни кутиб турган кишилар атрофга зимдан кўз солиб-солиб қўядилар. Хотинлар саквояларини қўлларидан қўймас, буларга афтидан ҳужжатлар ва қимматбаҳо буюмлари солинган эди.

Кўчманчилар шу тобда ботинмайгина, саволомуз назар солиб турган, фармонлари сўзсиз адо этиб келинган крейслейтер ва нахбарнфюрерлар бу ерда оддий кишилар сингари камсуқум туришар, улардан ҳеч бир фарқлари йўқ эди. Кетаётганлардан биронтаси юрак ютиб Немис-болтиқ халқ уюшмаси раҳбарларидан бирининг олдига гап сўраб келса, у мулойим туриб эшитар, шляпасини қўлига олар, елкасини қисар ва кўринишидан бу ерда бошлиқдан ёки бирон гапдан хабардор одамдай қилиб кўрсатишдан ўзини олиб қочар эди.

Бошқа кўчманчилар сингари крейслейтер ва нахбарнфюрерлар ҳам формални бирон латиш хизматчи пайдо бўлиши билан ялтоқланиб илжайиша бошларди.

Аммо итоатгўйлик ва мулозамат туйғуларини намойиш қилмоқ учун перронда икки-уч темир йўл хизматчисидан ўзга каттакон кўринмасди.

Поезд келди. Вагон эшикларида проводниклар кўринди, улар билет солиб қўйиладиган хилма-хил чўнтаклари бўлган кичкина клеёнка портфелларини очишди.

Лекин кўчманчилардан биронтаси ҳам ўзларига мўлжалланган учта вагондан бирига киришга журъат этмасди. Ҳаммалари қандайдир кўрсатма кутишар, аммо бундай кўрсатманинг ўзи кимдан чиқишлигини эса ҳеч қайсилари билмасдилар. Поезд кутар, вагон эшикларида ўз ўринларини ишғол қилган проводниклар кутар, йўловчилар кутишарди. Фақат ёнилғидан бўшаган бочкага ўхшаш вокзал соатининг найзадай узун мили мана шу ғалати сукунатда ўз рақамлари узра дик-дик сақсарди.

Бироқ шу ердан ўтиб кетаётган темир йўл ишчиси ҳайрон бўлиб: «Нима қилди турибсизлар, граждандар, поезд ўн беш минутдан кейин жўнайди-ку?» — деб сўраши биланоқ барча йўловчилар худди даҳшатли бўйруқ олгандай, вагонларга қараб ёпирилдилар.

Бақириб-чақиршлар, эшнқдан тиқилиб ўтаётган чамадонларнинг қасир-қусурларни эшитилди.

Уюшманинг етакчи раҳбарларидап тортиб, унинг оддий аъзоларига қадар вагонга биринчи бўлиб кириш учун баб-баравар туриб талашардилар. Бунда кимнинг кучи кўпроқ, ўзи чаққонроқ ва сурбетроқ бўлса, ўша ютар эди.

Қаттиқ вагонда кетувчиларнинг жойни биринчи бўлиб эгаллаш учун қилган бундай қилиқларини тушунса бўлар, лекин биринчи класс йўловчиларининг нега бунчалар ур-йиқит қилганларига ақл бовар қилмасди... Ахир уларнинг жойларини ҳеч ким эгаллаб олмасди-ку. Ҳолбуки, биринчи класс йўловчилари ўртасида вагонга бошқалардан олдин кириб олиш учун кураш ҳаммасидан ҳам шиддатлироқ ўтди. Аммо кўчманчилар шовқин-сурон билан ғайрат кўрсатиб вагонларга кириб олганлари ва ўзларига тегишли ҳаёт маконини ишғол қилганлари ҳамона, зум ичида учала вагонда ҳам одоб доирасидаги жимлик ўрнашди. Ҳамманинг кўнгли жойига тушди, юзларда яна фармонга мунтазир ифода жилва қилди. Проводниклар сиймосида бошлиқ топиб олган йўловчилар мунтазир бўлиб қандайдир фармон кутишар, назокат кўрсатишар, ийманиб жилмайишарди.

Улар энди вагон деразаларидан ҳамон перронга хавотирлик билан қараб туришар, ўз қудратли ҳаками билан ҳамма нарсани ўзгартиб юбора оладиган қандайдир олий кимсани кутишарди.

Мана, перронда ҳарбий форма кийган бир латиш пайдо бўлди, юзларча кўзлар унга ҳурккан, ташвишли ҳолда тикилди. У поезднинг ёнидан юриб борар экан, йўловчилар кўзларини упдан узмай ҳатто ўринларидан қўзғалиб қараб қолишарди.

Ҳарбий киши хушрўйгина сотувчи қиз ўтирган газета киоскасига борди, тирсақлари билан пештахтага ўрнашиб суяниб олди: афтидан у ўзини узоқ чўзиладиган дилкаш ва ёқимли суҳбатга чоғлаган эди.

Чўян илгакка осилган соатнинг ўймакор, нозик ишлов берилган мили жўнаш муддатини кўрсатиши биланоқ поезд ўрнидан жилди. Олис йўл босиши керак бўлган бу поезднинг бошқа йўловчилари каби кўчманчилар учун ҳам вагоннинг одатлаги икир-чикирларга тўла ҳаёт бошланди.

Фақат уларнинг ҳеч ким билан хайр-хўш қилишмагани ғалати кўрипарди. Бу учала вагон рўпарасида на вокзалда бўладиган одатдаги чоп-чоп, на шовқин-сурон, на хайр-хўш ва на қучоқ очиб узатишлар рўй

берди. Поезд жўнар экан, йўловчилар деразалардан бош суқиб қарашмас, рўмолчаларини силкитишмас, қўлларини лабларига босиб ўпич йўллаб қолишмас эди. Уларни ҳеч ким кузатиб чиқмаганди. Улар Латвиядан бутунлай жўнаб кетмоқда эдилар. Кўплар учун у ватан бўлиб қолганди, бир эмас, бир печав авлоднинг ҳаёти шу ерда кечган бўлиб, уларнинг ҳар бири мана шу ҳаётда ўз ўрни, мавқеи, мустақкам заминга эга келажагига эришганди. Биринчи жаҳон урушидан кейин бутун немис халқи бошига тушган мусибатлар Латвияда яшовчи бу немисларни четлаб ўтганди. Уларни ўз она юртлари билан унга нисбатан бўлган сентиментал муҳаббатлари ва эски немис анъаналарини ардоқлаб, уларга сўзсиз амал қилншларигина боғлаб турарди. Кўп йиллар мобайнида уларни, биз латишлар ерида она юртимизда яшаётган қардошларимиздан кўра тўқроқ, бадавлатроқ кун кечпярпмнз, деган ширин ҳаёл тарк этмади. Улар ўз тақдирлари Германияда рўй бераётган сиёсий бўроплар шиддатидан холи эканидан бахтиёр эдилар.

Немис-болтиқ халқ уюшмаси узоқ муддат оддий меҳнаткаш немислар учун маданий ташкилот бўлиб келди, улар бунда нимаики ҳақиқий немис юзини кўрсатадиган бўлса шунга кўнгил қўйиб, шунини эъзоз-икром қилиб, шундан мурод ва ҳузур-ҳаловат топдилар. Аммо сўнгги вақтларда гитлерчилар Германиясининг шарпаси уюшмага ҳам соя солди. Унинг раҳбарлари фюрер бўлиб қолдилар, булар Латвияда ўз ҳукмларини ўтказишда Германиядаги ҳамтовоқларидан қолишмайдиган ёвузлик ва риёкорлик қилдилар.

Айрим истиснолардан ташқари, гап фашистлар билан рўйи рост ва мардона кураш олиб борган, қонхўр Ульманис даврида қатл қилинган, ё бўлмаса қамоқда ётган, ёки яширин иш олиб боришга ўтганлар ҳақида кетяпти, Латвиядаги немисларнинг кўпчилиги ўз фюрерларининг сиёсий ва маънавий зўронлиги бўйинтуруғини илдилар. Улар қўлларидан бор воситаларни — бу воситалар инсон табиатига қанчалик зид келмасин, ишга солиб, ўзларининг учинчи рейхга бўлган садоқатларини изҳор қилишга ҳаракат қилардилар.

Мунофиқлик, кўрқоқлик, қўлларча итоатгўйлик руҳи фақат бу ердагина эмас, ҳатто фашистлар Германияси ўз ҳокимиятини ўрнатган Европа мамлакатларининг мазлум халқлари устидан ҳам жазавага тушиб ҳукмронлик қилиш иштиёқи уюшма аъзоларининг қон-қонига сингиб кетди; биринчи қарашда аллақачон таг-томири билан йўқолиб кетгандай кўринган, аслида яшириниб ётган тубанлик ва пасткашлик юзага қалқиб чиқди, Латвияда ўзларини ўтакетган сипо тутиб, мешчан-бюргер ахлоқ одобидан четга чиқмай юрган кишилар бундан мустасно эмасдилар.

Бу учала вагоннинг йўловчилари, зоҳиран, тартиб-тарбия кўрган дуппа-дуруст гражданлардай кўринсалар-да, уларнинг кўнгилчан табасум аримаган башараларига ташвиш-хавотир ифодаси соя солиб ётарди.

Бир хилларини она юртда аҳволимиз не кечаркин, мана бу Латвиядаги сингари тўқ-фаровон яшармикинмиз, таржимай ҳолимизда рейхнинг ишончли гражданлари бўлишимизга халақит берувчи «доғлар» йўқмикин, деган хавотир, аччиқ ўйлар қийнаса, рейх олдидаги алоҳида хизматлари етарлича тақдирланишига шўбха қилмаган бошқа бирларини чегарадан омон-эсон ўтнб оламанми-йўқми, деган фикр азобга соларди. Учунчи бировлари, бироқ бундайлар унча кўпчилик эмасди, ўзлари учун ватан, ҳаётларининг иплари чамбарчас боғланган маскан бўлиб қолган, шу вайдан айрилиғи ҳам мусибатли бўлган Латвиядан жўнаб кетаётганлари туфайли қайғуришарди.

Бироқ одатдаги мунофиқлик тағда бир-бирларидан чўчнш, келажак-

да ва ҳозирда ўзларига зиён етказиб қўймаслик учун ҳақиқий ҳис-туйғуларини иложи борича ошкор қилмасликка уриниш ётарди. Шунинг учун ҳамма йўловчиларга ўхшаб кўчманчилар ҳам ўзларини бепарво ва мустақил тутишга ҳаракат қилардилар.

...Иоганн Вайс қаттиқ вагондан жой эгаллаш учун шошилмас, у брезент саквояжнини асфальтга қўйганча ҳамроҳларига озор бермай вагонга чиқса бўладиган пайтни кутиб перронда турар эди.

Тўсатдан Папке пайдо бўлди ва Вайснинг брезент саквояжи ённга фибра чамадонини қўйди; чармдан ясалган бошқа бирини эса у қўлидан қўймасди.

Вайс билан сўрашмасдан ва атай ўзини кўриб кўрмаганга олиб турган Папке йўловчиларнинг вагонга қандай чиқаётганликларини диққат билан кузатиб турарди. У пайт пойлаб туриб бирдан Вайснинг саквояжини юлқиб олди-да, ўзини юмшоқ вагонга урди.

Папке янглишиб менинг саквояжимни олиб кетди, деб ўйлаган Вайс чамадонни кўтариб унинг орқасидан югурди. Аммо Папке унга қараб ғазаб билан қичқирди:

— Негга менга ўз чамадонингизни тикиштиряпсиз? Мен сизга ҳам-мол эмасман.

Шундан сўнг, Вайс ўз вагонига қайтишга мажбур бўлди, бу ерда у тепадаги ўрининг ишғол қилиб, Папкенинг фибра чамадонини бош томонга суриб қўйди.

Бу воқеа Вайсни мушкул аҳволга солиб қўйган эди. Бошда у Папке бу қилғиликни саквояжнинг ичидаги нарсалар билан танишиб чиқиш учун қилди, иши битгач, ҳадемай «янглишгани» учун кечирим сўраб қайтариб беради, деб ўйлаган эди. Аммо кўп ўтмай Вайсни ваҳима босиб, хавотирлана бошлади. Чегарадан ўтиш олдидан божхона хизматчилари чамадонини очиб кўришади, ана ўшанда ундан чамадон эгасининг чегарадан ўтишига монелик қилладиган бирон нарса топишлари мумкин, шундай экан, Вайсга бу чамадоннинг касофати уриши ҳеч гап эмасди.

Чамадонни ташлаб юбориш ёки уни бирон йўловчининг ўринидиғи остига тикиб қўйиш — Папкени мол-мулкдан маҳрум қилиш деган сўз эди. Ваҳоланки, Функ рейхга жўнаб кетган ва у билан алоқа узилган ҳозирги шароитда Папкенинг хайрихоҳлигидан бундан кейин ҳам фойдаланиш Вайс учун муҳим эди, шундай экан, Папкенинг ўзига кўрсатаётган илтифотидан маҳрум бўлишга сираям ҳақи йўқ эди.

Папке чалкаштириб кетган калаванинг учини топиш йўлини зўр бериб қидираркан, Вайс пастга оёғини осилтириб ўтириб олганча, бошини қимирлатиб, гармоникада тироль қўшиғини чала кетди. Бу қўшиқнинг сўзларини ҳамма эркаклар билишар, бироқ хонимлар ҳузурда уни овоз чиқариб айтиш беодоблик бўларди. Шунга қарамасдан, бу қўшиқнинг куйини тинглашар экан, хотинлар, она юртига қайтиб кетаётганидан беҳад хурсанд бўлаётган бу шўх йигитга маънодор жилмайиб қўйнарди.

Қоқ суяк бир немис йигити пластмассадан қилинган стаканга ароқ қуйди-да, Вайсга узатди.

— Фюреримизнинг саломатлиги учун! — у ибодат қилгандай осмонга қаради. — Унга мана бизга ўхшаш азамат йигитлар керак.

— Хайль! — Иоганн қўлини юқорига силтади.

Немис жиддий огоҳлантирди:

— Ҳали уйимизга етиб олганимизча йўқ. — Илжайиб, деди: — Аммо мен сен билан нон-қатиқ эмасман. Демак, ҳали менга ўзингикидан мана шунчани қуйиб бермасанг, сен одобсизлик қилган бўласан.

Ғши ўтиб қолган гўштор гарлапи яшигина қирдирилган йўловчи тўнгиллади:

— Гапинг тўғри, бойваччаликни Латвия кўтарарди, аммо ўз уйи-мизда қўли очиклпк кетмайдн.

Ориқ хезланиб сўради:

— Сен ейдпган нарса Латвияда бору, рейхда эса йўқ демоқчимисан? Нимага ишора қиялпсан?

Ҳалигина салобатли, босиқ кўринган кекса йўловчи, бирдан патир-лаб қолди, кўзлари аянчли пирпирай бошлади, башарасига тер чиқди ва шоша-пиша, сиз мени нотўғри тушуниясиз, деб ориқ ўспиришга гап уқтира кетди. Мен, дерди у, бу ерда латишларга камроқ овқат қолсин деб кўпроқ ейиш керак эди, Германияда эса вермахтнинг шавкатли рицарлари кўпроқ истеъмол қилиши учун биз камроқ овқат еймиз демоқчи эдим.

— Ҳай,— деди ориқ йигит.— Бу сафар қутулдим, деб ҳисобла, фақат мен билан манави йигитни меҳмон қилсанг бўлгани.— у бош ирғаб Вайсни кўрсатди.— У билан менга яхши овқат керак. Сенга ўхшаган қорин солганлар вермахтнинг бўлажак солдатларини меҳмон қилишни ўзларига шараф деб билишларн лозим.

Бруно Вайс жойлашган бўлмага қараган маҳалда, қийқириқ, зиёфат авжига чиққан эди. Фақат озиқ-овқат солинган корзинканппг эгасигина столчани ёшларга бўшатиб қовоқ-тумшуғи тушиб кетган ҳолда бир бурчакка тикилиб ўтирарди.

Бруно жилмайиб туриб, шляпасини юқори кўтарди-да, ҳаммага яхши иштаҳа тилади. Сўнгра у йўловчилар орасида Вайсни кўриб қолиб, унга кучоқ очиб талпинди, бу кутилмаган учрашувдан нақадар бахтиёр эканлиги унинг юз-кўзидан шундоқ билиниб турарди. Шундан кейин жониничига сиғмай Вайсдан ўзларига таниш одамларни суриштира бошлади ва ўзи билган гаплардан уни хабардор қилиш учун ҳовлиқиб бидирлайи кетди. Бундан ўнғайсизланган Вайс Брунога қани тамбурга чиқайлик, деб айтишга мажбур бўлди, чунки унипг чинқироқ овозини эшитишга хуштор йўловчини топши амри маҳол эди.

Кечирим сўрар экан, Бруно олифталик билан хўроз пати қадалган шляпасини оппоқ тепакали узра яна кўтариб қўйди ва кафтларини қулоқларига карнай қилиб, яқингинада ўрта қулоғи шамоллагани, ҳатто ўз овозини ҳам яхши эшитолмай қолгани, шу сабабдан бақириб гапиршига мажбур бўлгани, мана энди даволангандан кейин ҳам одатдагича гапиршига ўрганолмаётганини: дам солдатни ўргатаётган фельд-фебелдай бўкириши, дам энг майин елдан ҳам секин шивпрлаши, бундан ҳатто энг яқин дўстлари ҳам хафа бўлишини тушуитира бошлади. Буралиб, буқланиб таъзим қиларкан Бруно узундан-узоқ узрхоҳлик қилди ва ниҳоят, Вайснинг қўлтиғидан дўстона олганича нари кетди.

Улар тамбурдан икки вагон ўртасидаги саҳнга чиқишди, бунда оёқ остига тўшалган катак темир плиталар қасирлар, бурама брезент тўсиқдан увиллаб шамол урарди.

Вайс Брунонинг қулоғига энгашиб Папкенинг чамадони ҳақида гапириб берди. Бруно бош ирғади ва шу заҳотиёқ ночор аҳволга тушган Иоганн билан борди-келди қилишдан кўнгли қолган одамдай қўшни вагонга ўтиб кетди.

Аммо бир оз фурсатдан сўнг Бруно яна Вайс кетаётган вагонда пайдо бўлди. Папкенинг фибра чамадони ёнига чоққина кажава корзинкани қўйди-да, мен ўз жойпмдан кетдим, лекин безовта бўлманглар, бировнинг жойига хиралик қилмоқчи эмасман, фақат мен хурсандчиликни яхши кўрадиган одамман ва сиз ватандошларимга бир қанча қизиқ фокус кўрсатиб вақтингизни хуш қилмоқчиман, деди.

У чўнтагидан карта олиб, фокус кўрсата бошлади, фокуслари айтарли қизиқ бўлмаганлиги ва уларни ўринлатиб ижро этолмаётганига қарамай, Бруно йнғилганлардан бпрон картани мўлжаллаб қўйишдан олдин кўзларини чирт юмиб турниши талаб қилар ва тусмол қилинган картани тополмаса шу қадар хижолат бўлиб кетар эдики, бу билан ҳаммани ўзига оғдириб оларди. Шундан кейин фибра чамадонни парвосизгина кўтариб олди-да, ўзимга хилватроқ бир жой топмасам бўлмай қолди, деганча нари кетди.

Бруно кетгандан кейин Вайс ўзининг тепадаги жойига чиқиб, бошини қўлларига қўйиб чўзилди ва ухлаган кишидай кўзларини юмди.

Бруно яна чамадон билан пайдо бўлганда, вақт пешинга яқинлашиб қолган эди. Яна узундан-узоқ кечирим сўраб, у чамадонни Вайснинг ёнига иргитди, чўнтагидан ёлғил қоғозга яхшилаб ўралган бутерброд чиқарди-да, мана энди маза қилиб қоринни тўйдириб оламан, деди.

Бироқ кекса немис унга пиширилган товۇқнинг оёғини узатганида, Бруно семриб кетишдан ўзимни тийпшим керак, бинобарин, Ватан мени солдатликка лойиқ кўрар деган умидим бор деб, олмади. Бу билан Бруно одамларнинг кўзига япада яхши кўрнниб кетди. Кейин йўловчиларнинг овқатланишига халақит бермай деб, тепага чиқиб, корзинкани кучоқлаб ўтириб олди. Аммо шу заҳотиёқ табиатан тиниб-тинчимас одам бўлганлиги учун пастга қайтиб тушди ва ўзимга ёши юздан ошмаган ва ўн учдан кам бўлмаган бирон бир хоним ёнидан жой топишга ҳаракат қилмади, деди. Сўнг тепакалинни силаб қўйди-да, мақтанди:

— Агар мен эр киши сифатида сочиндан айрилган бўлсам, сабаби — доимо аёл кишининг ҳуснига шайдо бўлганлигимдандир.

Йўловчилар ҳазилкашини жилмайиб кузатиб қолишди. Вайс ҳам жилмайиб турарди, у жойига кўгариларкан, яна бош томонидан пайдо бўлиб қолган Папкенинг чамадонига тиззасини қаттиқ уриб олди. Вайс унинг қаттиқ қиррасига кўнгли тинчиб бош қўйди, ҳозир унга бошига чамадон эмас, пар ёстиқ қўйилгандай туюлди.

Хатардан амин бўлгач, енгил тортди, афтдан Папкенинг чамадонидан ўзи учун хавфли нарса йўқ экан шекилли. Худди шу тобда Иоганн ўзи кийган ниқоб билан юриш қанчалик мушкул эканлигини тушунди. Шу ниқобдан бир неча дақиқага холи бўлгач, у гўё тубсиз дара узра киши оёғи тегмаган сўқмоқдан тусмоллаб судралган одамнинг ҳисларини бошидан кечиргандай бўлди. Мана, сўқмоқ тубсизликда тугади, гўё бир қадам ўлим билан баравардек, шунда тўсатдан оёқ қўйса бўлгудай жой топилади, у жарнинг нариги бетига ўтиб олади, яна сўқмоқ йўлдан давом этади.

Сўнгги ойларда Иоганн ҳар бир қадамнинг, ҳар бир ҳис-туйғуси, фикрини тарозига солиб кузатиб боришга одатланди. У ўзини мақтаб қўйиш ёки қоралашга, ўзига ўзи ёқпш ёки ёқмасликка, ўздан нафратланиш ёки завқланишга ўрганди. У янги ниқобини ўздан ажратиб туриб, унинг қай даражада ҳаётини эканлигини зўр қизиқиниш ва инжиқлик билан ўрганар эди. Ниқоб ўзига тўла бўйсунган кезлар, у ўзгача бир лаззат оларди.

Хавф-хатар тугилган дақиқаларда бу ниқоб унинг айби билан фош қилиниши мумкинлигини тушунарди, унинг умри шу ниқобнинг ҳаётинлигига боғлиқ эди, зотан, шу ниқобгина уни кўп фалокатлардан қутқариб қолиши мумкин эди.

Ўзига берилган иккинчи башарага бутун ҳаёт-мамоти боғлиқ бўлиб қолгани, устига устак, унга нисбатан ўзини нафрат ва адоватдан тия олмаслиги гоҳида нч этини кемириб ташлар, шунда у яна ўз ҳолига келиш учун ёлғиз, озгинага бўлса ҳам фақат ёлғиз қолиши лозим бўларди.

Аммо нҳўоят, ўзи билан ўзи ёлғиз қолишга эришганида, ҳақиқий

«мен»и тегишли бўлмиш оламдан жудоликнинг бедаво ғуссаси қалбини қопларди. Чунки бу олам жонли, фусуқкор, чинакам олам эди, мана-ви, ҳозир яшаётгани эса, тўқима, хира, оғир ва қандайдир алаҳсирашга ўхшарди.

Йоганн ўзи танлаб олган йўлда энг қийин, энг уқубатлиси бу онгининг иккинга айрилиши бўлади деб сира ўйламаган эди.

Бошда ҳатто бошқа бир одамнинг қиёфасига кириш, унга ўхшаб фикрлаш, бу одамлар назаридаги худди мана шундоқ киши ҳақидаги тасаввурга уйғун келса, хурсанд бўлиш уни анча қизиқтириб қўйганди.

Аммо кейин янги қиёфаси билан уйғунлашиб борган сари ўзининг асл қиёфасига қайтолмас, қайтишга ҳақи ҳам йўқ эди, шунинг учун ҳам бир дамгина ёлғиз қолган кезларида ўзлиги билан жудоликнинг фироқи шунчалик кучли бўлишини тушунди, сездди.

Ҳориган, толган кезларида ўзини худди ҳеч қачон ечиб олинмайдиган протезлардан тузилгандай, энди ўзини чинакам, жонли одам сингари ҳис қилмайдигандай, ҳаёт ва инсонларни, қолаверса, ўзини аслида қандай бўлса, шундайча кўришдан абадий маҳрум этилгандай сезарди.

Таълим берган устозларидан бири мана шунақа оғир руҳий тушқунлик ҳолати бир кунмас бир кун ахир рўй бериши, уни енгиб ўтиш ниҳоятда оғир ва мураккаб кечиши ҳақида гапирган эди. Мана энди Вайс бунинг қай даражада мушкул кечишини билиб турибди. Совет чегарасидан нариги томонга ўтиб олиш топшириқнинг бир қисми адо этилганинигина аңглатмайди. Буни у тушунади. Чегарадан нарига ўтилди деган сўз унинг иккинчи башараси асл борлиги, ўзлиги устидан янада кучлироқ мавқега эга бўлиб қолади демакдир, айни пайтда у шу иккинчи башарасига қанчалик тобе бўлса, ўз бурчини шунчалик шараф билан бажаради.

Бруно хатардан холи қилгач, топган андаккина оромини Вайс истар истамас тарк эта борарди.

Белостокда Вайс вокзалга тушгани йўқ, бошқа йўловчилар эса товуқ, тухум, булка, нон, колбаса олиш учун ўзларини пастга уришди.

Бўшаб қолган вагонда у Бруно билан шахмат ўйнайверди. Уйга чўмган Бруно тепакалини силаркан, гўнғиллаб дерди:

-- Анов Папкеси тушмагур ўлгудай тулки экан. Чамадонининг ярмини қора икра, мўйна ва майда-чуйда контрабанда нарсалар билан тўлдириб юборибди. Пихини ёрган одам экан! Унга чамадонни чегарадан ўтганларингиздан кейин берасан, сени текширишмайди. Мен чегарада бир оз ушланаман. Қолган гаплар қандай келишган бўлсак шундай қолади. Энг муҳими — ташаббус кўрсатаман деб ўзингни унутиб қўйма. Ҳозирда бизга Александр Белов эмас, Йоганн Вайс керак. Тушунарлими?

Вагонга қўлидаги бир уюм ўроглик нарсаларни энгаги билан базўр тутиб келаётган йўловчи кирди. Бруно шахмат донасини сураб экан, шодланиб деди:

— Мана, сизга кишти-қойим.— Қўлларини бир-бирига ишқалаб, сўнг истеҳзо билан деди:— Сизга раҳим келди, одоб юзасидан дурангга рози бўляпман.— Йоганнга мулойим боқиб туриб, маслаҳат берди:— Мухолифингизнинг гашига тегмай ютишга ўрганинг, йигитча. Ушанда шерингиз сиздан хафа бўлиб қолмайди.— Пакет ортган йўловчига хўмрайиб қаради:— Сиз, жаноб, қорин қаппайтиришга муккадан кетиб, рейхнинг обрўйини унутиб қўяяпсиз. Наҳотки ҳозир сиз қизилларда гўёки Германияда халқ қийналиб қолган экан-да, деган фикр туғдириб, уларга хизмат қилганингизни фаҳмламасангиз? Яхши эмас!— У ўрн-дан турди ва энсаси қотиб елкасини учирганча, ўз вагонига йўл олди.

Ўзини йўқотиб қўйган йўловчи зўр бериб Вайсга мен яхши немис-

ман, ҳақиқий немисман, национал-социалистлар партиясининг аъзоси-ман, йўл қўйган камчиликларнинг барнин тузатишга тайёрман, ўз айбимни ювиш учун ҳеч нарсадан қайтмайман, ҳатто манави харидларни ташлаб юборишдан ҳам тоймайман, хато қилибман, тузатаман... деб уқтирадн. У Брунонинг таънасидан шу қадар сароснмага тушган эдики, Иоганнинг бақалоққа раҳми келиб, буни кўнглингизга жудаям оғир олаверманг, битта сиз эмас, ҳамма йўловчилар шундай қилишяпти, бироқ кейинроқ бориб немис ҳукумат идораларининг эътиборини кўчманчларнинг мана бу ярашмаган қилиқларига жалб этиб қўйсангиз, бас, шу билан ўз гуноҳингизни ювган бўласиз, деб уни юпатиб қўйди.

Семнз киши қимматли маслаҳати учун Вайсга чин кўнглидан ташақкур айтди. Кейин бутун йўл бўйи унга садоқат билан миннатдор бўлиб боқиб келди.

Чегара станциясида зарур расмият ишлари учун йўловчларни божхона залига таклиф этишди. Божхона хизматчилари буюмларни бир сидра кўздан кечиришар, баъзан чамадонда нима бор, деб сўраш билан чекланишарди. Шунга қарамасдан йўловчилар асабийлашар эдилар, бу уларнинг гоят сермулозамат бўлиб қолганларида, кераги бўлмаган ҳолда бор нарсаларини жон деб кўрсатишга ҳозир эканликларида ва ҳатто бу ердан сиёсий сабабларга кўра эмас, Германиядаги қариндошуруғларини кўриб келиш истаги билан кетаётганликларини бўлса-бўлмаса тушунтиришга уринишларида кўринарди.

Божхона хизматчисининг эътироз билдиришига қарамай, Папке Вайсининг саквояжпдаги бор нарсаларни линолеум қопланган пештахта устига ағдарди ва фақат энг керакли нарсларнигина олиб кетяпман, негаки, Германия менга ватан бўлиб қолишига ишончим йўқ, ахир менинг ҳақиқий ватаним — Латвия, бунда жуда кўп латиш ва яҳудий дўстларим бор, улар юрагимга бениҳоя яқин, дея бидирлаб кетди.

Божхона хизматчиси буюмларга қўл ҳам урмай, Папкедан нарсаларни қайтиб саквояжга солиб қўйишни сўради. Папке гўё уни хафа қилишгандай лабларини қимтиб олди, аммо божхона ходими чарм чамадонни очиб кўрсатинг-чи, дейиши биланоқ қовоғи осилиб кетди.

Папкенинг шундоқ ёнида Бруно турарди. Унинг кажава корзинкасини пештахта устига тўнтаришди, божхона ходими бундаги ҳар бир буюмни синчиклаб кўздан кечирар, қоғозлар ва дори солинадиган кичкина чинип идишларига жойланган фотоплёнкаларни бир чеккага олиб кўярди.

Чегарачининг қўлида муқовасига «Тарих дарслиги» деб ёзилган, аслида эса ичига бутунлай бошқа бир нарса жойланган китобни кўриб, Бруно тегажаклик қилаётгандай шангилаб деди:

— Фюрернинг китобини бу ёққа олиб келишга ҳаракат қилган бўлганимда ҳам майли эди, аммо мен уни бу ердан олиб кетяпман.— Кейин гўё қўллаб юборинг дегандай Папкега ўғирилди:— Мана шундай адабиёт ман этилиши мумкин деб ўйлашнинг ўзи ақлга тўғри келмайди-ку, ахир!

Папке ўзини Брунодан четга олди-да, жеркиб деди:

— Фюрерингиз билан менинг нима ишим бор.— Кейин божхона ходимига маслаҳат берди:— Чўнтакларида нима бор экан, қаранг. Бундақалар қуролни яхши кўради. Унинг камарида тиғига «Қон ва шон» деб ёзилган ханжар осиглиқ бўлса, бундан сира ажабланмайман. Бундақа муттаҳамларни Германияга яқин йўлатмаслик керак.

— Ҳали шунақами!— ғазаб билан қичқирди Бруно.— Мени эмас, сизни Германияга яқин йўлатмаслик керак! Бунга ўхшаганларни мабодо Германияга юбориш керак бўлса, фақат қамаш учун юбориш керак.

— Гражданлар! — жидлий туриб деди божхона ходими, — шовқин солманглар, ишга халал беряпсиз.

Иоганн чамадонини пештахта устига қўйди-да, чўнтагидан сигарета олди ва Папкенинг ёнига келиб, одоб билан сўради:

— Мумкинми...

Папке ўз папиросини тутди. Тутатиб олиш учун энгашаркан, Вайс шивирлади:

— Чамадонингизнинг калитипи беринг!

Папке ўзини четга олди, башараси бирпасда қорайиб кетди. Аммо шу замоноқ яна ёришди. Овозини кўтариб деди:

— Мен сизга арзимас бир тортиқ қилай, йигит, чекадиган одам гургурсиз юролмайди, ахир.— Сўнг у чўнтагидан замша халтачага солинган бир шода калит чиқариб, Вайсининг қўлига тутқизди.

— Раҳмат, — деди Иоганн.— Илтифотингиз учун ташаккур.

Иоганн чамадонни очди-да, пастига қараб божхона ходимининг ундаги нарсларни юзакигина қўлдан ўтказаетганини кўрди.

Божхона ходими ундан, ман этилган бирор нарса олиб кетяпсизми, деб сўради.

Вайс бошини чайқади. Божхона ходими бошқа йўловчига ўтди. Вайсга эса:

— Чамадонингизни олишингиз мумкин, — деди.

Текшириш тамом бўлгач, кўчманчилар бошқа перронга ўтдилар, бу ерда уларни вагонларни немисларники бўлган состав кутиб турарди. Чегарачилар ҳали текшириш учун олинган ҳужжатларни йўловчиларга топширардилар. Ҳужжатларни тутқазар экан, чегарачи офицер ҳар сафар немис тилида бир зайл мулойимлик билан:

— Сафарингиз хайрли бўлсин! — дер ва қўлини чаккасига қўярди.

Чегарачи офицер Иоганнга тенгқур бўлиб, ҳатто аллақайси томонлари билан унга ўхшашиб ҳам кетарди — қўй кўз, қирра бурун, пешанаси силлиқ ва кенг, оғзининг бичими чиройли, қадди-қомати келишган, қўлининг панжалари калтароқ бир йигит эди. Чегарачи Иоганнга бешарқ назар ташлаб, рейх ҳужжатидаги суратни эгасининг юзига солиштириб кўрди-да, қоғозни яхшилаб буқлади, сўнг уни Вайсга узатди ва қўлини чаккасига қўйиб унга ҳам хайрли сафар тилагач, галдаги йўловчига ўтди. Унинг чеҳрасидан ҳамон такаллуф ифодаси аримаганди, бироқ мана бу одамларнинг бари унга, совет йигитига қанчалик ёт эканлиги ва шу билан бирга булар ҳақида фақат унинг ўзинигина билиши керак бўлган гаплардан хабардорлиги шундоққина сезилиб турарди.

Чегарачи офицер юмшоқ купели вагонда Папкенинг олдига келди ва немис тилида аниқ ҳамда дон-дона қилиб, безовта қилгани учун узр сўради, кейин Папке ўзи билан бирга вокзал биносига юриши кераклигини, унинг ҳужжатларида афтидан, канцелярия хатоси билан батафсил кўрсатилмаган айрим расмиятчиликларни аниқлаб олиш зарурлигини айтди.

Папке ўрнидан турди ва чегарачининг олдига тушиб, перронга йўл олди.

Бошқа бир вагондан худди шу тахлитда ҳарбийларнинг олдига тушган Бруно чиқиб келди. У қизнишиб гап уқтирар, чегарачининг қўлидан корзинкасини олишга ҳаракат қиларди.

Бруно Папке билан тенглашгач, унга олифталнк билан пат тикилган тирол шляпасини кўтариб таъзим қилди-да, баландпарвоз оҳангда деди:

— Бу, одамга нисбатан зўравонлик! Мен порозплик билдираман! — Қўлларини Папке томонга ёзиб, чегарачи офицерга мурожаат қилди: — Бу киши ҳурматли жамоат арбоби, маълум ва машҳур одам! Қарангки кутилмаганда... — У мушкул аҳволда қолган одамдай қўлини ёйди.

— Шовқин солманг,— жиддий суратда огоҳлантирди чегарачи.

— Нега шовқин солмас эканман, шовқин соламан!— бўш келмасди Бруно. Табассум билан Папкедан илтимос қилди:— Сиз бу ернинг маъмурларига менинг тўғри одам эканлигимни бир оғиз сўз билан айтиб қўйишдан юз ўгирмассиз деб ишонаман. Мабодо, нарсаларим нчида четга чиқариш ман этилган бирон буюм чнққан бўлса, нима қилай. буни билмаганимдан қилганман. Нимани олиб кетса бўлади-ю, нмани олиб кетиб бўлмайди, беҳабар эдим.

Кўп ўтмай Папке вагонга бўшашган ҳолда чарм чамадонини кўтариб қайтиб келди.

Кўчманчилар тушган эшелон чегара зонасига кириб тўхтади. Темир йўлнинг ҳар икки ёни бўйлаб ҳайдаб қўйилган ер қорайиб, уфқларга томон чўзилиб кетганди. Мана шу қорамтир чизиқда бир олам тугаб, бошқаси бошланарди.

Шинелларининг ёқа тугмаларига чарм боғич билан электр фонари илиб қўйилган чегарачилар эшелонни ташқари томондан синчиклаб текширишар, ҳатто темир йўл четида қазиб қўйилган чуқурга тушиб, вагонларнинг пастки қисмини бирма-бир қараб чнқишарди.

Табиийки, чегарадан ўтар экан, ҳар бир йўловчи ҳаяжонлавиши мумкин эди. Бироқ бундай бўлмади, булар нчларидагини сиртларига чиқармайдиган одамлар сирасидан экан. Рўй бераётган воқеалар Иоганнга кўпчилик Германияга шароит тақозоси ва буйруққа бўйсунгани учун эмас, ўзларининг яширин, узоқни кўзлаган мақсадларини мўлжаллаб кетаётганларини кўрсатарди. Афтидан, кўплар ўзларининг ҳақиқий мақсад ва тилакларини жиддий сабабларга кўра мавриди келгунча яширишга мажбур эдилар.

Латвиядан чиқиб кетаётгани йўловчи учун қанчалнк аҳамиятсиз кўринса, бундан Иоганн шунча кўп чўчирди. Уз ҳисларн ва ҳатти-ҳаракатларини жиловлаб олган, уларни усталнк билан яшира билдирган мана шу одамларнинг ҳар бири унинг учун хавф-хатар туғдираар эди.

Кўчманчиларнинг мана шу охириги тўпи ичида бармоқ билан санарли оилаларгина Латвияни истар-истамас, Немис-болтиқ халқ уюшмасининг ваҳимали буйруғига бўйсуниб, ташлаб чиқиб кетмоқда эдилар. Тўпдагиларнинг жуда озчилиги обод хонадонларни, кўп йиллар меҳнат ва машаққатда ҳамдам бўлган ёр-биродарларидан айрилиб кетаётганидан қайғураар эди.

Рейхга кўрсатилган алоҳида хизмат деб Германияда тақдирланиши мумкин бўлган ишлар билан энг сўнги дақиқагачайин шуғулланиб, Латвияда мунофиқона турмуш кечирганлар тўпда кўпчилик эди. Чегарадан ўтиб олишнинг ҳал қилувчи дақиқаларида қандай бўлмасин қўлга тушмасликнинг пайида бўлганлар юзаки қараганда ўлгудай зеркииб кетаётгандай, ҳеч вақо билан ишларни йўқдай кўринишар ва шу билан ким эканликларини билинтириб қўяр эдилар.

Бу ерда ҳамма нарсени гўё аллакимдир гойибдан ўз ҳукмига олгандай, унинг гунг фармони билан ҳамма зум ичида сийқа бир ниқобга ўрналиб олгандай кўринарди. Вайс уни фикран қайд қилиб борарди. У мана шу гунг фармонни ўзи ҳам адо этиши учун қабул қилди. Энди у ҳам бошқа йўловчилардай ўзини парвойи фалак кимса қилиб кўрсатар, ора-чора вагон деразаларига нохуш назир ташлар, юракни торс ёриб юборадиган тундлик билан поезд жўнашини кутарди.

Поезд оҳиста жилди. Гилдираклар рельслар қўшилган жойларда худди соат сингари бир маромда чақа-чуқ овоз чиқара кетди.

Пўлат гилдиракларнинг шиддатли ва аёвсиз равишда вақтни ортга улоқтириб бориши ўзини босиб олишга қанча уринмасин, Иоганни гўё

тубсиз бир чоґга тортиб тушиб кетаётгаплай эди. Узи учун азиз бўлган барча нарсалардан, айрилқнинг юракни ларзага солувчи азобидан халос бўлиш ва бутун борлиғни тилимлаб, сирқироқ оғриқ уйғотган зулмат сари тезроқ отилиш учун Иогани бошини баланд кўтарди, кўзларини қисди ва йўловчиларга қараб янгроқ овоз билан деди:

— Жаноблар, мана энди сизни рейх тупроғида туриб табриклашга рухсат этгайсиз.— У ўрнидан турди-да, қақдини ростлади. Чехраси хуррамликдан ёришиб кетган эди.

Вайс ҳамминг эътиборини ўзига тортиб, чўнтагидан қоғозга ўралган свастика тамғасини олди-да, пиджачининг ёқасига қадаб қўйди. Шу ишора бўлди-ю, чамадонлар очилди, кийимлар алмаштирилди, ҳамма ўзига оро бера бошлади.

Ярим соатдан сўнг йўловчилар худди меҳмонга бораётган ё меҳмон кутаётган одамларга ўхшаб қолдилар. Кўринишлари басавлат, нуфузлик одам эканлигидан дарак бериб турсин учун ҳар қайсилари киядиган кийимлари қандай бўлшини олдиндан белгилаб қўйишган эди. Кийимларнинг атайин бирмунча эскичароқ танлангани, уларни эғнига илган одамлар эски немис консерватизмига тарафдор ҳамда дид ва эътиқодда собит эканлигини кўрсатиб туриши лозим эди. Вагон столчаларида чамандонлардан чиқарилган илжиллар, эскириб қолган қора котелок шляпалар, қўлқоплар пайдо бўлди. Атир ислари анқиди.

Поезд бирдан тарақа-туруқ қилиб тормоз берди-да, гўё қоқилиб тушгандай тўхтади. Йўлакдан тапир-тупур қилиб каска кийган немис солдатлари ўтди, ҳар қайсисининг кўкрағига қора автомат осилган эди. Солдатларнинг башаралар тўпор, таёқдай қотиб қолган, ҳаракатлари кескин ва дағал эди. Купега тарашадай қотма, гўдайган, кўзлари нафратомуз қисилган офицер кирди.

Йўловчилар худди буйруқ берилгандай дик этиб ўринларидан турришди.

Офицер бармоғини юқори кўтарди, юпқа лабларини баъзўр қимирлатиб, секин деди:

— Жимлик, тартиб, ҳужжатлар.

Ҳужжатларни у қўлқоп кийган қўллари билан ижирғаниб олар ва орқасига ўгирилмасдан елкаси оша ефрейторга узатарди. Ефрейтор ўз навбатида ҳужжатни граждан кийимидаги кишига тутқизар, буниси эса еб қўйгундай қараш билан ҳужжатдаги суратни эғасига солиштириб кўрар эди. Бир эмас кўп йўловчиларга бу қараш ўзларини тешиб ўтаётгандай ва шу онда вагон деворларида ўз соялари демаганда ҳам, изтиробли ўйларининг типирчилаб турган чизмаси худди экранда акс этаётгандай туюларди.

Охирги йўловчининг ҳужжатларини ҳам олгач офицер ўта оғир қўрғошиндай сўзлар билан деди:

— Тартиб, сукут, жилмаслик.

Шундан сўнг у купедан чиқиб кетди.

Солдатлар эшик олдида туришганича қолишди. Улар йўловчиларга худди бўш жойга тикилгандай қараб туришарди. Пўлат каскаларини қошгача бостириб кийишган, оёқларини кериб турган бу солдатлар тишларини тишларига маҳкам босиб турганларидан жағлари бўртиб чиққан эди.

Вайсни ғалати ҳис чулғаб олди. Манави офицер билан манави солдатларни аллақерда кўргандай эди, кўрганда ҳам қандай бўлсалар худди шундай, ўзларини қандоқ қилиб кўрсатмоқчи бўлсалар худди ўшандоқ кўргандай эди. Тасаввур қилиб юрганлари ўз кўзлари билан кўриб турган нарсаларнинг айни ўзгинаси бўлиб чиққанидан у енгил тортиди. У солдатларга дўстона ва ҳурмат-эҳтиром билан, ҳатто рашки

келиб назар солар, назарида ёш немис йигити буларга худди мана шундоқ назар билан боқинши керак эди.

Офицер ёнида сержант ва граждани кийимдаги одам билан вагонга қайтиб келиб, йўловчиларга ҳужжатларни тарқата бошлаганида Вайс ўрнидан туриб ғоз қотди-да, қўлларини ёнига туширди ва завқ-шавққа тўлган ҳолда офицернинг кўзларига тикилди.

Офицер маъқуллагандек жилмайди.

— Утиринг.

Аммо Вайс худди эшитмагандай ғоз қотиб тураверди.

— Сиз ҳали солдат эмассиз. Утиринг,— деди яна офицер.

Вайс даҳанини кўтарди, қатъий қилиб деди:

— Ватан мени вермахтнинг шонли сафларига қабул айлаш шарафига муяссар қилади деган умиддаман.

Офицер унинг елкасига қўлқопини оқ кўйгиллик билан уриб қўйди. Граждани кийимдаги одам ўз дафтарчасига алланимани ёзиб олди. Офицер бошқа вагонга ўтиб кетгандан кейин Йоганнинг ҳамроҳлари уни шовқин солиб табриклашди. Шубҳасиз, у ўзининг Рейх тупроғига қўйган биринчи қадамиданоқ немис оккупацияси қўмондонлигининг вакилида яхши таассурот қолдирган эди.

Поезд эндиликда Учинчи империянинг мулки, ҳарбий ўлжаси бўлиб қолган Польша ерларидан кетиб борарди.

Йўловчилар кўзларини вагон деразаларидан узишмас, янги қўлга кирган герман ерлари ҳақида андишасизлик билан хўжайинларча фикр юритишар, бири олиб, бири қўйиб славянларни чалпишар ва ўзларини уздабурон кўрсатишарди. Бомбардимон қилинган қишлоқларнинг харобалари лип-лип ўтиб турарди.

Асир поляклар немис солдатлари соқчилигида бузилган кўприкларни тузатишарди. Станцияларда ҳамма ёқни батартиб немисча ёзувлар, немисча исмлар босиб кетганди.

Яқингинада бўлиб ўтган жангларнинг излари қанча кўп учраса, йўловчилар ўзларини шунча кибрлироқ ва шунча эркинроқ тутиншарди. Вайс ҳам бошқаларга ўхшаб ҳаяжондан йилтираб турган кўзларини дераздан узмас, немисларнинг яшин тезлигидаги зарбаларини ҳам бошқалардек кўпириб мақтарди. У борган сайин кўпроқ ҳаяжонга тушар, аммо ҳаяжонининг сабаблари бошқа ерда эди: у анчадан бери йирик ёнғин омборларни қурилаётган, йўллар кенгайтирилаётган, кўприклар мустаҳкамланаётган, ўрмон сайхонларида оғир машиналар бўлажак аэродромлар учун ер шиббалаётган жойларни аниқ ва равшан қилиб, хотирасига жойлаб борарди.

У эслаб қолган ва қузатган нарсаларини шу замонок хаёлан картага жойлаштириб қўярди. Зўр шахматчилар мураккаб партияларни мана шунақа ёддан, шахмат тахтасига қарамасдан ўйнайдилар.

Ҳамма нарса беихтиёр ва ўз-ўзидан ёд бўлиб борар, бу хотирани чиниқтиришнинг самараси эди. Бироқ афсуски, буларнинг барига ҳозир ҳеч қандай эҳтиёж йўқ эди... Зотан, буларни ўзимизникиларга маълум қилгунча талай муддат ўтиши, унганча маълумотлар эскириб қолиши, аммо хаёлидан сираям кўтарилмастлигини жуда яхши биларди.

Зарбдан тепаси чўрт узилган дарахт тагида мажақланиб ётган поляк самолётига қараб завқланишар экан, йўловчилар Вайсга Рейхнинг ҳаво кучларига киринг, учувчи бўлиб ўзингизни шон-шухратга ўрайсиз, деб маслаҳат бериб ҳазиллашишарди. Шунда Вайс қизариб кулимсираб экан, азамат учувчиларнинг зафарларини ерда туриб мустаҳкамлашни ўзим учун энг олий шараф деб биламан, аммо самолётга ўтиришни ҳатто хаёл ҳам қиллолмайман, негаки, бунга Рейхнинг асл ўғлонларигина лойиқ, деб айтди. Йўловчилар билан шу йўсинда гаплашиб

борар экан, у айна вақтда, зўр бериб нима қилиши кераклигини ўйларди. Ҳа, нимаики кўрган ва эслаб қолган бўлса, барини ўзипинг қадамн етмайдиган жойларда кўрди, аммо у бир нарсани кашф этди ва бундан эти жимирлаб кетди: ҳозир мана шу кашфиётдан муҳимроқ нарса оламда йўқ эди. Қаршисидан ўтиб бораётган, немислар томонидан Польшада қурилаётган иншоотларни хаёлан картага жойлаштирар экан, у буларнинг ўзи боргап сайин узоқлашиб бораётган мамлакатга қарши ўқталганини жуда яхши тушуниб етди. Ватани бошига тушиши мумкин бўлган офатдан Вайснинг бутун борлиги ларзага келиб, қатғиқ ҳаяжонланди.

Қийноқ ва қатл жазосини ҳам қўшиб ҳисоблаганда, инсон ўзини ндора қила билмай қоладиган ҳолатларни устозлари билан бирликда муҳокама қилинганда ва кейин, ўзипи-ўзи синаб кўриганда, ҳар қандай хазф-хатар қаршисида ҳам номусимни букмайман, иродам ва қатъиятими бой бермайман деб қаттиқ ишонган эди, аммо мана бу синов олдида у ўзини ожиздай сезди.

Поезд эса кетгандан кетиб борар, филдираклар бир маромдаги тақа-туқини қўймасди. Мана, унинг юриши секинлашди, тўхтади. Кўримсизгина станция. Перронга солдатлар тушган юк машинаси кириб келди. Унинг устидан ерга аллақандай иккита оғир, ҳўл қопни итқитдилар. Иоганн шу замоноқ буларнинг қоп эмас, одамлар эканлигини кўриб сочлари тикка бўлиб кетди. Қонга беланган, қўллари орқаларига қайириб боғланган икки одам базўр ўрпн.ларидан туришди, йиқилиб тушмаслик учун бир-бирларига суюпиб олишди-да, шишиб кетган кўзлари билан ўзларига қараб турган йўловчиларга тикилиб қолишди. Уларнинг бўйинларида оппоққина, ҳали топ-тоза чизимчаларга тахтакач осиб қўйилган ва унга: «Поляк жосуси» деб ёзилганди. Ёзишни ҳам жуда қотиришган эди: у эски готик каллиграфияси билан немис тилида ва аниқ, ораси очиқ ҳарфлар билан поляк тилида ёзилган эди.

— Бўл! Бўл!— бақириб берди обер-лейтенант.— Юр!— Соқчи асирлардан бирини қўндоқ билан туртди.

У қонга қоришган оёқларини аранг босиб, гандираклаганича секин платформа ёқалаб юриб кетди. Кетидан шериги судралди.

— Тезроқ!— яна ўкирди обер-лейтенант.— Тезроқ!— Кейин у бўлаётган воқеани қўрқа-писа кузатиб турган йўловчиларга ўгирилди-да, зардаси қайнаб, буюрди:

— Вагонларга кирилсин, ҳамма жой-жойпга, тез!

Барча йўловчилар худди эшикдан секин кирса ўлиб қоладигандай ур-йиқит билан ўзларини вагонга уришди.

Оломон Вайсни ўзи билан эргаштириб кетди, суриб вагонга олиб борди. Шунда Иоганн офицернинг буйругини жон койитиб ижро этмаётганидан ҳамроҳлари ундан қанчалар даргазаб бўлаётганликларини тушунди.

Турма вагоннинг эшиги ёпилди. Поезд ҳеч қандай сигналсиз ўрнидан жнлдн-да, яна ғарбга томон йўл олди. Филдираклар яна ўзича тақа-туқ қила кетди...

Иоганн бирдан аллақайси бир романда қаҳрамон филдираклар тақа-туқида қандайдир сирли ўзгача бир нарсани эшитганлигини ўқигани ва бу ўшанда ўзига кулгили тўқима бўлиб туюлганини эслади. Мана энди эса, авваллари бир маромда аллалаб чопқиллаган филдирак овозлари юракка хавотир соляпти, қутқу кўзгаепги, Иоганнга беихтиёр шундай туюляпти.

Ўзларини аввалгидай сипо ва хотиржам тутишга беҳуда уриниб ётган йўловчиларга зеҳн солар экан, у кўплар безовта бўлиб қолганлигини сезди. Кўчманчилар йироқдати ўз осуда масканларидан туриб,

ватандошлари ўрнатаётган «янги тартиб»ни бирмунча бошқача тасаввур қилганликлари, юртларнга қайтиб келаётганликлари тантана билан қарши олиншига умид боғлаганликлари кўриниб турарди. Кўрганлари уни қанчалик лол қилган бўлмасин, поляк қаҳрамонларига нечоғлик юраги ачимасин, Иоганн она-Ватани чегараларига Германия таҳдид солаётгани сир бўлиб қолмаслиги, поляк ватанпарварлари ҳар қандай йўл билан — ҳатто ўз ҳаётларини қурбон қилиб бўлса ҳам бу ҳақда совет қўшинлари қўмондонлигини хабардор этиб қўйишларини тушунди ва таскин топди. Бу фикр Иоганни ўз ҳолига қайтарди, у яна совуққон бўлиб қолди.

Кўнгли бир оз тасалли топган Иоганн юмшоқ вагонда кетаётган Генрихга кўриниш бериб келишга қарор қилди. Чунки улар жўнамасдап бурун пича айтишиб қолишган эди.

Ваёси беҳабар қолган баъзи гаплар бўлиб ўтганди.

Генрих Шварцкопф Папке билан бирга вокзалга келганда, уни бу ерда Гольдблат кутиб турарди.

Профессор жуда ўзини олдприб қўйганди. Юзлари шишиб, солқинган, у бутун оғирлиги билан ҳассасига таяниб турарди.

Генрих Гольдблатни кўриб, ўнғайсизланди. Аммо профессор буни ўзинча, Генрих уяляпти деб тушунди. У деди:

— Сени тушуниб турибман, Генрих. Лекин Берта қизиққон. У ҳозир ўртадаги айриликдан ўзини қўярга жой тополмай юрибди, мен буни биламан.— Профессор ҳақ эди: Берта чиндан ҳам ўзини қўярга жой тополмай юрганди, аммо у Генрихнинг кетаётганидан эмас, (у Генрихдан қўлини ювиб қўлтиғига урган эди), балки кекса Шварцкопф билан дўстлиги хотираси учун ҳамма ўтган гаплардан кўз юмиб, ҳечам оқлаб бўлмайдиган бир қарорга келган отасига юраги куярди.

Профессор вокзалга бир йўғон папкани кўтариб келди. Бу папкада профессор Гольдблатнинг Функ яқингинада унинг квартирасидан олиб чиқиш кетмоқчи бўлган ўз ишлари бор эди. (Функ бу қабих ишни охирига етказолмади: жиноят қидирув бўлими буни ўз вақтида бартараф қилди.) Мана энди профессор ўзининг бир қанча энг қимматли ишларини дўстнинг ўғлига тақдим қилишга қарор қилибди.

Камар билан боғланган лойиҳаларга тўла папкани Генрихга узатар экан, профессор деди:

— Мана буни ол, Генрих. Менинг лойиҳаларимни биронта фирмага сотишинг мумкин. Агар у ёқда қийналиб қолиб уйга қайтгинг келса...

Генрих ранги оқариб деди:

— Мен сиздан ҳеч нима олмайман.

— Бекор қиласан,— деди профессор ва Генрихнинг кўзларига диққат билан тикилганича қўшиб қўйди:— Сен буларни олмоқчи эдинг-ку. Лекин негадир мен бу ёқда қолиб, бошқача йўллар билан ҳаракат қилдинг.

Папке Гольдблатга яқин келди.

— Рухсат этинг, профессор.— Кейин боши билан Генрих томонга ишора қилиб, худди унинг учун уз сўрамоқчидай деди:— У ҳали сиз қанчалик қимматбаҳо совға қилаётганингизни тушуниб олганича йўқ.

— Йўқ,— деди профессор.— Буни мен сизга бермайман.— У папкани кўкрагига босиб олди.

— Кетдик,— буюрди Генрих ва Папкени шундай туртдики, у йиқишлишига сал қолди.

— Бояқиш Генрих,— деди профессор. Кейин яна қайгарди.— Бечора бола.

Берта бу воқеанинг фақат охирини кўрди — у чидолмай отасининг орқасидан вокзалга келган эди.

Генрихга қарамасдан, у отаснинг қўлидан папкани олди-да, унинг қўлтиғидан суяб, вокзал майдонига олиб чиқди.

Таксида профессорнинг мазаси қочди. Юрак ўйноғидан сўнг у дарҳол кўчага чиқмаслиги керак эди. Лекин у ўзини бардам тугишга ҳаракат қилар, қизини юпатиб, дерди:

— Биласанми, Берта, агар Генрих папкамни олганда, мен бу одамни юрагимдан биратўла, осонгина ўчириб ташлаган бўлардим ва сенинг ҳам шундай қилишинг учун ҳаракат қилардим. Лекин у олмади. Демак, ҳалл виждонини бутунлай йўқотмабди. Энди мен бу болага ачинапман.

— Дада,— куйиниб деди Берта,— Берлинга боргандан кейин у енгига свастикали банч тақиб олади-да, сенга дўст тутинган отаси — инженер Рудольф Шварцкопфдан кўра амакиси штурмбанфюрер Вилли Шварцкопф билан кўпроқ фахрлана бошлайди.

Профессор қайсарлик билан деди:

— Йўқ, Берта, ундаймас. Нима бўлганда ҳам у мендан папкани олишга журъат этмади-ку, ахир.

Иоганн Вайс буларнинг ҳаммасидан беҳабар эди.

Вайс бутун состав ичидан ўтиб бориб юмшоқ вагоннинг кунеси эшигини қоқди.

Генрих Вайсни сиполик билан жилмайиб қарши олди ва уни сўлғин юзларини ёғ босган кексароқ бир хотин билан тил учигагина таништириб, термосдан кофе қуйиб узатди-да, сўради:

— Қалай, сафарлар дуруст ўтяптими?— кейин жавоб ҳам кутиб ўтирмай, ўз ҳамроҳига эҳтиром билан деди:— Мабодо, сизга дурустроқ шофер керак бўлиб қолса, баронесса...— кўзлари билан Вайсга имо қилди,— отам ундан мамнун эди.

Шварцкопфларнинг ўз машинаси йўқ эди. Вайс уларга шоферлик қилмаганди, бироқ шунга қарамай у ўрнидан турди ва хизматга тайёр эканлигини билдириб, аёл олдида бошини эгди. Хоним хўрсиниб Генрихга қарата деди:

— Афсуски, у ҳали ёш, демак, солдатликка бориши керак. Керакли одамни армиядан олиб қолиш учун эса менинг нацилардан танишим йўқ.

— Фельдмаршал-чи?— эслатди Генрих.

Баронесса сиполик билан деди:

— Германиянинг аслзода оилаларидан қариндош-уруғларим бор, бироқ бизнинг манави фюреримиз билан уларнинг муносабатлари қандай эканлигини билмайман.— Лабини бурди:— Кайзер жиллаям катта ақл эгаси эмасди, шунга қарамасдан аслзодаларини қадрига етиш кераклигига фаҳми етган эди.

— Амин бўлингки,— ишонч билан деди Генрих,— фюрер Германиядаги кибор оилаларининг мададига доимо таяниб келади.

— Ҳа, бу тўғрида ўқиган эдим,— унинг гапига қўшилди баронесса.— Аммо у саноатчиларга кўпроқ меҳр қўйган.

— Ўз навбатида улар ҳам фюрерга шу билан жавоб қилишади,— қўшиб қўйди Генрих.

— Лекин нимага у ўз партиясини национал-социалистлар партияси деб атайди? Национал бирлик формуласи билан чекланиб қўя қолинса маъқулроқ бўлмасмиди? «Социалистлар»— бу одамни ваҳимага солади.

Вайс одоб билан орага гап қистиришни лозим топди:

— Сизни ишонтириб айтаманки, баронесса хоним, фюреримиз коммунистларни Кайзерга қараганда дадиллик билан бир ёқлик қилди.

Баронесса Иоганнга ишонқирамай назар ташлади-да, совуққина деди:

— Мабодо, сизни шоферликка олган тақдиримда ҳам, шу шарт биланки, сиёсат ҳақида вайсамайсиэ. Ҳатто оқсоч қизлар билан ҳам,— қўшиб қўйдп у, қуюқ қорамтир қошларини юқори кўтариб.

— Уни кечиринг, баронесса,— Иоганнинг ёнини олди Генрих.— Аммо сизнинг кўнглингиздаги гапни айтмоқчи эди.— Вайснинг чиқиб кставериши мумкинлигига ишора қилиб, унга ваъда берди:— Сен билан яна кўришамиз.

Иоганн баронессага таъзим қилиб йўлакка чиқди, Папкенинг купесини топда ва тақпллатиб ўтирмасдан эшикни очди. Папке ёлғиз ўзи диванда ётган экан.

Вайс сўради:

— Чамадонингизни олиб келайми?

— Ҳа, албатта.— Папке тирсагига таяниб бошини кўтарди-да, сўради:— Ҳеч нима олиб қўйишмадими?

— Ҳаммаси жойида.

— Мени бўлса тоза авра-астаримни ағдаришди,— шикоят қилди Папке.

— Қимматбаҳо нарсалармиди?

— Бўлмаса-чи!— Бирдан фиғони чиқиб, инграганича деди:— Чамамда, булар хуфя нарсаларни топишнинг тозаям ҳавосини олишибди.— Худди бпр нарсани бошлаб қўйган одамдай деди:— Лекин нима қилса ҳам мен уларни лақиллатиб кетдим. Анов тиролча шляиа кийган чин ўртоқ экан. Мени бошдан-оёқ текширишларидан олдин, ундан чўн-так инжилимни ушлаб туришини илтимос қилдим. Табаррук китобга худосизларнинг қўли тегмай қўя қолсин дедим.

— Оббо!

Папке кўзини айёрона қисди-да, деди:

— Бу китобча менга ҳар қандай муборак битикдан қимматлироқ.— У қора муқовали кичкина китобини чиқариб, суйиб сийпалади.

— Биласизми,— маъқулламаган оҳангда деди Вайс,— уни бегона киши қўлига тутқизиб сиз эҳтиётсизлик қилгансиз.

— Тўғри,— рози бўлди Папке.— Бошқа чора қолмагайдан кейин нима қилиб бўларди. Бирок рўкач қилган ваз-корсоним ниҳоятда ишонарли чиқди, анов тиролча шляпалик ҳам кўнглимдагини дарров уқиб олди.

«Бўлмасам-чи!— ўйлади Вайс.— Бруно сенинг кўнглингни билганига анча бўлган. Ўпкангни босиб ол, у дуо китобингни назардан қочирмаган».

— Қилган хизматинг учун раҳмат,— деди Папке.

— Ҳозир чамадонни олиб келаман.

— Тўрвангни ола кет.

— Ҳаммаси жойида бўлса керак, деб ўйлайман?— сўради Вайс.

— Нима, ановнақа бирон нарсанг бормиди?

— Бўлиши мумкин,— деди Вайс ва кулимсираган ҳолда тушунтирди:— Бўлажак дўстларимга атаб совғалар олгандим.

Мана шу муаммо Папкени қийнагани кўриниб турарди, Вайс ўзининг тўрвасини Папке титкилаб кўрмаганини тушунди, демак, Вайс унинг шубҳасидан халли. Иоганн бундан завқланиб кетди.

Вайс ўз вагонига қайтиб келиб, юқори нарга чиқди-да, ўрнашиб олиб, кўзларини юмди ва ўзини ухлаганга солди. У Брунони ўйларди. Ана сизга Бруно! Қанийди у Иоганни фақат чегарагачагина кўзатиб келмаганда. Бунақа одам билан ўзингни доим бардам сезасан, у ёнинг-да бўлса ҳатто фашистлар Германиясида ҳам ўзингни хотиржам тутасан. Бруно қачонлардир бу мамлакатда бир неча йил яшаганлигини Вайс қаердан билсин. Учинчи империянинг бир қанча кўзга кўринган

арбоблари йирик-йирик шахсларни чавандозлик санъатига ўргатган машҳур тренер Бруно-Мотцени яхши танирдилар. Улар фақат бунчалик маҳоратга у граждандар уруши лаврида Биринчи отлиқ армия сафларида туриб эришганлигини билмас эдилар. Мотце пойгачи отлар олди-сотдиси билан ҳам шугуллашиб, даллоллик қилар ва шу сабабдан немис генерал штабининг офицерлари билан муомала қилиб туриш имкониятига эга бўлиб, уларнинг гап-сўзларини ўз қулоғи билан эшитиб турар эди. У Германиядан ўттиз бешинчи йилнинг бошида кетди, кетишининг сабаби ишнинг барбод бўлганида эмасди. Очигини айтганда, бошлиқларининг немис қуролли кучлари ҳақидаги тасаввури билан у юборган маълумотлар ўртасида анчайин катта фарқ мавжуд эди. От деган жойда муккасидан кетадиган Бруно-Мотце — бошлиқлари унга шундай деб тушунтиришди — танкларнинг бўлажак урушдаги аҳамиятига ҳаддан ташқари муболаға кўзи билан қарабди. Уни хизмат интизоми йўли билан бошқача қарашга ўргатиб бўлмагандан сўнг, унволи ўзгармай, ўша-ўша граждандар уруши йилларида эскадронга командирлик қилиб юрган пайтидагича қолди. Иоганн Вайс буларнинг бари-ни қаердан билсин? Бруно билгани ва қўлидан келганини адо этди: ёш сафдошининг душман мамлакатаида ташлаган илк қадамларни мустаҳкам заминга тушишини таъминлаб берди.

Шунда Вайс яна ўзининг ёлғиз эмаслигини сезди. У ўзини қудратли, донишманд, ҳушёр бир оламнинг кичкина зарраси деб ҳис қилиши билан кўнгли тасалли топди, таранг тортилган, бетиним зўриққан асаб торлари ором олди, бу торлар хавф-хатар ҳақида тўхтовсиз хабар бериб туради, хатар туйғусини эса яна бир ақлга сиғмайдиган ирода кучи билан дарҳол ўчириш керак, айна чоқда, сенинг бу ҳолатингни ҳеч бир кимса пайқамасин.

Бир фасл ором олаётган мана шу дақиқаларингда эндиги ўзлигингни — Иоганн Вайсни ўзлаштириб бораётганингдан, бора-бора Иоганн Вайснинг хатти-ҳаракатлари қачон, қандай бўлиши кераклиги устида бош қотириб ўтиришга ҳожат қолмаётганидан кўнглинг кўгарилиб кетади.— У — сен яратган Вайс — ҳар бир ҳаракатингни, ҳар бир ўй-ниятингни бошқариб туради, сен ҳам унга гўё сигналган маънавий устозингни ишонгандай ишонч билдиргансан.

Аммо шу замоноқ Иоганн ўзининг инструктор муаллимини, унинг авваллари жонга тегувчи ҳақиқатдай бўлиб эшитиладиган тез-тез қайтариб турадиган: «Энг хатарли нарса — хатарга кўникиб кетиш», деган сўзларини эслади.

Инструктор-муаллим информация бюллетенларида кўпни кўрган разведкачилар гўё ҳеч бир хатар йўқдай кўринган кезлари, доимо қил устида туриб, жонҳалак бўлишдан чарчаб энди жиндек нафас роствлай деб ўйлаганларида кўлга тушиб қолганликлари тафсилоти баён қилинган жойларни зангори қалам билан қизиб кўрсатарди. У ташланган ҳар бир хато қадамни сабр-тоқат билан миридан-сиригача таҳлил қилиб берар, аммо ҳар қанча юксак бўлмасин муваффақиятли чиққан, маҳорат билан ижро этилган ишларни ғалатиноқ қилиб тушунтирарди.

— Бу ўз хизматини ўтаб бўлган,— дерди у афсус оҳангда.— Энди унинг ўрни тарихда... Қайтарилмас нарсаларгина пинга ярайди. Бизнинг ишимиздан янгидан кашф қила билиш қанчалик мажбурий бўлса, шунчалик зарур ҳам. Эгизаклар туғилиши — табиатнинг хатоси. Ўтган ишни қайтариш — хато қилиш билан тенг. Хаёлга эрк бериш зарур, аммо жиловини йўқотиб қўйманг. Ҳақиқат воқеликнинг ўзидир, ҳар бир қадамнингизни ва хатти-ҳаракатингизни унга чоғштириб туринг. Сизнинг энг ишончли суявчиңгиз — табиийликнинг ҳақиқатлиғидир.

Шу олий мактаб. Олий муаллим. У бош кўрсатмаларни беради. Булардан четга чиқиш тўғри йўлни тарк этиш, ишнинг чувини чиқазмиш билан барабар.

Инструкторнинг сабоқларини эсларкан, Вайс бутун умрини анкета-ларда қайд қилинмайдиган қасбга бағишлаган, кексайиб қолган ўша одамга ғойибона табассум қилди. Уни ўхшаш кишиларга профессорлик унвони беришмайди. Буларнинг илмий асарларини фақат ўнларча нусхадагина кўпайтиришади ва кутубхона тоқчаларида эмас, метин сейфлар ичида сақлашади.

Инструктор ўзининг барча талабалари номини ёдида сақларди. Янги талабаларини ўқитар экан, инструктор на ҳайкал ва на шўҳратдан умидвор бўлмай туриб, она диёр учун инсон заковатининг чўққисига кўтарилганларнинг шижоатини мисол келтирарди.

Сабр-тоқат, сабот, бардош, интизом, изчиллик, мақсадга оғишмай амал қилиш — неча-неча бор қайтарилган бу шиорлар авваллари Иоганнга педагогик ақидалардай кўринарди. Олдиндан лўп этиб муаммо чиқиб қолган кезлари буларга амал қилиш ва қайси йўл асосий, бош йўлу қайси бири диққатга нолойиқ аросат эканлигини аниқлаш нечоғлик қийин.

Мана, унинг йўлидан лўп этиб Папке чиқди — хўш, Папке муаммонинг қайси томонида?

Агарда бундан кейин Папкега холис хизмат қилиб турилса, унинг кўнглини олинса, балки гестапо даргоҳига йўл очилар? Гестапо хизматига кириб олиш — ҳазилакам иш эмасдир, ахир?

Ташаббус кўрсатсинми, ё пуккаю ё чикка деб таваккал қилсинми. Нимага? Ўз-ўзигами? Аммо бу билан қўйилган бош мақсади ҳали ўзига ҳам қоронғи бўлган ишни таваккалга боғлаб қўймайдими? Сўрасамкин? Аммо бунга ижозат берилмаган ва ҳали узоқ пайт берилмайди. Демак, сабр қилиш, ўзи яшаши керак бўлган мана бу муҳитга киришиб кетиши зарур, эҳтиёткор ва уддабурон, ҳамма нарсдан кўра ўз касби бўйича оддийроқ, аммо пули тузукроқ хизматга кўпроқ қизиқадиган Иоганн Вайсгина бўлиш, Ригадаги собиқ хўжайини жаноб Фридрих Кунцга таассуб қилиш, ўз шахсий авторемонт устахонасига эгалик қилиш шарт.

Ҳавонинг қовоғи солиқ, совуқ, рутубатли, шивалаб қор аралаш ёмғир ёғарди. Ҳайдалмаган далалар поёнсиз ботқоққа ўхшаб кўринарди. Поезд ҳувиллаган қўлдан бораётгандек эди. Кейинроқ Иоганн аҳолининг темирйўл атрофида юришга тақиқлаб қўйилганлигини билди. Дрезиналарга тушган соқчилар оккупацион қоидаларни бузганларни йўл-йўлаккай отиб кетаверар эдилар.

Варшавага тунда келдилар, шаҳар куйдирилган, кимсасиз эди. Йўловчиларга вагондан чиқишга рухсат берилмади. Перрон ва йўлларда дам сайин қўл фонарларининг шуъласи липиллаб учарди. Қисқа-қисқа берилган команда товушлари, солдат этикларининг дупури эшитилиб турарди. Бирдан гранатанинг портлагани эшитилди, автоматлар тариллади. Кейин сукунат чўкди.

Сал ўтмай перронда нағал этиклар чақирлади, конвой ўтди. Унинг ўртасида асфальтда судраб келинаётган одамнинг оёқларини қўлтиғига қисиб олган солдат энкайиб борарди. Одам ўлган бўлиб, унинг кенг ёзилган қўллари у ёқдан-бу ёққа саланглаб кетарди. Кейин замбил кўтарган полициячилар кўринди — улар қоғоз қоплар ёпилган солдат ўликларини олиб боришарди.

Йўловчилар юзларидаги сокин ифодани қўлдан бермай вагонларда тинчгина ўтиришарди. Кўрганларни уларга ҳеч таъсир қилмагандай кўринарди.

Дилларидагини айтмай бошқа нарсалар ҳақида гаплашиб ўтиришларидан бу хотиржамлик замишида, кейинчалик зарар етказиши мумкин бўлган бирон пожуя сўз айтиб қўймасмикинман, деб ўлгудай чўчишаётгани англашилди. Шуниси аниқ эдики, бу одамлар ҳозир посздага ҳужум қилиб қолиши мумкин бўлган поляк партизанларидан кўра, бир-бирларидан кўпроқ ҳайиқишарди.

Ҳамроҳларига диққат билан зингил солар экан, Иоганн ўзи учун муҳим бир хулосага келди: сир бой бермаслик, эҳтиёткорлик, мунофиқлик, буқаламунлик ва доимо аллақандай номаълум хатардан чўчиб туриш — Рейхнинг умумий ҳолати эди. Шундай экан, мана шу руҳни четдан туриб ўзларига сингдириб олган ҳамроҳлари Вайсга Учинчи империянинг садоқатли граждандари учун хос хислатлардан — мунофиқлик ва сергакликдан дарс беришарди.

Иоганн яна бошқа бир муҳим нарсани кашф этди.

Полициячилар поляк якка бош диверсанти томонидан ўлдирилган немис солдатларининг ўликларини олиб боришаркан, Иоганнинг қўшиниси — қилтириқ йигитча — ўрнидан сакраб туриб, қўлини кўтарди ва тупук сочиб қичқирди:

— Фюрер учун жопини аямаган жасур қаҳрамонларимизга шон-шарафлар бўлсин!

Битта поляк партизан билан унинг гранатасидан учта немис солдатининг ҳалок бўлиши шодликка асос бермаган ва хитобнинг ўринсизлиги кўриниб турган бўлса-да, йўловчилар уни шод-хуррамлик билан қарши олишди ва вермахтга бақириб-чақириб ҳамду саио ўқий бошлашди.

Кўчманчиларнинг юрагида бир зум ичида жаҳолат оловлари аланга олиб кетгандай бўлди-да, кейин анчагача бирон кимса жунбушга келган ўз ҳиссиётларини ўчиришга журъат этмади, ваҳоланки, ҳаяжонлар босилган, бу ҳодисага мос келадиган сўзлар тугаган ва шавқу завқ ҳамда ихлос билдиравериб башаранинг мушаклари ҳолдан кетган эди.

Гуриллаб кетган ҳиссиётларга сабабчи бўлмиш қилтириқ йигитча эса аллақачон ўз ҳаяжонини унутган эди. У полкада ётганча, лабла-рига гармошка суйкаб, ўйноқни бир куйни чаларди.

Кексайиб қолган йўловчи жаҳд билан гармошкани юлқиб олиб: «Тур ўрнингдан, аблаҳ! Бу қутлуғ дамларда гийқиллатиб ўтиришга қандай юзинг чидади!» — деб қичқиргани ҳамон йигитча ранги ўчиб, сакраб ўрнидан турди ва титраб-қақшаганича, билмай қилиб қўйибман, деб ҳаммадан кечирим сўрай бошлади.

Қарангки, ҳамма йўловчилар худди мана шу йигитчанинг сўзларидан кейин жўшиб кетганларини унутиб, унга бадгумон назар қилиб қовоқ солиб қарай бошладилар. Кексайиб қолган йўловчи жўшқин ва танпарварлик ҳисларини булғагани учун йигитчани жавобгарликка тортиш лозимлиги ва бўлган гапларни нахбарнфюрерга айтажаги тўғрисида истак билдирганда, йўловчилар бунга қўллаб-қувватлашди.

Ҳамроҳларига зеҳн солиб қарар экан, Вайс буларни ғалаёнга солувчи аллақанақа психологик модда борлигини пайқади ва агар уни қулаётган пайт ўртага ташланса, унда ечимига ақл ожизлик қилувчи энг оғир ҳолатлардан ҳам бемалол қутулиб кетиш мумкинлигини сезди. Рисоладаги интизом билан шаллақилик қўшилса, прусс обивателининг замонавий, маънавий қиёфаси намоён бўлади, бундан ҳам қурол сифатида фойдаланиш керак. Кийим ўз эгасининг дидини эмас, жамиятда тутган ўрнини кўрсатиши зарур, шундай экан кийимга қанчалик диққат қилинса, маънавий моддани ҳам шунчалик эътибордан қочирмаслик шарт.

Иоганн яна бир нарсага диққат қилди. Ҳамроҳларининг қўрқинчи, ўзини йўқотиб қўйганлиги, бадгумонлиги орқасидан борган сари аёнроқ кўриниб фюреризм чиқиб келарди — бу ҳар қандай қилиб бўлса-да, бошқалар устидан ҳукмронлик қилиш иштиёқи, атрофдагиларнинг бир муддат гарангтоб бўлиб туришидан фойдаланиб, улардан юқорироқ кўтарилиб олиш ва кейин кимда ким бунга қарши чиқса, уни макр билан аёвсиз сиёсий шубҳага олиш кўринарди. Аммо йиқилган сўзсиз бўйин эгиб, қўл қовуштира, кейинчалик унга ҳомийлик қилишга ва бошқалардан бирмунча юқорироқ кўтарилиш учун ёрдам беришга ваъда берилади.

Қилтириқ бечора ҳам шу аҳволга тушди. Кутилмаганда вагонда мавқега эга бўлиб қолган кекса йўловчи косаси оқармаган музикантнинг ялиниб-ёлвориб узор сўраганидан мурувватга келди ва шафқат қилди. Шундан кейин у энди ҳар бир ҳақиқий немис ўзида итоат қила олиш ва бўйсундира билиш хислатини тарбиялаш кераклиги ҳақида салмоқланиб узундан-узоқ гапирди. Зотан, ҳар бир немис янги ерларда — ҳоким мутлоқ Германиянинг вакили, бироқ фюрер қаршисида ҳар бир немис — увоқдир. Бу увоқлар бирлашиб, бутун ҳолда миллатнинг гранити деб аталади.

Бу маҳмаданагарчиликни тингларкан, Вайс жўшиб кетди, ўз кашфиётини амалда синаб кўриш иштиёқи билан ёнди. Ниҳоят, у ўзини тўхтатолмай, полкадан энгашиб қараркан, бефарқ туриб деди:

— Ие, сиз социалист экансиз-ку!

Кексайиб қолган йўловчи бўғриқиб кетди, оғир-оғир нафас ола бошлади.

Вайс аёвсиз эди:

— Йўқ-йўқ, национал-социалист эмас, нақ социалистнинг ўзи.

Кекса одам ҳовлиқиб ўрнидан турди ва Вайснинг елкасига оҳиста қўл теккизиб, ботинмайгина деди:

— Сиз хато қиялпсиз...

Вайс қуруқ қилиб:

— Сизга ачинаман,— деди-да, орқасига ўгирилиб олди.

Вагонга жимлик чўкди. кекса йўловчи асабий томоқ қириб, кўзи билан хайрихоҳ қидирарди, у бўйинга қўйилган айбнинг бутунлай ақлга сиғмаслигини тезроқ тушунтиришга уринарди, аммо ҳамма ундан юз ўгирадди. Қилтириқ йигитча эса, бошнини лиқиллатганича гармошкада шўх, ўйноқи куй чаларди.

5

Лодзга тонготарда етиб келишди.

Поляк давлатининг бешиги, кўҳна поляк ерлари — Познан, Силезия, Кувивя ва Мазовиянинг бир қисми — гитлерчилар томонидан Учинчи империяга тиркаб ўборилган эди. Фашистлар Лодзга Германия шаҳарлари сирасига қўшдилар.

Польшанинг қолган ерларида поляклар учун генерал-губернаторлик деб аталмиш муваққат резервациялар ташкил этилди. Бу ерлар Германияни қишлоқ хўжалик маҳсулотлари ва ишчи кучи билан таъмин этиши керак эди.

Лодзь — Лицманштадт — Фатерланд.

Буни кўчиб келаётган ҳар бир немис билиб қўймоғи керак эди.

Бунинг отини Рейх деб қўйибдилар.

Демакки, бунда славян зотига тегишли нимаикп бор, бари қувғинга, қириб ташланишга, маҳв этилишга маҳкумдир.

Рутубатли, кўкиш туман қўйида одамлар соя каби ҳаракат қилардилар. Перронда юк ташувчилар турнақатор тизилишиб туришарди. Улардан ҳар бирининг орқасида гражданча кийинган одам бор эди. Кўчманчиларни вокзал майдониға яқин ётоққа жойлаштиришди ва ташқарига чиқмасликни буюришди. Уларни эртасига кўчиб келувчи немисларнинг марказий ташкилоти — Айнвандерерцентральштеллеға навбатма-навбат чақира бошладилар. Бу ташкилот кўчиб келувчиларни сиёсий жиҳатдан текшириш ва янги ҳужжатлар билан таъмин этишдан ташқарини, кўчманчиларни муассасаларнинг талабига яраша ишға жойлаштириш вазифаси билан ҳам шуғулланар эди. Шунинг учун ҳам рўйхатға олиш ва текшириш тугагунча кўчманчилар махсус ажратилган биноларда худди карантин қилингандай яшашлари лозим эди. Кўпчилик немислар учун бу ер меҳнат биржаси бўлиб ҳам хизмат қиларди.

Кўчиб келганларнинг тақдири кўчув маркази амалдорининг қўлида эди: бировни фирмаға, бошқасини — Германия саноат районларининг заводларига жўнатишни шулар белгилар эдилар. Фашист махфий хизматининг шотирлари ҳам мана шу ерда ўзларининг Папкеға ўхшаш эски агентлари билан кўришар ва шу хизматға яроқли янги одамларни ишға ёллашарди.

Марказға бориш учун яхшилаб кийинар экан, Вайс беихтиёр такрорларди:

«Чирский Карл, СС оберштурмбанфюрери, Дрезден СДСининг собиқ ходими, империя хавфсизлиги Бошқармасининг кўчув ишлари бўлими бошлиғининг ўринбосари. Лодзда Болтиқ бўйи ва бошқа давлатлардан немисларни кўчиришға бошчилик қилади. Турқ-атвори: ёши ўттиз олтида, новча, ориқдан келган.

Зандербергер, ёши ўттиз саккизда, СС штардантенфюрери, империя хавфсизлиги Бошқармаси кўчув ишлари бўлимининг бошлиғи, муқим тураржойи Берлин, Лодзға келиб кетиб туради.

Редер Рольф, ёши ўттиз бешда, СС оберштурмбанфюрери, ўрта бўй, малла соч, бақувват, юзи юмалоқ, СДСининг Германияға бошқа мамлакатлардан кўчиб келувчи немисларни текшириш бўйича ходими...»

Буларнинг барини санаб ўтиришдан шу топда бир манфаат сезилмаса-да, бироқ у хотирани чиниқтириш, каллани ҳар хил бекорчи, тинка қуритадиган ўйлардан холи қилиш жиҳатидан саҳарда ақлни пешлаш билан барабар эди.

Иоганн сўроқ хатарли синов тусини олиши мумкинлигини назарда тутиб, вақт борида ўзини мажбур қилиб бўлса-да, миясига дам беришға ҳаракат қилди.

Шунда у яна ўз устозини эслаб кулимсиради. Эрталаб тиш юваётганингизда ҳам, пайтни қўлдан берманг — фикр юритинг, дерди устоз. У «жасорат», «қаҳрамонлик» сингари баландпарвоз сўзларни ишлатмас, булар ўрниға «хизмат», «фаросат»ға ўхшаш сўзларни қўлларди. Унинг оғзидан «маъқул» сўзини эшитсангиз, сизға дунёда энг катта мақтовдек кўринарди.

Доктор Редер Рольф креслода ялпайиб ўтирган экан. Эсэсчилар киядиган қора кителининг тугмалари ечиб қўйилган. Крахмалланган оқ кўйлаги семиз қорни устида сирилиб турибди. Маникюрчи хотин ҳозиргина йилтиратиб кетган тирноқларини кўздан кечираркан, Вайсға қайрилиб ҳам қарамай, эриниб қўл силкиди.

Иоганн ўтирди.

— Хўш, нима дейсиз?

— Мен фюрерим хизматига жон фидо этгани келдим,
Редер истамайгина қўл кўтарди.

— Хайлы!— Сўнг бир тўда анкеталарни унга томон сурди-да, буюрди:— Бошқа хонага чиқиб, тўлдилинг.

Вайс анкеталарни олди, ўрнидан турди ва орқасига бурилиши билан Редернинг ўзига қаттиқ тикилганини сизди. Унинг мана шу тешиб юборгудай бўлиб қараётганини кўриш учун чунон ўгирилгиси келди Вайснинг. Гитлер ўз кўзларининг авраш, қотириб қўйиш кучига ишонар эди. Гитлернинг сафдошлари ҳам фюрерга тақлид қилиб, кўз билан миҳлаб қўйиш қувватига эгаман, деб ўзларини ўзлари ишонтириб юрардилар. Вайс ниҳояти хотиржам кўз билан боқиб, Редернинг бошқалар хаёлидаги гапни билиб олиш ниятига зарба бера олармикинман, йўқми, деб ўйлади. Аммо шу замоноқ бу бекорчи фикридан қайтди-да, оҳиста чиқиб, эшикни авайлаб ёпди.

Анкеталарда ўтилган машғулотлар пайтида қайта-қайта жавоб берилган саволлар ёзилган эди: миллати немис эканлиги нима билан исбот этилади, Германияга қайтиб келишидан мақсади — буларнинг бари аллақачон, аниқ-равшан ишлаб чиқилган эди.

Шундай бўлгач, энди у фақат саволлар билан аввал таниш бўлмаган, жавобларини ўйлаётган одамга керак бўлган вақт ичида анкета тўлдириш учунгина ҳаракат қиларди. Анкетани ходимга топшириб бўлгач, Вайс энди Редер синчиклаб текширса керак деб ўйлаб, қабулхонасида кутиб ўтирди. Анча кутишга тўғри келди. Ниҳоят, чақиривгач, Вайс Редер берган саволга ҳайрон бўлиб қолди.

— Ҳалиям шу ердამингиз?

— Жаноби штурмбанфюрер,— шахдамлик билан деди Вайс,— менадан бир неча минут вақтингизни аямасангиз гоят бахтиёр бўлар эдим.

Редер ҳўмрайиб олди, башарасида шубҳа аломати кўринди.

— Сизнинг маслаҳатингизни олмоқчийдим,— қисқа қилиб тушунтирдн Вайс.— Сизнинг Рейхда тутган катта мавқеингиз ҳақида менга крейслейтер Функ жаноблари сўзлаб берган эдилар, мен у кишининг қўлларида шофер бўлиб ишлаганман.

Ўзига бино қўйган Редернинг ялпоқ юзи кулгидан ёйилиб кетди.

Иоганн камтарлик билан кўзини ерга тикиб давом этди.

— Анкетадан ўзингизга маълумки...

— Ҳа, бари жойида,— парвосизлик билан деди Редер.

— Жаноби Функ менинг ишимдан мамнун эдилар. Аммо мен бўйдоқман. Жаноби Функ, сенинг ёшнингда бўйдоқ юриш бачкана кўришади, дегувчи эдилар. Бу ерда дурустроқ иш топишимга шу нарса халэл бермасмикин?

Редер креслога ўзини ташлаб хахоларди. Унинг тифиз қорни дириллаб сапчирди.

— Тозаям ландовур экансан-ку!— кулгидан ўзини тўхтатолмай тақорларди Редер.— Буни қаранг-а, унга штурмбанфюрернинг фотиҳаси керак бўлиб қолибди.

Ходим кирди. Редер Вайсни имо қилиб кўрсатди.

— У менга хотин топиб беринглар, фюрерга тифизлик билан солдат кўпайтиришга киришаман деб айтяпти. Шу билан ўзини ҳам солдатликдан олиб қочмоқчи. Вой, валати-ей!— Шундан сўнг у қўли билан эшикни кўрсатди.

Вайс ўзини йўқотиб қўйган айбдор одамдай қуллуқ қилиб, чиқиб кетди.

Бир неча муддатдан сўнг ходим мийғида кулиб, ҳужжатлар берар экан, салмоқдор қилиб деди:

— Сени худаям ақли деб бўлмайди, аммо машина ҳайдашни биларкансан, бунинг айби йўқ. Обрўлироқ одамнинг бир оғиз сўзи бўлса,

бас, сенга бизнинг гараждан жой топилади. Менинг фамилиям Шульц.

— Тушунарли, жаноби Шульц! Сўзларингиздан миннатдорман.

Вайс ётоққа қайтганда, Генрихдан икки энлик хат келганини билиб хурсанд бўлиб кетди. Текширув тугагач, кўчиб келганларга шаҳарга чиқиш учун рухсат берилди. Вайс хатда кўрсатилган адресга қараб кетди.

Генрих энг яхши меҳмонхоналардан бирига жойлашган эди. У ёлғиз ўзи эмасди: оберштурмбанфюрер Вилли Шварцкопф сўзининг устидан чиқиб, қариндошини кутиб олган ва бугундан қолмай машинада у билан Берлинга жўнамоқчи эди.

Генрих Вайсни амакисига таништирди. У Иоганнга қўл бермасдан, бир тутам қора сочи Гитлерникига ўхшатиб қошига туширилган бошини лиқиллатиб қўйди. Дўрдайган лаблари устидаги мўйлови ҳам гитлернамо эди. Унинг ўзи семиздан келган, башараси кўримсиз, кўзининг таги халтадай осилиб тушган, бир ёқ юзи асабий учиб турувчи одам эди.

Юмалоқ стол устида одатдаги меҳмонхона телефонида ташқари чарм ғилофларга жойланган иккита ҳарбий-дала телефони ҳам турар, уларнинг йўгон симлари полда илон изи бўлиб ётарди.

Генрих Вайсга қараб Берлинга кетаётгани, шу билан эҳтимол, бошқа кўришолмасликларини айтди. Кейин ҳомийлик оҳанги билан:

— Отамга қилган хизматларинг эвазига... Бирон нарсдан қийналган бўлсанг...— деди-ю, амакисига саволмуз қаради.

— Шундай,— деди оберштурмбанфюрер қулфига пўлат ҳалқалик занжир осилган портфелидан қандайдир қоғозларни олар экан,— унга пул беришимиз мумкин.

Генрихнинг менсиб-менсимай айтган гаплари, у билан бепарво, қуруққина хайрлашаётгани Иоганнинг кўнглига оғир ботди. У Генрих билан ўрталаридаги дўстликдан, Вилли Шварцкопфдан фойдаланиш имкониятидан кутилган умидлар совирилиб кетаётганини тушунди. Билакс, умид боғлаган Иоганнинг ўзигина эмасди...

Вайснинг чеҳраси очилиб кетди ва юракдан чиқариб деди:

— Жаноби Шварцкопф, оберштурмбанфюрер жаноблари, катта раҳмат. Аммо илтифотингизни дариғ тутмасангиз, бир илтимосим бор эди,— шундай дея у пошналарини тақирлатиб, Вилли Шварцкопфга бош эгди. Сўнг ялинганнамо жилмайиб деди:— Айнвандерерцентральштелле гаражида жой бўш экан. Сизнинг бир оғиз сўзингиз менинг тақдирим учун катта гап бўларди.

Вилли Шварцкопф қошларини кўтарди-да, тўпорилик билан сўради:

— У ерда шоферлик қилмоқчимисан?

Вайс яна бир карра бошини эҳтиром билан эгди.

Вилли Шварцкопф телефонни олиб, номерни айтди-да, деди:

— Оберштурмбанфюрер Шварцкопф гапиряпти.— Генрихга савол аломати билан қаради:— Оти нима?— трубкага қайталаб айтди:— Иоганн Вайс. У сизларда шофер бўлиб ишлайди. Ҳа. Йўқ. Фақат шофер бўлиб.— Шундан сўнг у трубкани ташлаб, соатига қаради.

Вайс суҳбат тугаганини тушунди-да, уларнинг икковига қараб қуллуқ қилди. Эшикдан чиқаётганда, Генрих унинг чўнтагига пул солинган конвертни суқди-да, эринибгина қўл узатиб, муваффақият тилади. Эшик ёпилди.

Мана, Генрихдан ҳам умид узилди, ҳаммаси — қанчадан-қанча ҳаракатлари, узоқни кўзлаб мўлжалланган режалари — бари-бари чин-пакка чиқди. Бунда Вайснинг айби борми? Бўлса, у нимада? Генрих-

нинг оқибатсиз одам эҳанлигини англаб етмадим, ёки унинг ишончли сирдоши бўлиш учун етарлича ҳаракат қилмадим? Аввал Функ, кейин Вилли Шварцкопфнинг унга қилган таъсирини назардан қочирдим, менсимадими? Фашизмга нисбатан уйғонган хайрихоҳлик ёш Генрих қалбининг жўшқинлигини, кўринишдан самимий бўлган дўстлик ҳисларини бирпаснинг ўзнда пайҳон қилиб кетмаса керак, деб ўйладим?

Вайс бутун операцияга алоқадор бўлган, фақат иш юзасидангина хато қилиб қолмаганини, балки одам сифатида ҳам хато қилгани ва бу юрагида ўчмас из қолдираганини тушунарди. Нима демасин, ҳар қалай, ўзининг самимийлиги, одамларга ишонини (гарчи, бу ишонч дуч келган ташқи қўпол куч таъсирида тез ўзгаришга мойил бўлса-да) билан Генрих унга ёқарди. Генрих боши осмонга етиб турган чоғда ҳам бирдан туси ўзгариб бўғилар, мулоимлиги сурбетлик билан алмашар, пушаймон бўлар, ўртанар, беаза қплиқлари учун чин юракдан ўзидан-ўзи нафратланар, ҳаётнинг маънисини нимадаллигини қидириб, ўзини ўтга-чўққа урарди. Иоганн Генрихдаги мана шу жўшқинлик, изтироб, ўзидан-ўзи кўнгли тўлмаслик унинг инсонийлик фазилатидан дарак беради деб тушунар, зимдан, эҳтиёткорлик билан ўтказаетган таъсири Генрихнинг хатти-ҳаракатларида, фикрларида из қолдираётгани, куртак ёзаётганидан қувонарди. Бу нарса Иоганн кўнглида Генрихга яқинлик туйғуларини уйғотар, у Вайс қўлида қўғирчоқликдан кўра йўлдошга айлана борарди. Гарчи, у билан юракдаги бор гапни айтиб гаплашиш мумкин бўлмаса-да, ҳар ҳолда, Генрих борлигида ёлғизлик ҳисидан халос бўлиш мумкин эди.

Мана энди Иоганн сабр-чидам билан, узоқ пишитиб келган, ниятини амалга оширишда муҳим хизмат қилиши мумкин бўлган ип бирдан узилди.

Эртаси кунни эрта билан Иоганн яна Кўчув марказига борди.

Шульц уни қойил қилибсан, дегандай ҳингпрлаб қаршилади.

— Сен жаноб оберштурмбанфюрер айтганчалик ландавур эмас экансан,— деди у Иоганннинг елкасига қоқиб.— Буни қара-я, сен оберштурмбанфюрер Шварцкопф билан таниш экансан-да?

— Қўйинг-э,— ҳайрон бўлди Вайс,— ўшандоқ киши билан қанақасига таниш бўлай! Аммо мен у кишининг акаси Рудольф Шварцкопф қўлида ишлаганман. Шу боисдан, жаноб Шварцкопфнинг ўғиллари мени оберштурмбанфюрер жанобларига тавсия этдилар.

— Яхши,— илтифот оҳангда деди Шульц.— Мен сени гаражимизга ишга олишга буюраман. Аммо ким бунга бош қўшди? Уйлайманки, буни эсингдан чиқармасан?

— Бош устига,— Вайс ўрнидан дик этиб турди-да, пошналарини уриб тақиллатганича қўлларини икки ёнига қўйиб роз қотди.

Шу кунни Вайс Айнвандерерцентральштеллега ишга ўтди.

Иоганн фрау Дитмарнинг уйига арзонгина нарх билан жойлашди. Афтидан, уй бекаси ўзининг:— Хотини-потинга айланишмайсиз!— деган қатъий талабига унинг жон деб рози бўлганлигидан нийиб кетган бўлса керак.

Ушанда Иоганн кўзини ерга тикиб, маъсудлик билан чунон ийманиб кетдики, уй бекаси фрау Дитмарнинг раҳми келиб, кўнгилчанлик билан ўз сўзларига аниқлик киритди:

— Ҳар қалай, менинг уйимда шундай бўлмаслиги керак.

Иоганн уялибгина гудранди:

— Мен ҳали ёшман, хоним, уйланиш ниятим ҳам йўқ.

— Уз хонангизни ўзингиз йиғиштиришингиз керак!

— Дитмар хоним, раҳматли холам менга уй ишларини топширарди, мен тўғриси... Мана кўрарсиз ҳали...

— Нега холам деяпсиз, онангиз-чи?

— Мен етимчаман, хоним.

— Ой— юмшаб хитоб қилди фрау Дитмар.— Шўрликкина бола!— Шундан кейин кўнгли бузилиб кетиб, Иоганни кофе ичиш учун операция хоналардай гард қўнмаган, мўъжазгина ошхонага олиб кирди.

Урта бўйли, тўладан келган, юзи думалоқ, дўрдайibroқ чиққан мовий кўзлари сўниқ, лабларининг четига қайғудан ажинлар тушган фрау Дитмар ёшлигида анчагина чиройли аёл бўлгани кўриниб турарди. Лекин кийинишидан, ўзини туттишидан, юз ифодаларидан у кексаликни бўйнига олиб, энди олма-ўрик бўлармидим, деган фикрга келганга ўхшарди.

Кофе ичиб ўтириб, у якка ҳаёт кечириб, ёлғизлик жонига теккан барча одамлар каби тўсиндан ўзини яқин олиб, юрагини очди.

Фрау Аннель Дитмар аждодларининг шажараси узоқ-узоқларга бориб тақалади, аммо кейин-кейин бориб, буларнинг авлодидан бахт юз ўгириб, улар ўз толеларини бегона юртлардан қидиришга мажбур бўлганлар. Унинг ота-онаси бутун умрини Польшада кечирган. Аннель ўн олти ёшида ўзидан ўн беш ёш катта бўлган инженер Иоахим Дитмарга турмушга чиқди. Инженер бахти чопган, ов-дови юрган одамлардан эмасди. Устига устақ ҳалдан ташқари ҳалол одам эди. Бунинг учун эса кўп маҳал фирма эгаларидан танбеҳ ер эди, уни кўли эгри деб айблашарди. Бир куни фирма инспектори уни ҳақоратлаб, хомкалла ва тентак деб атаганди. Иоахим Дитмар буни кўтаролмади. Боёқиш юрак тутқаноғи тутиб ўлди.

Инженер Дитмар бошқа мамлакатларга чиқариладиган станок деталларини технология бўйича хром, никель ва шунга ўхшаш бошқа металллар аралашмаси қўшилган олий пўлатдан ишлаб чиқаришга буйруқ берганди. Аммо бу Германиянинг сиёсий мақсадларига ва фирманинг иқтисодий манфаатларига зид келарди.

Герингнинг ижозати билан абвернинг бошлиғи Канарис воситачи мамлакатлар орқали Испания ватанпарварларига яширин суратда қурол сотишни йўлга қўйганлигини ва бу билан уларнинг жанговарлигига путур етказишни ўйлаганлигини инженер Дитмар қаердан билсин? Шу мақсадда Чехословакия, Болқон давлатлари ва бошқа мамлакатлардан эски милтиқ, карабин, ҳарбий анжом ва гранаталар сотиб олинган эди. Буларнинг барини Германияга келтиришар, эсэсчи қурол-созлар эса уларнинг пистон чақадиган қисмларини тўмтоқлаштиришар, патронларни ишдан чиқаришар, гранаталарнинг портловчи моддаларини кэмайтиришар ёки уларни муддатидан олдин портлайдиган қилиб қўйишарди. Мана шундай ўзгартишлардан кейин ишдан чиққан қуролчи Польша, Финляндия, Чехословакия, Голландияга жўнатишар ва Испания республикаси ҳукуматига сотишарди.

Худди шунга ўхшаш нарсани Дитмар ишлайдиган фирмада ҳам қўллашга киришилди: бошқа мамлакатларга чиқариладиган станок деталлари технология бўйича олий сифатли пўлатдан эмас, сифатсиз, арзон пўлатдан ишлаб чиқарилла бошланди.

Хуллас, фрау Дитмар бева қолди. Унинг ўғли Фридрих Берлин университетига ўқишга кирди. Бу ерда у ўзининг математикага катта қобилияти борлигини кўрсата бошлади.

Бироқ отаси ўзини сиёсатдан олиб қочган бўлса, ўғли аксинча, унга мўқкасидан берилиб кетди. У Гитлер деганда тиз чўкиб, гитлерчи ёшлар ташкилоти — гитлерюгендга аъзо бўлиб кирган, қолаверса унинг фаолларидан бирига айланган эди.

Фрау Дитмар турмуш йўлдошидан аллақачон қўл ювиб қўлтиққа урган бўлса, эндиликда, Фридрихим онла шарафини кўтаради, жамиятда эътибор касб этади ва кексайган чоғимда юрагимга далда бўлади, деб орзу қиларди. У емай-ичмай, ишқилиб, ўғлимни ўқитсам бўлгани деб ўйлар эди. Мана энди... бутун йил бўйи Фридрих унга фақат иккита табрик қоғози юбориб ўтирибди: у ҳам бўлса, бири пасха, иккинчиси рожество байрами муносабати билан.

Буларнинг барини фрау Дитмар биринчи куни кечқуруноқ оқнэмай-томизмай айтиб берди. Бечора аёл бу ёлғиз ва камсуқум йигитчани ўз ўғлига ўхшатгани, шу сабаб уни ёқтириб қолгани учун ҳам балки шундай қилгандир. Унинг ўғли ҳам ҳали мактабда ўқиб юрган болалик чоғларида, онасини қўярга жой топмас, унинг ёнидан икки қадам нари жилмасди-да, ахир.

Иоганн фрау Дитмар унга оналик қилмоқчи эканини ва шу билан ўғлига бўлган соғинчини бир оз унутмоқчилигини тушунди. У Иоганнга, агар сиз дам олиш кунлари мен билан эрталабки ибодат учун кирхага боришга рози бўлсангиз жуда ҳам яхши бўларди, бир маҳаллари Фридрих шундай қиларди, деди. У табиатан меҳрибон, мулойим, кўнгли бўш хотин эди.

Мабодо, Брунодай кўпни кўрган, йнрик мутахассис Вайсга олдиндан ҳар томонлама қулай бир турар жой танлаганда ҳам, фрау Дитмарни кидан кўра маъқулроқ бир жойни тополмаган бўларди.

Шундай қилиб, Иоганн ҳатто, ипидан-игнасиғача ишлаб чиқилган режаларда ҳам қандайлигини аниқ айтиш қийин бўлган квартира эгасини топди. Унинг Иоганни ўзига яқин олиши — ёлғизлик захрига даво бўлса, ҳаётда орттирган тажрибаси ва шаҳарни билишлиги эса Иоганн учун атрофдаги одамларни юзаки баҳоламасликка ёрдам беради.

Иоганн эртасига иш бошланмасдан ярим соат олдин гаражга келганда, бу ерда уни хушламайгина қарши олишди. Кўп ўтмай у бунинг сабаби нимадалигини англади.

Нахбарнфюрер Папке берган ваъдасининг устидан чиқди. У эсечилар мундирида гараж бошлиғи ефрейтор Келернинг олдинга келиб, Шульц томонидан Вайсни штатга олиш ҳақида олдинроқ буйруқ бўлганига қарамай, ўз навбатида яна шундай буйруқ бериб кетди.

Шоферлар, механиклар, слесарлар, машина ювувчилар Иоганндан ўзларини олиб қочишар, аммо ҳурмат ва эҳтиёткорлик билан муомала қилишар, уларнинг назарларида валинсъмати гестапо ходими бўлган, демак, бу ерда, гаражда, ҳеч шубҳасиз махфий жосуслик вазифасини бажарадиган одам билан шундан бошқача муомала қилиб бўлмасди.

Шуниси ҳам тузук, деб ўйлади Вайс, ётсираш уни ортиқча савол-жаъоблар ва ошна оғайнигарчиликдан халос қилади, уларнинг наздидаги бундай шубҳали одам билан борди-келди қилиш кимга ҳам хуш ёқарди.

Ҳеч кимга аралашмасликнинг яна бир яхши томони бор эди. Мабодо, у нотўғри гапириб қўйса ёки бирон нарсани билмай қолса, буни гестапо агентининг ўсмоқчилашига йўйишади, шундай экан, у касби кори шоферлик бўлган бошқа бир немис сўрашга ботинмайдиган нарсалар тўғрисида ҳам бемалол суриштиравериши мумкин бўлади.

Яна шуниси ҳам борки, агар лозим бўлиб қолса, дарров маълум бир имтиёзларга ҳам эга бўлиб қўйиш керак. Ёши ўтиброқ қолган, табиатан тажанг ва ўзига ишонган Келер эса, шоферларнинг кинояли жилмайишларига қарамасдан, Иоганнга биринчи бўлиб қўл чўзди ва худди узоқ вақт кўришмай юрган дўстининг қўлини сиққандай бўлди.

Вайсга мотори ҳаво билан совптиладиган, ҳарбий эҳтиёжларга мосланган, олд ва орқа томонига пулемёт ўрнатиш учун мосламалар ўрнатилган янгигина баланд ўқли Чехословакия машинаси — «Татра» тегди.

Машина завод мойларидан тозаланган бўлса-да, Вайс унинг қисмларини яна бир карра артиб чиқди. У ўз вақтида Германияда чиқариладиган ҳамма машиналарни ўрганиб чиққап, аммо Германиянинг Чехословакияни эгаллаб олиши ва унга чех машиналарида ишлашга тўғри келиши мумкинлигини ҳеч кимнинг ҳаёлига келмаган эди; шунинг учун ҳам Вайсга синов юришидан кейин «Татра» ни тўла-тўқис билиб олиш учун бутун билминини ишга солишга тўғри келди. Бунда у, табиийки, бирмунча камчиликларга ҳам йўл қўйди.

Гаражнинг ҳамма бирдек амал қиладиган ўз расм-русумлари бор эди.

Немис шоферларининг биронтаси ҳам машинани йўлга ҳозирлаганда кийган коржомасини бошқасига алмаштирмасдан машина ҳайдашга ўғирмас эди.

Биронта кимса гаражда ишлаб туриб, ўз асбоб-ускунасида фойдаланмас, ёмон бўлса ҳам гараж ускуналари билан ишларди. Ювениладиган хонанинг ёғоч ғалтакларида сочиқ осилган бўларди. Ҳаммалари кун бўйи шу сочиқлар билан артинишар, уйга кетишда эса ҳар ким ўз жавончасидан оппоқ сочиғини оларди.

Агарда бирон кимсадан маслаҳат ёки ёрдам сўрайдиган бўлсанг, шу заҳоти уни сигарета билан меҳмон қилишинг, мабодо, кўпроқ вақтини банд қилсанг, бутун пачкани қўлига тутқизишинг керак эди.

Шоферлар ичида нархи жуда баланд бўлган бензинни ўғирлаш ва яширинча сотишни айб санамайдиганлари ҳам бор эди, айни чоқда, гаражда зажигалкангни ёки биронта майда-чуйда нарсангни унутиб қолдирган бўлсанг, уни эртасига гараж қоровулхонасининг столи устидан топардинг.

Биринчи бўлиб ефрейтор Келер ва гараж механиги билан саломлашиш, шоферлардан эса кимни иқинг суйса ўша билан сўрашиш керак эди, аммо слесарлар ва машина ювувчилар шоферларга ва айниқса бошлиқларни олиб юрувчиларга биринчи бўлиб салом бериши шарт эди.

Штурмбанфюрер Редернинг шофери — Вильгельм Брудер Келерга қараганда ҳам обрўлироқ шахс эди, шу боисдан у билан ҳамма қуюқ саломлашар, аммо ҳар кимнинг ҳам саломига алик ола бермасди.

Узи билан бирга ишлайдиган одамларнинг кўзига баттар хунук кўринаётганига қарамай, Иоганн ҳали Брудер чўнтагидан сигаретини чиқариб улгурмасданоқ зажигалкасини ёндириб тутарди.

Иоганн бошлиқлардан биронтасининг шахсий шофери бўлмаса-да ва демак, ҳомийси йўқлигига қарамай, Папке қолдирган шарпа касбдошлари билан орада чиқиши мумкин бўлган тўқнашувдан уни амин тутарди.

Вайсни ҳозирча фақат шаҳар районларига юборишар ва у асосан, кўчув марказининг майда хизматчиларини олиб юрар. Булар ҳам, Келер сгоҳлантириб қўйган бўлса керак, миқ этишмасди. Иоганн буларнинг кўзига ҳам яхши кўринишга ҳаракат қиларди: тавозе билан эшикни очиб берар, чамадонларини кўтаришиб борар, қайси тезликда юрса маъқул бўлишлигини сўраб биларди. Бироқ, биронта гапдан йўловчи ватанпарварлик мавзуларида бўлса-да, гапга солишга уриниб қолса, Иоганн устав қоидаларини рўқач қилиб, суҳбатдан бош тортарди. Биринчи маши-ни олиши билан у Брудер, Келер ва гаражда алоҳида ўрин тутган, қайси ташкилотда хизмат қилишини ҳеч ким билмайдиган, зирҳли ярим юк машинасининг шофери Карл Циммерманни ресторанга таклиф қилди.

Иоганн Циммерманнинг кителли остидан икки биқинида икки пистолет дўшайиб туришни, машиннасининг кабипасида эса махсус тутқичга гра-пата ўрнатиб қўйилгани ва чарм ҳалқаларга автомат осилганини пайқа-ган эди. Гаражда ҳеч ким Циммерманнинг машинасига қўл уришга ҳаққи йўқ эди — у бутун ишни ўзи қилар, чақирқи эса мотоциклчи олиб ке-ларди. Ҳар сафар чақирқи олиши билан Циммерман буйруқ қоғозига қўл қўяр ва уни мотоциклчига қайтариб берарди.

Иоганн ресторанда мен ўзим ҳеч нарса буюрмаганим тузук, меҳмон-лар ўзларига ёқадиганини ўзлари буюрсинлар, деган қарорга келди.

Циммерман бу ерда сўзн ўтадиган бирдан-бир киши ўзи эканлигини таъкидлаб, буни бошқалар ҳам биллиб қўйсинлар деган маънода, Ке-лерга қараб туриб, баланд овоз билан:

— Мабодо, патруль сени ғирт маст ҳолда ушлаб олса ҳам, улар-га бир оғиз шипшиб қўйсам бас, сени генерал деб фаҳмлаб, қоида-сини келтириб қўл кўтаришади.— деди-да, Иоганнга кўз қисиб қўйдн.

Циммерман, Келер ва Брудер текин ичкилик деса муккасидан кета-диганлардан экан. Пиво билан шнапс фақат бошламасигина бўлди. Бирн бирига ўхшамайдиган бу уч киши биринчи марта ичкилик устида ўтиришганида қанчалик маст бўлмасиилар, ҳамма нарсани очиқчасига гаплашмасликларини Иоганн биларди. Шнапс уларнинг тилларни ешиб юборадн деб ўйлаш солдалик бўларди. Иоганн буни мўлжалла-маган ҳам эди. У янги ишга келган одам касбдошларини меҳмон қили-ши кераклигини билар, бинобарин, ҳозир худди шу нарсанигина бажо қилмоқда эди.

Иоганн ҳеч қачон маст бўлиш даражасида ичмас, шундай қилиш тўғри келиб қолган чоғларда эса ўзини тергай оларди. Ҳозир ҳам у гўё четдан туриб, ўзи қандай сархуш бўлаётганини кузатарди. Сархуш-лик унга гўё қанот бағишлагандай бўлди. У ўз улфатларига шунча кўп гапларни айтдики, ўтириш охирлаганда улар Иоганни чин дўстлари қатори кўра бошладилар.

Фрау Дитмар Иоганнга эшикни очар экан, ичкилик ҳидини сезиб, хафа бўлиб кетди. Иоганнга, сизни ўз ўғлимдай кўраман, негаям меҳ-монларингизни шу ерга чақира қолинг, деб айтмаган эканман, бу ерда бўлганингизда, сизга шнапс ичиртирмаган бўлардим, деди. У шунақа-ям хафа бўлиб, ҳаяжонланиб кетдики, кечаси билан бошига муздек латта босиб, юрак ўйноғини босадиган дори ичиб чиқди. Эрталаб туриб ундан Иоганн кечирим сўради, узоқ ойлاردан бери у ҳали ҳеч кимга бунчалик саммният ва очиқ кўнгиллик билан мурожаат қилмаганди.

6

Ҳаво тўмтайиб, ёмғир томчилаб турган кунлардан бири Вайс йўли тушиб ўй хизматчиси, ходимлари ёлланадиган бюро ёнидан ўтиб кета туриб, Генрихнинг купе қўшниси баронессани кўриб қолди. У қўшотли коляскада бир маҳаллар машҳур поляк урунга тегишли, энди Латвия-да қолган чоғроқ қўрғони эвазига генерал-губернаторлик томонидан унга шахсий мулк қилиб берилган қасрдан келибди.

Баронесса нимадандир хафа эди, озинб, юзида ажинлари чуқурла-шибди, териси халта-халта бўлиб қолибди. У бошдан-оёқ мўйнадан кийинган, садаф қадалган юмшоқ замша туфлп кийган бўлишга қа-рамай, кўлмаклар устидан юриб келарди.

Баронесса оғиз очгандан надомат қила кетди. Афтидан, у бу ерда ўзини ёлғиз сезар, таниш одамни учратганидан хурсанд эди.

Вайснинг бир вақтлардагидек Шварцкопфга шофер эмас, балки деярли ҳарбий унвон эгаси бўлганлигини ва ҳозирда унинг хўжайини — катта амалдор эканлигини билиб, у кўнглидаги бутун гапларини тўкиб солди. Олди-қочди гап орасида у Вайсга ўз гам-ташвишларини ҳам айтиб берди. Қасрнинг собиқ эгаларининг Англияда ҳам авлоди бор, бу кейинчалик бир кори ҳолга олиб бормаса эди, деб қўрқаман деди. Аслида, поляк аслзодаларининг мулкани мусодара қилиш менга ёқмайди, славянлар паст ирқдан бўлсалар ҳам, қадим уруғларга нисбатан ирқчилик масаласини қўллаб бўлмайди, ҳозирги кунда поляк аслзодалари шахсий сабабларга кўра ватанпарварлик кўрсатаётган бўлсалар ҳам, бунинг Рейх учун хавfli жойи йўқ. Бу ақлга тўғри келадиган ватанпарварлик. Аммо лекин, поляк мужикларининг Россияга умид боғлаётганига келсак, бу қўрқинчилик... — дерди у.

Баронесса хайрлашаркан, Иоганни қасрга таклиф қилди ва бошқарувчи сизни яхшлаб меҳмон қилади, деб айтди.

Ресторандаги зиёфатдан кейин Вайс ўзининг Келер, Брудер ва Шиммерман билан апоқ-чапоқ бўлиб олганлиги гаражнинг оддий ишчилари билан муомаласини янада мужмаллаштириб қўйганлигини пайқади. Бундан унинг кўнгли хижил эди.

Бошда улар ўзларини Вайсдан олиб қочишар, зарурат туғилган холлардагина унга мурожаат қилишарди.

Аммо кейинроқ бориб (ўзи доим шундай бўлади) меҳнат уларни Вайсга яқинлаштириб қўйди. Ишчи кишилар ишни қотириб қиладиган қўли гул одамларга ҳурмат билан қарашади.

Белов кўп нарсаларни отаси билан бир заводда ишлаб ўрганди, аммо ҳақиқий моҳирликни институт лабораториясида, академик Лиев раҳбарлик қилувчи студентларнинг илмий тўғарагига қатнашиб орттирди.

Вайс термит ва газ билан пайвандлашни билар, пўлатнинг қандайлигини унинг ёриғига қараб айтиб бера олар, деталга андазасозлардай аниқ ишлов бериш қўлида келар — бинобарин, унинг бу қадар билимдонлигидан немис ишчилари ажабланишар ва ичларида қойил қолиб юрардилар.

Бу ердагиларнинг ёши каттароғи Венер биринчи жаҳон урушида қатнашган экан. Шарқий фронтда оғир ярадор бўлибди. Кейин енгил яраланган бир рус солдати уни асир олибди. Улар, бир оз юриб ўпиррилган окопда ўтириб тамаки тортишибди. Шундан кейин рус солдати Венернинг милтиғини олиб, борган жойингга боравер дегандай қўл силтаб жўнаб қолибди. Вайснинг камгап бу одамдан биринчи билган нарсаси шу бўлди.

— Демак, русларнинг ичида ҳам яхши одамлар учраб тураркан-да, аммо буниси большевик бўлмаса керак-да, — деди Вайс.

Венер ишга берилиб кетган одамдай анчагина индамай турди, кейин сўради:

— Ушанда бизга қайси ҳукумат сулҳ таклиф этганлигини билмайсанми?

— Большевиклар эди, шекилли.

— Унда қўйиб юборган солдат ким бўлади?

Паканадан келган, яғриндор, энкайиб юрадиган, бурни пачоқ Вольф Винц анчагача очиқ-ёзиқ гаплашишдан қочиб юрди.

Аммо бир куни кечқурун гаражда икковларидан бошқа ҳеч ким қолмаганда, Винц Иоганнга деди:

— Мана, сен уддабурон, эпчил бола бўла туриб, ССдамас, гестаподамас бу ерда ишлаб юрибсан. Ваҳолонки, сендақалар у ерда тез кўтарилишади.

— Узинг-чи, ўзинг нега шунақа тез кўтарилишнинг пайида бўлмайсан?

— Мен ишчиман.

— Шундайми? Сенга ишчи бўлиш ёқадими?

— Ҳа,— деди Винц.— Ёқади.

— Бурнингни қаерда пачоқ қилдинг, ишдами?

— Ҳа,— деди Винц,— ишда. Эс-ҳушингни жойига келтириб қўямиз, деб бурнимни пачоқ қилишди.

— Ким?

— Касби шу бўлганлар.

— Тушунарли,— деди Вайс.

— Аниқроқ қилиб айт?

— Довюрак йигит экансан.

— Шу гапларим учун шундай деясанми? — Винц лабини буриб кулди.— Сен ҳали чинакамига юракли йигитларни кўрмаган экансан бўлмасам.

— Тўғри, мен фронтда бўлмаганман,— ўзини гўлликка солди Иоганн.

— Улар фронтдамас.

— Бўлмаса қаерда?

— Гестапода!

— Тўғри, гестапочи йигитлар тегирмондан бутун чиқадиганлардан,— деди Иоганн Винцга разм солиб қарар экан, кейин кулиб қўшиб қўйдн:— Шундай демоқчийдинг, шеклилли.

Винц ҳам кулиб юборди ва:

— Сен чиндан ҳам устомон йигит чиқиб қолдинг-ку, ўртоғининг кўзига чўп соладиганлардан эмас экансан,— деб мақтади.

— Ўзинг ҳам ундайлардан эмассан.

— Тўппа-тўғри,— рози бўлди Винц,— худди кўнглимдаги гапни топдинг.

Баъзи-баъзида Вайс ўзига шерик шоферлар билан бирга пивохо-нага кнрар, бу ерда улар боадабгина ўтириб каттакон кружкаларда шoшмасдан пиво ҳўплашар ва онлаларп ҳақида гаплашишар, уйларини эслашар, келган хатларни ўқишарди.

Бир куни Иоганн Россия билан уруш бўладими, деб сўради.

Венер дудмал қилиб деди:

— Ҳар ҳолда, Бисмарк маслаҳат кўрмаган.

Винц деди:

— Бисмаркинг билан унинг неча пуллик иши бор? Бугуимни, эрта-ми «Ол киш!» деб буйруқ беради, қўлингдан қанни, нима келарди.

— Лекин куннинг индини ҳам бор,— дудмал қилиб деди Венер.

— Ҳўп, унда нима бўлади?— суриштиришини қўймасди Вайс.— Индинга нима бўлади?

— Балки, ўрнимдан туриб, нима бўлишлигини бутун залга Сақириб айтишимни сўраётгандирсан, а?— жаҳли чиқди Венернинг.

Винц Иоганнга қаттиқ тикилиб қарар экан, кружкасини кўтарди.

— Соғ бўл!— кейин охиригача қолдирмай ичди.

Иоганн ҳам қолдирмай ичди, аммо ҳар эҳтимолга қаршн:

— Сенинг ва фюреримизнинг соғлиғи учун,— деди.

— Ух, жуда қирриқ йигитсан-да!— деди Винц.— Циркда ишласанг бўларкан асли.

Вайс машиналарни ремонт қилишда мураккаб техник ишларни ор-тиқча гап-сўзсиз, қийин-қистовсиз бажариши билан гараж ишчилари орасида обрў қозонди. У Винц ва Венер билан бирликда кучли дизель

двигатели бўлган, юк манипасининг кузовига ўрнатилган, пачағи чиққан кўчма электростанцияни тузатди.

Электростанцияни ҳарбий инженерга топширар экан, Вайс мақтов эшитибгина қолмай, пул мукофоти олишга ҳам муяссар бўлди.

Кечқурун яна ўша пивохонада йигилишганда, у пулнинг учдан бирини ўзига олиб, қолганини шерикларига бўлиб берди.

Венер билан Винц одатдагича каттакон кружкаларда пиво буюришди-да, ҳар донмдагидай унн шошмасдан, сиполик билан сигаретанинг аччиқ тутунига қўшиб торта бошлашди. Аммо кўчага чиқишлари биланок, афтидан, олдиндан келишиб олмай, иккала ишчи ҳам деярли бир оғиздан эътироз билдиришиб, пулнинг кўпроқ қисмини олишни Иоганидан талаб қилишди.

— Нега ундай деяпсизлар?— сўради Вайс.

— Менга қара, йигит, — жиддий туриб деди Венера, — Болтиқ бўйида яшаб, сенинг димоғингга социализм ўрнашиб қолибди. Бу ерда эса димоқни бошқача ҳидлар қитиқлайди.

— Қўланса ҳидлар дегин, — изоҳ берди Винц. — Сен ҳали бу ҳидлар нималигини билмайсан.

— Менга қаранглар, — деди Иоганн. — Қаерда қандай ҳид анқишини димоғимнинг ўзига қўйиб беринглар, қани энди жўнаб қолинглар-чи.

— Демак, пулнинг олмайсан, шундайми?

— Биласизларми нима, — деди Иоганн, — мен сизларга ҳеч нарса берганим йўқ. Ҳақингларни тўладим. Тушунарлими? Тўладим.

— Шунча кўп тўлайсанми?

— Бу менинг ишим. Эгаси менми, мен тўлайман.

— Демак, сен эгалик қиладиганлардан экансан-да.

— Шундай, — деди Иоганн, — худди ўшалардан.

— Қисқаси, олмайсанми?

— Йўқ.

Улар анчагача фонарлари ўчган, қоронғи кўчадан индамай юриб боришди. Тўсатдан, Винц Вайснинг елкасига қаттиқ қоқди ва:

— Иоганн-чи, сен ҳақиқий немис ишчи йигитларидан экансан, сендақалар Руримизда авваллари кўйлаб топиларди, — деди.

— Гамбургда ҳам, — қўшиб қўйди Венера.

Шунда Иоганн кейинги ойлар ичида биринчи марта ўзини ҳақиқий немис деб билганларидан боши осмонга етди...

Иоганн бора-бора у ёки бу шахснинг мавқеи қанча юқори бўлса, у очик-ёзиқ гаплашишдан шунча йироқ бўлишлигини англади. Ишғол қилган амалига қараб, мансабдорнинг босган қадамини яширни суратда кузатиш ҳам шунча кучая борар экан. Амалдор қанча йирик бўлса, кетига уланган думи шунча узун бўлади. Ҳали етарли ва ҳар жиҳатдан муҳофаза қилинмаган ҳолда Иоганн амалдорга тақилаверса, аҳволи вой бўлиши мумкин эди.

Вайс зеҳн солиб қараб, шундай бир хулосага келди: амалдорнинг мансаби қанча юқори бўлса, у ўз қўл остидаги одамларга шунча паст назар билан қараб, улардан сир сақлашни ҳам қаттиқ туриб талаб қилади. Аммо шуниси ҳам борки, яқинроқ турган ёрдамчиларга нисбатан бўлган калондимоғлик, майда хизматчиларга муносабатда кўпннча уларни бутунлай менсимаслик, оёқ учида кўрсатишга айланиб кетаркан. Немис генерали офицер олдига ҳеч қачон кителини киймасдан туриб чиқмагани, ваҳолонки, солдат ҳузурда уят бўлади деб ўтирмасдан бемалол ички кийимда юраверганидай, йирик мансабдорлар паст даражали хизматчилар олдида сир сақлаш қондаларига унчалик амал қилиб ўтирмасдилар.

Бошлиқлар ўз вазифаларини ёрдамчиларга ишониб топшириб қўя-

диган ташкилотларнинг ипидан-игнасигача аниқлаб чиқилган, қулайлаштирилган ишлаш йўсинида, шундай бир ҳоллар бор эдики, бунда айрим хизматчилар паст вазифада эканликларига қарамай, аслида, мастюлиятли ишларни бажарар эдилар.

Ҳисоботларни, маълумотларни, хабарларни, докладларни мана шулар тайёрлар эдилар. Буларнинг аксарияти маълумотли, мамлакат ичкарисиди ҳар қанча меҳнат бўлса қилишдан қочмайдиган, бизни фронтга юбормасалар бўлди, қолганига розимиз дейдиганлардан эди.

Вайс мана шундай хизматчи солдатлар билан ошна бўлиб олишга ҳаракат қиларди. Аммо ҳозирча буни қандай қилиб амалга оширишни билмасди.

Немис офицерлари босиб олинган Польшада ҳокими мутлақ бўлиб олганлари олган, бу ерда кечаётган кунларини иложи борича безатнишга, қулайлаштиришга ҳам уриниб ётардилар. Ҳатто ёшлигидап чоғроқ уй шароитига ўргатилган, майда хизматчи оилалардан чиққан, яқиндагина кадет бўлиб юрганлар ҳам бу ерга келиб хизматчи тутадиган, ўз деншикларини лакейга айлантирадиган бўлиб қолган эдилар. Бинобарин, офицер қанчалик юқори лавозимда бўлса, унинг шотирлари сафи ҳам шунча орта борарди.

Юқори унвонли офицерлар қуйи даражали офицерлардан ҳам кўра ошпазларга, малай-деншикларга, оқсочларга кўпроқ муруват кўргазардилар. Бинобарин, мана шулар ўз хўжаларини ҳатто уларнинг энг яқин кишиларидан ҳам яхшироқ билардилар.

Буларни бир тоифа деса бўларди. Пиёда қўшин хизматидагилар улардан нафратланишар, фақат штаб хизматчилариники бу тоифанинг ўзига хос таъсир кучини, уни менсимаслик ёмон оқибатларга олиб келиши мумкинлигини билишарди.

Вайс мана шу ўзига хос гуруҳнинг ичига киришни истарди, аммо ўзлари ишғол қилган мавқени тушунганларидан бу одамлар ташқари билан кам муомалада бўлардилар.

Шунда Вайс агар баронесса мени ўзига тенг кўриб қабул қилганда ва яқин-билишларига таништирганда, ўзимни немис аслзодалари билан қандай туттишни билиб олардим, китобдан ўқиб, кинода кўрганларимни синовдан ўтказардим, деб ўйлади ва қулимсираб қўйди. Немис хизматкорларни ҳақида эса у унчалик кўп нарса билмасди. Унга амалда ўзи учун янгилик бўлган бу ижтимоий табақани ўрганишга тўғри келарди. Вайс бу табақа сирларидан фрау Дитмар воситасида воқиф бўлмоқчи эди, ҳеч вақо чиқмади. Фрау Дитмар дарғазаб бўлиб деди:

— Хизматчи малайлар уйга кириб олган ёвга ўхшайди. Уйимизнинг ошпаз аёли менга дашном берганидан бери малай ёллашдан воз кечганман. Нима дейди денг, агар эрим ишдан келгунча сочимни чиройли қилиб тутатмасам, у мени ташлаб кетармиш. Булар шунақа бети қотган, чақимчи, ғаламис одамлар.

Вайснинг ҳаётда орттирган тажрибаси бу тоифа одамларни билиш учун етарли эмасди. Тўғри, айрим танишларникида уй хизматчиларини кўрган, аммо улар хизматчидан кўра кўпроқ оила аъзоси бўлиб ҳисобланар, уй эгалари ана кетиб қолади, мана кетиб қолади, деб доимо ташвишда юрар эдилар. Чиндан ҳам, хизматчилар кўпинча мен фалон кундан бошлаб студент бўлдим, ё ишга кирдим, ё янги қурилишларга жўнаб кетяпман, деб қолишарди.

Шанба кунлари кечқурун юзлаб машина озиқ-овқат сейҳгаузига пай олгани келарди. Пайнинг қанчалиги ва қанақалиги у ёки бу шахснинг лавозими ва унвофига яраша бўларди. Ўз хўжаларининг улушларини оқсочлар, деншиклар, ошпазлар олишарди. Аммо уларга машина берил-

масди, шунинг учун ҳам биронтасига машинасини таклиф қилса, эҳтиёт-сизлик бўларди.

Бир кун Иоганн талаб келтирилган идиш-оёқлар тарқатувчи омборнинг ефрейторига хизмат қилиб берди. Аммо барибир бундан ошначилик чиқмади. Малайлар сервисларни шунақанги очкўзлик билан тортқилашар, кимнинг хўжасига қайсиниси тегиши кераклиги ҳақида баҳслашиб шунақанги шовқин-сурон кўтаришардики. Вайс ҳақорат эшитишдан бошқа нарсага эришолмади. Тўғри, қисқагина бу муомаладан ўзига қизиқ туюлган айрим нарсаларни билиб олди. Польша гаулейтерининг адъютанти юз кишига мўлжалланган қадимий француз сервисини олмоқчи бўлган эди, ефрейтор рухсат бермади ва адъютантга қўпол қилиб, кўлингиз қисқалик қилади, деди.

— Бу сервис аталган одам...— у маънодор қилиб юқорига қаради-да кўзини қинидан чиқарди.

Шундан кейин, адъютант ҳам худди шундай маънодор бош лиқиллатиб, бошқа чоғроқ сервисни олишга рози бўлди.

Демак, Польшага Гитлер бўлмагандаям, сафдошларидан биронтаси келиши керак. Бироқ ким? Қаерга? Қачон?

Иоганн кечқурунлари уйда фрау Дитмар билан суҳбатлашиб ўтирарди. Бу суҳбатлардан Иоганн бу ерда немсларнинг қапдай ҳаёт кечираётганини билиб оларди. Худди Латвиядаги сингари Польшада ҳам немслар колония-колония бўлиб, ўз эски урф-одатларини сақлаган ҳолда яшашаркан.

Фрау Дитмарнинг айтишича, фашистларнинг ҳукумат тепасига келишидан бу ерлик немсларнинг кўпчилиги аввал қўрқиб кетибди. Аммо Германияда коммунистлар ва ишчилар ҳаракатининг бўғизланиши, ҳатто Гитлерни муттаҳам деб юрганларнинг ҳам кўнглини тинчитиб қўйибди. Кейин яна ваҳима бошланибди. Гитлер Чехословакия билан Польшани ёвузларча босиб олгандан кейин энди Англия, Франция ва Россия урушга киради. Унда яна Германиянинг енгилиши муқаррар деб ўйлашибди. Аммо эндиликда, Англия ва Франция ҳеч қандай қаршнликсиз Польшани қўлга тутқазишгандан кейин, ҳатто эски наслдор прусс ҳарбий оилалари ҳам Гитлернинг тарафдори бўлибгина қолмасдан, Улуғ Фридрихнинг даҳоси фюрерда ўз аксини топган деб эълон қилишгача борибдилар. Балки, бу ҳақиқатан ҳам шундай бўлса ажабмас,— деган хулосага келди фрау Дитмар,— чунки бу ерга Берлиндан келган мун жжимлар Гитлернинг ҳокимиятга келиши худонинг буйруғи билан бўлди, дейишган эди.

— Сиз мунажжимларга ишонасизми?— сўради Вайс.

Фрау Дитмар фахр билан деди:

— Мен христиан аёлман. Худога ишонаман. Аммо нега Гитлер худонинг ноиби бўлмасин? Нега у янги Исо бўлмас экан? Воиз фюреримизни шундай деб атади.

— Хўш, сиз ҳам уни худонинг қобили деб биласизми?

— Вой худойим-ей!— зарда қилиб деди фрау Дитмар.— Бошқача бўлиши мумкинмиди? Биз ҳаммамиз Исонинг қобил фарзандларимиз!

Бундан Иоганн шундай хулосага келди: ҳатто шунчалар меҳрибон, шунчалар оқ кўнгил, унга она ўрнида оналик қилмоқчи бўлган, ўз муруввати ва меҳрини ундан аямаган фрау Дитмар ҳам сиёсат ҳақида гап кетганда, кўнглидаги гапни очиб айтишга юраги бетламайди. У ўзини Иоганнга она деб била туриб, яна хавфсирайди. Уғлининг сотиб қўйишидан қўрқади.

Шундай, одамлар ишончсизликни совут қилиб кийиб олганлар, совутни тешиб ўтиб уларнинг ҳақиқий юракларини кўриш мушкул бўлиб қолган. Ҳамма худди тошбақага ўхшаб, уни ўзига қалқон қилиб олган ва

баайни ўрмаловчи ҳайвонлар каби фақат бир нарсага интилади: омон қолиш, омон қолиш, омон қолиш...

Шунга қарамасдан, Иоганн анчадан бери уриниб бир иш чиқаролмаган табақага уни бошқа одам эмас, фрау Дитмар олиб кирди.

Ибодат тугагандан кейин у машинасида баҳайбат сумалакка ёки горларда бўладиган чўққи бош музларга ўхшаган кирханинг олдига етиб келганда, унинг юксак арк эшикларидан фрау Дитмар елкасига олмаҳон териси ташлаган хоним билан қўл ушлашиб чиқди. Фрау Дитмар Иоганни хонимга таништириб, хоним полковник фон Зальцнинг рўзгоркори бўлиб ишлашини, ўзининг фрау Мария Бюхер билан узоқ йиллардан — ҳали болалик чоғларидан танишлигини айтди.

Иоганн олдин фрау Дитмарни уйга элтиб қўйиб, кейин Мария Бюхерни шаҳар марказига, полковник фон Зальц турадиган ҳашаматли бнога олиб кетди.

Хушмуомалалик билан берилган: «Қалай, бу ерда ишлар тузукми?»— деган бефарқ саволга жавобан Вайс ўзининг ҳаётдан кузатган мақсадларини жон-жон деб айтиб берди: таниш-билишларим йўқ, ўзим билан бирга ишлайдиганлар эса тарбия кўрмаган одамлар. Кечқурунлари фрау Дитмар билан гаплашиб ўтираман. Унинг ўғлидан қолган китобларни ўқиб, бир оё бўлса ҳам билимимни оширяпман. Ҳарбий хизматдан бўшагандан кейин ўзим ҳам бир мустақил ишга уринсам, деган ниятим бор; механикликда тажриба орттирганман, агарда автотремонт устахонаси қуриш мумкин бўлган кичикроқ бир гараж сотиб олинсини эпини қилсам, дурустгина пул ишлашим мумкин эди.

Мария Бюхер унинг сўзларини паришоихотир эшитар, афтидан ёш йигитнинг кўзлаган режалари уни бутунлай қизиқтирмаётганга ўхшарди. Аммо улар уйга етиб келишганда, фрау Бюхер тўсатдан жудаям қизиқиб сўради:

— Шунақа устахона сотиб олишга қурбингиз етадими?

— Каллам ишлайди, етади,— мақтанчоқлик билан деди Вайс.

— О, шунинг ўзигина кифоя қилмайди,— кўнгилчанлик билан деди фрау Бюхер. Аммо шу заҳотиёқ қўшиб қўйди:— Аммо шунча нарсани ўйлаб қўйган калла ёмон бўлармиди, миянгиз ишлар экан.— У бир фурсат жим қолди, сўнг қатъий туриб деди:— Энди мен билан кофе ичасиз.— У машинадан тушди-да, калит билан боққа кириладиган темир эшикни очди ва орқа йўл билан ўзининг хонасига чиқди; хонага яхши мебеллар қўйилган, аммо ҳамма ёқни чамадонлар ва усти узунчоқ тунақалар билан қопланган яшиклар босиб кетган эди.

Устидаги олмаҳон мўйнасини ечгандан кейин фрау Бюхер Вайснинг олдида юпқа мовий жерси кўйлакда қолди, бадани юпқа кўйлак ичида лорсиллаб турарди.

Рўзгор бошқарувчи Вайсни кофе билан сийлар экан, унга ноз-карашма қилар, гап отардики, бундан Вайснинг юраги сиқилиб кетди, чунки ўзига номаълум тоифанинг ичига калласи кетганда ҳам бу йўл билан киришга ҳеч қачон журъат этмаган бўларди.

Аммо бахтидан бўлиб, Бюхер хоним тезда вақир-вуқур чертма гаплардан асосий мақсадга кўчди. Энди бутунлай бошқача оҳангга сўзлаб, у қизининг жуда суюмли бўлиб етилгани, гимназияни тугаллагани, полковникнинг таржимони бўлиб ишлаётгани, Вайсга ўхшаб ҳарбий хизматчи эканлигини айтиб берди. Полковник абверда каттакон бир вазифада ишлаб, хизмати бўйича узоқ сафарда бўларкан, шунинг учун қизи ўзининг бўш вақтларини муносиброқ йигит билан (албатта, онасининг ҳузурда) ўтказиши мумкин экан. Бюхер хоним сўзини тугалларкан, сизнинг яна қачон келишингиз мумкинлигини фрау Дитмардан айттириб юбораман, деди.

Гаражда асли касби шоферлик бўлган кишилар атиги икки-учта эди. Қолганлари ўзларини минг оҳангга солиб, устомонлик эвазига мамлакат ичкарида қолишган, улар тажрибасизликларини бошлиқлар олдида ер ўпиб лаганбардорлик қилиш ва фюрерга садоқат билдириш учун хўрозланиб, ким ўзди ўйнаш билан ёпиб кетмоқчи бўлардилар.

Собиқ атторлар, фермерларнинг ўғиллари, майда устахона эгалари, пивохона ва арзон меҳмонхоналарнинг хўжалари, лакейлар ва официантлар, комисионерлар ва иомальум фирмаларнинг даллоллари, касби бетайин кишилар, буларнинг ҳаммалари ишчиларга — гаражда кэзарма ҳолатида яшовчи слесарлар ва механикларга қараганда ижтимоий, сиёсий ва маиший жиҳатдан имтиёзларга эга эдилар.

Бир куни транспорт бўлими штабининг саркотиби Фогт Иоганнга ёзув машинкаларини тузата оладиган уста топишни буюрган эди, Иоганн ўзи тузатиб беришни таклиф қилди. У машинкани тузатиб ва тозалаб берибгина қолмай, унинг қандай ишлашини билмоқчи бўлиб, ҳарф ура бошлаган эди, Фогт Вайснинг хато қилмай ёзаётганини кўриб оғзи очилиб қолди. Шундан кейин саркотиб шу кунларда ўзига топширилган ишининг бир қисмини оддий солдатнинг бўйнига юклашга қарор қилди. Мартабаси баландроқ бўлган киши ўзидан пастроқни қора терга тушириб ишлатаверишини бу ерда одатдаги бир нарса деб билардилар. У Вайсга кечқурун идорага келишни буюрди, лекин буни ҳеч ким билмасин, деб огоҳлантириб қўйди.

Фогт бошига букланган шинелини қўйиб диванга чўзилди-да, зарбдор қисмлар учун турли транспорт бўлинмаларидан йиғиб олинган солдатларнинг рўйхатини Вайсга айтиб турди. Буларнинг бари мутлақо махфий нарсалар деб жиддий огоҳлантириб ҳам қўйди.

Иоганн машинкада ёзар экан, энг керакли маълумотларни тез ўзлаштириб, хотирасида сақлаб қоларди: узоқ ўтириб қилган машқлари зое кетмабди, мана энди бир ўқишнинг ўзида ўндан ошнқ саҳифадаги текстни ўз-ўзидан ёдлаб оларди. Разведканиннг ҳунари қанча кўп бўлса (чиндан ҳам унга етмиш ҳунар оз) унинг муваффақият билан иш кўриши шунча енгиллашади, бошқаларга боғланиб қолмайди, деб уқтирарди, устози. Мана шу сўзларини эслаб туриб, Иоганн хаёлан ундан миннатдор бўлди. Иоганн ёзув машинкасини кўнгилдагидай қилиб ўрганиб олган ўша кунларда устози буни ҳатто чет эл қуролларини яхши ўзлаштириб олишдан ҳам юқори баҳолаган эди.

Кечаси Иоганн ёдлаб олганларини қоғозга тушириб, шифрлади-да, фрау Дитмарнинг ўғлидан қолган китоблардан бирига кўчирди, сўнг уни жавоннинг энг юқори тоқчасига қўйди ва мамнун бўлиб ухлаганини ётди: иш хайрли бошланган эди.

Афсуски, бошқа нарсаларда Иоганнинг иши юришмаётган эди. Келернинг Вайсдан кўнгли қолди, чунки у шофернинг гестапочи Папкега яқинлиги борлигига ишонқирамай қўйган эди, шу сабабли у Иоганни юк машинасига ўтказиб қўйди.

Энди Вайс ҳар хил буюмлар тиқиштирилган тойлар ва яшиқларни вокзалга ташишга мажбур бўлди, бу нарсаларни янги эга чиққанлар шаҳардан талаб олишган эди. Шаҳарни талон-торож қилиш олдиндан ишлаб чиқилган режа асосида бир бошдан, тартиб билан олиб борилмоқда эди. Махсус одамлар салча қиммати бўлган жамики нарсаларни ҳисобга олиш билан машғул эдилар.

Қимматбаҳо нарсалар вермахт ғалабаларининг ҳосилига шерик бўл-

мнш кимсаларга мавқеи, унвони, лавозимига аниқ рию қилинган ҳолда улашилди.

Юқорн унвонли офнцерлар ўзларининг гестапочи ёки абвердаги контрразведкачи танишларидан қайси бир полякнинг ҳибсга олиниши кўзда тутилаётганидан хабар топардилар-да, гўё ёрдамчилари учун турар-жой қидираётган киши бўлиб, аслида уйда нима борлигини кўриб келишга шошилардилар. Суратлар, чинни идишлар, қадимий жиҳозларни синчиклаб кўздан кечиргандан сўнг ён дафтарларига алланималарни ёзиб қўярдилар. Улар кийим-кечак турган жавонни очишдан ҳам тортинмас, аёлларнинг мўйна пўстинлари, ёпқиқларнинг нархини суриштиришда ҳам уялмас эдилар. Ҳалиги одам ҳибсга олингандан кейин эса улар бу ерга қайтиб келишар ва Германияга синиб-нетмай бориб етсин деб, қамалган кишининг қариндошларига ўзлари танлаб олган нарсаларни жўнатишга қандай қилнб тайёрлаш кераклиги ҳақида кўрсатма бериб ўтирардилар.

Мана шулар — ҳарбий хизматни шуҳрат йўли деб билган, юзлари арзимеган дуэлларда орттирилган чандиқ изларига тўлган чиранчиқ прусс юнкерларининг авлодлари бўлмиш бу вермахт валдоматлари, ўзгаларнинг меҳмонхоналари ўртасига қўйилган курсида галифе сирти-либ турган оёқлари орасига боболардан қолган қилични қўйиб олиб, маҳкум шўрликнинг қариндошлари қўллари қалтираб турли қимматбаҳо буюмларни хашакка, қоғозга, пахтага қандай қилиб ўраётганларини сергаклик билан кузатиб ўтирардилар.

Саранжом-сариштароқлари эса бу бечораларга мусодара қилинган нарсалар рўйхатини туздириш билан чекланмай, уларни буюмларнинг қанчалар қадимийлигини ёзиб бериш ва қўл қўйиб тасдиқлашга мажбур қилар эдилар.

Иоганн вокзалга боргунча ҳеч қаерда тўхташга ҳаққи йўқ эди. Юклар ерга туширилгандан кейин машинани синчиклаб кўздан кечиришар, шофер ўриндиғини кўтариб кўришар, ускуналар солинган яшикни очиб қарашарди: буларнинг назарида солдат ўғри бўлиб чиқиши мумкин эди. Офицер эса — ҳеч қачон.

Иоганн машинасида жиҳозлар олиб чиқиладиган уй олдида турган маҳалларида якка йўловчиларнинг ўзига кишининг бетига нафратлашиб қараётганларини ҳис қилар эди. Бундай дақнқаларда у ўзининг асосий, ҳали узоқ давом этиши керак бўлган вазифаси ҳақида ўйлашга ҳаррақат қилар эди: У мана шу ҳаётга сабот-матонат билан оғишмай, ҳаммасига чидаб сингиши лозим, бошқасини бир четга йиғиштириб тура туриш керак, баайнп Иоганн Вайс бўлиш, бошқаларнинг мурувватини қозониш, кўнглини олиш, ҳатто нациларнинг ҳам заиф томонларини топиш ва уларни черта билиш керак, керак...

Вайс анчадан бери Папке билан кўришмаган эди. Кутилмаганда, у гаражга келиб қолди ва алланечук уялиб жилмайди-да, энди Лодзда ригаликлардан деярли ҳеч ким қолмади, мен бўлсам ҳамшаҳарларимни соғиниб қолдим. Бугун кечқурун бир дардлашмаймизми, Иоганн, деб сўради.

Вайс кечқурунлари штаб идорасида банд бўларди. Фогт иложи борица, уни ишлатиб қолиш найида эди. Аммо гестапо унтер штурмбанфюрери оддий солдат Вайсни вақтинча ишдан озод қилишни буюрса, саркотиб кўз ўнгиде унинг обрўйи ошмайди деб бўладими?

Барвақт кеч кирадиган, йўлчаларда пилчиллаб шилимшиқдай эриб ётадиган аллақандай чирик, ҳўл қор ёғадиган мавсум — киш кира бошлаганиди. Мана, бир неча кун бўлди, электростанцияда қаршилиқ кўрсатиш ташкилоти очилибди. Унинг аъзоларини отиб ташлашди. Гестапо томонидан текширилган янги хизматчилар афтидан ишончли бўлсалар

ҳам, лекин техник билимлари етишмасди. Кўча фонарлари гоҳ кўзни қамаштирадиган даражада чунопан ёришиб кетардики, чироқлар худди қўл гранаталардай мапа-мана ёриламан дерди, аммо сал ўтмай улар сўна бошлар, хиралашиб қолар, гоҳ тез-тез липиллаб ўчиб-ёнар, кўчаларга ҳуркович, қалтироқ соялар ташларди.

Соқчиларнинг пошилари залвор билан тушиб, бир маромда гурсилларди. Одатда болга билан қопқаси қоқилаётган тобутдан мана шундай гувиллаган садо эшнтилади. Бамисли тошдан йўниб ишланган даҳшатли истибдод ҳайкалининг тўнори, касофат бир тантанаси.

Йўловчиларнинг юзларига гўё соқчининг қўл фонаридан отилгандай тўсиндан оппоқ ёруғ тушарди-ю, қўрқинчдан гезариб кетган инсон башараси қалтиллаб кўринарди. Кишилар гўё жилмаймоқчи бўлардилар, аммо жилмайиш ўрнига уларнинг юзи баттар гезариб кетар, баттар музтариб кўринарди. Ҳеч нарсани кўрмай қолган кўзлар гўё ўлимга маҳкум этилган одамникидай пирпирарди. Жимгина, деярли зум ичида пайдо бўлиб, юзлар яна жимгина ва зум ичнда ғойиб бўларди, уларнинг бир маромда лип этиб кўриниб, яна ғойиб бўлиши соқчиларнинг оғир қадам товушларига жўр бўлаётгандай эди.

Бу юзлар соқчи фонари ўчганлиги учун эмас, поляк халқининг чапараста қилинган, чил-чил синган қалбини тупроққа топтаётган пошналарнинг босинқи, тўпори садосдангина ғойиб бўлаётгандай кўринарди. Ер узра эмас, халқнинг тнпирчилаб турган тани узра одим отарди нацилар.

Мазлум шаҳарни дардли бир нигоҳ билан кўздан кечирав экан, Юганн гўлдираб вайсаётган Папкега нохуш қулоқ тутиб, бир неча марта унга ўринсиз жавоб берди. Кейин буни ўзи ҳам пайқаб қолди-да, бутун иродасини ишга солиб, оғир ўйларни бир четга суриб қўйди ва яна ўзини Вайс деб тасавеур қилганича тетик тортиб, сўради:

— Ишлар яхши кетяптими, унтерштурмбанфюрер жаноблари? Ҳаммаси жойида бўлса керак, ишқилиб?

Папке сирли илжайди ва бирдан оқ кўнгиллик билан деди:

— Якка ўзимиз бўлган пайтларда мени Оскар деб атайвер. Мени шундай деб чақирадиган икки-учта ошнам бор эди холос.

— О, раҳмат, унтерштурмбанфюрер жаноблари!

— Оскар!— эслатди Папке ва ғашлик билан деди:— Улардан бири штурмшарфюрер бўлиб кўтарилди, шундан кейин мени Оскар деб чақирришга бўйни ёр бермай қўйди, мен эсам уни Паул деб чақирришга юрагим бетламайди. Босшқа бири штраф қисмга тушиб қолди, агар у билан учрашиб қолган тақдиримизда ҳам отимни айтиб чақирришига йўл қўймаган, бўлардим.

— Учинчиси-чи, у нима бўлди?

Папке қовоғини уйиб деди:

— Мен унга, ортиқча гапларни валдирайверма деб айтиб қўйсам ҳам, у тилини тиявермади. Шундан сўнг ўз бурчимни адо этдим.

— Тушунарли. Мабодо, мен ҳам шундай ортиқча гапириб қўйсам нима бўлади?

Папке ўйланиб қолди, кейин хўрсиниб деди:

— Нима ҳам дердим, мени биров Оскар деб атамаса атамас, шусиз куним ўтмайдимми? Шундоқ бўлсам, мени шундай деб чақирадиган ошнам бўлишини жуда ҳам истардим.

Вайс Папкенинг башарасига тикилиб қарар экан, унда аввал кўрмаган нарсасини, ғамгинлик ва умидсизлик ифодасини кўрди. Кичкина, бўжмайган даҳани аламли салқиган йўгон пастки лабига мунғайиб тиркалибди, энсиз пешанасида ажинлар чуқурлашибди, қовоқлари шишиб, кўз косаларига узун қизил томирлар тушибди. Папке оёғини суд-

раб босар, қаршидан келаётганларга, ҳатто унвон жиҳатидан ўзидан юқорироқ бўлганларга ҳам салом бермасди, афтидан, ҳеч кимнинг гестапочи билан борди-келди қилиб ўтиришга тоби йўқлигини биларди. Совуқ еяётган қўлларини шинелнинг чуқур чўнтагига суқиб олган, бостириб кийган пешайвони баланд фуражкеси жун босган каттакон қулоқларини шалпайтириб кўрсатарди.

— Солдатлар кирадиган пивхонага борганим келмаяпти,— деди Папке,— офицерларникига эса сени қўйишмайди, яхшиси холироқ бир ерда ўтириб, ўтган-кетгандан бемалол гаплашсак, ростини айтганда, Ригадаги турмушимиз ёмон эмасди.

Вайс узоқ ўйлаб ўтирмай уни уйга таклиф қилди.

Фрау Дитмар Папкега ёқиб қолди, ҳатто унинг ўзига рўйхуш бермаганини ҳам оқсуяликка йўйиб қўйди.

Йоганнинг хонасида у шимининг чўнтагидан бир шиша шнапс олиб столга қўйдич-да, совуқдан қалтираб турган қўлларини голланд печканининг сопол плиткаларига тутди, кейин Йоганнинг ичкиликка майда-чуйда егулик тайёрлаб бўлишини кутиб, ўзини бу ерда пастга ураётганларидан нолий бошлади. У мени ҳар жиҳатдан унвонда ҳам, вазифада ҳам кўтаришса керак деб ўйлаган эдим, деди. Кейин Функнинг товламчилигидан шикоят қилди.

Папкенинг билишнча, Функ ҳам хўрдани, ҳам бўрдани урган, яъни гестапо билан абверга баравар хизмат қилган, аммо афтидан кўпроқ абверга ишлаган. Энг қимматли маълумотларни ҳам қандайдир номаълум йўллар билан абверга ошириб турган. Канарис эса абверга рейхсвернинг барча эски агентларини, биринчи жаҳон урушида тажриба ортирган техниклар ва мутахассисларни йиғиб келишга муваффақ бўлган. Канарис фюрернинг энг ишончли одами бўлишни орзу қилади ва гестапо, партия ҳамда ташқи ишлар министрилиги ихтиёридаги барча жосуслик органларни ўз қўл остига олишни кўзлайди. Аммо фюрер бир одамнинг ихтиёрига бунчалик катта ҳокимиятни беришга ҳеч қачон йўл қўймайди. Гестапо — партия демакдир, шундай экан, гестапони камситиш нақ национал-социалистлар партиясининг қудратига чанг солиш деган гап. Шу гаплар орасига Папке, ўзининг 1934 йилдан бери нацист эканлигини, аммо у Латвияда туриб Рейхга садоқат билан хизмат этаётганда, удабурон мартабалаблар барча юқори лавозимларни эгаллаб олганини қистириб ўтди. Шунда унинг даҳани яна тирилиши тугунчакка ўшаб қолди, пастки лаби эса ўксинишдан осилиб тушди.

Папке бир неча рюмка ароқни ҳаприқиб кетма-кет ичиб юборди-да, дарров кайфи ошди ва бўшашиб, латта бўлиб қолди. У Вайсга ўрайиб қолган кўзларини тикиб, йиғламсираган ҳолда, уни, ҳеч нарсадан бош тортмай хизмат қилган эски нацини яқинда қандай қилиб хўрлаганларини айтиб берди.

Аввалда ўзининг ўртоғи бўлган, ҳозирда эса штурмшарфюрер даражасига кўтарилган одам Папкега кўчада бир кишини қўлга олишни ва акинта граждонча кийимдаги кимса кўрсатган жойга олиб боришни буюрибди, Папке буларни гестапо агентлари бўлса керак, деб ўйлабди. Шаҳар чеккасига чиқпшгандан сўнг ҳалиги кишилар ушланган одамни қум тўлдирилган оғир резинка шланглар билан дўппослай бошлашибди. Улар бояги одамдан қандайдир қоғозга қўл қўйишни талаб этишибди, у эса кўнмабди.

Папкенинг ўзи ҳеч қачон ҳеч кимни уриб қийнамаган экан. Аммо у Ульманиснинг Марказий сиёсий бошқармаси ертўлаларида коммунистларни қандай қилиб қўноққа солганларини кўрган экан. Шунда у синовдан ўтган қийнаш усулларидан бирини эслаб, уни қайсарлик қидаётган одамга ишбаташ қўллаб кўришни таклиф этибди.

Бунниг дарров пафи тегнб, ҳалиги одам қоғозга қўл қўйибди. Шундан кейин гражданча кийимдаги кишилар Папкега, бу одамни хоҳлаган жойига олиб бориб ташланг, деб буюришибди-да, ўзлари яёв кетишибди.

Калтак ва қийноқлардан кейин ўзига келган ҳалиги одам бўралаб сўкина бошлабди. Шунда Папке ўзи қўлга туширган одам сиёсий жиноятчи эмас, бояги икковининг шериги, яъни заводчи савдогарлардан бири эканлигини англабди. Қўл қўйиш талаб қилинган қоғоз ҳам савдо-сотиқ ҳужжатидан бошқа нарса эмас экан. Энди бу одам поляклардан тортиб олинган чарм-тери заводига кўпроқ пул сарфлаганига қарамай, фойдадан ўзига тегадиган улушнинг каттагина қисмидан маҳрум бўлибди. У Папкега товламачиликка шерик бўлганингизни гестапога етказаман, деб пўписа қилибди.

Бироқ Папке ҳалиги иккови муттаҳам бўлиб, ўзини алдаганларини айтиб берганда, штурмшарфюрер, гап нима ҳақида кетяпти, деб ўзини билмаганга солибди. Кейин эҳ-ҳа тушундим дегандай қилибди ва Папкега сиз пора олмоқчи бўлиб гестаподаги мавқеингиздан фойдаланибсиз, бунинг учун сизни отиш керак. Аммо аввалги ошначилигимиз ҳурмати ўзим буни айтиб ўтирмайман, бироқ заводчи юқорироқдагиларгача борадиган бўлса, ўзингиздан кўрасиз, дебди.

Шуларни сўзлаб берар экан, Папке уялмай ҳўнграб йиғлар, лабларни қалт-қалт қиларди. У яккаш:

— Мендай эски нацини оёқ ости қилдилар. Мен бўлсам буни ичимга ютиб кетшим керак!— деб ўкирарди.

— Нега энди штурмшарфюрернинг бу қилигини партияга маълум қилмайсиз?

Папкенинг кўз ёшлари зум ичида тинди.

— Сенга айтмадимми: гестапо — партия демакдир. Партия — гестапо. Наци впрждони бундай қилишимга йўл бермайди.

— Аммо штурмшарфюрер пора олибди, демак, у партиянинг ярамас аъзоси экан.

— Ундай эмас, Вайс, сен янглишяпсан,— дея бошини лиқиллатди Папке.— У фақат мен ўйлаганга қараганда ақллироқ экан. Бундай олиб қараганда, бу кучли шахс ҳукмронлигини ўрнатишда соддадил аҳмоқларнинг одоб-ахлоқидан устун туришимизнинг кўринишларидан бири, холос. Агар билишни хоҳласанг, мен штурмшарфюрер олдида таъзим қилишга тайёрман ва бир маҳаллар унинг дўсти бўлганим билан фахрланаман.

Иоганн бир оз бўлса ҳам ўзини гўлликка солмаётганмикин, деб Папкенинг юзига диққат билан тикилиб ўтирарди. Пўқ, унтерштурмбанфюрер омади келган собиқ ўртоғининг олдида таъзим қилмоқчи бўлганда самимий эди.

«Бунчалар қул ва аблаҳ бўлмасанг!» ўйлади Иоганн ва деди:

— Жаноби унтерштурмбанфюрер, сиз мен учун нацига ва ғояларга садоқатнинг тимсоли бўлиб кўриняпсиз.

— Оскар! Хўп де, мени Оскар деб чақир. Отимни айтишиб чақиринг, хурсанд бўлман,— ялинганнамо илтимос қилди Папке. Кейин кўнглидаги гапни тўкиб солди:— Латвияда эканлигимда ўзимга ўзим ишониб юрардим. Бу ерда оёғимни базўр кўтариб босаётганга, қадамим ерга эмас, сирпанчик музга тушаётганга ўхшайди.— Хўрсинди:— Ригада мен қайси немиснинг калласида нима хаёл борлигинингиз эмас, қозонида нима пишаётганини ҳам билардим. Бу ерда-чи... У ўқиниб қўлини ёзди.— Поляклар макр-ҳпйлага уста халқ: менга бировни чақиринг, билсам, ўзимизнинг агент экан. Вой пеллар-ей!— У қадини ростлади, қўй кўзлари йилтираб кетди.— Аммо қария Оскар тушмагур, бўларича

бўлибди, деб ўйлама. Ҳали у ўзини кўрсатади. Қимлигимни яхудийларни бошлаганимда билишади. Улар билан ғиди-биди қилиб ўтирмайсан. Катта операция ўтказилмоқчи. Партия стажимни ҳурмат қилиб, мени гурпуга қўшишга ваъда беришган... Бироқ!— Папке миқ этиб оғиз оча кўрма дегандай бармоғини кўтарди.

— Хотиржам бўлинг,— деди Вайс ва бировга айггандав кўра тилим-ви кесиб ташлайман дегандай ишора қилди.

— Ҳўш, ўзинг қалайсан?

Вайс хомуш елка қисди:

— Юк машинасини ҳайдаяпман, бор-йўғи шу.

— Ўлжа нарсаларни ташиядсанми?

— Ҳа.

— Умаришнинг иложи бўлмаптимми?

— Жаноби унтерштурмбанфюрер, мен ҳалол одамман.

— Оскар, Оскар,— жаҳли чиқиб эслатди Папке.

— Азизим Оскар,— Папкенинг отини баъзур тилга олар экан, Иогани ботишмайгина сўради,— балким, группангизга яхши шофер керакдир, ундай бўлса мен хизматга тайёрман.

— Ишлаб қолмоқчимисан дейман?— тушунгандай кўз қисди Папке.— Уларга йиғилиш жойига фақат кўлда олиб юриш мумкин бўлган нарсалар билангина келиш тайинланади, латта-путталарни олишмайди-ку, ахир!

— Худди шундоқ!— унинг фикрига қўшилди Вайс.— Лекин мен буни ўйлаётганим йўқ, ниятим бошқа. Агар мени махсус операцияга жалб қилишса, гаражда обрўйим ошармикин дейман. Биласизми, енгил машинада ишлаш анча осон: хўжайиннинг битта бўлади. Сизлар билан бирга бўлганимдан кейин эса, Келер буни ҳисобга олиб, дурустроқ ишга қўйса ажаб эмас. Ахир у ҳам наци-ку.

— Майли,— ваъда қилди Папке ва кўл чўзди. Вайс миннатдорчилик билан унинг қўлини сиқди. Кейин Папке кармонидан хотин, бола-чақалари тушган суратни олди-да, ароқ шишасига суяб қўйди ва Вайсни яқинроқ кел, деб чақирди. Суратни кўрсатаркан:— Булар менинг рейхим. Шуларни деб қария Оскар фюрер буюрган ҳар бир ишга тайёр. Ке, мана шу немислар учун, бутун оламни ўзлариники қилиб, уни Германия деб атайдиган немислар учун ичайлик,— деди.

У алжираб қолди, шундан сўнг Иогани уни шу ерда тунаб қолишга кўндирди. Папкенинг ёшлигим ўтиб кетди, элликка кириб ҳалиям ўсларин болаларга бериладиган унвонда юрибман, бир куни эртамин-кеч хизматда қоқиламану, шу билан тамом, у ёғи ё фронт, ё ўлим, деб валақлашини эшитар экан, Вайс унинг ечинишига кўмаклашиб юборди. Папке йиғларди. У ечинган кўйи худога ёлвориб тиз чўкди, ёзиглик кунларда ўзинг мадад бер, деб илтижо қила бошлади.

Эртасига эрта билан Папкенинг уст-боши чинндай қилинган, дазмолланган, кители эса стулнинг суянчиғига тахт қилиб осиб қўйилган эди.

Буларнинг ҳаммасини уй бекаси қилиб қўйди, деди Иогани. У тахмин қилгандай, Папке қилган яхшилиги учун фрау Дитмарнинг олдига кириб раҳмат айтиш ва хайрлашиб чиқишга ҳам уялди. Иогани кулиб туриб, Папкега: анчагача ухламай ётдингиз, уятроқ бир солдатча ашулани айтаман, деб туриб олдингиз, деди.

Папке уйдан оёқ учиди юриб чиқиб кетди. У эшик ёнига етганида Иогани кечаги ваъдасини эслатиб қўйди.

Меҳмонининг костюмини аёллардай эринмай тозалаб қўйиш учун кечаси билан дазмол ва чўткани кўлга олиб ишлашга тўғри келди. Аммо уривиши зое кетмади: Иогани Папкенинг шахсий номери ва махфий

аломати (шифри) муҳрланган жез белгининг шаклини нонинг юмшоғига тушириб олди. Ён дафтарча билан бошқа ҳужжатларни ишлаб чиқиш эса азонгача давом этди. Буларнинг айримлари ҳали керак бўлиб қоладн, шу ваздан Иоганн ўзини эслаб, йўқлаб келгани учун Папкедан жуда миннатдор бўлди. Оскар яхши йигит, қани энди шундай тўнкалардан кўпроқ бўлса! Фрау Дитмар эса бутунлай бошқача фикрда экан, у Иоганнга бунақа тарбиясиз, келишга келиб, кетишда уй бекаси билан хайрлашишни лозим топмайдиган жанобларни уйга олиб келманг, деб қўйди.

8

Қиш бошланиши олдидан Лодзда ҳарбий полициянинг соқчилиги кучайди. Текшириш пунктларн кўпайди. Йўллар кўп маҳал бир неча кунлаб ёпиб қўйилар, улардан махсус пропускасиз юриш тақиқланар эди.

Агар бундан бир неча ой муқаддам турли ҳарбий қисмлар яқиндагина хизматга чақирилган ёши каттароқ кишилардан иборат бўлган бўлса, эндиликда солдатликка олинганларнинг ҳаммаси ёшлар эканлигини, Польшага Дания, Норвегия, Францияда ғолибона юриш қилган, инглиз экспедицион қўшинларини тор-мор келтирган (бу уларнинг значоклари, медал ва орденларидан кўриниб турарди), қон ялаган фронтовиклар келганлигини билиш қийин эмасди. Моторлашган пиеда қисмлар, танк ва ҳаво кучларига тегишли ҳарбий хизматчилар кўпроқ кўзга ташланарди, уларнинг ёқа аломатлари, ҳошиялари, мундир белгилари шундан дарак берарди. Иоганн марказий кўчаларнинг бирида ҳар кун сайр қилиб, учраган ҳарбий хизматчиларни ҳисоблаб ва қўшин турлари бўйича тасниф этиб, немислар Польша ерларида кучли зарбдор қисмларни жамламоқдалар, деган қарорга келди.

Немис аҳолисини кўчириш Марказий пунктнинг тарқатиб юборилиши автобаза шахсий соғавини ташвишга солиб қўйди. Ҳозирнинг ўзидаёқ улардан кўпини ҳарбий қисмларга жўнатишганди. Вайсни ҳам жўнатиб юборишлари ҳеч гап эмасди.

Қўшинларни мутлоқ махфий суратда қайта жойлаштириш системаси ҳар жиҳатдан амалга оширилмоқда эди.

Махсус хизмат бўлинмаларининг бошлиқлари гражданча кийим кийиб олишган эди.

Танк қисмлари бошқа ҳамма тарнспорт учун юриш ман этилган йўллардан фақат кечаси ҳаракат қилмоқда эди. Танкларнинг шовқинини эшиттирмаслик учун бу йўллар устидан эскирган тўрт моторли «люфтганза» транспорт самолётлари учиб юрарди.

Жуда кўп жойларда гўё тозаликни сақлаш карантини бўлаётгани ҳақида эълон қилинди, эсэсчи соқчилар бу ерларга ҳеч кимни рухсатсиз қўймас, пропуск нухасини ҳар уч кунда бир ўзгартириб туриларди. Ҳарбий полициянинг қуйи унвонли хизматчилари, абвер контрразведкачилари, гестапо агентлари комендант соатидан сўнг йўловчилар ва ҳатто юқори унвонли офицерларнинг ҳам ҳужжатларини қўполлик билан текширардилар. Автотранспортнинг ҳамма турларига янги номерлар берилганди. Ишга алоқаси бўлмаган, ҳатто шахсий муносабатларга тегишли гаплари учун ҳарбий хизматчилар қаттиқ жазога тортилар эди. Вазият жиддийлашиб қолганини кўрган транспорт бўлимининг саркотиби Вайснинг хизматидан бутунлай воз кечди.

Келерга келганда, у фронт қисмларига тушиб қолишдан шунчалнк қўрқар эдики, натижада ҳали гараждан жўнатилмаган ҳар бир шоферга еб юборгудай бўлиб қарарди.

Папкедан ҳам бир иш чиқиши қийин эди. Босиб олинган Европа дав-

латларидан махсус эшелонларда олиб келинаётган яҳудийларни қабул қилиб олувчи алоҳида гестапо бўлимига ўтказилган Папке ишнинг бошидаёқ хато қилиб қўйди. У соддадиллик қилиб, «яҳудийларни концентрация лагерларига жўнатишаётган экан, улар билан ади-бади қилиб ўтиришнинг ҳожати йўқ», деб ўйлади.

У бошда гестапочилар яҳудийларни хушмуомалалик билан қарши олганларига эътибор бермади: улар қарияларнинг қўлтиғидан тутиб, юк машинасига чиқишга ёрдамлашшдан жирканмас, болакайларни эркалаб, юзига шапатилаб қўйишар, ҳаммага оқ йўл тилашарди.

Папке бўлса ўзининг наци мафкурасига ҳаддан зиёд содиқ эканини бошқаларга кўрсатиб қўймоқчи бўлиб, яҳудийларга қўпол муомала қиларди.

Нима бўлди дегн? Яҳудийлар тушган сўнгги машина жўнаб кетгандан сўнг, гауптштурмфюрер Папкени чақирди-да, унинг терлаб-пишиб кетган юзига нафратомуз тикилиб туриб, қичқирди:

— Аҳмоқ, хомкалла!— Кейин буюрди:— Қайтарилсин!

Папкени алоҳида бўлимдан чиқариб ташлашди. Эндиликда у гестапо кийими ва унтерштурмбанфюрер унионидан ажралиб, унтер-офицер даражасида оддий ҳарбий кийим кийган ҳолда, арзон пивохоналарда сандирақлаб, солдатлар билан оғиз-бурун ўпишиб юрибди. Аммо бу юрпшда кўтарилиб бўлармиди!

Папке шунчалик гангиб қолган эдики, ҳатто эҳтиёткорликни ҳам унутиб, бир кунни Вайсга деди:

— Тўғри, мен қўпол одамман. Аммо қалбакиликни билмайман. Кишиларни ўлимга олиб кетишаётганни кўриб туриб, ўзимни уларни курортга юбораётгандай тутолмайман.— Кейин жаҳл билан қўшиб қўйди:— Сенинг калтафаҳм Циммерманинг лагерларга ажойиб нарсалар солинган банкаларни ташиб юради...

— Қанақа нарсаларни?— Худди гап тўхтаб қолмасин дегандай, бепарволик билан сўради Вайс.

— «Фарбениндустри»нинг «циклон Б» гази — каламуш, суварак ва одамларни ўлдирадиган ажойиб нарса,— пўнғиллади Папке.

Вайс огоҳлантириб деди:

— Буларни менга айтиб бекор қилиясиз.

— Аммо сен менинг ўртоғимсан-ку.

— Барибир, шундай қилмаслик керак эди.— Кейин Вайс дона-дона қилиб қайтарди:— Сиз менга биз концентрация лагерларида маҳбусларни «циклон Б» гази билан ўлдирамиз, деб айтдингиз. Тўғрими?

— Нима деясан ўзинг!— қўрқиб шпврлади Папке.— Нима кераги бор бунинг?

— Яхшимас,— таънаомуз деди Вайс.— Маҳмадона бўлиш яхшимас.— у Папкенинг нимандир тушунтирмоқчи, бу гапларни эсингдан чиқар, деб сўрамоқчи бўлиб турганига қарамай, хайрлашиб жўнади. Барибир, энди мен билан яна тезроқ кўришишга ҳаракат қилиб қолади деб ўйлади Вайс. Папке ҳозирча Вайсни фронтдан олиб қолишга ёрдам беролмас-да, энди у ҳар ҳолда, қармоққа тушди. Вайс ҳам уни унча-мунчага қармоқдан чиқариб юбормоқчи эмасди. Шу билан бирга Папкени ҳаддан ташқари қўрқитиш ярамасди: қўрқиб, жонидан тўйса, Вайсга туҳмат тоши отиши, янаям осонроғи — отиб ташлаши мумкин эди. Қўрқоқ одамлар гулгулага тушганда ботир бўлиб кетадилар. Папкени аста-секин, эҳтиётлик билан ишга солинса, ундан бирон наф чиқиши мумкин. Аммо бунга вақт қаёқда?

Ногани бу ерда шофер бўлиб ишга жойлашиши биланоқ, ҳарбий дўкончадан тувалка ўтириб олиб, лўппи бармоқчалари билан бурнини бер-



китиб тургани дўмбоққина болакайнинг расми солинган откритка сотиб олди-да, Львовга жўнатди.

«Азнзим Лизхен,— кечаси ўтириб ёзган эди унга Иоганн.— Сени туғилган кунинг билан табриклаётганимдан бахтиёрман. Худо онлангизга қут-барака ато қилсин. Сенинг Михелнинг».

Кейин қадаҳга солинган тоза сувга дастрўмолнинг бир учини эҳтиёт билан чайқатиб олди-да, шу сувга йўнилган гугурт чўпини тикиб, қорғоз қирилиб кетмасин учун оҳисталик билан сўзлар орасига шифр тушириб, ўзи тўғрисида ва радиоалоқага тайёр эканлиги ҳақида маълумот берди.

Фрау Дитмарнинг кўп маҳал боши оғриб, кўнгли озар, бундай пайтларда эса у шовқинни кўтаролмас эди. Шунинг учун у ўзининг икки лампали эски радиоприёмнигини, хонангизга олиб чиқиб қўйинг, эрталаблари менга сиёсий янгилликларни гапириб берарсиз, деб Иоганнга берди.

Вайс откритка жўнатгандан бир ҳафта ўтгач, приёмникда эфирни тинглаб ўтириб, ўзига юборилаётган чақириқни эшитди — чақириқ қулоқ илғар-илғамас, ингичкагина, шу билан бирга, кўнгилга бениҳоя яқин бўлиб эшитиларди. Шундан кейин у Марказдан кетма-кет маълумотлар ола бошлади.

Ута қисқа, ниҳоятда равшан ва аниқ хабар ёзиш муаллифнинг қобилиятидан ташқари, ҳамма санъат турлари каби қўлга киритилган маълумотнинг сифатига ҳам боғлиқ бўлади. Маълумотнинг мазмуни қанча қимматли, қанча салмоқли бўлса, у шунча аниқ ифодасини топади. Машҳур разведкачилар ўз ҳаётларининг неча-неча йилларини сарфлаб, тирноқ билан қудуқ қазиб, мардонавор қўлга киритган буюк кашфиётлар баёни шифр белгилари билан ёзилган бир неча қаторга сиққан эди.

Узоқ йиллар олиб борилган тинимсиз меҳнат, жасоратнинг натижаси сифатида дунёга келадиган, инсон фаолиятининг у ёки бу соҳасида улкан ўзгаришлар яратадиган илмий кашфиёт папирос қутисига ёзса бўладиган даражада қисқа формула билан тугалланганидек, разведкачининг баъзан гугурт қутичага сиғдирса бўладиган кашфиёти гоҳо давлатлар ва халқларнинг тақдирида ҳал қилувчи аҳамиятга эга бўлади.

Бироқ ҳар қандай илмий ишда сон-саноксиз фактларни ўрганиш, таҳлил қилиш талаб қилинганидай, разведка ишларида ҳам факт материал ҳисобланиб, уни бир бошдан мураккаб таҳлилдан ўтказилади ва охир натижада кашфиёт ўрнини босувчи бир хулосага келинади.

Вайс янги шароитга кўникиб келаётган кунларида ўзини қондаларни ёдлаб олган практикант студентдай ҳис қилди. У қондалар тагида улкан, қудратли, мураккаб, дарсликдан олинган тасавурларга сиғмайдиган ҳаётий куч ётишлигини ўз кўзи билан кўрди.

Қорхонанинг ишлаб чиқариш қувватини билиш учун уни ойлаб бпр чеккадан ўрганиб чиқиш керак. Аммо лабораториядан олиб чиқиб ташланган темир пайраҳасидан заводнинг кучи нимага қаратилганини билиб олса бўлади.

Янги ёқилғининг ёки машина мойининг бир томчисини текшириб кўриб, мамлакатда олиб борилаётган илмий-текшириш ишлари қандай мақсадга бўйсундирилганини англаш мумкин.

Аммо фактнинг нақадар қимматга эга эканлигини, унинг тўғрилигини, тасодиғий эмас — қонунийлигини билиш, ажратиб олиш учун таҳлил қобилиятига эга бўлган тиниқ ақл, кенг билим зарур. Бунда ўзига бино қўймаслик ва кичик нарсадан, у биринчи қарашда қанчалик майда, беқорчи, диққатга арзимайдиган бўлиб туюлмасин, йирнк, катта аҳамиятга молик хосият топа билиш керак.

Ҳарбий сирни сақлаш системаси вермахт штабининг бўлимлари томонидан миридан-сиригача ишлаб чиқилган ва кенг тармоқ отган эди. У биринчи жаҳон уруши тажрибалари асоснда қайта қурилган эди. Рейхсвер эса уни такомиллаштириб поёнига етказди.

Ғолиб давлатлар ўз даврида бутун Германияга жаҳонда донг таратган резидентлар бошқарадиган жосуслик тармоғини ёйган эдилар. Шундай бўлса ҳам, рейхсвер уларнинг сергак назаридан кўп нарсани яшириб кетишга муваффақ бўлди. Бунга у ҳарбий сир сақлаш системасининг ўта мукамаллиги ва сир тутишнинг пай ҳавосини олган шахсий состави туфайли эришди; ҳар бир хизматчи йўл қўйилган бепарволик учун ҳарбий суд томонидан аёвсиз жазога тортилишини ва ҳукм шу заҳотиёқ ижро этилишини биларди.

Европа қўшинларини яқин тезлигида мажақлаб ташлангани ва немис стратегиясининг чўққисини — бутун Польша — Франция линияси бўйлаб тўснidan берилган зарба — ҳамма-ҳаммаси Гитлер ҳарбий машинаси ва унинг қудратининг зўр тантанасигина бўлиб қолмасдан, шу билан бирга, қўшиннинг, шахсий составнинг жанговар буйруқлар ва уни амалга ошириш учун бўладиган тайёргарликларни сир тутишдаги тенгсиз қобилиятини ҳам намойиш қилди.

Босқин ясаш мўлжалланган навбагдаги мамлакат устидан қозонилган ҳар бир ғалабадан кейин, гитлерчи солдат онгида немис миллати Европанинг бошқа халқларига қараганда устун туради, Гитлер жаҳон тақдирини ҳал қилувчи, тарих гилдирагини ўз билгича айлантирувчи илоҳий кучга эга, деган кўр-кўрона ишонч мустаҳкамланиб борарди. Ҳатто ўзларини алоҳида бир тоифа, олий насаб ҳисоблаб, бутун зотлари аслзода ҳарбийлардан бўлганлиги билан хўрозланадиган пих ёрган генштабчилар ҳам ниҳоят, Гитлер «дахоси»га тан бердилар, чунки Гитлер улар рад қилиб бўлмайди, деган нарсаларни бир неча бор нафрат билан қўпол суратда чиппака чиқарган эди. Гитлер буюк давлатларнинг Германияни ўз қўлларида қурол қилиб, уни Совет Иттифоқига қарши қаратиш мақсадида ликонглаб қолганларини тушунган эди. У бундан усталик билан фойдаланар, буюк давлатларни ғулғулага солар, худди ёлланган қотилдай борган сари баҳосини оширишга ҳаракат қиларди. Натижа шу бўлдики, у хамир учидан патир қилиб, Европа мамлакатларини эгаллаб олди. Кейин ўз хўжаларининг қорнига пичоқ солди: аввал Францияни ўлар ҳолатга келтириб, қаттиқ жароҳатлади, кейин Англияга хезланди. Немис армиясининг стратегия ва тактикасида ўз ифодасини топган фашист давлатининг маккорлик сиёсати ҳарбий сир сақлашни талаб қиларди, зотан, унинг кўп ғалабалари шунга боғлиқ эди.

Вермахтни биринчи жаҳон урушидан қолган қонли балчиқда мамлакатнинг моддий бойликларини, одамларнинг юракларини сўриб узоқ мудраб ётган ваҳший ҳайвонга таққослаш мумкин эди. Аста-секин у ўз устига оғир металл зирҳ ташлади, тиш-тирноғигача қуролланди, ҳарбий организмнинг ҳар бир ҳужайраси, яшириш лозим бўлган жамик нарсагини беркитиб, мустаҳкам қалқон тутди.

Бу ҳимоянинг мукамаллиги зўр контрразведка тармоғи ва шахсий составнинг қаттиқ интизоми билан озиқланар, таъмин этилар эди. Интизом ўз навбатида устав қондаларини салча бўлсин бузилишига қарши шафқатсиз жазо бериш билан сақланарди, бинобарин, устав қондаларида тиш-тирноқ билан кўриқланиши лозим бўлган маълумотларнинг сизиб чиқиши мумкин бўлган ҳар бир тешикни ёпиб қўйишнинг мири-сиригача ишлаб чиқилганди.

Вайс армиянинг қўйи хизматчилари билан суҳбатлашиш, қисмларнинг жойлашиш тартибини билиш учун кўп ҳаракат қилди. аммо ҳаммаси зое кетди. Келернинг кўрсатмасига мувофиқ автобаза шоферлари

Ўзларининг қаерга борганликларини бир-бирларига айтмасликлари керак эди. Бундан ташқари, Циммерманнинг броневигидан бўлак ҳамма машиналардан фақат шаҳар доирасидагина фойдаланиларди. Аммо Циммерман ўзининг нима иш қилаётгани ҳақида миқ этиб оғиз очмас, Иоганн ҳам Циммерманнинг машинаси гоҳида кунига уч юз километрдан ҳам мўлроқ йўл босишидан бошқа (буни спидометрдан осонгина билиб олса бўларди) ҳеч нарса ни билмас эди. Аммо немис қўшинларининг ҳаракати қанчалик яширин бўлмасин, Иоганн унинг тагига етиши зарур эди. Тагига етди ҳам. Барча буюк кашфиётлар сингари бу ҳам ниҳоятда осон бўлиб чиқди.

Келер кейинги вақтларда Вайсни шу қадар назар-писанд қилмай қўйдик, ахийри унга турли ташкилотлардан чиққан кераксиз қоғозларни шаҳар ташқарисидаги махсус бир жойга элтиб ёқиб юборишни топширди.

Чиқиндилар ёқиладиган бу жойга биринчи келишининг ўзидаёқ, Вайс узок муддат бир иш чиқаролмай излаган нарсаларини топишга муваффақ бўлди. У чет эл газеталари, суратли журналлар, юк ташиш ҳужжатларининг парча-пурчаларини кўздан кечириб, диққат билан ўрганиб чиқар эди.

Немислар босиб олган мамлакатларда нашр қилинадиган мана шу газета ва журналларнинг парчалари Польшага аввал шу мамлакатларда бўлган немис штаб қисмлари келганлигини аниқларди.

Вайс немис матбуотини ҳам эринмай қараб чиқарди. Газета парчаларидан немис ҳарбий қисмлари Лодзга Германиянинг қайси жойларидан келганлигини аниқлаш мумкин эди.

У чиқиндиларни худди қазилма топган археологдай зўр қизиқиш ва ылҳом билан ўргана бошлади.

Аммо кўп ўтмай у маълумот олишининг бу манбаидан айрилиб қолди ва қанчалик паст иш бўлмасин, ундан маҳрум бўлганига ачинди: Келер уни чиқинди ташишдан озод қилди. Иоганн бу ҳақда маълумот юбориб, унда немис қўшинларининг ҳаракати юзасидан ўз кузатишларини ҳам баён этди. У чиқинди қоғозлардан олган маълумотларини шаҳарда пайдо бўлаётган янгидан-янги ҳарбий машиналарнинг рақамларига солиштириб кўриб, ўз фикрининг тўғрилигига ишонч ҳосил қилгандан кейингина, шу мазмунда маълумот юбориш қарорига келганди.

Иоганн машинада ёлғиз ўзи бўлган кезларда биронта ҳарбийни ўтқазиб олиб кетишга сира эринмасди. Бунинг бадалига Вайс уларнинг оғзидан гап терарди.

Ахир шундай хушмуомала ва хизматбарор, боз устига, эртами индин ҳаракатдаги рота билан сафарга чиқмоқчи бўлиб турган бўз йигитга икки оғиз сўз айтиб кетмай бўлармиди. Тўғри, у ҳали фронт нималигини билмайди, аммо буни қаранг, у фронтовикларга қанчалик ҳурмат билан қарайди, қайси қисмга хизматга бориш маъқуллиги ҳақида маслаҳатлашади.

Иоганн танкчиларга авиацияни, учувчиларга танк қисмларини мақтарди.

Ирим қуролнинг афзалликлари ҳақидаги мана шу қисқа, аммо қизиқ баҳслардан Вайс ўзига керакли кўп гапларни билиб оларди.

Шаҳарда навбатдаги ушла-ушла бошланган бир куни, Иоганн дарвоза панасига ўтиб турган қандайдир бир йигитни кўриб қолди, юзида қон қолмаган йигит ўнг қўлини чўнтагига тиқиб олганича атрофга олазрак бўлиб қарарди.

Вайс машинани тўхтатиб, запас ғилдиракни ерга олиб қўйди-да, унинг даммини чиқариб юборди ва йигитни имлаб чақирди. Сўнг унинг

қўлига насос тутқиза туриб, дам уриб бер, дегандек ишора қилди. Йигит гилдиракка ел ура бошлади.

Соқчи келди. Вайс ўз ҳужжатларини кўрсатди.

Соқчи йигитни кўрсатиб, сўради:

— Манави сен биланми?

Вайс тўғри жавоб беришдан қочиб, ноаниқ қилиб деди:

— Полковник машина сўраган эди, биз бўлсак мана кечикиб қоляп-миэ.

Соқчи кетди.

Йигит камерага дам бериб бўлгач, Вайсга савол аломати билан қаради-да, немис тилида сўради:

— Кетаверсам бўладими?

— Хизматинг ҳақи олиб бориб қўя қолай?

Йигит иккиланиб қолди, кейин нима бўлса бўлди, деган қарорга келди шекилли, шартга Вайснинг ёнига чиқиб ўтирди.

Анчагача жим боришди.

Ниҳоят, йигит чидамай сўради:

— Нега сен мени қутқариб қолдинг?

— Мен сени эмас, сен мени қутқардинг,— деди Йоганн,— гилдиракка дам уриб бердинг.

— Ғалати немис экансан.

— Нимаси ғалати?

— Мана қутқариб қолдинг,— қайсарлик билан қайтарди йигит,— бунинг устига бирга олиб кетяпсан. Мен полякман-ку, ахир.

— Кўриб турибман.

— Нима, сен яхши немисмисан?

— «Яхши» деганинг нимаси?

— Мана бундақалардан.— Йигит қўлини мушт қилиб юқори кўтарди.

Вайс елкасини қисди.

— Рот фронт! Билмайсанми?

— Йўқ,— деди Вайс.

— Бўлмаса, нима қилиб мени қутқариб юрибсан?— деб жаҳли чиқиб кетди полякнинг.

Вайс қўлини баранкадан узиб мушт қилди-да, сўради:

— Сен бундай немисларни қаерда кўргансан?

Йигитнинг юзи яна оқариб кетди.

— Бундан чиқди сен гестапочилардан экансан-да, а? Узингни гўлликка солганакансан-да, а? Қўлга туширдим деяпсанми ҳали?— Шундай деб у қўлини шоша-пиша ўнг чўнтагига тикди.

Вайс у томон ўгирилиб ҳам қарамай деди:

— Қизишма. Унгача санагин-да, кейин ўйлаб кўр.

Яна анчагача жим боришди.

— Мен шу ерда тушаман,— деди йигит. Машина тўхтагач, у эшикни очиб, орқаси билан пастга тушди.

Вайс энгашди.

— Пули қани?

— Қанақа пул?— Ҳайрон бўлди йигит.

— Машина ҳақи.

Йигит гижимланиб кетган злотий чиқарди:

— Бир пачка сигаретага ҳам етмайди.

— Беравер,— жиддий туриб деди Вайс. Пулни чўнтакка урар экан, илжайди:— Нима, немис сени текинга олиб бориб қўяди, деб ўйловмидинг?

Машинани аста бурди. Йигитнинг довдираган, ҳайратомуз боққан юзи лип этиб ўтди. У ботинмайгина қўл силқиди. Вайс жавоб қилмади.

Иоганн йигитдан пул олиб яхши қилган бўлса ҳам, барибир, уни қутқариб, бебошлик қилди, бундай қилишга эса унинг ҳаққи йўқ эди.

«Яхши эмас, ўртоқ Белов»,— фикрап ўзига-ўзи деди Иоганн. Аммо шу заҳоти беихтиёр равишда ўйлади: «Камерага дам уриб бер, деб бопладимми? Ҳамма немис шоферлари шундай қилишади: дуч келган поляк йўловчини насос уришга мажбур этишади. Мана мен ҳам шундай қилдим...»

Аммо бошқа бир кун гирт маст немис солдати калтаклаётган қандайдир юз-кўзи роса бўялган бир хотин Вайсга ёпишиб, ёрдам бериш деб ялинганида Иоганн уни нидамасдан четлатиб, ўтиб кетаверди. Иоганн шундай бепарволик билан ўтиб кетдики, гўё бу поқа унинг кўз ўнгида эмас, балки нариги дунёда бўлаётгандек эди. Йигит билан бўлган воқеадан кейин у анчагача ўзига танқидий кўз билан қараб юрди, эли-снётларини «тежаб олишга», тергашга киришди. Бу ерда совет кишиларига хош фазилатлар, унинг ахлоқий хусусиятларини намойиш қилиш, худди жарроҳнинг кўнгилчанлигидай хатарли ва қони зиён эди. Шунинг учун ҳам у калтакланаётган аёлга ёрдам қўлини чўрмай, бепарво ўтиб кетди, унинг бурчи бундай ҳислардан юқори турарди.

Иоганн бир печа кунгача Польшадаги бешинчи колонна — фрэйкорнинг аъзоси — шу ерлик немис фермери Клюгени олиб юрди, булар Гитлернинг Польшага ҳужум қилиши арафасида қўпоровчилик билан шуғулланишган, кейинроқ бориб гестапочилар малайларига айланган эдилар.

Оғиркарвон, калтабақай, юзлари гўштор; нафас сиқилиш касалига гирифтор бўлган бу одам Вайснинг Болтиқ бўйидан келганлигини билиб, таънаомуз деди:

— Сендақа йигитларни у ерда вақти соати келгунча ушлаб туриш керак эди, кейин биздан ўртак олиб, у ерда ямшигина қирғин барот уюштирган бўлардинглар.

Вайс сўради:

— У ерда шундай қилишга имконимиз бўларди, деб ўйлайсизми?

— Ҳа, шундай деб ўйлайман.

— Нега унда биз бу ерга келиб ўтирибмиз?

— Ҳамма гап шунда-да,— хўмрайиб деди Клюге. Кейин тўсиндан иш-шайиб қўйди-да, юнатди:— Ҳечқиси йўқ, йигит, ҳали ҳаммаси олдинда.

Клюгенинг фермасида ўнларча поляк ва француз ҳарбий асирлари ишлашарди, аммо у йўл қурилишига шағал етказиб беришни пудратга олиб, ҳамма асирларни тош қонига ҳайдади, ўғли билан куёвини уларга назоратчи қилиб қўйди. Ҳозир Клюге олдин олганларим битта қолмай, ичбуруғдан ўлиб кетди, деб баҳона қилиб, фермага янги асирлар келтириш пайида юрган эди.

Вайс сўради:

— Қиш келса, шунча ҳарбий асирни қаерга сиғдирасиз?

Клюге деди:

— Асосий озиқ-овқат маҳсулотларини истеъмол қилишда одам билан рақобатлашадиган нарса чўчкадир. Менинг эса наслдор эркак чўчкаларимнинг ўзи ўнтадан ошади, шулардан тўрттаси — медал олишга сазовор бўлган.— Сўради:— Тушундингми?

— Йўқ,— деди Иоганн.

— Хўп, бўлмаса эшит, менинг қарамоғимдагилар бундай рақобатга дош беришолмайди. Улат бошланади, вассалом.

— Чўчкаларгами?

— Бўлди-бўлди, ўзингни гўлликка солма,— тиржайди Клюге ва ишбилармонлик билан қўшиб қўйди:— Иш-иш ер-мулки лагерларга яқин бўлганларники бўлиб қолди. Шундоқ лагернинг ўзидан уларникига ишга

ҳайдаб келишадн, емишлари ҳам лагерда берилади. Бунн ўрганиб қўй, йигит, хўжайин бўлганингда иафи тегади.—Бир зум жим қолиб, сўнг гапида давом этди:— Биринчи жаҳон уруши пайтида отамнинг қўлида рус ҳарбий асирлари ишларди. Ҳаммаси ориқ, аммо чайнр одамлар эди — уларга кўз-қулоқ бўлиб туриш лозим бўларди — биттаси отамнинг қулоғини белкурак билан шип узиб ташлаганди.

— Фақат битта қулоғининг ўзинигинами?

— Биттасини.

— Демак, мўлжалига теккизолмабди-да,— деди Вайс.

— Тўғри,— деди Ключе.— Мўлжалга тегизолмаган.— Сўнг бир оз ўйлаиб қолди-да, жунжнкиб деди:— Агар қўлимга руслар тушса, пистолетсиз ҳатто чўзилнб ётганининг ҳам олдига бориб бўлмайди. Оёқдан олиши мумкин. Мен бунн яхши биламан.

— Нима, сиз рус асирлари ҳам бўлади деб кўз тикияпсизми?

— Уруш бўлгандан кейин, асирлар ҳам бўлади-да.

— Бўлармикин?

Ключе елкасини қисди ва ўз навбатида сўради:

— Қани, менга айт-чи, нега бўлмаса, генерал-губернаторликда шуинча янги қўшин турибди?..

Келер Вайсга эртага соат иккида Ключедаги ишинг тугайди деди.

Эртасига эрта билан Иоганн Ключени ташкилотма-ташкilot олиб юрди. Кейин Ключе машинани фермага қараб ҳайдашни буюрди. Соат роппа-расо иккигача Иоганн машинани ёмғирдан бўккан қишлоқ йўлидан ҳайдаб борди. Соат иккида у машинани тўхтатиб, эшикни очди-да:

— Ключе жаноблари, машинадан фойдаланиш муддатингиз тугади,— деди.

Сўнгра Вайс машина багажнигини очди-да, ундан Ключенинг чамадонини олиб, ерга қўйди. Кабинада турган нарсаларини ҳам чамадоннинг ёнига ташлади.

— Ҳали яна эллик икки километр юришим керак ахир,— деди Ключе ёлворгудай бўлиб,— ҳақини тўлайман. Кекса одамни йўлнинг ўртасига ташлаб кетиш яхши эмас.

— Тушинг,— деди Вайс.

— Тушмайман.

Иоганн машинани орқага бурди-да, келган йўлига қараб ҳайдаб кетди.

— Йўлда юкларим қолиб кетди-ку, ахир!

Вайс миқ этмади.

— Тўхтат!

Вайс машинани тўхтатди.

Ключе кармонини титкилаб қолди, кейин Иоганннинг қўлига пул тикншига бошлади.

Иоганн унинг қўлини итариб қўйди.

— Ҳали шунақами,— деди Ключе.— Яхши! Бу қилмишинг учун кўргалигингни кўрасан ҳали.

У машинадан тушди-да, лойга ботганча, сургалиб юки томон кетди.

Вайс гаражга қайтгач, Келерга Ключе машинани ушлаб қолмоқчи бўлди, деб айтди.

— Бунн ўз номи билан буйруқ деб қўйибдилар,— деди Келер.— Сен уни соат роса иккида ҳатто кўлмакнинг ўртасида бўлса ҳам туширишинг керак эди.

— Мен ҳам худди шундоқ қилдим,— деди Вайс.

У ўзини шунча кундан бери машинада аллақандай ифлос бир маҳлуқни олиб юргандай ҳис этарди.



Вайс ўриндиқ қопчиқларини олиб қоқди. Нвзарида машина сасиб кетгандек эди.

Тиним билмай ўн ва ҳатто ўн икки соатлаб ишлаш энг бақувват шоферларни ҳам ҳолдан тойдирар эди. Иоганн жисмоний ва ақлий жиҳатдан шундай бир кучга эга бўлиши керак эднки, токи гараждаги ишини битиргач, бутун куч-қуввати ва идрокни ўзининг асосий вазифасига сарф қила олсин. Асосий вазифа эса ҳаммасидан кўпроқ, фикрни бир жойга йиғишни, ўткир мушоҳадани ва зўр иродани талаб қиларди.

Одам гоҳо чарчоқдан бемажол, бемадор қолган кезлари ўзининг ҳушёрлиги, сергаклигини йўқотиб қўйганини, кутилмаган вазиятларда мисли чақмоқдай тез бир қарорга келиш учун зарур бўлган қандайдир туртки бўлувчи кучдан айрилганини сезмай қолади. Ирода кучи билан ҳорғинликни енгса бўлади, аммо ҳорғинлик миянгни ўтмаслаштириб қўймаётганимикин, бун қандай қилиб билса бўлади? Ахир бу мия қурмағур ҳам ўзининг асл «мен»ингга, ҳам шофер Иоганн Вайс қиёфасидаги иккинчи бир ўзлигингга барабар хизмат қилиши керак. Мана шу бир одамда жамланган икки бошқа-бошқа шахс тафаккурини бирлаштириб, уни ўз мақсадинг ва бурчинг йўлида хизмат қилувчи ягона кучга айлантиришинг керак.

Кейинги кунларда мяясининг чарчаганлиги, жисмоний ҳориганлиги, юрагининг толганлиги гоҳо уни асл ҳолига, асл ўзлигига қайтарар, гоҳо эса у ўзини қачонлардир ўзгача бир дунёда яшаганидан бўлак хотираларга эга бўлмаган чинакам Иоганн Вайс деб ҳис қилар ва бундан қўзониб боши осмонга етарди. Айни пайтда ишнинг ҳаддан ортиқ кўпчилигидан қаттиқ чарчаши она юрт соғинчини енгиб кетишга, туш кўрмасдан ухлашга, хотираларга берилиб кетмасликка кўмаклашарди, бинобарин, хотиралар юракни шу қадар жизнлатиб ўртар, ёндириб юборардики, бир кўни кечаси у ҳатто отасининг темир қириндисининг ҳиди келиб турган қўлларини тушида кўрганида йиғлаб ҳам юборганини сезиб қолганди.

Атрофини қуршаган, хатти-ҳаракатлари, урф-одатлари, қарашлари, феъл-атворларига миллат ҳаётининг бутун бир тарихий даври, ижтимоий-маиший шароити ўз муҳрини босиб кетган мана шу одамларга ўхшаш учун Иоганн қаттиқ зўр берган ойлар орқада қолган эди.

Инструктор устози олдиндан айтган янги қиёфани ўзлаштириш жараёни тугади, у шунда ўзини қушдай енгил ва эркин сизди. Бу ақл, ирода ва хотиранинг беқиёс даражада улкан меҳнати эвазига қўлга кирган порлоқ ралаба эди.

Энди у ясамаликдан мутлақо холи бўлган, буткул бошқа одам қиёфасига кирган эди. Иоганн Вайс феъл-атворини ҳар жиҳатдан ўзига сингдириб борар экан, айни чоқда асл ўзлигига хос хислатларнинг биронтасини ҳам йўқотмаслиги керак эди. Вайсга ўз қобилияти, қалба, шуури, ихтиёрини бериб қўймаслик лозим эди. Зотан, Иоганн Вайс мустақил шахс сифатнда яшашга қобилиятли бўлибгина қолмасдан, айни пайтда унинг қобиғини кийган одамга бутунлай бўйсунуши шарт эди.

9

Фрау Дитмар Иоганнга, яқшанба кўни Мария Бюхер ўзининг туғилган кунини нишонлаши ва икковларинин меҳмонга таклиф қилиб кетганлигини тантана билан хабар қилди.

— Жудаям соз иш бўлибди-да,— хурсанд бўлди Иоганн,

— Аммо бу мундирингиз билан...

— Оддий костюмимни кийиб ола қоламан.

— Йўқ, унингизнинг ранги очиқ, кечки меҳмондорчиликка кийиб бўл-

майди!— деди фрау Дитмар ва Вайсга дашном берди:— Унақа енгилтак бўлманг. Бунинг устига Марианинг бўйи етган қизи бору, нима деб ўйлайди?— Аммо шу заҳоти уни юпатиб:— Хафа бўлманг, Иоганн,— дедида, ўзининг хонасидан ўглининг чойшабга ўраб қўйилган қостюмини олиб чиқди.— Кийиб кўринг-чи,— буюрди у.— Худди шаҳзоданинг ўзи бўласиз-қўясиз.

Хақиқатан ҳам, Фридрихнинг костюми Иоганнга жуда ярашиб тушди. Вайсга ўйчаи боқар экан, фрау Дитмар маъюсланиб деди:

— Фридрихни охирги марта штурмовик кийимида кўрганман. Шунақанги ярамас кийимки...— бирдан унинг дами ичига тушиб, шу заҳоти хатосини тузатди:— Еш йигит учун албатта... Утиринг,— тақлиф этди фрау Дитмар ва жиддий туриб деди:— Мен сизни огоҳлантириб қўйишим керак, Иоганн. Мария — ақлли хотин. Ҳаммамиз уни ҳурмат қиламиз, аммо сиз билиб қўйишингиз керак бўлган гаплар бор. Унинг қизи Ангелика, ҳали ўзингиз кўрарсиз, анчагина кўҳлик қиз, аммо ҳамма гая шундаки, у ҳали жудаям еш эканда полковник Иоахим фон Зальцнинг отаси генерал-лейтенант фон Зальц ёши қайтиб қолганига қарамай... Қисқаси катта жанжал, жинойи суд бўлиши мумкин эди. Қизча ўзини ўзи ўлдирмоқчи ҳам бўлди. Агар онаси ақлли бўлмаганда, бахтсиз ҳодиса юз бериши эҳтимол эди. Фон Зальцларнинг оилавий генералшида (унда Мария ҳам иштирок этганди) Мариани оқсочликдан генерал мулкининг уй бекаси даражасига кўтаришга, қизининг номига эса олти гектар ер чиқдориди ҳадянома бериш ва у то балоғатга етгунча маълум миқдорда пул тўлаб туришга келишилди. Шу билан бирга Мария, генерал, Ангелика менинг никоҳсиз орттирган қизим, деб ёзилган ҳужжат бериши керак, деб оёқ тираб туриб олди. Гап босди-босди бўлиб кетгандан кейин, фон Зальцлар ўз устларига олган мажбуриятларини инкор қилишлари мумкин эди. Бу ҳужжат ана шунинг олдини олиш учун керак эди. Генералга эса қилмишини бўйнига олишдан кўра, Ангеликани никоҳсиз орттирган қизим деб тан олиш маъқулроқ эди.

Генералнинг ўгли Иоахим фон Зальц ҳарбий ўқув юртидан қайғиб келганда, отаси унинг сингилли бўлиб қолганлигини айтди. Албатта, бу гаплардан Иоахим қаттиқ ранжиди, аммо у биздан кўра номдорроқ оилаларда ҳам шундай ишлар бўлиб туради деб, тақдирга тан берди, аммо «синглиси» билан учрашишни истамади.

Шунда Мария яна бир карра ўзининг оқиллигини кўрсатди. Унинг тутган ишлари, хатти-ҳаракатлари, сўзларидан Иоахим, Мария фон Зальцларнинг оилавий шарафини ерга урмоқчи, ёки қариндошлик даъво қиламоқчи эмаслигини англади.

Яқинда у ўзининг «синглиси» билан танишишга рози бўлди. Сўнгра уни ўзига таржимон қилиб олди. Полковник Ангелика билан расмий муносабатдан нарига ўтмасди, аммо бу фон Зальц қизни ёқтирмайди деган сўз эмасди. Иоахим фон Зальц нуфузли оиладан чиққанлиги учунгина эмас, балки дипломатик хизмат юзасидан Англия ва Францияга борганида яхши иш кўрсатгани учун ҳам абверда каттакон вазифани ишғол қилиб турар эди.

Фрау Дитмар бир оз сукут сақлаб турди-да, сўнг кўнглини яқин олиб деди:

— Мария Бюхер менинг дугонам, шунинг учун буларни сизга айтиб ўтирмасам ҳам бўларди. Бундан ташқари, яна бир гап бор. Фридрих ва Ангелика бир вақтлар... Менимча, буларни билиб қўйганлигингиз ва мабодо...— фрау Дитмар жилмайди.— Мабодо, жиддий бир қарорга келадиган бўлсангиз, унутишингиз керак. Мана кўрарсиз ҳали. Мен Ангеликани чин кўнглидан яхши кўраман-у ажойиб қиз, тўғри, ғалати одақлари ҳам йўқ эмас.

Фрау Дитмарнинг ҳеч нимаи яширмай айтган бу гаплари Мария Бюхер билан унинг қизи унчалик қўй оғзидан чўп олмаган одамлар эмаслигини кўрсатарди, «жиддий бир қарор» ҳақидаги сўзлар эса оилавий байрамга таклиф қилиш сабабни бепарда қилиб очиб берарди. Фрау Дитмарнинг очиқ-ойдин худбинлик қилгани ҳам (у ўз Фридрихига бундай хотинни раво кўрмаганди) Иоганнинг дидига ўтиришмади, шунга қарамай, фрау Бюхер бошқа бировни эмас, балки худди Иоганнинг ўзини кўз остига олганлигидан Вайс мамнун бўлди. Демак, уни кирхадан олиб келаётганида айтган гаплари изсиз кетмабди, ўзини унинг назарида бошқача бир йигит сифатида кўрсатишга муваффақ бўлибди. «Ёмон эмас»,— ўзини мақтади Иоганн ва шу замонни бу сўзларни инструктор-устози айтадиган оҳанг билан талаффуз қилганлигини пайқайди. Иоганн ўшанда, дарсда жавоб бераётиб, нима учун айти немислар олий ирққа мансуб эканлигини унга исботлаб берган, ўз мулоҳазаларини герман фашизмининг назариятчиси Альфред Розенберннинг нуқталаридан мисол келтириб тасдиқлаганди. Унинг жавоби икки хил нусхада бўлиб, бири оддий солдатга, иккинчиси вермахт офицерига тегишли эди.

— Бу гапларнинг бари ўта кетган аҳмоқлик бўлса ҳам,— кулимсираб туриб деган эди устоз,— умуман олганда...— Маъқуллаган овоз билан деди:— Ёмон эмас.

Шунда Иоганн ўзини худди сассиқ бир нарса еб қўйган одамдек ҳис қилаётганини айтиб, зорлаган эди, инструктор устози бош чайқаб деди:

— Бундай қилишинг тўғри эмас, Белов. Бу ахир уларнинг мафкура-си-ку. Нафратланишинг мумкин, аммо уни билиш ва тушуниш сенинг бурчинг. Шусиз сен уларнинг ичида ўзингнинг хомлигингни кўрсатиб қўясан, демак, кўтарилишинг учун ўз йўлингни ўзинг беркитган бўласан. Шунга ҳам унутмагинки, Иоганн Вайс — одми, айти чоқда, қув йигит. Офицер погонини тақиб юриш учун пастлик қилиши ҳам мумкин. — Шошиб қўшиб қўйди:— Бу, албатта, бизнинг нуқтан назаримиздаги пасткашлик, у ёқларда буни «пайтини топу, чўнтак гўлдир» деб тушунишади. Одам одамга бўри ва ҳоказо.

Мария Бюхерникага афтидан, унинг энг яқин кишилари йигилган эди. Улар бир-бирларининг исмларини айтиб чақирарди, одоб ва муолазамат билан муомала қилишарди. Йигилганлардан иккитаси эркак, қолган учтаси аёллар эди. Уларнинг кийган кийимлари, турқи-тароватларига қараб баҳо бериш қийин эди.

Герберт исмли қайтиброқ қолган бир кимса тугмаси икки ёқлама қадаладиган пўрим пиджак кийиб, тўқима нимчасига мўъжаз занжир осиб олганди. Кеккайган бу одамнинг гўштор юзидан оламни сув босса пинак бузмайдиган кимса эканлиги кўриниб турарди. У смокинг кийган ориқ бир жанобга Дюнкеркдан кейин инглизлар фюрер билан яраш битими тузсалар яхши бўларди, кейин биргалашиб шарқ масаласини ҳал қилишарди, деб уқтирарди. Шундагина фюрер Россиянинг бир қатор шимолий ерларини (улар бу ерларни бир маҳаллар босиб олиб, сўнг қўлдан чиқаришганди) инглизларга қолдиришга розилик бериши мумкин эди. Англия эса бунинг эвазига Германия билан ўзининг айрим мустамлака мулкларини баҳам кўрши лозим бўлади.

Аммо Пауль, смокинг кийган ҳалиги ориқ жаноб эҳтиёткорлик билан унга, фюрер Бонапарт қилолмаган ишни қилади, ўшанда немис солдатлари ҳозир Парижда қандай камарбаста бўлиб қадам ташлаётган бўлсалар, Лондонда ҳам худди шундай қилиб юрадилар, деб эътироз билдирарди.

Кимхоб кўйлак кийган, билқиллаган калтабақай қўллари яланғоч хоним буларнинг гапини оғзидан олиб, билангонлик билан, фюрер ишга келарни ёмон кўрса ҳам, Черчиллнинг Россияга биринчи даражали душман,

деб қарашидан хабардор Мосли жаноблари ҳам Англия жамоатчилигининг фикри фюрер кўзлаган тарихий мақсадларга мос бўлиши учун ҳаракат қиламиз, деб унга ваъда берибди, дея оғиз кўпиртирарди.

— Вильма — бизнинг Риббентропимиз бўлади, — семиз хонимга бош силкиби деди тиззалари очилиб турган, калта дум зангори кўйлак кийган, сочлари маалатоб кўҳликкина қиз.

Вильма тилтёламалик билан жилмайиб, унга жавоб берди:

— Сен худди Момо Ҳаводай ҳар доим диркиллаб, одамнинг ҳавасини келтириб турасан, Ева. Афтидан, бригаденфюрер жаноблари сени кўрган пайтларида олма егилари келиб, суст кетсалар керак.

Ийиб кетган Ева сирли жилмайди.

— Нима ҳам дея олардим.

Смокинг кийган жаноб ўгирилиб қаради-да, эринибгина қарсақ чалди:

— Яшавор, Ева!

Фрау Бюхер Евага суқ билан тикилар экан, деди:

— О, Ева — дилбар фаришта! Гарчи мен аёл бўлсам ҳам бригаденфюрернинг аҳволига тушунаман.

Вайсга ҳеч ким диққат-эътибор қилмади. Аммо фрау Дитмарни иззат-икром билан қарши олишди. Ҳаммалари хушомад қилиб ўтирган Ева: «Сиёсати қуриб кетсин! Қўйинг ўшани, ахир биз аёллармиз-ку», — деб қичқирганда, фрау Дитмар сиполик билан унинг гапини тўғрилади:

— Немис аёллари денг, азизим, — шундан кейин эркаклар билан ёнма-ён ўтирди-да, сўради: — Қалай, Герберт, яна ким билан олишамиз?

Гербертнинг гапини Пауль илиб кетди:

— Сиз яна қайси мамлакатлар буюк Германиянинг бир қисми бўлиб қолади, демоқчисиз-да, фрау Дитмар?

— Қўйсангиз-чи! — норози бўлиб унинг гапини бўлди фрау Дитмар. — Бу ерда хўжайиннингиз билан ўтирганингиз йўқ-ку. Узимизни гўлликка солиб нима қиламиз.

— Нега Фридрихингиз ёнимизда эмас-а, — деди ҳалиги чнройли қиз. — У бирам сипо, жиддий йигит бўлдики.

— Ҳа, Фридрих, — унинг гапига қўшилди Вильма, — тўғри, у жиддий йигит, бироқ Ева сен юбкангни яна икки энлик қисқартирсанг эди...

— Еш штурмовик бунга дош беролмаган бўларди, — қаҳ-қаҳ уриб унинг сўзини тугатди Пауль.

Вайс кейинги гаплардан жаноб Гербертнинг «Пакет-аукцион» конторасида баҳоловчи-эксперт бўлиб ишлашлигини билди. Бу конторанинг омборларига босиб олинган областларнинг ҳибсга олинган аҳолисидан мусодара қилинган буюмлар келтириларди. Бу контора уларни турли мансабдорларга улашарди. Энг қимматбаҳо нарсалар алоҳида кўрсатилган хизматлар учун фюрер номидан тортиқ қилинар, шу билан бирга уларни аҳамияти жиҳатидан пахса ва рождество байрамларига тенглаштирилган байрам ҳамда ғалаба кунлари ҳам топшириш маросими бўларди. Империя канцелярияси у ёки бу тортиққа сазовор кимсаларнинг рўйхатини тузиб чиқарди. Шундай қилиб, жаноб Герберт эксперт сифатида ҳадя учун мўлжалланган буюмларнинг қимматини белгиларди. Ёниобарин, асл баҳоси минг марка бўлган нарсани у юз марка деб баҳолаши ҳам мумкин эди.

Ҳатто олий мартабали шахслар ҳам Гербертнинг кўнглини олишдан манфаатдор эдилар. Чунки агар у лозим топса ва ўзига фойда келишини билса, мўлжалдаги минг маркали совғага шундай нарсаларни танлардики, уларнинг ҳақиқий баҳоси хазина билан тенг бўларди.

Лекин Герберт конторага тушган элг қимматбаҳо нарсалар тўғрисида Гиммлернинг шахсий ваклини хабардор қилиб туриши, уларни йиғиб гестапо фондига топшириши керак эди. Сабаби: бу ерда ўтирганлардан биронтаси ҳам урушдан кейинги кризис йилларида маргарин ишлаб чиқаришда қилган қаллоблиги учун Герберт умрбод қамоқ жазосига ҳукм этилганлигини билмас эди. Маргаринни одамларнинг саломатлигига қони зиён бўлган моддадан ишлаб чиқаришган ва уни истеъмол қилган жуда кўп кишилар ва хусусан, болалар оғир касалга дучор бўлишган, заҳарланган эдилар.

Прусс махфий полициясининг собиқ бошлиғи, ҳозирда эса хавфсизлик хизматининг раҳбари СС группенфюрери — дароздан келган, қотма, лаблари юпқа, хира кўзлари совуқ боқадиган қирғий бурун Рейнгард Гербертни қамоқдан бўшатишга ва «Пакет-аукцион» конторасига ишга қўйишга буйруқ берди. Гейдрих ўзи ҳаётини сақлаб қолган бу одам энди чексиз садоқат билан берилиб ишлашлигига амин эди, чунки у сал тойиб кетиши биланоқ, яна қамоққа ташланиб, немис халқини заҳарлаган бир кимса сифатида жазога тортилишини биларди.

Мана шунинг учун ҳам бу мураккаб ишни адо этаркан, Герберт ниҳоятда ҳалоллик қиларди.

Фрау Бюхер меҳмонларининг суҳбатларига диққат билан қулоқ солар экан, Вайс кўп ўтмай улар ўзлари ҳар жиҳатдан тақлид қиладиган хўжайинларининг фикрларини такрорлаётганларини англади. У ўзи учун ҳеч қандай янгилик бермаган бу болохонадор гапларни қизиқиб тингларди: Гитлер тўдасининг ҳамма найранглари, Англия билан апоқ-чапоқ бўлишга ҳаракат қиладиганлиги ҳақидаги гаплар, бошқа аниқроқ манбалардан Марказга аллақачон маълум бўлган эди. Шундай бўлса ҳам у ғалатиноқ бу улфатчиликда ўзини бегона сезмаётганидан хурсанд эди. Вайс кўйлагига кул тушмасин, деб Евага кулдон тутган эди, у жилмайиб миннатдорчилик билдирди.

Герберт Вавельн қасрининг бебаҳо гиламларини яширган полякларни сўқиб, ҳали уларни беркитган жойларини кўрсатишга мажбур қиладиган воситалар борлигини айтганда, Иоганн жаноб Гербертдан Рафазэлнинг «Оқсувсар тутган хоним» суратига нима бўлган, деб сўради. Шунда Герберт унга эҳтиром билан қараб, бу суратнинг нечоғлик бебаҳо хазина эканлигини тушунтира кетди. Кейин у агар Иоганнга ўхшаш таҳсил кўрган йигитлар разведка органларида ишлаганларида эди, у ҳолда, герман империяси босиб олинган ерларда кўпгина санъат асарларини йўқотмаган бўларди, тўғри, ҳозирда ССнинг махсус бўлинмаларига музейлар ва шахсий коллекцияларни кўриқлаш, уларни аввалда сақлаб турган одамларни топиш ва сўроқ қилишнинг махсус усулларини ишга солиб, бадий қимматга эга бўлган биронта ҳайкал, биронта сурат ёки шунга ўхшаш бошқа нарсалар Рейх учун йўқолиб кетмаслигининг олдини олиш топширилган, деди.

Фрау Вильмадан эса Иоганн Германия фойдасига ташвиқот олиб бораётгани учун инглиз фашистларининг раҳбари Освальд Мослини фюрер Рицарь крести билан мукофотламасмикин, деб сўради. Бунга Вильма жаноб Мосли бундай олий мукофотга шубҳасиз сазовор бўлган киши, лекин менимча, уни вермахт қўшинлари Англия қирғоғига тушган кунда, ёки бўлмасам, Риббентропга берган ваъдаси бўйича Мосли Англияда фашист тўнтариши қилган пайтда мукофотлаш керак, деди.

Гапга Пауль аралашди ва Иоганндан қайси мамлакатда урушини хоҳлардингиз, деб сўради. Иоганн ҳазилга олди:

— Парилар бор жойда.

Ҳаммалари кулиб юборишди.



— Унда мени ҳам ўзингиз билан бирга олиб кетасиз,— деди Пауль.— Мен уларга коктейль шопиришни ўргатаман.

Герберт Евадан сўради:

— Қалай, дўндиғим, генералинг сени ҳалиям дуч келган солдатга рашқ қилаверадими? Ҳар ҳолда, асоси ҳам бўлса керак-а?

— Аҳ, Герберт,— хўрсинди Ева,— мунчаём уятсиз бўлмасанг!— Сўнг суҳбагдошининг нурсиз кўзларига қараб туриб, шундай ғолибона жилмайдики, Герберт гапни топиб айтганлигига шубҳа қолмади.

Фрейлейн Ангеликанинг юзлари рангпар, униинг қомати ўсмирликнинг беўхшовлпгнин сақлаган эди. Ориқ, нингичка оёқлари ва узун шалвираган қўллари нимаси биландир унга ҳалақит бераётганга ўхшарди. Териси юпқа ва худди оқ мум тортилгандай, таранг кичкинагина юзи қотиб қолгандек туоларди. Кўзининг оқи кўкимтироқ ва қарашлари туманли. Мана шу катта-катта мовий кўзлари юзига шундай бир ифода баҳш этардики, бундан у ўйлаган нарсасини гапирмаётганга ўхшаб кўринарди.

Иоганн Ангелика билан ёнма-ён ўтириб қолди. Қиз унга бепарвогина жилмайиб қўйди ва сўзларини ямлаётгандай чўзиб, эринчоқлик билан деди:

— Мен билан ўтирганингиздан хурсандмисиз?

Иоганн салфеткани паришонхотирлик билан ёзпб, тиззасига солар экап, хитоб қилди:

— О, фрейлейн, бошим осмонга етди!— Кейин сўради:— Хўш, қайси таомдан олиб берай?

Қиз яна ўша тантиқ овоз билан чўзплиб деди:

— Мен деярли ҳеч нарса емайман.

— Бир оз салат солиб берайми?

— Майли, сазангиз ўлмасин. Илтимос, винодан ҳам қиттай қуйиб беринг.— Шуни дея биринчи марта унга зингил солиб тикилди-да, сўради:— Фронтвикмисиз?

Иоганн йўқ дегандай бошини ликиллатди.

— Ҳечқиси йўқ, албатта бўласиз,— қатъий қилиб деди Ангелика. Сўнг бошини кўтарди-да, маънодор қилиб,— лекин шуни ҳам билиб қўйингки, юрагида ўти йўқ, уқувсиз одамлар биринчи навбатда ҳалок бўлишади,— деди.

— Қувноқ даврада бундай хунук гаплардан сўзлашмайлик!— ўйлаиб ўтирмай жавоб берди Иоганн.

— Барибир, мен унақа одамларга ачинмайман. Ҳеч қачон! Жангқилишни билмайдиган ёки ундан бўйин товлайдиган одамларга раҳм қилолмайман.

Бундай очиқчасига гаплашиш бошда Иоганнга шубҳали кўринди. Шу сабабдан у тилёғламалик қилди:

— Ҳаммамиз ҳам бир кунмас-бир кун ўламиз, фрейлейн, аммо руҳимиз тирик қолади. Фалакда эса бизни,— у кўзини юқорига қаратди,— худовандо кутиб турибди...

— Бўлмаган гап!— ижирғиниб деди қиз.— Бизни ҳеч ким ҳеч қаерда кутаётгани йўқ.

— Ангелика!— столнинг нариги бошидан фрау Бюхернинг мулоим овози эшитилди.— Манави луқмани жаноб Вайсга солиб бер-чи.— У қизига ботинмайгина қараб қўйди.

Ангелика унга ҳатто қайрилиб ҳам қарамади. Бўзарган лабларини базўр қимирлатиб, сўради:

— О, ҳали ҳам эр киши билан шакаргуфторлик қилишим мумкин экан. Тўғрими?— Бир оз сукут қилиб тургач, жиддий туриб деди:— Сиз билан биз бир авлодга мансубмиз. Ота-оналаримиз анови урушдан жон

олдириб қўйишган. Бир хиллари шунга гирифтор бўлган. Бошқа бирлари эса ўлиб кетишган...— Илжайиб қўшимча қилди:— Менинг тағинам омадим келган экан: ойм ўша йиллари тирноги йўқ, сочи йўқ — майиб-майшиқ чақалоқлар туғилган, деб айтиб берган эди. Оналарнинг кўкрагида суг қолмаган, болаларни сунъий йўл билан боқишга мажбур бўлган эдилар. Улар нақ Вагнер гоменкулюсларнинг ўзи бўлиб ўсишибди. Шундай экан, биз ўч олишга ҳақлимиз. Ҳа, ҳақлимиз,— қатъий қилиб такрорлади у.— Мен ҳам ҳаммаса учун ўч олиш мақсадида хотин-қизларнинг ёрдамчи қисмларида туриб хизмат қилишни истардим.

— Кимдан ўч олмоқчисиз?— қизиқсинди Вайс.

— Ҳаммадан. Ҳаммадан.

— Сиз немис қизлари уюшмасининг аъзосимисиз?

— Ҳа,— қатъият билан жавоб берди Ангелика ва бошини шундай қимирлатдики, қалин, туси кузак ўтларига ўхшайдиган сочлари елкарига ёйилиб тушди. У сочини тўғриларкан, деди:— Аммо мен радио эшитишни ёмон кўраман. Бақироқ дикторларни ёқтирмайман. Биз бутун жаҳон билан шивирлашиб гаплашишга ҳақлимиз, лекин олам сўзларимизни типирчилаб туриб, жон қулоғи билан эшитмоғи лозим.

— Маъзур тутинг, фрейлейн, аммо мен бўлажак солдатман ва буйруқ баланд овоз билан берилиши керак, деб ҳисоблайман.

— Демак, мен ҳам бақирим керак экан,— илжайди Ангелика.

— Мени ўз фармонларингиздан баҳраманд қилмоқчи бўлсангиз...

— Нима, сиз бировларнинг фармон беришини ёқтирасизми?— сўради қиз.

Фрау Бюхер ҳаммага эшитиларли қилиб сўради:

— Ёшлар ўзи нима тўғрида суҳбат қилишяпти?

Иоганн жилмайди ва барала овоз билан:

— Фрау Бюхер, мана шу қадаҳни қизингизнинг соғлиғи учун кўтаришга рухсат этинг?— деди.

Меҳмонлар қарсак чалиб юборишди.

Ангелика Иоганнга норози бўлиб қаради ва кўзларини ерга тикиб, шивирлади:

— Сиз жудаям илтифотли экансиз.

Қиз ёнида ўтирган Ева томон намоёншкорона ўгирилди олди ва Вайс билан бошқа сўзлашмай, унга аҳамият бермай қўйди.

Ҳамма нарсани сергак кузатиб ўтирган фрау Бюхер қизи билан Вайс ўртасида ола мушук ўтганини дарров пайқади: Иоганн, мен гуноҳкорман дегандай, ийманиб ўтирарди. У баланд овоз билан сўради:

— Жаноб Вайс, сиз гаражми ё автоустахонами сотиб олмоқчийдингиз. Шекилли?

Фрау Бюхер уни меҳмонларга катта режалар билан юрган йигит сифатида танитмоқчи бўлганини Вайс фаҳмлади. У мана шу одамлар олдида ўзини яхши томондан кўрсатиш, қолаверса, Бюхер хонимни хурсанд қилиш учун ўзининг қандай ниятлар билан юрганлигини жон-дили билан сўзлай кетди.

Аммо унинг сўзлари меҳмонларда ўйлаганига қараганда бошқача таассурот қолдирди.

Адашдим, деб ўйлади Вайс, бу ерда йиғилганлар риёкорликда катта тажриба орттирганликларини ҳисобга олмабман. Ахир, бу одамлар ўзлари мудом риёкорлик қилибгина қолмасдан, атрофдагиларнинг ҳам салча бўлсин риёкорлик қилаётганларини кун сайин синчковлик билан эътибордан қочирмай келганлар. Ўз хўжайинларининг пасткашликларини, ҳийла-найрангларини, ифлос сир-асрорлари, бачкибозликларини кўриб билиб келган, жаноблар томонидан одам қаторига қўшилмаган бу кимсалар мунофиқликни ўзларига касб қилиб олган, бошқа-

ларнинг мунофиқлигига эса нафрат кўзи билан қарашга одатланган эдилар.

Вайс ўз сўзларига меҳмонларнинг киноя билан жим туриб қулоқ солаётганликларининг маънисига тушунди. Шундай, у янглишди ва бунга ўз режаларининг гапига турганида сезиб қолди.

Самимийлик — бу одамлар назарида калтафаҳмлиқ белгисидир. Агарда уни калтафаҳм деб топмаганларида ҳам, ўзининг ҳақиқий мақсадларини яшираётган риёкор, деб ҳисоблашлари аниқ. Буниси гўл банд сифатида танилишдан ҳам ёмонроқ. Ундан бўлак, бу ерда ўтирганлардан ҳеч бири ўз шахсий ишларидан гапириб, бошқаларнинг диққатини жалб қилмоқчи бўлган йўқ. Вайс эса ўйлаб-нетиб ўтирмай, ҳеч қандай мақсадсиз ҳовлиқиб шундай қилди. У мени бу тоифа кишилари: «Ҳа, ўзимизники экансан», — дейишармикин, деб синаб кўрмоқчи эди. Мўлжали тўғри чиқмади. Ютқизди, яъни хато қилди, бу ҳақда инструктор устози кўп марта огоҳлантириб ўтган эди. Ўз-ўзини идора қилиб туриш кераклигини унутди, хаёл жиловини қўйиб юборди, мавжуд вазиятни тушунишдек бирдан-бир ишончли ва аёвсиз суянчиқни йўқотиб қўйди.

Вайс ҳали сўзлашда давом этаркан, ўзи тушиб қолган хавфли вазиятдан чиқиш учун жонсарак бўлиб йўл изларди. У тўсиндан ёқимтойлик билан жилмайди-да, сўради:

— Қалай, роҳат-фароғатни яхши кўрадиган мана шундай бир Михелнинг хабллари, сизларга маъқул тушадими? — Кейин жиддият билан қўшиб қўйди: — Менга келсак, Рейх манфаатлари қаерда бўлишни лозим топса, ўзимни ўша ерда бахтиёр сезаман.

— Қойил, — деди фрау Бюхер, — бизни хўп боплаб лақиллатдингиз-да, жаноб Вайс!

— Бу йигитча мнлтиқни қайси томондан ушлашни яхши биларкан, — маъқуллаб қўйди Пауль.

— Жаноб Вайс, — хитоб қилди фрейлейн Ева, — сизга офицер мундирини жуда ярашиб тушарди-да!

Пауль огоҳлантириб деди:

— Эҳтиёт бўласиз, у сизга мундирни эрта билан дазмоллаб бергиси келиб қолади!

— Пауль, мунчаям уятсиз бўлмасангиз, — деди хумор билан Ева.

Шундан кейин ҳеч кимнинг Вайс билан иши бўлмай қолди.

Ўз ҳолига ташлаб қўйилган Иоганн бурчакда турган столга ўтирди-да, рангли суратлар альбомини кўздан кечира бошлади. Шуларнинг биринда у ўзига ёд бўлиб кетган Рига портининг манзарасини кўрди... Яқингинада тарк этгани бу шаҳар хаёлини ўғирлаб кетди. У политехника институтининг студенти, кема механигининг қизи Лина Йорднн эслади. Лина Йорд қўғирчоқникига ўхшаган, худди сирлангандай силлиқ юзли, қадди-қомати тугмачадаккина, малла ранг, сочларига қўнғироқчадек фуражка кўндирган, қўй кўзлари ўйчан ва жиддий бир қиз эди.

У Немис-болтиқ халқ уюшмаси томонидан ўтказиладиган йиғинларга Иоганнинг қанда қилмай бориб туришини таъна қиларди.

— Сиз, — дерди у истеҳзоли оҳангда, — Рейхнинг жигар ранг йигитларига ўхшаш учун ўлиб-тирилиб ҳаракат қиладиган нусхаларга ўхшашиб кетяпсиз.

— Шундай дейсизу, лекин ватандошларим даврасида мен ўзимни қушдек енгил ҳис қиламан.

— Қизиқ! — деди у ишонқирамагандай. — Ўзингиз ниҳоят мулоҳазали, вазмин одам бўлишингизга қарамай, немис ирқининг устунлиги ҳақидаги аҳмоқона маърузаларни ва ғаламисликка тўла нутқларни жон қулоғингиз билан эшитиб юрасиз.

— Ўзингиз ҳам уларни эшитасиз-ку.

— **Отамни деб қиламан бу ишни.**

— **У сизни ўша маърузаларни тинглашга мажбур қиладими?**

— **Аксинча. Мен у ерга оиламиз ғийбатга қолмасин, деб бораман.**

Бир куни у Иоганни уйига таклиф қилди.

Линанинг отаси **Гуго** Иорд яқинда денгиз сафаридан қайтиб келган эди. У **кўпни** кўрган денгизчи эди. Табиатан вазмин, қисикроқ кўзлари бир оз хиралашган, бу одам қизига ўхшаб паст бўйли, аммо гирдиғумдан келган, кўллари залварли, ягриндор киши эди. Қаттиқ юмилган кичкина **оғзининг** икки четига чуқур ажин тушган эди. У хизмат қиладиган кема бир немисга тегишли бўлиб, команда аъзолари ҳам фақат немислардан иборат эди. Улар ёғоч олиб келиш учун Мурманскка боришган экан, қайтишда денгиз музлаб, кемани сиқиб қўйибди. Муз сиқигидан кема қопламалари ёрилиб, паррак синибди.

Бироқ капитан совет қутқарувчи кемасини чақиршни истамабди. Улар муз даласи билан бирга кўчиб, ўз кучлари билап кемани тузатишга урнишибди.

Кейин қуюнли бўрон турибди, муз далалари ёрилибди, агар кит овловчи совет шхунаси келиб қолмаганда, ишлари пачава экан.

Гуго Иорд қовоқ солганича Вайсга қараб деди:

— Бу совет йигитлари денг, шалоқ кемамизни худди ўзлари хатарда қолгандек ғайрат ва шижоат билан тузатиб беришди. Кема тузалганидан сўнг капитанмиз уларнинг шкиперлари билан боцмапини ўз каютасига ичгани чақирди.

«Менга қаранг,— деди у,— бизлар немисмиз...»

«Нима бўпти?»— деди шкипер. Кейин у капитаннинг столида свастика солинган вимпелни кўриб қолиб, сўради:— Нима, сиз фашистмисиз?»

— **Ҳа,— деди капитан,— худди ўзи.**

Шунда шкипер билан боцман иккови индамай бушлат ва шапкаларини кийишибди.

Капитан сўради:

«Бизни қутқарганингизга ачинадими?»

Шкипер эса бунга жавобан:

«Енилгиларингиз етиб олишга озлик қилади. ҳалокатга тушганлигингизни ҳисобга олиб, бир ярим тонна ёнилги беришим мумкин. Кўбрикни муз босибди, одамларингизнинг ҳатто исиишига ҳам имкон йўқ».

Биз ўз йўлимизга жўнаганимиздан сўнг, шхунада елкак кўтарганларини кўрдик. Рус денгизчилари ўзларининг охириги ёнилгиларини бизга беришган экан.

Гуго буларнинг барини худди бир нарсадан хафл бўлгандай бўғилиб, қовоқ-тумшуғи осилган ҳолда гапириб берди.

Иоганн ҳаяжонини босиб, сўради:

— Бироқ денгизда доимо шундай қилишадн, шекилли?

— **Ерда-чи?**— сўради Гуго.

Иоганн Гугони яхши кўриб қолди, аммо у билан учрашишдан ўзини олиб қочарди. Халқ уюшмасидаги немислар Гугога худди ёт одамдай қарашарди. У билан яқинлашиш Вайсга зиён етказиши мумкин эди.

Худди шу сабабларга кўра у Лина билан ҳам эҳтиёт бўлиб муомала қиларди. Бошда Лина буни Иоганнинг уятчанлигига йўйди. Уюшма ўтказган кечалардан қайтаётганда, унинг ўзи Вайдан кузатиб қўйишни илтимос қиларди. Шунда у Вайснинг қўлидан ушлаб олар. оёғининг учида туриб, унинг ташвишли чеҳрасига тикиларди.

У тийрак ва эркин фикрли қиз эди.

Бу қизга яширин бир меҳр билан боқар экан. Вайс учрашган чоғларида ўз қарашлари ва фикрларини яширишга, ўзини бошқача кўрсатиш-

га, миёга оҳангга солишга мажбурлигидан эзилар, ҳолбуки, гоҳи кезларни у қиз олдида ўз билимдонлигини намойиш қилгиси, юрагидаги гапларни тўкиб солгиси келарди. Аммо бундай қилишга унинг ҳаққи йўқ эди. У оғзинга сув олгандай миқ этмай, қовоқ солиб олар, қизни тезроқ уйига олиб бориб қўйишга шошилларди. Қиз мўъжаз оёқлари билан майда қалам ташлаб унга баъзур етиб бораркан, эркалиниб араз қилган бўларди. Мен уйга шошаётганим йўқ, сиз ёнимда бўлсангиз дунёнинг нариги четига боришга ҳам тайёрман, дерди. Сўнгра жиддий қўй кўзларини, муштоқ кўзларини тикиб, бошини орқага ташлаб қуларди.

Иоганн ёлғиз ўзи уйга қайтаётган кезларидагина хаёлига эрк берар, қизга айтмоқчи бўлган гапларини фикран такрорларди. Аммо у шу заҳотиёқ ўзини тергаб олар, чунки ҳатто хаёлда ҳам Иоганн Вайснинг аини ўзи бўлиши керак эди. Бошқача бўлишга майли, ҳатто бундан ҳордиқ олса ҳам, унинг ҳаққи йўқ. Ҳолбуки, қалби ҳам бу муносабатдан ором ололмайдди, чунки бунда қиз арзимаган бир янглишув туфайли азоб тортадиган бўлса, бунда ором нима қилсин.

У Лина билан учрашиб туришни бас қилди.

Кўп ўтмай Гуго Йорд Норвегия ташкерига ишга ўтди, унинг онласи Ослога кўчиб кетди.

Иоганн Лина тушгап пассажир кемаси йўлга чиққан чоғдагина портга етиб келди.

Улкан оппоқ кема палубасидан музика садоси эшитиларди. Қўнғир тусли тўлқинлар кема тўхтайдиган саҳннинг қозиқ-оёқларига зарб билан урилларди.

Совуқ, нам шамолда, тахир сув зарралари остида тураркан, Иоганн ўкинч ва ҳаяжон билан энди Линани ҳеч қачон кўрмасам керак, деб ўйларди. Линанинг хаёлида у қандай одам бўлиб қоларкин?

Шу тобда, манави уйда ўтириб Ангеликага назар ташлар экан, кўнглида йиғитлик шавқи уйғонмасди, фақат у бундан кейин бу қиз билан ўзимни қандай тутсам экан, нима қилсам унинг диққатини ўзимга тортаману, шу билан битта ҳомий орттираман, деб хотиржам ва батафсил режа тузарди. Ҳозирги пайтда эса унга ҳомийлик қиладиган одам жуда зарур эди! Тўғри, фрау Дитмар тоза уни кўкка кўтариб мақтади. Унинг Вайс билан фахрланиши аниқ сезилиб турарди. Аммо нима қилса Ангеликага ёқаркин?

Вайс келган ҳамма меҳмонлар бу қизга алоҳида бир ҳурмат билан муомала қиладиганларини пайқайди. Ҳатто унинг онасидай такаббур бир хотин ҳам қизига хушомадгўйлик қиларди. Қиз ҳам буларнинг барини худди одатдаги бир нарсасдек қабул қиларди.

Бу орада ширинликлар тортилди. Вайс яна Ангелика билан ёнма-ён ўтириб қолди.

— Лицманштадт қалай, сизга ёқадими?— ўз ёнида ким ўтирганлигини эндигина пайқаган одамдай бепарво сўради Ангелика.

— Агарда у сизга ёқса, менга ҳам ажойиб шаҳар бўлиб кўринади.

— Менга бўлса у ёқмайди.

— Унда менга ҳам ёқмайди.

Ангелика қошларини чимирди:

— Нима, ўз мустақил фикрингиз йўқми?

Иоганн Ангеликанинг юзига тик ва дидил боқиб деди:

— Фрейлейн, назаримда, уйда сизнинг айтганингиз айтган, деганингиз деган бўлиб қолган экан.

— Сиз шундай деб ўйлайсизми?

— Менга шундай бўлиб туюлди.

— Сиз афтидан, хотин киши эркакнинг сояси бўлиши керак дейдиганлардан экансиз.

- Аммо сиз бундайлар сирасига кирмайсиз.
- Тўғри айтдингиз. Мен хатоларимни ҳатто ўзим ҳам тая олишни ёқтирмайман.
- Бисмарк: «Аҳмоқ одамларгина, ўз кўзим билан кўриб, ўз тажрибамга суяниб иш қиламан, дсйишади, мени эсам бошқалар тажрибасига таяниб иш қилишни маъқул кўраман»,— деб айтган экан.
- Кўп китоб ўқиркансиз!
- Вайс елкасини қисди:
- Китоблар — одамнинг яхши маслаҳатчиси. Аммо мингта маслаҳатдан минг пфеннинг яхши.
- Фикрингиз тўғри. Уйимиз сизга маъқул бўлдими?
- Бу ерда менга сиз кўпроқ ёқасиз, деб айтишни хоҳлардим. Лекин бундай демайман.
- Нега?
- Сиз менга меҳмондўстлик қилдингиз. Бунинг учун фрау Литмардан миннатдор бўлишим керак. Чамаси, у киши сизга мен тўғримда сўзлаб бергандир, менга ёрдам беришингизни илтимос қилгандир.
- Ажабмас.
- Демак, агар менга бу ерда ҳаммадан кўра сиз кўпроқ ёқасиз, деб айтсам, буни тилёғламалик, деб тушунган бўлардингиз.
- Бу дейман, сиз анчайин кўнгли очиқ одам экансиз-ку.
- Буни тушунган бўлсангиз, хурсандман.
- Мени буни тушунади, деб ўйладингизми?
- Ҳа, худди шундай деб ўйлаган эдим.
- Бироқ сиз мени эндигина кўриб турибсиз, қаердан била қолдингиз?
- Савқи табиий,— деди Иоганн.
- Янглишаётган бўлсангиз-чи?
- Иоганн қўлларини ёзди:
- У тақдирда, агар қачондир болаларим бўлса, уларнинг отаси оддий шофер бўлади, холос.
- Нима, сиз уларнинг отаси генерал бўлишини хоҳлардингиз?
- Яхши ният ёрти мол, фрейлейн,— ҳазиллашди Вайс.
- Майли,— деди Ангелика,— биз ҳали буни ўйлашиб кўрамиз.— Кейин бир нафас жим турди-да, сўнг жиддий оҳангда деди:— Очиқчасига гаплашдик. Мен фрау Дитмарни жуда ҳурмат қиламан. Айрим сабабларга кўра мен у кишининг сиз ҳақингиздаги илтимосини рад этишга ожизман. Бундан сизнинг хабарингиз борми?
- Вайс иккиланиб қолди, кейин бир қарорга келди: Ахир фрау Дитмар буни яшириб ўтирмаган эди-ку.
- Фридрих сизни севадимми?
- Эндими? Билмадим. Бироқ фрау Дитмарни ўзимнинг иккинчи онамдек яхши кўраман.
- Кечиринг,— деди Вайс,— аммо мен истамасдимки...
- Бас қилинг!— буюрди Ангелика.— Хуллас, мен у кишининг илтимосини бажардим. Мана кўриб турибсиз-ку, ҳатто танимасам ҳам сизни уйимизга таклиф қилишларига монелик қилмадим. Лекин энди мен бундан хурсандман. Юқорига тирмашиб ётадиган бетамизлар шундай жонимга тегдики...
- Аммо мен ҳам дурустроқ жойлашиб олсам дегандим,— деди Вайс.
- Жойлашиб олсам,— ижирғаниб такрорлади Ангелика.— Худди ўзи.— У бошини эгиб, қорачиғлари йиғилиб кичкина, кўмирдай берч бир нуқтага айланган катта-катта кўзларини Вайсга тиккавичча босинқи товуш билан сўради:— Сиз Фридрихни ҳокимиятга қизиқадиган одам деб биласизми? Бўлмаган гап. У университетдан қувилган билимдон чоллар.

ни қутқариш учунгина напн бўлиб олди, деб ўйлайман. Менимча, Фридрих илм-фанга қул бўлган, келажagini барбод қилган бир одам, холос.

— Сиз-чи?— сўради Вайс.

Ангелика ўзини курси суянчигига ташлади, қатъияг билан деди:

— Мен ҳарчи, Ева Браунга ўхшаб чиройли бўлмасам ҳам, барнбир, ўз ниятим йўлида ҳеч нарсадан тоймайман, одамларнинг боши оёғимда бўлади.

— Боз устига, фюрер сизларни виждон васвасасидан халос этаман деган,— эслатди Иоганн.

— Ҳа, албатта,— ўйланиб ўтирмай рози бўлди Ангелика. Кейин ҳазиллашиб қўшиб қўйди:— Аммо мен қиз боламан, шунинг учун кўнглимни бошқача йўл билан олсангиз ҳам бўлади. Олма олиб беринг!

— Сиз ҳақиқатан ҳам ўзингиз айтганчалик дадил қизмисиз?

Ангелика кўзини ерга тикди.

— Ҳамма вақт эмас. Аммо ўзимга-ўзим ҳар доим дадил бўл, деб айтаман.

Меҳмонлар дастурхондан туриб, кофе ичгани креслоларига ўтиришгач, Ангелика Вайсни ошхонага етаклаб кетди ва уни меҳмон қила бошлади: тарелкасига бир неча луқма штрудель солиб берди, кофеин эса меҳмонларга берилгандай мўъжазгина ликопда эмас, катта хонаки чинни идишда тутди.

Вайс ўз касбдошлари ҳақида сўзлай бошлади. Бу тоифа одамларнинг тўпори, қўпол эканлигини гапирди. Оддий шофер эмас, шофер-механик бўлганим учун мени кўрсалмай енгил машинадан олиб, юк машинасига ўтқазиб қўйишди, деб шикоят қилди. Бунақанги ғайир, тарбия кўрмаган, ҳаракатдаги қўшинга тушмаслик учун ҳар қандай аблаҳликка тайёр одамлар ичида ишлагандан кўра, фронтга жўнаш, шараф билан жон бериш минг карра афзал.

Ангелика диққат билан тинглаб ўтирар ва саволлар берарди, бу саволлардан Иоганн фрейлейн Бюхер назарида анча юқори кўтарилганини англаш мумкин эди, қиз унинг таржиман ҳолига онд гапларни бекорга сўрамаётгани кўриниб турарди. Иоганнинг жавоблари ўзи тўлдирган анкеталарга бутунлай мос эканлигини қайтариб ўтиришга ҳожат бўлмаса керак.

Марказнинг абвер ходимлари билан танишиб олинг, унга ишга кириш иложини қилинг, деган топшириғини Иоганн ҳозирча бажаролмаган эди. Буниси ҳам етмагандай, ҳали уни фронтга жўнатиб юборишлари ҳам мумкин эди. Агар иш шу тариқа кетса, ишнинг барбод бўлиши турган гап. Мабодо, пайтини топиб, фронтдан қочганида ҳам, барибир, уни қочоқ сифатида кидирган бўлардилар. У ҳолда Вайс ўз вазифасини адо этиш имкониятидан маҳрум бўларди. Бу деган сўз узоқ тайёргарлик кўриб, сабот ва чидам билан олиб берилган иш бекорга кетди, унга боғланган умидлар чиппака чиқди, демак эди. Бироқ ҳозир унинг олдида яхши имкониятлар пайдо бўлди.

Ангелика ундан дўстларингиз борми, деб сўради.

Вайс маъюслик билан деди:

— Генрих Шварцкопф деган битта чин дўстим бор эди, аммо у ҳозир Берлинда амакиси штурмбанфюрер Вилли Шварцкопф билан бирга туради.— Кейин эҳтиёткорлик билан қўшиб қўйди:— Агар Генрих ёнимда бўлганда, бунчалар ёмон аҳволда қолмасдим. Айтмоқчи, гаражга ҳам мени ана шу Вилли Шварцкопфнинг тавсияси билан олишган эди.

— У яна тавсия бериши мумкинми?— кизикди Ангелика.

— Билмадим... Балки мумкиндр,— ишочқирамагандай деди Иоганн.— Мен ахир кичкина одамман. Бироқ Генрих бир оғиз айтса, штурмбанфюрер йўқ демаса керак.

Меҳмонлар тарқалиша бошлаган эди, фрау Дитмар Вайсни чақиргани ошхонага кирди. Ешлар дўстона суҳбат қилаётганларини, Ангелика Вайсни тақдирига бефарқ қарамаганлигини фаҳмлаган фрау Дитмар қўлини Иоганнинг елкасига қўйиб, фахр билан деди:

— Иоганн, бугун сиз меҳмонларда яхши таассурот қолдирдингиз.— Ангеликага қараб, илтимос қилди:— Ҳеч кими йўқ бу йигитчани ўз ўғлимдай суюшимни биласан. Уни бироқ ерга жойлаштириб қўйишга ёрдам бергин. Бу сенинг қўлингдан келади-ку, ахир!

Вайс ийманиб жилмаярди. У муштоқ юраги типирчилаб, жавобни қутаётганини яшириш учун бошини қуйи солиб, кўзларини ерга тикди.

— Мен ҳаракат қилиб кўраман.— Ангелика фрау Дитмарнинг пешанасидан ўпди ва нозик, оппоқ, майин қўлини Вайсга узатди.

Бир неча кундан сўнг, фрау Дитмар қувона-қувона Ангеликанинг илтимосига кўра, полковник Зальц Шварцкопфлар билан телефон орқали гаплашибди, улар Вайсни мақтаб тилга олишибди, деган гапни топиб келди. Унинг ҳамма қоғозлари Кўчүв маркаидан абвер хизматига топширилибди. Энди агарда гестапо томонидан ҳеч қандай эътироз бўлмаса, Вайсни абвер штабига шоферликка олишар экан. Аммо бунинг учун гестапонинг рухсати келгунча, яна бир оз вақт кутиш керак бўларкан.

Ҳафталар орзиқиб кутиш билан ўтди.

Иоганн ўз ихтиёри билан гестапо комига бош суққанини, ҳужжатлардаги зиғирдак ноаниқлик ёки бу ерда йўл қўйган бироқ бир хатоси ўзи учун ўлимга ҳукм қилиниш билан бараварлигини, қийноқ ва сўроқ азоблари ҳаминқадар бўлишлигини тушуниб турарди...

Буларнинг барини у Марказга етказди.

Аммо ишнинг охири хайрли бўлди. Вайс ҳар доимдагидай ўша куни кўк машинасини йўлга ҳозирлаш учун азонлаб гаражга келди. Унинг ёнига Келер келиб, жаҳл билан тўнғиллади:

— Жуда уддабурон йигит экансан-да! Боплабсан!— У янгигина заводдан чиққан, орқа томонига иккита запас баллон қўйилган тўқ кулранг БМВга кўзи билан ишора қилиб, гайирлик билан деди:— Хўжайининг, афтидан, мамлакат ичкарисининг катталаридан шекилли...

Бироқ Келер янглишганди.

10

Майор Аксель Штейнглиц ўз жосуслик фаолиятини биринчи жаҳон урушидан олдин бошлаган эди. У ўрта ҳол бир деҳқоннинг ўғли бўлиб, паст табақадан чиққанлигидан ор қилар ва жон-жаҳди билан офицерлар ўртасида муносиб ўринга эга бўлишга интиларди. Бу ерда Бош штабнинг хайрихоҳлигига қарамай, ҳали у пайтларда жосуслик касби унчалар қадрланмас эди.

Бир куни офицерлар клубида Штейнглицни ҳақоратлашди, шунда у дилозорни дуэлга чақирди, аммо у одам ҳеч қачон рўйирост қилич яланғочлаб жанг қилмаган кимса билан уришиш прусс офицерининг шаънига тўғри келмайди, деб дуэлга чиқишдан бош тортди.

Уруш ва урушдан кейинги йилларда вазият ўзгарди. Жосусликни жозибадор ҳаёлий қаҳрамонлик билан тенг кўриладиган бўлди. «Қора рицарлар» ҳақида кўп ёзишар, уларнинг шаънига оғиз кўпиртириб ҳамд-сано ўқишар, «йўқотилган авлод» вакиллари махфий уруш шавкати билан аллалашга, овутишга уриниб, афсоналар тўқишарди.

Штейнглиц номи очик деб эълон қилиниб, Рейх ҳукумати кўкларга кўтариб мақташга тавсия этган жосуслар рўйхатига кирмай қолди. У турли яширин топшириқларни бажаришда ўзини кўрсатган эди. Аммо

махсус хизмат сафларида бўлганлиги учун, у кўп йиллар офицерлик мундирини кийишдан маҳрум бўлди. Мана энди Гитлер Европага юриш бошлаш билан Штейнглиц яна эгнига мундирини илди, унвони кўтарилди, янги мансабга минди. Бу мансаб унга бир оз мустақиллик берди, тасарруфига катта маблағлар ажратилди, шунда келажак ҳам кўзига порлоқ бўлиб кўрина бошлади.

Абвер бошлиғи Канарис Штейнглицни, унинг заиф ва кучли томонларини яхши биларди.

Штейнглиц оғирлиги шунда эдики, ўлиб-тирилиб ўзини олий офицерлар корпуси тан олишини истарди. Яъни унда манманлик ҳавоси бор эди. Кучли томони эса, ўз истаги йўлида ҳар қандай пасткашликдан ҳам тоймаслигидан иборат эди. Шу билан бирга у жуда катта тажриба орттирган бўлиб, кўзланган ишни адо этишда ниҳоятда ноёб ва хилма-хил вазиталарни қўллар, бинобарин, буни галати, ақл бовар қилмас вазиятларда ному нишонсиз йўқ бўлиб кетган кўплаб кишиларнинг тақдири исботлаб турарди.

Иоганн майорга шофер бўлган куниданоқ бир нарсани яхши билиб олди: кўзлари уккиннига ўхшаш қаттиқ ва лаби борми-йўқми билиб бўлмайдиган, ҳар бир ҳаракати ўлчовли, сип-снллиқ бу одам — ҳозир унинг учун энг хавфли ва айни чоқда энг умидбахш бир кимса эди.

Штейнглиц Канарисга тақлид қилиб юмшоқ, мулойим, нпакек эшилиб сўзларди, бинобарин, у ўз бошлпғининг: «Бировга сўз уқтирмақчи бўлсангиз, унинг гашига тегмаслигингиз, энсасини қотирмаслигингиз керак, шундагина у гапингизга кўнади», деган севимли иборасига амал қилишга ҳаракат қиларди. Штейнглицнинг ўзи бирон бир нарса устида мустақил муҳокама юритишга қобил эмасди. Эътиқодининг кучи умуман, ҳеч қандай эътиқоди йўқлигида эди. Ҳаётдан кўрган тажрибасидан унга шу нарса равшан эдики, Германия тарихининг барча даврларида унинг касбидаги кишилар алоҳида бир тоифани ташкил этиб келган. зотан, мамлакатда қандай сиёсий ўзгаришлар рўй бермасин, уни ким бошқармасин — Гогенцоллернларми, Гинденбургми, Гитлерми — барибир ҳарбий генералитет ва профессионал разведкачилар муқаддас ҳамда дахлсиз ҳисобланади, кўз қорачиғидек асралади.

Штейнглиц топшириқларни ннжиқлик билан ишлаб чиқар, бунда у жинной полиция архивларида снччиқлаб ўрганиб чиққан режа тузиш усулларини қўллар эди. У ўзи бажарадиган ишни амалга оширишда энг ном таратган ашадий жиноятчиларнинг тажрибасига суянади.

Аксель Штейнглиц одам ўлдиришнинг пири эди. Аммо одам бўғизларкан, у кимни ўлдирганини ва бундан қандай мақсад кўзланганини билмас эди. Бунга қизиқмасди ҳам. Уша пайтларда у арзимаган бир вазифада ишлар ва юқорида турганларнинг буйруғини сўзсиз адо этарди. У бир кун келиб бошқаларга мана шундай буйруқ бериб ўтириш орзуси билан ишларди. Ниҳоят, у орзусига эришди, лекин бу пайтга келиб унинг ёши анчагина ўтиб қолган эди. Унинг кўтарилишида айрим хунук ҳоллар ҳам рўй бердики, бу жосуслик фаолиятини муваффақият билан олиб бориш учун ишда жонбозлик кўрсатишнинг ўзигна кифоя қилмаслигидан дарак берарди.

Берлиннинг Тирпицүфер кўчасидаги абвер ишғол қилган 74/76 номерли кўрмисиз тўрт қаватли бинони Аксель Штейнглиц худонинг сарейи, империя жосуслиги ҳукмдорининг қасри деб биларди, у асосли равишда Карл Либкнехт ва Роза Люксембург қотилларининг яширнн ҳомийси бўлмиш Канарисни шундай деб ҳисобларди. Биринчи жаҳон уруши йилларида Италияда Канарисни немис жосуси деб ҳибсга олганларида, у усталик билан турма рўхонийсини бўғиб ўлдириб, унинг кийимида қамоқдан қочишга муваффақ бўлган эди. Сочлари оқарган,

пкки бети қип-қизил, мяқтпдан келган, одамшаванда, маҳмадапа, қилиқлари таштқ бойваччаникига ўхшайдиган, ўзининг ажойиб-га-ройиб ишларини ва уй ҳайвонларига бўлгаи меҳрини кўз-кўзлайдиган, санъат асарларини йигиб юрадиган, музика шинаваидаси ва оилапар-вар бу одам ўз агентларини одам ўлдирш санъатини эгаллашга ўрга-тар, бу соҳада орттирган билмларини намойиш қиларди. У агентлар-нинг ўргатилган итдай ҳаракат қилишини ёқтирар ва ўзини иш кўришга уринадиганларни унчалик иқи суймасди.

Аммо абвердан ташқари гестапо, СД деб аталувчи хавфсизлик хиз-мати ва Риббентроп айгоқчилари ҳам ташқи мамлакатларда тинимсиз жосуслик ишлари билан шуғулланар эдилар.

Гитлер буларнинг ўртасидаги рақобатни маъқул кўрар, аммо гестапо-га алоҳида ҳомийлик қиларди.

Аксель Штейнглиц Канарисдан Англияга жўнаш ва инглиз ташқи ишлар министрлиги курьерининг ҳужжатлар солинган портфелини ўгир-лаш ҳақида топшириқ олди. Бу ишни курьер соқчиси машинадан ту-шиб министрлик биносига кирган пайтда амалга ошириш лозим эди. Портфель курьернинг чап қўлига пўлат ҳалқа билан маҳкамланган бў-ларкан.

Операцияни бажариш керак бўлган шароитни ўрганаркан, Штейн-глиц бу иш билан башараси ўзига таниш кўринган бошқа бир одам ҳам шуғулланаётганини пайқаб қолди. У тезда бу одамнинг кимлиги-ни эслади. Бу кимсанинг суратини у махфий жинойи полиция карто-текасида кўрганди: бу одам ўз хушторини ваҳшиёна суратда ўлдирш билан шов-шув қозонган бачки фирибгар Шерман эди.

Хўжайиннинг унга ишонмай, орқасидан шу касофатни юборгани Штейнглицни қаттиқ ранжитди.

Британия давлат кутубхонасида у «Фелкишер беобахтер»нинг эски сонларидан Шерман устидан бўлган суд ҳақида репортаж ёзилган ва сурати босилган саҳифани йиртиб олди. Буларни у Лондонда шу немис жиноятчиси яшириниб юрибди, деган мазмундаги икки энлик хат билан қўшиб конвертга жойлади-да, почта орқали Скотленд-Ярдга жўнатди.

Штейнглиц топшириқни бажарди.

У ташқи ишлар министрлигининг вестибюлида курьер келгунча турди. Кейин унинг кетидан лип этиб ўзини лифтга урди, курьер қў-риқчисининг нақ бурни тагида лифт эшигини тарақлатиб ёпишга улгур-ди. У лифт ичида курьернинг чаккасига кастет билан уриб ўлдирди ва махсус ясалган омбир билан курьернинг қўлидаги пўлат ҳалқага порт-фель маҳкамлаб қўйилувчи занжирни кесиб ташлади, кейин министр-ликдан омон-эсон чиқиб кетди.

У шу куниёқ Берлинга Тирпицуфер кўчасидаги 74/76 сонли бинога қайтиб келди.

Аксель Штейнглиц энди мени кўтаришса керак деб ўйлаган, катта пул мукофоти олишга умид боғлаган эди, аммо иш чаппасига кетди: эришган ғалабаси унинг энг катта мағлубияти билан баравар бўлиб қолди.

Рейнгард Гейдрих ҳали прусс махфий полициясини бошқариб юрган кезларндаёқ инглиз полицияси билан мустаҳкам алоқа боғлаганди; у хавфсизлик хизмати — СД нинг бошлиғи бўлиб олгандан кейин эса, бу алоқаларни йўқотмасдан, уни янги изга солиб ривожлантирди.

Шерман гестапо қўл остидаги айгоқчи бўлиб, топшириқни ҳам шах-сан Гиммлернинг ўзидан олган экаи. Инглизлар Шерманнинг қўлга тушганини Гейдрихга етказишибди, у эса бунга ким сабабчи бўлганли-гини дарҳол фаҳмлабди.

Гейдрих ўзида йўқ хурсанд эди: мана энди Канарис қўлга тушди!

Ахир Англияга ўзи жўнатган айғоқчини Канариснинг агенти бир ёқли қилганлигини қудратли Гиммлер биллиб қолгудай бўлса борми, Канариснинг ҳолига маймунлар йнглайди. Гейдрих бунинг Гиммлерга айтмаслик эвазига Канарисни хоҳлаган мақомига ўйнатиши мумкин. Яна шуниси ҳам борки, эндиликда Канарис Лондонда абвер томонидан муваффақиятли ўтказилган операция ҳақида Гитлерга айтишга ботинмайди, демак, мукофотдан ҳам қуруқ қолади. Гиммлер ҳам бу мукофотни ололмайди. Агар айғоқчисига путур етмаганда, у гестапо эришаётган ютуқлар билан Гитлер олдида бир керилиб қўйган бўларди. Гейдрих ҳар жиҳатдан ютди: ҳар икки рақибни қўлини бурнига тиқиб қолаверди.

Канарис билан Гейдрих Берлин чеккасидаги Долленштрассе кўчасида ёнма-ён туришар, Гейдрих якшанба кунлари қўшнисиникига тез-тез чиқиб турар, унинг хотини ва икки қизи билан крокет ўйнардди.

Ана шундай меҳмон бўлиб чиққан кунларининг бирида, Гейдрих Канарисга Штейнглицнинг қилғилгини айтиб берганда, абвер бошлиғи бунинг оқибати нима бўлишини дарров англади. Шундан ўнг фалокатнинг олдини олиш пайига тушди.

У Штейнглицни тавбасига таянтриб қўйиши, ими-жимиди йўқотиб юбориши мумкин бўлиб, бунга етарлича имкониятларга ҳам эга эди. Бироқ у ўз агентининг ҳаётини сақлаб қолди. Лекин бунинг Штейнглицга ачинганидан ё унинг кўрсатган хизматларини қадрлаганидан қилгани йўқ. Канарис инглиз полицияси билан Гейдрихга қараганда ҳам яқинроқ муносабатда эди. У ўз танишларини ишга солиб шунга эришдики, Шерман инглиз полициясининг қийноқ усулларига бардош беролмай, Интеллидженс Сервис билан ҳамкорликда ишлашга рози бўлди. Интеллидженс Сервис тегишли далилларни бажону дил Канарисга етказди. Абвер бошлиғи буларни аввал Гейдрихга кўрсатди ва шу билан бу иш юзасидан унинг олдида тилини қисиб юришдан қутулди. Кейин Гиммлерни ҳам хабардор қилиб қўйди ва гестапо айғоқчисининг қилган хонлигини фақат икки киши — сиз билан мендан бошқа ҳеч ким билмайди, деб уни ишонтирди. Бу билан Канарис Гиммлерни бирмунча ўзига оғдириб олди.

Штейнглицга келганда, Канарис Гейдрихнинг кўз ўнгида ўз хизматчисининг беғуноҳлигини таъкидламоқчи бўлиб унинг унвонини оширди. Аммо шу кундан эътиборан, Штейнглиц ўз бошлиғининг ишончидан махрум бўлди, у энди абвер майори бўлгани ҳолда, бачки ишлар билан шуғулланишга мажбур эди.

Босиб олинган Польшада у арзимаган ишларни қилиб юрарди — ахир назар-эътибордан қолган, ҳаёти Канарис томонидан Гиммлер ва Гейдрих билан олиб борилаётган хатарли ўйинда шунчаки восита сифатида хизмат қилиши учунгина сақлаб қолинган ходимга жиддий иш топшириб бўлармиди!

Аммо Аксель Штейнглицнинг ўзи бутун умр интилиб келган нарсаларини осонликча воз кечмоқчи эмасди. Абвернинг қўпоровчилик ва террор билан шуғулланувчи иккинчи бўлими ҳали ўз солномаларига Штейнглиц номини ёзиб қўяди. Майор ўзининг доллар билан баҳолашга ўрганган профессионал тажрибасига ҳаддан ортқ ишонарди. Доллар эса Европани гитлерчилар вермахти томонидан забт этиш даврида энг барқарор валюта деб ҳисобланарди.

Унинг кўзларидаги жонсиз, қарахт бир ифода, ясама-сўниқ қарашлари, қайғу кераклиги ҳақида чайналиб, миждовланиб сўзлашлари, тўхташ керак бўлганда қамчи билан шофернинг бўйнига туртиб қўйишлари — Иоганн Вайс олдида турган қийинчиликларнинг учқунигина бўлиб кўринарди. Равшан эдики, майор ёнида туриб ишлаб кети-

ши учун шофер сифатида ҳаммасига бардош бериш, усталик қилишнинг ўзигина етмайди, бунинг учун энг юксак моҳирлик, совет разведкачиси сифатида моҳирлик кўрсатиши зарур эди. Иоганн ўзининг янги ишга ўтганлиги хабарини Марказга маълум қилганда, у ердан Штейнглицнинг ашаддий немис разведкачиларидан бири эканлигини айтишди.

Гитлерчилар Германияси Совет Иттифоқининг чегараларида 1940 йилнинг охириги фаслидаёқ очиқдан-очиқ қўшин тўплаб қўйгани ҳақида Марказга турли-туман манбалардан ишончли маълумотлар юборилиб туриларди. Буларнинг бариби дарҳол Сталинга маълум қилишарди.

Фашистлар Германияси Гитлер томонидан «Майн Кампф»да баён қилинган зўр бериб қуролланиш сиёсатини оғишмай амалга оширмоқда эди. «Биз, национал-социалистлар,— деб жар солганди Гитлер,— Германиянинг урушдап олдинги ташқи сиёсатига онгли равишда чек қўямиз. Биз... келажак сиёсатига, янги территорияларни эгаллаш сиёсатига ўтамиз. Аммо ҳозир биз Европадаги янги ерлар ҳақида гапираб эканмиз, бунда аввало, Россияни ва унга қарам чекка давлатларни назарда тутмоғимиз лозим. Тақдирнинг ўзи шу йўлни кўрсатиб турганга ўхшайди».

1939 йилнинг сентябрь кунларида майор Штейнглиц Польшада кўп ишлар қилди, ерли немис аҳолисидан қўпоровчи-террористик тўдалар тузди. Аммо унинг хизматлари тақдирланмади. Шундан кейин террористларни машқ қилдираётганда тасодифан оёғи яраланганидан фойдаланиб, Штейнглиц узоқ муддат билан тоғ шифохонасига жўнаб кетди. Бироқ ўйлагани тўғри чиқмади: уни ҳеч ким эслаб тилга олгани йўқ. Шундан сўнг у ўзи ҳақида эслатишга мажбур бўлди ва Совет Иттифоқига қарши қаратилган қўпоровчи жосуслик мактабларининг нозир деган ноаниқ бир вазифага тайинланди. Бу мактаблар босиб олинган Польша ерларида жойлашган эди. Бироқ майор фақат гарб мамлакатлари бўйича мутахассис бўлиб, рус тилини билмас, Совет Иттифоқи ҳақида ғира-шира тасаввурга эга эди. Шундай экан, бу шароитда хатога йўл қўйиши биланоқ, унвонини пасайтириб, дарҳол фронтга жўнатишларини биларди.

Штейнглиц Лодзда бир неча кунга қолиш имкониятидан фойдаланиб, турли мансабдорларнинг ҳузурига сурлик билан ташриф буюра бошлади. У муруватли ҳомий топиб, шунинг кўмагида ўз аҳволини бир қадар тузатмоқчи, мустақкамроқ заминга эга бўлмоқчи эди.

У кимникига бормасин, қўли қуруқ бўлмасди. Бу ишда Штейнглиц «Пакет-аукцион» конторасининг эксперти, маргарин чиқариб қилган қаллоблиги ўзига жиноий полиция картотекасидан маълум бўлган жаноб Гербертнинг ёрдамига таянарди.

Аммо майорнинг омилиги ва бутунлай диди йўқлигини билган Герберт ҳақиқий санъат асарларига ўхшатиб ишланган ва аслида икки пулга қиммат бўлган нарсаларни бериб қутуларди.

Иоганн «Пакет-аукцион» омборларига музейлардан ва шахсий коллекциялардан мусодара қилиб олинган ноёб асарларни ташиган пайтларни ҳам бўлган эди. Шунда у омбордаги мусодара қилинган ашёларни улашиш йўлларига разм солганди.

Иоганн майор танлаб олган нарсаларни машинага олиб чиқиш учун унинг қетидан омборда юрар экан, майорга мутлақо қиммати бўлмаган нарсаларни уялмай-нетмай рўкач қилаётган Гербертнинг найрангларини фаҳмлаб қолди. Герберт бу нарсалар қанчалар бебаҳо эканлигини айтганда, майорнинг кўзлари қинидан чиқаёзди.

Мана шунда Иоганн Штейнглицнинг диққат-эътиборини ўзига тортиш йўлида биринчи дадил қадамни қўйишга қарор қилди. Бунга қа-

дар майорнинг ўлик, мудроқ боқишидан, агар рулда Вайс эмас, бошқа солдат пайдо бўлиб қолса, буни у ҳатто билмай қоладигандай бир маънони уқиш мумкин эди.

Вайс омборнинг ним қоронғи бурчагига шахдам юриб борди-да, фонарь билан стеллажларни ёритди. Буларнинг устида тепасига латта-путта ташлаб қўйилган, атай тартибсиз тахланган қадимги рассомлар мўйқаламига тегишли суратлар, кўҳна музайян қадаҳлар, ноёб мўйналар қалашиб ётарди. Вайс баланд овоз билан салмоқлаб деди:

— Майор жаноблари, сизнинг диққат-эйтиборингизга арзийдиган нарса мана бу ерда!

Штейнглиц ўзига бир неча кундан бери хизмат қилаётган бу шофернинг овозини биринчи марта эшнтиши эди. Айтмоқчи, у шундай бўлши ҳам керак, деб ҳисобларди.

Вайс бундай ботирлик хўжайинига ёқмасдан қолиши мумкинлигини тушунарди.

Майор овозини кўтармасдан Вайсга дашном бериб қўйиш учун яқинроқ келди. Аммо солдат бир қўли билан салмоқли рамкага солинган қандайдир суратни кўтарган ҳолда, иккинчи қўлидаги фонарь билан уни ёритиб тураркан, дона-дона қилиб деди:

— Жан Этьен Лиотар, ўн саккизинчи аср, асл нусха!

Герберт оқариб кетди.

— Жаноб майор! Бу мумкин эмас. Ахир фельдмаршалнинг шахсий коллекцияси учун мўлжалланган...

Вайс суратни қоғозга ўрар экан, елкаси оша менсмай сўз қотди:

— Фақат СС группенфюрери жаноблари уни олмайман десалар,— шундай дея у суратни қўлтиғига қистириб, майор қошида ғоз турди.

Штейнглиц қўлқопини силкитди:

— Обчиқ.— Кейин секин, ўйчан қадам ташлаб эшик томон юрди.

Иоганн Гербертни елкаси билан четга суриб, майор олдида дарвозани очишга улгурди. Кейин олдинга чопиб ўтиб, машина эшигини очди-да, суратни орқа ўриндиққа қўйди ва яна ғоз туриб, ўнг қўлини пилоткасига қўйганча, чап қўли билан эшикни ушлаб турди.

Кейинги икки кун Штейнглиц Вайснинг башарасига ўлик, жонсиз боқиб, гўё ҳеч нарса кўрмаётгандай бўлиб юрди. Вайс ҳам барча буйруқларни индамай бажараверди.

Учинчи кун эрталаб Штейнглиц чайпалиб, палағда товуш билан сўради:

— Исминг?

— Оддий солдат Иоганн Вайс, майор жаноблари!

Тамом. Шундан бўлак бир оғиз ҳам сўз айтилмади.

Фақат тунда Вайс майорни СС оберфюрерининг шаҳар четидаги уйидан меҳмонхонага олиб келаётганида Штейнглиц яна чайналиб ўсмоқчилади:

— Бошлиғинг ким?

— Жаноб майор Аксель Штейнглиц!

— Яхши, шундай бўла қолсин.

Шундан кейин майор яна оғзига сув олгандай, фақат машинани қаёққа ҳайдаш ҳақида эшитилар-эшитилмас қилиб қисқа-қисқа буйруқ бериб юрди.

Бир куни тўсндан Вайснинг қулоғига ғалати хирқироқ овоз чалинди. У чўчиб орқасига қаради. Майор унга худди қўғирчоқнинг шиша кўзига ўхшаган ҳаракатсиз кўзларини тикканича лабларини қийшайтириб кулмоқда эди.

— Ҳей, менга қара! Агар калланг ҳар доим мана шунақа ишлаб турса, мен сендан мамнун бўламан.

Штейнглининг, қовун тушириб қўяманми, деб қўрқа-пуса қилган совғасидан СС оберфюрери ғоят хурсанд бўлди. У бунчалик қимматбаҳо совға эвазига Штейнглиц билан ниҳоят махфий бир гапни ўртоқлашишни лозим кўрди, боз устига, майорни қўллаб-қувватлаб юборишга ваъда берди. Ҳозир Штейнглиц адо этаётган иш оберфюрернинг гапига қараганда, Германиянинг Шарқдаги келажаги учун алоҳида аҳамиятга эга экан.

Иоганн ўзининг ҳали Саша Белов бўлиб юрган кечаги бахтиёр ўтмишида чизмакашликка бўлган қобилияти туфайли иккита жамоатчилик ишини: деворий газета чиқариш ва байрам арафаларида бинони безаш вазифаларини ўз зиммасига олганди. Шу билан бирга ҳажвий суратлар чизган кезлари бунинг ёқимсиз оқибатлари ҳам унинг бўйнига тушарди. Дўстларнинг аразини юмшатиш учун у ўз-ўзини танқид маъносидан автошарҳлар чизарди. У ёшлик чоғлариданоқ бўёқларга ва рангларга муҳаббат қўйган эди.

Отаси ўғлим изимдан заводга боради, деб орзу қилар, унинг чизган суратларини кўрганда, афсус-надомат билан:

— Нима ҳам дердим, майли: кимдир рассом бўлиши ҳам керак-ку!..— деб қўярди.

Аммо ўғли ўз истеъдодидан отасининг фахрланишини, ичида офарин айтиб юришини биларди.

Саша Белов кўнглида туғилган гумонларини академик Линевага айтганида, у тасалли бериб дерди:

— Қўйинг, ўзингизни қийнаманг, бу шахснинг иккиланиши эмас, аксинча, ранг ва шаклни идрок қилиш қобилиятдир. Илмий ишда табиатнинг турли-туман ҳодисаларини ҳиссий идрок қилиш бошқа ижодий жараёнларда бўлгани каби табиийдир, ижод эса, ҳар маҳал жуда кўп номаълум нарсалар кўндаланг турган ҳолда, текшириш олиб боришдан иборат.

Инструктор устози эса бир куни шундай деган эди:

— Сен Белов, шу йўлдан кетганингда, эҳтимол, Репин бўларминдинг.— Кейин хўрсиниб, ачингандек деди:— Бу империализм деганларни тезроқ тугаганда эди! Урушлар йўқотилса, ер юзидаги ҳар бир одам ўз истеъдодини тўла намойиш қилиш имкониятига эга бўларди.

Белов ажойиб бир разведканиннг портретини жуда келиштириб чизган эди, бўлим бошлиғи ўртоқ Баришев портретни диққат билан кўздан кечирди-да, кейин Беловга қараб деди:

— Қандай таланти одамларимиз бор-а?— Кейин фикрини ойди-лаштириб айтди:— Мана, у билан сен.— Кейин янада аниқроқ бўлсин учун портретга ишора қилди:— Аммо, Саша, сен унга етиш учун ҳали анча ҳаракат қилишинг керак.— Гапни дарров бошқа ёққа бурди:— Лекин қотирибсан.— Айбдорларча деди:— Кечир, дўстим, лекин ҳатто ўз клубимизга осиб қўйишга ҳам рухсат беришмайди. Ўртоғимиз ҳозир яна топшириқни адо этиб юрибди.— Кейин юпатган бўлди:— Хотиржам бўл, пайти келиб, Третьяковкага қўйишса ҳам қарши эмасмиз.

— Бу коммунизмга борганда бўладими?

Баришев ўйланиб қолди:

— Шарт эмас. Аммо унга яқинлашиб қолган кезларимиз шундай бўлса ажабмас...

Александр Беловни букинистлар яхши танишарди. Аввал рабфакда, кейин институтда ўқиб юрган кезлари у стипендия олиши билан камёб репродукцияларни қидириб кетарди. Якшанба кунларини у Третьяков-

када, Тасвирий санъат музейида ўтказарди. Таътил кунлари эса Ленинградга жўнар, ҳар кун Эрмитаж очилишига етиб келар ва у ердан деярли ҳаммадан кейин кетарди.

Энди эса расм чизиш имкониятидан маҳрумлиги юрагини эзар, у ўзини қўйга жой топмас, бундан жисмоний бир ҳорғинлик сезар ва ҳали бу ерда бирон ишни қойиллатиб қўймаганидан шундай бўляпти, деб ўйларди. Ҳолбуки, Иоганн Вайсдан олинаётган маълумотлар бошқа далиллар қатори аниқ ва ишончли суратда Совет Иттифоқи чеғараларига хавфли куч тўпланиб қолганлигидан далолат бериб турарди.

— Суратлар сотиб юрганингда кўп пул ишлармидинг?— ҳар сафаргайдай тўсиндан ғудраниб сўради Штейнглиц.

Вайс кишини қоқилтириб йиқитиши мумкин бўлган бундай саволнинг маъносига тушунди. Бунда одамни ҳийла билан шундай аҳволга солинадими, гўё у тўғридаги бошқа ҳамма гаплар равшану, фақат айрим қоронғи жиҳатларни сўраб билиб олишгина қолган. Мана ҳозир ҳам шундай қилиняпти. Кўп пул ишлармидингмиш-а! Бошқа томони, яъни у суратфурушлик қилиб юргани гўё майор учун аниқдай.

— Иўқ,— деди Иоганн.— Мен ҳеч қачон суратфурушлик қилган эмасман. Штурмбанфюрер Вилли Шварцкопфнинг акаси инженер Рудольф Шварцкопф коллекционер эди. Мен у кишининг буюртмаси бўйича суратларни ёритиб турувчи махсус плафонлар ясардим, уларни ўрнатаётганимда жаноб Рудольф ўзига тегишли суратларнинг қандайлигини менга тушунтириб беришга вақтларини аямасдилар.

Штейнглиц анчагача индамай турди-да, кейин тишлари орасидан деди:

— «Пакет-аукцион»дан олинган анавн сурат қалбаки экан. Ташлаб юборишга тўғри келди!

— Айб менда, майор жанобларим!— енгил тортиб рози бўлди Вайс. У Штейнглиц бу гапни чиндан ҳам Лиотар полотноси бирон катта мансабдорга мўлжаллаб қўйилган бўлиб чиқса, баҳона бўлсин, деб айтаётганини фаҳмлади.

Бир неча кундирки, майор билан бирга машинага гражданча кийинган бир одам ҳам чиқарди; у Штейнглиц билан сира тортинмай муомала қиларди. Улар икки марта Лодзь турмасига кириб чиқишди. Кейин оддий кийинган, аммо ҳарбийлиги кўриниб турган қандайдир полякни ўзларига қўшиб, машинани Модлинга ҳайдашга буюришди. Йўл бўйи улар шаҳар турмалари ва қамоқхонага айлантирилган кўҳна қалъаларга кириб чиқишарди. Иоганн калта-култа гаплардан улар поляк разведкасининг офицерини қидиришаётганини англади. Бу офицер Германия ҳарбий вазирлигидан жуда кўп махфий ҳужжатларни ўғирлаб кетган, ҳатто ўз даврида Польшага бўладиган ҳужум планини ҳам қўлга киритган экан. Аммо Польша генерал штаби ўз разведкачисига ишонидан бош тортиди ва у Ватанига қайтиб келгач, офицерни қамаб қўйишди.

Булар билан бирга юрган поляк ҳам Польша разведкасининг Германиядаги агентларидан экан. Афтидан, у фашистлар фойдасига ишлайдиган иккиюзламачи ифвогарлардан эди. Бу аблаҳ агар анави офицер топилса, уни дарҳол йўқотиш керак, деб Штейнглицга гап уқитарди.

Майор индамас, гражданча кийинган немис ҳам миқ этмасди. Поляк кимсасиз бир ерда машинани тўхташтириб сўраб, ўзини буталар панасига олганда, Штейнглицнинг ҳамроҳи деди:

— Агар анависи бизга ишлашга рози бўлса, биронта поляк ташкилотига манавининг биз билан ҳамкўрлик қилганини хабар қилиб қўйсин. Ўлар бир ёқлик қилиб кетишадилар. Бу аҳмоқ ўзи ишламай, унинг учу

бошқаларнинг нотўғри маълумотлар тузиб чиқишига ўрганиб қолган! Кейин биз анависини Ла-Машпап ўтказиб юборамиз. Инглизлар эса уни яна бу ёққа ташлашади. Ватанпарварларни бир ерга тўплайди. Ҳар бирининг кетидан чопиб юрамизми, ахир!..

Вайс Модлиндаги қўрғонтурма дарвозаси ёнида бир кеча-кундуздан ортиқ туриб қолди. Ифвогар полякнинг турқ-атворини у қаттиқ эслаб қолди ва ҳатто хаёлан унинг тасвирини шифрга туширди.

Эрта саҳарда майор билан унинг немис ҳамроҳи машина ёнига келишди. Вайс энди қаёққа борамиз дегандай, Штейнглицга қаради.

— Лодзь,— буюрди майор. Унинг ҳам, шеригининг ҳам нимадандир қовоқлари солиқ, ҳолдап тойган эдилар.

Бутун йўл бўйи ҳар икковлари шу кўйи миқ этмай боришди. Лодзга етай дейишганда гражданча кийинган немис хирқироқ овоз билан деди:

— Агар у шундан кейин ҳам тирик қолганда, илтимосини қондириш мумкин эди.

— Ҳа,— бошини қимирлатди Штейнглиц.— Отилса, унинг учун фахрлироқ бўларди.

Штейнглицнинг ҳамроҳи афтидан, қандайдир қизиқ воқеани эслаб ишшайди-да, мақтанчоқлик билан сўради:

— Анави сотқин муттаҳамни,— у кўрсаткич бармоғини букиб тепкинни босгандай қилиб кўрсатди,— унга кўрсатиб ҳалигиндай қилганимда, бундан мамнун бўлганлигини фаҳмладингми?...— Сўнг хўрсиниб давом этди.— Яхши ўйланган эди. Бироқ қўлимиздан келганча ҳаракат қилдик.

Майор рози бўлиб, бош силкиди.

Иоганн аввал ғайри шуурий равишда машинани шитоб билан ҳайдай бошлади, аммо кейин машинани ундаги йўловчилар билан қўшиб дуч келган юк машинасига уришга ҳаракат қилаётганини, ҳатто ўзи қандай қилиб чапдастлик билан сакраб тушиб қолишни чамалаётганини фаҳмлаб қолди. Бироқ ўч олиш бунақа бўлмайди. Бу ўз ҳаётини тиккан иш қаршисда кечирилмас ожизлик бўларди. У ўзини тезликни аста-секин пасайтиришга мажбур қилди. Қўллари терлаб кетди. Кўз ўнги хиралашди. У очликдан, машинада кечган буйқусиз тундан, ҳозир бошдан кечирган аламли туйғулардан ўзини бирдан бўшашиб кетгандай сезд...

Бироқ ўзини қўлга олиб, машинани меҳмонхона эшиги қаршисда тўхтатгач, эшикни очди-да, уни тирсаги билан тутиб турганча, қадинин керди ва Штейнглицнинг юзига садоқат билан боқаркан, сўради:

— Бу ёнига нима қилишни буюрасиз, майор жаноблари?

Жавоб бўлмагач, шошиб олдинга ўтди-да, меҳмонхона эшигини очди, хизматчидан қалитни олди ва тавозе билан Штейнглицнинг ортидан юриб, зинадан кўтарилди, сўнг яна чопганича олдинга ўтиб, номернинг эшигини очди.

Хонада у вешалка ёнида тик қотиб, буйруққа мунтазир бўлиб турди.

Майор креслога ҳорғин чўкди, аввал бир этигини, сўнг иккинчисини ечди. Вайс унга туфли тутди, кейин этикни олиб машинаси ёнига жўнади.

Пастга тушгач, багажникдан чўтка билан мойни олиб этикни шу қадар жаҳд билан арта кетдики, гўё бу билан ҳали машинада йўл қўйган ожизлигини ювмоқчидай эди. Бу иш ундан бутун қалб кучини тинимсиз, чекилмай ўзига бағишлашни талаб этувчи чекистлик бурчидан, бир дақиқага бўлса-да, иродасизлик қилиб, оғишгани учун ўз-ўзини жазолашдай бир гап эди.

Вайс ялтираб турган этикларни номерга олиб кирганда, пассажирлари ухлаб ётишарди: Штейнглиц диванда, унинг ҳамроҳи эса майорнинг ўрнида қотган эди.

Вайс граждонча кийинган немиснинг ботинкаси билан кийимни олиб тамбурга чиқди ва те пальто, шим, пиджакнинг чўнтакларидagi нарсалар билан танишиб чиқмагунча, вешалкадан ботинка ҳамда кийим чўткасини тополмай турди. Кейин кийимлар курсига қандай ташланган бўлса, шу ҳолича тахлаб қўйди. Сўнгра пастга тушди-да, машинани гаражга киритди, уни ювди, артди, ёнилғи тўлдирди.

Аҳд қилиб ётганидай кечаси соат 3 да уйғонди, соат 4 дан 27 минут ўтганда телеграммани шифрлаб бўлди ва уни кўринмас сиёҳда оддий оқриткага кўчириб ёзди.

«Полковник Курт Шнитке, Курт Шнитке»,— деб қайталаб ёзди Иоганн. У абвернинг Совет Иттифоқига қарши қаратилган Кенигсберг жосуслик бўлими бошлиқларидан бирининг номи тўғри англашилиб етсин, деб шундай қилди. Шу билан бирга у Шнитке Польшада тузилган қўпоровчилик мактабларнда раҳбарлик қилиши лозим бўлган ходимларни тезликда аниқлаш ҳақида махфий топшириқ олганлигини ёзди ҳамда абвернинг Кенигсбергдagi жосуслик бўлими адресини ва бўлим Қизил Армия командирлари киядиган йигирмата ёзлик кийим талаб қилганлигини ҳам маълум қилди.

Эрталаб Иоганн машинани меҳмонхона эшигига тўғрилаганда, майор ўзини аэродромга олиб боришни буюрди.

Штейнглиц машинадан тушни олдидагина ҳар доимдагидай сўзларнинг охирини ямлаган ҳолда, эшитилар-эшитилмас қилиб вишиллади:

— Икки кун. Шу ерда. Бир соат олдин,— кейин олифталик билан хода ютгандай кеккайиб юриб кетди.

Нима ҳам дейиш мумкин, икки кун озод юриш — майор Аксель Штейнглицнинг совет разведкачиси Александр Беловга қилган яхши тортиғи эди!

Вайс Гитлерштрасседа машинани «Дил қулфи» деб ном қўйилган дабдабали қандолат дўкони қаршисида тўхтатди. Эшик ва витриналарда «фақат немислар учун» деган ёзув кўринмасди: данриллама уйлardan поляклар қувиб чиқарилган бу кўча фақат немислар истиқомат қиладиган марказий кўчага айланган эди.

Ҳарбийлар ва полиция соқчилари, оддий кийим кийган айғоқчилар шаҳарнинг бу қисмнда миллий дахлсизликни қаттиқ туриб қўриқлардилар. Кечқурунлари Гитлерштрассе бўйлаб ясан-тусан қилган немислар савлат тўкиб айланиб юришарди. Мабодо, «Пакет-аукцион» контросининг эксперти жаноб Герберт вақт топиб, бу ерга келса эди, у сайр этувчиларнинг елкалари, бошлари ва ҳатто оёқларида ҳам поляклардан мусодара қилиниб, «пакет-аукцион» қазноқларига келтирилган нарсаларнинг аксариятини кўрган бўларди.

Деярли ҳамма немис амалдорлари, махсус хизматдagi ҳарбийлар, гестапочилар, наци мансабдорлари. Рейхнинг янги ерларини ўзлаштираётган ҳар хил герман концернларининг вакиллари бўлмиш саноат ва савдо агентларини қора тортиб, Германиядан сон-саноксиз қариндош-уруғлар келпшганди. Чапдаст ва уddaбуронроқлари мол-мулк орттиргани, танбалроқларн эса — шунчаки еб-ичишга, немис бўлмаган ҳар бир кимса устидан ҳукмронлик қилиб лаззатланишга келган эдилар.

Бу ерга чол ва кампирларни, ўсмир ва гўдакларни етаклаб кел-шар, ит ва мушукларни ҳам, саъва, тўтиқушларни ҳам эсдан чиқаришмас, чунки арзон ва сифатли емиш ҳаммага етиб, ортиб ётганлигини яхши билишарди. Поляклар ҳақида эса ташвиш чекиб ўтирмаса ҳам бўларди, улар барибир, қириб ташланишга маҳкум эдилар.

Кечқурунлари Гитлерштрассе бўйлаб, куйиб кул бўлган, қоп-қора қонга беланган ер узра **вермахт** ортидаи **бежаниб-хелланиб, судралиб**

келувчи ғолнб кафандўзлар издиҳомининг ўзига хос мараз намойиши кечарди.

Қандолатхонада махсус танлаб олинган, диркиллаб, сўлқиллаб турган, зангори кўйлак кийиб, олдиларига оппоқ тўр пешбанд тутган. сочларни баланд қилиб таралган сотувчи қизлар берлинча талаффуз билан тамтамланиб, харидорларга чаққон хизмат кўрсатардилар.

Уларнинг ҳаммаси зиқналикдан, палапартишликдан ҳарбий зафарларга сираям боғлиқ бўлмаган сабабларга кўра, тез-тез госпиталга тушиб турадиган олий мартабали амалдорлар ва офицерларнинг соғлиги учун қайғурувчи Крепснинг махсус хизмати назорати остида ишлардилар.

Бу ерда қандолатлар сотишнинг ўзи билангина чеклапилмасди. Аммо прусс руҳидаги батартиблик ва беадабликка шу ерда оғишмай амал қилинарди. Сотувчи қиз ҳам эътиборли, умидбахш харидорнинг сўзларини ноз қилмай, жиддий туриб, эҳтиром билан тинглар ва харид нарсаларни шахсан ўзи олиб бориши лозим бўлган адресни ёзиб оларди. Кейин «йўл кира ҳақи» солинган конвертнинг тўр пешбандининг чўнтагига наридан-бери солиб қўярди-да, мижозига бош силкиб, павбатдаги кимсага хизмат қилгани ўтар ва агар арзийдиган одам бўлса, ҳар қандай хизматга шай бир алфозда унга илтифот кўрсатарди.

Вайс фрау Дитмар яхши кўрадиган, ичига олма қиёми солиб пиширилган думалоқ қозон сомсанинг каттакон бир қутисини сотиб олди-да, эшик томон юрди. Аммо шунда уни қандолатхонага туташган кафедан келишган малла соч қиз чақириб қолди — Вайс фрау Бюхерникида кўрган Евани дарров таниди. Ева ёлғиз ўзи ўтирарди. Харид қилган нарсаларини бир четга суриб, у Иоганни ўз ёнига таклиф этди.

Унинг зулфаклар ташланган сўлқиллаган, дилбар чехраси майин кулиб турарди. У эгнига тивитдан норвег жакети, кенг юмшоқ шим — Вайс бунинг қаерники эканлигини аниқлолмади — ва оёғига пошнасииз француз туфли — танкеткасини кийган эди. Қулоқлари, бўйни ва кўкраклариди чех бужутерияси ялтираб турарди.

— Бировни кутяпсизми?— сўради Иоганн.

— Мен бировни сира кутмайман. Мени эса доимо кутадилар,— қарашма қилиб деди Ева.

Вайс халал бермай деган маънода ўрнидан қўзғалди. Ева дўмбоқ қўлчалари билан уни тўхтатди.

— О, мен бу ерга фақат ширин томоқлик қилгани келганман. Ширинлик деса ўлиб қоламан! Менга шундан кўра лаззатлироқ нарса йўқ.— Таънаомуз деди:— Жаноб Вайс, сиз мени енгилтак хотин деб ўйлаган бўлсангиз керак. Бироқ мен унақа эмасман, рост гапим, менинг яхши кўрганим...

— Болалар, ошхона, черков,— шундай десам, хафа бўлиб, кетишимга рози бўлар, деб тахмин қиларкан, унинг ўрнига жавоб берди Иоганн.

Аммо Ева соддалик билан унинг гапига қўшилди:

— Тўғри, мен шунақаман. Сиз янги ишингиздан хурсандмисиз, жаноб Вайс?— тўсиндан сўраб қолди у.

— Ҳа, менга ғамхўрлик қилгани учун фрейлейн Ангеликадан жуда миннатдорман.

— Нега энди Ангеликага бўларкан?— ҳайрон бўлди Ева.— Сизни деб мен ҳаракат қилдим.— Бир зум жим қолди.— Рост, Ангелика илтимос қилувди. Аммо агар хоҳламаганимда... Наҳот, у сизга ҳеч нима деб айтмаган бўлса?..

Шунда Ева вақир-вуқур қилиб ўтириб, гап орасида хотиндарга хос



заҳархандалик билан Вайс билмаган айрим нарсаларни айтиб берди. Маълум бўлишича, фрау Дитмарнинг ўғли ва Ангелика унаштриб кўйилган экан (Иоганнинг ўзи ҳам, шундай бўлса керак, деб ўйлаган эди), гарчи, қизнинг энди моҳиора эмаслигини бошда ундан яширишга муваффақ бўлинган эса-да, ҳамма гап қулоғига бориб етгач, у ғазаб ичда берган сўзини қайтиб олибди. Университетни ҳам фашизмга берилганидан ташламаган экан. Наци мансабдорларидан бўлиб қолсам, аслода зальцларга қараганда юқорироқ поғонага қўтарлишим осонроқ бўлади, деб ўйлабди. Аммо, таассуфки, у янглишибди. Гитлер штурмовикларга қараганда, насл-насабли прусс офицерларини афзал кўрибди. Зальцлар яна мавқега эга бўлиб қолдилар. Ҳатто полковник Иоахим фон Зальц национал-социалистлар партиясига аъзо бўлиб кирди. Афтдан, падарининг изидан бориб, эндиликда Ангеликага Фақат «қариндош» дебгина қарамаётган кўринарди. Шунинг учун фрау Мария Бюхер буни полковникнинг отаси билиб қолса, қизимни ҳадяномадан маҳрум қилиб қўяди, деб хавотир оляпти. Агар Ангелика ҳозир турмушга чиқса, унинг Иоахим Зальц муносабатларидан сиз ҳам, кабоб ҳам кўймаган бўларди. Фрау Дитмар ҳам агар Фридрих Ангеликанинг аввал генерал фон Зальц билан, кейин эса унинг ўғли билан алоқада бўлганини билиб қолса, ўйламай-нетмай бир иш қилиб қўядими, ахир у жудаям тез ва ҳашиятли, деб жонҳалак бўлиб юрибди. Мана шундай бир вазиятда ўртада Иоганн пайдо бўлиб, иккала хоним ҳам рўй берган мушкул аҳволдан қутулишнинг бирдан-бир чораси Вайс деган қарорга келдилар. Буларнинг бари ҳақида Ангелика қандай фикрда эканлиги номаълум. Сўрашга кўрқишади. Аммо нима бўлганда ҳам ҳозирча у полковник фон Зальцни безовта қилиб ўтирмай, Вайсга ҳам-хўрлик қилишни Евадан илтимос қилибди. Ева эса ўз генералининг раҳини келтириб жиғига тегишни яхши кўради. Шундан кейин Ева Вайснинг иши юзасидан генералга илтимос қилибди — бу билан эркак зотни ўзининг жозибасига тоб беролмаслигини яна бир карра синаб кўрмоқчи бўлибди, ҳолос.

Ева буларнинг барини, оғзи пирожнийдан тинмай, Вайсга айтиб берди.

— Фридрих келса-ю, буларни билиб қолса нима бўлади?— сўради Вайс.

Ширани бармоқларини ялар экан, Ева ишонч билан деди:

— У келмайди. Ҳеч нарсани билмайди ҳам.

— Нимага?

— Аҳ, ҳали хабарингиз йўқми? У Пенемюндеда. У ерда аллақандай даҳшатли қуролни ихтиро қилишяпти. Фақат бизникилар эмас, орий бўлмаган олимлар ҳам ишлашяпти. Ҳаммалари худди концентрация лагериде яшагандай турадилар, тўғри, ҳамма қулайликлар муҳайё. Фридрихни у ерга ҳам наци, ҳам деярли инженер бўлиб қолган, деб юборишди. Гестано Фридрихни қўлга киритиб тилла тошгандай бўлган. Бундоқ қарасангиз илмни, маълумотли одам, шу билан бирга махфий агент. Бунақаси камдан-кам учрайди. У ҳозир йўқ деганда гауптштурм-банфюрер бўлса керак, деб ўйлайман. Ниҳоят, фрау Дитмар ҳам ўзини бахтиёр она деб айтса бўлади.

— Аввал бахтиёр эмасмиди?

— Қандай қилиб бахтиёр бўлсин. У Фридрих сиёсий арбоб бўлолмайди, деб юрарди. Ўғлимнинг қобилияти бошқа нарсада деб ҳисобларди.

— Қизларни айлантиришми?

— Кўйинг-э!— Ева Фридрихнинг ёнини олиб хафа бўлди.— У жудаям ақлли йигит! Бир куни мериядаги рождество байрами балига

папье-машедан Санта-Клаус ясаб келди, ўша Санта-Клаус Фридрихнинг амри билан ҳаракатга кириб энг ҳурматли меҳмонларга таъзим қилган эди.

— Афсунгар экан-да!

— Рост. Ҳамма шундай деб ўйлади, айниқса, болалар. Аммо кейин Фридрих буни радио ёрламида қилдим, деб тушутирди. Ҳар ҳолда, менинг грунпенфюрерим бу ўйинчоқнинг тажрибаси Пенемюндеда Фридрихга асқатади, деб айтади. Агарда у отасига ўхшаб лапашанглик қилмаса, нони ёғ устида бўлади.

— Фрау Дитмарнинг бахтиёрлигидан жуда хурсандман,— чин кўнгилдан деди Иоганн. Унинг қанчалик хурсанд бўлиб кетганини Ева ҳатто тасаввур ҳам қилолмасди. Пенемюнде... Янгилик-ку бу — Пенемюнде!

Иоганн суҳбатни яна шу мавзуга бурса, эҳтиётсизлик қилган бўларди, шунинг учун у гапни бошқа ёққа бурди.

— Фрейлейн, сиз нақ қийғоч гуллаган олманинг ўзисиз!— деди у шивирлаб ва қўлини Еванинг бўлиқ тирсагига теккизиб қўйди.

Аммо Ева қўлини тортиб олди ва жиддият билан деди:

— Қўйинг, Иоганн. Бу нарсалар ўлгудай жонимга теккан. Мен сиз билан кўнгил яқин кишилардай юрагимни ёзмоқчийдим — ахир мен ҳам қишлоқиман. Етарли пул йиғишим биланоқ, отамнинг олдига қайтаман-да, шарқдан келган ишчиларни ишлатаман, шуни ҳам билиб қўйингки, мен бахтимни қандай қилиб топишни биламай... Ахир мен, аслини айтганда, ақл-ҳушини йиғиштириб олган қизман.— У дуркун елкаларини қисиб қўйди.— Берлиндаги Александерплац майдонида юрадиган ановнақа суюқлардан эмасман, ахир. Кўриб турибсиз-ку: чекмайман, ичмайман, айбим шуки, ширинликка ўчман.— Маънодор қилиб сўради:— Мени тушунгандирсиз, жаноб Вайс?

— Ҳа,— паришонҳол жавоб берди Вайс ва ажабланиб сўради:— Лекин мени фермада ишлаган деб сизга ким айтди?

— Вой худойим-эй!— Ева ҳатто қўлларини чапак қилиб урди.— Наҳотки, менинг хўжайиним ҳамма қоғозларингиз билан танишиб чиқмай туриб, майор Штейнглицга, шофер қилиб олинг, дея тавсия қилишни мумкин деб ўйласангиз?— Сўнгра ғурур билан деди:— Агар гестапо билан ўзим бориб ҳамма гуноҳларим учун тавба қилиб турадиган пастор тавсия қилмаганда обергруппенфюрер ҳузурида мана шундоқ вазифани бажариб юрган бўлардим, дейсизми.— Шундай деб, Ева Вайсга табасум қилди ва энди унга ўзи қўл узатди.

Вайс Евани олиб келган обергруппенфюрернинг ҳашаматли уйини кўкракларига қора автомат осган эсэсчилар қўриқлаб туришарди. Агар улар кўзларини лўқ қилиб қараб турмаганларида Ева балким, Иоганни кофе ичгани таклиф қилган бўлармиди. Обергруппенфюрер қўриқчилари олдида солдатни юринг деб қисташни Ева ўзига эп кўрмади ва шунинг учун Вайс билан сипогина хайрлашиб қўя қолди.

11

Фашистлар Германияснда ёшларнинг суягн нацизмдан озиқ олиб қошига зўр бериб ҳаракат қилинарди: ёш бўғинга аввал «юнгфольк»да, кейин, «гитлерюгенд»да, мажбурий меҳнат лагерларида ишлов берилар, улар икки йил соқчилик ёки штурмовик отрядларида хизмат қилишар ва ниҳоят, фавқулудда муносиб деб топилганларн фашист партияси ва давлат аппаратида ишлаш учун махсус «Адольф Гитлер мактаблари»да тайёргарликдан ўтар эдилар.

Фридрих мана шунча алғов-далғовдан ўтгач, онаси фрау Дитмар, фахрланиб, кўнгли эриб Иоганнга айтиб берган ўз хислатларини сақлаб қолганлигига ишониш қийин эди.

Шу билан бирга фрау Дитмар, ўғлимга ёзган хатларимда сизнинг менга қилаётган меҳрибончиликларингизни унга хабар қилиб турибман, дегандан сўнг Иоганн озгина бўлса-да, Фридрихга умид боғлади. У Фридрих номини эслаб қолсин, деб ҳаракат қилар ва фрау Дитмардан, агар хат ёзсангиз унга солдат Вайдан ҳам салом айтинг, деб илтимос қиларди.

Бир купи очилиб-сочилган фрау Дитмар Фридрихнинг бир топширигини бажарсангиз деганда, Иоганнинг боши осмонга етди. Фрау Дитмарга ўғлдан икки энлик хатни СС ротенфюрери, (бу умумий ҳарбий таълим даражасида старший ефрейторга тўғри келади) келтирганди. Унда Фридрих бир қанча китоб ва университет лекцияларининг конспектини бериб юборишни сўраган экан. Фрау Дитмар ротенфюрерни меҳмон қилиб, ўғли тўғрисида сўраб-суриштирар экан, Иоганн Фридрихнинг рўйхати бўйича китоб-дафтарларини ажратиб олди ва уларни сарапжомлаб чопарнинг қўлига тутқазди.

Онага ўғилдан келган икки оғиз хат-хабар қанчалар қимматли эканини тушунган Иоганн тезлик билан ўзига рўйхатнинг нусхасини кўчириб олд-да, хатни фрау Дитмарнинг қўлига тутқазди, кейин ротенфюрерни машинага ўтказиб, ҳарбий аэродромга элиб қўйди. Вайс жаноб Дитмар қандай яшаётганини билишга қанчалик уринмасин, ротенфюрер миқ этмасди. Фақат хайрлаша туриб, ротенфюрерга плашини узатар экан, Иоганн: «Ҳозир у ёқда, сиз томонларда ёмғир, шамол роса авжида бўлса керак, Пенемюндеда йилнинг бу фасли ҳаво доим расво бўлади»,— деб айтганда, ротенфюрер, тўғри айтасиз, дегандай бош силкиди. Вайснинг эришгани шу бўлди, холос.

Аммо Евадан эшитган гапларининг тўғрилигига ишонч ҳосил қилиш учун шунинг ўзи ҳам кифоя қиларди.

Китоблар рўйхагини ва лекциялар мавзуини ўрганиш шуни кўрсатдики, Фридрихни электрон техника, масофадан туриб радиореле орқали бошқариш системаси, навигацион автоматика қизиқтириб қолгани бежиз эмасди.

Иоганн фрейлейн Евадан билган нарсалари тўғрисида ўйлар экан, ўзи ҳақида қилинаётган бутун гамхўрликни ёлғиз Ангелика Бюхерга нисбат беришни мақсадга мувофиқроқ деб топди. Шундан сўнг ўз пушти-паноҳига миннатдорчилик билдиришга қарор қилди ва қандай қилса, яхшироқ бўлиши ҳақида фрау Дитмар билан маслаҳатлашиб ҳам олди.

Фрейлейн Ангелика Вайсни эрта билан қабул қилишга рози бўлди, аммо олдини олиб, полковник фон Зальц ниҳояти муҳим ва шошилинч бир ишни топшириб қўйгани учун вақтим зиқроқ бўлади, деб фрау Дитмардан айттириб юборди.

Майор Штейнглиц билан бирга юрган биринчи куллариданоқ Вайс кўп ибрат бўларли ва фойдали нарсаларни ўрганди. Ташқи кўринишидан майор қуйиб қўйган пруссаkning ўзи, яъни такаббур ва ўлгудай олифта, ўзига гард юқтирмас кимса эди.

Мана энди Вайс ўзига янги ҳарбий кийим-кечак оларкан, керакли одамларнинг қўлига пулни аямай қистирди, шундан кейин у кийимларнинг нақ ўзига лойиғинигина эмас, сараларини ҳам олишга эришди. Бундан ташқари, у шу ернинг ўзндаги кейх-гауздан дурустгина пулга эсэсчилар киядиган чарм мундир сотиб олди.

Вайс сартарошхонада устандан сочини худди Штейнглицникига ўхшатиб қўйишни талаб қилди.

Шундан сўнг у майор ҳузурида бутунлай ўзгарган қиёфада пайдо

бўлганда, Штейнглиш ўзини ҳеч нарсага сезмаганга олди, бироқ шу заҳотиёқ Иоганнга худди Вайс унинг адъютантидай, ўзи қатнаб юрадиган муассасаларга бирга боришни буюрди, ваҳолонки, майорга адъютант кўзда тутилмаганди. Иоганнинг ташқи кўриниши ва хатти-ҳаракатлари адъютантларникига монанд келар, бу эса Штейнглишга ўзгача бир салобат бахш этарди.

Вайс ўзини мннг оҳангга солиб хушомад қилиб, икки гапнинг бирида қуллуқ изҳор қилар экан, Ангеликага Гитлерштрасседаги «Дил қулфи» қандолатхонасидан сотиб олинган бир қути шоколад тутди. Сўнг ичида ўзининг янги қиёфаси ва шунга яраша хатти-ҳаракатларида пайдо бўлган ўзига ишонч ҳисси қизга ниҳоятда маъқул тушганлигини қайд қилди.

Ҳақиқатан ҳам, полковник Иоахим фон Зальц кейинги пайгларда ўз секретарининг дилбарликларигагина эмас, ишда берадиган ёрдамига ҳам муҳтож бўлиб қолган эди: СССР га юбориш учун тузилиб, унга тақдим этилган қўпоровчиларнинг рўйхати қониқарсиз бўлиб чиқди.

Абвер хиёнаткорона ҳужум арафасида СССР тупроғида «бешинчи колонна» тўдаларини тузишда қаттиқ қийинчиликларга дуч келаётган эди. Ваҳолонки, у Европанинг талай давлатларини босиб олишда бу ишни бениҳоя усталлик билан амалга оширганди.

Кишиларнинг юрагидаги гапни билиб олиш санъатига герман психологлари ва жосуслик профессорларининг назарий чуқур ва мукамал бўлган том-том асарлари бағишланган эди. Тегишли хизмат бўлимларининг архивларида агентларнинг соҳалар бўйича картотекаларга териб олинган ва тартибга солинган ҳисоботлари сақланарди. Шу тариқа ҳар томонлама ўйланган, тўғрилигига ишонч ҳосил қилинган, мирдан-сиригача текшириб кўрилган, қаймоғининг қаймоғи олинган бу нарсалар олий даражадаги бир система ҳолига кирди, унинг сирларини герман жосуслиги мазҳабига аъзо бўлган қора рицарларгина ўрганиши, бир умр эсдан чиқмайдиغان қилиб ёдлаб олишга ҳақли эди.

Бироқ миллий ўзига хослик деб жар солиниб турган прусс интизомининг руҳи, ҳатто махфий хизмат намояндаларини ҳам, уларнинг ақли, иродасини ҳам ўзининг аёвсиз исканжасига олган бўлиб, «разведка даҳолари» томонидан ишлаб чиқилган ва сийқа чақадай бўлиб қолган нарсаларга оғишмай амал қилишни талаб этарди. Агарда жосусликни «санъат» деб ҳисобланадиган бўлса, у ҳолда, кўп қайтарилаётганидан, ҳатто унинг энг ноёб намуналари ҳам ўзининг асл қимматини йўқотиб қўяр ва кўпинча йирик расом суратидан кўчирилиб, икки пуллик совун қоғозларида беҳад такрорланган сийқа расмга ўхшаб қолар эди.

Гитлер разиллик фанига катта ҳисса қўшди. Унинг: «Мен ҳамма воситалардан фойдаланиб, ахлоқ ва «виждон кодекси» устида бош қотириб ўтирмасдан зўравонлик сиёсатини ўтказаман... Сиёсатда ҳеч қандай қонуларни тан олмайман. Сиёсат — инсталганча макр-ҳийла ишлатиш мумкин бўлган ўйиндир, бу ўйиннинг қонун-қондалари ўйинчиларнинг моҳирлигига қараб ўзгариб бораверади... Керак бўлиб қолганда қаллоблик ва кўз бўямачиликдан ҳам қайтмаймиз», — деб таълим бериши бутун фашист махфий хизматларини ваҳшийликни уччига чиқаришга илҳомлантирди, тарихда мислн кўрилмаган мараз ва палид ишларни кучайтиришга ундади. Аммо фашистлар минг уринмасинлар, совет кишиси характерининг моҳиятини англаб етолмадилар, уни тиз чўктиролмадилар.

Вайс янги кийим-бошда фрейлейн Ангеликанинг кўзига бошқача бўлиб кўриниб кетди. У бунн Вайсдан яшириб ўтирмади, аксинча, жуда алламабало бўлиб кетибсиз, деб хурсандлигини ҳам изҳор қилди. Анге-

лика Иоганнинг бу келишндан фойдаланиб қолмоқчи, ундан ўзига керакли нарсаларни биллиб олмоқчи эди. Ахир Вайс болтиқ бўйлик немис, у Латвияда Совет ҳукумати даврида яшаган, бинобарин, ишга нафи тегадиган гапларни айтиши мумкин эди. Ангелика эса буларни ўз номидан фон Зальцга етказди. Чунки қиз охирги пайтларда унинг кўзига яхши кўриниш учун ўзини ўтга-чўққа урар, келажакда узоқни кўзлаб тузган режаларини полковник номи билан боғлар эди.

Иоганнинг ўзи ҳам Ангелика билан гап сотиб ўтирмоқчи, агар ўнқови келса, у-буни биллиб олмоқчи эди. У немис жосуслигининг усуллари-дан бир қадар хабардор эди; айтайлик, бундай қилиш мумкин: «Фрейлейн Ангелика, мен сиз тўғрингизда, қария Зальц тўғрисида ва ҳозирги кунда унинг ўғли билан дон олишиб юрганингиз ҳақида унча-мунча гаплардан хабардорман»,— деб пўписа қилиб қўйилса, фрейлейн Ангелика сувга тушган нондай бўлиб қолади, албатта.

Бу усул — сийқаси чиққан, аммо бутун империалистик разведка томонидан тан олинган усул.

Аммо снновдан ўтган, хато кетмайдиган ва ниҳояти одми бу усул ўрнига Вайс бошқасини, мураккаброғини танлаб олди, чунки бундай сийқаси чиққан йўл тутилганда, унга қарши янада сийқароқ бир усул билан жавоб қайтаришларни турган гап: аввал унга арзимаган маълумотларни бериб турилади, кейинроқ бориб эса гестапога чақув ёзилади.

Ангелика ўзига пўписа қилган одамни фош қилишга ақли етадиган қиз. Нима деманг, уни унча-мунча одам эмас, немис барони йўлдан урган. Бу Ангелика яшайдиган жамиятда уятли ва губан деб ҳисобланармикин?

Буларнинг бари бир зум ичида Иоганнинг хаёлига келиб кетди, аммо юзи ҳатто салча бўлсин ўзгармади, унда фақат попукеккина хизматбарор қизга суқланиш акс этарди, холос. Бундан ташқари, ўзига билдирилган ишончдан оғзининг таноби қочганлиги кўришиб турарди.

Ангелика меҳмон зерикиб қолмасин дегандек, бепарволик билан Ригадаги таниш-билишларингиз қалай, деб сўраган эди, Вайс ўз дўсти Генрих Шварцкопф билан кечаси кўрфазда балиқ овлаганларини заиқшавқ билан гапириб берди.

— Қизлар билан ҳам денг,— дея Ангелика асабий ва истехзолн бир оҳангда қўшиб қўйдики, бундан Иоганн гапни бошқа ёққа буришга қарор қилди. Бу мавзу бирмунча хавфлироқ бўлса ҳам, аммо Ангелика унинг нимасига қизнқаётганини билиб олишга имкон туғдирарди.

Вайс маъюс хўрсиниб, деди:

— Маъзур тузинг, фрейлейн, аммо нима бўлганда ҳам ҳар бир болтиқ бўйлик немис учун ўз ватанидан бутунлай жудо бўлиш оғир.

— Нега бутунлай, деб айтяпсиз,— жиддийлашиб сўради Ангелика ва маънодор қилиб қўшиб қўйди:— Мен Рейхнинг бўлажак чегараларини сизга қараганда бошқачароқ тасаввур қиламан.

Вайс шў захотиёқ эътироз билдирди:

— О, мен ҳам бошқача ўйлаган эдим. Аммо биз у ерда, Латвияда туриб, Москва билан тузилган шартномадан кейин энди умидларимиз чиппакка чиқди, деб ҳисобладик.— Ийманброқ шивирлади:— Бу сўзлар срамизда қолар, а?

— О, албатта,— ишонтирди Ангелика. Кейин маслаҳат берди:— Мен сиз билан қандай очиқ гаплашаётган бўлсам, сиз ҳам шундай қилинг.— У қўлини Вайснинг тиззасига қўйиб, ачинган бўлди:— Сизга қанчалик оғир эканлигини биламан.— Бир оз жим туриб, сўнг қатъият билан деди:— Иоганн, агар сиз мени Рига кўрфазингизда қайиқда сайр қил-

дирмоқчи бўлсангиз, мен жон деб рози бўламан. Ҳадемай шундай бўлади деб сизга ваъда бераман.

— Фрейлейн, сиз менга шундай ширни тушлар ваъда қияп-сизки...

— Сизга бўлак ҳеч нарса деб айтолмайман,— унинг назокат билан айтган сўзларини бўлди Ангелика. Кейин жиддият билан Вайсга тиккиди.

Иоганн Ангеликанинг сўзларини қандай маънода тушунганлигини элбурутдан билдириб қўймадиммикин, деб ўйлади ва мингиллаб деди:

— Ҳа, ўша шартнома бўлмаганда...— Кейин худди ўзига-ўзи гапиргандай қилиб:— Аммо ундоқ десам, Польша билан ҳам битим тузган эдик-ку?..

Ангелика такаббуруна илжайди.

— Хайрият-э! Бунча каллангиз секин ишламаса.— У ўзини стулнинг суяничиغا ташлади, сочини тўғрилай туриб, қизиқиб сўради:— Анави большевниклар сизларни Латвияда тоза сиқштиришгандир-а?

Вайс кўзларини ерга тикди.

— Агар улар билан эҳтиёт бўлиб муомала қилинса...— У шарт бошини кўтариб, Ангелика шоён диққат билан тинглаётганини кўрди, яна ерга қаради, истар-истамас гўлдиради,— унда кўнгилсиз воқеалардан халос бўлиш мумкин.— Сўнг ўрнидан турди.— Уэр, фрейлейн, борай энди...

Ангелика сакраб турди-да, иккала қўлини унинг елкасига қўйди.

— О, ўтинаман...— Кейин маънодор қилиб ваъда қилди:— Қолинг, кейин хурсанд бўласиз.

Иоганн ўзини бу сўзларни қиз томонидан қилинган даъват деб тушунганга солди-да, дабдурустдан уни қучоқлаб олди. Худди ўйлаганичалик бўлди, қиз унинг қучоғидан силтаниб чиқди.

— Қилиқларингиз солдатникидай бирам қўполки!

— Ўзим ҳам солдатман-да, фрейлейн.

— Агар сиз менинг кўнглимни олмоқчи бўлсангиз, бундай қилманг...

— Қандай қилай?— илжайди Вайс.

— Ақлли йигит бўлинг, Иоганн. Ўтиринг-да, менга нима билсангиз, ҳаммасини айтиб беринг.— Сўнгра ширинсуханлик билан қўшиб қўйди:— Илтимос қиламан!— Қиз яна қўлини унинг тиззасига қўйди.

Қизнинг ингичка, совуқ, сал намроқ бармоқларини ўйнаб ўтирар экан, Иоганн нохушлик билан деди:

— Сиз сўрагандан кейин, фрейлейн, нима ҳам дердим, гапириб бераман.

— О!— мамнун бўлиб сўлиш олди Ангелика ва унга суридиброқ ўтирди.

Иоганн зарурат туғилиб қолганда немис разведкасига ўз шахсий ватанпарварлик тортниги сифатида айтиб бериш учун келншилган нарсаларни бирма-бир, аниқ-таниқ, бошдан-оёқ сўзлаб берди.

Булар сохта-муҳим фактларнинг усталик билан тузилган йиғиндиси эдики, улардан бир хиллари тузоқ қўйиш мақсадида айтилган бўлса, бошқа бирлари эса, шу қадар чин бўлиб туюлардики, ўз домига тортмай қолмасди...

Ангелика бутун диққатини бериб тинглаб ўтираркан, сўради:

— Иоганн, бунчалик кўп нарсани қаердан биласиз?

— Биласиз-ку, мен устахонада ишлаганман, кўпинча уларнинг машиналарини ҳам тузатиб берардим. Ремонтдан кейин машинанинг синов юришида бирга бўлардим. Улар одамга доимо шубҳа билан қарашади.

— Улар буни ҳушёрлик деб аташадими?

— Ҳушёрлик — бир оз бошқачароқ нарса. Бу ҳужжатларни текшириш одати. Ҳужжатнинг қапча кўп бўлса, шунча ишончлироқ кўринасан...

Ангелнка ўрнидан турди, уни Иоганнинг гаплари ниҳоятда қизиқтириб қўйгани кўриниб турарди.

— Бир минут сабр қилинг, — шундай дея қиз хонадан чиқиб кетди.

У кўп ўтмай қайтиб келди ва дабдабали қилиб деди:

— Иогани, полковник Иоахим фон Зальц сизни ўз кабинетда кутаяпти.

Вайс остона ҳатлаб, рангсиз, елкаси чиққан, кўкраги ичига ботган, чакак-чакак бўлиб қолган, отбашара одамни кўрди. Пенсне унинг дўрдайган кўзларини янада қаттиқроқ қилиб кўрсатар, улар ҳаммага ва ҳамма нарсага бефарқ қарар, ниҳоят ҳорғин боқарди. Полковник Вайснинг саломига тепакал бошини билинар-билинмас, менсб-менсмай силкитиб жавоб берди ва шу билан айна вақтда, бош томонига пневматик ёстиқ қўйилган чарм креслони кўрсатди. Вайс ўтиргач, полковник унга бпр оз қонталашган, ўлган бузоқникидай нурсиз, чақчайган кўзларини тикди. Кейин бармоқларини чалмаштириб олди ва дунёда шундан бўлак иши қолмагандай, тирноқларини томоша қила бошлади.

Вайс ҳам пидамай ўтираверди.

— Ҳўш? — тўсиндан деди полковник бошини кўтармай.

— Ҳалигларни айтиб беринг, айтиб беринг! — бетоқат бўлиб ниқтади Ангелнка.

Вайс худди доклад қиладигандай ўрнидан турди ва боя Ангеликага айтганларини қисқа қилиб, янада қатъийроқ товуш билан такрорлади.

Полковник ҳамон ўша аснода, пнёз пўчоғидай юпқа ва кўкимтир қовоқларини ярим юмган ҳолда ўтирарди. У бирон марта ҳам савол бергани йўқ.

Иогани фон Зальцнинг юзига, сўзларим унга қандай таъсир этаётганикин, деб синчиклаб қарарди, аммо полковникнинг юзидан ҳеч бир маъно ўқиб бўлмасди. Вайс сўзини тамом қилганда ҳам полковник ҳамон тирноғини томоша қилиш билан банд эди.

Орага оғир сукут чўкди. Ҳатто Ангелнка ҳам, Вайснинг гапларини эшитсангиз, деган илтимоси қандай қабул этилганлигини билолмай безовта бўла бошлаганди.

Шунда полковник бирдан жаранглаган, кучли овоз билан сўради:

— Ҳозир шу ерда бўлган ҳамшаҳарларнингиздан қайси бири Рейх ва фюрер олдида ўз бурчинни ўтай олади?

— Полковник жаноблари, ҳаммамиз ҳам, ҳақиқий немис сифатида...

— Утиринг! — буюрди фон Зальц. — Буниси ортиқча. Номини айтинг.

— Парашютда сакрашни билишни керакми? — журъат билан ўсмоқчилади Вайс.

— Ном!

— Папке, полковник жаноблари. — Кейин яна ғоз туриб, фон Зальцнинг кўзларига ялтоқлик билан тикиларкан, Вайс рапорт берди: — Ҳзи собиқ нахбарнфюрер, ўрта ёш, ниҳоятда соғлом, дадил, ақлди, жой шаронтини яхши билади, қуроли билан таниш, чегара районларига тез-тез бориб турарди, у ердагилар билан алоқаси ҳам бор.

Полковник бир зум пайсалланиб турди, сўнг телефон трубкасини олди-да, номерни айтиб, ўлардай танбал бир оҳангда деди:

— Ригадан келган Папке ҳақида тезлик билан маълумот беринг. — Трубкани қўйди ва яна ўзининг ялтиллаб турган тирноқларини томоша қила бошлади.

Кейинги вақтларда Папке Иоганн билан учрашишдан ўзини олиб қочадиган бўлган эди, ammo орқаворатдан Иоганн билан бирга ишлайдиган одамлардан гап суриштирар, ҳатто ўзи бўлмаган пайтни топиб, фрау Дитмарнинг олдига ҳам кириб турар, ижарачингиз вақтини қандай ўтказяпти, деб сўрарди. Шунинг учун ҳам, имкони туғилган ҳамоно Иоганн Папкедан қутулиш чорасини кўргани ажабланарли эмасди, боз устига, агар Совет Латвиясига Папкенинг ўзини юборадиган бўлсалар, уни бир ёқлик қилиш осон кўчади. Бунинг учун шифр билан унинг номини ёзиб юборса, кифоя — қанақа одамлиги шундай ҳам маълум.

Полковник ҳамон ҳайкалдек қотиб ўтирар, онда-сонда маънисиз бақрайган кўзларини кўтариб кўярди.

Иоганн, энди нима қилай, деган маънода Ангеликага қаради. Ангелика индамай ўтиравер, дегандай ишора қилди.

Полковник ҳузурида чурқ этиб огиз очишгаки шунчалик кўрқса, гаҳ деса қўлга қўнадиган қилиб олган экан-да. Қизиқ, ўзлари ёлғиз қолишганда ҳам ғиқ этмай ўтираверишармикин?

Телефон жиринглади.

Полковник трубкани қони қочган, супрадай қулоғига тутди-да, орачора бошини қимирлатиб, худди қағиллагандай бир неча марта: «Ҳа, ҳа»,— деб қўйди. Сўнг трубкани жойига ташлади ва ҳалиям шу ерда ўтирибсанми, дегандай ҳайрон бўлиб Вайсга қаради. Ангелика шошилиб ўрнидан турди-да, кўзи билан Вайсга ишора қилиб, эшикка томон юрди. Иоганн унинг нима демоқчилигини тушуниб, креслодан турди, пошналарини бир-бирига уриб, орқасига ўгирилди ва шахдам қадам ташлаб Ангелика билан бирга чиқиб кетди.

Улар ташқарига чиқишлари ҳаманоқ кўнғироқ чалинди.

— Ҳозир чиқаман,— узр сўради Ангелика ва кабинетга кириб кетди.

У анча ҳаяллаб қолди. Бироқ қўлида ёндирилмаган сигарета ушлаганича, у ердан қайтиб чиққанида қизнинг чеҳраси кулиб турарди. У сигаретани Вайсга узатди:

— Бу сизга, полковникдан.

— Демак, ҳаммаси жойидами?— қизиқсинди Вайс.

Ангелика муруват қилиб унинг элкасига қоқиб қўйди ва ички пиллапоягача кузатиб чиқди.

Вайс аэродромда майор Штейнглици кутиб оларкан, у билан шу қадар қизгин сўрашдики, ҳатто табиатан дағал ва кеккайган бўлишига қарамай, майор ийиб кетди ва бўжумларни жоисарак бўлиб ташиб, жойларкан, термосни тушириб юборай деган Иоганни кўнгилчанлик билан афв этди. Вайс кутиб олиш тадорикини кўрган: олдинги ўриндиқнинг суянчиғидаги тўр халтачага гулдаста солиб қўйган эди.

Шубҳасиз, майор гулни кўрди, ammo ичидагини сиртига чиқармасликка одатланганидан, ўзини ҳеч нарсани пайқамаганга солди.

Штейнглиц узоқ йиллар махсус хизматда ишлаб, ҳар бир кимсадан унинг ожиз томонини топишга одатланган эди, у бир хил палид ва мараз ишларнинг билағони бўлгани ҳолда, ҳар қандай ифлосликдан қайтмайдиган одамлар билағина чиқишиб кета оларди. Агар синчиклаб текширган одами бу жиҳатларга эга бўлмаса, Штейнглиц уни ҳеч нарсага арзимайдиган, эси паст кимса деб ҳисобларди.

Шу билан бирга Штейнглиц: «Немис деҳқонлари — сараларнинг сараси», «Майда деҳқонлар ва юнкерлар бир тақдир иплари билан боғланганлар, улар мамлакат ҳарбий қудратининг таянчи ва замин ҳамда томирларида оқаётган қон бўйича янги дворянларидирлар»га ўхшаш фашист сафсаталарини фахр билан такрорлашни яхши кўрарди.

Узи ҳам деҳқоннинг ўғли бўлиб, Гитлергача бўлган даврда рейхсвернинг унвонли офицерлари уни оёқ учи билан кўрсатишларидан кўп азиятлар чекканди. Эндиликда эса соддалик қилиб, деҳқон тоифасидан келиб чиқишим армиянинг юқори поғоналарига кўтарилшимга йўл очади, деб ҳисобларди. Вайснинг бир маҳаллар фермада ишлаганлиги ва фермер хотиннинг жияни бўлганлиги уни Штейнглининг одатий шубҳасидан хон қилди. Штейнглиц ўз шоферини ҳатто, маълум даражада ёқтириб ҳам қолди, у худди Вайсга ўхшаган йигитлар ўзларининг ибтидоний соддачилиги, итоатгўйлиги ва инонувчанлигини — яъни ўзининг ер фарзанди эканликларини унутмаган деҳқон болаларига хос хусусиятларини сақлаб қолганлар, деб ҳисобларди.

Майор шу фикрга келиб, унга рад қилиб бўлмайдиган ҳақиқат деб қаттиқ ишонди, у ўзининг махсус хизмати ишлаб чиққан системага мана шундай ишонган эди. Бу системада ундан четга чиқувчиларни жазолаш усулларигача ҳамма нарса олдиндан батафсил қилиб белгилаб қўйилган эди.

Вайс унн боши осмонга етиб қарши олганлигини майор деҳқон киши — ким бўлмасин — у ўз хўжасига туғма бир ихлос билан қарайди, деган фикрнинг ёрқин исботи деб билди. Бу эса, унинг фикрича, немис деҳқонининг ирқий софлигидан далолат берарди.

Иоганн чиндан ҳам майорнинг қайтганига ўзида йўқ суюнди. Бунни у яшириб ўтирмади ҳам. Хурсандчилигининг боиси шунда эдики, у ўз хўжайини ҳақида айрим нарсаларни билиб олганди, шунинг учун ҳам унга завқ-шавқ билан, фидожорлик ва матонат кўрсатиб хизмат қилишга тайёр эди, зотан, булар совет разведкачиси устига юкланган вазифани адо этиш учун зарур бўлган воситаларни ташкил этарди.

Боз устига, Иоганн майор Штейнглининг тажрибасидан ўзига керакли баъзи нарсаларни билиб олгиси ҳам йўқ эмасди, чунки майор, омади юришмай турганига қарамасдан, Гитлер генерал штаби махфий канцеляриясининг ишидан жуда яхши хабардор бўлган билимдон кимсалардан эди. Келажакда ҳали ҳар икковларига юзма-юз тўқнашишга тўғри келади, бинобарин, Иоганн бу олишувда қолиб чиқиш учун ҳар жиҳатдан шай туришни истарди.

Машинани авайлаб ҳайдаб бораркан, Иоганн ойнадан майорга зингил солар ва шулар ҳақида ўйларди. Аммо йўловчисининг юзи ҳар қачонгидай тунд ва совуқ эди.

Штейнглиц меҳмонхона эшигин олдида одатдагидай бефарқ қилиб, сўзларнинг охирини ямлаганича, тишлари орасидан деди:

— Биру ноль-нолда. Енилғи тўлдирилсин. Ўз юкларингни ҳам ол.

Иоганн Лодздан кетаётгани ва эҳтимол, бошқа қайтиб келмаслиги мумкинлигини англади.

12

Шўрлик фрау Дитмар! Боёқиш аёл Вайснинг жўнаб кетаётганини эшитиб, ўзини ҳўярга жой тополмай каловланиб қолди. Уғли Фридрих бағридан чиқиб кетганида қанчалик изтироб чеккан бўлса, бу хабардан ҳам унинг кўнгли шунчалик бузилди. Кўзига ёш олди.

Иоганн бенхтиёр Саша Беловнинг онаси ўғлини кузатаётиб қандай жонсарақ бўлиб, питирчилаб қолгани, чамадонга иссиқ кийим, жун пайпоқ солгани, йигирматадан кўпроқ дастрўмолни олишга қистагани, озиқ-овқат тўлдирилган халтани қўймай тутқазганини эслади. Шунда ўғли унга ҳамма нарсаларини аэродромдаги махсус хонада қолдиришим, бутунлай бошқатдан кийиниб, йўлга ҳам бошқа бир чамадонни кўтариб кетишим керак, деб айтолмаганди.

Иоганн жўнаш олдида ўзини қандай тутганлигини эслади, онасини ортиқча безовта қилиб, ортиқча ташвишга қўймаслик керак эди. Онаси шусиз ҳам бу тат-туғи йўқ, сирли жудолликдан ҳаддан зиёд изгируб чекмоқда эди. У онасини юпатар, тасалли берар, ҳазиллашар, энди мен махфий корхонада ишлайдиган бўлдим, деб ишонтиришга уринарди. Аммо онаси ўзини ўғлининг ҳамма гапларига ишонаётгандай кўрсатса-да, ичди тирмизак алдаяпти, деб ўйларди.

Отаси ундан ўғиллари Саша қандайин шарафли йўлни танлаб олганини яширолмади. Шунда она бу ҳақда ўғлига лом-мим деб оғиз очмасликка олт ичди ва хайрлашаркан, ўзига берган сўзининг устидан чиқди. Бинобарин, Саша, ўзини сўраган таниш-билишларга онаси, Шуригимнинг ишлари яхши, махфий мудофаа заводинда ишлаб турибди, хат-хабар ёзиб туради деб ёлғонлашини, уларни шунга уввало ишонтироқчи бўлишини билди. У ҳали ўғлининг суратларига қайта-қайта термиларкан, эридан беркитиб пана-панада кўз ёши тўкиб ҳам олади...

Отаси-чи? Ўша кун кечқурун унинг чеҳрасида ўчмас из қолдириб чуқур ажинлар тушгандай бўлди. Гарчи, у ўзини тутишга ҳаракат қилиб, граждандар уруши даврида қандай жанг қилгани, ўзи ҳам ўт-олов йиғит бўлганлиги ҳақида гўлдираб нималарнидир сўзлаётган бўлса-да, кўзлари ҳасратли боқар, чолнинг иккиюзламачилик қила билмаслиги, ўзини бошқача қилиб кўрсатолмаслиги кўриниб турарди. Шунданмикин, у бунчалар маъсум, тўғри сўз, бениҳоя самимий бўлган болам қандай қилиб алдайди, қандай қилиб рнкорлик қила олади, деб бош қотирарди...

Июганн кундузи «Пакет-аукцион» конторасига кириб чиқишга ҳам улгурди, майорнинг ўшанда Гербертга ниҳоятини ёмон таъсир қилган маргарин ҳақидаги сўзларини эслаб, такаллуфсизлик билан, мен маргаринга эмас, хотинлар киядиган қойилмақом тўқима кофта олгани келдим, деди. Аммо шу захоти кармонини кўрсатиб Гербертни тинчитди.

Ҳисобот пайтида сарф қилинган бу пулни «махсус харажатлар» остига киритиб юбориш мумкинми, йўқми, Вайс аниқ билмасди. Аммо у шундай қилишга қарор қилди, нари борганда, бухгалтер чет эл валютасини унар-унмас харжлаб қўйгани учун ўн баравар қилиб ойлигидан ушлаб қолади, иложи қанча.

Аммо фрау Дитмар шунча яхшиликлар қилди, бас, унинг кўнглини олмай, рози қилмай, сўппайиб кетолмасди. Фрау Дитмар ундан ҳеч нарсасини аямади. Бундан ташқари, унинг орқасидан хийла наф кўрди, ким билди, келгусида яна қандай ёрдами тегаркин.

Фрау Дитмар иссиққина кофтини ўлчаб кўриб, бундай қимматбаҳо совғани қабул қилишга юрагим бетламайди дер экан, ёноқларигача қизариб кетганидан, унинг қанчалар бахтиёр эканлигини билса бўларди.

Бироқ ушбу хайрлашув онлари қанчали таъсирли бўлмасин, Июганн фрау Дитмардан, кўрсатилган меҳмондўстлик учун ўз миннатдорчилигини билдириб, Фридрихга хат ёзсам майлими, деб сўрашни унутмади. Шунда фрау Дитмар, Фридрихнинг ўзи хат ёзишни унча хуш кўрмайди, деб огоҳлантирар экан, Июганнга ўғлининг дала почтаси померини берди. Сўнг, ўзим ҳам уйимизда қандай ажойиб одам турганлигини Фридрихга яна бир қарра ёзиб юбораман, деб ваъда берди...

Вайс аниқ кўрсатилган вақтда меҳмонхонага келиб, майорнинг чамадонларини олиб чиқди-да, багажхонага жойлаштирди.

— Варшава,— деб вишиллади Штейнглиц. У ўзини ўриндиқнинг суянчигига ташлаб, ялпайди-да, оёқларини узатди ва кўзларини юмиб ўзига-ўзи, энди ухлашим керак, деб буюрди. У ўзини ухлашга мажбур қила олишидан мағрурланиб юрарди, ахир бу ўта иродали, ўта

кучли шахснинг қўлидангина келадиган парса, биобарин, майор калондимоғлик билан ўзини худди мана шундай шахс деб биларди.

Хўл қор ёғиб турар, қори эриган жойларда ер очилиб қолган, пастликлар туманга чулганган эди. Совуқ, эт жунжикар, ҳамма ёқда аллақандай гашлик ҳукм суради. Бомбардимондан ўйдим-чуқур бўлиб ётган йўл чўзилгандан чўзилиб кетганди. Яқиндагина тикланган кўприклардан машина ўтаётганда гувиллаган садо келарди. 1939 йилнинг 1 сентябрида Польшага қилниган ваҳшиёна ҳужум арафасида кўпчилик кўприклар герман кўпуровчилари тарафидан портлатиб юборилган эди. Майда уезд шаҳарчаларида биоларнинг қоп-қора вайроналари кўзга чалинарди. Вақти-вақти билан машина текширув пунктларида тўхтаб ўтарди. Штейнглиц кўзини очиб, менсимайгина ўз ҳужжатларини берар, аксар пайтларда эса, занжирчага осилган металл нишонини кўрсатардики, бунини кўрган соқчи бошлиқлари питирчилаб қолишарди.

Гоҳо йўл ҳамма транспорт турлари учун берк, айланиб ўтилсин, деган ёзувлар учраб турарди. Вайс эса худди бу кўрсаткичларни кўрмагандай бўлиб, тўғри йўлдан кетаверар ва кўп ўтмай, моторлашган колонналарни қувиб ўтар ёки қўшин жойлашган ерлар, аэродром, қурилишлар, аслаҳахоналарга дуч келарди. Шунда гарчи, Варшавага қандай бориб кераклигини ҳақида бутун йўл давомида белгилар қўйилган бўлса-да, Вайс аллақандай сабаблар топиб, йўлни картага солиштирар, айниқса, диққатга сазовор объектларга дуч келганда шундай қиларди.

Аммо ҳар сафар картани олмасдан олдин, ухлаб ётган Штейнглицнинг башараси акс этиб турган пешанаси устидаги кўзгучага қараб оларди. Ўз хотирасига ишонганидан Вайс картага ҳеч қандай белги қўймасди.

Ўрмон бошланган жойга келишганда соқчилар машинани тўхтатишди. Майор ҳужжатларини кўрсатди, нишонини чиқарди — фойдаси бўлмади. Унтер-офицер тавозе билан ёлғиз машиналарнинг юриши ман этилган, ўрмонда поляк кўпуровчилари яшириниб олишган, деб айтди.

— Уят!— тўнғиллади Штейнглиц. Машинадан йўл четига тушиб, кейин тугмаларини қадар экан, унтер-офицерга деди:

— Уларни итдай қилиб дарахтга осиб керак. Қанча дарахтлари бўлса, ҳаммасига осиб керак.

— Гапнигиз ҳақ, жаноб майор. Осиб керак.

— Пега бўлмаса қаққайиб турибсиз? Ўрмонга боринг-да, осинг!— Шунда у этигига лой сачраганини кўриб қолди ва соқчи солдатга буюрди:— Артилсин!— У артиш учун эгилганда, ижирганиб айтди:— Қўрқоқ! Қўлларинггача қалтиллаб кетяпти-я. Бу ўрмон тўнғизларидан шунчалар юрак олдириб қўйибсан.

Аммо Штейнглицнинг ўзи ўндан ортиқ ҳарбий машиналар тўплангандан кейингина, шлагбаумни очишга рухсат берди. У Вайсга машинани колоннанинг ўртасида, бронетранспортёрнинг орқасида ҳайдашни буюрди-да, пистолетини тиззасига қўйиб олди. Кейин гранатани дарҳол брезент халтадан олиб қўймагани учун Вайснинг сўкиб берди.

Қоп-қора дарахтлар йўлни икки томондан сиқиб қўйишган эди. Рутубат ҳамда арча дарахтларининг иси келар, ўрмон ҳам Иоганнга танишдек кўринарди. Худди мана шундай ўрмонлар унинг Ватанида ҳам бор эди. Бу ерда эса Гитлер галаларининг темир оқимидан тап тортмай яккама-якка жангга бел боғлаган поляк партизанлари пайт пойлаб ётишарди.

Шу тобда Вайс отишма овозларини, грапаталар портлашини, пулемётларнинг тариллашини жуда ҳам эшитгиси келарди — бунини у дўстлар овозини эшитишга муштоқ одамдай кутарди. Аммо ўрмон сукут сақларди. Бунда ҳукмрон қоронғиликдан икки қадам нарини кўриб бўлмас,

Ўрмон шу қадар қалин эдики, худди шох-шаббаси тарвақайлаб кетган дарахтлар бир-бирлари билан тутшиб кетгандай кўринарди. Машина яна атроф очиқ текисликка чиққанида, бу ер Иоганнга ўрмонга қараганда ҳам қоронгироқ кўринди. Балким, олдинги ойнага транспортёрнинг орқа гилдирагидан лой сачрагани туфайли шундай туюлгандир. У лойни артиб ташлаш учун тўхтамоқчи бўлганди, майор қўймади: бронетранспортёрдан орқада қолиб кетишга кўрқди.

Тун ярмидан оғиб, Варшавага ўттиз километрча қолганда, Иоганн Штейнглицнинг буйруғи билан катта йўлдан четга бурилди. Баланд деворлар ва икки қатор тикашли сим билан ўраб олинган қандайдир бинолар олдига келиб тўхташди, афтидан, аввал бу ер бирон бойнинг амлоки бўлган кўринарди. Девор рахларига ўрнатилган соқчилар минорасидаги прожекторлар гир атрофга кўзни қамаштирувчи бўзарган нур сочарди. Дарвоза ёнида анчагина туриб қолишди. Соқчилар майорнинг ҳужжатларини текширишди, кўриқчи офицер кўнғироқ қилиб рухсат олгандан кейингина машинани ичкарига қўйишди. Ҳовлида Штейнглицни гражданча кийинган одамлар кутиб олишди. Майор уларга честь бериб ҳурмат билан саломлашди, кейин ҳаммалари биргалашиб ичкарига кириб кетишди. Иоганнга гаражга яқин ётоқдан койка беришди, гаражда эса энг яхши маркали яп-янги немис машиналаридан анчагинаси турарди.

Ташқи томондан ҳам турмага, ҳам лагерга ўхшаган сирли, холи бу қўра на турма ва на лагерь эди. Аммо бу ерда кўриқлашнинг энг етук техник воситалари қўлланганди: тиканли сим тўсиққа кучли ток қўйилган, найсимон Бруно айланалари ташланган, прожекторлар ўрнатилган металл мачталар сафи исталган дақиқада бутун собиқ помешчик қўрасини ёки унинг ҳар бир бурчагини тирноқ тушса кўринадиган қилиб ёрита оларди; кўринмас нур тўсиқлари липиллаб ёнувчи сигнал чироқлари ёрдамида бинога кирган ёки ундан чиққан ҳарбир кимсадан хабар бериб турар, умуман, бу ерда йиғилган инсон тафаккурининг ютуқлари ягона бир мақсадга — шу бир парча ерни бутун гашқи оламдан муҳофазат қилишга хизмат этарди.

Соқчилар бўлимасининг солдатларигина ҳарбий кийим кийган эдилар. Уларнинг ҳўжайини ва шу ернинг ҳукмронлари бўлмиш кимсалар эса гражданча кийиниб юрардилар. Бу кимсаларнинг унвон ва амалини уларга билдиришаётган қуллуқнинг даражасидангина билиб олса бўларди. Улардан биронтаси ҳам ўзининг ҳарбийлигини, айнан ўзларига ўхшаган, фақат янада дарозроқ, янада ғозмонанд кишилар устидан ҳукм юргизиш ҳуқуқига эга эканлигини яшириб ўтирмас эди. Гражданча кийинган муте шахслар ўзларини ихтёрий суратда тош флигелларга қамаган маҳбусларга ўхшаб кетардилар. Улар кун бўйи банд бўлишар ва фақат тушликдан сўнг, баъзилари эса кечки овқатдан кейингина, ички ҳовлининг тош тахта ётқизилган ҳовлисида айланиб юришарди. Бу ҳовли флигелларни ҳўжалик уйларидан ажратиб турарди.

Ташқи олам билан алоқа қилиб туриш ҳуқуқига эга бўлган гражданча кийинган кишилар ташқарига чиқиш олдидан бир қанча соқчилик постларда текшириларди. Бу постларда махсус СС қисмларига тегишли одамлар турар, афтидан, ташқи соқчилик шуларга топширилганди.

Чамаси, эсэсчилар қўра бошлиқларига бўйсуншмасди, чунки киратган ёки чиқаётган ҳар қандай машина йўловчиларининг юзига тап тортмай фонус тутиб кўришар, ҳужжатларини олишар, текширгани комендатурага олиб кириб кетишар, қайтаргани эса шошилишмасди. Қайтариб беришаркан, ҳалиги кимса нечоғлик юқори мансаб эгаси бўлмасин, фарқсиз қўл силтаб қўя қолишарди.

Вайснинг эркин юриб борадиган жойлари ниҳоятда чекланган эди.

Бор-йўғи хўжалик биополари-ю, тош ётқизилган саҳн эди, холос. Бундан нари ўтишга унинг ҳаққи йўқ эди. Кўзга кўринмас чегараларни ички соқчнлар қўриқлашарди; буларнинг ҳар бирида пистолет, брезент халтачада граната, автомат бўларди.

Буларнинг баридан қандай мақсад кўзланганини Иоганн ҳозирча билмасди.

Бу ердагиларнинг ҳаммаси одамови эди. Иоганн ўзини гўё соқовлар ичига тушиб қолгандай ҳис этди. Ҳатто бир-бирлари билан муомала қилганларида ҳам сукут сақлашга ўргатилган бу одамлар оддий инсон тилида сўзлашишдан кўра, имо-ишора билан иш битиришни афзал кўрардилар.

Гаражда бир уюм тунука номер белгилари ётарди — машина узоқ йўлдан қайтиб келганда, ҳар сафар унинг номерини алмаштиришар эди. Яп-янги машиналарни қайтадан бўяшаётганини Иоганн бир неча марта ўз кўзи билан кўрди. Учта енгил машинанинг ойналари ярим хирра, иккитасиники эса — ичини кўриб бўлмас даражада эди, фақат пешойна бундан мустасно бўларди.

Вайс ошхонада ўзига ўхшаб кўринмас чегаралардан нари ўтишга ҳақи бўлмаганлар билан овқатланарди. Овқатланишда ўз-ўзига хизмат қилинарди. Узоқ ўтириб кўп овқат ейишар, ҳеч кимдан миқ этган садо чиқмас, бировнинг биров билан иши бўлмасди. Ердამчи хизмат қисмларидан бўлган, шу ердаги барча кишилар каби хўп ўргатилган, ҳамма нарсага қонган, совуққон, хатти-ҳаракатлари эркакнамо қизлар ҳам бу диққинафасликка жон бағишламас эдилар. Улардан биронтасини стол ёнида ўтирганида эзнб қучоқлаганларида ҳам, қиз афт-ангорини ўзгартирмай, оғилга бош солган байталдай хотиржам кавшанишда давом этарди. Мабодо, бу овқат ейишга халал берадиган даражада бўлса, у яна шундай индамасдан куч билан хушторини итариб юборарди.

Кечки овқатдан кейин шнапс, гоҳо пиво беришарди. Шунда ҳар ким ўз тегишига суяк ташлаб ўйнаши мумкин эди. Агарда биронтаси ичкиликни қизга берса-ю, у қабул қилса, бошқалар қиқирлашиб, хотамтойини бўлажак иннана билан табриклай бошлашарди.

Аммо бу вақтихушлик узоққа бормас, бир зум давом этар, кейин яна ҳаммалари гунг бўлиб олиншар, ҳозиргина ўзлари қўполдан-қўпол ҳазил қилишган бояги жуфтга энди қайрилиб ҳам қарамай қўйишарди.

Шу зайлда анчагина вақт ўтди, майор Штейнглиц ҳамон қорасини кўрсатмасди. Бир хилда, оқовадай кечган бу ғалати тутқунлик ўзининг бемаънилиги, бўғиқ нафаси билан Иоганнни дилгир қиларди. У ҳатто бунинг қанақа қисмлиги, ким уни таъминлаши, одамлар нима билан шуғулланишларини ҳам билолмади.

Бир куни ошхонада гўшт қиймалайдиган асбобнинг электр мотори ишдан чиқиб қолди. Иоганн уни тузатиб берди. Ошпаз эса бунга жавобан бош силкиб қўя қолди, холос. Гарчи, атрофида одам етарли бўлса ҳам, Иоганн ошхонада уч соат ишлаганига қарамай, биронтасидан бирон оғиз сўз эшитмади. У гараж механигига ёрдамлашганда ҳам механик жон-жон деб буни қабул қилди, аммо раҳматига келганда бош силкиш билан чекланди.

Елғизлик, бекорчилик, бу ерда туришдан ҳеч бир маъни йўқлиги борган сари Вайснинг жонига тегиб борарди.

Штейнглиц шофери борлигини унутиб юбордимми, ё уни буткул бу қисмга бериб кетдимми — аниқ-таниқ бир нарсани биллиб бўлмасди.

Ҳар куни эрталаб, тиканли сим билан ўраб олинган кўроча ёнида шогирди билан ит ўргатувчи келарди.

Семиз, калтабақай елкалари гўштор ит ўргатувчининг бир қўлида қамчи, иккинчисида учига чарм ҳалқа қилинган тасқ бўларди. У эгнига

оқ свитер, жигар раяг чарм нимча, ёғ босган замша шорт, қалин жун пайпоқ, таги гўлалор бутси ва жуда кўп нишонлар қадалган пиролача шляпа кийган эди. Унинг профессорларникига ўхшаш кўзи йилгиллаб турар, соқолни доимо қиртишлаб олинган бўларди.

Ёнидаги ёрдамчиси қандай одамлигини тушуниб бўлмасди. Қўйиб-қўйган жонли тасқаранинг ўзгинаси эди. У устига қавима брезент комбинезон кийган, комбинезоннинг қиличбозлар юзга тутадиган сим тўрли ниқоби ҳам бор эди. Бўйнига эса худди бурама колбасадай ичига қипиқ тўлдирилган брезент шланг чирмаб ўралган. Қориндан пастида автомобиль баллонидан бичилган этак, этакнинг устидан эса брезент қоп тутилган эди.

Итлар жўн йўл билан ўргатиларди. Ёрдамчи тўппа-тўғри юриб бораркан, итлар ўргатувчининг оёғи ёнида жим ўтиришарди. Шогирд ўзини жаҳл билан четга ташлаши ҳаманоқ, итлар бу тирнк тасқарага ташланишар ва қипиқ тўлдирилган шланг ўрамларини, қориннинг пастини сақлаб турувчи этак устидан осилган брезент қопни тишлаб юлқий бошлашарди.

Агарда итлар ёрдамчини ағдариб юбориб, командага қарамай булғалашда давом этсалар, ўргатувчи уларни қамчилаб ҳайдар, ҳаддан ташқари қутуриб кетган итни эса, бошига таёқнинг чарм ҳалқасини солиб тортиб оларди.

Ўргатувчи ёрдамчиси билан сира гаплашишмас эди. Итларга ҳам сўз билан эмас ҳуштак чалиб буйруқ бериларди.

Бир куни ёрдамчи оғриқнинг зўридан чинқириб юборган эди, ўргатувчи қутуриб кетган итларни одатдагича дарҳол ҳайдаб юбормади, аксинча, бир оз ўз ҳолига қўйиб берди, кейин улар ҳар томонга қочиб кетганларидан сўнг, ерда қора қонига беланиб ётган одамни мўлжаллаб туриб бутсининг тўмтоқ учи билан тепди.

Вайснинг уни кузатиб юрганлигини сезиб, ўргатувчи Иоганни учратиб қолган кезлари у билан мулойим саломлаша бошлади.

Кунлардан бир куни у сим тўсиқ олдига келди-да, сўради:

— Зўрми?— Сўнг мақтанди:— Бу итлар худди ёш боладай итотли. Фақат ҳукм юритиш учун қобилнат ва ирода бўлса, бас.— Шикоят қилди:— Ҳозир яхши зотларини қўлга киритиш мушкул бўлиб қолган. Ҳарбий асирлар иши билан шуғулланадиган ОКВ қошидаги барча ташкилотлар ва округ штаблари ўзлари ит ўргатишга киришганлар. Бу яхши гап. Яхши ит яхши солдатдай хизмат қилиши мумкин.

Вайс кўзлари билан итларга ишора қилди:

— Бунақа пўстинда уларга рус қиши чивин чаққандай таъсир қилмайди! Нима дейсиз?

— Бўлмаса-чи, — унинг гапига қўшилди ўргатувчи. Сўнгра қизиқсиниб сўради:— Совуққа тобингиз йўқми?— Юнатди:— Фюрер Россияни яшин тезлигида кунпаякун қилишга ваъда берган. У ерда рождество байрамини ёлғиз бизнинг гарнизонларимиз ўтказди деб бемалол айтиш мумкин...

— О, шубҳасиз шундай, — маъқуллади Вайс.

Мана унинг мамлакати таҳдид остида қолганлигининг яна бир далили. Нима ҳам десин, Германиянинг ҳарбий мннистрлиги ҳатто итларни ҳам Шарқий фронт учун тайёрлаётгани ҳақида Марказни хабардор қилиб қўйиш мумкин эди.

Бир маҳаллар инструктор устози Александр Беловга айтганди:

— Нима ҳам дейиш мумкин, агар уруш бошланиб қолса, армяни, халқни орқадан келиб бериладиган қабнҳ зарбалардан ҳимоя қилиш чекнстининг бурчи. Бундай зарбаларнинг олдин олшиш учун у ёқда иш кўраётган одамлар ниҳоятда ҳушёр туришлари керак. Сен узоқ муддат

амал қилишинг керак бўлган қўлланма ана шу. Бу очиқ, кундай равшан гап. Боз устига, чуқур мулоҳаза қилишимиз, ташаббус кўрсатишимиз, фаросатли бўлишимиз, совет кишларининг тўкилган ҳар бир томчи қони учун, қаерда бўлмайлик, шахсан, ҳар биримиз алоҳида жавобгарлик ҳис этишимиз керак бўлади...

13

Хўжалик биноларига икки қаватли гиштин флигел уланиб кетган бўлиб, у тиканли сим билан ўраб ташланган пирамонли баланд девор билан тўсилган эдн. Бу девордаги дарвоза кунига уч марта очилар, шунда у ерга ошхонадан иссиқ овқат солинган термосларни олиб кириб кетардилар. Шанба кунлари термослар ёнига пиво ва ароқ солинган яшиклар қўшиларди. Кун бўйи бу дарвозадан фақат бир марта — эрта-лаб соат олтида, хали кун ёришмасдан — саккиз киши трусикчан саф тортиб чиқишар ва ҳаво қандай бўлишидан қатъий назар гимнастика машқлари бажаришарди. Кейин яна шундай саф тортишганича ичкарига кириб ғойиб бўлишарди.

Ҳафтанинг олти кунини шу аҳволда кечарди. Якшанба кунини эса тушликдан сўнг улар тош ётқизилган ифлос майдончага чиқишар ва худди оғир ишдан қаттиқ чарчаган одамлардай гараж ёнидаги ташландиқ автомобиль гилдиракларига ўтириб дам олишарди. Улар гитлерчи қўшинлар тор-мор қилган Европа армияларининг ўлжа мундирларини кийиб олишганди — бирининг эғнида французча, иккинчисиникида данияча, бошқасиникида эса норвегча кийимни кўриш мумкин эди. Баъзи бирларининг энгил-бошини эса қурама ҳолда бўлиб, айтайлик, шимни французларники бўлса, кители инглизларники эди.

Булар ким бўлдийкин? Буйруқ бўйича улар бир-бирлари ҳақида ҳеч нарса билмасликлари лозим эди, бунга ҳақлари ҳам йўқ бўлиб, билишга ҳаракат қилсалар қаттиқ жазога тортилар эдилар.

Беватан кимсалар булар. Уларнинг исми йўқ — лақаби бор, холос. Уларнинг на ўтмиши, на келажаги бор. Буларнинг махсус хизмат анкеталарида номи қайд этиб ўтилган халқ ўз шарафи ва озодлигига қарши қилинган жиноятларни сира кечирмаслигини быладилар. Уларга бир йўл қолган: швал разиллик билан ном чиқазган бўлсалар, энди унга жаллодлик шуҳратини қўшишлари керак.

Берлин, Мюнхен, Гамбург жиноят қидирув хизмати уларни беш қўлдай билади. Баъзиларига сон-саноқсиз муҳожир жиноятлари учун жазо ўташга икки қайта яшасалар ҳам умрлари етмасди.

Уларнинг ҳуқуқини ҳимоя қилиш учун қонун ҳам, улар қонунни пофтомол қилмаган мамлакат ҳам йўқ эди.

Мана шу одамларга яқинроқдан қараб, уларнинг кимлигини тушуниш учун Вайс якшанба кунини гаражда ўзига иш ўйлаб топди.

У гараж дарвозасини ланг очиб қўйди. Шунда у гапираётган кимсанинг ўзини кўрмай туриб, русча айтилган гаплар, русча сўзларни эшитди.

«Р» ҳарфини ямлаб ютаётган босинқи баритон овоз эринчоқлик биллап мингилларди.

— Улимдан қўрқини ниқобловчи муҳофаза усули моҳият-эътибори ила тўртта: секс,¹ афъюн, ўта мулоҳазакорлик ва агрессия.

— Фрейд фалсафаси, — дея сўз қистирди кимдир ноҳўшлик билан.

— Ажабмас. Бинобарин, «Ҳар бир одам — менинг душманим», — деган фикр тафаккурнинг бош илдизи экан, қондошни ҳам, бегонани ҳам

¹ С е к с — шаҳват. (тарж.).

Ўлдириш замонавий ишгина эмас, балки, айни чоқда, жамиятни сақлаб қоллиш зарурати ҳамдир.

— Эҳ-ҳе, жа уччига чиқибдиларми, дейман. Яхшиси, хотинлардан гапирсанг-чи,— деб маслаҳат берди кимдир хириллаган овоз билан.

— Марҳамат,— рози бўлди баритон.— Бу ерда сонлари ўлгудай тарвақайлаб кетган, нима десам бўларкин, қўйинг-чи, худди галифе шимга ўхшаб қолган битта қаримсиқ фариштани кўрдим. Буни қаранг-ки, ирқий жиҳатдан пастсан, деб мен билан бўлишни хоҳламади.

— Кўрсатган ҳунарларинг учун орий ирқ унвонини талаб қилсанг бўлмайдим.

— Мен кўрсатган хизматларимни шефга эслатиб қўймоқчи бўлгандим, аммо у яна миқ этиб оғиз очадиган бўлсанг, осаман, деб тоза диди-хиралик қилди.

— Фақат ҳақиқатгина умидларни яксон қилолади,— баландпарвоз қилиб деди баритон.— Зубнинг адашиб-улоқишлари ўзига. Буюк иттифоқчимиз Германиянинг гуллаб яшнаши учун даврини сураверсин. Менга келганда, айтиб қўяйки, ҳеч қачон ахлоқий юксак нарсаларга ўзимда эҳтиёж сезган эмасман, умид қиламанки, эҳтиёж сезмайман ҳам.

— Охират-чи, худойим нима дейди?

— Бу борада парвардигор ҳам мен билан ҳамфикр бўлса керак, деб ўйлайман.

— Сен пичоқ билан эмас, қалам учи билан кун кўрсанг бўларди. Нега бу ишни ташладинг?

— Ташлаганим йўқ, ҳайдаб юборишди. Яшин тезлигида бойийман деб қовун тушириб қўйдим. Кўп машиналар бўлди. Мабодо, нариги дунёга немис хотинини эмас, ўзимга ватандош аёлни жўнатганимда, ҳаммаси аллақачон тинчиб кетган бўларди.

— Қанча беришди?

— Рноя қилишди. Судда кампирни чин кўнгилдан севардим, деб туриб олдим. Рашк натижасида кўзимга қон тўлиб, ўлдириб қўйибман, дедим.

— Анчадан бери дон олишиб юрармидинг?

— Шкуро бошчилигидаги суворийлар труппаси билан циркда чиқиб юрганимда танишган эдим, бир-бир ярим йилдан кейин бошимизга жу-долик тушди.

— Мардикор ишлабсан-да...

— Нима ҳам дердим, бошимга «Пиковая дама»даги Германиянинг қисмати тушди: на пул қолди, на кампир.

Хирилдоқ кимса ўйчанлик билан деди:

— Ҳарқалай бу ҳодисалар бир-бирига ақлга тўғри келмайдиган даражада ўхшаш... Николайни Тобольскка сургув қилишди, Тобольскдан бир неча чақирим нарида эса Покровское қишлоғи бор — Гришка Распутиннинг ватани.— Хўрсинди:— Эҳ, Россия!

— Утинаман!— чийиллаган овоз билан деди улардан бири.— Император аъло ҳазратлари ҳақида...

— Қўйсанг-чи,— хотиржам туриб рад қилди хирилдоқ.— Зиғирдаккича муштумларингни кўрсатиб дўлаяверма. Башарангни шунақаям безаб қўяманки, худди пластик операция қилингандай, биронта ҳам мужик ўзининг аввалги тўрасини таниёлмай қолади.

— Таниб олади!— ваҳимали қилиб деди овози ингичка.— Таниб олади...

— Ҳали немислар сенга қўргонингни кайтариб бериб қўя қолдияму, сен ола қолдингам!

— Жаноблар!— Дағдаға қилди барнтон.— Ҳаддан ошяпсизлар, сен-

лар Россиянинг собиқ территориясига нисбатан Германиянинг режаларини муҳокама қилишга ҳақларнинг йўқ.

— Ким чақади?

— Айтайлик, мен,— жавоб берди баритон.— Мен. Албатта, агар олдинроқ сен етказмасанг.

— Ифлос!

— Айни ўзи...

Кимдир ҳикоя қилди:

— Бременда қамалиб ётганимда, бизни қуролсозлик устахоналарига ҳайдаб олиб боришарди, кейин камсрага қайтиш олдидан рентгендан ўтказишарди: битта-яримтаси цехдан асбоб-ускунани ўғирлаб кетмаётганимкин, деб шундай қилишарди. Рентген нурлари одамнинг ановиндай қобилиятини сусайтиради деб айтишади.

— Бу қобилиятнинг сенга нима кераги бор?

— Ҳар ҳолда...

— Жаноблар, биласизми, мен аввало боршч билан растегай заказ қиламан. Биласиз-ку, мана бундоқ...

— Яхшиси, сеп овқатни камроқ ур. Семириб кетасан-да, парашютда ташлашганида оёгингни синдирасан. Менга мапа шунақа бир нусха шерик бўлиб қолувди — бирпасда оёгини чиқариб олди. Даволашга тўғри келди — пистолет билан.

— Аҳмоқ экансан-ку!

— Нима қилай бўлмаса? Совет касалхонасига опичиб бораймн?

— Жарроҳга ўхшаб ничоқ ишлатишинг керак эди.

— Оббо қассоб-эй!

— Ўпкангни бос, сенга шерик бўлиб қолсам, ишингни шов-шувсиз битираман.

— Агар ерга тушмасингданоқ бир ёқлик қилмасам.

— Шунақа қўполлик қилишнинг нима ҳожати бор?— яраштирмоқчи бўлиб деди баритон.— Баҳор, пасхага оз қолди.

— Қаерда байрам қилмоқчисан?

— Россия Рязанида-да, қаерда бўларди?

— Чекага судраб қолишмасин тагин. Байрамнинг чиқади!

— НКВД,— жиддий оҳангда тўғрилади овози ингичка.— Бунақа қолақ бўлманглар.

— Тўтидай ёдлабди-е...

— Нима бўпти, йигирманчи йилдан бери уйда бўлганим йўқ.

— Ҳечқиси йўқ, гингшима. Яқинда олиб бориб ташлашади.

Вайс ҳаво тўлдирилган баллонни кўтариб гараждан чиқди-да, ҳалиги одамлардан сал берида ўтириб олди ва тешиги йўқмикин, деб баллонни диққат билан кўздан кечира бошлади. Кейин уни кўзоғига босиб ҳаво чиқиб кетяними, йўқми деб ҳафсала билан текширишга киришди.

Баланд бўйли, тараша, кемирчак бурун кимса бошини бурмасдан русчалаб сўради:

— Ҳей, солдат, чекишинг йўқми?

Вайс диққат билан қўлида баллонни айлантирарди.

— Сигаретанг бўлмаса, мен бериб тура қолай?— ана ишиллаб сўради найнов.

Вайс ҳамон ўз ишидан боти кўтармасди.

— Э, қўрқмасанг-чи, у русчадан ҳеч вақо тушунмайди.— деди гирдиғум. Кейин немисчалаб сўради:— Ҳей, солдат, соат неча бўлди?

— Соатим йўқ,— деб жавоб берди Вайс ва бу одамларнинг юзига бирма-бир тикилиб чиқди.

Яроғ бошли малла одам Иоганнга тиржайиб туриб, русчалади:

— Бўлмаса, қўлида соати турибди-я. Чўчқа, немис чўчқаси. Димюф

қилишини қаранг бунинг!—Илтифот билан сигарета узатди-да, энди немисчалаб:— Марҳамат, олинг, қўлнимни қайтарманг,— деди.

Вайс йўқ дегандай бошини лққиллатди-да, ўз портсигарини чиқарди.

Малла Вайс қайтарган сигаретани қулогига қистирди-да, сўлиш олд ва русчалаб шикоят қилди:

— Мана шунақаларни деб қоп тўкасан.— Сўнг Вайсга ўгирилиб, немисчалаб деди:— Қойил, солдат! Хизматпи биларкансан.— Қўлини кўтарди:— Хайль Гитлер!

Вайс гаражга баллонни ташлаб, қайтиб жойига келди-да, тиззасига кичкина тахтача билан бир парча қоғоз қўйди.

Вайс қоғозга энгашиб олиб, унга нималарнидир иштиқ билан чизарди. У ора-сира олақуроқ мундир кийган, немис тилини, эҳтимол, бошқа тилларни ҳам худди рус тилидай биладиган одамларга фарқсиз назар ташларди. Булар аллақачоноқ ўз табиий қиёфаси, ўзига хос хусусиятларини йўқотган кимсалар эди. Гарчи турқи тароватлари ҳар хил бўлса ҳам, уларнинг юзида золимлик, бепарқлик, совуққонлик ифодаси бир хилда тўниб қолган эди.

Иоганн буларнинг турқига тикилгани сайин, уларни эса сақлаб қолиш қийинлигига шунча кўп ишонч ҳосил қиларди.

Келаси якшанба кунини ҳам у яна гараж ёнидан ўз ўрнини ишғол қилди ва эговини қитирлатиб автомобиль камерасига ямоқ солди. Бу ишни тугатгач, карбюраторни қисмларга ажратди, ювди, яна қайтадан йиғиб қўйди. Сўнг қўлларини эски-тускига артиб, аввалги сафардай хат ёзишга киришди.

Ҳалиги одамлар индамас, интизомли немис солдатига парво қилмай, ўзаро вақирлашиб ўтиришарди.

Вайс уларнинг афт-ангорларига бирма-бир бепарқ тикилиб чиқар, кейин бошқа бирор чет нарсага кўз ташлар ва худди хатга керакли сўзларни топгандай яна ёзмоққа киришарди.

Уйга хат ёзиш билан машғул бўлган солдатни ким кўрмаган дейсиз, шундан бўлса керак, анави кимсалардан ҳеч қайсиси унга қайрилиб ҳам қарамас эди. Боз устига, унинг русчани билмаслигига ишонч ҳосил қилган эдилар.

Чамаси, қотмадан келган, бошни қирдирилган, юзлари қолипдан чиққандай, кўзлари кул ранг ва совуқ, ўта қийиқ манглайда қоши ингичка ипдай чўзилган кимса буларнинг ичида бошчилик қиларди. У оғиз очганда, бошқалари жим бўлиб қолишарди. Ҳатто, тамтамланиб сўзловчи, «Ўлдириш учун анатомияни билиш шарт эмас», «Муттаҳамлар ичида мен новатор бўлишим мумкин эди», «Сидқидилдан севиш ҳамма нарсадан қиммат тушади» каби ҳикматлар сочувчи баритон ҳам миқ этмай қоларди.

Нима ҳам бўлди-ю, у кўзларини сузиб:

— Қачонлардир мен кўзлари шаҳло, нафисгина хотинга уйлангандек эдим,— деб қолди.

Боши тарашланган тиржайди.

— Кейин эса уни Байрутда бир лубнон жуҳудга сотиб юборгандинг.

— Нима кераги бор одамни таҳқирлашнинг — арабга де, жилла қурса шайхга де, ахир.

Боши тарашланган қовогини солиб, тишлари орасидан деди:

— Нима деб менга вақиллаяпсан ўзи?

Баритон овоз шу заҳоти пўст ташлади:

— Майли, майли, Хряш, сен ҳақсан, ҳақсан.

Қотмагина, қиргийбурун, кичкина юзларини ажин босган чайир чол кавказча талаффуз билан сўради:

— Шайх? Шайх деганинг нимаси? Мана мен ўзим шайхман. Неча пулга сотувдинг, эсингдами?

Юзлари салқинган, сийрак сочлари тепакалига ёпиштириб таралган одам елкаларини қисиб қўя қолди.

Сочи тарашланган деди:

— Жаноблар, биз бу ерда ҳам тартиб ўрнатиб қўйсақ бўларди.

— Немислар ўртасидами?

— Мен рус муҳожирларини назарда тутяпман. Бировларини Гитлер умидвор қилиб, кўнглини кўтарди, бошқалари, пролетарга айланганларь эса, ватанинг тақдири хусусида қайғуриб юришибди.

— Сўйиш керак,— маслаҳат қилди чол.

— Емон бўлмасди,— рози бўлди боши тарашланган.— Баъзи бирларини шефга айтдим. Ўз қўлимиз билан тинчителишимиз мумкин дедим. Бу билан сабоқ берган ҳамда йўлдан озганларни қатл этишга доимо тайёр эканлигимизни счиқ намойиш қилган бўлардик. Аммо афсуски, шеф рад этди. Бу иш билан гестапо шуғулланади, деб ваъда берди. Ҳар ҳолда, кўнглимдагидай бўлмаганга ачиндим,— маъюс тортиб сўзини тутатди у.

Салқи юзли киши орзумандлик қилиб чўзилди:

— Россияда ҳам ҳозир баҳо-ор!

— Сакраётганингда, калнш кпйпшни эсингдан чиқарма, оёғияг ҳўл бўлиб қолмасин тагин.

— Қуриб қолар деб ўйлайман...

— Польшани уч ҳафтада босиб олишди.

— Айтайлик, Россия — Польша эмас.

— Қайси Россияни айтяпсан? Большевикларникими?

— Ҳар ҳолда, дейман-да...

— Ола-а! Бу ҳам калтак еган нтдай вангиллаб қолди-ю.

— Ҳар биримизда ҳам аллақандай ҳайвонлик хусусияти бор...

— Сен бўйинбоғингдаги рақамни ёдингда тут, қолганини унут...

Қўешнинг қуруқ, губорангиз анқиган нурлари манави тош билан қопланган ерга, биноларнинг панжара тутилган деразаларига, манов маҳв этилмиш Европа армияларидан ўлжа мундирларни кийиб олган олчоқ, хоинларга тушиб турарди. Тепасига тахтадан пиромон чиқарилган, тиканли сим билан ўраб олинган баланд девор сербар, қуоқ соя ташлаб турар, ҳовли худди қора хандақлар билан ўраб олингандай туюларди. Соқчи уюларнинг саҳиларинда қўриқчиларнинг оғир этикларга гумбурларди. Иоганн мук тушиб ўтирар, тиззасига қўйилган тахтачадаги қоғозга ниманидир диққат билан ёзарди. У ҳам бу ерда тутқун эди, ҳамма нарса қатъий бир қолипга солинган, худди қамоқ сингари ҳаётнинг тутқуни эди.

Шундоқ бўлса ҳам, у бу ерда бирдан-бир озод ва ҳатто бирдан-бир бахтиёр эди ва манави даҳшатли оламда кун ўтиб борган сайин, ўзини бирдан-бир бахтиёр инсон эканлигига тобора қаттиқроқ ишонч ҳосил қиларди. Бу ўз умрининг ҳар бир дақиқасини ўз халқининг иши учун, равнақи учун сарфлаётган инсоннинг бахтиёрлиги эди.

Мана ҳозир ҳам Иоганн офтобда ўтириб олиб, сабр-тоқат билан зеҳн қўйиб ишляпти. Ҳа, ишляпти. Юпқа қоғозларга манов одамларнинг суратларини учи ўткир қалами билан чизиб оляпти. Уларнинг ҳар бирини ҳам ёнидан, ҳам олд томонидан туриб чизмоқчи. У худди миниатюрачидек синчковлик билан чизмоқда.

Саша Белов ҳеч қачон бунчалик қаттиқ ҳаяжонланмаган, шу топдагидай ўз рассомлик истеъдодини кўрсатишга интилмаган эди.

Агар санъатда ҳунармандларча «қозонда бори чўмичга чиқади» деб асар яратиш нечоғлик унга ёт бўлган бўлса, мана энди айни шу «қо-

зонда борини чўмичга чиқариш»гина шу тобда қўлида бўлмаган фото-объективнинг ўрнини босарди. У бу башараларни шунчалик аниқ чизгани керак эдики, то улар қўлда чизилган сурат эмас, фотосуратдан кўчирилган нусха бўлиб қолсин.

Чиза туриб, у ўз чеҳрасига зўр-базўр сўз топиб хат ёзаётган кишидек мудроқ ва ўйчан бир ифода бериши лозим эди. Зотан, кўпгина совет кишинларининг тақдири ва ҳаёти, эҳтимол, мана шу ишининг муваффақиятига боғлиқ бўлар.

Ҳар кунни ошхонага эр-хотин бўлган икки кар-соқов киши қатнарди. Эри давангир, сочлари қора, йирик юзи тахтакачдай қотган кимса эди. Унинг кўзлари сезгир, эҳтиёткор ёввойи бир ифода билан киирик қоқмай боқади.

Хотин сариқдан келган, майин малла сочли, ўзи нозик, санамарастадай, сезгир, асабий, ҳозиргина уни ҳаяжонга солган нарса дарҳол юзига қалқади. Бу ўта таъсирчан, кечинмалари чеҳрасида қандайдир ўта яланғоч акс этиб турадиган аёл эди.

Эр-хотин хизмат қилиб юривчилар сирасидан эмасди. Улар бу ерда алоҳида бир мавқега эга эдилар. Гунг киши ўзини ошхонада бошқа ҳеч кимса йўқдай тутар, булар эса ўз иавбаотида бу кар-ку, эшитиб ўтирибдими, деб ўйламай, уларни камситиши мумкин бўлган нарсаларни гапиршига ботинмас эдилар.

Бир кунни ошхонада бошқа ёқдан келган бавариялик давангир унтер-офицер овқатланди. У гунг аёлга кўз қирини ташлаб, ёнидаги одамга:

— Кўнгил очса бўладиган хотин экан, рози бўлса йўқ демасдим,— деди.

Гунг киши ўрнидан туриб, унтер-офицерга томон аста юриб келди-да, кафтининг қирраси билан унинг бўйнига бир урди. Сўнг қўлтиғидан кўтариб, жойига ўтқазиб қўйди ва хотинининг ёнига қайтиб борди. Биронта одам, ҳей нима қилипсан, демади. Ҳамма ҳеч нарса юз бермагандай овқатланишда давом этарди.

Иоганн оғриқнинг зўридан бир муддат палаж қилиб қўядиган бундай зарб бериш усулини биларди.

Ранги қув ўчган, юзига тер чىққан унтер-офицер оғзини ланг очиб ҳаво ютарди. У ўзидан кетиб, стулдан қулаб борарди.

Иоганн уни ҳовлига олиб чиқди, кейин ўз хонасига олиб бориб, каравотга ётқизди. Унтер-офицер ўзига келгач, ўрнидан турди ва ҳали бу соқовни гестапога туширмасам, юрган эканман, деб дағдаға қилганича шу ернинг штабига қараб жўнади. Аммо кўп ўтмай, у ўсал бўлган ва рапжиган бир алфозда қайтиб келди.

У тобора дарғазаб бўлиб, уни ҳақоратлашгани ҳақидаги рапорт нима учун бошлиқлар томонидан қатъий суратда рад этилганини Вайсга сўзлаб берди. Иоганннинг ўзи ҳам бу ғалати жуфтнинг ким эканлигини фаҳмлай бошлаган эди.

Кар-соқовларни агентура ишига тортаркан, Канарис ўзини янгиллик яратувчи — новатор деб ҳисоблар эди. Абвер бошлиғи улардан ўзини қизиқтирган одамлар турлича шароитда нима ҳақида баҳс қилишларини билиш имкониятига эга бўлиш учун фойдаланарди.

Бу кар-соқовлар ўзлари кузатиб юрган одамлардан йироқда туриб, уларнинг сўз талаффуз қилганда оғиз очишларига қараб, нима ҳақида гап кетаётганлигини аниқ айтиб берардилар. Агар орадаги масофа анчагина олис бўлса, дурбин ёки кўзи ўткир одамларга мўлжалланган, алоҳида кўзойнак ишлатардилар.

Аммо агентларнинг манави жуфти штрафга тушганлардан экан.

Улар фарзанд кутаётганликларини шефдан яширибдилар. Герма-

ниядан четда турарканмиз, омон-эсон ниятимизга етамиз, деб ўйлашибди.

Аммо бола туғилмасдан бурун қайтиб келишга тўғри келибди.

Аёлни ҳомиладорликнинг охирги ойида кўчада тутиб олиб, абвер агенти бўлишга қарамай, госпиталга келтиришибди, бу ерда қорнини ёриб болани олишибди.

Аёлга бола ўлган дейишибди. Ўзининг тирик қолиши учун эса энг яхши врачлар ўлиб-тирилиб ҳаракат қилибди. Керакли одамидан айрилса, абвер уларни сира кечирмас эди.

Мана энди эр-хотинни бу ерга, унтер-офицер бадхоҳлик билан айтганидай «карантинга» юборишибди. Бошда гунгалаклар ўзларини ҳар томонга уришибди ва ҳатто ўзларини газ билан ўлдиришга ҳам уриниб кўришибди. Бироқ абвер уларга кузатувчи тиркаб қўйибди. Уларнинг бошқа йўл билан ўзини ўлдириш учун шундан кейинги қилган ҳамма ҳаракатлари зое кетибди, шу билан бундан ҳам қўлни ювиб қўлтиққа уришибди, чунки абвернинг хизматидан ўлимга бир карра рози бўлиб ҳам қутулиб бўлмаслигини тушуниб қолишибди.

Иогани ит ўргатувчидан чиқитга чиқарилган кучук бола сотиб олиб, гунг аёлга совға қилди. Аввал у олайми, олмайми, деб иккилашиб, илтижолни кўз билан эрига боқди. Эри бош силкигач, аёл итни жон ҳолатда олиб бағрига босди. Эри кармонини чиқариб, Вайсга жиддият билан саволомуз тикилди.

— Тортиқни қабул қилсангиз, шунинг ўзиданоқ хурсанд бўлардим.

Гунг пайсалланди, сўнг кармонини чўнтагига солди-да, сигарета тутди. Чекдилар.

Вайс деди:

— Мен майор Штейнглиц қўлида ишлайман. У ҳам абвер.

Гунг бош силкиди.

— Мен унтер-офицерга ёрдам беришга мажбур бўлдим. Сизни хафа қилишлари мумкин эди,— дея тушунтирди Вайс.

Гунг лабларини нафрат билан чўччайтardi.

Аёл кучук болани бағрига босганича, Вайснинг қўлини қисиб қўйди. Унинг юзи мулойим ва бениҳоя маънос эди.

У қорни устида қўлини айлантриб кўрсатди-да, бошини чайқади. Қўзлари жиққа ёшга тўлди.

Эри лабларини қисиб, қовоғини солди. Сўнг мушти билан бошига уриб, кўзларини юмди, кейин умидсизлик билан қўлларини ёзди.

— Бошингизга қандай қайғу тушганига тушунаман. Аммо яшаш керак,— деди Вайс.

Аёл бармоғи билан ўзини, эрини, кейин кучук болани кўрсатди-да, бошини чайқади.

— Сиз ҳақсиз,— деди Вайс,— ҳайвон эмас.— Сўнг, бир оз сукут қилиб тургач, ёддан ўқиди:— «Инсон юпқа лак билан қопланган, қўлга ўргатилган ёввойи ҳайвондир, холос».

Аёл афтини бужмайтриб, ундан ўзини четга олди. Вайс тушунтирди.

— Бизнинг улуғ тарихчимиз Эрих Ротакер шундай деган.

Гунг бармоғини пешанасига теккизиб, кейин бундай эмас дегандай қўлини лиқиллатди.

— Мен ҳам бундай деб ўйламайман,— деди Вайс.— Аммо шундай деб ўйлаб, шунга яраша қилиқ қилувчи одамлар ҳам кўп.

Гунг тўғри айтмасиз дегандай бош силкиди.

Эр-хотин ҳар куни кечқурун кучук болани бўм-бўш майдончага айлантригани олиб чиқардилар. Вайсни кўриши биланоқ, кучук бола думини лиқиллатганича югуриб келар, шунда Иогани, бенихтиёр бу ғалати жуфтнинг сайрига шерик бўларди.

Кейинги кунларда эр-хотин ўзлари билан кичкина тоштахта олиб келадиган бўлишди. Улар бунга тез-тез ёзишар, кейин ёзувларни нам ҳавол резинка билан ўчириб ташлашарди. Бу муомалани осонлаштирди.

Тилсизликка маҳкум этилган бу бахти қаролар болаликданоқ топишиб олган эдилар. Отаси ҳам шахтёр, ўзи ҳам шахтёр бўлган йигит билан пасторнинг мана шу қизи биргалашиб уйдан қочишди, чунки қизнинг ота-онаси унинг гунг ишчи йигит билан дўстлашувига монелик қила бошлаган эдилар.

У абвер бўлинмаларидан бирида парашют синовчи бўлиб хизмаг қила бошлади. Яхшигина пул ишларди. У агентлар сакраганда тушиши мумкин бўлган ниҳояти мураккаб шароитларда синов ўтказарди. Хотиндан абверда ишлашини эмас, ҳар куни ўзини қандай хавф-хатарларга дучор қилишини яширарди. Муваффақиятсиз сакраб, оғир жароҳатланди. Агар ҳалок бўлса, хотини ўзини ўлдириб қўйишини тушунди. Йўқ, бахтлари бор экан. Ҳар икковларига абвердан бошқа бир яхши иш топиб беришди. Вайс бу «яхши иш»нинг нималигини биларди. Жуда кўп мамлакатларда бўлишибди. Бирдан-бир орзулари фарзанд кўриш экан. Фақат бир нарсадан: боланинг гунг бўлиб туғилишидан қўрқибди.

— Агарда бола туғилмасдан уйга қайтмаймиз, десангиз нима бўларди?— дея сўради Вайс.

Гунг эркак тоштахтага тезгина «Бўйинтовлаш»,— деб ёзди ва томоғига кафтининг қиррасини югуртириб, кўзларини олайтирди.

Вайс мен Болтиқ бўйиданман, деб ёзган эди, аёл, ана кўрдингми, дегандай эри билан кўз уриштириб олди-да, тоштахага шитоб билан:

— Сизни рейхлик эмас, деб гумон қилган эдик,— деб ёзди.

— Нега энди?

— Айрим сўзларни бошқача талаффуз қиласиз.

— Шунақа сўзлар кўп эканми?

— Йўқ, озгина. Балки, сиз уларни тўғри талаффуз қиларсизу, аммо лабларингизнинг қимирлаши бошқачароқ, биз кўпда англолмай қоламиз.

Бир марта якшанба купи аёл эрининг ибодат қилишни истамаслигидан Вайсга арз қилди.

Бунга жавобан эри елкаларини қисди, қулоғи билан лабига қўлини теккизди-да, мушт кўтариб осмонга ўқталди.

Уз навбатида аёл кафти очиқ қўлларини илтижо қилиб кўкка кўтарди, кейин эрини кўрсатиб, қўлини кўкрагига қўйди ва майин табасум билан бошини эгди.

Вайс унинг нима демоқчи эканлигини тушунди.

Офтобшувоқда исиниб ўтирган Вайсга маълум диверсантлар ёнидан ўтиб боришаркан, эр-хотин ижирғаниб юзларини четга буришди.

Флигель биносининг орқасига ўтишгач, Вайс қўлларини кўтариб, тиззаларини букди-да, ерга тушаётган парашютчи дегандай қилиб кўрсатди. Гунг киши бош силкиб, худди пистолет чиқараётгандай ҳаракат қилди ва қўлларини пистолетга ўхшатиб хотинига, ўзига ўқталди.

Вайс ўз погонини кўрсатди.

Соқов эътироз билдириб, бош чайқади ва яна хотинини, ўзини кўрсатди.

Вайс тушунди. У, диверсантлар ҳарбийларни эмас, оддий одамларни ўлдирадилар, деб айтмоқчи эди.

Майдончага ётқизилган тошлар орасида мажмағил ёввойи ўтлар ўсган эди, аммо гунг аёл мана шу пажмурда ўтлар ичида ҳам тўғноғидай заранг чечакларни топиб йиғар, мўъжаз даста қилар, унинг сезилар-сезилмас бўйинин кўзларини юмиб мастона ҳидлар эди. Бундай

пайтларда эрининг юзи маъюс тортар, унда гуноҳкорона бир ифода сузиб ўтарди.

Вайс тоштахтага: «Аммо кейинроқ сиз ферма сотиб олишингиз мумкин-ку?»— деб ёзган эди, соқов қизиқмисиз дегандай жилмайди-да: «Ит ўргатувчи биздан кўп пул ишлайди»,— деб ёзди. Кейин яна бармоғини пистолет стволитай ниқтаб, нишонга олгандай кўзини қисди ва ёзди: «Мана бунга яхши ҳақ тўлашади».

Аёл ёзилганни ўқиб, кўзларини кўкка кўтарди, кейин эрига қаради ва бош чайқаб қўйди. Вайснинг кўзларига жиддият билан тикиларкан, унга бармоқлари билан пўписа қилган бўлди.

Демак, эр-хотин уни ўзларига касбдош абверчи деб ҳисоблашибди, аммо улар қотилликни ёқтирмас эканлар. Бир ҳафтадан сўнг Вайс соқов кишининг ёнида офицер билан машинага ўтираётганини кўрди. Унинг юзи тунд тортган, афтода эди, кўзлари дард билан йилтилларди.

Яна бир неча кун ўтгандан сўнг, гунг аёлни ҳам олиб кетишди. Бечора хотин қўлида кичкина чамадонча билан машинага томон юриб бораркан, Вайс уни базўр таниди. Боши солинган, елкалари тушган, пешанасига бир толим сочи осилган аёл пастки лабини тишлаганича зўрға-зўрға қадам ташлаб борарди. Унинг чеҳраси худди ўлжикларни-кидай бўзариб кетган, кўзлари бир нуқтага қадалган эди. У Вайсни ҳам танимай ўтиб кетди. Ҳар қалай, Иоганнга аёл ҳеч нарсани кўрмаётган, фахлмаётгандай бўлиб туюлди.

Демак, эр-хотинни бир-бирдан ажратибди.

Энди улар масофадан туриб эшитиш ва ёдда сақлашнинг жонли асбобларни сифатида бошқа-бошқа ерда ишлашса керак.

Ҳаво ругубатли, кўримсиз, намхуш эди, гараждан тошкўмирни қайта ишлаб олинадиган бензиннинг ўткир ҳиди аққирди. Руминиянинг аъло сифатли бензини эса, ҳаво кучларининг эҳтиёжи учуғина сарфланарди.

14

Вайс тинмай асоратдан қутулиш чорасини изларди. Ҳафтада бир марта фрау Дитмарга ҳурматини ўрнига қўйиб меҳрибончилик билан хат ёзиб турарди. Жавоб келмасди. Афтидан, унга бу ерда берилган дала почтасининг номери қандайдир узоқ бир ҳарбий қисмга тегишли бўлса керак. Ниҳоят, у курьер почта келтирган ҳар ойда атиги бир марта боришлигини билди. Мана шундай кунларнинг биринда Иоганн фрау Дитмардан бирваракайига анчагина хат олди. Охириги хатида фрау Дитмар йўл-йўлакай ҳузурига обер-ефрейтор Бруно кириб, Вайсни суриштирганлигини хабар қилган эди.

Наҳот, Бруно бўлса?! Иоганн қаттиқ ҳаяжонланиб кетди, бироқ фрау Дитмарга жавоб ёзаркан, у гап орасида агар обер-ефрейтор яна бир келиб қолса, унга менинг дала почта номерини берсангиз, деб илтимос қилиб ўтди, холос.

Бу ерда холи қолиш деярли мумкин бўлмаган нарса эди, шунинг учун бирдан-бир холи жойга боришга тўғри келди. Юрак шаклидаги тўйнуқчаси бўлган тахта эшикнинг иллагини олиб қўйгач, Иоганн олдиндан ҳозирлаб қўйилган банкча ичига ўша кимсвий модда сингдирилган дастрўмол учини чайқади ва симпатик снѐҳ¹ билан тўғри хат қаторлари орасига ўзининг тахминий координатларини ёзди, бу жойга

¹ Қиздирилганда ёки маҳсул модда билан ҳўллангандагина ёзуви кўринадиган снѐҳ. (тарж.).

келадиган йўлларнинг тузилишини чизди ва хабар олишиб гуриш мумкин бўлган овлоқ жойни кўрсатди.

Эртасига у хатни беркитилмаган конвертга солиб соқчилик комедатурасининг туйнугига узатди.

Бу ерда ҳовли қоровуллиги вазифасини кексайиб қолган бадқовоқ солдат бажарарди. У мазкур вазифага штаб флигелидан бери келмайдиган қизининг саяйи ҳаракати туфайли эришганди.

Унинг қулоғи оғирроқ бўлиб, тундмижозлигининг бонси ҳам шунда эди. Солдат гарчи, қизнинг аёллар ёрдамчи бўлинмасида бошчилик қилишдан фахрланса-да, лекин у офицерларнинг ҳар қандай майлини ерда қолдирмай адо этишидан хафа бўларди. Бир куни у қизини оёғи суяк деб сўқди. Шунда қизи унга беш сутка гауптвахта берди, ҳолбуки, ҳарбий-дала судига бериши ҳам мумкин эди: наинки отаси оддий солдат бўлиб, ўзи эса ефрейтор эди-да.

Кунларнинг бирида, Вайс ошхонадаги электр гўшт қиймаловчи асбобни тузатиб бергандан кейин, бу лўмбоздай ефрейтор қиз Иоганнга махсус электр манқалдоннинг бурама симларини алмаштириб қўйишни топширди. Манқалда танишиб чиқилгандан сўнг йўқотилиши зарур бўлган қоғозлар ёқиларди.

Вайс кечқурун канцелярияга бориб, ефрейтор қиз назорати остида манқални тузатди.

Вайс ишлар экан, қиз:

— Ичасанми?— деб сўради.

— Йўқ.

— Уйланганмисан?

— Унаштирилганмиз.— Иоганн бу гапни ортиқча даҳмаза ортирмаслик учун айтди. Ефрейтор қиз стулда оёғини шундай чалиштириб ўтирардики, ҳатто пайпоғи бориб етган жойгача кўриниб турарди.

У иккала қўлини бўйни орқасидан ўтказиб, гунгурсдай кўкракларини намойиш қилди-да, истехзоли сўради:

— Унга ҳам худди Рейхга бўлгандай содиқмисан?

— Шунақа.

Ефрейтор қиз киноя билан елка қисди.

— Агар у ёрдамчи бўлинмаларда бўлмаса ҳам, барибир, ҳамма хотинлар сингари қаердадир мажбурий меҳнат кунини ўтаяпти. Аёл киши эса ўн икки соат ишлагандан кейин уйга эмас, балки бошқа хотинлар кечаси кўрпаларни остига бошлиқларини киритадиган казарма ёки ётоққа борадиган бўлгач, эртами-кеч у ҳам бошқаларга ўхшаб ёнига биронтасини олади-қўяди.

— Қаллигим унақа қиз эмас.

— Мен ҳам унақа эмасдим.

— Сиз қишлоқданмисиз?

— Ҳа.

— Ўз фермаларингиз бормиди?

— Йўқ. Отам билан рейхсфюрер Гиммлер жанобларининг Мюнхен яқинидаги каттакон паррандачилик фермасида ишлаганмиз. У киши эстдор куркаларни яхши кўрардилар. Рождество байрамлари келганда, биз уларни сўйиб, юк машиналарда Мюнхенгагина эмас, бошқа шаҳарларга ҳам жўнатардик.

— У киши паррандачилик фермасидан катта фойда олармидилар?

— Ол-а! У киши ҳозир империянинг энг бадавлат одамларидан бири бўлиб қолган, ферма — шунчаки, кўнгил хуши учун.

— Сиз уни кўрганмисиз?

— Ҳа, тез-тез кўриб турардим.

— Қанақа ўзи?

— Биласизми, шунақаям меҳрибонки. Бпр куни Голландиядан келтирилган курка оғриб қолувди, у ўша ёқдан махсус паррандачи табибни олиб келпшни буюрди. Ҳалигн келиб куркани даволади.

— Сизга фермада яхши ҳақ тўлашармиди?

Ефрейтор қиз ўйчан туриб деди:

— Отам рождество арафасида фермада куркаларга бериладиган ёнғоқдан бир қисим олган экан. У буларни зар қоғозга ўраб, арчага осмоқчи бўлибди.

— Хўш, нима бўлди?

— Биз рождествони отамсиз ўтказдик. Бошқарувчи уни ўлардай калтаклаб, кейин то рождество ўтгунча оморга қамаб қўйди.— Сўнг умидворлик билан деди:— Генерал-губернаторликда менга ер беришар деб ният қилиб юрнбман, ўшанда отам билан паррандачилик фермаси қурмоқчимиз.

— Сиз шунга кўз тутиб юрибсизми?

— Бўлмаса-чи! Мен национал-социалистлар партиясининг аъзосиман, партияга Европани эгаллаб олмасимиздан бурун кирганман. Ҳар биримиз ўз улушимизни оламиз.— Эснаб, эринчоқлик билан сўради:— Хўш, қалай, шнапс берайми?— Вайс индамади.— Агар уялаётган бўлсангиз, менинг хонамга борсак ҳам бўлади.— Маъқуллаб қўшиб қўйди:— Яхши уста экансиз.— Шу замони яна гапини ўзгартирди:— Аммо ҳозирда бунинг аҳамияти йўқ. Германия ўзининг янги ерларида шунчаюм кўп ишчи қўлига эгаки, буюрилса, бас, ҳаммаси муҳайё бўлади.

— Шундай,— деди Иоганн,— биз немислар — тўралар миллатимиз. Сизнинг отангиз куркаларга бериладиган ёнғоқларни олганда, негадир шуни унутибди.

Ефрейтор қиз соддадиллик билан деди:

— Аммо кўп ўтмай у ҳам еримизда ишлайдиган қаролни худди шундай қилиб жазолашн мумкин бўлади.

— Россия билан уруш бошланиб қолса-чи?

Ефрейтор қиз ўйланиб қолди, кейин деди:

— Нима бўлганда ҳам мен ўзимга тегишли бир парча ерни у ёқдан эмас, генерал-губернаторликдан олишни истардим.

— Нима учун?

— Россияда киш қаттиқ бўлади, парранда турадиган жойларни анча иситишга тўғри келади, бу эса ортиқча харажат.— Ялтиллаган пайпоқ кийган оёқларини олдинга чўзиб, уларга паришонхотир назар ташлар экан, сўради:— Оёқларим худди ҳақиқий хонимларникидай келишган ва дўмбоқ, а, нима дейсиз? Менга шунақа деб айтишади.— Уйчан туриб деди:— Фермада ишлаб юрган пайтларимда худди таёққа ўхшаб, сеним билан болдиримнинг фарқи йўқ эди.

— Ҳа,— деб унинг гапига қўшилди Иоганн,— бу ерда яхши боқишар экан.

У ефрейтор қиз билан деярли дўстона хайрлашди. Иоганн кетаётган эди, қиз ачингандай бўлиб деди:

— Мен бу ерда сизга ўхшаган йигитларни аввалларн ҳам кўрганман. Улар эплашолмайдн. Махсус топшириқларни бажаришдан кейинги қаттиқ асабий чарчашдан шундай бўлади дейишади.

— Йўқ,— деб кинояли илжайди Иоганн,— мен асабий эмасман, ўзимни заиф сезганим ҳам йўқ.

— Бу,— деди ефрейтор қиз,— агент бўлмаганингни кўрсатади.

— Шундоқ,— рези бўлди Иоганн,— агент бўлишга тўғри келмади. Ҳамма ҳам ўта кетган довурак бўлавермайди-да. Фақат бундан сўнг

улар айрим нарсалардан айрилиб қоладилар ва насл қолдириш қобилиятидан маҳрум бўладилар. Шуниси ачинарли.

Гап мавзуи, афтидан, ефрейтор қизни ниҳоятда қизиқтириб қўйган эди. У жуда жонланиб кетди.

— Менга бир эсэсчи офицер бекитиқча бир гапни айтиб берганди. Рейхслейтер Мартин Борманнинг хотини Герла Борман Германиянинг барча хотин-қизларига, эрларингизга кўп хотин олишга ижозат беринглар, деб мурожаат қилмоқчи бўлибди ва ҳатто ўз қўли билан қонун проектини тузибди. Сўнг ўз эрига учта хотин олишингиз мумкин, шу шарт биланки, ҳар бир оилангизни ҳафтада бир марта бориб кўрасиз, деб шахсий ваколатнома ҳам берибди.

— Бу шунчаки миш-миш гап бўлса керак,— деб шубҳа билдирди Вайс.

— Улай агар, рост айтяпман,— қасам ичди ефрейтор қиз ва жиддий туриб қўшиб қўйди:— Бу немис аёллари томонидан кўрсатилган катта ватанпарварлик бўларди. Ахир биз янги ерларга немисларни жойлаштиришда фюрерга ёрдам беришимиз лозим. Биз ер юзида ҳамма халқлардан кўра кўпроқ бўлишимиз керак. Бу шундоғам равшан-ку.

— Хўп майли, шундоқ бўла қолсин,— рози бўлди Вайс, асбобларини брезент сумкасига жойлар экан. Сўнг у кпопкани босди. Манқалнинг сим ўрамлари чўққа айланиб, иссиқ ҳовур кўтарилди, қизиган металл ҳиди анқиб кетди.

Баъзи-баъзида кечқурунлари Иоганн аккумуляторчи Пауль Рейсга кўрғошин пластиналарни ажратиш, ювиш, қотишмалардан тозалашга ёрдамлашар, шунда улар суҳбатлашиб қолардилар.

Рейс бавариялик бўлиб, отаси бочкасозлик устахонасининг эгаси экан; устахонада бочкалардан ташқари пиво ичадиган нақш-нигорли ёғоч қадаҳлар ҳам ясалар экан.

Пауль семиз, қувноқ, оқ кўнгил йигит эди. У Вайсга пиво ичиш мусобақаларида кўп марта қатнашиб ютиб чиққани учун олган нишонларини кўрсатди. Тушунтирди:

— Кўйин соғлиқка зиёни тегса ҳам, бочкасозлик устахонасига одамларни жалб қилишнинг шундан дурустроқ амалини топиш қийин.

1939 йилнинг 9—10 ноябрида бутун Учинчи империя бўйлаб қонли яҳудий погромлари бўлиб ўтди. Уша кунлари Пауль устахонада врач Зальцманнинг оиласини яшириб қўйган эди. Зальцман бир пайтлар унинг ҳаётини асраб қолганди. Пауль ичаклари буралиб қолганидан ўлай деб турганда, Зальцман уни нозик операция қилган, операция қилганда ҳам яна теп-текинга қилган эди. Аллаким Паулни чақиб қўйибди.

У национал-социалистлар партиясининг аъзоси бўлган экан. Номус судига беришибди. Партиядан ўчиришиб, меҳнат лагерларига жўнатишибди.

Пауль лўппи лабларини хафагезак чўччайтириб дерди:

— Судда мен бунни атай шундай қилдим дедим. Зальцманга беш юз марка қарз эдим. Бу каттагина пул. Агар Зальцманга паноҳ бермасам, шу йўл билан уни бир ёқлик қилиб қарздан қутулиб кетмоқчидай бўлиб қолардим. Бу эса отамнинг фирмасини ишончдан маҳрум қилиши мумкин эди.

— Ростдан-а?

— Бўлмаса-чи. Кўплар ўзлари қарздор бўлган одамлардан гестапога чақув йўли билан қутулганлар.

— Фақат яҳудийларни чақишармиди?

— Кошкийди! Қарзини бергиси келмаган кимса борки, тўғри келгани чақаварарди.

Пауль гурур билан деди:

— Рейсларнинг авлод-аждоди бочкасоз ўтган. Учта бобокалониямиз — цех байроқдори бўлган. Рейслар ҳеч қачон савдо-сотикда қаллоблик қилган эмаслар.

— Демак, қарзингиз бўлмаганда, врачни беркитиш ҳатто хаёлингизга ҳам келмас экан-да?

Пауль гапни чалғитди:

— Биз иккита ака-укамиз — мен ва Густав. Густав акам бўлади. У ўқитувчи. Отам шамолнинг қаёқдан эсаётганини тушунгандан сўнг, биримизга наци бўлишни буюрди. Мен ёшроқман, бушнинг устига бўйдоқман. Бўйсунингга тўғри келди.

— Бу эски замонларда солдатликка беришга ўхшаган гапми?

— Унчалик эмас, — эътироз билдирди Пауль. — Ёшлар ичида спортчи деб шуҳрат қозонган эдим.

— Сен спортчимисан?

— Сенга ишонларимни кўрсатдим-ку, — дея эслатди Пауль. — Бизнинг спорт уюшмамиз бадавлат пивофурушларининг маблағи билан таъминланарди. Улар фюрерни илгаридан, ҳали фюрер бўлмаган кезларидан бошлаб қўллаб-қўлтиқлаб келганлар. Сен нима деб ўйловдинг? Фюрерни пул билан фақат Крупплар таъминлаган деб юрармидинг?

— Бунга сенинг нима дахлинг бор?

— Нега дахлим бўлмасин? Мен таниқли спортчиман-ку. Обруйим бор. Мен пани эканман, демак, ютиб чиқсам ютуқ ҳам нациларга тегишли бўлади.

— Пиво ичиш мусобақаларидами?

— Мусобақалар ўшандан кейин сиёсий митинг тусида ўтадиган бўлди.

— Э, шунақа дегин?

— Бўлмасам-чи? Фюрерга садоқатли кишилар керак. Менинг билгимча, бундай одамларни ишчилар пивохонасидан қидиришмайди-ку, ахир.

— Сен ишчилар фюрерни қўллаб-қўлтиқламайдилар дейсанми?

— Мен ундай деганим йўқ, — питирчилаб қолди Пауль, — ўзинг биласанки, Германия дегани — фюрер дегани. — Бир оз жим қолди, сўнг қувлик билан кўз қисиб, деди: — Фюрер давлат тепасига келгунча бизнинг устахонамизда тўққиз соат ишлашарди, кейин ўша маошнинг ўзига ўн икки соат ишлайдиган бўлишди. — Кейин паспхатомуз деди: — Халқ Рейхнинг тарихий мақсадлари йўлида қурбонлар бериш лозим.

— Отанг-чи?

Пауль маъюс бўлиб деди:

— У ҳам шу сирадан. Империя ҳукумати фақат йирик саноат уюшмаларинигина қувватлайпти. Шу йнллар ичида жуда кўп майда мулкдорлар синди. Майдалар — тубанга, йириклар — юқорига кўчди. — У ҳам гайирлик билан, ҳам оғзининг тапоби қочиб деди: — Мана, жаноб Герингни олинг. У ишни СА ва СС учун «фахрий хайжарлар» ишлаб чиқаришни монополия қилишдан бошлаган эди, мана эндиликда концернларнинг эгаси бўлиб ўтирибди: юзлаб завод, ўнларча тоғ саноати ва металлургия корхоналари бор; савдо-соғиқ компаниялари, транспорт ва қурилиш фирмаларини-ю, гапирмаса ҳам бўлади.

— Сен буларни маршал Герман Геринг ҳақида айтпаганими?

— У маршалдан кўра улуғроқ. У магнат. Мартин Борман ҳам шундай, у ўзининг сиёсий кўтарилишини нимадан бошлади дегин-а? 1920 йилда «Жуҳудларнинг равақига қарши уюшма»га аъзо бўлиб кирди, шунда унинг нималарга қодирлигини пайқаб олишди.

— Бундан чиқди, ўзинг ишнинг кўзини билмай қолибсан-да?
Пауль пўрсилдоқ елкаларини қисиб, Вайснинг фикрига қўшилди.
— Шунақа, мендан «қиринган ҳайвон» чиқмади?
— У нима дегани?
— Биз партия ичида ўзимизни шундай деб юритардик.
— Аканг-чи? У шундай қилиб фирмани деб партияга кирмадим?
— У Арденнада ёриб ўтаётганимизда ҳалок бўлди.
— Демак, омадинг бор экан,— хулоса чиқазди Вайс.
— Шунақа,— қўшилди Пауль,— омадим бор экан. Аммо у осонлик билан қўлга кирмади. Мен ўз зиммамга уйланиш мажбуриятини олдим.
— Кимга?
— Ўзимизнинг аёллар ёрдамчи бўлинмасидаги «фрейтор қизга. Ҳаракатдаги ротадан мени у бу ерда олиб қолди. Унинг олдида жуда қарздорман.

— О, мен у билан танишиб олдим.
— Мен рашкчи кимсалардан эмасман,— шошиб ишонтирди Пауль.— У мияси бутун, айтганини қиладиган хотинлардан. Оила ҳаётига энг кераклиси ҳам шу.

Пауль билан қилинган суҳбатлардан Иоганн шундай хулосага келди: ҳар қандай шароитда ҳам кишиларга очиқ чеҳра билан муомала қилиб, дилкашлик кўрсатилса, назокатли бўлинса суҳбатдошингдан кўп гап териб олишга имконият туғиларкан, сигирқуйруқ гап билан устомонлик қилишга қараганда, шу йўл кўпроқ дилтортар суҳбатга рағбатлантираркан. Чунки агар устомонлик қилинса, суҳбатдошингиз ҳам шу йўлдан бориб, ўзининг қанчалар ақлли эканлигини кўрсатиб қўйиш, юрагидаги гапларни яшириш, шу аснода, ҳамсуҳбатининг кўнглидаги сир-асрорини билиб олиш учун ҳаракат қилади.

Турли-туман одамлар билан таниш-билиш тутинишнинг оройишини олганлиги Иоганнга ўзи иш кўриб турган муҳитни кўпроқ билишига шароит туғдирарди. У одамлар юрагига киришнинг омилкори бўлиб қолганди. У ўзини бошқача кўрсатишга уринмас, ҳамсуҳбатининг кўнглини оламан, деб унга маъқул келадиган қилиқларни қилмасди: маълум бир даражада ўзлигини сақлаган ҳолда, у ҳар бир янги танишининг ҳаётини билишга чин кўнглидан иштиёқ билдирар ва бу ҳамсуҳбатни кўпроқ ром қилар, «мен ҳам шундай деб ўйлайман», «рост», «жуда тўғри айтдингиз» дейишга қараганда, кўпроқ жозоба бахш этар, кўпроқ баҳраманд қиларди. Фақат икки ҳолда — суҳбат хатарли йўсинга кириб, ўзини ҳимоя қилиш зарурати туғилганда ёки баҳсдошни Рейхга етарлича садоқат кўрсатмасликда айблаш учун зарб бериш тўғри келгандагина, ўзини бошқача кўрсатишга, ясамагарчиликка ўтиш ўринли бўларди.

Иоганн яна шу нарсага ҳам амин бўлдики, кенгроқ ва батафсилроқ маълумот олиш учун ўзини кўпроқ меровликка солиш яхши натижа бераркан. «Йўғ-е», «наҳотки», «жудаям унчалик эмасдир» деб ўзини ишонқирамаганга олса, суҳбатдош ўз фикрини ўтказишга, гапларининг тўғрилигини исботлашга шунча кўп ҳаракат қилади, «рост-рост», «ганингиз тўғри» деб турилганда эса шундай натижа чиқмаслиги мумкин. Бундан ташқари, ҳамсуҳбатнинг қандай одам эканлигини билишни унутмаслик керак. Ким бўлишидан қатъий назар, ҳар бир киши бошқаларга ёқишга ҳаракат қилади. Бу табиий нарса. Мабодо, қаринсида турган одам унинг назарида маълум бир эътиборга лойиқ фавзиллар соҳиби бўлса, унга манзур бўлиш учун янада кўпроқ тиришади.

Демак, ҳамма ҳолларда, ҳатто онангни ҳам отанга бебезак кўрсатма деган гапга амал қилиш, бисотингда борини кўз-кўз қила билиш керак экан. Бу маълум бир соҳа бўйича орттирилган билимлар ёки иш-

сон фаолиятининг бошқа бир томонларидан воқифлик бўладими, эътиқодининг маънавий қуввати ёки мустаҳкам таянчга тарафдорлиги бўладими, ридкорликдан холи хайрихоҳликми ёки ўзинини сақлаб қолишга чекланган ҳақ-ҳуқуқидан усталик билан фойдаланишми, ҳеч қандай шарт-шароит бўлмагани ҳолда, андиша, инсофни йўқотиб қўймасликми—барибир, буларнинг ҳар бирини ўз ўрнида ишга солиш лозим эди. Чунки булар душман ичида турилган чоғда маънавий қурол вази-фасини ўтарди. Иоганн ана шу қуролни қанчалик яхши эгаллаган бўл-са, ўзини шунча мустаҳкам муҳофаза қилингандай сезарди.

Пасткаш, палид одамлардан ўзини йироқ тутишни бу ерда ҳатто орзу ҳам қилиб бўлмасди, бу ноқусликлар одамларда қанча кўп кўрин-са, у шундай кимсалар билан яқинлашишга интилиши, бинобарин, пасткашликнинг турлича кўринишларинингна эмас, улар озиқланиб турган манбаларни бир-бир кўздан кечириши керак эди.

Нацизмнинг сиёсий қўйқаларигина эмас, ўзини наци ҳисобламайдиганларнинг қон-қонига сингган жиҳатлари ҳам кўзга ташланиб турар-ди. Бундай чала заҳарланган кимсаларга ниҳоят эҳтиёт бўлиб, ҳар томонлама ўйлаб ёндашиш зарур эди, зотан, улар бир пайтнинг ўзида ҳам фойда ҳам зиён етказишлари мумкин эди.

Вайс ҳар бир киши ўзи ҳақида ўзи ҳосил қилган шахсий тасаввур-лари кўзгусига боқишни тушунарди.

Бироқ ўзига бошқа одамлар қандай қараётганликларини муттасил ҳис қилиб туриш ниҳоятда зарур эди, у бошқалар наздида қандай одам бўлиб кўринган бўлса, ўзида шундай одамга яраша хислатларни тарбиялаши керак бўларди. Шу билан бирга поғонама-поғона юқорпга кўтарилиши, борган сари дурустроқ мавқега эга бўлиши, илгари силжиши учун атрофидагиларга ўзининг устунлигини намойиш қилиши ҳам лозим эди, аммо бунда меъёрдан чиқиб кетмаслиги, бошқаларнинг ғашига тегиб, ғайирлик, ичи қоралик туғдирмаслиги, аксинча, қўллаб-қўлтиқ-лайдиган ҳомий бўлмаса ўз укув-иқтидорини гўё юзага чиқара билмас-лигини таъкидлаб туриши керак эди. Калласи бугун одамни қўллаб юборишга, уни шу билан бахтиёр қилишга тайёр турган кишилар доимо топилиб туради. Агар бундайлар оёқ остидан чиқмаса, у ҳолда, уни из-лаб топмоқ керак.

Гарчи, уларга ўз-ўзи ҳамфикр қилиб кўрсатмай, аксинча, ўзини мус-тақил тутиб муомала қилган бўлса-да, Пауль ҳам, аёллар ёрдамчи бўлинмасидаги ефрейтор қиз ҳам унга ҳурмат кўзи билан қарай бошлаганларини Иоганн сездди. Ваҳоланки, улар ўзларидан юқори турмаган-ларни ҳурмат қилишга табииатан ўрганмаган эдилар.

Ўзи учун гўё бир синов бўлган мана шу муваффақиятда Вайс умид куртакларини кўрди. Мана бу ҳаёт маромига тубдан киришиб олиш, сингиб кетишнинг узоқ давом этган даври кўнгилдагидай кечяпти. Худ-ди мана шу нарса уни янада кўпроқ натижа берадиган ишларга ундар, шунга чанқоқлигини оширар, ҳолбуки, у ҳамон бир иш кўрсатолмаган, жасоратининг натижаси кўринмаётган эди.

Бир куни кекса солдат — Пауль Рейс қайлиғининг отаси ҳовлида бу-рилиб кетаётган юк машинасини пайқамай қолиб, ғилдирак тагига тушди. Солдатни шу ернинг ўзида хўжалик шаҳарчасида жойлашган санитария бўлимига ётқизишди.

Ефрейтор қиз отам госпиталдан чиққунча унинг ўрнини сақлаб қо-лиш учун бир халис хизмат қилсангиз, вақтинча унинг ишини бажариб турсангиз, деб Вайсдан илтимос қилди.

— Пауль ялқов ва палпис,— деди у.— Унга ишониб бўлмайди.

Вайс авваллари фақат ҳовли супурар, йўлкаларга қум сепар, йўл чеккаларидаги ғўлаларни оқларди. Кейин-кейин бориб мундири усти-

дан комбинезон кийиб, чолнипг иш кийими қўйилган жавончадан олинган клеёнка фартук тутиб олган Вайс, қўлида супурги билан ҳокандоз тутганича, қовоқ-тумшугини солиб, хафагезак бир алфозда ҳовлинигина эмас, қўраинг алоҳида секторларини қўриқловчи комендатуранинг ички биноларни ҳам йиғиштира бошлади.

Кўп ўтмай соқчилар Вайсга кўникиб қолишди. Сочлари майда жингала қилинган, сонлари галифе шимдай тарвақайлаган ефрейтор хоним қўрадан анча олисдаги тошлоқдан қум олиб келиш учун Вайсга руҳсат қогози тутқизгандан кейин, у секторлар ораллиғигагина эмас, турли уйларга ҳам кириб-чиқадиган бўлди.

Олақуроқ мундир кийганлар турадиган флигелга кириб, у ўз тахминини тўғри чиққанини кўрди, ҳақиқатан ҳам бу одамларни Совет Иттифоқига ташлаш учун тайёрлашаётган экан. Йиртиб ташланган қоғозлардан, топографияга оид лекция парчаларидан у шундай хулосага келди. Едлаб олиш учун фойдаланилган ёзувлардан уларнинг келажакда тахминан, қаерда иш кўришлари кераклигини ҳам аниқлашга муваффақ бўлди.

Йоганн ўзини кутилмаганда хазина топиб олган кишидай ҳис қиларди.

Қум келтириш учун юк машинасида борган Вайс яширин алоқа учун жой танлади ва қайтиб келаятганида 74/0012 номерли телефон столбаси тагига, ҳар бир противогазга қўшиб бериладиган, ипритдан сақланиш қопчигининг ивимайдиган бир парчасига ўралган консерва банкисига бу ерга келганидан бери биринчи марта шифр ёзуви ва диверсантларнинг бир неча суратларини солиб кўмиб қўйди.

Сўнг Йоганн фрау Дитмарга ёзилган мактуб ичига Брунога аталган икки энлик хат солиб, унда яширин ёзув билан ҳалиги столбанинг номерини кўрсатиб ўтди.

Шу тариқа у алоқани йўлга қўйди. Бу бир бахт эди. Мана энди ёлғизлик, бош-кети кўринмас зориқиш барҳам топди. Чунки Вайс нима қилмасин, ўзимизникилар билан мустаҳкам алоқа боғламаса, бутун хатти-ҳаракатлари зое кетарди. Аммо Йоганн бахтиёрлик ҳиссига берилолмас, бинобарин, иродасяни бўшашгириши мумкин бўлган бу туйғудан манфаат йўқ эди.

Шунга қарамай у хатога йўл қўйди.

Вайс ўзи чизган бошқа қўпоровчи-диверсантларнинг расмларини гаражнинг гишт пойдевори тўйнуғига яна ўша ипритдан сақланиш қопчигининг бир парчасига ўраб тиқиб қўйган эди. Эртага телеграф столбасининг остидаги хуфия жойга қўяман, деб у расмларни кечқурун охири марта кўздан кечирган эди, қўпоровчилар Хряш деб атайдиган кимсанинг тасвири қогоз букланган жойларда анчагина ўчиб кетганлигини кўрди. Йоганн у ер-бу ери суркалиб кетган расмни тиклашга қарор қилди. Машинанинг тепасига ўрнатилган чироқни ёқди-да, нчига кириб ўтирди ва ишга тушди. Гаражга битта-яримта кирса эшитмай қолмай, деб машинанинг эшигини очиқ қолдирди ва... қўлга тушди.

Турқи атворидан хўжайинларга монанд бир одам ёнида шофери ва қўрнқчиси билан гаражга киргани ҳамон, чироғи ёниқ машинада ўтирган солдатга кўзи тушди. У солдат нимандир ёзиб турган қоғозни юлқиб олди.

Вайс машинадан отилиб чиқди ва тек қотди.

Гражданча кийинган одам расмни ажабсиниб томоша қиларди.

— Ким?

— Майор Аксель Штейнглиц жанобларининг шофери Йоганн Вайс,— жавоб қилди Йоганн.

— Манави ким?

Иоганн расмга қаради.

— Билмадим.

Ҳалиги киши қовоқ солиб Вайснинг кўзига шубҳали тикилди.

— Ким?— қайталаб сўради у.

Шунда кўққисдан Иоганн ишшайди ва ўзини эркин қўйиб, жирканч билан деди:

— Сизга айтсам, бу бўлмагур ажи-бужи бир нарса.— Овозида умид оҳанги билан илтимос қилди:— Мен сизга суратларимни кўрсатолсам бениҳоя бахтиёр бўлар эдим.

Гражданча кийинган кимса суратга яна бир карра диққат қилиб разм солди-да, бир оз иккиланиб тургач, ҳар нечук, уни Вайсга қайтариб берди ва миқ этмай ўз машиннасига ўтириб жўнаб кетди.

Вайс машинани ҳам, шоферни ҳам танирди. Бу машина фақат мана шу гражданча кийинган одамга хизмат қиларди. Ҳар гал сафардан қайтиб келганда, унинг номерини ўзгартиришган, қисқа вақт ичида икки марта бошқатдан бўяб ҳам чиқишган эди. Вайс бу одамнинг ўз касбига хос кучли хотираси борлигини, унинг синчков, ўқдек назарига бардош бериб, қутулиб чиқиш анча қийин бўлишини тушунарди.

Елғиз ўзи қолгач, Иоганнинг кўнглида, машина ҳам, унинг соҳиби ҳам албатта қайтиб келади, деган фикр ўрнашиб қолди.

Хатардан қочиб қутулса ҳам бўлади, айни чоқда, унга қарши мардона бориш ҳам мумкин. Вайс кейингисини танлаб олди.

Қалин қоғоз топиб, олдига фюрер, фюрерлар, фельдмаршаллар, генераллар, прусс лашкарбошиларининг суратлари солнган солдат календарини қўйдн-да, энди у ҳеч кимдан беркинмай, қнлаётган ишини яширмай, жон-жаҳди билан ишга тушди.

Ўз иши ва ўзининг тақдирини учун қайгуриш, кечириб бўлмас хатосини ювиш, Иоганни ижодга ундаган илҳом омилли мана шулар эди.

У гитлерчилар Германиясининг санъатига хос йўналишидан хабардор эди.

Аввало сохта дабдаба. Портрет устаси моҳирликда ўликхоналар гримчиси билангина беллашгани мумкин эди, зотан, бу гримчи марҳумларнинг башараларини жонлидай қилиб, уларга пурвиқор бир ифода бағишларди, чунки амалдор кимсаларнинг жасади бошқача бўлиши тасаввурга сиғмасди.

Сербўёқ бозор суратларининг ялтироқлиги оғир бронза ромларга солинган ҳашаматли, серкўлам полотнолар қаршиснда ип эшолмай қоларди. Рассомларнинг бор куч-қуввати мундирларни фотосуратдагидек аниқ чизишга сарф бўларди: бунинг учун рассомлик истеъдоди қанчалик керак бўлса, бичиқчилик ҳунари ҳам шунчалик зарур эди.

Аммо портретчиликда бошқа бир йўналиш ҳам бор эди. Хушомад-йўйлик, расмиятчилик, бачканавозлик билан суғорилган биринчи йўналиш тарафдорлари портретларда ташқи виқорга ниҳоятда зеб берар, зоҳирда нима бўлса барини акс эттира билишдан юқорироқ ютуқ йўқ, деб ҳисоблар эдилар. Иккинчи йўналиш тарафдорлари эса, шахс ғоясини беришга тиришар эдилар. Уларнинг наздида чаплаб ташланган расм қанча сержазава, серкўпик бўлса, унда аллақандай сирли, фақат ўзларигина тушунадиган, ҳақиқатдан йироқ рамзний аломатлар қанча кўп берилса, тасвирланувчи кимсаларнинг ҳис-туйғулари шунча юксак ифодасини топади, зотан, улар портрет эмас, портретлар рамзини, тимсолинни яратар эдилар. Агар биринчи йўналиш вакиллари номига бўлса ҳам ҳунарни билишга эҳтиёж сезсалар, иккинчи йўналишга амал қилувчилар учун эса, бу мутлақо ёт бир нарса эди, ҳатто бўёқчилар ҳам ўзларига сўзсиз дастуриламал қилиб олган қондалар қанчалик бета-

мизлик билан топталса, инкор қилинса, полотнонинг символик таъсирчанлиги ҳам шунчалик салмоқдорроқ бўла борарди.

Вақтнинг зиқлигидан, ҳаддан ташқари ҳаяжонлангани ва тасвирланувчи кимсаларга ўта нафрат кўзи билан қараганидан, Вайс иккинчи йўлни таплашга мажбур бўлди.

У шартли усулда, ҳаддан ташқари эркин қалам юритиб солдат калепдаридан империя казо-казоларининг суратини кўчирди ва мундирлар ҳамда дабдаба-асаса аломатларига вақт сарф қилиб ўтирмаслик учун рейхсканцлер ва унинг яқинлари, қадимги императорларнинг қилиқларига тақлид қилишни хуш кўришларини эслаб, уларнинг гавдаларини Рим либосларига ўради.

Вайс бир қатор расмларни чизиб тугатгач, уларни ётоққа элтиб, ўз тўшагининг тагига тиқиб қўйди. Иккинчи бир тўда расмларни у энди бошқачароқ, яъни «Хряш» лақабли нуханинг расмдаги қиёфасини (бу Вайснинг қилмишларига айбнома бўлиши мумкин эди) эслатиброқ тугадиган бир йўсинда чизди.

Кейин ит ўргатувчи, ошпаз, майор Штейнглиц ва ефрейтор қизнинг расмини чизди-да, олдиндан ҳар бир расмга атай чанг суркаб, буларни ҳам тўшак тагига қўйди.

То кеч киргунча Вайс ётоққа қадам босмади. Ухлаш олдиндан тўшак остидаги расмларини олиб кўрди ва эҳтиёткорлик қилиб янглишмаганидан хурсанд бўлди. Расм солинган варақалардаги чанг-чундан асар ҳам қолмаган эди. Демак, кимдир уларга қизиқибди. Демак, гражданча кийинган жаноб «рассом» билан учрашувини эътиборсиз қолдирмайди, деб қилган тахмини тўғри чиқибди. Разведка билан шуғулланувчи кишиларга рассомлик истеъдоди фойда келтириши ва ҳатто мудофаа иншоотлари ҳамда, топография суратларини олиш учун зарурлиги шубҳасиз бўлгандап кейин, Вайснинг кеч тушганда ишлаб ўтириши гражданча кийинган жанобни (унинг разведка билан суяги қотгани аниқ эди) шубҳалантириганига ажабланмаса ҳам бўларди, тинтув эса мана шунинг натижаси эди.

Аммо империя пушти-паноҳларининг портретлари уста разведкачиларга қўйиладиган талабдан узоқ бўлган, эркин бир усулда ишланганлиги Вайсни разведкага оид топография суратларини олиш вазифасини аниқ бажаришга қодир деган айбдан ҳимоя қилишни мумкин эди.

Бошқача усулда ишланган расмлар портрет эгасига айнан ўхшамаганлиги, солдатнинг қўли бўш вақтларда машғул бўлаётган иши вермахтга айтарли хавф туғдирмаслигидан дарак берарди.

Вайс бу гапларни ҳар томонлама ўйлаб, мулоҳаза қилиб чиқди. Бироқ ўйлаганлари қанча тўғри, сермантиқ бўлиб кўринмасин, туни билан ухлай олмади. Эртасига ҳам, гарчи, қўпоровчилар суратини йўл бўйидаги хуфия жойга яширишга улгурган бўлса-да, кўнгли ўрнига тушмади.

Иккинчи куни Вайсни штаб флигелига чақирди. Ана шунда, Иоганн гражданча кийинган кишилар орасида шунча кундан буён биринчи марта ўз хўжайини Штейнглицни кўрди. Вайсга бориб суратларинини олиб келинг, деб буюришди.

У расмларни келтириб, тартиб билан стол устига териб қўйди. Расмларда ҳурмати ўрнига қўйилиши керак бўлган муҳтарам зотлар акс эттирилган эди. Шунинг учун ҳам йиғилганлар суратларни эҳтиром билан томоша қилар, ҳеч қандай эътироз билдиришмас эди. Лекин ит ўргатувчи, ошпаз, ефрейтор қизнинг суратлари кинояли кудги билан қарши олинди.

Иоганннинг ўзи суратларнинг паллапартиш ишланганлигини билар,

шунга қарамасдан, уларда нимадир бор эди. Шунданми, у бир дам ҳамма нарсапи унутиб, ўз маҳоратига менсимай қарашгани учун чип кўнгилдан хафа бўлди. Унинг мана шу самимияти солдатнинг чизмакашликка қизиқиши беғараз эканлигидан далолат берардики, бу ҳол барча шубҳаларни тарқатиб юборди. Майор Штейнглиц Вайснинг «Пакет-аукцион»да қандай усталик билан Лиотар чизган суратни топганини сўзлаб бергандан кейин, унга бўлган ишонч янада мустаҳкамланди. Шундан сўнг, йиғилганлар бир оғиздан Вайс генерал фон Браухичнинг портретини чизиши керак, деган қарорга келдилар.

Маслаҳат қила бошлашди. Бундан, Вайс генерал фон Браухич йнрик қўшилмага қўмондон қилиб тайинлангани, яқин кунларда айрим нарсаларни билгани бу ерга кириб ўтиш эҳтимоли борлигини билди. Тўғри, бу ердагилар бевосита Берлиннинг иҳтиёрида бўлсалар-да, аммо Браухич билан ҳам ҳисоблашшга тўғри келади, чунки тезда унинг қўшилмаси билан бирга Шарққа силжишлари кутилади.

Вайс Браухични ниманинг тарҳида тасвирлаш қулай бўларкин, деб сўради ва Варшава силуэтини таклиф қилди. Гражданча кийинганлардан кимдир кулиб юборди:

— Москва Кремли бўлса саз бўларди-я.

Аммо унга нима деясан ўзинг дегандай имо қилишди, мабодо, фюрер Браухичга шундай портрет тортиқ қилганларини билиб қолса, бундан гаши келиб норози бўлиши мумкин эди.

Вайс барига тушунди ва Браухичнинг суратини байроқлар ҳамда қуроллар тарҳида чизишни таклиф қилди. Йиғилганлар бу фикрга қўшилишди. Шунда Иоганн ҳар хил нарсалар — холст, бўёқлар, мўйқаламлар керак бўлишини айтган эди, унга зарур нарсаларни олиб келиш учун Варшавага тушиб чиқишга рухсат беришди.

Иш ниҳояти ўнгидан келаётган эди: гап шундаки, марказ билан келишиб олингани бўйича, Иоганн Варшавада бўладиган учрашувга чиқиши керак бўлган муддат яқинлашиб келмоқда эди.

Икки кундан кейин (учрашув айни, учинчи кун кечқурунга тайинланган эди) Иоганн велосипед топиб Варшавага жўнадн. У ташқарини қўриқловчи соқчилар бошлиғини велосипедда бормаса бўлмайди, деб зўр-базўр кўндирди. Обер-ефрейтор Иоганни мотоциклда олиб бориб қўйиш керак дерди. Аммо ортиқча шерикдан қутулишнинг бирдан-бир йўли велосипед эди, шунинг учун ҳам Иоганн ҳарбий эҳтиёжлар учун зарур бўлган ёнилғини тежаш керак, деб ўз сўзида қаттиқ туриб олди. Ҳатто юрак ютиб, сиз вермахтнинг узоқ сафарларини таъминловчи воситаларни ўйламай сарф қилиб исрофгарчиликка йўл қўяянсиз, деб обер-ефрейторга таъна ҳам қилди.

Варшаванинг жуда кўн районлари жазо тариқасида авиация томонидан вайрон қилинган бўлиб, ҳамма ёқда ғишт уюмлари тўдаланиб ётарди. Авиабомбалар худди чўқмордай уйларнинг томларини абжақ қилиб ташлаган эди. Гитлерчилар мана шу авиачўқморлар билан поляклар хотирасндан уларнинг қадим шонли тарихини ўчириб ташламоқчи бўлган эдилар. Гитлер 1939 йилнинг 22 августидаяёқ ўз яқинлари даврасида ўтирганда:

— Польша халқи бутунлай йўқ қилинади, ўрнига немислар жойлаштирилади. Кейинроқ бориб, жаноблар, Россия ҳам шундай бўлади... Биз Совет Иттифқини кунпаякун қилиб ташлаймиз. Ушанда, жаҳонда немис ҳукмронлиги ўрнатилади...— дея ваъда қилган эди.

Шунда бу сўзлардан жазаваси тутган Геринг, мундирини ечиб ташлаб, ярим яланғоч ҳолда стол устига сакраб чиққан ва хўппа семиз, хотинларниқига ўхшаган баданини диркиллайтиб ёввойи одам бўлиб иришлаган экан,

Буржуазия Польшасининг ҳоқимлари томонидан ҳибс қилинган, яқингинада гитлерчилар бўғиб ўлдирган поляк разведкачиси ҳукумат бошлиқларига бу тўғрида ўз вақтида хабар берган, қолаверса, Гитлер ҳузурда ўтган зиёфат ҳақида ҳам, бунда айтилган гаплар ҳақида ҳам тўхталиб ўтган эди.

Польшанинг буржуа ҳукуматдорлари бутун поляк халқига қандай хиёнат қилган бўлсалар, ҳалиги ватанпарварни ҳам худди шундай сотдилар.

Иоганн фожиали харобалар, қоядай тиккайиб турган, чўққайган девор қолдиқлари ичра тегиб юраркан, бир маҳаллар ҳарбий комиссариятда ҳужжатларини қайтариб беришганини эслади. Кўнгилли бўлиб армияга кириш хоҳишини билдирган бошқа студентлар, ишчилар ва хизматчиларга ҳам ҳужжатларни афсусланиб қайтариб беришди. Бу воқеа Польша буржуа ҳукумати Гитлер вермахтининг тўсиндан қилиши мумкин бўлган ҳужумидан Польшани ҳимоя қилиш учун Қизил Армия қисмларини ўз территорияси орқали ўтказишдан бош тортгач, рўй берганди.

Гитлер агентлари инглиз ҳукмрон доираларига Польшага ҳужум қилиш учун тайёргарлик кестаётгани ҳақида хабар беришди, улар шундай қилинган ҳолда, Германияга нисбатан қандай чора кўрилаётганини билиб олмоқчи бўлган эдилар. Германия Польшага ҳужум қилган тақдирда, Англия унга қарши оғзаки уруш эълон қилар экан. Уларнинг билгани шу бўлди. Ҳақиқатан ҳам уруш эълон қилинди. Бу «ғалати уруш», ўрнидан жилмаган уруш номини олди.

Шундай қилиб Польша фашистлар оёғи остига ташланди, бу билан Гитлернинг Шарққа — социализм мамлакатига қиладиган ҳужумини енгиллатиш кўзда тутилди.

Империалистларнинг энг қабиҳ йўллар билан махфий хизматлар томонидан амалга оширилаётган, бутун инсониятни қириб ташлаш учун тузган фитнасига қарши кишилар курашга отландилар, шуларнинг сафида Александр Белов ҳам бор эди.

Академик Линевнинг энг қобилиятли шогирдларидан бири, бутун авлоди ишчи ўтган Беловлар ичидан чиққан биринчи зиёли, студент Александр Белов илмий фаолиятдан, ҳаётдан кутган барча нарсаларидан воз кечиб, худди коммунистлик бурчини адо этгани граждандар урушида жангга отланган отаси сингари фронтга жўнади. Аммо бу фронт бошқача — яширин уруш fronti эди. Совет разведкачиси Александр Беловни халқининг орқасидан туриб берилмоқчи бўлган зарбалардан асраш, ҳимоя қилиш ва душманга унинг ўз уясида туриб зарба бериш учун фашистлар қароргоҳига юборишди.

Кучлар тенг эмасди. Иоганн ганимлар ичра ёлғиз эди.

У Варшава харобалари орасида очилган сўқмоқ бўйлаб келаётган Брунони, унинг таниш ориқ сумбатини, шифо топиш учун ҳеч қачон вақт топмаган дардларни устидан доимо кинояли кулиб турадиган серифода юзини кўриб, Иоганн ҳибсдан озод бўлиб, эшикда муштоқ кутган қариндошларига рўпара келган маҳбусдай бир ҳолга тушди. Ваё ўтган ойлари ичидан ўзини қанча ўргатган, бу учрашувга қанча тайёргарлик кўрган бўлмасин, ўзини босиб туролмади ва Бруно сари отилди.

— Ҳаяжон! Ҳаяжонсиз мумкин эмасми? — норози бўлиб деди Бруно.

Иоганн ортидан хароба ичиданги тор сўқмоқ бўйлаб борар экан, Бруно босниқни овоз билан ишга оид гапларни ғўдраб айтиб борарди:

— Сен билан алоқа узилиб қолгач, у ёқда, биз томонларда ҳам ҳаяжонланиш бошланди. Сен баъзан ўзингни дам унга, дам бунга урга

бўлсанг ҳам, умуман, олганда ёмон эмас, биллиб ҳаракат қилдинг. Террористларнинг портретлари қўлга бориб тегди, кўпайтирилиб, опер-группаларга тарқатилди. Маъқул бўлди. Истеъдод!

Вайс тўхтади.

— Юр,— буюрди Бруно.— Мен олдинга, сен орқага ўтгандан сўнг, мен қулоқ соламан, ҳозирча сен эшитиб ол.— Секингина шивирлади:— Уруш. Яқин қолди.— Қатъият билан қайтарди:— Юр. Юр, орқанга қарама. Энди сенга жуда ҳам оғир тушадиган иш ҳақида эшит. Уруш бошлангудек бўлса, ўзингни йўқотиб қўйма. Чидаш керак, сабр қилиш керак. Биринчи кунларда алоқа узилиб қолади.— Хўрсинди:— Шунақа, ошна. қанча қийналсанг ўзинг биласан, аммо ҳаяжонга тушма, рейхга садоқатли бўлишни бил. Ҳеч қандай ҳаракат қилма, тушундингми? Ҳеч қандай ҳаракат, фақат буларнинг ичига киришиб кет. Нима бўлганда ҳам ўзингни қилиб ол.— Кейин Бруно Вайс билиши керак бўлган гапларни айтди. Вайснинг ота-онасидан келган хатнинг мазмунини оқизмай-томизмай, ёддан айтиб берди. Уйингизда бўлдим, деди. Бошлиқларнинг қандай иш тутиш кераклиги ҳақида кўрсатган йўл-йўриқларини маълум қилди, ўзи маслаҳатлар берди. Сўнгра деди:— Сен билан алоқа қилгани бошқа ўртоқ юборилади. Энди қисқа қилиб сўзла, қулоғим сенда.

Шунда Бруно Вайсдан олдинга ўтиб олди.

Иоганн хуфия жой орқали маълум қилиб улгурмаган ҳамма гапларни бирма-бир сўзлаб ўтди. У иш ҳақидаги гапларни тугатиб, бугун ўзини энг кўп ҳаяжонга солган нарсага, Брунонинг яқинлашиб қолган уруш ҳақидаги гапларга қайтмоқчи эди, сўқмоқ тугаб, харобазордан очиқ майдонга чиқиб қолдилар.

Икки немис солдати шу ерда ажралишди — бири ўннга, иккинчиси сўлга қараб кетди. Улар ҳали яна охириги марта учрашишлари кераклигини билмасдилар...

Вайс зарур нарсаларни сотиб олди-да, велосипедга миниб орқага, ўз ҳибсхонасига қайтди. У фон Браухичнинг портретини чизади, тўғрироғи, уни армия журналининг рангдор муқовасидан кўчириб ишлайди. У темир дарвоза олдига шахдам келиб тушди, соқчиларга уч соату қирқ беш минутга берилган хизмат қоғозини кўрсатди. Вайс фон Браухичнинг портретини чизди. Лекин фон Браухич бу ерга ташриф буюргани йўқ. СССР чегарасида тўпланган гитлерчи қўшинлар ҳужумга ўтишга тахт турар эди. Ёлғиз фюрернинг буйруғига кутиларди.

Уша кундан эътиборан, Иоганн учун машаққатли синов кунларн бошланди, бу ундан бутун маънавий-руҳий кучини ишлатишни, саботматонатли, устомон бўлишни талаб этарди. Бу кўпинча ўз терингни ўзинг шилиб олиб, ўнгини терсга ағдариб, яна устингга илиш ва бунда илжайиб туриш билан баравар бўлар эди. Гўё юрагинг ҳеч нарсани сезмаётгандай, азобланмаётгандай, ҳозирнинг ўзида, худди шу тобда ўч олиш иштиёқи билан ёнмаётгандай кўрсатишинг керак ўзингни. Қасос олганда ҳам ўзинг учун эмас — ўзингни ўйлайдиган замонми — жон олиб жон бераётган халқинг учун олишинг керак!

Аммо Вайснинг жасорати ҳаракатдан маҳрум жасорат бўлиб, у шунга маҳкум этилган эди. Совет кишиларини ўлдиришяпти, сен бўлсанг, қотиллар ичида, уларнинг қароргоҳида туриб ўз бурчингни бегидир бажаришинг, кутишинг керак. Фашизмнинг махфий кучлари махфиёна берадиган зарбаларнинг олдини олувчи ва ўз ҳаёти билан ҳар бир инсон ҳаётига жавобгар бўлувчиларнинг иродаси ва онги томонидан белги-ланган муддат келганда барини аниқ, расо бажо келтириш учун кутиш керак бўлади.

Иоганн Вайс майор Штейнглиц бошлиқ махсус бўлинмага тайин этилди; бу бўлинма вермахтининг ҳужум қилиб бораётган қисмлари кетидан босиб олинган ерларда абвернинг разведка ва контрразведка хизмати учун материал йиғиши керак эди.

Худди шундай вазифа гестапога ҳам юклатилган бўлиб, шунинг учун топшириқни жон куйдириб бажариш, рақобатда гестаподан ўтиш керак бўларди. Майор Штейнглицнинг бўлинмасига кирувчилар махсус тайёргарлик курсларини ўтишлари лозим эди.

Абвернинг бошқа хизматчилари билан бирга Иоганн Вайс курсда совет ҳужжатлари, партия ва комсомол билетлари, портретлари, орден дафтарчалари, командировка фармойишлари, хизмат гувоҳномалари, пропускалари, турли хил справкаларнинг асл нусхалари билан танишади. Шу билан бирга, у совет давлат муассасаларининг, партия ташкилотларининг тузилиш, ҳисобот системаси, ҳисобот бериш ва ҳужжатлар тузиш йўллари ҳақида бир қатор лекциялар эшитди.

Иоганн бир неча марта майор Штейнглицни шаҳарга олиб тушди. Бир куни у Штейнглицга деди:

— Майор жаноблари, рейхскомиссарнинг резиденцияси олдида турганимда машинага гестапо зондерфюрери чиқиб ёнимга ўтирди — тўладан келган, малла ранг, ёши ўттизларда, кўзга ташланиб турадиган аломатлари йўқ. Аввал бир пачка сигарета тутди, кейин иккитага чиқди. Келаси сафар ённга бир шиша шнапс ҳам қўшамап деди. Сўрашга нжозат этинг, унга сиз тўғрингизда нима деб айтай?

Вайс буларнинг барини хизмат юзасидан бўладиган гапдай қилиб, худди бунинг ҳеч бир ажабланидиган жойи йўқдай (хизмат бўлгандан кейин шу-да.) бепарво туриб айтди.

Гарчи, майор гўё эшитмагандай, англамагандай, диққат қилиб ўтиришга арзумаган гапдай индамаган, ҳеч нима демаган бўлса ҳам, аммо унинг кўзлари қислиб, лаблари қақраб кетганидан, Иоганн сўзлари нишонга бориб текканини пайқади.

Фақат ҳафтанинг охириги куни навбатдаги сафарлардан бирида Штейнглиц бефарқ туриб қизиқсинди:

— Хўш, анови йигитни учратдингми?— шундай дея у Вайс айтган аломатларни бирма-бир такрорлади.

Иоганн майор сўраган оҳангда бефарқ жавоб берди:

— Кўрдим, бироқ унга нима дейиш кераклиги ҳақида сиздан ҳеч қандай кўрсатма олмаганим туфайли, гаплашишдан бош тортдим.

— Сен фюрер хизмати нимага қизиқса барига жавоб беришинг керак.— қисқа қилиб деди майор.

Вайс бу гапнинг нимкосаси қандай бўлди экан, деб бир муддат жим қолди, сўнг бирдан юзи ёришиб, самимий қилиб деди:

— Холам менга: хўжайиннинг мамнунлиги сенинг мамнунлигинг, кимда-ким хўжасини ўзгартириб турса, унинг боши хўжасиз бўлади, дерди, майор жаноблари.

— Холаги ақлли хотин экан.

— У киши вафот қилганлар,— эслатди Вайс.

— Келаси сафар уни нима қизиқтираётганини билиб ол,— деди майор қуруққина қилиб. Сўнг чўнтагига қўл солиб, ҳамёнини чиқарди-да, Вайсга пул узатди.— Ол, у билан пиво ичинглар.

— Ташаккур, майор жаноблари.

Аммо Вайс Штейнглицни қўрқитиб юриш учун номи бору ўзи йўқ бу гестапчинини ишга солишга, шу баҳонада Штейнглицнинг ўз оғзидан ўзи ҳақида бирон гап эшитишга мўъссар бўлмади: эртаси куни тунда

махсус бўлинмани тревога билан турғизишди. Ҳамма қатори Иоганн ҳам бу ердан шарқий чегара томонга жўнаб кетди. Бўлинма аҳолиси аллақачоноқ қувиб чиқарилган хуторга жойлашди. Тақиқланган зонадан ўтиб бораркан, Иоганн иккинчи эшелоннинг пиёда ва моторлашган қўшинларини кўрди: улар жангга киришга шай бўлиб турардилар. 1941 йилнинг ўн олтинчи июнь кунини эди.

Маориф министрлигининг собиқ мансабдори обер-ефрейтор доктор Зуппе томонидан берилган охириги кўрсатмалар асосан, душман ҳужжатларини тасниф қилишга оид эди. Уларни мош ранг брезент халталар ва сандиқларга маълум бир тартибда қўйиш керак эди: партияга оидлари — биринга, давлат ҳужжатлари — бошқасига, иқтисодга алоқаси бўлганлари — учинчисига ва ҳоказолар. Тамгалар, медаллар, орденлар, муҳрлар, штамплар учун қопқоқлик челақлар ажратилган эди. Ҳар бир солдатга почтальонларникига ўхшаш сумка берилди.

Жўнаш олдида бўлинмага ўғрилар ишлатадиган ускуналар, темир сандиқларни очадиган газ кескичлар билан таъминланган тўртта янги солдат келиб қўшилди.

Уша Зуппенинг ўзи ҳужжатлар сақлападиган жойлар ва уларнинг тартибини ҳақида маълумот олиш керак бўлиб қолганда, совет кишилари билан қандай мусамала қилиш кераклигини айтиб берди. Сўзининг охирида Зуппе фюрердан мисол келтирди:

— «Мен инсонни ерга урадиган, виждон деб аталмиш сафсатадан халос қиламан. Виждон, худди маърифатга ўхшаб кишини мажруҳ қилиб қўяди». — Кейин ўзи қўшиб кетди. — Эркинлигимизнинг улугворлиги шундаки, биз раҳм-шафқат, олижаноблик, рақибни аяш сингари шахсини бўғиб қўювчи тушунчалардан халос бўлганмиз.

Ешни ўтиб қолган солдат Курт Рейнхольд Зуппе ҳақида энгаси қотиб ҳедди:

— Бу ялоқи Веймар республикаси пайтида сўзлаган либерал нутқларини ҳалигачаям суваб кетишга уринади. Кейин у профессорлар ва студентларни чаққан. Абверга олишганда, шуни назарда тутишган.

— Сен қаердан биласан?

Рейнхольд Вайсга кўз қирини ташлади:

— Лейпциг университетиде швейцарь бўлиб хизмат қилганман, унинг топшириғи билан гестапога пакетлар олиб борганман. Демакки биларканман.

Қўшни хуторда СД зондеркомандасининг бўлинмаси жойлашган эди. Вайс бу бўлинманинг солдатлари яқингинада концентрацион лагерда амалий ўқув курсини ўтганликларини билди. Бу курслар 1933 йилнинг феввалидаёқ ҳамма СС полклариде ташкил этилган эди.

Германиянинг аҳоли яшайдиган ҳамма ерлариде ҳар беш хонадонга битта айғоқчи тўғри келар, булар концлагерларга қамалиши керак бўлган кишиларни аниқлар эдилар.

Лагерларга келтириладиган одамларни қайта ишлаш методикаси ниҳоятда усталик билан миридан-сиригача ишлаб чиқилган эди. Ҳамма нарса батафсил ёритилган қўлланмаларда ҳеч нарса унутилмаганди: лагерь иншоотларининг чертёжлари, юқумли касалликлардан қайси бири кўпроқ ўлим келтириши ҳақидаги ҳисоблар, касал юқтирмаслик учун қандай эҳтиёт чоралари кўриш кераклиги ҳақида хизматчиларга тиббий маслаҳатлар, мажбурий меҳнат билан шуғулланувчи маҳбустларнинг кучини асрашга мўлжалланган овқат турлари, Рейхга ва лагерь хўжалиги иқтисодига ортиқча юк бўлганлар сираси учун кўзда

тутилган махсус очлик рациони — бари-бари қўлланмада акс этган эди.

Лагернинг махсус блокларида Учинчи империя граждaнларининг соғлигини сақлашда наф келтириши мумкин бўлган илмий-текшириш медицина тажрибалари ўтказилар, бу блокларга чет кишиларнинг кириши қатъиян ман этилсин, деган кўрсатма бор эди. Кўрсатмада бу тажрибаларнинг методикасини ошкор қилган одам аёвсиз жазога тортилади, дейилган эди.

Ҳандақларнинг махсус схемалари мавжуд бўлиб, буларда қамоқхона билан ҳандақ орасидаги масофа қанча бўлиши кераклиги кўрсатилганди. Уликларни кўмишда уларни қай йўсинда жойлаштириш қулайроқ бўлиши ҳақида таклифлар қилинганди. Маълум бир чуқурлик ва кенгликка эга бўлган ҳандаққа қанча ўлик сиздириш мумкинлигини кўрсатувчи жадваллар тузилганди. Эслатмада, Германия Женева битимларини тан олмайди, шунинг учун ҳарбий асирларга қилинадиган муомала режимида ишлаб чиқиш бутунлай, лагерь администрациясига юкланади, дейилганди.

«Лагерь тартибини бузувчиларга қарши кўриладиган жазолар» бўлимида бунга «Энг кучли таъсир қиладиганлари қўллансин» деб жавоб берилганди.

Бу қондалар солдатлардан биронтасининг ҳам қўлига берилмасди.

Бўлинма командири бўлган офицер уни планшетида целлулоид қопоқоқ тагида сақлар ва уни планшеткасини қўлдан қўймаган ҳолда, ҳар бир солдатга ўқитар эди.

Шу кунлар ичида ўз атрофидаги одамларни кузатаркан, Вайс уларнинг бари ҳам ҳаддан ташқари вақтичоғ бўлиб қолганини, ўз тақдирларидан мамнун эканликларини кўрди. Мамнун деб секинроқ айтасизми! Ахир, улар ҳаракатдаги армия қисмларига тушишдан қутулиб қолишди, демак, жонлари саломат бўлади, ҳар қадамда уруш таҳдид солиб турмайди: зарбдор қисмлар изидан борилганда, фақат чаққон-чаққон хизмат қилиб турилса, бас.

Улардан баъзи бировлари: ўзимиз саёҳат қилишни яхши кўрардик, мана энди уруш қўл келди, шунинг баҳонасида Европанинг кўпгина мамлакатларини айланамиз, ёдгорлик, совға-саломлар келтирамиз. Бундоқ олиб қараганда, эркак зоти урушнинг исини тотиб турмаса, туғишдан тўхтаган аёлнинг ҳолига тушади, деб гап сотишар ва «Қирол Пруссияга бош, Пруссия Германияга бош, Германия эса бутун дунёга бош», деган қадим немис маталини эслашарди.

Буларнинг аксарияти майда амалдорлар, устахона эгалари ва дўкандорлар бўлиб, вазмин, сипо одамлар эди; улар граждaнча кийимларини ташлаб, солдат мундирларини илиб олганларидан сўнг йўқотиб юрган нарсаларини топгандай бўлдилар.

Айримлари ўз вақтида, Гитлернинг ўттизинчи йиллар бошида сўзлаган «революцион» нутқларида, қудратли концернларнинг жиловини тортиб қўяман, майда немис буржуазиясини гуллатаман, деб берган ваъдаларига ишониб, қўйинларини пуч ёнгоққа тўлғазиб юрган эдилар.

У ҳатто майда дўкандорларни жойлаштириш учун йирик универмаглари мусодара қилишга ҳам ваъда берганди. Бу ваъдалар билан у майда дўкандорлар ва савдогарларни фашизмнинг ашаддий тарафдорларига айлантирди. Улардан эпчилроқлари ўзларини нацилар орасига уришди, бошқа бировлари армияга, махсус бўлинмаларга жойлашиб олишди, бу ерда ҳам улар Германиянинг ишончли табаалари сифатида пичоқлари мой устида бўлншини кўзда тутган эдилар.

Булар солдат мундирини кийган бюргерлар бўлиб, уларнинг фюрер чишиб берган зафарли йўлни иложи борича енгилроқ, қулайроқ босиб

Ўтишга уринишдан бўлак қайғулари йўқ эди. Улар фашист партияси — «давлатнинг ақл-идроки» деган гапни аллақачоноқ мияларига сингдириб олгандилар. Шундан, уларнинг хотинлари илгари қўлсочиқларга турмушга оид насиҳатларни кашта билан тикиб юрган бўлсалар, эндиликда эса, уйларининг деворлари Гитлер, Геббельс, Розенберг сафсаталари жимжимадор қилиб ёзилган кашталар билан безанган эди.

Авваллари улар ўз бола-чақаларини Инжилдан мисол келтириб тарбиялаган бўлсалар, эндиликда фюрернинг: «Биз ёшларни шиддатли, жангари ва аёвсиз қилиб тарбиялаймиз... Мен улар навқирон қашқирдай бўлишларини истайман», деган сўзлари ахлоқ ва одобнинг беқиёс чўққиси бўлиб қолганди.

Ушбу неофитларнинг¹ кўпчилиги анкета тўлдираркан, менинг ўғлим гестапода, меники СД да, меники СС да, меники эса абверда хизмат қилиб Рейх олдидаги ўз бурчларини адо этмоқдалар, деб калондимоғлик қилишарди. Бу махсус қисмларда хизмат қилиш ҳуқуқидан тортиб, бошқа талай имтиёзлар ҳам берарди.

Майор Штейнглиц капитан Оскар фон Дитрих билан бирга чоғроқ бир виллани ишғол қилишди.

Майор бу одам билан анчадан бери таниш бўлиб, деярли дўст тутинганди. Ҳа, деярли! Зотан, у кимлигидан қатъий назар ўзига дўст орттиришни ҳаётда ортиқча даҳмаза деб биларди; ҳар ким бошига ёққан қорни ўзи кураши керак, бошқалар билан тангамрилик иши бўлмаслиги лозим, деган қондага амал қиларди у. Ҳар бир кимса ўз ҳақини ўзи тўлайди, бошқалар синдирган тарелка учун у ҳамён кавламайди — мана шу нарса ҳар жиҳатдан Штейнглицнинг дастуриламали бўлиб қолганди: у ўз мақсадига эришнш йўлидагина ошначилик қиларди.

Дитрих нуфузли юнкер оиласидан эди. Унинг калла, бурун, қулоқ тузилишлари орий ирқининг олиий белгиларини текширувчи ҳар қандай мутахассисни ҳам қўйил қолдирнши мумкин эди.

У ҳарбий билимлардан ташқари яна кенгроқ маълумот ҳам олган ва шу боисдан фюрернинг 1930 йил 30 январь куни рейхстагда «Зиёлилар — миллатнинг чиқиндиларидир...» — деб баён қилган таълимотининг қурбони бўлишга оз қолганди. Аммо абвернинг контрразведка бўлими «III-Ц»нинг раҳбар ходимларидан бири бўлмиш Оскар фон Дитрихнинг бу томондан ҳам кўнгли тўқ эди.

Аксель Штейнглиц абвернинг қўпоровчилик, саботаж, террор уюштирувчи иккинчи бўлими — «Ц»да хизмат қиларди. У кўп йиллар қора терга тушиб, ҳа деган ишдан бўйин товламай хизмат қилиб келганди. Штейнглиц оми одам бўлишига қарамай, топшириқни бажариб юрган кезларида ўз ихтисослари бўйича империя разведкаси билан алоқада бўлган университет профессорлари тайёрлаб берган материалларни ўзлаштириб олиб маълумотли одам қиёфасига кириши мумкин эди. Аммо топшириқни муваффақиятли бажариб қайтиб келгандан сўнг, кийимларини алмаштирганидек, ҳалиги озгина билимларини ҳам ўздан соқит қиларди.

Махсус хизмат Штейнглиц учун касби кордан бўлак нарса эмасди. Агентларга тўланадиган чўтсиз, беҳисоб чет эл пулининг тасарруфи ўз қўлида бўлса, бўлимда ишлаб армонсиз кетардим, деб ҳисобларди Штейнглиц. Чунки чўтсиз пул тўлаш ўз қўлида бўлса, ҳамёни ҳам пуч турмайди.

Учинчи «Ц» бўлимида ишлаш Оскар фон Дитрих учун шунчаки бир хизмат, касби кор, ҳатто мансаб орттириш воситаси эмасди. У бу ишда

¹ Бу ерда Гитлер гаълимотини янгигина ўзлаштириб олган одамлар маъносида (тарж.):

ўз умидлари, қарашлари, одми одамларнинг қўл-оёғири боғлаб қўювчи ахлоқ ва одоб қовунларидан холи олий шахс идеалларининг мутаносиб, жамлама нфодасини кўрди.

Муҳими, у ҳукм юритиш, одамлар устидан ҳукм юригишга муяссар бўлди. Инсон умри қўлингда бир ўйинчоқ бўлса, бунга нима етсин, бинобарин, унинг наздида бундан кўра жозибалироқ машғулот йўқ эди!

Аксель Штейнглиц ўзидан ҳам унвон, ҳам тутган мавқеи жиҳатидан юқори турганлардан кўп хорликлар кўрган, аммо бу унинг онгида оғир оқибатлар қолдирмаган эди.

Оскар фон Дитрих бундай дилсиёҳликларни бошидан кечирмаганди, аммо ҳар қалай, таъби тирриқ бўлган кезлар ҳам йўқ эмасди. Бўз йигит ёшига етган чоғлари у аёллардан тортинар, уялар, уларга кўнгли чопмас эди. Бир куни у бундан қутулишга ҳаракат қилиб кўрган эди, ўзини ожиз сизди. Тснгқурлари анчага довури Дитрихни мазах қилиб юришди.

Ҳарбий билим юртида ўқиб юрган пайтларида у қадим Рим аслзодалари изидан бориб, болабачча бўлди. Уни қиличбозлик муаллими ўз қаноти остига олди. Муаллим ўзига орқа қилган Оскарни бошқа кадетларнинг майнавозчилигидан қутқарди, унга ҳурмат кўзи билан қарашга мажбур қилди. Бунинг унчалик қийин жойи ҳам йўқ эди, чунки Германиянинг ёпиқ билим юртларида хунук одатлар кенг тарқалганди.

Оскарнинг Рейхсверда хизмат кўрсатган офицер, Кайзернинг собиқ адъютанти бўлиши отаси қандайдир йўл билан ўғлининг қиличбозлик муаллимига кўнгли боғлаб юрганлигини билиб қолади. Ота-бола ўрта-сида оғир гап қочади, шунда фарзанди ноқобил ботиниб, кайзернинг ўзи ҳам суюкли муаллиминикига ўхшаш хислатларга эга бўлганлигини шама қилади. Натижа шу бўлдики, отаси ой сари бериб турадиган пулни бермай қўйди.

Оскар қийналиб қолмаслик учун онасининг айрим қимматбаҳо нарсаларини ўғирлади. Гарчи, унинг бу қилғилиги Дитрихлар томонидан ошкор қилинмаган бўлса-да, онасини севган Оскар энди унинг чўчиган, маъво бўлиб қолган юзларини кўриб, узоқ вақт ўзини қўярга жой тополмай юрди.

Оскар фон Дитрихнинг ҳаётида яна бир дилсиёҳлик рўй берган эдики, у буни эсласа, узоқ йиллар ўтган бўлишига қарамай, ҳалиям шолғомдек қизариб кетарди. Нима ҳам бўлиб, юнкерлар машғулот ўтказаетган очик лагерь полигонига оппоққина эчки боласи адашиб келиб қолади. Юнкерлар майнавозчилик қилиб, унга қараб тартибсиз ўт очишади. Уқ еган эчки боласи аввал зорланиб маъраганича ўзини ҳар томонга атади, кейин синган орқа оёқларини судраб эмаклаб қолади. Юнкерлар унинг атрофини ўраб олиб, жон талвасида қийналаётганини томоша қилишади. Шунда Оскар чидолмай, ҳўнграб йиғлаб юборади.

Бу уят эди.

Уқув юртининг офицерлар йиғилишида Оскар кўп таъна-тазаррулар эшитди. Унга сиз ўқув юртини шарманда қилдингиз, бўлажак офицер учун ярашмаган қилғилигингиз билан юнкерларда ниҳоятда ёмон таассурот қолдирдингиз, деб айтишди. Ҳатто гап уни ўқув юртидан ҳайдашгача бориб етди.

Отасини чақиртиришди: отаси аввалги сафар ўғлининг қиличбозлик муаллими билан қилган одобсизлигини кинояли жилмайиб қарши олган ва Александерплац кўчасидаги қизларга пул сарфламайдиган юнкер тежамли кун кечираверса ҳам бўлади, деб пул бермай қўйган бўлса, энди полковник фон Дитрих ўғлини бўралаб сўкар ва лиқилдоқ, кўкни-

тир томирлари бўртиб чиққан қўллари билан унинг мундирин ёқасдан тутиб силталар, ҳатто шапалоқлаб юборай дерди.

Охири Оскар айбини бўйинига олди, пушаймон қилди, шу билан ҳаммаси бости-бости бўлиб кетди.

Уқув юртини тугатгач, Оскар фон Дитрих армия хизматини ўташ учун отасининг ошна-оғайнигарчилигидан усталик билан фойдаланди. абверга ўтди ва бир маҳаллар кўрган хўрликлари қасдини олиш мақсадида, бу жиҳатдан чексиз ҳуқуқлар берадиган учинчи бўлимга ўрнашди.

Бироқ йиллар ўтган сайин тажриба орттирди, боргап сари юқорнрэк лавозимни ишғол қилаётган фон Дитрих бу хизмат воситасида кўп нарсага эришиши мумкинлигини англади. Бу туғма заифликлардан (бу туғрида Фрейд таълимотини қониқиш билан ўзлаштириб олди) холи қилибгина қолмай, айни пайтда, олпй шахсининг бошқалардан устунлиги ҳақидаги фалсафий назария билан ҳам қуроллантиради. Бу назарияни у хизмат мавқеини суинистеъмол қилмай турибоқ, амалда қўллавериши мумкин, чунки бу билан, яъни пдеалларига амал қилиб, у Рейхнинг қудратини мустаҳкамлайди.

Бора-бора Оскар фон Дитрих абвернинг раҳбари алоҳида қадрлайдиган контрразведкачилардан бирига айланди. Мутафаккир, билнмдои, адмирал Канарис, контрразведка — махсус хизматнинг бир тури эмас, балки бир сиқим сара одамларгнна тушуннадиган дунёқараш системасидир, деб айтарди. Одамларнинг барча кўзга кўринмас, яширин ожизликларидан, қилмишлари, пастарннликларидан тўла-тўкис хабардор кимсагина уларнинг устидан ҳукм юрнта олади, мабодо, кимда-ким алдовга учмаган бўлса, бу йўдан оздириш воситалари етарли бўлмаганини ёки айни шу одам учун тўғри келмаганлигини кўрсатади, деб ўргатарди Канарис.

Канариснинг фикрича чинакам контрразведкачи бировнинг айбини ошкор қилмаслиги керак, аксинча, у ҳокимият тепасидаги одамларга қарши далилларни йиғиб бориши, бу кимсалардан биронтаси жиловини узмоқчи бўлган тақдирда, жам топган айбномани ишга солиш имкониятига эга бўлиши зарур. Контрразведкачининг қўлида шу хилдаги маълумотлар қанча кўп тўпланса, унинг шахсий ҳукм юритишга эришуви шунча осон кўчади.

Вермахт бош штабининг калонлари, Гитлернинг энг яқин сафдошлари тўккан қонларни, тарихда мисли кўрилмаган ифлослик ва қабиҳликларни санаб ўтилса, шунинг ўзи бир энциклопедия бўлар эдики, буларнинг бари Канариснинг махфий картотекасида акс этганди. Шундан Канарис вақти келиб, бу шахсларнинг ҳар бирига ўз картотекасидаги ёзувларни рўкач қилиш орзуси билан яшар, шунда улар менга ўз эҳромларининг энг юксак чўққисидан жой бўшатиб берадилар, деб умид қиларди.

Аммо у ниҳоятда эҳтиёткорлик билан иш тутарди, чунки қачонлардир, ҳали ефрейтор бўлиб юрган кезларидаёқ Фюрернинг ўзи армия жосуси бўлганлигини ва хизматнинг бу тури чексиз имкониятлар очиб беришлнсига ишонч ҳосил қилганлигини биларди. Шунинг учун ҳам Гитлер бир ерга йиғилган жосуслик органларини бошқарувчи кимса Учннчи империяда ҳокимиятти эгаллаб олишидан ҳуркиб, бу қудратли кучни бир одамнинг ихтиёрига топшириб қўйишга юраги бетламади ва уни кўп органларга бўлиб юборди.

Фюрер уни «шарбатга солинган сиртлон», деб атаганини эшитиб, Канарис сираям хафа бўлмади, ҳатто бунинг ўзига мақтов деб тушунди, лекин янада эҳтиёткорроқ бўлиб қолди.

Европа мамлакатлари билан олиб борилган махфий уруш даври

Гитлер билан яқинлашиш учун Канарисга очиқ урушга қараганда, кўпроқ имкон тугдирган эди. Улимга ҳукм қилиш учун далиллар тўплаб берадиган дастёрлик хизмати унга қўпол ва келажаги йўқ ҳунар бўлиб кўринди, яна шуниси ҳам бор эдики, бу иш билан биринчи бўлиб ҳам гестапо, ҳам СС, ҳам СД шуғулланар, Гитлер буларга ўзгача бир эътибор билан қарар, ҳомийлик қилар, афзал биларди.

Оскар фон Дитрихнинг отаси Канарис билан ошна бўлганлиги туфайли капитан бу гапларнинг баъзиларидан хабардор эди. Унинг иззат-нафси ҳам кўпинча озор чекарди. Гестапо, СС, СД офицерлари фаолияти фақат вермахт ва унинг штаблари манфаати билан чекланган абвер ходимларидан ўз устунликларини қўпол суратда очиқ-ойдин таъкидлаб турар эдилар.

Қотмагина, нозик, ўзини тута биладиган Оскар фон Дитрих ҳатто мансаб жиҳатидан ўзидан юқори турганларга ҳам калондимоғлик, тақабурлик, айни чоқда, совуқ бир назокат билан муомала қилардики, бу ҳар қандай шароитда ҳам ўз қадр-қимматини сақлашга, бошқаларни эса, зимдан ерга уришга имкон берарди.

Ўзидан ҳам унвон, ҳам даражаси жиҳатдан юқори турган армия офицерига худди хотинларникидай мулоим тиниқ кўк кўзларини тикиб, у билан чет бир нарса ҳақида суҳбатлашиб ўтираркан, Дитрих ўзининг кўзга кўринмас кучга эга эканлигидан лаззатланар, чунки қўлида мана шу офицерни истаган вақтда солдатликка тушириб қўядиган ёки ҳатто, навбатчи гестапо бўлинмасининг машқи учун нишон қилиб қўядиган маълумот бўларди.

Майор Штейнглиц унвон жиҳатидан юқори бўлишига қарамай, ўзини капитан Дитрихга муте тутарди. Бу зоти пастнинг аслзода олдида, қулнинг хўжа қаршисида беихтиёр сажда қилиши билан тенг эди. Бу ўринда Дитрихнинг қўллаб-қувватлаб юборишига зимдан боғланган умид ҳам йўқ эмасди.

Штейнглиц гитлерчилар Германиясининг ва умуман, азалдан ҳам Германиянинг ҳақиқий ҳукмдорлари — саноат магнатлари ва олий офицерлар корпуси бўлиб келган, бу абадий шундай бўлиб қолади, ўзгармайди деб қаттиқ ишонарди, нациларнинг ҳеч қандай ташвиқоти уни бу фикрдан қайтаролмади. Нима ҳам дерди, нацистлар Германияни коммунистлардан, социалистлардан, касаба союзларидан, либераллардан, бирлашиб келаётган қудратли ишчи кучндан тозаладилар, қассоблик қилдилар, холос.

Гарчи фюрер — фашистлар доҳийси ва Рейх бошлиғи бўлса-да, бироқ агар Рейх Учинчи империя бўлса, у ҳолда, Гитлер худди Кайзер каби императордир. Унинг суянган тоғлари Кайзерникига ўхшаб — магнатлар, бойлар, йирик мулкдорлар, ҳарбий аслзодалардир.

Ўз тўпори ақли билан Штейнглиц шундай деб ўйларди ва арқонни узун ташлаб ҳарбий зодагонлар вакили бўлмиш капитан Оскар фон Дитрихга хизмат кўрсатарди. Шунинг учун ҳам, бир куни Оскар ўзининг «Айне нахт ин Монте-Карло» деган севимли ашуласи ёзилган пластинкани синдириб қўйганида, Штейнглиц шу заҳоти, ташвиқот бўлимидан янгисини топиб беришга ваъда қилди.

Ҳавонинг рўйи очилган илиқ июнь кечаларидан бири эди. Кўлларнинг йилтиллаган сатҳида ой ҳам, юлдуз ҳам, зангори осмон ҳам акс этиб турарди. Теракларнинг аччиқ ва сархуш ҳиди анқирди. Сарик гул-

ли шумғня босиб кетган экин далаларидан болнинг хушбўй ҳиди келарди. Иоганн машинани шошмасдан кўримсиз, қуруқ, танк излари тушган асфальт йўлдан ҳайдаб борарди.

Мулкдорнинг узун, дарахтлар соясидан ола-чипор тусга кирган хиёбонидан ўтишди. Кейин яна ҳайдовсиз ётган сўқир далалар бошланди. Бундан ўтиб ўрмонга кирдилар, худди туннелдай қоронғи бўлиб қолди.

Иоганн чироқларнинг ҳаммасини ёқди, шунда олд томонда тасир-тусур ўқ товушлари, бақириқ-чақириқлар, зарб овози ва ойнанинг сингани эштилди.

Машина чироғининг нури мажақланган радиатори билан каштан дарахтига тиралиб ётган автомобилни ёритди.

Бири пистолет, иккинчиси автомат кўтариб олган, ранглари қум ўчган, қонга беланган алоқа қўшинларига тегишли икки офицер машинага сакраб чиқиб, Вайсга машинани тез ҳайдашни буюрдилар.

Вайс имо билан Штейнглицни кўрсатди.

Майор эътиборсизлик билан:

— Утиринглар. Ҳужжатларни кўрсатинг,— деди.

— Жаноб майор, ҳар бир дақиқа...

— Кетдик,— деди Штейнглиц Вайсга, ҳужжатларни офицерларга қайтара туриб, сўради:— Ҳўш?

Алоқа офицерлари ҳамон ҳаяжонланиб, тутила-тутила, бири олиб бири қўйиб нима бўлганини айтиб беришди.

Бундан бир неча соат олдин қандайдир бир солдат полк рацияси ўрнатилган машинага чиқиб олиб, радист билан унинг ёрдамчисини беҳуш қилибди-да, уларни кузовдан ташлаб юборибди ва машинани олиб қочибди. Станция навбатчилари қаердадир, шу район ичида янги радиостанция ишга тушганини, у рус тилида очиқ текст билан: «Совет Иттифоқининг барча радиостанцияларига: йигирма иккинчи июнь кунини фашистлар Германияси қўшинлари СССРга ҳужум бошлайди»... деб хабар тарқатаётганини билиб қолишибди...

Станцияни қўлга тушириш учун пеленгацион қурилмали машиналар йўлга чиқибди, шулардан бирнда манави икки офицер ҳам бор экан. Кўп ўтмай улар шосседа ўғирланган юк машинасини кўриб қолишибди ва уни таъқиб қила бошлашибди, станцияни топшиганини эфир орқали бошлиқларга маълум қилишди, аммо қайилншда машиналари шофернинг атай қилганиданми ёки тажрибасизлигиданми дарахтга бориб урилибди.

Иоганн машинани тезлатишга мажбур бўлди. Унинг ёнига ўтириб олган офицер дам спидометрга, дам йўлга қарар ва чамаси, жўрттага автоматини Иоганннинг биқинига ниқтарди.

Штейнглиц ҳам қизишиб кетиб, Иоганннинг елкасига «Вальтер»нинг стволни билан ниқталарди.

Кўп ўтмай олдинда фургон кўринди, одатда, полк радиоустановка-лари мана шундай фургонларга ўрнатиларди. Ҳозирча ҳеч қандай нафи йўқлигига қарамай, алоқачилар ва Штейнглиц қуролларини машина бортидан чиқариб, фургонга ола-тасир ўқ уза бошладилар.

Юқорига кўтарилишда фургоннинг юриши бирмунча секинлашди. Вайснинг машинаси уни қувиб етиши аниқ бўлиб қолди.

Шунда Иоганн мен ҳам бурилишда авария қиламан, деб қарор қилди. Аммо бу ишни ҳалок бўлган шофердан кўра усталик билан амалга ошираман, деб ўйлади у, машинани дарахтга эмас, йўл четигаги йўнилган тош тўсиқларга ураман. Қанотни пачоқлолса бас, тўхташ керак бўладн, қанот ё олиб ташланади, ё олдинги филдирак устидаги пачоқни тузатишга тўғри келади, фургон бу дақиқалар ичнда баландликдан ошиб кетишга улгуради.

У буни қапдай қилиб амалга оширсам экан, деб мўлжаллаб турган эди, кутилмаганда уларни гувиллаганча бир бронетранспортёр қувиб ўтди. Бронетранспортёрнинг пеш ойнаси устидаги қиялаб қурилган металл зирҳ узра оғзидан кўк аланга пуркаганича бўғилиб пулемёт тарнлларди.

Энди авариянинг фойдаси қолмаганди. Иоганн даҳшатли тезлик билан олдипга интилди. Аммо транспортёр машинани илгарилаб кетишига йўл қўймади: пулемётдан дам-бадам отилаётган ўқлар йўлни тараб ўтар экан, Иоганн машинасини ўқ ёмғири остида қолдиришни истамди. Пулемётнинг акиллаши моторларнинг гувиллашига қўшилиб кетарди.

Кўп ўтмай фургоннинг шиналари илма-тешик бўлиб кетган металл гилдираклари асфальтда шарақлай бошлади, гумбурлаган садо чиқди ва фургон жарга юмалаб кетди. Ҳаммаси тамом бўлганди.

Машина йўгон йўл тўсинларини қулатиб, буталар ўсган жарга ағдарилган жойда Иоганн машинани тўхтатди.

Фургон жар ичида тўнтарилган ҳолда ётарди. Унинг эшиклари қаттиқ беркилиб қолганидан, шоферни кабинадан олишнинг иложи бўлмади. Штейнглиц транспортёрдаги рациядан капитан Дитрихга хабар қилди, Дитрих контрразведкачи бўлганидан, бу иш унга алоқадор эди.

Иоганн транспортёр ёрдамида фургонни айлантириб қўйишни таклиф қилди. Ҳайдовчи қатъий суратда қарши чиқиб, бунақа қияликда пастга тушиш мумкин эмас, мен ҳали ўзимни ўзим ўлдирмоқчи эмасман, деди.

Вайс Штейнглицга мурожаат қилди:

— Рухсат этасизми?

Майор майли дегандай кўзларини оҳиста юмди.

Шундан сўнг Вайс ҳайдовчини четга буриб, транспортёрга чиқиб ўттирди-да, оғир пўлат эшикни беркитди. Фургон ичида чалпак бўлиб ётган одамни азоблардан қутқарай дедими, ёки тобутга ўхшаган, қўш пулемётлик манави кучли машинада ёлғиз қолгиси келдими, нима учун бу ишга қўл урди ўзи ҳам билмасди.

Туша бошлаши биланоқ кўп тоннали бу машина ўзига бўйсунмай қўяётганини сизди. Гўё машина тонналаб симоб олиб кетаётган эди-ю, энди у бир томонга босиб тушганидан, машинани ҳалоқатли тўнтарилшдан асраб бўлмайдигандай кўринарди. Иоганн моторни ишга солиб, машинани орқага силтаб тисартирганда, пўлат машинанинг бутун оғирлиги ҳам орқага кўчди. Яна бир дақиқадан сўнг машина дўнгалакдан дўнгалакка гўладай отилиб туша бошлайди. Иоганн эса уни оҳиста, майда-майда юриш билан тормоз қўйиб тушириши керак. Машина билан курашар экан, Иоганн борган сари ўзидан-ўзи нафратланарди. Нега ҳам шундай қилди? Аҳмоқона ўлиб кетиш учунми-а? Ё шикастланай, майиб бўлай дедими? Бундай қилишга унинг ҳаққи йўқ эди. Агар бирон кори ҳол рўй берса, бу ўтакетган аҳмоқлик, кучини ҳайфга кетказиш бўларди. Гўё у ўзини-ўзи бурчидан, хизматидан атай четлаштиргандай туюларди. Ўзидан-ўзи баттар нафратлангани сари, ҳаёт учун, яшаш учун олишув шунча кескин тус ола борарди.

Иоганн бу олишувда шунчалар ҳолдан тойдики, охирги кучини сарф қилиб транспортёрни жар ичига ўрмалаб тушишга мажбур қилганда, у қалт-қалт қилиб турган лабларига базўр сигарета қўндирди.

Бу орада Дитрих ва кўриқчилари билан икки полковник етиб келишди. Уларнинг ёнида санитар машинаси ҳам бор эди.

Иоганн ҳалиям транспортёр рулини ҳайдовчига бўшатиб бермади. Фургонга йўгон сим улашди. Кучли транспортёр уни тўнтариб қўйди.

Иоганн транспортёрни яқинроққа ҳайдаб келди ва ундан пастга тушмасдан, бўлаётган воқеаларни кузата бошлади.

Солдатлар бир-бирларини итаришиб, қийшайиб қолган эшикни очишга уринишарди. Иоганн транспортёрдан тушиб, фургоннинг иккинчи эшигига сакраб чиқди-да, радиаторга кўтарилди ва синган пеш ойнадан кабина ичига кирди. Кабинадаги одамда жон асари йўқ эди. Ниҳоят, солдатлар эшикни очишиб, рулни қапириб шоферни олишга ёрдам беришди. Далва-далва бўлиб кетган шилимшиқ гавдани майса устига қўйишди. Шофернинг пешанасидан шилиниб тушган терн унинг юзини пардадай қоплаб олганди.

Штейнглиц яқин келиб энгашди-да. бечоранинг сидирилиб тушган терисини саришталик билан юқорига кўтариб қўйди. Шунда Иоганн унинг юзларини кўрди. Бу Брупонинг юзи эди.

Транспортёрнинг ҳайдовчиси машина чироғини узала тушиб ётган танага тўғрилади.

Санитарлар замбил келтиришди, дори-дармон солинган халтасини кўтариб доктор пайдо бўлди.

Аммо бу ерда буйруқни полковниклар эмас, контрразведка вакили капитан Дитрих берарди. Дитрих ярадорни шу ернинг ўзида текширишни буюрди.

Врач қайчи билан Брунонинг мундирини қийди. Унинг кўкрагидан терисини тешиб чиққан қовурғаси кўриниб турарди. Бир оёғи қайилиб кетганди. Қўлининг пайжаси мажақланиб, қизил қўлқопга ўхшаб ётарди.

Врач қаддини ростлади-да, бу одамнинг яшашига умид йўқ, уни ҳушига келтириб ўтирмаслик ҳам керак, чунки бу нарса унга азоб бершдан бўлэк ҳеч қандай фойда бермайди, деб айтди.

— У тилга кириши керак,— дея гапни чўрт кесди Дитрих. Кейин врачга жилмайиб қараб, қўшиб қўйди:— Агар бошқа қимматлироқ нарсамдан айрилиб қолмай десангиз, вақтни қўлдан бермаслигингизни маслаҳат кўраман, герр доктор.

Врач шоша-пиша қандайдир ампулаларнинг учини синдирди-да, шприцни тўлдириб, уни кетма-кет Брунога санчишга киришди.

Капитан бўшаган ампулаларни шу заҳотиёқ териб оларди. Врач ўгирилиб қараган эди, Дитрих тушунтирди:

— Менинг илтимосимни қандай бажарганлигингизни анқлаш учун кейин кичикроқ бир консилиум чақиришга ижозат берарсиз-а, герр доктор?

Врач оқариб кетди, аммо яна бир бор Брунонинг кўкрагига игна санчар экан, қўли қалтирамади. Иоганнга у игнани худди Брунонинг қоқ юрагига санчгандай бўлиб кўринди.

Бруно хирқираб нафас оларкан. кўзини очди.

— Қойил,— врачни мақтаб қўйди Дитрих. Сўнг Штейнглицга қараб буюрди:— Ортиқча одамлар турмасин... Аммо врачга мурожаат қилиб деди:— Сиз қолинг,— кейин ерни кафти билан пайпаслаб кўриб, ўтираркан, зорланди:— Захроқ экан.

Штейнглиц шинелини ечиб, уни буклади-да, Дитрихнинг тагига тиқиб қўйди. Дитрих бош лиқиллатиб миннатдорчлик қилди ва Брунога энқайиб, табассум билан деди:

— Кимдан топшириқ олгансиз, нималарни хабар қилдингиз, қисқача айтиб беринг.— Брунонинг соғ қолган қўлини силади.— Кейин доктор сизни укол қилади, нариги дунёга қандай етиб борганлигингизни билмай қоласиз. Хўш, қани, бемалол...

Ваис транспортёр томон қадам ташлади, аммо полковниклардан бири пистолетини тўғрилаб, «Қайт!», деб шивирлади ва ҳатто уни йўл четигача кузатиб олиб чиқди. Шу ердан туриб у соқчиларга:

— Мана бунн ёнларингда ушлаб турияглар!— деб қичқирди.

Чарм комбинезон кийган мотоциклчилар Вайснинг олдига келиб, уя йўлга олиб чиқишди, мотоциклга ўтқазишди ва ҳар эҳтимолга қарши, колясканинг брезент қопчигини маҳкамлаб қўйишди.

Тун сукуватида Дитрихнинг бўғилган овози аниқ-таниқ эшитилиб турарди:

— Қайси оёғини бураяпсиз ўзи, доктор?! Сизга айтдим-ку, синганини буранг деб! Энди орқага буранг. Падарига лаънат, манов латтани олиб ташласангиз-чи. ахир! Кўраверсин... Марҳамат, яна укол қилинг. Жуда соз. Коньяк маъқулроқ дейман. Қани, унинг панжаси устига чиқинг-чи. Мунча ноз қиласиз, доктор! Тортинманг! Бу ҳар қандай уколга қараганда ҳам тезроқ жон киргизади.

Иоганн симдай таранг тортилди, назарида, ҳамма нарса жар ичида эмас, мана бу ерда, йўл устида бўлаётгандек эди... Худди миясини қоқ ёриб Дитрих қулоғига шангиллаётгандай. Бу азобнинг бош-кети кўринмасди.

Тўсиндан жимлик чўкди. Қоронғиликни гулхан алангаси ёритди, аллақандай даҳшатли ис таралди.

Иоганн отилиб турмоқчи бўлди, шу ондаёқ кўкрагига автомат қадалди. У стволни чангаллайман деган эди, орқадан бошига мушт туширишди.

Иоганн ўзига келиб, сўради:

— Нима қиляпсизлар ўзи?— Кейин коляскадан нимага чиқмоқчи бўлганини тушунтирди.

Кўриқчилардан бири:

— Агар чидолмаётган бўлсанг, иштонга бажаравер!— деди ва ҳа-холаб кулди, бироқ шу заҳоти худди томоғига бир нарса тиқилгандай ёқ этмай қолди.

Бир оздан сўнг полковниклар, Дитрих ва Штейнглиц йўлга чиқишди.

Дитрих:

— Хайрли тун, жаноблар!— деб хайрлашди-да, машинага қараб равона бўлди.

Мотоциклчилар Вайсни бўшатишди.

— Кетдик!— буюрди Штейнглиц,

Ҳар иккала офицер ҳам жим боришарди. Дитрих хафагезак бўлиб:

— Ахир мен яхшиликча кўндирмоқчи бўлдим-ку,— деб зорланди. Штейнглиц:

— Хўш, маълум қиласанми?— дея сўради.

Дитрих йўқ дегандай бошини сарак-сарак қилди.

— Анавлар айтиб қўйса-чи?

Дитрих ҳиринглади.

— Мен ўз таклифимни айтганимда, бу ҳарбий каллаварамлар нақ этигимни ялагудай бўлишди. Маст солдат машинани олиб қочган. Шундан ҳам ишонарли нарса борми. Маст бўлгандан кейин ҳалокат рўй берган.

— Бундай дейишнинг нима кераги бор?— ҳайрон бўлиб сўради Штейнглиц.

— Кераклиги шундаки,— деб насиҳатомуз тушунтирди Дитрих,— айтайлик, совет разведкачиси боплаб дала рациясини ўғирлаб, воқеалар бошланадиган муддатни ўзиникиларга етказган бўлганда, полковниклар терговдан қочиб қутулолмасди.

— Падарига лаънат, лақмалик қилиб қўйгандан кейин жавоб берса беравермайдими! Совет разведкачиси эканлиги кўриниб турибди-ку.

— Шунақа,— деди қуруққина қилиб Дитрих.— Аммо менинг қўлим-да далиллар йўқ. Бўлганда ҳам нима кераги бор?

— Нега кераги бўлмас экан?— ҳайратга тушди Штейнглиц.— Ахир у ҳаммасини айтиб қўйди-ку!

— Нима бўпти! Барибир, бу билан энди ҳеч нарса ўзгармайди. Армия зарбага тийёр. Фюрернинг ўзи ҳам уни бир дақиқага булсин, кечиктирмайди.

— Шундайку-я,— рози бўлди Штейнглиц.— Агар қизиллар жавоб зарбаси бериб қолсалар, унда нима бўлади?

— Берншмайди. Биз Сталиннинг махсус кўрсатмасидан хабардормиз. У ўз қўшинларига жанговар ҳаракатлар бошлангудек бўлса, душман чегара чизигидан нарига улоқтириб ташлансин, лекин чегарадан ўтилмасин, деб буйруқ берган.

— Айттайлик, мабодо...

— Мабодо, сенинг бу аҳмоқона гапларинг бировга етиб боргудай бўлса,— майорнинг сўзини чўрт кесди Дитрих,— билиб қўй, менинг сейфимда буларнинг ёзуви сақланади.

— Сендан олдинроқ мен бориб айтсам-чи?

— Қўлингдан ҳеч нарса келмайди, азизим,— деди Дитрих майинлик билан.

— Нимага?

— Сенинг маълумотинг кечикиб етиб боради. Атай кечиктириб маълумот берганинг учун эса отиласан.

— Қойил-э! Аммо нега сен бунга шунчалик аҳамият беряпсан?

Дитрих ноз-карашма билан жавоб берди:

— Мен учинчи «Ц» бўлимининг обрўси ерга тушмасин дейман. Биз ишда ҳеч қачон адашмаганмиз. Ҳозир ҳам, бундан кейин ҳам адашмаймиз.

Штейнглиц чин юракдан, қизгин хитоб қилди:

— Оскар, хотиржам бўл, нима демоқчи бўлганингни тушундим!

— Винкельманнинг айтишича, осудалик гўзалликка хос бўлган хусусий экан. Мен эсам ҳар қачон, ҳар қандай шароитда ҳам чиройли бўлишни ёқтираман...— Шундай дея Дитрих Штейнглицнинг юзига шепатилаб қўйди.

Тонг ёриша бошлади. Иоганнинг ватани ёқдаги осмон борган сари кўтарилиб келаётган қуёш ёғдусига тўлиб борарди. Илиқ ҳаво беғубор ва шаффоф эди. Очиқ ойнадан машинага кўкатларнинг майин, насим бир ҳиди урарди.

Иоганн машинани ғайри-шуурий бир ҳолда ҳайдаб борарди. У худди палажлангандек бўлиб қолганди. Аланга олган қалб энди сўнган эди. Ҳозир у орқасига ўгирилади-ю, анавиларни мушук боласидай отиб ташлайди. Кейин бўлинмага бориб яна отади, тўхтамай отади! Унинг қўлидан келадиган бирдан-бир нарса шу.

Иоганн автоматни олиш учун қўл чўзмоқчи бўлди. Шунда унга гўё Брунонинг овози эшитилгандай туюлди: «Нима рўй бермасин, буларнинг ич-ичига кириб олиш лозим. Ғалабани деб, одамлар ҳаётини деб, кириб олиш, ич-ичига кириб олиш керак».

Иоганн ўзининг иродасизлиги билан нимага ҳам эришарди? Йўқ, бу иродасизлик ҳам эмас, ҳатто бориб турган сотқинлик бўларди. Бруно буни кечирмас эди.

Агар мўъжиза рўй бериб, Бруно тирик қолганда, ундан ўз жасоратингиз ҳақида нима дейсиз, деб сўраб қолсалар, у: «Кўнгилдагидай иш», «Шароит тақозоси билан ўз хизмат бурчини ўтаган совет разведкачисининг кўнгилдагидай иши»,— деб жавоб берган бўлур эди. Бруно ўзи ҳақида мана шу гапларни айтган бўларди.

Аммо нега уни Бруно дейишади? Бу одамнинг ахир ўз исми, отасининг исми, фамилияси бор-ку. Москвада оиласи — хотини, бола-чақаси

қолган. Улар ҳозир ухлаб ётишибди. лекин кўп ўтмай уйғонишади, болалар мактабга бориш учун ҳозирлик кўришади, онаси уларга ионушта тайёрлаб, қоғозга ўраб беради, уларни эшиккача кузатиб қўяди, кейин ўзи ишга кетади.

Унинг эри ким? Хизматчи. Кўпиича узоқ давом этадиган командировкаларга кетади. Амал ҳам унчалик юқори эмас, одмигина. Буни ҳамма билади. Онлалари умумий квартирада икки хонали уйла туради. Кенжа ўғил акасининг кийимини кияди, акасига эса отасининг костюм ва пальтосини бошқатдан тикиб беришади. Брунога ўхшаш оламлар мана шундай ҳалок бўлган чоғда, қариндош-уруғлари, таниш-билишларига «бевақт вафот этди, юраги индан чиққан экан», деб хабар берилди. Тамом. Ҳатто «Москва оқшоми»да ҳам вафот этганилиги ҳақида таъзия эълон қилинмайди.

Аммо ҳали бошқача замонлар келар ахир. Чекистнинг фарзандлари: «Отамиз...» деб гап бошлайдиган кунлар келгунча, ҳали неча баҳор бор. Шунда уларнинг ҳақиқатлари афсона каби, ақлга сиғмайдиган нақл каби, совет разведкачисининг душман ичидаги иши деб аталадиган даврлар ҳақида хаёлий эртақ каби жаранглайди.

Аммо сафдошлари унинг ҳалокати сабабларини кейин эмас, ҳозир ўргандилар. Улар учун Брунонинг ўлими — ўтилган йўлда орттирилган тажрибалардан бири бўлиб қолади. Агар шу йўл сўнгги дамгача мантиқий, ақлга мувофиқ бўлса, «Фалончи коммунист партия ва халқ олдидаги бурчини шараф билан ўтади», деб ёзиб қўядилар.

Бруно деб аталган инсон — совет кишиси. Аммо унинг исми, отасининг исми, фамилияси нима?

Ватанни хатардан воқиф қилиш учун худди Бруно сингари жонларини фидо қилган чекист-разведкачиларнинг номи қани, қаерда? Ҳа, уларнинг исми қаерда? Ахир Брунолан кўра ҳам қийналиб ўлганлар бор эди. Уларни узоқ қийнаганлар. Ақл бовар қилмайдиган қийноқлар узоқ ойлар давом этган. Улар ҳаммасига бардош берганлар. Баъзан гестапочилар ҳаддан зиёд ғайрат қилиб юборган кезлари ўлим халоскор қанотини ёзган пайтлар ҳам бўларди, аммо медицина илмининг юлдузлари жафокашни яна тирилтиришар, бу энг даҳшатли, энг кофаъ ўлимдан ҳам мудҳишроқ бўларди. Ашаддий жаллодлар маҳбусни аюблар эканлар, гестапочи медиклар унинг сўниб бораётган томир уришини шоён диққат ва эътибор билан санаб борар эдилар. Ҳатто ваҳший ҳайвонлар бу азоб-уқубатларнинг юздан бирига ҳам чидай олмасди, аммо улар дош беришарди. Дош беришарди-ю, ўзларининг бу сўнгги матонатларидан ватандошлари беҳабар қолишини ҳам билшарди. Ҳа, ҳеч ким билмайди, бу ҳақда. Гестапо қотилликни аста-секин, яширин суратда амалга оширарди. Гестапо ҳалок бўлганлардан қасд олиб, хонлар воситасида уларнинг номини булғар эди. Гестапочилар бу ҳақда жабрдийдаларга айтиб қўйишар, у фидокашлар учун бу энг қўрқинчли, ўлимдан ҳам қўрқинчлироқ туюларди. Бу кишиларга ҳайкал қўймоқ учун қайси бир металл, қайси бир мраммар муносиброқ экан, билмадим. Зотан, ер юзида уларнинг руҳига, уларнинг эътиқодига, халқ ишнинг ҳақлигига бўлган комил ишончларига тенг келадиган мустаҳкам металл, нурамас мраммар топилмайди!

Бруно! Иоганн унинг ўз дардчиллиги, камқувватлигидан кулиб юришини эслади. Ҳа, у бедармон, тез-тез шамоллаб турадиган, бурни мўдом тумовдан қизарган одам эди. Матонатли бу ченист қайси бир ўзга юрт казематларида шу дардга чалинганмикин? Қамоқдаги очликлардан чақаланиб кетган қорнининг бетининг оғришлари-чи?

Бошида сочдан асар қолмаган, ориқ, доимо шамоллаб юрадиган, кўзлари ёшланадиган, юзларига бевақт ажинлар тушган, шу билан бир-

га серғайрат, қувноқ, ҳазилкаш Бруно. Сервиқор, валломат қаҳрамон қиёфаси қаёқда-ю, бунчалар ҳаётний, одми қиёфа қаёқда! Ширинлик асабга яхши таъсир қилади, деб мудом оғздан қўймай конфет сўришлари-чи? Бруно! Аммо у Бруно эмас-ку! Балки, у Петр Иванович Петуховдир? Дзержинский кўчасидан ишга кетаётган чоғида уни минглаб ўзига ўхшаш йўловчилардан ажратиб бўлмасди.

Худди бошқа ходимлар, аёлманд «чет элликлар»га ўхшаб у ҳам топшириқ оларкан, хотинига қишлик пальтога пул жамғариш учун командировка пулини ва топшириқни бажариш давомида фойдаланилмаган дам олиш кунларини отпускасига қўшиб берилишини кўз остига олиб қўярди. Маоши-ку ҳарбий хизматчаникидай, бунга плюс кончилар ёки соғлиққа зиёни бор цехларда ишловчиларники каби хизмат қилган йили ҳисобидан устама ҳам бор.

Ғожа у қандай ишламасин, қаядай қаҳрамонликлар кўрсатмасин, мамлакатнинг дондор кишилари қаторида кўрмайди ўзини: хизмати шуни талаб қилади.

Буйруқда ташаккур эълон қилнади. Ҳатто олган мукофотларни тақиб ҳам юролмайди. Эришган шухратини кўз-кўз қиладиган, ўзига чет кишиларнинг диққатини жалб этиб бўладиган хизмат эмас бу.

Худди ўзингга ўхшаш чекист ўртоқларининг ҳурмат-эътибори, партия олдида, халқ олдидаги бурчингни ҳалол ўтаганинг туйғуси — разведкачига энг олий мукофот мана шу.

Агар имконият тугилса, Иоганн қисқача қилиб Марказга: «СССР-га қилинадиган ҳужум муддати ҳақида радиограмма бера туриб, Бруно ҳалок бўлди. Душман қўлида у ҳақда ҳеч қандай маълумот йўқ», деб маълум қилишини билади. Шу холос. Қолгани «баёнчилик» бўлади — буни кейин алоқа қилиш учун ажратилган вақтни тежамадингиз, деб разведкачига рўқач қилишади.

Иоганн Бруно кўрсатган жасорат билан боғлиқ бўлган ҳамма нарсаларни қайта-қайта таҳлил қилиб кўрди. Йўқ, Бруно буларнинг қисмига яқин ерда тасодифан иш кўрган йўқ. У, Иоганн тезоблик қилиб қўйиши, Гитлер ҳужумининг муддатидан хабар топиб, охириги чорани ишга солиши ва шу билан ўзини фош этиб қўйиши мумкин, деб ўйлаган бўлса ажабмас. Иоганн фашист разведкасининг нақ уясига кириб олди. Бруно бунга муяссар бўлмади, шунинг учун ҳам у бажарилиши шарт бўлган ишга амалга ошириш ва ҳалок бўлиш, Иоганни эса асраб қолишни мақсадга мувофиқ деб топди. Афтидан, Бруно рациянинг ўғирлангани хабари Иоганнга етиб боради ва у маълумот етказилганлигини тушуниб олади, деб чама қилган бўлса керак.

Бруно фашистлар қўлига тушмаслик учун машинани портлатиб юбормоқчи бўлганини, аммо умуртқасига ўқ тегиб, қўли ва оёқлари паллажланиб қолганидан бунга улгуролмаганини Иоганн билмасди. Бу янглишиш натижаси эмас, қутилмаган ҳолларнинг бир-бирига тўғри келиб қолиши эди. Синган оёқларини бурашганда, парчинланиб кетган панжаларини топташганда, танасини кўйдиришганда у деярли оғриқ сезмади. Ҳеч ким буни билгани йўқ. Елғиз Брунонинг ўзи биларди. Синган умуртқасига тегишгандагина танаси зирқираб кетди. Оғриқ борган сари кучаяверди, у шу азоб билан тирик ётганига, даҳшатли оғриқ ажал олдида ожизлик қилаётганига ҳайрон бўларди, аммо бир зумга бўлсин эс-ҳушини йўқотмас эди. Фикри тиниқ, равшан ишлар, у сўнги дақиқасигача душман билан олишишдан тўхтамади. Бруно юрак палажидан ўлди. Унинг идроки ҳаммасига чидади, аммо толғин, абгор юраги дош беролмади.

Иоганн кўз ўнгида Брунонинг пешана териси сидирилиб кетган юзи яна жонланди, унинг синчков ҳаёт тўла кўзлари гўё Иоганнга «Ҳам-

маси жойида. Иш бажарилди», деётгандай бўлди. Ҳа, «иш», бошқа нарса эмас. Бруно «бурч» деб айтмаган бўларди. У баландпарвоз сўзларни ёқтирмасди. Брунонинг оғзидан чиқадиган энг салмоқли сўз ҳам худди мана шу «иш» сўзи эди.

— Ҳей, менга қара!— Дитрих Вайснинг елкасига туртди.— Авария ҳақида нима дейсан?

Иоганн елкаларини қисди ва орқасига ўгирилмасдан жавоб берди:

— Улгудай шнапс отиб олган-да, жиннилиги тутган. Бўлиб туради...— Яна шу заҳоти азоби, дардини базўр ичига ютиб, дона-дона қилиб қўшиб қўйди:— Жаноб капитан, сиз бўлсангиз бу ароқхўрни қутқараман деб шунчалар куйиб-пишдингизки...

Ҳа, Иоганн худди шундай деди. Ешгина умрида бошидан кечирган энг оғир дами ҳам шу бўлди ҳисоб.

— Яхши,— деди Дитрих. Иоганн пешанаси тепасидаги ойнадан капитан тирсаги билан Штейнглици туртиб қўйганини кўрди. Кейин Дитрих яна такрорлади:— Кўп яхши. Офарин.

Штейнглиц ҳаваси келиб деди:

— Хўп калланг ишлайди-да, ҳаммасини ҳисобга олган экансан-а.

— Қаллани ишлатиш — маъқул нарса,— деди Дитрих.— Иштаҳа билан овқат уриш эса, ундан ҳам маъқулроқ. Тозаям қорним очди-да.

Хуторга етиб келишди. Вайс машинани вилла ёнида тўхтатди ва Дитрихнинг буйруғи бўйича ошпазни қидириб кетди.

Тонг ёришиб, қуёш чиқди, махсус бўлинма хизматчилари қудуқ ёнида тишларини тозалашар, ювинишар, тос устига энгашиб соқол олишар эди. Улар ички кийимда сира солдатларга ўхшамасдилар. Аксарлари оёқларига таги кигиз нусха сукнодан қилинган иссиқ уй шиппаги кийиб чиққан эдилар. Атир совун, ялпизли тиш пастаси, одеколон иси аққирди. Шуларнинг ичида яшаб, кулиш, суҳбатлашиш керак эди. Худди ҳеч нарса рўй бермагандай, худди ушбу тун изсиз кўчгандай, худди бу оламда ҳеч қачон Бруно ўтмагандай...

17

Фашист Германияси Совет Иттифоқига йиртқишларча ҳужум қилишни аниқ ҳисоблаб чиққан, қулай муддатни танлаган эди. Даҳшат билан ёпирилган галадан мамлакат ларзага келди.

Ҳозирги кунларда унинг сафдошлари бири олиб бири қўйиб рейхсканцлер Адольф Гитлери қутурган, шайтонкезик бир одам эди деб таърифлашга уринмоқдалар. Бундай дейиш хато бўлур эди. Гитлер герман милитаризми учун қўл келган кўпгина стратегик ғояларни АҚШ, Англия, Франция сингари қудратли империалистик давлатларнинг йирик давлат арбобларидан ўзлаштириб олганди.

Асосий зарбани Шарққа қаратмоқчи бўлган Гитлери улар қўллаб-қўлтиқлашар, жон-жон деб пул қарз ҳавола қилишар, стратегик ашёлар билан таъминлашар, маслаҳат беришарди.

Гитлернинг шахсий кўрсатмаси билан Лондонга келган Альфред Розенберг ўз шарафига берилган зиёфатда, илтифотга яраша илтифот кўрсатиб: «Германия Европанинг яқдиллик билан қўллаб-қувватлаши ва берган топшириғи бўйича большевикларни янчиб ташлайди»,— деб ваъда қилган эди.

Гитлер устумонликда улуғ империалистик давлатларнинг кўп бошлиқларидан қолишмасди, албатта. У Советлар юртини келажакда йўқ қилиб юбораман, деб ваъдаси эвазига Европанинг қанчадан-қанча мамлакатларини ўзинга инъом этишга уларни мажбур қилди.

Унинг халқаро олди-сотдига бўлган катта уқуви империалистик давлатлар бутун умидларини бошқа бирон кимсага эмас, айти Гитлернинг номи билан боғлаганлари тасодифий эмаслигини кўрсатиб турарди.

Бошда Гитлер ўзига ёлланган жўн бир қотил сифатида қарашларига йўл қўйиб берди, у яққаш сиёсий сабаблардан келиб чиқиб, бутун зарбани фақат бир халққа — совет халқига қарши қаратмоқчиман, деб тилёғламалик қилди. Бироқ улуғ давлатлар унга нақдина Европани тўлаб бўлганларидан ва Франция герман империализми олдида ўз чегараларини қисиниб-қимтиниб очиб бергандан сўнг, иштаҳаси карнай бўлиб кетган Гитлер ўзини тўхтатолмай қолди, беш ҳафта ичида беҳуда қаршиликларни синдириб Францияни эгаллаб олди, Виши ҳукуматига эса бевафот тақдир устида фикр қилиб, фароғатда кун кечирсинлар, деб мамлакат жанубидан гўзал бир қасабани ажратиб берди.

Инглиз экспедицион корпусининг Дюнкеркдаги мағлубияти қуруқликдаги Британия қудратининг қуёши ботганлигидан дарак берди. Шундан сўнг Лондоннинг туманли осмонидан немис авиабомбалари аёвсиз ёғила бошлади.

Гитлер 1941 йилнинг 10 майида муруватли сулҳ тузиш таклифи билан ўз ёрдамчиси Гессни Лондонга юборганда, асло раҳмдиллик қилмай, балки империалистик мафкураининг бирлигини назарда тутган эди.

Англиянинг ҳукмрон доиралари, ўша пайтда қанчалик ўзига жалб қилмасин, фашист Германияси билан тил бириктиришдан воз кечишга мажбур бўлдилар. Ахир бунда ҳарбий мағлубият ўрнига улар оғир иқтисодий мағлубиятни бўйинларига олган бўлардилар, яна кимдан денг: жаҳон бозоридаги ўзларининг асосий рақиблари — герман саноат магнатларидан. Бундан ташқари улар бозор манфаатларини қурбон қилмоқчи бўлганларида ҳам, у пайтларда инглиз халқи билан ҳисоблашмай иложлари йўқ эди; халқнинг фашизмга бўлган нафрати Гитлер қаршисида тиз чўккан ҳукумат бошига оғир зарба бўлиб тушиши турган гап эди.

Вильгельм Кейтелнинг айтишича: «Гитлер СССРга ҳужум қилнш режасини тузаркан, Россия ўз ҳарбий саноатини эндигина йўлга қўяётгани, ҳали бу батамом, тўла-тўқис амалга оширилмагани, боз устига, Сталин 1937 йили ўзининг энг яхши ҳарбий қўмондонларини йўқ қилганин назарда тутди».

Вермахтнинг генерал штаби шулар ва яна бошқа кўп нарсалардан келиб чиқиб, Совет Иттифоқига ҳужум қилишнинг ҳар томонлама ишлаб чиқилган ва махфий суратда тўққиз нусхада кўпайтирилган плани, «Барбаросса» плани герман ҳарбий даҳосининг энг юксак муваффақияти деган қарорга келди.

СССРга қарши урушни гитлерчи стратеглар олти-саккиз ҳафта ичида тугаллашни, нари борганда, қандай бўлмасин 1941 йилнинг кузида тамомлашни мўлжаллаган эдилар.

Яширин суратда СССР чегараларида йиғилган немис қўшинлари ўша даврда дунёда энг қудратли, юксак техникага эга ва энг тажрибали ҳарбий кучга айланган эди.

Бундан олдинроқ мамлакатнинг меҳнаткаш халқи гестапо томонидан қамоқ элагидан ўтказилди, унинг асл фарзандлари концентрацион лагерларга ташланди, ўлка шуларнинг мазористонига айланди. Ҳарбий ғалабалардан сармаст Германия, реакцион ягона куч бўлиб бирлашган Германия шу тариқа ички шароитини мустаҳкам заминга қурнб олди.

1940 йилнинг ёзидаёқ аҳолисининг умумий сони 220 миллионга яқин мамлакатлар фашистлар Германияси ва Италия назорати остига ўтган бўлиб, бу мамлакатларнинг бутун иқтисодий ресурслари герман ҳарбий машинасининг қудратини ошириш учун сафарбар қилинганди.

1941 йилнинг 8 июлида Гитлер буйруқ чиқарди: «Москва ва Ленинград ер билан яксон қилинсин, киши билан уларни боқиб чиқмаслик учун бу шаҳарларнинг аҳолиси бутунлай қириб ташлансин...» «Москвага келганда эса,— тушунтирганди Гитлер,— мен бу номни бутунлай йўқ қиламан, унинг ўрнида чиқиндихона барпо этаман». Аҳолининг тақдири ҳақида у чиқарган аниқ ва равшан директивалар: «Славянлар қадимги Миср ёки Вавилон руҳидаги битмас-туғамас қўллар етказиб берадиган миллатга айланади. Хўжа герман миллати шу ерлардан қишлоқ хўжалик ва қурилиш ишчилари билан таъминланади.

1941 йилнинг 22 июнида эрталаб соат тўртларда гитлерчи галалар СССРга ёпирилди.

Совет халқининг улуғ Ватан уруши бошланди. У 1418 кун давом этди.

Майор Штейнглицнинг бўлини маси штаблар, ички хизмат қисмлари, хўжалик взводлари, ташвиқот роталари, медицина батальонлари, ошхоналар, ўлжа йиғувчи командалар билан бирга иккинчи эшелонда борарди.

Ҳаво иссиқ бўлиб, кишининг нафаси қайтар, ҳамма ёқни тўзон қоплаганди...

Йўлнинг икки бетида қишлоқлар, ўрмонлар, далаларда бугдойлар, бутун замин ёнарди. Қуёш эмас, мана шу ёнғин отақ пуркаётгандек эди.

Колонна бирон сабаб билан тўхтаган чоғда, моторлар шовқини ўчар, шунда оламга бўғиқ, тубсиз жарлик сукупати чўкар, ёлғиз алабга чирсиллаши-ю, ёниб тушаётган тўсинларнинг қўлаган овози эшитиларди.

Осмон мусаффо ва шаффоф эди, уни вақти-вақти билан пастлаб учаётган турнақатор бомбардимончи самолётларнинг гувиллаши зириллатиб ўтар, самолётларнинг соялари ер узра сузиб борарди. Бомбардимончилар ўтиб кетгач, яна ҳамма ёққа худди эриган шишадай ёпишқоқ сукунат чўкарди.

Колонналар кечувга келиб тўхтади. Ҳамма машиналардан тушиб, увушган аъзоларини ёзар, чап-чунгини қоқар эди.

Шу ердан мудофаа чизиги ўтган экан, чамаси, у қуриб битказилмабди, ҳамма ёқда беллар, киркалар, немситли бочкалар, тўсинлар, арматура симлари кўзга чалинарди. Атрофда ўликлар, жуда кўп ўликлар ётарди. Траншеялар устини танк излари босиб кетганди, демак, жанг оқибатини моторлашган қисмлар ҳал этибди.

Фронт хатарларидан тулкилик қилиб қочган ҳамма одамлар каби мурдаларга ижирғаниш билан қарайдиган ички қисм ҳарбий хизматчилари большевикларнинг ўлигини томоша қилиш учун оч қашқирдай ёпирилиши.

Ҳақат майор Штейнглицгина ҳамма нарсадан хабардор одамдай ўликларни эринмасдан бирма-бир ағдариб кўрар ва ўз фикрларининг тўғрилигига ишонч ҳосил қилмоқчи бўларди.

Ўлганларнинг кўпчилиги бир неча жойдан яраланган, ҳатто оғир ярадорларни ҳам шу ернинг ўзида, жанг майдонида қайта-қайта ярасини боғлаб қўйгандилар. Демак, ярадорлар ҳам жанг майдонини ташлаб чиқиб кетишмабди, курашни давом эттиришибди.

Ўликларнинг чўнтагидан Штейнглиц чиқариб олган ҳужжатларга қараганда, булар хизмат ўтаётганига ҳали бир йил ҳам тўлмаган солдатлар эди.

Қўл пулемётининг олдида ёнбошлаб бир солдат ётарди. Унинг боши ерга ботиб кетган, тирсагидан узилиб кетган чап қўли қалин қилиб бинг билан ўраб ташланган ва саккасига қора резинка қилинган телефон сими билан тортиб боғланган эди. Мана, яна биттаси. Бунинг ҳам қўли

йўқ. Тишларнда худди мисдан қилинган сигаретадай портлатувчи қисм йилттраб турибди. Тиззалари орасида граната; унга шундоқ энгашибгина қотган...

Буларни ажал ўз исканжасига олган. Улар сурат бўлиб қолганлар. Вақт булар қаршисида тўхтаб ўтган. Жангнинг энг оғир дамларидан дарак бериб турсин деб шамдек қотган таналарини гувоҳ қилиб кетган.

Ҳамшира сумкасини кўтарган, чангак бўлиб қолган қўлларида йиртилган патрон пачкаларини қисмлаб олган аёл юзини милтиққа қўйиб ётибди, кимдир беҳаёлик билан унинг этагини юқори кўтариб қўйибди.

Окопда ҳам, брустверда ҳам ўликлар ётибди, аммо окоплар орақасида алоқа йўлларнда, битказилмаган блиндажларда биронта ҳам ўлик йўқ эди.

Ҳушдан кетган ярадорлар олиб кирилган бўлса керак, капонирда ўликлар уюлиб ётибди. Талафотлардан жиғибийрон бўлган немис офицери солдатларни қонхўрлик қилишларига йўл қўйиб берган, шекилли...

Майор машинага қайтиб келгач, ўзининг одатдаги «кетдик» сўзига қўшимча қилди:

— Бу руслар менга ёқмай қолди.— Сўнг тушунтирди:— Мудофаа учун зиғирдек шароит бўлмай туриб, ўзидан кучли қўшинга қарши жанг қилиш фақат ўтакетган фанатикларнинггина қўлидан келади.

Улар бир неча километрдан сўнг чала ёнган бугдойзорда фақатгина пулемётлар ўрнатилган, пачақланган «Т-26» совет танкларини кўришди. Бундай машиналарда жанг қилиш нима-ю, қадим рицар аслаҳа-анжомиди замбарақлар бўлинмаси билан яккама-якка олишувга тушш нима — фарқи йўқ эди.

Аммо бу пўлат уваллари ичида иккита немис танки ҳам ётарди. Совет танкларининг улар билан тўқнашгани, қисувга олгани, ёрилиб кетган баклардаги ёнилғи билан ёндириб юборгани бежиз эмас экан чоғи.

Буни кўрган Штейнглиц минғиллаб деди:

— Руслар машина яшаш у ёқда турсин, уни ҳайдашни ҳам билмас эканлар.— Бепоен бугдойзорларга узоқ тикилиб қарагач, маъқуллаб қўйди:— Бу ерда ниҳоятда бой мулклар бор экан, мен Европада бунақасини учратмагандим. Қизиқ, ҳозир буларнинг эгалари қаердайкин?— Соатига қаради—тушлик пайти бўлибди. Тоза қорин очди.— Кейин Вайсга биринчи дуч келган қишлоқда тўхташни ва ювниб, овқатланиб, дам олиш учун оқсоқолникини топишни буюрди.

Бошқа қишлоқлар катори бу қишлоқ ҳам аланга олиб ётарди, аммо унинг озгинагина қолган аҳолиси ёнғинни ўчиришга ҳаракат қилмасди.

Майор машинадан тушиб, томорқада ўра қазийтган чолнинг қошига келди ва нмо-ишора қилиб, ташна эканлигини билдирди. Чол тушунди, белкурагини ерга санчиб, гўё бу аланга чинакам эмасу, ёлгондакамдай, парвосизлик билан аста юрганича ёниб турган уйга кириб кетди.

У ёғлоғи кўтариб қайтди ва уни Штейнглицга тутди. Майор ёғлоғини оғзига олиб борди, ҳузур қилиб ичди ва шунда кўзи ўранинг четида ётган жувоннинг гавдасига тушди.

Чол ўра қазиркан, кафтларига тупуриб қўйди.

Сувга заҳар солинган бўлса-я. Майорнинг эхонаси чиқиб кетди. Аммо шу заҳотиёқ бу ақлга тўғри келмайди, чолда шу тобда заҳар нима қилсин, деб ўйлади. Иннайкейин, чол ўзини жуда хотиржам тутяпти-ку, ахир...

Штейнглиц сигарета чиқариб чолга тутди. У беихтиёр сигаретани олди-да, белкурак дастасига кўкрагини ташлаб, тийрак, худди болаларники каби маъюс кўзлари билан ўрага ишора қилиб деди:

— Мана, набирамни кўмпан. Уни сизлар ўлдирдинглар, шунақа. Тушундингми? Сизлар!

Штейнглиц у яна сигарета сўраяпти деб ўйлади ва чўнтагидан пачкани чиқариб, бир донасини олди-да, чолга узатди. Чол сигаретани қўлоғига қистириб қўйди ва яна ҳалигидай мулойим товуш билан деди:

— Сен, менс, қўли очиқ одам кўринасан, аммо барибир, мен сизларни сўявераман. Мен энди тошбағир, шафқатсиз бўлиб қолдим.

Чол миннатдорчилик қиянти, деб ўйлаган майор унинг елкасига қоқиб қўйди, кейин орқасига ўгирилди. Шунда чол белкурагини худди болтадай Штейнглиц бошига кўтарди.

Майор шу дамда ўрадан чиқариб ташланган лойга қадам ташлаб сирғалиб кетди. Фақат шунинг учунгина жони омон қолди. Белкурак ҳавони кесиб гўр учун қўйилган тахталарга санчилди.

Майор қалт-қалт титраган қўллари билан пистолетини қинига солар экан, машинага кириб ўтирди ва кун димлигига қарамай, худди шу билан ўзини ҳимоя қиладигандай, ойналарни кўтариб қўйди, у ҳатто Вайсга мундиридаги лойни тозалашга ҳам ижозат бермади ва ҳаётимга суиқасд қилганлари учун бу қишлоқнинг бутун аҳолисини қириб ташлашни талаб қиламан, деб биринчи дуч келган СС қисмига қараб тезроқ ҳайдашни буюрди.

Аммо Вайс, чол оғринган бўлса керак, ахир, майор сувни охиригача ичмай, ерга тўкиб ташлади, бу ерлик одамлар эса буни ўз хонадонларига нисбатан энг хунук ҳақорат деб тушунишади, деган тахминини айтишга журъат қилди.

— Шунақами?— ҳайрон бўлди Штейнглиц.— Еввоийликни қара-я!

Чол Штейнглицни ўлдириб қўймаганига Иоганн ачиндими? Йўқ. Агар шундоқ ҳодиса рўй берганда, у абвер хизмати ичига кириб олиш имкониятидан маҳрум бўлар эди. Шунда Вайс майорни хавфли саёҳатлардан асрашга қарор қилди. Ҳозирда Штейнглиц унга ҳаводай зарур эди. Иоганн Штейнглицнинг ҳаётини сақлаб, ундан ўз манфаатлари йўлида фойдаланибгина ҳамма-ҳаммаси учун, мана бу кўзлари гўдакларникидай чолнинг ўлими учун қасос олади.

Шунинг учун у чин юракдан деди:

— Майор жаноблари, сизни ёлғиз қўйганим учун мени осий керак, деб ўйлайман.

— О!

— Мени отиб ташласангиз ҳам майли, аммо энди сиздан бир қадам нари кетмайман.

Бундай садоқатдан ийиб кетган Штейнглиц ҳазил қилишни ўзига эп кўрди.

— Яхши. Аммо менинг маъшуқам сени ортиқча деб топган пайтлар бундан мустасно.— Майор умрида биринчи марта ўзидан паст турган одам билан шундай ёзилиб гаплашиши эди.

Иоганн фашистлар томонидан ёндирилган, қонга беланган, қийманган она ерини кўрган ондан бошлаб, вужудини аллақандай аёвсиз ғазаб, ўч олиш иштиёқи чулғаб олди, аммо ташқаридан қараган одамга у ниҳоятда хотиржам, боқибегам кўринарди. Ҳа, у бу ерда, бехатар иккинчи эшелонда судралиб юрибди, орқасида эса ҳордиқ чиқариб йирик немис разведкачиси тарвақайлаб ётибди. Агар Иоганн зарур деб топса, уни ва унга ўхшаган бир тўда фашистларни автоматдан осонгина қириб ташлайди. Штабни қўпориб юбориши ҳам мумкин. Ўз умри эвазига юзлаб душманнинг жонини олади. Бу иш унинг қўлидан келади. Аммо олмаслиги керак. Ҳаққи йўқ.

Ундан, совет разведкачисидан ҳозир юз чандон муҳимроқ нарса — хотиржамлик талаб қилинади. Бутун вужуди газаб оташида: ёндир, от, қасос ол деяпти, аммо у қимир этолмайди, кутиш, миқ этмай кутиш керак. Бу ҳам жасорат, лекин ҳаракатдан маҳрум кишининг, сабр-тоқат билан, лом-ним демай кутишга мажбур кишининг жасорати.

Буниси қандоқ бўлди, а? Ахир бир қарич ерни ҳам бермаймиз де-йишганди-ку!

— Ким айбдор, ким?

Ахир Бруно рация орқали ҳаммасини маълум қилганди-ку!

Ахир ўзи ҳам бутун босиб олинган Европадан келтирилган гитлерчн қўшинлар чегарада бир муштга йиғилаётганини ҳафта сайин маълум қилиб турмаганмиди? У ўзининг сўнги хабарида Польшанинг ички шаҳарларида божхоначилар ва чегарачилар пайдо бўлиб қолганини маълум қилган эди. Бу вермахт чегарачи қўшинлардан чегарани қабул қилиб олди, дегани бўларди.

Ахир совет халқининг фашистларга бўлган нафрати ҳеч қачон сўнганмиди? Ахир совет халқи фашизм билан мардона жанг қилишдан ҳеч қачон қочганмиди?

Уруш муқаррар эканлигига ким шубҳа қилган эди ахир?

Шундай экан, нега унинг мамлакати фашистлар ҳужумига қарши тайёр турмади? Нега?

Йўл бўйларида: «Диққат! Хавф! Айланиб ўтилсин!» деган ёзувлар пайдо бўлди.

Улар бирга бораётган колонна қишлоқ йўлига бурилди, машиналар тўсинли тўшамалар, ўйдим-чуқурлар устида силкиниб, ботқоқ, пастликларда тикила-тикила олға борарди. Анча вақтгача чапдан, катта йўл томондан пулемётларнинг қисқа-қисқа тариллаб қўяётгани, гранаталарнинг бўғиқ портлагани, тўпларнинг гумбурагани эшитилиб турди.

Вайс тезда нима учун айланиб ўтилаётганининг сабабини билди. Қичкина бир дот гарнизони пулемёт билан йўлни тўсиб қўйиб, немис артиллерияси ва танклари билан жанг қилаётган экан.

Штаб офицери Штейнглицга қизиллар ўз солдатларини пулемёт ва тўпларга занжирбанд қилиб қўйишармиш, деди. Шунда Штейнглиц киноя қилиб, офицерга слесарлик асбоблари билан қуролланган махсус бўлинмалар ажратинг, улар қизилларга занжирдан халос бўлиш учун ёрдамлашиб юборишади, деб маслаҳат берди.

Вайс Штейнглицнинг қуруқшаган лабларининг пучмоғи хафагезак қўйи тушганини, хуноб бўлаётганини, герман армиясининг қолдирган ғолибона излари уни жазавага солиш у ёқда турсин, ҳатто жаҳлини чиқараётганини кўрди.

Чиндан ҳам, Штейнглиц ўзини хафа қилинган, аросатга ташланган одамдай ҳис қиларди.

У ғарб бўйича мутахассис бўлиб, Шарқий фронт унинг учуң сургундай бир гап эди. Аммо Лондон воқеасидан кейин уни ўзига таиш муҳитдан маҳрум қилишди. У қўрқоқ эмасди. Испаниядаги уруш вақтида у республикачи қисмларга кириб олди-да, унинг сафларида туриб жанг қилди ва гранаталар республикачи-жангчилар қўлидаёқ портлаб кетаётганини, снарядлар франкочиларнинг окопларига портламай тушаётгани, пулемётлар тузатиб бўлмайдиган даражада бузилиб қолаётгани, тўпларнинг стволн бир отишдаёқ ёрилиб кетаётгани ҳақида хабар юбориб турди.

Бу қурол-аслаҳа ва ўқ-дорини республикачиларга фашистлар қалбаки воситачилар қўли билан сотган эдилар. Штейнглиц бу махфий операцияни иккинчи «Ц» бўлими қандай бажарганлигини жанговар шароитда текшириб кўрди.



Прагадаги герман элчисини ўлдириш планини тузиб чиққан ва бу операцияда Штейнглицга муҳим вазифани ишониб топширган Каммхубер 1940 йилда Фрейбургга боришни ва гитлерчи «Эдельвейс» эскадрильяси ҳужум қилиб бўлган заҳоти, мана немис шаҳрини француз самолётлари бомбардимон қилдилар, деб далиллар уюштиришни таклиф қилганида Штейнглиц бу топшириқни аъло даражада адо этди. Ҳатто хирурглар томонидан ярадорлар баданидан чиқариб олинган немис бомбаларининг осколкаларини ҳам Штейнглиц француз бомбаларидан олинган осколкалар билан алмаштирди; фрейбурглик немислар ичида кимлар самолётларнинг ташқи тузилишидан хабардорлигини аниқлади ва хавфли гувоҳларни йўқ қилди. Буни чинакам, қизиқарли иш деса бўларди, устига устак унинг туфайли мукофотлар олди, хизматда кўтарилди.

Шарқий фронтда унга нима тегади? Турган гап, армия қўмондонлари бутун муваффақиятни ўзлариники қилиб кўрсатадилар, механизациялашган ҳарбий қисмларнинг яшин тезлигида олға босаётгани эса жилдий қўпоровчилик иши олиб бориш учун жосуслик тармогини ёйишга имконият бермайди.

Штейнглиц мутахассислиги шарқий районлар билан боғлиқ бўлган ҳамкасабалари аллақачоноқ буржуа миллатчи гуруҳлардан қўпоровчи бандалар тузиб қўйганлигини, буларга алоқани ишдан чиқариш, ваҳима солиш, беғуноҳ одамларни ўлдириш вазифаси топширилганлигини биларди. Шу билан бирга, у мана шундай қотиллар Қизил Армия кийимида герман самолётларидан рус тупроғига ташланганидан ҳам хабардор эди.

У 1940 йилнинг охирларидаёқ махсус «Бранденбург» полки ташкил этилганини ҳам биларди. Уни Шарқий фронтда қўпоровчилик ишларини бажариш учун тузишганди. Полк рус тилини яхши биладиган немислардан ташкил топган бўлиб, бутун шахсий составга совет ҳарбий кийими ва совет қурол-яроғлари берилганди.

Аммо буларнинг бари Аксель Штейнглицнинг эмас, бошқа, бегона кишиларнинг ютуғи эди. Бу вермахтнинг ҳар қандай каттароқ офицери қила биладиган қўпол, хашаки иш. Фельдмаршал Браухич ўша «Бранденбург»га ўз кавшбардорларини тиқиштириб қўйди. Турган гап, улар махсус топшириқни бажарганликлари учун рицарь крестлари оладилар. Э-э, олса олиб ўлмайди! Штейнглиц ишонувчан совет солдат ва офицерларини оммавий суратда қиришга бошчилик қилишни ўзига эп кўрмас ва мана шундай қўпоровчи қисмга ўзини раҳбар қилиб юборишларини асло нстамас эди. Бу тўпори ҳарбийларнинг иши. Ташлаб кетилган совет ҳужжатларини худди фаррошдек териб юриш топширилганининг ўзиёқ, ўз касбининг қадрига етадиган ашаддий жосус ва тажрибали қўпоровчининг иззат-нафсига оғир ботган эди.

Герман қўшинларининг совет тупроғи бўйлаб ғолибона илгарилаб боришини Штейнглиц шу кунларда ўз мағлубияти, умидларининг чип-пакка чиққани, кўтарилишининг барҳам топгани деб биларди.

Вайс бошда майорнинг нега бунча эзилиб, қовоғидан қор ёғиб юрганини тушунолмади. Бироқ Штейнглицнинг кесатиқли, аччиқ кинояларидан унинг ўз аҳволидан норозилиги, бўйнига юкланган иш жонига текканлиги, ҳарбийлар эришаётган ютуқларга ғаш келаётганлиги маълум бўлди. Катта йўлдан айланиб ўтишга тўғри келганда, у дотда ўрнашиб олиб, йўлни тўсиб қўйган кичкина совет гарнизонга на артиллерия ва на танклар бас келолмаётганидан заҳарханда қилди.

У ҳатто ўзини сал бўлмаса ўлдириб қўяй деган чолни мақтаб ҳам қўйди. Гарчи, ирқий жиҳатдан паст бўлсалар ҳам руслар нимаси биландир испанларни эслатади. Капитан Дитрих Парижга қандай ялло қилиб

етиб борган бўлсак, Москвага ҳам шундай етиб оламиз, деб хом ўйла-
япгн, деди.

Шунда Вайс хизмат машмашалари Штейнглицнинг жонига текка-
ни, бошлиқлардан тортган аламини дуч келган одамга сочиб хумордан
чиқмоқчилигини сезди.

Дислокация бўйича бир қатор махсус хизмат бўлинмалари учун аж-
ратилган тураржойда ҳали жанговар ҳаракатлар тугамаган экан. Чеки-
ниб бораётган совет гарнизони уни эгаллаб олиб, мудофаа қўрғонига
айлантирибди.

Иккинчи эшелон колонналари кутилмаган бу ҳолдан ўзини йўқотиб,
эсанкираб қолди, офицерлар ҳам нима қилиш кераклигини билишмас-
ди. Буйруқ бўйича мана шу аҳоли яшайдиган пунктга жойлашиш ло-
зим эди, аммо у душманнинг қўлида бўлгач, қандай қиласан? Буйруқни
бажармаслик мумкин эмас. Бажариш ҳам.

Махсус хизмат командирлари маслаҳатлашиб олишди-да, йўлдан
четга чиқиб, душманнинг ўқи етмайдиган жойга чодир тикишни бую-
ришди.

Иоганн — Иоганн эмас, Саша бўлган пайтида у студентларнинг ту-
ристик саёҳатлари, отаси билан овга чиққанларида иссиқ-совуққа, қу-
лайсизлик ва қийинчиликларга чидашга ўрганган эди. Бундан ташқари
ҳарбий хизмат ҳам уни кўп нарсага ўргатганди.

Ҳозир ҳам у ботқоқлик орасида қўнғир тусли қуруқроқ бир ерни тан-
лади-да, белкурак билан чорси қилиб чишиб чиқди ва унинг тўрт томони-
дан ўра қазиди. Сўнг тол новдаларидан кесиб, чорси ичини шох-шабба
билан тўлдирди, устидан торф босди, яна шох-шабба қўйди-да, кейин
унга чодир ўрнатди. Чодирнинг ичига чириган ёғочдан олов ёқиб,
чивинларни қувиб чиқарди-да, сўнг палатканинг барини тушириб
қўйди.

Штейнглиц нарироқда Дитрих билан нима ҳақядадир суҳбатлашиб
турарди. Улар чивинларни ҳайдаб қўлларидаги новда билан юзларига
шалп-шалп уришарди.

Вайс келиб чодир тайёр бўлди, унда чивиндан асар ҳам йўқ, деб
айтди.

Штейнглиц Дитрихни ичкарига таклиф қилди.

Истайдими, истамайдими, ҳар иккала офицер ҳам Вайс бўлмаса ҳеч
вақонинг улдасидан чиқолмасалар-да, Иоганннинг хизматини шундай
бўлиши керак нарсайди қабул қилардилар. Вайс Дитрихнинг чамадонини
стол ўрнига ўртага қўйди-да, устига иприт қопчигини тўшаб, ҳатто
уни балодай қилиб ясатди ҳам. Сўнг гулханда тезда иссиқ овқат тайёр-
лади, кейин палатка паст бўлганидан тиззалаб ўтириб, офицерларга
хизмат қилиб турди. Хўжайинининг соғлиғи учун қайғуриб — сиз вино
эмас шнапс ичинг, чивинлар безгак юқтиришадн, касалга чалинмаслик-
нинг энг зўр давоси эса спирт ичиш, деди.

Дитрих ўз соғлиғи ҳақида қайғуришда Штейнглицдан ҳам ўтиб ту-
шарди, шунинг учун ҳам у тинмай ича бошлади.

Чодир ичи қоронғи эди. Иоганн яна андак гулхан ёқмоқчи бўлди,
аммо ачиқ тутундан томоқ ачиб, кўзлар ёшлашиб кетди. Утни ўчириш-
га тўғри келди. Дитрих эса, ҳадеса ўзининг чивин чақиб шишириб юбор-
ган юзларини безовталаниб сийпалар ва ойнага қарамасам бўлмайди,
деб ғингширди.

Иоганн бўш тунука топиб, ичига консерваланган сосискаларнинг
мойини тўлдирди, палатканинг брезент тасмаларидан озгина кесиб, ёққа
булғалади-да, сўнг уни ёқиб қўйди. Палатка ичи ёришиб кетди.

Ҳар иккала офицер ҳам маст эди. Бироқ уларнинг кайф қилиши бир-
бирдан фарқ қиларди.

Штейнглиц ичкилик ичишни мусобақа деб билар, буяла охиригача туриб бериши, ҳушни йўқотмаслик, ақлни тиниқ сақлаш лозим, деб ҳисобларди. Алкоголь иродани бўшаштирувчи, ҳамсуҳбатининг сергаклигини сўндирувчи, уни сергап қилиб кўювчи ажойиб воситадир. Буни яхши билган Штейнглиц упдан усталик билан фойдаланарди. Майор ўзини мастликни енгиб кетишга ўргатганди. У кўп ичган сари, бошининг огриги ҳам зўраяр, юзи оқариб кетар, чап қоши пир-пир уча бошлар, лекин кўзлари одатдагидай синчков ва сўйик тикилар, у ўзипи идора қила биларди.

У ҳеч қачон мастликдан маза кўрмаганди, шу сабабдан Дитрих билан одоб юзасидангина ичаётган эди.

Дитрих маст бўларкан, ўзини, одоб-подоб қондаларидан озод сезарди, нима қилмасин биров унга лом-мим деёлмаслигини тушунарди. Мана ҳозир ҳам:

— Аксель, қулоқ сол,— деди Дитрих,— мен ҳозир бутунлай ечинаман-да, фақат фуражка билан пистолетни қолдириб, қип-яланғоч ташқарига чиқаман ва одамларимни оёққа турғизиб, машқ қилдираман. Қани, биронтаси гинг деб кўрсин-чи. Мен нима десам, ҳаммасини бажаришади.— У ечина бошлади.

Штейнглиц уни қайтаришга уриниб кўрди:

— Қўй, Оскар, шамоллаб қоласан.

Дитрих палаткадан базўр бошини чиқариб қаради.

— Ҳа, намроқ экан... Туман.— Бир дақиқа ўйланиб қолди, сўнг йўлини топган одамдай суюниб деди:— Ундоқ бўлса, ҳаммасини ечинтираман-да, қип-яланғоч ҳолда машқ қилдираман.

Штейнглиц тўнғиллади:

— Дидимиз бошқа-бошқа экан.

Дитрих хафа бўлди. Штейнглицга нафратомуз қараб, сўради:

— Нима, сен биз ўз халқаро мажбуриятларимизни одоб билан бажаряпмиз, деб ўйлайсанми?

— Бунда одобга бало борми?

— Ана!— хурсанд бўлиб кетди Дитрих.— Қойил! Куч билан одоб ва ахлоқ ҳеч қачон бир-бирига қовушмайди. Куч — бу руҳ эркинлиги, ҳамма шартли нарсалардан озод бўлиш демакдир. Шунинг учун ҳам мен яланғоч юришни истайман. Ўзимнинг ёввойи бобокалонимга ўхшагим келади.

Штейнглиц индамай чекиб ўтирар, боши лўқиллаб оғриётганидан юзи учиб турарди.

Вайс кофе ҳозирлади. Дитрих пластмассадан қилинган идишни кофега тутар экан, деди:

— Аслини олганда, ҳаммасини жўнгина битириш мумкин. Агар ҳар бир кишига бир метрдан жой берилса, бутун инсоният эллик квадрат километр ерга жойлашган бўларди. Эллк километрлик плацдарм! Қалам билан қоғоз бер-чи, мен айтайлик, бир соат ичида шунча майдонни пайҳон қилиш учун қанча тўп кераклигини ҳисоблаб бераман. Атиги бир соат. Бир соатда ҳаммани нариги дунёга жўнатиш мумкин!— Бошини кўтариб, сўради:— Совет Иттифоқи вермахт қўшинларига Ҳиндистонни босиб олиш учун ўз ерларидан ўтишга ижозат берганлиги ҳақидаги мишмишни ким тарқатганлигини биласанми?— Ўзига-ўзи фаҳр билан жавоб берди:— Мен тарқатганман? Емон ниқоб эмас-а? Қўшинларимизнинг совет чегараларида тўпланаётганига бошқа нима баҳона қилиш мумкин эди?

— Лақма, жўн гап, ҳеч ким ишонгани йўқ.

— Бекор шундай деб ўйлаяпсан. Елғон хабар ёввойи одам солган расмдай бениҳоя жўн бўлиши лозим.— Бир зум ўйланиб туриб, сўра-

ди:— Сен ТАСС ният 14 июндаги ахборотини ўқиганмидинг?—Сўнг сум-касини титкилаб, блокнотини олди-да ўқиди: «... СССРнинг қўлидаги маълумотларга кўра, Германия ҳам худди Совет Иттифоқи каби ўзаро ҳужум қилмаслик ҳақидаги совет-герман битимига тўла риюя қилипти, шуни назарда тутганда, совет доираларининг фикрича, Германия битимни бузмоқчи ва СССРга қарши ҳужум қилмоқчи деган миш-мишлар мутлақо асоссиздир...»— Ахборотнинг таржимаси сўзма-сўз, аниқ қилинган эди.

Штейнглиц ҳуштак чалиб юборди.

— Мана буни кўз бўяш дейдилар. Бизнинг ишимизми?

— Йўқ.— Дитрих қуруққина қилиб деди.— Бу агентурамизнинг иши эмас. Биз кеча муҳим совет ҳужжатларини қўлга туширдик. Буни қарагинки, Мудофаа халқ комиссарлиги ўз қўшинларига немислар ҳужум қилиб қолса, катта тўқнашувлар рўй бермаслиги учун бундай иғволарга эътибор бермасликни буюрган. Мен буни большевикларнинг мажбуриятларга, халқаро ҳуқуқ қонунларига кўр-кўрона ишонишининг ифодаси деб биламан.

— Бекор гап!— эътироз билдирди Штейнглиц.

Дитрих қорачироқнинг липиллаб ёнаётган алангасига тикилиб турди-да, ишонч билан деди:

— Биз уларни бир жойга йиғишмиз керак.— У қўли билан буни қандай қилиш кераклигини кўрсатди.— Улар неча квадрат километрга сиғади, ўнтами, йигирматами, хуллас, ҳаммасини...— Шундай дея бармоғини кўтарди.— Ҳаммасини бир ёқлик қилишимиз керак! Йўқса, улар бизни...— Шундай деб қўлини қаттиқ силтаган эди, чироқ ўчиб қолди.

Вайс чироқни қайтадан ёқди-да, Дитрихга савол назари билан тикилди.

Капитан эса Вайсни Штейнглиц деб билди шекилли, унинг елкасидан тўтиб ўзига тортди ва қулоғига шивирлади:

— Аксель, сен эшаксан! Биз жангда енгибгина ғалабага эришолмай-миз, биз большевикларни бутунлай қириб ташлаганимиздагина енгиб чиқамиз. Ҳа, бутунлай қириб ташлаганимиздагина! Токи, ер юзида биронта ҳам гувоҳ қолмасин. Ушанда биз барчамиз яланғоч бўлиб юрамиз, барчамиз! Ушанда биронта ҳам одам бу одобдан эмас, деб айтмайдиган бўлади.— У яна ечинмоқчи бўлиб уринди, аммо шу заҳоти ёқ улаб тушди-ю, хуррак ота бошлади.

Вайс Штейнглиц билан биргалашиб Дитрихни ётқизиб қўйди.

Палаткадан чиқишди.

Ботқоқлик узра туман ёйилганди, тепадаги ой атрофга хира ёғду сочмоқда эди, қурбақалар дунёни бошларига кўтаришганди.

Бир оз сукут сақлаб туришди-да, сўнг сигарета тутатишди. Ана шунда Штейнглиц Дитрихнинг қилғилиғини ўзича изоҳлай бошлади:

— Кеча капитан бўларича бўлди: иккита ярадор совет офицерини сўроқ қилган эди, улар тоза капитаннинг жонига тегишди. Оскар улардан бирининг кўзига сигарета тикқан эди, у бетга чопиб капитанга Берлинни кулдонга айлантирмасак, юрган эканмиз, деди — бошқаси бўлса, Оскарнинг қорннга калла урди. Бундоқ қараганда, улардан унчалик катта нарса талаб қилинмаганди, қуршовдаги одамларингиз ёнига бориб айтинг, гаслим бўлишсин, дейилганди. Нар и борса алдаб кетаверсалар ҳам бўларди. Ғалати одамлар экан...— Сўнг керишиб эсиади-да, кутилмаганда гандираклаб, Вайснинг елкасидан ушлаб қолди ва тан олгандай деди:— Шнапс оёқдан олди.— Шундан кейин ухлагани палаткага кириб кетди.

Ниҳоят, эртаси куни майор Штейнглицнинг бўлинимаси ўз вазифасини адо этишга киришди.

Каттакон, кўчма госпитални эслатувчи палатка ичидаги йиғма стол атрофида тўрт солдат, шу жумладан, Вайс ҳам ҳужжатларни саралаш билан шуғулланардилар. Аксар ҳужжатлар қонга беланган эди. Булар рангдор сумлардан қилинган чиқит корзинкасига ташланарди.

Муҳр ва штампларни аввал қоғозга босиб кўрардилар-да, сўнг рақамга олиб, катта сандиққа терардилар.

Ҳеч қандай белги қўйилмаган карталарни ташлаб юборишар, агар белги қўйилган бўлса ефрейтор Вольфга узатишарди. У ҳар бир картани диққат билан кўздан кечирир, айримларини авайлаб тахларади-да, камарли ва ясси қулф-калитли портфелга яширарди.

Канцеляриячи солдатлар ўларча жонбозлик кўрсатиб ишлашарди, гаплашадиган гаплари эса ўз соғлиқлари, уйларидан келган хатлар, озиқ-овқат, кийим-кечак, пойафзал нарх-наволари устида бўларди. Қоғозларни саралашаркан, улар вақти-вақти билан касал юқтирмаслик учун бармоқларини дезинфекция моддаси солинган ҳавол резинкага суртиб олишарди. Агарда шуни, ҳарбий мундирларни ва палатканинг целлулоид дарчаларидаги заъфар ёруғликни ҳисобга олмаганда, бу ерда қилинаётган ишлар оддий идора хизматиши эслатиб турарди.

Вольф қон теккан қоғозларни кўрганда, ҳаммага қарата:

— Жаноблар, эслатиб қўяй: ҳушёр бўлинглар, аҳамиятсиз бўлса, қон теккан кир қоғозларни ташлаб юборинглар,— дерди.

Шу бир неча кун ичида ботқоқдаги лагерь ҳарбий шаҳарча тусига кирди-қўйди: ҳамма ёққа ходалардан йўлкалар қилинди, кўрсаткичлар ўрнатилди, штабга оид палаткалар траншеялар билан ўралди, насослар эса кечаси-ю кундузи траншеялардан сувни чиқариб турарди. Огнемётлардан қандайдир ачиқ суюқлик сепилгандан сўнг, ҳатто чивинлар ҳам камайиб қолди.

Худди оёқлари остидаги ер бадбўй, иприсқи, билқиллаган балчиқ, ботқоқ чикорадай офицерларгина эмас, солдатлар ҳам сариқ чақадай йилтиллаб юрардилар.

Кечаси яққол кўриниб турадиган оқ қайин ёғочларидан панжара тунтилган кўприкчалар, транспорт тўшамаларни, торф тўсинларига саранжом қилиб ташланган ёки бамбуқ таёқларнига илиб қўйилган алоқа симлари — шулар ва яна бошқа кўп нарсалар штаб командаларининг тажрибакорлигидан, пухталигидан, ишбиларманлигидан, интизомидан, яхши таъминланганидан дарак берарди. Фақат мана шу ички хизмат қисмлари мўлжалдаги қуруқ, баҳаво ерда эмас, бир неча километр нарида ботқоқликда жойлашганлигигина умумий манзарага ярашмай турарди.

Мотомеханизациялашган герман қўшинлари мамлакат танига йиртқидай шитоб билан чанг солганича, ўз ортида тенгсиз жангларда оғир-жароҳатланган, бутун дунёдан ажралиб, қуршовга тушиб қолган совет гарнизонларини қолдириб кетмоқда эди: уларни энг янги қирғин воситалари билан тўла-тўқис қуролланган махсус қисмлар яксон этиши мўлжалланганди.

Немис разведкасининг маълумотига қараганда, Кулички шаҳарчасида бошда бир қанча танк ва ярим ротача чегарачилар мудофаага ўтган эди, аммо аста-секин совет солдатларининг сопи кўпая борди. Ҳар кечаси янгидан-янги жангчилар қаттиқ олишув билан Куличкига ёриб ўтардилар, ярим одамлари қирилиб кетганда ҳам улар бундан қайтмас эдилар.

Немис қўмондонлиги душманни бундай қирғин қилиш йўлини тежамли деб биларди. Гарнизонни қириб ташлаш учун артиллерия қисми етиб келди, ҳамма нарса тайёр бўлди. Қаерга қанча снаряд отилиши кераклиги, буннинг учун нечта тўп лозим бўлишлиги аниқ ҳисоблаб чиқилди ва замбараклар истеҳком теварагига маълум бир тартиб билан ўрнатиб қўйилди. Шундай бўлса ҳам, совет гарнизони герман қисмларига ўт очиб катта йўлдан ўтказмаётганига қарамай, немислар танклари келишини кутиб ҳужумга ўтмай турган эдилар.

Штейнглиц билан Дитрих ҳам қўл қовуштириб ўтирмадилар. Улар душманнинг хатти-ҳаракатларини кузатиш мақсадида тез-тез ўт очиш позицияларига бориб турардилар, бироқ ихтисослари турлича бўлгани учун уларнинг кузатган мақсадлари ҳам бир-биридан фарқ қиларди.

Штейнглиц билан бирга юриши керак бўлганидан Вайс канцелярия палаткасидаги ишини йиғиштириб қўйди.

Куличкидаги совет танкчилари ёнилғилари тугаб қолгач, машиналарини ерга кўмиб қўйишгандан немислар хабардор эдилар. Шунинг учун қуршовдаги гарнизон томонидан танкларнинг кутилмаган ҳужумга ўтиш хавфи йўқ бўлиб, бундан ҳамманинг кўнгли тинч эди.

Аммо бир кун кечаси Штейнглиц билан Дитрих кузатув нуқтасида туриб, стереотрубадан атай очиқ қолдирилган тор йўлни ва шу йўлдан ўтиб олиш учун ўқ ёмғирини остида жон-жаҳдлари билан жанг қилаётган гуруҳ-гуруҳ совет солдатларини кузатишаркан, тўсиндан пулемёт ва замбаракдан ўт очганича ёлғиз бир совет танки шитоб билан катта йўл томонга интилди.

Шу ондаёқ тўплар гумбурлади, ҳар бир қарич ерни аввалдан нишонга олиб қўйган батареялар танкни шикастлашди.

Штейнглиц билан Дитрих солдатларга ҳалок бўлган танкчиларнинг ҳужжатларини олишни буюрдилар. Улар: бу машина учун эҳтимол, энг охириги ёнилғи томчилаб йиғилгани ва экипаж йирикроқ совет қўшилмасига ўтиб олиш, ёрдам сўраш, бундан сўнг гарнизон қандай йўл тутиши кераклиги ҳақида (истеҳкомни қўлда ушлаб туриш керакми, ё ташлаб чиқиб кетиш зарурми) буйруқ олиш вазифаси билан йўлга чиққан бўлса керак, деб тўғри тахмин қилишган эди.

Шу тахлитдаги сўров ва буйруқлар аввал ҳам бир неча марта абвер офицерлари қўлига тушганди. Бунинг устига немис радистлари қуршовдаги гарнизоннинг юқори штабларга эфир орқали қилган мурожаатларини ҳам кўп марта қўлга туширгандилар.

Шикастланган совет танкига томон жўнатилган солдатлар буйруқини бажаришолмади: қамалдагилар шунақанги ўч очдиларки, уч немис шу заҳотиёқ ўлдирилди, иккитаси эса яраланиб базўр орқага сургалиб келишди.

Кейинги беш солдатдан биронтаси ҳам қайтиб келмади.

Қамалдагилар камчил бўлиб қолган ўқ-дорини аямай танкни бу қадар қўриқлаётган эканлар, демак, унинг ичида нима бўлганда ҳам душман қўлига тушмаслиги керак бўлган ҳужжатлар бор.

Навбатдаги беш солдат отиласан, деб дўқ қилингандан кейингина боришга кўнишди. Улардан учтаси яна шу заҳоти ўлдирилди. Иккитаси эса ўн қадамча силжиб, ботқоққа қапишиб олишди, улар бош кўтаришга ҳам ботинишмасди.

Шуьладор. юлдузлар чарақлаган осмон: ястаниб ётган ботқоқлик йилтироқ ўтлардан жимирлайди, тол бугалари кумуш ранг товланади, атрофга сукунат чўмган. Нарироқдаги тепалик тагида қўшқуббали совет танки қоядай қаққайиб турибди, немис снарядлари уни илма-тешик қилиб юборган.

Озодагина, сариштагина рангдор тахта билан қопланган кузатиш

пункти азотида йиғма курсиларда немис офицерлари ўтиришибди. Электр чироқ ярқираб ёниб турибди. Столча устида иссиқ кечки овқат солинган термос идишлар. Офицерларнинг тиззаларига қоғоз салфеткалар солинган. Улар овқатланнишяпти, гаплари ҳам овқат ҳақида.

Ҳарбий офицер ҳурмат билан Штейнглицнинг сўзларини тинглаяпти. Майор испан, англиз, француз, италян таомларининг ўзига хос томонлари ҳақида ҳикоя қилмоқда. Гапларидан пазандалик санъатининг нозик жиҳатларигача билиши кўриниб турибди. У бу мамлакатларда резидент бўлиб тургани туфайли, у ерлардаги урф-одатни беш қўлдай биларди.

Дитрих онда-сонда эринчоқлик билан луқма ташлаб қўяди. У ҳам Европа таомларидан яхши хабардор, уларни ҳатто Штейнглицга қараганда ҳам яхшироқ билади, чунки кўп саёҳат қилиб, энг зўр меҳмонхоналарда турган. Штейнглицнинг эса бундай қилишга ихтиёри бўлмаган. Ахир у чет элларга саёҳат учун эмас, жосуслик ишлари юзасидан борардч. У ҳар доим ҳам у ёки бу операцияни ўтказиш учун ажратилган маблағни иложи борича тежаб, ўз чўнтагига солиш пайида бўлар, ҳатто энг масъулиятли операцияларда ҳам шу одатидан чекинмасди. Операцияга ҳозирлик кўраркан, унинг миридан-сиригача ишлаб чиқар, шунда мукофот миқдори олдиндан маълум бўлишига қарамай, ҳамёнига қандай қилса кўпроқ қолиши тўғрисида ҳам ўларча бош қотирарди. У пул мукофотларни операциядан қайтиб келгач, иккинчи «Ц» бўлимининг бошлиғидан нақд пул ё чек ҳисобида оларди.

Ҳарбий офицер қақирилган танк икки соатлардан кейин етиб келишини — ўшанда танкчиларнинг ҳужжатларини олиши учун совет танкига яқинлаб бориш мумкин бўлажagini айтди. Унгача эса қаноат билан кутишга тўғри келарди.

Вайс одат тусига кириб қолган вазифасига амал қилиб, индамай офицерларнинг хизматида турарди. Тарелкаларни алмаштирар, гўшт солар, пластмасса стаканчаларга вино қуяр, нон кесар, электр плитасида зирали қоқ нонни ва япалоқ идишлардаги устига мой солинган колбасаларни иситарди. Бу ишларнинг барини чаққон-чаққон бажарар экан, шу тобада, у қандай йўл тутсам экан, деб бош қотирарди. Ун бешдан ортиқ немис солдати ер тишлаб қолди, бундан кейин ҳам шундай бўлади. Ниҳоятда хатарли. Унинг таваккал қилишга ҳаққи борми?

Уйда унга: Энди сен ўзинг учун яшамайсан. Бошқаларнинг ҳаёти сенинг ҳаётингга боғлиқ бўлгандан кейин у ўзингга эмас бошқаларга тегишли бўлади. Агарда сен таваккал қилиб, ўзингни ҳалокатга судрасанг, у ҳолда, ёлғиз сен эмас, яна, эҳтимол, анча совет кишилари ҳам ҳалок бўлишади: улар сен олдини олишини мумкин бўлган фашист диверсияларининг, ёвузликларининг қурбони бўладилар. Уткир разведкачининг ҳаёти гоҳида жуда катта сонга кўпайтирилган иксга тенг бўлади, бунинг ортида инсон ва моддий дунё жавоҳирлари ётади. Аммо бу разведкачи ўз мардлигини кўрсатиш учун ҳаётини хавф-хатарга қўйишдан бошқа нарсани билмаса, унинг иши — кони зиёндир. Ахир ўзи ҳақида нима деб ўйламасин, ҳалокати кўзига қанчалик қаҳрамонона ва ноёб бўлиб туюлмасин, у ўз ҳолича, ўз бошига ўзи нима ҳам қила олади. Разведкачи узоқни кўзлаб иш кўриши керак. Шу маънода, айрим ҳолларда сабр-тоқат билан пайт пойлаш — биринчи қарашда катта жасорат бўлиб кўринган, аммо фақат оралиқ, хусусий қимматга эга бўлган вазифани ўташга қаратилган, охиригача ўйланмай, шошилишчи қилинган ҳар қандай ишга қараганда ҳам юз чандон қимматлироқ бўлиб чиқади. Разведкачи мана шундай ўйланмаган ишга бош уриб, асосий нарсани унутиб қўйгач, душман учун хатарли бўлмай қолади. У ҳалок бўлган совет разведкачисига айланади, агарда душман қўлига тирик

тушиб қолса, унинг аввалги ишлари тўғрисидаги маълумотларни билиб олиш учун уни қийноққа солишади, албатта.

Иоганн мана шу вазиятда нима қилиши керак? Турган гап, у совет танкига етиб боришга жазм қилса, ҳалок бўлиши мумкин. Лекин албатта ҳалок бўлиши шартми? Агарда етиб боролса пакетни йўқ қилади. Модомики, гарнизон ўзининг бутун ёнилгисини шу танкка берган экан, уни ўқ-дорисиз қолишдан қўрқмай ҳимоя қилаётган экан, демак, пакег ниҳояти муҳим қимматга эга, эҳтимол, жуда кўп, юзларча, мингларча совет солдат ва офицерларининг ҳаёти унга боғлиқдир. Демак, ҳозирги нисбат: бирга минг бўлади.

Гарчи, Иоганнга ўзини ўтга-чўққа уриш, таваккал қилиш ман этилган бўлса-да, бироқ мана бундай мингларча кишининг ҳаёти ҳал этилаётган пайтда у жондан кечишга ҳақли бўлса ажабмас. Яна бир нарса ҳам борки, у билан ҳисоблашмаслик мумкин эмас. Сабрнинг ҳам чеки бор. У қачонгача қонга беланган, ёндирилган Ватанининг ерларини ҳеч нима бўлмагандай томоша қилиши, совет кишиларини қандай қилиб ўлдирётганликларига индамай қараб туриши, гўё шундан бошқа иш йўқдай қотилларга қўл қовуштириб югурдаклик қилиши керак ахир! У манави даҳшатли ҳаракатсизликдан, турғунликдан бир неча минутга бўлсин халос бўлиши, нафасини ростлаб олиши лозим. Фақат бир неча минут қаттиқ ҳаракат қилса бас, шунда у яна чидам кўрсатишга, хотиржамликка, риёкорликка қодир бўлиб қолади. Бир неча минут нима деган гап, шундан кейин у яна пайт пойлайди, ҳа, чидам билан пайт пойлайди. Хўш, шундай қилиши мумкинми? Унга ҳеч нарса бўлмайди, танкка албатта етиб боради. У бир ўзини ўйлаётгани йўқ: у одамларни халос қилиш учун пакетни йўқотиб ташламоқчи. Хўш, бунинг нимаси ёмон экан? У пакетни йўқ қилади-ю, қайтиб келади, яна ҳаммаси аввалгича давом этади. Йўқ, аввалгича эмас, у янада эпчилроқ, янада усто-монроқ, янада эҳтиёткорроқ ва сабрлироқ бўлиб қолади.

Иоганн тарелкаларга дудланган чўчқа гўшtidан қилинган қайноқ колбаса ва дуди чиқиб турган картошка солиб, пластмасса стаканчаларга жигар ранг ромнинг тагини қуйиб бўлди-да, фартугини ечиб, пилоткасини тўғрилади.

— Майор жаноблари, агар бошқа керак бўлмасам, менга совет танкидан ҳужжатларни келтиришга ижозат этинг.— Буларнинг барини у: «Сизга яна бир оз қайла солсам бўладими?» деган оҳангда айтди.

Штейнглиц фақат ўзига маълум бўлган сабабларга кўра, бу илтимос унга қанчалар муҳимлигини кўрсатишни истамади. Нима ҳам дейиш мумкин, солдат жасорат кўрсатмоқчи экан, бу немис солдати учун табиий ва ҳатто мажбурий бир нарса. Шунинг учун ҳам майор кўзини тарелкадан узмасдан, индамай бош силкиди.

Иоганн ичидан гранаталарнинг чўзинчоқ ёғоч дасталари чиқиб турган брезент халтани девордан олиб, ҳарбий офицернинг каскасини кийди-да, автоматини елкасига осди ва офицерларга честь бериб блиндаждан чиқди.

19

Ҳавонинг авзойи бузилиб, осмонда паға-паға булутлар пайдо бўлди, бироқ хирагина шуъла ҳамон дўнг тепаларни ёритиб турарди. Сув қуйгандай жимжит, мудроқ, кўримсиз, ғамбода манзара. Ўт-ўланлар қуюқ шабнамда чўкиб тўнғинган.

Иоганн ботқоқликка синчковлик билан кўз югуртиради. Танкка тўғридан эмас, илон изи йўл солиб: чуқурдан чуқурга, дўнгдан дўнгга,

тепадан тепага ўтиб бориш керак. Адашиб қолмаслик учун қандоқ йўл солиш режасини тузди.

У қўриқчилар постидан ўтиши биланоқ ўрмалаб кетди, четдан қараган киши уни танкка эмас, бошқа томонга қараб кетяпти, деб ўйларди. Вайс ўзини мажбур қилиб тез-тез дам олар, худди илондай билонглаб аста судралар, ерга сингиб кетгудай бўлар, юзи ўтдан кўтарилмасди. Бирон новда қисирлаб кетса, темир-терсак андак шиқирлаб қолса, чаре этган овоз келса, нафас олмай қотиб қолар, эҳтимол, ўлим ваҳимасига тушган ўлгудай қўрқоқ одам ҳам бунчалик сурат бўлиб қолмаса керак. У ўзини шундай тутишга мажбур эди. Ҳозир Иоганн ҳам қўрқар, аммо ўлимидан эмас, ўзига тегншли бўлмаган ҳаётини йўқотишдан чўчирди. Назарида ўзини эмас, балки энг яқин энг қимматли ҳаёти ўзиникига қараганда беқиёс катта аҳамиятга эга бўлган одамини ўлим ёқасига келтириб қўйганга ўхшарди. Мана шу ниҳоятда керакли, улкан ишлар қилишга умид тutilган одамнинг ҳаётини у хавф остига қўяпти, мана шунинг учун у бу одамнинг тириклигидан умидвор бўлганларнинг, унинг ҳаётини ўз ҳаётларидан юқори қўйганларнинг ҳар бири олдида жавоб беради. Улар бу ҳаётни Иоганн Вайсга ишониб топширишди, у бўлса бу юксак ишончни оқламади. Шу сабабдан у бу одамнинг соғ қолиши учун қўлидан нимаики келса ҳаммасини қилар, уни қутқариш учун ҳеч нарсасини аямасди.

У жуда ҳам секин судралиб борар, ижикиланиб, хавфсираб, ўлгудай қўрқа-пуса арзимаган пана жойларга ёпишарди. Балки, унинг бу ҳаракатини кузатиш офицерларнинг жонига теккандир. Штейнглиц эса бир оз қизариб кетган бўлса ҳам ажабмас: охир кўкларга кўтарган шофери ғирт қўрқоқ чиқиб қолди-да! Чиндан ҳам, эшакқуртдай майдалаб судралаётган, немис мундирига иснод келтираётган, қўрқоқ Вайсга стереотрубадан тикилавериш уларнинг жонига тегди. Шу ҳам тузук, орқангдан кузатишмаса ўзингни анча енгил сезасан.

Иоганн соатининг нурланиб турган мнлига қаради. Буни қаранг-а, ботқоқликда сукунат, рутубат, балчиқ қўйнида аста-секин, тўхтаб-тўхтаб судралаётганига икки соатдан ошибди. Шу тобда биринчи ўқ узилди, Иоганн бутун жисми билан ёнгинасида совет снайперининг ўқи тўзиётганини ҳис қилди. Кейин Вайс ўқ ёмғири остида қолди.

Вайсга қараб ёлғиз снайпернинг ўзи ўқ узар экан, немислар индамай туришди, аммо пулемётлар қисқа-қисқа тариллай бошлагач, унга жавобан истар-истамас, палапартиш, чўзиқ-чўзиқ ўқ уза бошлашди, кейин аввал битта, сўнг кўпайишиб миномётлар жаҳд билан отишга киришди.

Иоганн охирги кучини тўплаб, ўзини дам у ёнига дам бу ёнига ташлаганча танкка яқинлаша бошлади. У танкка яқин борган сари совет пулемёти ҳам ўқ ёмғирини кучайтирди. Иоганнга худди юзи олдидан бир гала дала сичқонлари чопиб ўтгандай бўлиб кўринди — бу унинг боши атрофидан учиб ўтган ўқлар эди. У қотиб қолди, сўнг юмалаб кетди, кейин яна ўрмалай бошлади: ўзини дам ўннга, дам чапга ташлади, яна олға интилди. Яраланса ҳам майли, фақат ўқ боши ёки юрагига тегмаса бўлгани. Шунда у амал-тақал қилиб етиб олади ва кўзлаган ншини амалга оширади.

Мана, ниҳоят Иоганн танкка етиб ҳам келди.

Атрофни металл ҳиди тутиб кетибди. Танкнинг бир неча жойи ўнирилиб кетган бўлиб, улардан аччиқ ва ўткир порох иси чиқарди.

Олдинги люк очиқ экан, ундан бир танкчининг гавдаси осилиб турарди. Иоганн сапчиб ўзини люкка олди, пулемёт ўқлари зирҳ устида худди тош сочгандай шақирлаб кетди, аммо у буни ўйлаб улгурмасданоқ, баданини оғриқ зирқиратиб юборди, ўқ оёғига теккан эди.

Иоганн вақтни кетказиб ўтирмади, этигини ечиб, ярасини бойлашга ҳали улгуради. Улган танкчини ичкарига тортиб олди-да, тезгина унинг чўнтаklarини қараб чиқди. Пакет йўқ. Рнчаг олдида яна бир ўлик танкчи букчайиб, қонга беланиб ётарди. Иоганн қоронғида зажигалкасини ёқиб, унинг ҳам чўнтаklarини кўздан кечирди. Ҳеч вақо йўқ, ҳеч қандай қогоз йўқ. Ё қўнжидамикин? Иоганн энгашди, шунда тўсиндан қандайдир темир бошини ялаб елкасига тушди.

Мана шундай вазиятда қандай ҳаракат қилишга ўргатган бўлсалар, Иоганн ҳам худди шундай қилди. У сапчиб ўрнидан тургани йўқ (ваҳолонки, бундай ҳолатда одам ғайри шуурний равишда хавфга қарши ўрнидан туриб кетади), балки усталик билан чалқанча ағдарилди, қорни ва кўкрагини ҳимоя қилиш учун оёқларини букди ва кутилмаганда уларни кўтариб бор кучи билан рақибига зарб берди.

Вайс кўкрагида ва ўқ теккан оёғида турган оғриқдан бир зум ўзини тубсиз жарга тушиб кетгандай ҳис қилди. У бошқа бир оғриқдан ўзига келди: тирик қолган танкчи унинг бошини танкнинг пўлат полига урар, қондан сирғалиб кетаётган қўллари билан бўғишга ҳаракат қиларди. Иоганн унинг қўлларини ўздан ажратди-да, қўлтиғидан тутди ва қўлини бўғинидан қайириб олишга ҳаракат қилиб, чапдастлик билан ағдарилди. Энди у танкчи устида ётар, аммо ҳарсиллар ва бир оғиз сўз айтолмасди. Шу бонсдан у сал ўзига келиш, нимадир дейиш учун нафас ростлади. Кейин қаттиқ туриб, буйруқ оҳангида талаб қилди:

— Эсингни йн! Мен ўзимизникиман.— Сўнг чуқур тин олиб, деди:— Энди қулоқ сол!— У худди бир нарсани овоз чиқариб ўқиётгандай дона-дона қилиб, қайта-қайта айта бошлади:— Куличкининг шимолигарбида, йигирма километр наридаги Виселкида ёнилги базаси бор,— талаб қилди:— Қайтар! Қани, бўл, такрорла деяпман... Эсингда бўлсин. Энди, пакетни бу ёққа бер! Пакет бор-ку ахир, шундайми?

Танкчи пистолетига қўл чўзди.

Иоганн шоша-пиша деди:

— Қўй... фашист танки келади. Тушундингми? Танк. Пакетни йўқотиш керак.

Танкчи пистолетини туширди.

— Кимсан ўзинг?

Иоганн зажигалка узатди:

— Ёқ.

Танкчи Иоганндан нари сурилди, пистолетини қўлдан қўймай, зажигалкани ўт олди-да, пакетга тутди ва сўради:

— База ҳақида ким хабар беради?

— Сен!

— Демак, орқага қайтишим керакми?

Иоганн бош силкиди.

— Унда нега пакетни ёқдим?

— Етиб боролмасанг, сени ўлдириб қўйишса, пакет қўлга тушади. Тушундингми?

Танкчи бир зум ниндамай турди, сўнг гапирди:

— Ёнимда яна бизнинг ўт очиш нуқталаримиз ва мина даласи кўрсатилган карта ҳам бор. Ёқиб юборайми?

— Менга бер.

Танкчи пистолет ўқталди.

Иоганн сўради:

— Яна карта борми?

— Қанақа?

— Ушанга ўхшаган, фақат тозаси бўлсин.

— Хўш, бўлса нима...

Иоганн огриқданми, ё кулимсираганиданми, юзини буриштириб, сўради:

— Агламадигми? Елгондака мина далалари ва ўт очиш нуқталарини белгилаб чиқамиз, кейин картани ташлаб қўямиз.

— Қимсан ўзинг, ахир?

— Қарталарни бер,— талаб қилди Иоганн.— Қўлингда пистолетинг бор-ку!

Танкчи планшетини узатди.

Иоганн қўлини артиб, буюрди:

— Еритиб тур!

Иккала картани ёйиб қўйди-да, тозасига белгилар қўя бошлади.

Танкчи пистолетини тушириб, унинг ишини кузатиб тураркан, мақтади:

— Боплаяпсан-е!— Сўнг яна сўради:— Қимсан ўзинг?

Иоганн биринчи картани ёқиб, иккинчисини планшетга солди ва ҳалок бўлган танкчининг кўзлари билан кўрсатиб, деди:

— Планшетни унинг бўйнига осиб қўй.

Танкчи унинг буйруғини бажарди.

— Ана энди, ўртоқ,— Иоганнинг товуши қалтираб кетди,— яхши қол...

Танкчи люк томон юрди. Иоганн уни тўхтатди.

— Ўзинг билан уни ҳам олиб ол.

— У ўлган-ку.

— Юз метрча сургаб боргин-да, кейин ташлаб кет — немислар топиб олишади. Шунда улар картага кўпроқ ишонадилар.

— Сен-чи?— сўради танкчи.

— Нима мен?

— Сен нима қиласан?

Иоганн ўрнидан сал кўтарилиб, у ер-бу ерини ушлаб кўрди.

— Ҳечқиси йўқ, амаллаб етиб оламан.

— Энди менга қулоқ сол,— деди танкчи.— Мен эмаклаб кетаётганимда орқамдан автоматдан ўт оч. Шунда ишонарлироқ чиқади. Балки учрашиб қолармиз.— Шундай дея танкчи яна такрорлади:— Шундай қилиб кимлигингни айтгинг келмади-а?

— Айтгим келмади эмас, айтолмайман. Тушундингми?

— Ҳай майли ўртоқ, қани, қўлни чўз!— Танкчи қўл чўзди.

Сўнг у люкдан чиқиб, ҳалок бўлган ўртоғининг гавдасини тортиб олди-да, уни елкасига қўйганча, эмаклаб кетди.

Бир неча минутдан сўн Иоганн унинг орқасидан чиқди. Автоматидан яхшилаб мўлжаллаб олгач, сал ўнгроққа қараб сидирғасига ўт очди, бу орада яна ҳам четроққа граната отишга ҳам улгурди. Кейин немислар кучли ўт очиш, миномёт батареялари ишга тушди. Бир пайт Вайснинг шундоқ ёнгинасида мина портлади ва аллақандай иссиқ, оғир ҳаво тўлақини Иоганни кўтариб итқитиб юборди, гўё жаҳаннам қаъри уни ўз комига тортгандай бўлди. Афтидан, у ҳушдан кетган бўлса-да, ҳар қалай бир амаллаб танк тагига сувдрилиб борган, унинг остига яширинган бўлса керак.

20

Иоганн Вайсни госпиталга, қўлига бирка тақилган ҳолда келтиришди. Агар қўли бўлмаганда, биркани оёғига боғлашган бўларди. Оёғи ҳам бўлмаса бўйнига осинарди.

Ҳамма ерда бўлганидек, госпиталда ҳам гестапо ходими бор эди. У

медиклар томонидан нацистлар кўрсатмаси қандай бажарилаётганини кузатиб борарди. Рейхга майиб-мажруҳлар эмас, солдатлар керак эди. Ярадорнинг жонини сақлаб қолиш эмас, уни тузатиб фронтга етказиш лозим бўларди. Ярадор кимса кўп қон йўқотиб, азоблардан заифлашиб қолиши, қичқириши, йиғлаши, инграши мумкин. Аммо нима бўлганда ҳам у кўрсатилган муддатда оёққа босиши, сафга туриши шарт эди.

Медицина хизматчиларининг ишини унтершарфюрер Фишер назорат қиларди. Ярадорларни эса ротенфюрер Барч кузатарди.

Барч мучаси соғ бўлса ҳам, бошқа оғир ярадорлар сингари бинтларга ўралган ҳолда, қимир этмай терлаб ётарди. Унинг хизмати ана шундан иборат эди. Уни палатадан палатага, койкадан койкага кўчиришар, шу тариқа у жангчиларнинг алаҳсирашларига, ёки уларнинг жанг ҳақидаги ҳикояларига қулоқ соларди.

Фишер ярадорларни сараларди. Қандай ярадорлиги, у ҳақда билган маълумотларига қараб Барч солдатларни палаталарга тақсимларди. Дсразаларига панжара тутилган алоҳида бир хонага Фишер томонидан штраф қисмларида хизмат қилишга ҳукм этилган ярадорлар ётқизиларди.

Фишер бардам, хушмуомала, хушчақчақ, қўй кўзлари зийрак, семиз кимса эди. Унинг оғзидан доимо чала чекилган сигара аримасди.

Госпиталда узоқ туриб қолган, соғ ҳаводан, ҳаракатдан маҳрум, уззукун узала тушиб ётадиган Барч рангпар, ориқ, камқувват эди, бунинг устига нафас сиқар, уйқусизлик касалига гирифтор эди. Унинг юзида худди ўлаётган одамникидек, музтариб бир ифода тўниб қолганди.

Офицерлар палатасида қандай яраланганига эмас, унвонига, мукофотларига, хизмат турига, алоқаларига, пулига қараб ғамхўрлик қилинарди. У ерда ҳам ўзининг Фишери, ўзининг Барчи бор эди.

Вақтинча беҳуш бўлиб қолганлиги Вайс учун ниҳоятда хатарли эди. У кўзини очиб, тирпк қолганига хурсанд бўлишни ҳам унутиб қўйди: беҳуш ётганимда алаҳлаб қўймадиммикин, ортиқча гапларни сўзладиммикин, деб ташвишланиб қолди. Аммо ҳамма иш жойида кўринарди.

Хирург Вайсни Фишер билан бирга келиб кўрди. Фишер лоқайдлик билан:

— Оғриғига чидаб, тез тузалиш, барвақт фронтга қайтиш маъқулми ёки оғриқни камайтиришга зўр бериб секинроқ тузалган маъқулми?— дея сўради Вайсдан.

Вайс иложи борича тезроқ тузалиб ўз махсус бўлинмасига қайтиши зарур эди. Шу боисдан, у одамни ўзига ром қиладиган самимият билан тезроқ фронтга қайтишни орзу қиламан деди. Шунда Фишер Вайснинг касаллик тарихига сиёсий соғлом деган биринчи белгини қўйди.

Иоганн ўзига одат бўлиб қолган синчковлик билан Фишер ҳамда Барчнинг кимлигини билиб олди.

Барч бир куни хаста товуш билан Вайсга госпиталда узоқроқ қолиш учун нима қилиш кераклигини ўргатмоқчи бўлган эди, Иоганн унинг башарасига кофе қолдигини сепиб юборди ва Фишерни чақиришларини талаб қилди. Бироқ гап нимадалигини Фишерга айтиб ўтиришнинг ҳожаги йўқ эди. Барчнинг кофе қуйқасига беланган юзини кўриб, Фишернинг ўзи дарҳол нима гап бўлганлигига тушунди. Шунинг учун Вайсга у:

— Сен, солдат, кўп қизишаверма. Барч фюрерга содиқ...— деб қаттиқ тайинлади.

Иоганнга бошқа далилнинг кераги қолмади: Фишер киму, Барч ким энди унга равшан эди.

Госпитал тахминан, жанг бўлиб ўтган далани эслатарди, бироқ фарқи шу эдики, бу ерда ҳамма нарса озода, саранжом-саришта эди. Ярадорларни кузатиб, уларнинг оҳ-воҳларини эшитиб, оёқсиз, қўлсиз, мажруҳ, ўлим ёқасида турган бу солдатларнинг азоб-уқубатларини кўрар экан, Иоганнинг кўнглидан икки хил туйғу кечарди.

Булар — душман эди. Улардан бу ерга қанча кўп тушса, шулча яхши бўлиб, бу совет қўшинлари фашистлар ҳужумини муваффақият билан барбод қилаётганидан дарак беради.

Аммо булар ҳам одам эди. Азоб-уқубатлар бутун кучини суғуриб олган, ўлим шарпасини сезган бу одамлардан айримлари яна асл ҳолига қайтгандай булар — ўзларини яна оила бошлиғи, деҳқон, ишчи, студент, ксчагина ўқувчи бўлиб юрган бола деб ҳис қила бошлардилар.

Фишер у ёки бу солдатнинг елкасига қоқиб, ана энди тузалиб кетдинг дер экан, бу одамнинг кўзлари хира тортиб, ўликникидай бўлиб қолганини Вайс кўп марта кўрди. Демак, яна фронтга. Агар баъзи бировлари госпиталга тушгандан сўнг, чидаб бўлмас оғриқ азобига қарамай мизғиб олишга ўзларида куч топсалар, госпиталдан тузалиб чиқиш арафасида эса, ҳаммалари уйқусизликка гирифтор бўлардилар. Яшагилари келарди, аммо ёлғиз ўзларипигина ўйлардилар. Ҳеч ким одам ўлдирини истамайман, деб айтмасди.

Бир куни кечаси Иоганн синамоқчи бўлиб:

— Ухлолмаяман. Хаёлим нуқул рус танкчисига кетиб қолади. Ешп ўтиб қолган, оиламаид одам экан. Эҳтимол, менга ўхшаб урушгача шофер бўлиб ишлагандир, мен бўлсам уни ўлдирдим.

Кимдир қоронғилик ичидан тўнғиллади:

— Сен ўлдирмасанг, у ўлдирарди.

— Лекин унинг соғ жойи қолмаган эди.

— Русларнинг жони қаттиқ бўлади.

— Лекин у ўлдирма деб ялинди.

— Бекор атыпсан, улар ялинмайдилар!— деди кимдир хирқироқ овоз билан.

Барч баланд овоз билан ўсмоқчилади:

— Биронтаси ялиниб қолса-чи?

— Айтяпман-ку, ялинмайди деб!— қайсарлик билан такрорлади яна ўша овоз.— Ялинмайди — вассалом.— Кейин қаҳр билан қўшиб қўйди:— Ҳой, эшак, сен мени тилимдан тутаман деб ўйлама, сендақаларни кўп кўрганман.

— Эҳ-ҳа, ҳали шундайми...— дағдаға қила бошлади Барч.

— Шундай,— деб уни чўрт кесди товуши хирилдоқ киши ва жим бўлиб қолди.

Эртасига Вайс яраларини қайта боғлатиб палатага келса, кечаги хириллаган солдатнинг койкасида бошқа ярадор ётар ва ингичка, увол овоз билан инграрди.

Вайс койкасига ишора қилиб Барчдан сўради:

— Аनावи қани?

Барч маънодор қилиб кўз қисди:

— Немис солдати душмандан фақат нафратланмиш керак. Бу гапимга сен нима дейсан?

Вайс ишонч билан деди:

— Мен ўз душманларимдан нафратланаман.

— Тўғри,— маъқуллади Барч.— Тўғри гапиряпсан.

Вайс унинг кўзларига қараб туриб:

— Мен кимга хизмат қилаётганимни ва кимдан нафратланишимни яхши биламан,— деди, сўнг бундай оҳанг билан гапирмаслик керак

эди деган мулоҳазага бориб, ҳол-аҳвол сўраган бўлди:— Қалай, ўзинг тузукмисан, Барч? Мен сен билан кейинроқ бирон ерда фронтда учрашишни истардим.

Барч уволгина бўлиб:

— Нима ҳам дердим, балки учрашармиз ҳам...— деди. Кейин ги-жирлиги тутди:— Русларга ҳайронман. Уларга нима керак ўзи? Қўшинлари яқсон қилинди, улар ҳамон урушиб ётибдилар. Бошқа бирон маданиятли халқ бўлганда, аллақачон таслим бўлиб, ўлиб кетмаслик учун янги шароитга бирмунча мослашиб турсалар бўларди...

— Бирмунчаси қанча бўлади?— дея сўради Вайс.

Барч мужмалгина қилиб жавоб берди:

— Ҳозирча уларнинг сони бизга керак бўладиган шарқ ишчиларининг сонига қараганда анча ортиқ...

— Сенга улардан нечтаси керак?

— Менга беш-олтитаси етади.

— Нега энди ўнта-йигирмата демайсан?

Барч хўрсинди.

— Агарда отам яна бпр оз ер сотиб олгандайди... Ҳозирча чўт қилиб чиққанмиз: бош-олтитаси етади. Нима бўлганда ҳам уларни боқиш керак. Баварияда қорамол фермамиз бор, ортиқча ишчидан кўра беш-олтита ортиқча мол боққан фойдалироқ.— Мақтанди:— Мен ўттиз бешинчи йилда агроэкономика мактабини битирганман. Отам пулни қаерга сарфлаш фойдалироқ эканлиги ҳақида ҳалиям мен билан кенгашади. Кризис йиллари отам ялло қилгани тез-тез шаҳарга тушиб турарди.— Сўнг кафтини кўрсатиб деди:— Мана, шунча чўчқа ёғи кўрсатсанг бас — ҳар қандай жонон ҳам ноз қилиб ўтирмасди. Онам буни биларди. Шунинг учун ҳам қазноқнинг калитини яшириб юрарди. Отам очқич ясаб олди. У ҳозир ҳам анчайин бардам.

— Нима, ҳозир ҳам жононлар деб чўчқа ёғи ўғирлайдими?

— Хотин-қизлар лагеридан иккитасини олибди.

Вайс орзумандлик билан деди:

— Сен билан фронтда шунчалар учрашгим келяптики, асти қўявер...

Вайсининг бу сўзлари Барчга ёқмади. У вайсашдан тўхтаб, девор томонга юзини буриб олди...

Иоганн операцияга ва ярасини қайта боғлашлар маҳалида қаттиқ азобларга бардош бериб, ўзини кўнгилдагидай тутмади чоғи. У чидаб бўлмас оғриқ зўридан қора терга тушганда ҳам, тишини тишига босиб миқ этмай турарди. Ҳеч қачон тинкам қуриб кетяпти, мазам қочяпти деб врачларга шикоят қилмас, бошқа ярадорларга ўхшаб кўшнмча овқат, дори-дармон сўрамас (улар бу ишни ё уйларига жўнатиш ёки бекитиқча сотиш учун қилардилар) эди. У бошқалардан жуда ҳам ажралиб турар, бу эса шубҳа туғдириши мумкин эди.

Барчнинг айтишича, у Чехословакияда энг бўлмағур дорп-дармонларни соат, олтин тўнғоғич, никоҳ узуги сингари нарсаларга алмашар ва ҳатто яқин одамлари оғриб қолгани туфайли иложсиз қолганидан фойдаланиб, хотинларни ҳам сотиб оларкан. Дори-дармон ўзи зиғирдек нарса-ю, эвазига катта нарсаларни олиш мумкин экан. У Вайсга ҳеч кимга айтма, деб вермахтнинг тегишли хизматларига босиб олинган ерларда дарҳол барча дори-дармонларни йиғиштириб олиш буюрилганини айтиб берди. Германияга дори-дармон етмагани учун эмас, ўша ерларда аҳоли сонини озайтириш учун шундай қилинаркан. Шунда Барч госпиталга тегишли барча дори-дармонларни ўз назорати остида тутувчи бошлиғи Фишерга ҳасад қилиб сўзлади: Фишер уларнинг каттагина улушини бекитиқча бозорга чиқараркан. Кафтида шубҳали яралари бўлган бир неча солдат унга югурдаклик қиларкан. Бу солдат-

лар тушган пулдан лоақал бир пфеннигни бекитиб қолсалар, Фишер истаган маҳалида уларни ҳарбий полицияга бериб юбориши мумкинлигини билишаркан.

Кейин Барч ҳурмат билан қачон ва қасрда ҳужумга ўтиш тайёрланаётганлиги ва герман қўшинлари қандай талафот кўраётганлигини ҳеч ким Фишерчалик яхши билмаслигини айтди.

— Қўйсанг-чи, қасрдан биларкан у?— ишонқирамагандай сўради Вайс.— Ёлгониям қийиб юборасан-да!

Барч ҳатто хафа ҳам бўлмади.

— Алдаётганим йўқ. Фишер — катта одам. У кўрсатилган нормаларга мувофиқ ҳар бир жанг операцияси учун зарур бўлган дорилар рўйхатини тузиб чиқади. Кейин сарф қилинган дорилар ҳақида ҳисобот ёзиб юборади, талафот ошган сари сарф ҳам ошаверади. Шу билан бирга, у госпиталларга қайтариб берилмаган кийим-бош ҳисобига ҳам акт тузади.

— Қайтариб берилмагани нимаси?— ҳайрон бўлди Вайс.

— Аҳмоқ,— деди Барч.— Нима, биз солдатларни яланғоч кўмармик? Бу ер концлагерь эмас.

Барчинг бу маҳмаданагарчилиги Иоганнинг дардига малҳам бўлди.

Яралари секин битаётган эди. Сепсис¹ туфайли уч ҳафтагача ҳарорати пасаймади, шунинг учун у алаҳлаганда ҳам абвер солдати Вайслигича қолишга бутун кучини, иродасини сафарбар қилди.

Яраларни қайта боғлашдек даҳшатли қийноқ пайтида ярадорлар бўкиришар, чинқиришар, айримлари эса ҳатто, врачни тишлаб олишга ҳам уринишарди. Ҳеч ким буни уят деб билмасди.

Иоганн жароҳатларга дори-дармон қўйишаётганда, тозалашаётганда, ҳаммасига бардош беради, у чидаб бўлмас оғриқ пайтида ҳам тишини тишига қўйди, инграмади, қичқирмади. Бунга ҳам куч керак бўлиб, унинг эса кучи қолмаганди. Шундай бўлса-да, у бундай бардошнинг зарурати йўқлигига қарамай ғиқ этмай турарди. Ким билсин, балки оғриқ азоби билан бу бейойда олишув унинг ўзи учун бир маънога эгамиди, зотан, шусиз Иоганн ўзини инсон деб ҳис қилолмасди.

Унга секин-аста жон кира бошлади.

Энди у ҳушидан кетмасди, ҳарорати ҳам кун сайин тушиб борди, вақт ўтаркан, дардлари ҳам енгиллашди, қувват кирди, ҳатто иштаҳаси ҳам очилди.

Шу билан бирга, Иоганнинг кўнгли ғаш, ўзи маъюс эди. Уруш. Бутун совет кишилари, ҳатто чоллар ва болаларгача душман билан ҳаётмамот жангига отланган, ҳеч ким ўз жонини аямайди, у бўлса ёш йигит, коммунист бўла туриб, ҳеч қандай наф келтирмай немис койкасида ағанаб ётибди, немис врачлари уни даволашпти. Бу ерда унинг жони омон, ўзи тўқ, иссиқ, чиннидай ўринда ётибди, иссиқ-совуғига қараб туришади, ҳатто ҳурмат қилишади. Бўлмаса-чи! У юзма-юз олишувда иштирок этган қаҳрамон немис солдати.

Боз устига, Иоганн ярадорлардан Кулички гарнизонига кучли артиллерия отишмасидан сўнг ҳужум қилинганлиги ва жангчилар бутунлай қириб ташланганлигини эшитди.

Демак, Иоганн ўзини ҳалокат ёқасига олиб бориб янглишган экан.

Тўғри, янглишди, бундан ҳеч қабёққа қочиб қутулиб бўлмайди, уни оқлаб ҳам бўлмайди. Лекин танкчи қонга беланиб, қалъага етиб олган-

¹ Маълум микробларнинг қовда жуда тез кўпайиб кетиши натижасида бутун тананинг захарланиши (тарак).

да, гарнизон бошлигига нима воқеа рўй берганлигини айтиб улгурмаганлигини Иоганн қаердан билсин!

У махсус бўлим бошлиғи олдида қуролсизлантирилган, камари ечилган ҳолда оёғини аранг босиб индамай турарди. Бўлим бошлиғи ундан ватанга хиёнат қилдим деб бўйнига олишни талаб қиларди: танкчининг ҳамма гаплари ҳақиқатдан йироқ, ёлғон-яшиқ бўлиб кўринарди унга. Танкчи рад қилмаган ва рад қилолмаган далиллар бор эди. Тўғри, у фашист билан учрашди. Уни фашист ўлдирмагани ҳам тўғри, у ҳам фашистни ўлдирмади. Тўғри, у фашистга карта берди. Қанақа карта берганининг аҳамияти йўқ, аммо карта бергани аниқ. Махфий пакет қани? Пакет йўқ. Шунинг ўзи етарли. Махфий пакетни ола келмабди! Ҳаммаси равшан.

Танкчига ҳам бари равшан эди — аҳволи оғирлигини у яхши тушунарди. У ҳукми мардона туриб эшитди, фақат ўт очиш нуқталари билан мина даласини ўзгартирмасликни ўтиниб сўради. Ўзининг сўзларига ҳамон шубҳа билан қараётганларини билгандан сўнг, бу ҳақда шунчалар ялиниб илтимос қила бошладики, увол одамларгина ўзларини ўлдирмасликларини шундай туриб тиланадилар.

Танкчининг сўнгги илтимоси қондирилди, аммо буни ҳам унга ишонганлари учун қилганлари йўқ: ўт очиш нуқталарини ўзгартириш учун вақт қолмаган эди, холос.

Немислар артиллерия отишмасини бошлашди. Биринчи отилган снарядларданоқ махсус бўлим бошлиғи кўп нарсани англаб етди: немислар бизнинг ўт очиш нуқталаримизни бир чеккада қолдириб, биронта ҳам батарея турмаган жойларга снаряд ёғдирардилар. Артиллериядан сўнг танклар ҳужумга ўтди, танклар ҳам тўғри мина даласи томон ташландилар.

Шунда ҳалиги бошлиқ беғуноҳ одамни, қаҳрамонни ўлимга ҳукм қилганини тушунди. У айтган немис ҳам ҳеч қандай немис эмас, эҳтимол ўзига ўхшаган чекист бўлса ажабмас, гарнизонни қутқариш ва душманни алдаш учун танкчига йўл кўрсатган, шу билан ўз бурчини ўтаган.

Фашистлар гарнизон қароргоҳига ёриб кирганда, махсус бўлим бошлиғи пулемётдан қисқа-қисқа ўқ узиб турди. Кейин пистолетдан отди. Ўзини уқубатлардан халос қилиши мумкин бўлган охириги патрон билан ҳам аниқ мўлжаллаб туриб яна душманини ер тишлатди.

Бадани илма тешиқ бўлиб кетган, оёқда туролмай қолган бўлим бошлиғини контрразведкачи ҳузурига судраб келтирганларида, у ишқилиб, сўроқ пайтида ҳушимни йўқотмасам, қаҳрамон разведкачини хатардан қутқарсам бўлгани деб ўйларди.

Капитан Дитрих уни энг «қўлбола» қийноқ усулларини ишга солиб сўроқ қилди. Аввалига махсус бўлим бошлиғи жўрттага миқ этмай тураверди: шундай қилмаса, унинг сўзлари етарлича ишонарли чиқмаслиги мумкин эди. Хўп азоб бериб бўлишгандан кейингина гапини айтади. Чиндан ҳам уни узоқ қийнашди. У азоб хаддан ошганлигини, агар энди гапирмаса, шунча кўрган абгорликлари хайфга кетиб, ниятига етолмай қолишини сездди. Танкчи душманининг кўзини чалғитиш учун юборган эдим, командирга қалбакп ўт очиш нуқталари ва мина даласининг жойлашини тартиби чизилган картани берган эдим, у буни душманга қолдириши керак эди. Аммо танкчи сафдан чиқаришганда, командир ҳалок бўлди. Унинг карта солинган планшетини танкчилардан бири осиб олибди. Қандайдир бир довюрақ немис солдати танкка кириб, экипаж билан жанг қилибди, лекин ўзи ҳалок бўлибди. Соғ қолган ёлғиз бир танкчи планшетли ярадор ўртоғини опичлаб ўзимизники томонга судралибди. Аммо кучли ўтдан қўрқиб кетган танкчи ўртоғини ташлаб кетибди. У топшириқни билмагани, картанинг қалбакилигидан беҳабарли-

ги учун ҳам планшетни ола келиши шарт эди. Аммо шундай қилмаган ва шунинг учун ҳам отилган.

Бу сўроққа Дитрих Штейнглици ҳам таклиф қилди. Штейнглиц махсус бўлим бошлиғини ганиртириш учун Дитрихга ёрдам бериб турди. Кейин бир солдатни текшириб келгани юборишди, солдат чиндан ҳам кўрсатилган жойда отилган танкчининг жасади кўмилган экан, деб келди.

Шундан кейин иккала офицер ҳам асирнинг гапи тўғрилигига ишонч ҳосил қилишди.

Бу орада асир бир оз ўзига келди. Яна сўроқ бошланганда, у Дитрихга ташлашиб, унинг юзини карт тишлади. Сал олдинроқ у, силлиққина, хотинчалиш бу контрразведкачи ўзининг афти ангорини роса қадрласа керак, деб ўйлаб қўйганди. Шунда Дитрих жон-жаҳди билан ўзини ҳимоя қила туриб, пистолетини чиқарди-да, махсус бўлим бошлиғини отиб ташлади, унга эса худди ана шу керак эди. У иккала фашист офицерини диққат билан кузатиб, улардан бирининг нозик жойини тўғри фаҳмлаган эди.

Дитрих бунчалик қимматли асирни бекорга отиб қўйгани учун Штейнглиц у билан жанжаллашиб ўтирмади. Ҳозирда улар бир-бирларини суяшлари керак эди. Ахир ҳар иккови ҳам душманнинг тузоғига илиниб ўтирибди, бунинг учун баббаравар жавоб беришлари мумкин. Жанжаллашиб ўтирадиган пайт эмас. Тезроқ бу ишни бошдан соқит қилиш керак. Асирнинг ўлгани бундоқ қараганда, ёмон бўллади. Унинг гапларини эса ёзиб ўтиришнинг ҳожати йўқ. Келишиб ўтирмаёқ, улар бутунлай бошқа нарсани ёзишди. Карта немислар қўлига тушгач, рақиб ўт очиш нуқталарини ўзгартирган, мина даласини кўчирган. Асир шундай деган. Мана шу «сўроқ пайтида аниқланган гаплар»ни иккала абверчи ўз қўлларини қўйиб тасдиқлашди, бу эса, ўз навбатида зўраки дўст тутинишга мажбур қилиб қўйди.

Вайсга келганда, ҳаммаси ойнадай равшан эди: солдат кўрсатган шижоати учун медал билан тақдирланишга ва ефрейтор унвонини олишга сазовор. Қуршовдаги гарнизонни тугатишда раҳбарлик қилган умумқўшин командири билан бир битимга келиш мумкин, у билан тил топса бўлади.

Немис разведкасига қўлга туширилган радиохабарлардан Совет ставкаси ўз офицерлари ва генералларига қўл остидаги жойларни нима бўлмасин сақлаб туриш, ҳатто қуршовда қолинган тақдирда ҳам мудофаани бўшаштирмаслик ҳақида берган кўрсатмаси маълум эди. Мудофаа Халқ Комиссарлигининг совет қўшинларидан фақат актив ҳужум ҳаракатлари олиб бориш ҳақидаги талаби, аммо айна чоқда, «алоҳида кўрсатма бўлгунча қуруқликдаги қўшинлар чегарадан ўтмасинлар» деб буюргани акс этган 22 июнь директивасидан ҳам немис разведкаси воқиф эди. Фашист қўшинлари эса Совет мамлакатининг ерларига бос-тириб кириб, борган сари илгарилаб бормоқда эдилар.

Агарда армия генерали абверчилар — Штейнглиц ва Дитрих рақибнинг тузоғига илиниб қолишди, унинг ниятларини барбод этиш учун ҳаракат қилишмади деб маълумот берадиган бўлса, булар керакли жойга душман гарнизонини тугатиш генералнинг хизмати туфайли эмас, балки рақибнинг тажрибасизлиги натижасида тез ҳал бўлди, деб ёзиб юборишган ва генерални ғалаба шухратидан маҳрум этган бўлардилар. Мабодо, у душман ерларида яна шу тариқа, яъни биронта батарея, биронта пулемёт бўлмаган ерларга куч ташлаб, талафотлар бериб олға силжийдиган бўлса, у ҳолда генерал ҳарбий қисмларга эмас, гўрковлик қиладиган командага раҳбар бўлгани дуруст бўлиб чиқарди.

Штейнглиц ва Дитрихнинг «фойдали» ишини ҳаққоний баҳолаб, уларнинг далилларини тинглаб бўлгач, генерал ҳар иккала абверчини мукофотга тавсия этиш ақлга мувофиқроқ деган қарорга келди. Шунда Штейнглиц пайтдан фойдаланиб, ўз шоферининг жасоратини мақтаб кетди. Зотан, ушбу даргумон воқеалар ичида ёлғиз мана шу жасоратгина шубҳадан холи эди, бинобарин, шофернинг тақдирланиши Штейнглиц олган мукофотнинг инобатли эканлигини янада бўрттириброқ кўрсатган бўларди.

Фишер Вайсни медал билан мукофотлаш ва унга ефрейтор унвонини бериш тўғрисидаги буйруқни ўқиб бергандан сўнг, Барч Иоганн билан тотувроқ бўлиб қолди.

Фишер ўзига керакли маълумотларни йиғиш учун Барчни у койкадан бу койкага, бир палатадан иккинчисига кўчирар, шу аснода ярадорларнинг кайфиятидан воқиф бўлиб турар эди.

Лекин Барч узоқ тўшақда ётиб, мияси ғолаб кетган, ёзма маълумот тузишга қийналар эди. Абвер ефрейтори Вайснинг хати чиройлигини ва тили бурро эканлигини билгандан сўнг, уни ўзига ёрдамчи котиб қилиб олиш ниятига тушди.

Санитарлар кечаси Вайс билан Барчни касалхона замбилларига ётқизиб холи суҳбат учун ажратилган бўш палатага олиб киришарди. Барч замбилдан туриб, маза қилиб, керишар экан, Вайсга нима ҳақда ёзиш кераклигини гапириб берар ва ҳар сафар жумлалар чиройли ҳамда кучли бўлсин деб уқтирарди. У ҳатто Вайсга ётиб ёзиш қулай бўлсин учун алоҳида тахтача қилдириб берди. Шундай қилиб, Иоганн замбилда ётганича ўша тахтачага қоғоз қўйиб Барчнинг рапортларини ёзиб берадиган бўлди. Бора-бора уларнинг мавқелари алмашди. Вайс госпитал сиёсний администрациясининг самарали иш якунлари ҳақида дурустроқ ҳисобот ёзиш учун мен сиз айтганга қараганда кенгроқ ва кўпроқ нарсани биллшим зарур деб айтарди. Эҳтимол, бу нарсалар Фишернинг бошлиқларини қизиқтирмасди, бироқ улар Александр Беловга керак эди.

Иоганн ярадорлар билан суҳбатлашиб ётаркан, бундан ҳам қимматлироқ маълумотларга эга бўлди. Госпиталда хилма-хил қўшин турларида хизмат қилувчи солдатлар ётишарди. Иоганнинг палатадаги қўшинлари метеорология хизматининг солдатлари билан бомбардимончи самолётнинг бортмеханиги эди. Метеорологлар айтган гаплардан Иоганн немислар фақат авиациянинг эмас, балки мотомеханизациялашган қисмларнинг ҳаракатини ҳам об-ҳаво шароити билан боғлашларини биллб олди. Бирон жойнинг об-ҳаво шароитини зудлик билан маълум қилиш талаб этилганига қараб, қайси томондан ҳужумга ўтилмоқчи эканини аниқ билса бўларди. Немислар метеоролог-разведкачиларни бизнинг фронтимиз орқасига ва айниқса, зарба бериш кўзда тутилган срларга ташлашарди. Вайс солдатларни майна қилиб қизиштириб қўйгач, ана шуларни биллб олди. У метеорология хизматидагиларга қурол-яроғнинг нима кераги бор, дерди. Уларга автомат эмас, зонтик берган тузук. Уларнинг пистолетларини ҳам олиб қўйиб, ғилофини қолдириш керак, термометрларини солиб юришдаи, каскага ҳам ҳожат йўқ, унинг ўрнига сув ўлчагич челақларни қўндириб юришса ҳам бўлаверади. Менга қаранг, умуман, ўзи метеорология хизматининг нима ҳожати бор? Офицерлар билан генераллар уйдан чиқаётганда илаш олайми, йўқми деб қийналиб қолса, мушкулини осон қилиш учун керақдир-да?

Буларнинг бари ярадорларга оғир ботарди. Улар ўз касбларини ўлибтирилиб ҳимоя қилар, сиз вермахт ғалабаларида метеорология хизмати қанчалар муҳим ўрин тутушига ишонмай янглишяпсиз, деб Вайсга ҳаммасини илдан-илгнасигача тушунтириб берардилар. Улар Вайсга тушун-

тегиш учун қанча кўп ҳаракат қилсалар, у немис метеорология хизмати системаси ҳақида шунча батафсил маълумот оларди.

Вайс тинимсиз меҳрибончилик қилиб, гамхўрлик кўрсатиб, ҳол-аҳволидан огоҳ бўлиб, ён қўшнисн бортмеханикни ҳам ўзига ром қилиб олди. Бора-бора тунд ва қовоғи солиқ, камгап бу одам ёзрилиб сўзлашадиган бўлди. Вайс собир ва дилкаш суҳбатдош бўлиб бортмеханикдан жуда кўп нарсаларни билиб олди.

Бортмеханик учиб юрган «Ю-88» бомбардимончи самолёти операциядан қайтиб келаётганда ўз қўшинлари орқасида талафотга учрабди, чунки ёнилғи етмай қолган экан.

Бомбардимончиларнинг герман ҳарбий ҳаво кучлари томонидан тасдиқланган учуш масофаси ҳақидаги маълумотлари самолётларнинг асли имкониятларига қараганда бошқачароқ экан. Аммо маълумотларга аниқлик киритишга ҳеч кимнинг юраги бетламас экан, чунки авиациянинг шефи Геринг — империянинг иккинчи атоқли одами бўлиб ҳисобланаркан. Жанговар учушлар Геринг томонидан тасдиқланган маълумотномалар бўйича амалга оширилади, шунинг учун экипажлар кўрсатилганига қараганда оз бомба олиншга ёки уни мўлжалга етмасдан ташлаб юборишга мажбур бўлмоқдалар. Фақат энг тажрибакор экипажларгина ёнилғини ақлга сиғмас даражада тежаб, топшириқни кўрсатилган бомба миқдориде бажаришлари мумкин. Буни кўпчилик билади, энди самолётлар олис жойларни ҳам бомбардимон қила олишлари учун аэродромларни фронтга яқин ерларда жойлаштиришга қарор қилинди. Шўнғиб учувчи бомбардимончи самолётлар қуруқликдаги қўшинларнинг ҳаракати самарали чиқишини таъминлайди, бироқ шўнғувчи бомбардимончиларга штурман ва учувчилар тайёрлаш узоқ муддатни талаб қилади. Боз устига, катта майдонларни стратегик жиҳатдан бомбардимон қилишда ҳар бир бомбани нишонга тўғрилаб ташлашнинг ҳожати йўқ. Шунинг учун ҳозир генштаб оғир бомбардимончиларни кўплаб чиқаравериш керакми ёки даҳшатли кучга эга бўлган бомба ишлаб чиққан маъқулми, деб бош қотирмоқда. Афтидан, мингларча оддий бомбанинг ўрнини босувчи жаҳаннам бомбасини топшга кўпроқ майл билдираётган бўлсалар керак.

Вайс буларнинг барини бирданига эмас, балки узоқ суҳбатларда, бортмеханикни аста-аста қитиқлаб юриб билиб олди.

У бошда бортмеханикка: Сизнинг аҳволингизга тушунаман, чиндан ҳам зенит ўқларидан, совет қирувчиларидан омон-эсон ўтиб олган бомбардимончи келиб-келиб ўз еринг устида тўнтарилиб тушса, ғалати бўлар экан, деди. Шунда бортмеханик ўзини оқлаш учун самолёти нимчун аварияга учраганини яхшилаб тушунтириб берди.

Бомбардимончи самолётлар қўнадиган аэродромлар қаерларга жойлашганлигини Вайс қуйидагича билиб олди. Нима ҳам бўлиб, палатада гап фронт ичкарасида хизмат қилувчиларнинг шаронти ва унинг афзалликларга ҳақида кетди. Шунда Вайс баланд овоз билан бортмеханикка ҳаваси келаётганлигини айтди. Бомбардимончи ҳаво кучларида хизмат қилиш қандай яхши, ҳам беҳатар, ҳам фронтдан йироқ, ҳам шаҳарларга яқин жойда бўласан; қирувчилар бўлса бундай эмас, улар доим фронтга яқин жойлашишади. Шунда бортмеханик Вайснинг сўзларини талай далиллар билан асосли қилиб рад қилди.

Бошқа бир сафар Вайс қадимги даврлардан бошлаб то шу кунгача бўлган урушлар тарихини яхши билишини кўрсатиб, снаряд билан зирҳ ўртасидаги узоқ асрлардан бери давом этиб келган кураш ҳақида қизиқарли ҳикоя қилиб берди. Бортмеханик сендан қолишаманми дегандай, ўзининг авиацияга оид чуқур билимлари борлигини намоиш қилди. Вайрон қилиш воситалари ва ҳавода юк ташиш ўртасида туғилган

қонуний қарама-қаршилик тўғрисидаги фикрини ривожлантириб, у ҳозирги замон авиация стратегиясида мавжуд икки йўналиш ҳақида сўзлаб, ҳар икковининг ютуқ ва камчилкларини тушунтириб берди. Унинг ўзи даҳшатли кучга эга бўлган бомба яратишни келажаги бор иш деб биларкан. Агарда уни яратиб бўлмаса, жуда кўп оддий бомбалар ташувчи бомбардимончи самолётларнинг тарафдорлари ютиб чиқадилар.

Бир сўз билан айтганда, Вайс ишламоқда, пшлаганда ҳам, худди штурман самолётни маълум бир мўлжалга томон бошқаргандек, суҳбатдошини ўзига керакли гапларни айтишга йўллаб, самарали ишламоқда эди.

Аммо унинг хатти-ҳаракати шу билан чекланмасди. Вайс Барч учун хусниҳат билан ўткир ҳисоботлар ёзиб бераётган одам ким эканлигини Фишер билиб қўйсин, деб ҳаракат қилди, ҳамда кўп ўтмай ўз ниятига етди ва бошқача топшириқ олди. Энди у сарф қилинган дори-дармонлар ҳақида ҳисоботлар тузиш ва қўмондонлик томонидан белгиланган жанговар операцияларнинг миқёсига мувофиқ дала госпиталлари учун дорилар ва жароҳатларни боғлаш учун керакли нарсалар кўрсатилган талабномалар ёзишда Фишерга ёрдам бера бошлади.

Одамга мен бекор яшамаяпман, меҳнатим зое кетмаяпти, деб ҳис қилишдан кўра кўпроқ куч бағишлайдиган, руҳлантирадиган маънавий озиқ бўлмаса керак. Вайс бора-бора тузалиб бораётганлар қаторига ўтди, ҳатто бир оз ўрнидан ҳам тура бошлади, кейин бир-бир оёққа ҳам босди.

Иоганн госпиталда ётар экан, қўлига қизиқ-қизиқ маълумотларни киритди. Бунда у қийналгани, ўзини уринтиргани ҳам йўқ. У ўзини ишончли, мустаҳкам қалқон ҳимоясида тургандек ҳис қиларди. У разведканинг иш натижалари дарҳол рўёбга чиқавермайди, деган доно устозларнинг тез-тез эслаб турарди. Аммо разведкачи ўзи яшаб, ҳаракат қилиб, кураш олиб бораётган муҳитни ҳар қандай, ҳатто энг нозик томонларигача ўзники қилиб олиш, унга мое тушиш учун кишида қанчалар ноёб ирода, руҳий қувват, идрок бўлмоғи керак! Устозлар қанчалар доно бўлишмасин, шундай пайтлар келадикки, бунда уларнинг гапларига амал қилиш қийин бўлиб қолади, ўшанда разведкачи энг катта хавф билан жозма-жоз тўқнашади.

Бу хавф — сабрсизликдир.

Қўлда қимматли маълумотлар йиғилиб қолади, уларни иложи борича тезроқ ўзингикларга етказишинг керак. Уларни сақлаб ўтиришга бошқа тоқат қолмаган, ахир ғалаба учун шунчалар зарур, одамларга ҳозир, шу тобда шунчалар керак улар!

Мана шу юракни ўртоғчи сабрсизлик Иоганни ўз алавласида куйдира бошлади, қўлида муҳим маълумотлар қанча кўдайса, сабрсизлик юрагини шунча кўи кемирарди.

Шунда у яна Брунонинг бунчалар азиз, худди шамоллаган одамникидай овозини, унинг сўнги сўзларини, васиятини эшитгандай бўларди. «Нима бўлмасин — киришиб кетиш керак».

Киришиб кетиш... Яна тун кириб, яна уйқусиз, узундан-узоқ кеча бошланар, ана шунда Иоганн васвасага берилмаслик учун устозлари ўргатган нарсаларни қайта-қайта такрорлар эди.

Разведкачи аввало тадқиқотчи, у умумий билан хусусий ўртасидаги ўзаро алоқадорликни кўра билиши, айрим ҳодисаларни, улардан келиб чиқиши мумкин бўлган бутун оқибатлари билан бирга умумлаштира олиш керак. Ҳар қандай тасодифот зарурат билан боғлиқ, тасодиф заруратнинг зоҳир бўлиш формасидир. Шу сабабдан ҳам ҳодисаларнинг ўзаро муносабати ва алоқасини кўра билиш муҳимдир. Бўлакларсиз ҳам

бўлмайди. Умум — бирламчи нарсалардан, бирламчи нарсалар орқали мавжуддир. Аммо бирламчи нарсалар, бўлақлар ҳам ўз навбатида умумининг бир қисми, унинг ташкил этувчисидир, холос. Бошқаларни қойил қолдираман деб ҳалок бўлиш разведкачи учун жасорат деб саналмайди. Жасорат душман муҳитини ўзлаштириб, ўзипики қилиб олишдан иборат. Разведкачи — халқни хатардан огоҳ қилиб турувчи жонли бир нуқтадир, у халқ ҳушёрлигининг бир зарраси. У душманнинг яширин ёвуз шиятларидан хабардор бўлиши, Ватанни огоҳлантириши, хиёнаткорона зарбаларни даф қилиши керак. Марказ — коллектив текшириш органи — у разведкачилардан олинган айрим маълумотларни йиғиб, таҳлил қилиб чиқади ва энг катта хавфнинг ўчоғини аниқлайди, уни ўчириш йўлларини белгилаб ўтади.

Ҳазина қидириш усули разведкачига тўғри келмайди. Бинобарин, тасодифан қўлга туширилган нарса туфайли кўпинча ҳалокатга учрайди. Разведкачи ҳалок бўлса, бу ёлғиз бир одам ўлди демас эмас, балки жуда кўп, ҳимоясиз, бегуноҳ одамлар ҳаёти хавф остида қолди деган сўздир.

Ёлғиз бир разведкачи сафдан чиқдим, тамом, у ишлаб турган жойда нималар бўлаётгани Марказга қоронғи бўлиб қолади, демас, шу жойда туғилган хавфнинг олдини олиш имкони бой берилади. Иоганнинг ҳаёти кўпнинг ихтиёрида, у шунга қараб иш тутиши керак. Балки у муҳим деб ўйлаган нарсаси умум миқёсга солиштириб кўрилганда ҳал қилувчи аҳамиятга эга бўлмаган хусусий бир ҳодисадан нарига ўтмас.

Уйқусизликдан қийналиб ётар экан, Иоганн ана шуларни ўйлар, аммо кўнгли таскин топмасди. Сабрсизлик қалбини ўртарди. Бу ерда у фрау Дитмарга юборган икки откриткасига жавоб олди. Унинг Вайсга ачиниб ёзган хатида биров уни сўрадим, йўқми, ҳеч нарса дейилмаган эди.

Наҳот, Бруно ҳалок бўлгандан сўнг алоқа узилиб қолган бўлса?

Қўлга киритилган маълумотлар разведкачини шунчалар қийнаб юборади деб Иоганн ҳеч қачон хаёлига келтирмаганди. Уларни мана бундай нафис сақлаб ўтириш қанчалар мушкул. Бу маълумотларни етказиш йўлини шошмасдан, секин, эҳтиёткорлик билан излаш учун қанчалар чидамли бўлиш керак. Уни топиш гоҳо қимматли маълумотларни қўлга киритишга қараганда машаққатлироқ бўлади.

Иоганн ўзини душман истеҳкоми тагига боплаб мина қўйган, аммо охири дақиқаларда шнур қаердадир узилиб қолганини кўрган, энди минанинг шундоқ ёнгинасида туриб шнурни ёқишдан, бинобарин, ҳалок бўлишдан бошқа иложи қолмаган қўпоровчидай ҳис ётарди. Аммо Иоганнинг ҳалок бўлишга ҳаққи йўқ эди.

21

Бир куни Иоганн ётган палатада Алоис Хаген деган бир ефрейтор пайдо бўлиб қолди.

Айтишларига қараганда, у фронтда эмас, Варшавада яраланибди. Эсэсчилар билан бирга шаҳардаги партизанларни таъқиб қилиб юрган экан. Қизиллардан биттаси яшириниб олишга улгурибди. Хаген унга етиб олай деганда, оёғидан ўқ ебди. Иоганн ефрейторни госпиталга олиб келган эсэсчилар Хаген партизанларни таъқиб этаётганимизда кўп мардлик кўрсатди, деб мақтаганларини эшитди.

Бу Хаген деганлари орий ирқи норд типининг ёрқин мужассами эди. Девқомат, юзи чўзинчоқ, кўзлари шаффоф, совуқ. У бошқалар билан

ҳаддан ташқари сурбетлик билан муомала қиларди. Ўзини худди нар-гис гулидек яхши кўрадиган Хаген қўлидан ойнани қўймай башарасига тикилгани тикилган эди. У инжиқлик билан ўзини алоҳида эътибор бе-риб даволашларини талаб қилди, дурустроқ овқат оладиган бўлди, у па-латага доим тоза ҳаво кириб турсин деб фортчкани ёптирмасди.

Хагеннинг койкаси олдидан тез-тез хотинларнинг кулгиси эшитилиб туради. У ҳамширалар, касал олдида ўтирувчилар, лаборантлар билан шакаргуфторлик қилар, ёшидан қатъий назар ҳамма хотинларни сильфидлар¹ деб атарди. Буни «хотинларга пруссча хушомад» деб ҳи-собларди.

Хаген анкетани эътиборсизлик билан тўлдирганидан биографияси-нинг айрим томонлари ноаниқ бўлиб қолган экан, Фишер куйдирган калладек тиржайиб, шуларни аниқлаш учун уни сўроқ қила бошлаган эди, Хаген жавоб бермасдан Фишерга еб юборгудай бўлиб тикилди-да, уни диққат билан кўздан кечира бошлади. Кейин индамай-нетмай кўр-саткич бармоғи билан ўрта бармоғини паргор қилди-да, Фишернинг бурни, қулоғи, пешанаси, энгагини ўлчаб кўра бошлади.

Фишер ҳайратга тушиб:

— Иссиғингиз борми?— деб сўради.

Хаген нафратомуз деди:

— Томирингдаги қон эмас, коктейль экан.— Сўнг кўзини қисиб ту-риб, қизиқсинди:— Бунақанги қулоқ ва бурун билан ирқий бўлимга қандай чап бердинг экан, а?— Кейин юпатгандай бўлиб Фишернинг тиз-засига шапатилаб қўйди:— Майли, қандингни ур.— Худди ҳузурида ўзи-га тобе одам тургандай, буюрди:— Доим олдимда атир турсин, ахлат ҳидига тоқат қилолмайман.— Шундай деб у деворга ўгирилиб олди.

Фишер Хагеннинг койкаси ёнидан оёқ учига юриб нари кетди.

Калтабақай, қисқа қўл, қорни солинган, худди гардани йўқдай ясси боши гўштдор елкасига ёпишган, бир тутам қора сочи фюрерникига ўх-шатиб, бақрайган, тамаки ранг кўзлари томон туширилган Фишер ҳатто энг ранятли, кўнгилчан одамлардан тузилган ирқий комиссиядан ҳам муваффақиятли ўтолмаслигини биларди. Аслини олганда, Фишерлар оиласининг маълум бешиничи наслигача ҳаммалари асл немислардан эдилар. Орий ирқининг асосий биологик белгиларидан маҳрум қилиб, табиат бунча ҳам уни шўр пешана қилмаса? Бўй дегандан бермади, на сочлари малла ранг ва на кўзлари мовий, бурнининг, қулоқларининг, калласининг тузилиши ҳақида-ю, гапириб ўтирмаса ҳам бўлади. Тўғри, агар овқатни камроқ еганда, озиши мумкин эди. Қим билсин, балки ўшанда фюрерга ўхшашиброқ кетган бўлармиди. Ҳа, нақ фюрернинг ўзига. Хаген ростдан ҳам ирқий комиссияга чақиб қўйса-я, унда нима қилади? Мундоқ афтига қарашади-ю: «Фишер орий эмас»— деб айтиша-ди. Ана унда исботлаб кўр-чи. Исботлашга-ку исботлайсан-а, аммо нима бўлганда ҳам, бу доғ бўлиб қолади. Нима деманг, бир сафар шубҳа ос-тига олинган-да!

Шундай қилиб, Фишер Хагеннинг мушугини пишт демасликка, унинг ғашига тегмасликка, қаттиқ-қуруқ гапларни сиртига юқтирмасликка қа-рор қилди. Ахир фюрер ҳам бир маҳаллар ефрейтор бўлган эди. Хаген эса — орий тимсоли. У хоҳлаган одамни ирқий заифликда айблаши мумкин. Бу эса Рейхга хиёнат қилишда айбланишдек хатарли нарса. Ле-кин биологик факторларни ҳисобга олмаганда, Фишер ўзини ростмана орийдек ҳис қилади, орий руҳи унда қулф уриб туради. Бу нарса, айниқ-са, Фишер ярадорлар билан муомала қилганда қаттиқ сезиларди. Агар

¹ Сильфидлар — ўрта асрдаги Кельт-герман мифологиясида ҳаво парилари шундай деб аталган. (ред.)

солдат саполларига тик туриб жавоб беролмаса, Фишер уни ўтқизиб қўйиб жавоб беришга мажбур қиларди.

Хаген кўп маҳал ўзининг «прусс мақтовлари»ни олтин ранг сочларини саватдай қилиб магрур кўтариб юрадиган обер-ҳамшира фрейлейн Эльфридага айтарди. Снрилиб турган халатдап обер-ҳамширанинг кўзга яқин жойлари шунчалар бўртиб турардики, унга қараганда баъзи солдатларнинг бурни оқариб кетарди.

Хаген баланд овоз билан фрейлейн Эльфридага: Мен фюрернинг иродаси билан ўз бурчимни ўташга ҳозирман, снзининг кўмагипгизда чингакам орийлар сонини ошириш иштиёқи билан ёнаман, деб айтди. Сўнг кўзини қисиб туриб, унга бошдан-оёқ разм солиб чиқди-да, қатъий оҳангда деди:

— Ҳа, иковлон фатерланд учун тер тўксак арзийди, чоғи.— Кейин буюрди:— Мен оёққа турганимда бу ҳақда эслатиб қўясиз.

У Эльфридани гаҳ деса қўлига қўнадиган қилиб олган эдики, қиз ўрнашиб қолган тартибга хилоф равишда, унинг талабига бўйсуниб палатага мундири билан барча анжомларини келтириб берди.

Хаген кителини стул суюнчиғига осиб қўйди. Этигини койка остига жойлади, шимини тўшак тагига саранжомлади, парабеллумини эса бифарқ кўздан кечириб, ёстиқ тагига тиқиб қўйди. Ичак яллиғланиш касалига мубтало бўлиб ёнидаги койкада ётган қўшниси — Хагенга сиз бутунлай китоб ўқимас экансиз, деб бир неча марта дашном берган ташвиқот ротасининг ходимига шама қилиб, Эльфридага қизим сенга айтаман, келиним сен эшит, дегандай гап қилди:

— «Интеллект» сўзини эшитишим биланоқ,— Хаген адабиёт ишлари бўйича фашист палатасининг бошлиғи Ганс Йостнинг гапини айтмоқда эди,— қўлим пистолет тепкисига югуради.— У шишадек совуқ кўзларини фашист ташвиқотчисининг суяк бўлиб қолган юзига тикиб, тагига парабеллум қўйилган ёстиқни уриб қўйди.

Келишган, безбет бу прусс Йоганнинг нафратини қўзғарди. Шу боисдан Вайс ўрнидан туриб узоқ юриш оғирлик қилишига қарамай, палатада камроқ бўлишга ҳаракат қиларди. У коридорга чиқиб кетганича соатлаб шу ерда қолиб кетар, фақат Хагеннинг жирканч, чиройли юзларини кўрмаса, унинг овозини, кўпириб мақтанчоқлик қилишларини эшитмаса бўлгани эди.

Афтидан, Йоганн ҳам Хагенга ёқинқирамай қолганди. Бир куни қандайдир генерал одамлари билан госпитални келиб кўрган эди, унга Хагенни таништиришди. Шунда генерал наслдор отнитомоша қилгандай Хагенга қараб тўймади. Хагеннинг ўзи ҳам наслдор отга ўхшаб бўйбастини кўз-кўз қилди, зотан, унинг син-сумбати орий экстерьерига мос, ҳамма аъзолари ирқий жадвалга тўла жавоб берарди. Шунда Хаген генералга ефрейтор Вайс ҳам бир оз майдароқ бўлишига қарамай, орийнинг аъло нусхаси бўла олади, деди. Шундан сўнг Вайс ҳам генералнинг назар-эътиборига сазовор бўлди, генерал унга илтифот билан бош силкиб қўйди.

Йоганн Хаген ўзини зимдан кўзатаётганини сезиб қолди. Суҳбатлар пайтида у Вайснинг сўзлари маънисини ўйлабгина қолмай, уларнинг қандай талаффуз қилинаётганига ҳам диққат билан қулоқ солаётганга ўхшарди.

Вайс ҳам ўз навбатида Хагенга синчковлик билан зингил солади. Пруссакнинг юзи шамдек ҳаракатсиз, мармар янглиғ совуқ эди, аммо қорачиқлари... Вайс Хагеннинг кўзларига разм соларкан, палатада ёруғлик бирдай турганига қарамасдан, унинг қорачиқлари дам кенгайиб,

¹ Экстерьер — бу ерда наслдор отнинг ташқи тузилиши маъносида.

дам тораяётганлигини сезди. Демак, Вайс билан вақир-вуқур гаплашиб ётиши уни нимагадир ҳаяжонлантирар экан-да. Нимага?

Вайс ўзни ниҳоятда эҳтиёткорлик билан тутарди. Кўп ўтмай Хаген ҳам у билан сергак муомала қилаётганини сезди. Хаген анча тузалиб қолган бўлиб, палата ичида ва коридорларда у ёқдан бу ёққа юриб турарди. Обер-ҳамшира Аполлон қоматли бу чиройли йигитни бу ерда узоқроқ ушлаб туришнинг чорасини кўрган шекилли, уни ҳозирча госпиталдан озод қилишмаётган эди. Гоҳо Хаген ўзининг жингалак, қўнғир сочларини тараб қўйгани унга лутфан ижозат этарди. У ўз ваъдасининг устидан чиққан бўлса керак: Эльфрида шу кунларда бахтидан эс-ҳушини йўқотиб, бу доғуланинг шивирлаб берган ҳамма буйруқларини чўрилардек итоат билан адо этарди.

Иоганн оёққа босганига анча бўлган, ammo жуда ҳам дармонсиз эди, у тезроқ қувватга кириш учун эрталаблари ҳамма ухлаб ётганда, беки-тиқча жисмоний машқ қила бошлади. У ана шунда қўлга тушди.

Бир куни ғира-шира тонготар чоғи койкасида ётиб олиб, тиришқоқлик билан гимнастика машқлари қилаётган эди, тўсндан ўзига қандайдир балонинг кўзлари тикилганини сезгандай бўлди. Иоганн қотиб қолди ва шу заҳоти Хагеннинг тикилиб турганини кўрди: у ҳам тирсагига суянганча уйғоқ ётар ва диққат билан Иоганни кузатарди. Хаген нафратланиб эмас, хўмрайиб, йўқ, тўғрироғи, дўстона тикилиб турарди.

Иоганн алланечук саросимага тушиб, девор томонга ўғрилиб олди-да, кўзларини юмди...

Хаген куни билан Иоганнга эътибор бермади. Кечқурун эса очиқ форточка олдида туриб чекар экан, кутилмаганда унга аллақандай маънодор оҳангда деди:

— Вайс, ол, офицер сигаретидан чек. Мен сенинг унвонингни оширмақчиман.— Шундай дея у Иоганнга сигарета тутди.

Иоганн унинг олдига бориб, пачкадан сигарета олиш учун энгашди, бироқ Хаген сигарета ушлаган қўлини дафъатан кўтариб, елкасига босди. Вайс ҳеч нарса англамай Хагенга тикилиб қолди, бунга жавобан Хаген русчалаб дона-дона қилиб шивирлади:

— Зарядка унақа эмас. Немисларнинг гимнастика машқлари системаси балки бошқачадир...— Сўнг Вайснинг елкасига қоқиб қўйди-да, баланд овоз билан сўради:— Қалай? Москвада славян қизлари билан қачон отамлашамиз?...— Хахолади:— Айтишларича, улар дарахт пўстлогидан чипта кавуш тўқиб кияр эканлар. Оёқлари гумбази даврон деса-санг-чи?!

Палаткага обер-ҳамшира кирди. Хаген қизга томон юриб, унга бепарволик билан соқоли қиртишлаб олинган юзини тутди. Эльфрида аста унинг юзидан ўпди-да, сутдек ошпоқ, тўлин ойдай юзлари гул-гул ёниб кетди.

Шундан кейин Хаген Вайс билан гаплашишгина эмас, унга қарашдан ҳам ўзини олиб қочадиган бўлди.

Бу Хаген дегани кимикни ўзи? Вайснинг қўлга тушириб, гестапога тутиб бермоқчи бўлган иввогарми? Демак, Хаген ё тажрибали жосус, ёки...

Иоганн қанча бош қотирмасин, Хагенни қанча кузатмасин, бир қарорга келолмас, шундан кунлари таҳлика, ташвиш ичида ўтарди.

Хаген кечга томон чиқиб кетар, палатага тонг қоронғисига қайтар, кейин пешингача ухлар эди. Шундай пайтларда Эльфрида бутун уятини йиғиштириб қўйиб, биронта одам шовқин солиб ефрейтор Хагеннинг уйқусини бузмасин, деб талаб қиларди.

Шу аснода бир ҳафта ўтди. Кутилмаганда Хаген Иоганнга Эльфрида копыак топибди, икковимизни меҳмонга таклиф қиляпти, деб қолди.

У кечкурун тақиллатиб ўтирмасдан Эльфриданинг эшигини очди, обер-ҳамшира уларни дастурхон тузаб, муштоқликда кутиб ўтирган экан. Ўтиришди. Эльфрида ўз хўжасига камол илхос қўйиб, таъзимгир боқар. Хўжаси эса бу ерда солдатларни майдонда машқ қилдираётган ефрейтордай буйруқ бериб ўтирарди. Бироқ озгина ичиб олгач, Хаген юмшади ва қўлини Эльфриданинг тиззасига қўйиб, унга хумор бир илтифот билан ўз панжаларини ўйнаб ўтиришга ижозат этди. Ўзи эса хотираларга берилди, мактабда ўқиган йилларини таъсирланиб эслади. У Клаус деган ўқитувчиси ҳақида гапириб, унинг қилиқлари, гаплари, насихат қилишлари устидан қулди, ўқитувчиси севиб айтадиган ҳикматли сўзларни такрорлади. Ҳикоя қиларкан, у хахолаб кулар, аммо худди бир нарсага кутгандек Иоганнга жиддият билан боқар, гўё унга фаҳмладингми, дейётгандек бўларди.

Шунда бирдан Иоганн тушуниб қолди. Хаген аллақандай Клаус ҳақида эмас, бўлим бошлиғи Баришев ҳақида сўзлаётган эди. Худди ўзи! Ахир бу унинг қилиқлари, гаплари-ку. У камроқ чекиш учун ҳар доим сигаретани иккига бўларди. Қачонлардир у ўпкасидан ўқ еганди. «Фақат автомат ручкаларгина узоққа кетади, аммо хайфсан олганингни тасдиқлаб қўл қўяётганингда, улар ҳам ёзмай қўяди», деган ҳикматли сўз унга тегишли. У: «Бурч дегани—сен қарз олган, аммо қайтаришинг керак бўлган миқдордир, шу билан бирга у погон таққан қуруқ савлат бўлиш учун эмас, одам бўлиш учун нималар қилишинг кераклигини белгилайди»,—деб кўп таркорларди. У: «Экканингни ўрасан. Ола эккан оз олар...»,—деган мақолни севиб айтарди.

Иоганн ҳаяжонланиб, ўзида йўқ хурсанд бўлиб кетди ва ҳатто Хагеннинг гапини оғзидан олиб:

— «Роса эккан, соз олар»,—деб хулоса қилди.

Аммо Хагенга Иоганнинг қуюшқондан ташқари топқирлиги ёқмади. У хўмрайиб қўйди-да:

— Кел, ичайлик,—деди ва Эльфридага таъна қилди:—Биронтасини таклиф ҳам қилмабсан, фольксдойч бўлса ҳам майлиди. Ефрейторнинг ўтиришига қара, сенга қараган сари суст кетяпти.

— Эльфрида дик этиб ўрнидан турди. Хаген уни тўхтатди.

— Майли энди, келаси гал...

Бир оз вақтдан сўнг, Иоганн ўзини ортиқча сезиб, ўрнидан турди. Хаген:

— Кутиб тур, палатага бирга қайтамиз,—деди.

Кейин икковлон госпитал ҳовлисини айланишди: Хаген қолган коньякни берган соқчи солдат уларга ҳовлида сайр этишга рухсат этди.

Алексей Зубов руҳан соғлом, табиатан ўктам, бўз йиғитлардан эди.

У яшашни бахт деб билар, синчилигидан қизиқмаган нарсаси, қилиб кўрмаган ҳунари йўқ деса бўларди.

Биронта қурилишга сафарбарлик эълон қилингани ҳамоноқ, у биринчи бўлиб боришга иштиёқ билдирар, энг қийин жойларни танларди, у янгидан-янги, ўзи бўлмаган ерларни кўриш иштиёқи билан ёнар, оғир шаронтларда тобланишни, матонатли бўлишни орзу қиларди.

Аммо қурилиш интиҳосига етиб, қаҳрамонона руҳини йўқотгач, қийинчиликлар, машаққатли кунлар орқада қолгач, у ўзини қўярга жой тополмай қолар, сиқилар, зерикар ва мардона тер тўкиш, ўзини аямай жасорат кўрсатиш мумкин бўлган бошқа бир янги қурилишга жўнгарди.

Дилкаш, чиқишиб кетадиган, табиатан самимий, оқ кўнгил, қийинчиликлардан қўрқмайдиган, дўст учун жонини ҳам аямайдиган, ўзини эмас ўзганинг раванқини ўйлайдиган, инсон деганни бошига кўтаришга тайёр бу йиғит одамларнинг ҳурматини тез қозонарди.

У ростгуй эди, хақ гапни айтиш учун отасини ҳам аямасди. У ғирт ёлгон гап, ноҳақлик билан тўқнашган кезларидоғина ўзини тергаб ололмай қолар, бундай чоғларда унинг қаҳри жўшга келар, газаби қайнаб кетарди.

У ҳаёти бурчни ўташининг ёрқин намунаси бўлган кншилардоғина берилиб, ихлос кўярди.

Шу билан бирга у кишиларнинг ожиз томонларини тушуниб, шунга яраша муомала қилар, уларнинг кулгили томонларини кўра оларди.

Ўзининг кўп тенгқурлари қатори у мана бу гўзал, сернеъмат ҳаётни ўз инқилобий жасоратлари билан бунёдга келтирган оталар олдида қарздормиз деб ўйларди.

Зубов икки йилча трактор заводида ишлади, бу заводнинг цехларидан бирида танк чиқарар эдилар. Бунда у сиёсий муҳожир бўлган бир немисга шогирд бўлиб ишлади. Зубов мактабда немис тилини ўқиганди. Бригадир устози бу тилни мукамал билиб олишига ёрдам берди. У ўзининг қобилиятли шогирдига берилча талаффузнинг энг нозик жиҳатларигача ўргатишга муваффақ бўлди. Кейин унинг соф немис тилида сўзлаётганини эшитиб ўзи ҳам завқланадиган бўлди.

Германия, техникаси юксак тараққий этган мамлакатлардан бирини, шундай экан, у ерда қудратли ишчилар синфи мавжуд, ишчилар синфи қудратли бўлгач, демак, Германия революция бўсағасида турибди, шу боисдан, социализм учун курашувчи биродарларнинг тилини иложи борича тез ўрганиб олиш керак. Зубов ўзининг немис тилини ўрганишига бўлган иштиёқини шу билан изоҳларди. Зубовнинг бу интилишини унинг бригадири ҳар томонлама қўллаб-қувватлар, Германияда яқин купларда революцион портлаш рўй беради, деб айтарди. Шундай воқеа албатта содир бўлишига жуда кўп одамлар ишонишар эди. Ўша йиллари совет ёшлари ичида юнгштурмовка кийиш мода бўлганлиги, Эрнст Бушнинг кўшиқлари тилларга тушганлиги, қўлни юқорига мушт кўтариб. «Рот фронт!» деб саломлашишга ўрганилгани ва Тельман ғалаба қозонишига қаттиқ ишонч билан қаралгани шундан эди.

Зубовнинг отаси граждандар руши йилларида ўн тўққиз ёшида полкка қўмондонлик қилган бўлиб, ҳозирда касалхона хўжалигини бошқарарди, ўша йиллари ўша ёшда губерня ижроня комитетининг раиси бўлиб турган онаси эса, касалхонада фельдшер бўлиб ишларди. Улар Алексейни ўқимай, ғўр бола бўлиб чиқди-да, деб юрардилар.

Қизил Армияга чақирилган Зубов чегарачилар мактабига курсант бўлиб кирди. Кейин лейтенант унвонини олгач, Латвиядан қайтиб кетаётган немис кўчманчиларни тушган эшелон ўтиши лозим бўлган ўша чегара пунктида хизмат қилди. Охирги эшелонда Иоганн Вайс ҳам бор эди.

Чегара пунктининг бошлиғи ва шу ерда ҳозир бўлган Бруно Зубовга бу «бошқача немис» деб имо қилишди, ўша пайтдаёқ Зубов шундоқ бир қараб унинг юзини эслаб қолганди. Госпиталда у Вайсни дарҳол таниди, аммо анчагача билдирмай юрди, бу билан ўзини тута олишини, ниҳоятда собир йигит эканлигини кўрсатди.

Гитлерчилар мамлакатимизга ҳужум қиладиган куни тонг қоронғисидан Зубов пистирмада эди. Алексей охирги патронигача жанг қилди. У немис қўл гранатасидан контузия бўлиб, кейин ҳушига келганида чегара душман томонидан эгаллаб олинган эди.

Тун бўлишига қарамай, осмон ёнғинларнинг шуъласидан қирмизи тусга кирган, гўё аланга ичида тўлғанаётганга ўхшарди. Аччиқ куйинди иси келар, жизгин бўлган портловчи модданинги ҳиди анқирди. Душманнинг моторлашган қисмлари катта йўллардан, дала сўқмоқларидан гувиллаб, ҳамма ёқни темир суронига тўлдириб кетиб борарди.

Боши гувиллаб, гарангсиган, чала беҳуш ҳолда **Зубов** кичкинагина ўрмончага судралиб борди. У ерда яна бир қанча ярадор чегарачилар ва санинструктор қиз бор экан. Санинструктор саҳар пайти катта йўлдан янгигина мундирлар кийган бизнинг пиёда жангчиларимиз ўтирган иккита полуторка ўтиб кетаётганини кўриб қолди.

Санинструктор йўлга чопиб чиқиб, машиналарни тўхтатади. Аммо булар бизнинг жангчиларимиз эмасди. Бу армиямизнинг орқасида кўпурувчилик қилишга мўлжалланган бранденбург полкининг бир бўлинмаси экан.

Бўлинма бошлиғи санинструкторга назокат билан жилмайиб, ўзи билан бир неча солдатни олди-да, ярадорлар ётган ўрмонга борди, улар билан шошилмасдан, рус тилини бурро-бурро қилиб гапираётганидан лаззатланиб суҳбатлашди. Кейин ярадорларни отиб ташлашга буюрди, санинструкторга одамгарчилик нуқтаи назаридан, уларни азоб-уқубатлардан қутқариш учун шундай қилияпман деди.

Тўсиндан контузия туфайли ҳушидан кетган **Зубов** бошқа ярадорлардан четроқда ётган эди. У ана шу туфайлигига жон сақлаб қолди.

Бранденбург полки бўлинмасининг командири ўз солдатларига санинструктор қизни зўрлатиб ўтирмади, эгнимни ифлос қилмай деб ўзини бир қадам орқага олди-да, пухталиқ билан қизнинг энсасидан отди.

Чала беҳуш, вақтинча қулоғи битиб қолган **Зубовга** булар овозсиз кинода бўлиб ўтаётгандек кўрипти. Мана шу унсизлик кўз ўнгида содир бўлган одми қотилликнинг даҳшатини янада бўрттириброқ кўрсатарди.

Жаллодлар ўз ишларини йўл-йўлакай, бамайлихотир, деярли қаҳрланмасдан бажарганлари, чунки бу бошқа бир қотилликка шошилиб турган одамларнинг навбатдан ташқари мажбуриятлари қаторига кирган эди, буларнинг бари **Зубовнинг** табиатан рахна емаган, покиза қалбига игнадай сирқираб санчилди, уни қасосга йўллади.

Зубов бир неча кунгача ўрмонда ётиб юрди. Кейин у велосипедни йўл чеккасига қўйиб, ҳожат истаб буталар ичига кирган, немис полициячисини ўлдиришга журъат этди.

Зубов унинг мундирини кийди, ҳужжатлари билан танишиб чиқди ва велосипедга ўтириб шарққа эмас, гарбга қараб йўл олди.

Буларнинг бари **Зубовга** хавф-хатарга тўлиқ ҳолда ёлғиз ўзи жанг қилиш ҳуқуқини берарди. У ўзининг сурбетроқ бўлса ҳам, одамшавандалиги ва унча-мунча нарсани писанд қилмаслиги туфайли фронт-ёқасида бемалол ҳаракат қиларди.

Зубов аввалларни разм солиб юрди, учраган немисни қани, бу жиноятта шериклигидан қайғуриб, пушаймон қилармикини, йўқми, деб шилқимлик билан ганга солди, уларда пушаймон ҳиссидан асар ҳам йўқлигини билгач, эҳтиёткорлик билан ўйлаб, шошмасдан, бафуржа ва аёвсиз ўч ола бошлади. Унинг кўп суҳбатдошлари шу тариқа қутилмаган ўлимдан ҳайратга тушиб, нариги дунёга равона бўлдилар.

Зубов йўлда ўлдирилган: йўл хизматчиси, контроль-назорат пунктида турувчи регулировкачи немислардан ечиб олинган қўл боғичлардан усталтик билан фойдаланарди.

Агар энгил машинада бир неча йўловчи бўлса, у ҳурмат билан честь бериб, уларнинг ҳужжатларини текшириш билан чекланарди. Бошқа ҳамма ҳолларда лабидан табассум ўчмай туриб, автомат тепкисини босарди...

Бир куни у ёниб турган самолётдан ўзини парашютда ташлаган совет учувчисига дуч келди.

Учувчини мактабда немис тилини ёмон ўқигани учун койиб, уни юқори унвондагилар муомала қилганда зарур бўлган жумлаларни ўрга-

нишга мажбур қилди ва унга немис солдати мундирни кийдирди. Шундай қилиб Алексей энди ёрдамчига эга бўлди.

Улар икковлашиб, қўлбола бомбаси портламай қолгач, қўлга тушган поляк ўқитувчисини соқчилар қўлидан қутқаришди.

Шундан сўнг улар ўқитувчининг қарипдошлари яшайдиган Белостокка йўл олишди, йўл-йўлакай ёнларига совет темирйўлчисини қўшиб олишди. У гитлерчилар ҳужуми арафасида Германияга савдо битими бўйича юк олиб келган экан.

Шахсий составни сақлаш ва составнинг маданий қолақлиги муносабати билан — Зубов ўз шерикларининг немис тилини билмасликларини ҳазил йўсинида шундай деб атарди — биринчи кунлари Белостокда айрим операциялар ва разведка ишларини ёлғиз ўзи олиб борди.

Уста бильярдчи бўлган Зубов (заствадаги клубда бильярд бор эди) Белосток казиносига канда қилмай бориб турдигина эмас, энг зўр бильярдчи деб ном ҳам қозонди. У офицерлар билан ўйнар экан, уларга баъзан ютқизиш ҳам берар, кўнгилларига қарар, бу унинг тарбия кўрганлигидан далолат берарди.

Бир куни ташвиқот ротасининг офицери барон фон Ганденштейн уни ўйинга таклиф этди.

Зубов ҳар сафар биринчи қўлни ютқизиш, иккинчисини ютар экан, рақиби шунчалар жазавага тушдики, охириги партияга жуда катта пул тикди.

Зубов охириги соққани чиройли зарб билан лузага тушириб, ютуқни қачон тўлайдилар, деб сўради.

Барон паст даражали полиция офицерини оёқ-қўлини ерга тегизмай фронтга жўнатиш имкониятига эга эди. Аммо ютқизиқ! Бу номус бурчи. Нозик нарса. Офицерлар тоифаси ичида ютқизиқни тўламаслик шапалоқни жавобсиз қолдиришдек ор ҳисобланарди.

Зубов баронга ютуғим ўрнига мени ташвиқот ротасининг обморларига бошлиқ қилиб тайинлаб қўя қолинг, деди. Бу вазифани штат бўйича уруш инвалиди бўлмиш офицергина эгаллашга ҳақли эди.

Барон Зубовни ишга олиш ҳақида буйруқ берди, унинг шахсий делоси йўқлигига эътибор ҳам бермади, чунки Зубов унга, менинг ҳарбий полиция бўйича кичкина гуноҳим бор, фронт ёқасида яшовчи аҳолига тегишли айрим қимматбаҳо нарсаларни ўзлаштириб олгандим, ташвиқот ротасида эса янги, покиза ҳаётимни бошламоқчиман, деб ишонтирганди.

Иккинчи турнирда Зубов баронга жуда усталик билан ютқизди ва уни Белосток гарнизонининг чемпиони деган унвон билан бахтиёр қилди, шундан сўнг барон унга дўстлик изҳор қилди. Шунга қарамасдан Зубов ҳар қалай беоқибат йигит чиқди. Барон концлагерь комендант қилиб тайинланган эди, Зубов сизни хизмат жойингизга кузатиб қўяман, деди. Барон шу кетганича янги хизмат жойига етиб боролмай, бедарак кетди...

Зубов немислар ўртасида ҳам ўзининг дилкашлигини, хушчақчақлигини, ҳаётнинг энг фожиали дамларида ҳам руҳий бардамлигини йўқотмади. Унинг ҳазф-хатарларга чап бериб, тап тортмай ҳаракат қилишининг сирини мана шунда эди.

У ўзи қилаётган ишнинг ҳаққонийлигига, зарур иш эканлигига қаттиқ ишонарди. Шу сабабдан ҳам, ўз қилмишларидан кейин қийнаиб юрмас, виждонан эзилмасди.

Айтайлик, оқшом казинода гестэпо ходими билан ўтираркан, Зубов иштаҳа билан овқатланар, унга ичашган виноларининг таъми ёқар, ундан сархуш бўлар, шунинг лаззатига тушунар эди.

У помешчикнинг ўгли бўлган офицернинг бадавлат амлок ҳаёти ҳақидаги ҳикояларини жон қулоғи билан тинглаб ўтирар ва буларни тасаввурда жонлантирар, муз ҳиди анқиб турган шўх, суви баданни кесиб кетадиган тоғ дарёсида форсель овлаш ажойиб бўлса керак, деб ўйларди.

Офицер ҳайвонларни жонимдан ҳам яхши кўраман, деб ўзининг наслдор буқаси ўқдай учиб бориб калласини тракторга уриб мажақлаганда қанчалар қайғурганлигини айтиб бергач, Зубов ўша қудратли буқани, унинг жон талвасасида осилиб тушаётган тили билан кўнгли бўш ҳўжасининг қўлини ялаётганини тасаввур қилди.

Гестапочи нима қилайки, хизматчилик экан, сўроқ пайтнда баъзи бир оғир қийноқ чораларини қўллашга мажбур бўлман, деб шикоят қилди. Шунчалар нозик қалб билан мана шунақа ишни қилиб ўтирса-я! Бир кунп отаси ёш бола-ку деб ўтирмай, уни хивич билан савалаган экан, хўрлигига чидалмай ўзини-ўзи ўлдириб қўйиб дебди. Буни қаранг, эпдликда келиб-келиб ўзи мана шу ёвуз ишни қилиб ўтирибди. Ксчачалари шундан мижжа қоқмай чиқади, қонни кўрса кўнгли айнайди!

— Узингизга ёқмас экан, нега бу ишни қиялпсиз?

— Бурчимни ўтаяпман,—қатъий оҳангда деди Зубовнинг ҳамсуҳбати.— Бутун миллатимиз олдида ўз ҳўкмронлигини ўрнатишдай оғир, ёқимсиз, аммо буюк тарихий мақсадларга эришишдек юксак бурч турибди.

Бир қанча поляк подпольчиларини бозор майдонида осиб келгандан сўнг уйқусини йўқотиб, ўз уйи ёнида бевақт сайр қилиб юрганида бу гестапочини қандайдир бир машина босиб кетди.

Зубов надомат қилгандай бу оғир операцияни муваффақият билан амалга оширган сафдошларига қарата деди:

— Аслида бу унтерштурмфюрерчани эмас, қатлни бошқарган гаупштурмфюрерни гум қилиш керак эди-я, жуда бўлмаганда. Лекин у нега бўлмаса қатл қилинган одам билан ёнма-ён туриб дор олдида суратга тушади? Кўнглим бузилиб кетади дегани ёлғон... Йўқ, у маслағига содиқ ит эди, уни йўқотиб аслида тўғри қилдим.

Ташвиқот ротасининг музика асбоблари омборида хизмат қилувчи немис солдатни группага бешинчи аъзо бўлиб қўшилди.

Марҳум ошиаси СС унтерштурмфюрери Зубовга бу солдат билан эҳтиёт бўлиб муомала қилишни маслаҳат берган эди, яқин кунларда бу шубҳали нусхани қамашга буйруқ бераман, балки у гестаподан қочиб, армияда хизмат қилиб юрган коммунистдир, деб айтганди.

...Тажрибали конспиратор бўлган немис коммунистини Зубовнинг совет офицери эканлигига ишонтириш ниҳоятда қийин бўлди.

Немис Зубовга Советлар мамлакати ҳаётига оид жуда кўп саволлар берди, Зубов уларга тўлиқ ва қониқарли жавоб бергандан кейингина, у Зубовнинг иввогар эмаслигига ишонди.

Людвиг Куперт бу кичкина партизанлар группасининг фаолиятига ташкилий тус бериб, режа билан, аниқ мақсадларни ўртага қўйиб иш кўришга ўргатди.

Икки ҳарбий эшелон портлатилди.

Озиқ-овқат омборига ўт қўйиб юборилди.

Авиабензин солинган цистерналарга ярим қопдан шакар сепилди, натижада тўрт моторли бешта «юнкерс» транспорт самолёти ағдарилиб тушди.

Буларнинг бари Людвиг Куперт томонидан ишлаб чиқилган режаларнинг натижалари эди.

Ниҳоят, радиостанцияга ҳўжум қилинди, группа ҳалоқатга учради, фақат Зубов омон қолди.

Аmmo бунда Людвиг айбдор эмасди. Олдиндан кўриш мумкин бўлмаган тасодиф рўй берди: монтер прожекторни тузатаётган экан, тузатиб бўлиб уни ҳар доимдагидай ташқи тўсиқ томонга эмас, ичкарига, ҳовлига қаратди. Кутилмаганда прожекторнинг совуқ, этни жунжиқтирадиган ўткир нурлари тошлар устида мук тушиб ётган соқчи офицерни, қўлларини икки ёнга ёзиб деворга юзи билан қапишиб турган икки қўрпқчи солдатни, уларнинг орқасида эса автомат кўтариб турган Людвигни ёртди.

Зубов энгил яраланди, у ўзини қўпоровчиларни таъқиб қилаётгандек кўрсатди. Яралангани устига ўзини контузия бўлиб тилдан ва оёқдан қолгандек кўрсатиш мувофиқроқ деб топди, боз устига, у бундай ҳолатни бир сафар бошидан кечирган эди.

У ўзини замбилга солишларига қаршнлик қилмади, биринчи ёрдам кўрсатишларидан бош тортмади. Шундан кейин умуртқаси лат еган бўлса керак, деб айтишгани учун ўзини фронт госпиталига элтишларига эътироз билдирмади. Бу ерда эса у кўп қулайликларга эга бўлди.

Зубов фавқулодда ботир йигит эди. Ботирлигининг эса ўз асослари бор эди.

У, материалистик нуқтаи назарда турганим ҳолда, мен кетимдан соядай эргашиб юрган ажалга у ёки бу даражада давом этган оғриқ деб қарайман, оғриқдан сўнг мен ўзлигимни йўқотаман, бўшлиққа айланаман, деб ўйларди. Худди кинолента тўснудан узлиб қолиб, механик чироқни ёқишга улгуролмай экрандаги тасвир ўрнига залда қоронғилик чўкади ва сен шу қоронғиликка сингиб йўқолгандай бўласан. Кинолента уланади ва бошқалар экрандаги ҳаётни энди сенсиз томоша қилишади.

У шундай хаёлларга боргани учун сафдошлари олдида ўзини оқламоқчи бўлгандай:

— Нима, мен ўзимни ўзим овутадиган фалсафага берилишга ҳаққим йўқми? Ҳаққим бор! Бу ерда заҳёт топшираётганим йўқ. Ҳеч ким баҳо ҳам қўймайди. Одамнинг бўлса ўлгисиз келмайди. Ҳаётдан қандай қилиб видолашганлигини билмай қолсанг бу бошқа гап,—дерди.

У баъзан ташвишланиб Людвиг Купертдан сўрарди:

— Ватандошларингизга нисбатан қаҳри қаттиқлик қилаётганимдап хафамасмисиз?

Шунда Людвиг уни жеркиб берарди:

— Немис халқининг ўзи гитлер фашизмнинг биринчи қурбони бўлди, мен халқим учун қўлингиздан келганча курашаётганингиздан миннатдорман.

Бир кун Зубов кўчада попукеккина поляк қизи билан танишди, қиз шунчалар нафис ва жозибали эдики, Зубов ўртоқларидан бекитиқча унга мулозамат қила бошлади.

Мағрур ва зукко қиз Зубовни ўзига маҳлиё қилиб қўйди. Бир кун кечқурун Зубов кузатиб қўяётганда, қиз қандайдир бир уйнинг харобалари олдида тўхтади-да, пайпоғини тузатиб олиш учун хароба ичига юрди. Зубов унинг кетидан боришга қарор қилди, шунда унга икки йигит ташланди, қиз эса Алексейни бўғишга уринди.

Пистирмачилардан қутулиш учун у шармандаларча жуфтак ростлади, орқасидан эса унинг ўзидан тортиб олинган пистолетидан ўқ узиб қолишди.

Зубов бу саргузаштини эслаганда ҳам тўлқинланиб кетар, ҳам маъюс тортарди. Тўлқинланиб кетиши қизнинг чинакам ботирлигидан, маъюс тортиши таъзим қилишга лойиқ, мағрур ва покиза бир маҳбубани бутунлайин йўқотиб қўйганидан эди. Ҳар бир кўркем қиз киши қалбида илиқлик уйғотишга қодир бўлади. Зубовда ҳам бошда ўз таъбири би-

лан айтганда, қизга нисбатан визуаль илиқлик уйғонган, аммо эндилик-да дард билан эслар, уни соғинарди.

Людвиг Зубовнинг ёш поляк ватанпарварлари билан олишув пайти-да лат еган жойларини даволар экан, хўрсиниб деди:

— Агар сиздек бир совет офицерини поляк халқининг курашчилари ўлдириб қўйганда борми, бу ўтакетган аҳмоқопа англашилмовчилик бў-лар эди. Епгилтаклигинингиз учун бу жароҳатлар старли жазо эмас, деб ҳисоблайман.

Сўнг истеҳзо билан деди:

— Сиз немис оккупантнинг ҳаёти айш-ишратда кечини билан бирга, жони доимо қил устида туришлигининг гувоҳи бўлдингиз. Уз тажрибан-гиз ҳам буни исботлайди.

Зубов ўта жасоратли, диловар йигит эди.

Казинода Москвага торпедо-бомба ташлашга муваффақ бўлган бир учувчи шарафига зиёфат бериш тайёргарлиги борарди. Зубов бундан хабар топиб, учувчи тушган меҳмонхонага борди-да, унинг эшикка чиқи-шини узоқ кутиб турди. Ниҳоят, учувчи чиққач, унинг орқасидан борди-да, ўзини таништирди ва ундан автограф сўради.

Кейин автограф ёзилган қоғозни Людвигга элтиб берди. Людвиг эса учувчининг ёзувига ўхшатиб, зиёфат уюштирувчига икки энлик хат ёз-ди. Хатда зудлик билан фронтга жўнашим керак бўлиб қолганлиги-ту-файли зиёфатда қатнашолмайман дейилган эди.

Белгиланган соатда ҳозир бўлган учувчи на зиёфатга таклиф қил-ганларни топди ва на ноз-неъматга тўла дастурхонни кўрди.

Бошқа офицерларнинг уни қутлаш учун билдирган майлларини жаҳл билан рад этди ва кета туриб, вешалка олдида Зубовни учратиб қолди. Зубов хусусий уйда кўнгил очишни таклиф этганди, учувчи би-ринчи мухлиснинг сазасини ўлдиролмади.

Зубов кўримсизлиги учун кечирим сўраб офицерни шалоғи чиққан, кичкина «оппель-кадет» машинасига ўтқазди-да, қаҳрамонона учиш қан-дай кечганлигини сўраб-истаган бўлди. Сўнг портлашнинг бунчалар катта кучга эга бўлганлигига ишоқирамагандай гап қилди. Учувчи, бом-банинг мўлжалга тушганини кўриш учун хатарли бўлса ҳам бир доира айланиб чиқди, унинг нималар қилганини кўриб бошим осмонга етди. Энди совет пойтахтини вайрон қилишнинг жуда қимматга тушадиган, аммо катта натижалар берадиган бу воситасини ишга солиш учун Мос-квага учадиган камдан-кам учувчилар қаторидан ўрин олдим, деди.

Зубов чекиш учун машинани секинлатди-да, учувчига сигарета тутди. Кейин қўлларини ёзиб:

— Ундоқ бўлса, сизни ўлдиришга мажбурман,— деди ва пистолети-ни ўқталиб, қўшиб қўйди:— Нима ҳам қилиб бўларди — ҳаёт-мамот уруши кетяпти.— Тепкини боса туриб:— Сиз эса солдат эмас, жино-ятчи экансиз!— деди.

Зубов сафдошлари ёнига ранги оқарган, қовоғи солинган ҳолда қайт-ди. Уни ҳеч қачон бундай ҳолатда кўрмаган эдилар. У кечаси билан миж-жа қоқмай, каравотда ўтириб чиқди, тинимсиз чекди, сув ичди. Бирин-чи маротаба асабларим бўшашиб кетди, деб шикоят қилди ва кутилмаганда, кирови урушиш учун ўзимизникилар томонга ўтиб кета-ман, жонимга тегди...— деди.

Поляк ўқитувчиси Бронислав Пшегледский:

— Бу қарорингиз тўғрими, йўқми, ҳар томонлама ўйланганми? Шо-шилманг. Яхшиси, бориб Тремблинка лагерини, унда одамларни қандай қилиб ўлдираётганларини кўринг. Шундан кейингина душман билан жанг қилишнинг қайси усуллари тўғри-ю, қайсилари нотўғри эканлигини ҳал қилинг,— деб айтди.

Кўп ўтмай Зубов Голландиядан келган эшелон вагонидан бир-бирига ёпишиб, чаплашиб кетган жасадаларни тахталар билан итариб тушираётганларини кўрди. Тирик қолганлар зўр-базўр қимирлашар, таёқнинг зўри билан концлагерга тегишли юк машиналарига аранг етиб олншарди.

Эндилари навбатдаги операциядан ҳориб қайтаркан, Зубов каравотга ўзини ташлаган заҳоти қотиб уйқуга кетар, юракни алгов-далғов қилувчи тушларни кўрмасди.

Кўринишдан оқ кўнгил, олифтанамо, девқомат, малла соч орий — Зигфрид, казинодаги немис офицерларидан бўлган ошналари уни шундай деб аташади, Алексей Зубов яна ўзига бино қўйди. сурбетроқ бўлиб қолди, ўзини орий деб ҳис қилди. У мухлислари даврасида ўзининг ташвиқот ротаси омборларининг бошлиғи вазифасида ишлаб юрганидан заҳарханда қилар, бу иш инвалидлар қиладиган паст иш дерди. У жаҳоннинг бўлғувчи ҳукмдорлари сафини тўлдиршида Рейх мени айғир сифатда сақлашдан манфаатдордир деб айтарди.

Шундай бўлса ҳам, унинг мулойим, аммо қатъиятли лаблари четига ажинлар тушди. Бир маҳаллар ёниб турган ўтли кўзлари хира тортиб, кўз ранг металл тусига кирди, чаккаларига оқ тушди. Бу унга ярашса ҳам, аммо ҳали қиров тушар ёшга етмаган, шунинг учун уни кўрган одам бу йигит қаттиқ дард чеккан ёки оғир мусибатни бошидан кечирган бўлса керак, деб ўйларди.

Зондеркоманданинг куйи офицерларидан бири, доктор Ротенбург герман империясининг тарпхий вазифалари моҳиятини Зубовга тушунтириб, деди:

— Биз қудратли бўлишимиз, шуинг учун бошқа ҳамма миллатларни кучсизлантиришимиз керак. Эзгулик — заифлик аломатидир. Бизнинг ичимизда кимда-ким эзгулик қилса бу хиёнатга тенгдир. Бундайларни сотқин сифатида жазога тортишимиз зарур. Одамларни даҳшат йўлга солиб, бошқариб туради.

Диний эътиқоднинг асосида ўлим ваҳимаси ётганидай, даҳшатга солувчи нарсаларнинг бари Рейхга хизмат қилиши керак.

Биз фюреримизнинг энг улугъ принципини кашф қилдик, фюрер — чўққи, биз унинг пойдеворимиз, бизнинг қудратимиз — якка бир шахннинг иродасига бўйсуннишда. Яҳудийларни қирғин қилиш ҳар биримизнинг миллий туйғумизни синондан ўтказувчи ҳаракат, ўзига хос миллий талбир, холос...

Биз ноз-неъматларни истеъмол қилувчиларнинг сонини қисқартирмақчимиз. Шунда ҳукмрон ирқ ёлғиз истеъмолчига айланади, бошқа халқлар бизга ноз-неъматларни етказиб турадилар. Бизни ахлоқий бидъатлардан халос қилувчи энг олий мақсадимиз шу.

— Майли, шупдоқ бўла қолсин, — рози бўлди Зубов: — Мабодо, шахсан сизни ўлдириб қўйишса-чи? Унда нима бўлади?

Ротенбург деди:

— Ўзингиз биласизки, ўлдириш ўзимнинг ҳам қўлимдан келади. Фюрер учун шараф билан қурбон бўлишга тайёрман, деб ўйлайман.

Йўқ, Ротенбург ёлгон гапирган экан: у Зубов билан шаҳар чеккасига сайилга чиқиб, унинг кимлигини билгандан, ҳукмини эшитгандан сўнг, уввало ялинди. оёқ ўпиб ўзини ўлдирмасликни сўради...

— Буниси қандоқ бўлди? — илжайиб сўради Зубов, — ўзингиз «маслагим бутун, фюрер учун жонимни бернишга тайёрман» деган эдингиз, энди бўлса ўзингизни бунчалар ерга урасиз. Маина, ҳозир сизни ўлдирман. Қани, айтнинг-чи, ҳаётингизни нимани деб қурбон қиласиз? Қани?..

Зубов доктор Ротенбургдан шафқат сўраб илтижо қилишдан бўлак сўзни эшитолмади.

Белосток гарнизонининг ҳамма офицерлари тилини бурро қилиб фалсафа сўқадиган, аёлларни қатл этишга ҳирс қўйган, мана шу мутаассиб нацидан қўрқишарди-я. У хотинларнинг ибтидий шарм-ҳаёси шу қадар кучлики, улар отилиш олдида гўр лабида туриб ҳам ўзларини қўллари билан тўсишади, ўқдан эмас, қатлни ижро этувчиларининг қарашларидан тўсишади, деб айтарди.

У фронтовиклар олдида одам ўлдиришнинг ҳамма усулларини яхши биламан, деб мақтанарди. Доктор Ротенбургга бу билимлар асқотди. Улимидан бир дақиқа олдин у Зубовдан энсасидан отишни илтижо қилиб, қаерга отиш кераклигини қўли билан кўрсатди. У кўрсатилган жойга аниқ отилса, тил тортмай, яъни азобланмай ўлишини биларди.

Радиостанцияга ҳужум қилишда сафдошлари ҳалок бўлгандан сўнг Зубов ёлғиз қолди.

Госпиталда ётаркан, Зубов мундири офицерларники эмас, ефрейторники эканлигига ачиниб қўйди. Офицер мундирида бўлганда, уни офицерлар палаткасига ётқизишган, яхшилаб боқишган бўларди. У душман билан курашни давом эттириш учун тезроқ оёққа тургиси келарди.

Зубов обер-ҳамшира ўзига ошиқи беқарор бўлиб қолганда, қўйиб берди: меҳрибончилик қилиб турса, тезроқ тузалиб кетамай деб ўйлади.

У Беловни танигандан кейин, бардош билан ўзининг кимлигини билдириш учун пайт пойлади.

Аммо Зубовнинг ҳикоясини эшитиб бўлгач, Белов у қилган ишларнинг кўпини маъқулламади.

— Кечир,— деди ҳазил йўсинида Зубов,— мен ҳақиқатгўй одамман. Эшовига яраша тушови. Ўзларидан кўрсин.

Белов юлдуз биллурлари билан шуълаланган осмонга, Зубовнинг лаблари четига ажин тушган юзига қаради-да, ўйчан сўради:

— Уруш тугагандан кейин-чи? Ким бўлмоқчисан?

Зубов кўзларини ерга тикиб, ботинкасининг тумшуғи билан ерни кавлади ва хўмрайганча деди:

— Ҳар қалай, бирон арзийдиган нарса ўсадиган тупроқ бўлсам, ажабмас.—Сўнг шу заҳоти олдини олиб деди.—Бироқ ҳали тирик эканман, мен вақтинча ўлмасликка даъвогарман. Нуқтаи назарим шу. Тепкини ҳам шундан келиб чиқиб босаман.

— Бир ўзинг.

— Тўғри, яккахон солистман,— деди Зубов,— жўрим йўқ.

— Бу ҳақда шундай гапириш яхши эмас.

— Яхши, қандоқ гапирай бўлмаса? Қандоқ деяпман?— жаҳли чиқди Зубовнинг.— Бу ҳақда гапириш мумкин бўлган сўз йўқ. Умид қиламанки, бўлмайди ҳам. Ҳеч қачон.

— Аммо биз бўламиз-ку!

— Биз бўламиз. Ҳақ гап. Аммо сен билан ўзим ҳақида шундай деб айтолмайман. Тирик қолиш мажбуриятини бўйнимга ололмайман.

Госпитал ҳовлиси унниқиб, қорайиб кетган каштан япроқлари билан қопланган эди, тарновдан сув томчилаб турарди. Мана шу оғир, чалпиллаган томчилар вақтни санаб ўтказаётгандек эди. Совуқ осмон худди бошга тегадигандай оғир осилиб тушганди. Тахта омбор ёнида тобутлар тахлаб қўйилган бўлиб, уларнинг устига брезент ташланган эди.

Зубов жунжикиб, деди:

— Юр, кетдик. Ҳаво совуқ, шамоллаб қолмай тағин. Қасал бўлиш бўлмағур нарса. Бу ерда менга умримнинг ҳар бир дақиқаси тиллага тенг.— Ташвишланиб деди:— Сен ҳам ўзингга эҳтиёт бўлишинг лозим, ҳатто, менга қараганда ҳам кўпроқ эҳтиёт бўлишнинг керак.

Улар палатага қайтиб киришгач, индамайгина ўринларига ётишди.

Шундай қилиб, Зубовга Вайсни бир вақтлар Бруно танитибди. Бариев эса чегарачилар мактабида бир қур лекция ўқиган экан.

Энди Зубов кетишни керак. Гестапочилар госпиталга уни сўраб келишибди, ammo Эльфриданинг уни қўлдан чиқаргиси йўқ экан. У орқанда из қолдириб кетишнинг ҳожати йўқ, деб Эльфридага ўз ўлими ҳақида акт тузиб қўйишни буюрди.

Вайс Зубовга Варшавада учрашшлари мумкин бўлган жойни айтгач, сўради:

— Эслаб қолдингми?

Зубов бу саволдан оғриниб, деди:

— Эҳтимол... Сўнг қўлинг узатди.

— Кетяпсанми?

Зубов бош силкиди.

Хагеннинг ғойиб бўлгани фақат кечга бориб маълум бўлди.

Фишер заҳарханда қилиб, ярадорларни бир бошдан сўраб чиқди. Кейин Эльфридани сўроқ қилди.

Эльфрида, Хагенга бир кун аввал рухсат берилган эди, кечаси гестаподан машина келди, гестапо офицери Хаген билан қўл олишиб сўрашди, уни бағрига босди, деб айтди. Ефрейтор Вайс ҳам унинг бу сўзларини тасдиқлади, у Зубов Эльфридага шундай деб айтгин деб ўргатганини биларди. Эльфрида Хаген учун ўзини ўтга-чўққа уришга тайёр эди, дарвоқе, охириги пайтларда у йигитни: «Менинг илоҳим», деб чақирадиган одат чиқарган эди.

Вайс душман ичида яна ёлғиз қолди, яна кутиши, ўзига ёт, қабиҳ ҳаётга мослашиши лозим. Ўзи бу ерда бажариши керак бўлган вазифани кутиб, уни адо этишга ҳар жиҳатдан шай турмоғи шарт. Белов бу фавқуллода муҳим аҳамиятга эга топширмани бўлади деб ишонарди. У бошқача ўйломмасди. Мана шу ишончгина унга куч бағишлаб турарди. Фашист газета ва журналлари фотосуратларга тўлиб чиқарди. Босиб олинган совет шаҳарлари. Енгини. Вайроналар. Халқ қасоскорларини қатл қилиш. Дорлар ва жасадлар. Ҳамма ёқда жасадлар. Эркаклар, аёллар, чоллар, болаларнинг жасадлари. Булар узра свастика солинган фашист туғлари. Худди рус ерларига ёпишган даҳшатли, қонхўр ўргпмчакнинг ўзгинаси. Александр Белов мана шу суратларни бамайлихотир томоша қилиб ўтириши керак. Қуни ёмон ўтмаяпти, юмшоқ ўринда ётади, яхши овқатларни таомил қилади, фашистларнинг гамхўрлигини кўради, яъни у энди — Иоганн Вайс, уларнинг қатеридаги одам...

22

Госпиталга қаттиқ куйган танкчилар ётқизила бошланди.

Иоганн танк қўшилмаларининг афзалликлари ҳақида неча бор Штейнгллицдан эшитган эди. Майор капитан Дитрихга Сталин ўттизинчи йилларнинг ўрталарида механизациялашган қудратли корпусларни тарқатиб, уларни майдороқ танк бригадалари билан алмаштирганда катта хатога йўл қўйди, деб айтар эди. Франция ҳам шундай хатони қилди. У ўзининг йирик танк кучларини бўлиб юбориб, бу билан моторлашган қудратли герман қўшилмаларининг ҳаракатига қулай шароит яратиб берди. Германия қулай шароитни қўлдан чиқаришни истамади: бир жойга жам қилиниб, қудратли кучга айлантирилган таиклар яшин тезлигида

мамлакат юрагига зарб берди. Штейнглиц яна Совет Армиясида танкка қарши махсус артиллерия ва ҳатто танкка қарши отадиган милтиқлар ҳам йўқ, деб даъво қиларди. У яна Совет дала устави бўйича командир олдинга ўтиб, ўз қисми ёки бўлинимасини жангга олиб кириши ҳам душманга ниҳоятда қўл келади: командирлар составини бемалол ишдан чиқараверниш мумкин, деб айтарди. Штейнглиц Совет Армиясининг радио-аппаратура билан старли таъминланмагани ва кўпроқ симли алоқага суяниши ҳақида ҳам сўзларди. Унингча, немис қўпоровчи группаларига симларни узиб ташлаш қийин эмасмиш, натижада совет штаблари қўшинларни бошқаришдан маҳрум бўлармишлар.

Иоганн бу гапларнинг барини Марказга маълум қилганди. У ўзи берган бу маълумотни Баришев Берияга етказганда, қандай қабул қилинганини албатта билмас, билиши ҳам мумкин эмасди. Берия эса шундай деганди:

— Нима, нима? Чет элда туриб безбетлик билан бизнинг қуролли кучларимизга бўҳтон қилиптими! Бу пухани текшириб кўриш керак, у ерда яна кимга хизмат қилаётганикин!

Агар Баришев бўлмаганда, ким билади, Александр Беловнинг ҳоли нима кечарди. У фашистлар Германияси яқин кунлар ичида СССР га хужум қилади, деб ўз фикрларини қаттиқ туриб ҳимоя қилган совет разведкчиларининг кунига тушармиди, балки. Улар Берия бизга қулоқ солиб ўтирмайди деб, гапини маъқулласликка журъат этган кишиларга унинг муносабати қандай бўлишини яхши билишарди, тўғри, Сталинга мурожаат этиш учун куйиб-пишиб ҳаракат қилардилар. Аммо Сталин уларни яна ўша Бериянинг ўзига йўлларди. Шундан сўнг разведкчиларни «СССР билан Германияни уруштириб қўйиш мақсадида ифвогарлик хабарларини тарқатиш»да айблардилар.

Бруно менинг бошимга ҳам шу иш тушади деб юрарди. У ўзи кузатган нарсалар ҳақида батафсил доклад ёзиб топширди. Докладнинг хулосалари Бериянинг фикрларига зид эди. Германия вермахтнинг махсус қисмларини маҳаллпй шароитни яхши биладиган одамлар билан тўлдириш учун Болтиқ бўйидан немисларни кўчириб олиб кетди. Улар Болтиқ бўйига қайтиб келишади, аммо энди истилочи сифатида қайтишади, деб ҳисобларди Бруно. Унинг қўлида кўчманчилардан тузилган қисмлар Болтиқ бўйи районларини эслатувчи жойларда ҳарбий тайёргарлик ўтаётгани ҳақида маълумотлар бор эди.

Бруно демаркация линияси районларида бўлган ва герман ҳукумати томонидан абвер разведкаси составидан ажратиб олинган махсус командалар поляклар билан бўлган жангга ҳалок бўлган немис солдатларининг жасадни, энди Германия мулкига айланган поляк ерларига кўмиш учун кўчираётганларини кўрган эди. Бруно бу билан немислар Совет ҳукуматини чалғитишга уринаётганларини пайқайди. Немис солдатларининг жасадларини «ўз ерларига» кўмиб, Германия гўё шу билан ўзининг совет ерларига дахл қилмаётганини тасдиқламоқчи бўларди. Аммо марҳумларни кўмиш немис разведкаси учун чегара районларимизни ўрганиш ниқоби эди. Бруно бу қайғули расмий вазифадан жуда ҳам йироқ иш билан шуғулланиб турган, гўрков командадан бўлган немис разведкачисини қўлга туширди.

Бруно бошқа кўп гаплар қатори шуларни ҳам ўз докладда баён қилган эди.

Аммо Бруно Берия немисларнинг Болтиқ бўйидан бутунлай кўчирилиши, шубҳасиз, фашистлар Германиясининг Совет Иттифоқи билан тузилган битимга содиқ эканлигидан дарак беради, деб Сталинга доклад қилганини қаёқдан билсин? Герман командалари Белоруссия ва Украинанинг озод қилинган ғарбий областларидан ўз солдатларининг жасад-

ларини олиб кетаётгани ҳақидаги маълумотлар ҳам, Гитлернинг тотувчилиги ва бу масалада Сталиннинг сиёсий жиҳатдан узоқни кўра билишига далолат тарзда етказиларди...

Баришев Бруно нималарга дучор бўлишини, унинг доклади қандай қабул қилинажagini тушуниб турарди. Буни у Брунодан яшириб ўтирмади ва уни балолардан сақлаш учун, қайтанга, у томонларда кўпроқ бехатар бўлади, деб муҳим топшириқ билан душман территориясига жўнатди.

Берияга ўз маълумотлари билан Сталиннинг мулоҳазалари тўғрилигини моҳирона тасдиқловчи кишиларгина керак эди. У Держинский принципларига содиқ бўлган, қанчалик аччиқ ва оғир бўлмасин, ҳақиқатни айтишни ўзларининг энг юксак бурчлари деб билган разведкачиларни, совет чекистларини аёвсиз таъқиб остига оларди. Фақат ҳақиқат. Улар партияга, халққа керак бўлган мана шу ҳақиқатни билиш учун ҳеч нарсадан қайтмас, агар ҳақиқатга жон бериш керак бўлса, жонларини берар ва бундай чоғларда иккиланиб ҳам ўтирмас эдилар. Бруно шундай қилди. Аммо таассуфки, ўз азиз жонларидан кечиб ҳам, кўпинча, эътибор топмас эдилар!..

Иоганн Вайс узоқ муддатдан бери бир мақсад сари қаратилган топшириқ олмаганлиги, моҳият эътибори билан ўз билгичи, ҳар бир қадами хавф билан тўлган ҳолда иш кўраётганлиги тасодиғий эмасди.

Вайс Лодздаги кўчув марказининг гаражида ишларкан, армия машиналарига номер белгилари қўйиш системасининг сирини аниқлаб, шартли белгиларни билиб олишга муваффақ бўлди. У пухта, ҳар томонлама таҳлил қилиш натижасида маълум бир умумлашмаларга келди. Вайс ўзи ҳисоблаб чиққан нарсалардан ҳайратга тушди ва буни дарҳол Марказга хабар қилди. Немис қисмлари тегншли совет қисмларига қараганда транспорт воситалари билан анча яхши таъминлангани тасдиқланди. Немисларнинг артиллерия батареясига берилган шатакчи воситалар ҳам кўп эди, штаблар ва фронтини таъминловчи автотранспорт ҳақида-ю гапириб ўтирмаса ҳам бўларди. Буларнинг бари немис қўшилмаларининг тез ҳаракат қилиш қобилиятидан дарак берарди.

Вайс қаерда бўлмасин, нималарга дуч келмасин, кўрган нарсасининг тағига етишга ҳаракат қилар ва ўз мулоҳазаларини Марказга етказарди.

Александр Беловнинг хабарлари Бериянинг ғазабини кўзгагани қўзгаган эди. Берия ҳузурда ўтадиган оператив кенгашлар пайтида ҳар сәфар эски совет разведкачилари билан тўқнашув бўлиб турарди. Улар Александр Беловнинг маълумотларига бутунлай бошқа кўз билан қарашар, ёш ўртоқнинг матонатидан хурсанд бўлишар, аччиқ ҳақиқатни маълум қилишда қатъиятли эканлигидан қувоншарди.

Фашистлар Германиясининг ҳужуми ўз бурчига содиқ совет разведкачиларининг ҳақлигини исботлади. Энди улар билан ҳисоблашмаслигининг иложи қолмади.

Иоганн Вайс душман ичида эмас, ўз уйида бошига неча-неча бор хатар соя солиб ўтганини қаердан билсин. У уруш бошланиши билан жуда кўп нарсалар ўзгаргандан, унга ниҳоятда оғир ва масъулиятли топшириқ бериш қарорига келинганлигидан ва Марказ бу топшириқни ҳар томонлама ишлаб чиққанлигидан ҳам хабари йўқ эди.

Госпиталь кундан-кунга танкчилар билан тўла бошлади. Танкчилар танк ичида бемалол ўтириб, совет пиёда қисмларининг «юшоқ қорнига

ўзимизни урсак», солдатлар бизни ёнилғи шишалари билан қарши олишди, деб шикоят қилишарди. Ҳар бир солдатнинг белида шундай шишаларга тўла халта бўларкан ва улар уруш олиб бориш мантиқи билан эмас, қандайдир тушуниб бўлмайдиган қаттиқ бир аҳди паймон билан берилиб танк овлашаркан. Ахир пиёда қисмлар мотомеханизациялашган қисмлар билан тўқнашганда енгилганини тан олиб тумтарақай қочиш керакмасми?

Совет тўпчилари ҳам жанг қоидаларига амал қилишмайди: улар тўпларини қўлда ғилдирашиб пиёдалар олдига, очиқ майдонга ўтишади-да, танкнинг пешанасидан ура бошлашади.

Улар шундай қилгардаи кейин биз ҳам шунга мослашишимиз керак-да. Немис автоматчилари танкнинг орқасида эмас, олдида бориб, танкларни ёнилғи шишалари бор пиёда аскарлардан ҳимоя қилишлари, тўпчиларни сафдан чиқаришлари керак. Бу ҳаммага равшан, аммо бу на немис уставиға ва на танк ҳимоясида жанг қилишга одатланган немис солдатларига тўғри келади.

Урушнинг биринчи кунларида совет пиёдалари танкдан қочишарди, энди эса граната ва шиша кўтариб немис танкларига қараб чоғишади. Душман шунақа қилади деб ким ўйлаган эди? Ахир фюрер Совет Армияси мажақлаб ташланди, деб эълон қилди-ку, мажақлаб ташланган бу армиянинг солдатлари эса буни билмай, ё билишни истамайми, худди ёлғиз ўзи душман армиясини енгиб юборадигандек жанг қилишади. Руслар енгилганларини ё тан олгилари келмаяпти, ё буни англашмаяпти. Уларнинг мана шу англашилмовчилиги туфайли ғалаба қозонган немис кўшинлари тутдай тўкиляпти...

Иоганн танкчиларнинг бундай гапларига қулоқ соларкан, нима учун Германия бир ярим ой ичида Голландия, Бельгия, Франция қуроли кучларини мажақлаб, Англия экспедицион кўшинларини енгиб ташлади-ю, қоғоқ бир мамлакатда эса кутилмаганда бунчалар қаршиликка учради, деб гапни буришга ҳаракат қиларди.

— Эҳтимол,— деб тахмин қилди у,— Европанинг йўллари яхши, Россияники эса ёмон бўлганидан шундайдир.

Танкчи Вайснинг бу фикридан энсалари қотгандай индамай қўя қолишди.

Кейин у, ҳамма гап шишада экан, немис пиёдаларини ҳам ёнилғи тўлдирилган шишалар билан қуроллантириш керак, деди.

Бироқ унинг бу сўзлари ҳам яна нафратомуз сукут билан қарши олинди. Фақат бутунлай куйиб кетган, худди мумиёдай ўраб ташланган танкчи босинқи овоз билан сўради:

— Менга қара, сен мина билан ўзингни совет танкига ташлармидинг?— Унинг овози худди ҳавол тобутдан чиққандай эшитилди.

Вайс ғурур билан:

— Агар менга шахсан фюрер буюрса ташлардим!— дея жавоб қилди.

— Елғон, ташлай олмайсан! Улар бўлса танкка ҳам, танк татига ҳам буйруқ билан эмас, ўз ихтиёрлари билан ташланишади.

— Ночор қолсалар керак-да, — деди Вайс.

— Ночорликдан танкка ташланилмайди, танкдан қочиледи,— вишиллади танкчи.— Улар худди ўша тупроқ ўз танларидай жанг қилишмоқда.

Иоганн шу тобда бинтлаб ташланган танкчининг юзларини кўргиси келиб кетди. У қандай экан? Аммо бинтни ечиб олинган тақдирда ҳам, юзини кўролмайсан: у куйиб кетган. Ахир у ниманидир тушуниб етибди, эҳтимол, бу уруш тўғрисида, совет солдатлари ҳақида анча нарса айтиши мумкин эди. Ҳар қалай, унинг чеҳраси қанақайкин? Балки, ишчининг чеҳрасидир?

Иоганн тўрт йиллик план бўйича 1936 йилда Бош мухтор қилиб таъинланган Геринг бутун немис саноат корхоналарини ҳарбий изга солганлигини биларди. Ишчилар қаттиқ қонун асосида казарма ҳолатидаги завод ва фабрикаларга кишанландилар. Ёўқ даражадаги ишчи ҳуқуқларини ҳимоя қилишга интилганлар, фашист махсус хизматларининг исканжасига тушардилар. Геринг «вахшиёна методлар қўллаш»дан ҳам қочмайман, деб эълон қилди. Сўнгра қўллади ҳам: нормани бажармаганлик учун ишдан бош тортганликда айблар ва концлагерларга ташлардилар, штурмовиклар ва эсэсчилар касаба союз арбобларини, фаол ишчиларни цехнинг ўзида отиб кетаверардилар.

Фашистлар террори натижасида қон қақшаган, эзилган Германия ишчилар синфи! Ҳозир у қай аҳволдайкин? Аммо Иоганн унинг юзларини кўролмади. Гапшолмади ҳам. Ярадорлардан кимдир танкчини сотиб қўйди ва Фишер уни панжарали флигелга кўчирди. Танкчининг душманга берган баҳосини вермахтнинг зафарли шавкатини ерга уриш деб ҳисоблашди, шекилли. Аммо Иоганн шу танкчи қиёфасида бошқача Германияни кўргандай бўлди. Совет ёшлари ана шундай Германия шарафига юнгштурмовкалар кийишни одат қилганди. Бу Германияда 1919 йили Бавария совет республикаси тузилган, 1919 йил апрель ойида қаҳрамонона жанг қилган Мюнхен Қизил Армияси ташкил этилганди. Бу Германиянинг фарзандлари Испания республикачилари сафида туриб жанг қилганди. Бу Германия жаҳонга Карл Либкнехт, Роза Люксембург, Эрнст Тельманни берди. Бу инқилобий Германия, совет халқи умид кўзи билан қараган, муҳаббат қўйган Германия эди. Балки қон қотиб қолган бинтларга чирмалган ҳалиги танкчи Иоганн эъзозлаган Германиядандир. Аммо худди мумиёдай чирмаб ташланган танкчи ўз чеҳрасини кўрсатолмади: унга уруш ўз оловли нафасини пуркаган эди. Иоганн танкчи тўғрисида шундай деб ўйлашни истарди, шундай деб ўйлади ҳам.

Тўладан келган, аммо елпатак, тилла ранг сочлари қалин, кўзлари сигирникидай ювош ва мулойим обер-ҳамшира Эльфрида ўз ғам-андуҳини айтиб ёзилгани Вайсни бир неча марта хонасига чақириб кетди: ахир Иоганн Хагеннинг ошнаси эди-да.

Вайс эҳтиёткорлик билан, Алоис Хаген ғойиб бўлгандан сўнг Фишер нималар қиляпти, деб сўради.

Эльфрида парвосизлик билан:

— Юрибди, — деб жавоб қилди-да, Фишерни масхара қилиб деди: — «Қани, ойимча, одобнинг давлат чегараларини бир оз бузайлик-чи!»

— Фишер жазманингми?

— Вой, ўлсин. Нима деяпсан! — аччиғланди Эльфрида. — Шунчаки гоҳо-гоҳо кўнглини олиб тураман, холос. Бунинг устига, — овозини пасайтирди, — у менинг ишимни пачава қилиши мумкин.

— Қандай қилиб?

Эльфрида саволни эшитмагандай гапни бошқа ёққа бурди.

— Ҳамма немис хотин-қизларини мажбурий хизматга, ёрдамчи қисмларга қўйишгандан сўнг, эркаклар аёллар казармасига, ётоқхоналарига, иш жойларига худди исловотга киргандай қадам босадиган бўлишди. Айрим хотинларга бу ёқар ҳам, балки, улар ўзларини шу билан ватанпарвар қилиб кўрсатмоқчи бўлишар. Бошқалар эса инжиқлик қиляпти, деб гапиришларидан кўрқишади. Фюрернинг ўзи нима қилсаларинг ихтиёр ўзларингда, фақат унтерменш¹лар билан алоқа қилмасан-

¹ У н т е р м е н ш — ирқчилар назарияси бўйича тўлақонли бўлмаган одам (ред.).

ларинг бўлди, деб қўйиб берган.— Ғазабланиб хитоб қилди:— Мен Гиммлернинг ўрнида бўлганимда, Рейхга янги босиб олган территориялардан ўша ерлик хотинларни келтирадим. Эркакларимиз маҳаллий муниципалитетларнинг фойдаси учун озгина ҳақ эвазига улар билан ётиб туриш имкониятига эга бўлишарди. Ахир фюрер: «Мен пул ишлаб топадиган ишчиларга, бошқа нарса сотиб олишга қурби етмаса, пулларини сарф қилишга имконият беришим керак, шунда халқнинг кайфияти ҳам жойида бўлади», деб айтган-ку.

— Бу дейман, министр бўладиган калланг бор экан-ку!

— Оҳ, Иоганн, мен ўз ахлоқимиз ҳақида нима ҳам деб ўйлардим. Немис аёлларини оиладан ажратиб олиб, мажбурий хизмат ўташга қўйишган, эркаклар эса боёқишларни бошқа хизматларни ҳам ўташга мажбур қилишмоқда... Ахир бир куни мен ҳам эрга тегаман-ку. Агарда эрим национал-социалист бўлмаса, у нималарга бардош берганлигимни тушунмай, қадримга етмайди.

— Алоис-чи?

— О, бу бутунлай бошқа гап! У ёлғиз қолганимизда, мени ҳаддам зиёда ҳурмат қиларди, ҳурмат ҳозир кимга ҳам керак. Бунинг устига уни энди ҳеч қачон кўрмасам керак.

Эльфрида йиғлаб юборди-да, йиғи аралаш деди:

— У менга уйланиши мумкин эди-я. Мен тузук оиладан чиққанман. Отам — қишлоқ пастори эди. У гитлерюгендга кирма, деб худонинг зорини қилди. Гапига кирмадим. Аъзо бўлганим ҳамоноқ юнгфюреримиз менга тиргила бошлади. Отанг бир яҳудий билан ошначилик қилади, бориб айтаман, деб қўрқитди. Лаққа тушибман. Кейин юнгфюрер яҳудий деганим — Исо эди, дея устимдан роса кулди.

— Энди нима қиламиз?— сўради Иоганн.

— Нима бўлди?— ташвишланди Эльфрида.

— Исони айтаман: у чиндан ҳам яҳудий-ку.

— Вой, ўлсин!— қайғуриб хитоб қилди Эльфрида.— Мен ҳозир Исо-ни эмас, Алоисни ўйлаяпман.

— Нима гап ўзи?

Эльфрида Иоганнинг қулоғига энгашиб, шивирлади.

— Бу ерга ўлай-ўлай деб турган совет учувчисини келтиришди. Оёқлари йўқ, қўли мажақланган. Унга жон киритиш шарт дейишди. Узига келтириш учун нималар қилишмади, тўхтамай қон билан глюкоза қўйиб туришди.

— Нимага?

— Тушунмайсан-да! У янги совет машинасида учган экан, самолётни ёндириб юборишгач, учувчи уни жўрттага пачақлаб ташлабди, энди қандай машина эканлигини билишолмаяпти.

— Демак уни машинанинг қанақалигини билиш учунгина тирилтиришмоқчимиз?

— Ҳа, албатта!

— Алоиснинг бунга нима алоқаси бор?

Эльфрида довдираб қолди, оқариб кетганидан бўйни ва қўлларида сепкиллар кўринди.

— Учувчининг олдида навбатда эдим, Алоис ёнимга келди.

— Ҳўп, нима бўпти келса?

— У, учувчи билан гаплашмоқчиман, деб менга ташқарига чиқиб туришни буюрди.

— Ростми?

— Учувчи унга айтиб берибди.

— Ҳойил! Қандайгина ур, Алоис!

— Энди Алоис ҳарбий ҳаво кучлари штабига янги совет самолёти ҳақида хабар бериши мумкин. Фақат...

— Нима, фақат?

— Фақат учувчининг ўзи ҳушига келиб, ҳаммасини ўз оғзи билан айтиб бермаса.

— Шундай бўлиши мумкинми?— ташвишланиб сўради Вайс.

— Йўқ!— мағрур деди Эльфрида.— Энди мумкин эмас.

— Нима учун?

— Чунки мен Алоисга ўз муҳаббатимни намоён қилдим.

— Нима билан?

— Янглишиб қолиб, учувчига ухлатадиган доридан кўпроқ бериб қўйибман, пинайкейин, ўзи ўлай-ўлай деб турганди.

— Сен уни ўлдирдингми?

— Йўқ-е, унинг ўзи шуни хоҳлади.— Қўрқув аралаш шивирлади:— Биласанми, учувчига бир талай таблетка берувдим, у дон чўқиган товукдай шоша-пиша ютиб юборди, шунда илк бор кўзини очди, мен ҳам биринчи мартаба унинг овозини эшитдим. У: «Данке шен, г-геноссе»— деди-да, аста қўлимни силаб қўйди.

— Нега энди?

— Немис тилини билар экан, демак, дорининг ёзувини ўқиган ва мен нима берганимни билгандир-да.

— Сен унинг ўзи ўлишни хоҳлади дейсанми?

— У госпиталда ўлмаса, барибир, ўлдиришларини биларди-да. Унинг ҳужжатларида звенога политрук эканлиги ёзилган.

— Коммунистми?

— Албатта! У кўзини очиб, ҳушига келиб, сўзлай оладиган бўлгандан кейин ҳам штурмбанфюрерга ҳеч нарса айтмади.

Иоганн жиддият билан деди:

— Сен ҳақиқий ватанпарварлик кўрсатибсан, нацист қиз шундай бўлиши керак. Рус учувчисидан, коммунистдан бошлаб ўч олибсан,— кейин мулойимлик билан юпатди:— Ҳеч нарсадан қўрқма. Германия-мизда ҳали ҳеч кимни ватанпарварлик кўрсатгани учун жазолашмаган.

— Аммо мен камтарлик қилишим ва бу тўғрида валдираб юрмаслигим керак деб ҳисоблайман.

— Рост айтдинг,— маъқуллади Иоганн.— Камтарлик — аёлнинг энг яхши безағи.

Эльфрида ловиллаб кетди.

— О, мен ҳар жиҳатдан камтар эдим. Аммо уруш...— У надомат билан бош эгди. Сўнг соатига қараб, қўрқиб кетди:— Жаноб Фишер ёнимга келадиган вақт бўлибди.— Шундай дея ойнага бориб, лабларини бўяди-да, қизил мис янглиғ, қаттиқ сочларини ораста қила бошлади.

Бугун-эрта Вайсни госпиталдан чиқаришар эди, агар Эльфрида бўлмаганда, ким билсин, уни тўғри Шарқий фронтга жўнатишармиди.

Эльфрида дала почтасининг номери бўйича майор Штейнглицнинг бўлинмасини қаердан қидириш кераклигини аниқлади ва Фишерга айтиб, Вайсни ўз қисмига жўнатишга эришди.

Хайрлашиш олдиан Эльфрида Вайсни ўз хонасига тақлиф қилди, нонушта қўйди ва йўлга деб озиқ-овқат солинган каттакоп пакет тутқизди.

Унинг хаёли паришон, ҳорғин кўринар, нима ҳақдадир ташвишланарди. Бирпас Хаген ҳақида гаплашиб ўтиришди, бир қадахдан ичкилик нчишди, кейин Эльфрида хавотирланиб сўради:

— Балки сен тезроқ борай деяётгандирсан? Унда, хайр!— Сўнг ташвишланди.— Вақтим зиқроқ. Ярадорлар кўп. Бу қоғоз битлар бирам тез ивиб қоладики, алмаштириб улгуролмайсан.

Иоганн-одоб билан сўради:

— Сенга ёзиб турайки?

Эльфрида елкаларини қисди.

— Узинг биласап.— Аммо шу заҳоти тилини тишлаб қолди.— Мен янги дала почтамизнинг номерини билмайман.— Мақтаниб деди:— Ахир мен кўтарилдим. Герр профессор билан бирга Аушвицга кетяпман. Профессор у ерда илмий иш билан шуғулланади, унга ҳатто маҳсус блокгауз ажратиб берилган.

— Қанақа иш экан ўзи?

— Буниси сир!— Эльфрида сутдан қилинган сосискага ўхшаш йўгон бармоғини Иоганнга пўписа қилди.

— Ҳай, майли, муваффақият тилайман!— деди Иоганн ва унинг қўлини қисди.

Шундай қилиб, Эльфрида Аушвицга жўнар экан. Поляк Освенциминини немислар Аушвиц деб аташарди. Аммо Иоганн ўзини идора қилишга одатланган, дилидагини эмас, тилидагини айтишга ўрганган эди. Шунинг учун ҳам, у «Муваффақият тилайман!»— деган сўзни баайини наци бўлиб, енгил, бепарво туриб айтди.

Ёмғир ёғиб турар, ҳавонинг қовоғи солинган, ҳўл дарахтлардан кунни битган япроқлар тўкиларди. Кузовларига қизил крест қўйилган яшил автофургонлар буларсиз ҳам тўлиб тошган каттагон фронт госпиталининг ланг очиқ дарвозасидан тизилиб кириб келишарди.

Иоганн ёғоч йўлқадан қабристонга айлантилган сайхонга борди. Қабрлар устида катта оқ крестлар қаққайиб турарди. Айримларига пўлат каскалар илиб қўйилганди. Поляк ҳарбий асирлари чуқур гўр ичига арқон билан кетма-кет тобут тушириб туришарди. Бу қабр кўп сағанали эди. Унинг ёнида ~~оддан~~ тайёрлаб қўйилган крест ётарди. Унга фақат бир ном — немис унтер-офицерининг номи ёзилганди.

Ҳарбий форма кийган пастор дуо ўқиш учун охириги тобутни гўрга қўйишларини кутиб, нариги қабр устида чекиб ўтирарди.

Иоганн пасторга честь берди. Пастор ўрнидан турмай қўл чўзиб партиявий саломини адо этди:

Хайль Гитлер!

— Зиг хайль,— деди Вайс этигига ёпишган лойдан оёғи зил-замбил бўлиб кетганини ҳис этиб, ортига қайтаркан. У совет учувчисининг қабрини тонамап, деган хомхаёл билан бу ерга келганди. Немисларнинг ўзини қалаштириб кўмишаётган бир пайтда, унинг қабрига белги қўйишармиди, дейсиз.

Иоганн юриб бораркан, номаълум учувчи ҳақида, ўлим азобидан қутқазиб, қийнамайгина кўз юмдиришлари ҳақида, лейтенант Зубовга айтган гаплари тўғрисида хаёл сурарди.

У Эльфридани, унинг кўтарилганлигини ўйларди. Аушвицда, мана шу ажал лагерда Эльфрида маҳбусларни қийноққа солишда ўзининг герр профессорига кўмаклашади. Тирик одамлар устида тажрибалар ўтказишади. Пасторнинг ҳирсга муккасидан кетган, тўпори ва бепарво, лақма ва айёр сап-сарик қизи шу қадар бузилганки, фаҳшнинг ўзини фаҳш деб ҳисобламайди. Дарвоқе, уни қишлоқ юнгфюрери эмас, фашизм фаҳшга ботирган.

Вайс шивалаб ёғётган ёмғир остида солдат қабрида сигарета чекиб ўтирган фашист пасторининг букчайган жуссасини тасаввур қилди: рухоний фақат биттасининг номи крестда қоладиган тобутлари устма-уст қаланётган марҳумларга апил-тапил дуо ўқиш вақти келишини кутарди. Ҳамма ўликларнинг эмас, фақат биттасининг номи қолади. Империя тежамли иш тутади, у қалбаки крестлар қўяркан, «шарқий кампания»да адашганлигини ҳеч ким билмасин, дерди.

Гитлер кузакда Россия билан урушнн ғолибона тугаллаш ҳақида ваъда берган эди. Кузакда-я!

Кузовига қизил крест солинган автофургонлар госпиталнинг кенг очиб қўйилган дарвозасндан ҳамма ёққа лой сачратиб тинимсиз кириб келардилар.

Рутубатдан эт увушарди, найза янглнғ қаққайган черепицали томлар узра кўкимтир булутлар аста сузиб ўтар, асфальт устида юлиб олинган этдай мумсик япроқлар увадаланиб ётарди.

Иоганн ўзининг зилдай қопчигини базўр кўтариб, катта йўлга чиқди-да, йўл четида ўтириб бир оз дам олди. Кейин йўловчи машиналарнинг шоферларига сигарета тута-тута кечга томон Варшава чеккасидаги шаҳарчага етиб борди. Майор Штейнглицнинг бўлинмаси шу ерга жойлашган эди.

23

Майор бир маҳаллар машҳур поляк рассомига тегишли бўлган ҳашаматли уйда турарди. Кекса рассомни свастикага михланган Польша тасвирланган иконани костелга осиб қўйгани учун отиб ташлашибди...

Соқчи Вайсни ҳатто дарвозага яқин йўлатмади. Вайс айтадиган муҳим гапим бор, агар мени ичкарига қўйишнинг иложи бўлмаса, у ҳолда, майорнинг ўзи чиқсин, дея қаттиқ туриб олди.

Штейнглиц чиқиб, базўр бош қимирлатиб саломлашгач, бефарқ тикилиб тураверди. Вайс Эльфрида бериб юборган бир шиша ўлжа француз коньягини узатаркан, пошналарини тақирлатиб честь берди-да, деди:

— Майор жаноблари, коньякнинг шунақасини келтир, деб юборгандингиз. Маъзур тутинг, бир оз кечикиб қолдим...

Штейнглиц тиржайиб қўйди.

Соқчидан ўтиб олиш учун Вайсга шунинг ўзи етарли эди.

Шундан кейин у ўзи мўлжал қилганча бетакаллуфлик билан иш тутди. Худди Штейнглицнинг янги шоферини пайқамагандай, машинани кўздан кечирди, ўриндиқларни тозалади. Шофер нима қилмасиз ўзи дегандай бўлган эди, Вайс машинани бунчалик қаровсиз қолдирган одамни отиш ҳам камлик қилади, деб пўписа қилди.

Эрталаб эса Эльфрида бериб юборган нарсалардан нонушта тайёрлаб, ҳали ўридан турмаган Штейнглицга олиб кирди. Сўнг қувноқлик билан деди:

— Майор жаноблари, жуда бошқача бўлиб кетибсиз. Сизни кўриб бошим осмонга етди!

Нонушта қилиб бўлгач, майор ижирганиб деди:

— Анави боланинг капалагини учириб юбординг-ку.

— Ўлдирмаганимга ачинапман!— хитоб қилди Вайс.— Тормозлар бир ҳолатда. Сизнинг ҳаётингиз қанчалар хавф остида бўлганлигини ўйлаб ичим кўйиб кетди.

Вайс шофер билан ади-бади айтишиб ўтиролмас эди. Бу яккама-якка олишувдай бир гап. Ютган одам Штейнглиц ҳузурида қолади. Вайс ютиши керак эди. Ютди ҳам.

У машинани эшикка тўғрилади ва тиззасига гайка буровини қўйиб Штейнглицни кута бошлади. Шофер чеккароқда қараб турарди.

Штейнглиц чиқиб, Вайс ёнига ўтирди ва худди шофер бошқа бўлиб қолганини пайқамагандай, энгагини сабрсизлик билан силтади, Вайс бунинг маъносига тушунарди.

Бу майорнинг шошиб турибман, дегани эди.

Машина йўлга тушиши биланоқ, унинг орқасидан автоматчилар ўтирган транспортёр ҳам қўзғалди. Майорга шунча қўриқчи берилган бўлса, унинг ишлари жойида экан-да, а?

— Табриклайман, майор жаноблари!— Иоганн қўриқчилар тушган машинага имо қилди.

Штейнглиц жавоб бермади, фақат остки лаби пича солиниб кетди. Демак, шофернинг зийраклиги унга маъқул тушган, қутловдан кўнгли ийган эди.

Штейнглицнинг сояда юрган кунлари тамом бўлганлигини ҳали кўпчилик англаб етмаган эди, Дитрих эса ўтини Штейнглицга қапчалар катта ишонч билдирилгани, унга нечоғлик муҳим топшириқ берилганидан беҳабар кишидай тутар, унга нисбатан ўзининг мурувватли, ҳомна муомаласини ўзгартирмаган эди. Аммо Штейнглиц бунга чидаб келарди. У, контрразведкачи сени ўзига дўст деб билса, сен буни ўзингга берилган қарз деб тушушининг ва ўзингни гўё унинг дўстлиги сени бахтга кўмиб юборгандай тутишинг лозим, деб ҳисобларди.

Мана ҳозир ҳам, аслида объектни икковлари қидириб топншлари ва қайси бири кўпроқ қўл келишини ҳал қилишлари керак бўлгани ҳолда, Дитрих ўрнида ағнаб ётибди. Варшава атрофларини сарсон бўлиб кезиб чиққач, майор Штейнглиц қидириш нима натижалар берганлиги ҳақида капитан Дитрихга ҳисоб бериши керак. У бўлса, балким, аввалги сафаргидай эснаб туриб:

— Нима демагин, Аксель, сен тентаксан. Сен ўз вақтида тўппонча билан ишлашни билардинг, чоғимда. Аммо бошинг ишламайди. Сенинг калланг ҳеч қачон ишламаган. Уни кетга ўхшатай десам, кетни пастга урган бўламан.

Штейнглиц Дитрихга нима деб жавоб беришни биларди-я! Аммо Штейнглиц ўзига пишиқ одам. У-индамай қўя қолди. Агар нозик жойидан олиб қўйса, Дитрих уни шундай усталик билан гестапога дучор қиладики, кейин ҳатто адмирал Канариснинг ўзи ҳам уни қатл этилишдан олиб қоллиб, штраф ротасига қўёлмай қолади.

Вайс майорга ойначадан қарар экан, фахр билан деди:

— О, майор жаноблари! Мукофот олибсизми?

— Анча бўлди,— фарқсиз деди Штейнглиц.

— Ундоғ бўлса, майор жаноблари, мен навбатдагиси билан табриклагандай бўла қолай!

Штейнглиц индамади. Аммо ичида Вайснинг эътибор билан қарашига таҳсин ўқиб қўйди. Бу солдат, йўқ, ефрейтор, одамнинг кўнглини дарров очиб юборади-да! Анов янги шоферни қисмга қайтариб юбориш керак. Кўзини вафодор итдай лўқ қилиб туришдан бошқани билмайди, фронтга жўнатишларидан қўрқиб қалтирайди. Манави Вайс эса — мард солдат. Бунинг устига ўз бошлиғининг кайфиятини сезгирлик билан билиб олишини айтмайсизми!

Мана, кўлмакдан ўтаётиб юбкасани баланд кўтарган қишлоқи қизга Штейнглицнинг тикилиб қолганини пайқаган Вайс дарҳол машинани секинлатди. Йўқ, у ўз хўжасининг дилидагини ниҳояти зийраклик билан англаб туради. Яхшиямки, у ҳалок бўлмади. Уни хурсанд қилиб қўйиш керак. Шунини ўйлагач, Штейнглиц Иоганнга қараб деди:

— Бу ерда қуйи унвондагилар учун хотинлар турадиган уй бор. Хизмат кўрсатиш бўлими у ерга бориш учун ордер беради.

— Ташаккур, майор жаноблари!— оғзининг таноби қочиб жавоб қилди Вайс.

Демак, қулай пайт келса, янги қўрғонни текшириб чиқиш учун яхши баҳона топилди. Дарвоқе, Вайс узоқ муддат тутқун бўлган аввалги қўрғонга ўхшаб, бунисида ҳам сир кўп эди.

Майор Штейнглиц помешчикларнинг қўрғонлари, қасрлари, вилла, фольваркларини днққат билан кўздан кечириб, Варшава атрофида тиним билмай изғирди. У қўрғонни худди ўзи учун ахтараётгандай жойларни синчиклаб текшириб чиқарди.

Энди майор поляк охранкасининг собиқ ротмистри Душкевични сафарларида бирга олиб юрадиган бўлганди. Пан Душкевич ёши элликлардан ошиб қолган, лекин ўзига оро бериб юрадиган одам эди. Унинг ўртасидан фарқ очиб таралган снйрак сочлари бўялган, қошлари хотинларникидай терилган, тез-тез қириб туриладиган, бўртиб кетган юзларига упа сурилган эди.

Башараси бўғриқиб, салқиган, қорни оёқлари орасига осилиб тушган бўлишига қарамй, пўрим инглиз пальтоси билан қора котелок шляпа кийиб олган бу одам анча салобатли кўринарди. У немис офицери билан ҳам жиддий туриб, ялтоқланмай гаплашарди. Бир куни у ҳатто Штейнглицга ўпкалагандай деди:

— Герр майор, сизни ишонтириб айта оламанки, биз охириги дақиқагача сизлар билан, улуғ Германия билан биргаликда большевикларни ер юзидан йўқотамиз деган умидда эдик, бироқ, афсуски...

Штейнглиц ойнадан ташқарига қараб туриб, сўради:

— Манов олдин нима деб аталарди?

— Варшава воеводалиги, герр майор.

— Йўқ, бутун мамлакатнинг ўзи?

Пан Душкевичнинг юзига қон урди.

Майор шишадай совуқ кўзларини Душкевичнинг сарғимтир-жигар ранг бақа кўзларига тикиб, маслаҳат берди:

— Мен хотирангизни эски гаплар билан жабрлаб юрманг, деб айтиб қўймоқчиман: бу соғлиққа ёмон таъсир қилиши мумкин.

— Коммунистлар билан узоқ йиллар курашиб орттирган тажрибамага суяниб, ишонч билан айта оламанки, ҳаётим балолардан амин бўлган кунлар энди-келди,— қадрини ерга урмай жавоб берди пан Душкевич.

Штейнглиц индамади.

Душкевич ёнида Варшава ён-атрофларининг картасини олиб юрар, уни тиззасига ташлаб қўйган кўйи, керак бўлиб қолганда, бурнига тилла занжирли пенснесини қўндириб, узоқни яхшироқ кўрувчи ҳамма одамлар сингари, бошини виқор билан четга тортиб, картани кўздан кечирарди. Шунақа пайтларда у хизмат кўрсатган профессорни эслатарди.

Бир куни у маънодор қилиб деди:

— Мен таҳсил кўрган одамман, битирмаган бўлсам ҳам гимназияда ўқиганман, зиёлилар билан иш кўрганман, шунинг учун бир тажрибали одам сифатида берадиган маслаҳатим бор. Халқнинг кўзига кўрсатиб, ошкора қатл қилиш албатта, таъсирчанку-я, лекин бу поляк зиёлиларини халқ ўртасида обрў топишига сабабчи бўляпти. Менга қолса, ўзимнинг шахсий тажрибамни қўллашни таклиф қилган бўлардим. Мен бир тўда сиёсий маҳбусларни олиб, улардан энг кўзга кўринганини озодликка чиқарардим. Орадан озроқ вақт ўтказиб, қолганларининг ичига ўз одамимни қўшиб қўярдим, у маҳбусларга ҳалиги бўшатирилган одам хонн чиқди, деб хабар берарди. Кейин маҳбуслар бундан ўз ташкилотларининг хабардор қилиб қўйишарди. Бунга ҳалал бермасдик. Яхши натижа берадиган усул.

— Алмисоқдан қолган гап. Шундай бўлса ҳам, капитан фон Дитрихга мурожаат қилиб кўринг. Бу уни қизиқтирса ажаб эмас.

— Майор жаноблари, касбдошмиз-ку, бу қанчалар эркин ҳаракат қилишга қулай имкониятлар туғдиришини тушунгандирсиз?

— Агар у барбод бўлса, сизни осишимиз мумкин.
— Йўқ, майор жалоблари, — қатъийт билан жавоб қилди Душкевич. — Сиз мени осмайсиз. Бу ақлдан эмас...

Баронесса Корф мулкининг бошқарувчиси Штейнглицга қўргонни бека рухсатисиз кўрсатмайман, деди. Баронессанинг ўзи ҳам бунга рухсат бермади. У эгнига қорабуруд тулки мўйнасидан тикилган калта камзул ва оёғига жўн, лой этик кийган ҳолда эшик юзига чиқди. Баронесса оғзидан сигаретасини қўймай, ҳарс-ҳарс қилиб йўталганча Иоганн билан ўзининг эски танишндай илтифотли саломлашди. Пан Душкевичга ўгирилиб қарамади ҳам, Штейнглицдан эса кесатиб, қандай музика асбобини чала оласиз, деб сўради. Штейнглиц жаҳли чиққан ҳолда, мен созанда эмасман, абвер офицериман, дея жавоб қилган эди, баронесса унинг сўзини чўрт кесди.

— Жаноб Канарис пай чалиб менинг салонимда олқишларга сазовор бўлган, жаноб Гейдрих эса скрипка чаларди. Агар созанда бўлмасангиз, бу ерда сизнинг керагингиз йўқ. — Аммо шу заҳоти илтифот қилиб, бошқарувчига жанобларни понуштага ўз флигелингизга таклиф қилинг, деб буюрди.

Нонушта пайтида бошқарувчи Штейнглицга баронесса ўз кўрасида ишлайдиган ҳарбий асирлар учун чоғроқ бир концлагерь қуриб олишга ёрдам берсангиз деб сўраяпти. Бу асирларни тартибга солган бўларди, бундан ташқари, лагернинг овқати арзон тушади, деди.

Бу гапдан ранжиган Штейнглиц тарелкасини иарн суриб қўйди-да, биринчидан, бу менинг ишим эмас, иккинчидан эса, баронесса ўртага одам қўймай менга у ёки бу йўсинда ўзи мурожаат қилса, бир ери камайиб қолмасди, дея жавоб берди.

— Баронесса, — деди бошқарувчи, — фюрернинг уч насиҳати немис солдати учун мўътабар, деб биледи. — Шундай дея қуруқ, чиннидай бармоқларини букиб, санади: — Немислаштириш, қувғин қилиш, қирғин солиш. — Сўнг бошини кўтарди-да, маънодор қилиб деди: — Бундан ташқари, ҳалиги иш учун баронесса ҳар бир бош ҳисобидан қирқ маркадан эллик беш маркагача пул тўлашга тайёр!

— Афсуски, мен баронессага ёрдам бериш имкониятидан маҳрумман, — деди Штейнглиц ва ўрнидан турди.

Бошқарувчи ўтирган ҳолича унга менсимай таъзим қилиб, хайрлашди.

Аммо у Штейнглицни билмас эди. Майорни арзонгина сотиб олиш мумкин эмасди. Топшириқларни бажарар экан, унга одамларни ўлдириш, ўғирлаб кетишга тўғри келарди — бу унинг иши эди. Аммо у одам ўлдириш ўғрилик билан ниқобланмаган кезлари ҳеч нимага қўл теккизмасди. Ўғирланган одам ҳам болаларимга раҳм қилинг, деб унинг кўнглини юмшатолмагандай, пул билан ҳам сотиб ололмасди. Штейнглиц ўзининг бу хислатини жуда ҳам қадрлар, бир кун келиб у мени олтинга кўмади, деб ўйлар ва бачки, жўн ишлардан ўзини олиб қочарди: Ҳозир ҳам у ўзига исра бермоқчи бўлганларидан қанчалик норози эканлигини билдириб қўйишга қарор қилди.

Штейнглиц бошқарувчига ўлган бузоқникидек йилтироқ, совуқ кўзларини қадаб туриб, бирдан буюрди:

— Тур!

Бошқарувчи бўйсунди.

Майор қўлини кўтарди.

— Утир! Тур!

Бошқарувчининг мадорсиз тиззалари қалтирар, аммо у балиқ янглиғ оғзи билан ҳаво ютганча, буйруқни тиришиб ижро этарди.

— Тезроқ. Яна тезроқ,— буюрарди Штейнглиц. Бошқарувчи ҳолсизланиб йиқилгандан кейингина майор машинага қараб йўл олди-да, қўнжи баланд, йилтироқ этпк кийган узун оёқларини қиялатиб чўзганича мамнун ҳолда ўзини ўриндиққа ташлади.

Пан Душкевич ҳалиги воқеадан кейин майор билан ёнма-ён ўтирганда, котелок шляпасини бошидан тиззасига олиб қўядиган, уни машиннадан тушгандагина княдиган бўлди.

Сон-саноқсиз мулклар, қасрлар, қалъаларни кўздан кечирар экан, Штейнглиц уларга бир хилда талабчанлик билан қараётганидан, Иоганн унинг аввалги махфий қўрғонга ўхшаган жойдан бир эмас, бир нечасини қидираётганлигини пайқади. Улар штаб учун мўлжалланма-япти, концлагерга ҳам ўхшамайди, аммо унда одамларнинг ҳаракати чекли бўлиши, ташқи муҳит билан алоқа қилинмаслиги керак эдп.

Хуллас, бир нарса аниқ: Штейнглиц асосий базани Варшава атрофларига жойлаштирмоқчи. Шунинг учун Вайс бир ҳафта мобайнида Ровно, Львов ва ҳатто, Берлиндаги тегишли жойларга ўзининг қаердалигини маълум қилиб откриткалар ёзди.

Унинг нарсалари ичнда бизга таннш дастрўмол ҳам сақланган эди, унинг бир учини тоза сув солинган идишга чайқаб олиб, Иоганн ҳар бир откритканинг ёзувларни орасида ўз координатларини маълум қилди.

24

Берлиндан Лансдорф деган аллақандай бир жаноб келди. У оддий кийинган бўлса ҳам, Штейнглиц билан Дитрих уни кўрик мундири кийган ҳолда кутиб олишди.

Бу қотмадан келган, сочлари оқарган, кампирдаҳан, кичкина бошингичка ва узун бўйнида диккайиб турган, хатти-ҳаракатларида қатъият акс этган, чағир қора кўзлари илонникидай тиклиб боқадиган бир одам эди.

Штейнглиц Вайсга кечқурун жаноб Лансдорфга ванна тайёрлаб қўйишни ва нимаки бўлса барини бажо қилишни буюрди.

Бу шарафли топшириқни бажарнш аввал бирмунча қийин ишдай туюлди, чунки Иоганн умрида лакейлик қилиб кўрмаганди. Аммо бошқа иложи йўқ. Шу боисдан, Иоганн нима қилнш кераклигини обдан ўйлаб олди-да, ишга киришди. Ташқари анчайин совуқ, шунинг учун муҳтарам қария ваннадан чиққандан кейин эгнига киядиган уст-бошни калориферда иситиб қўйилса, бу унга мойдай ёқиши турган гап. Ўз хонасига кириб, чамадони очилганини кўргач, Лансдорф гижингандай бўлди, аммо ваннага ҳозирлик кўриб қўйилганини пайқади-ю, кўнгли жойига тушди.

Вайс уни худди ҳозиргина жанг майдонидан олиб чиқилган ярадордай авайлаб ечинтирди. Лансдорф ваннага етиб олгандан кейин сувнинг иссиқ-совуқлиги кўнглимдагидай бўлибди деди ва товўқникидай оппоқ қовоқларини юмиб, Вайсдан стол устидаги китобни олиб овоз чиқариб ўқишни сўради.

Бу китоб 1902 йилда Мюнхенда немис тилида нашр этилган француз романи бўлиб «Фароғат санъати» деб аталарди. Аммо китобда олди-қочдилар йўқ эди. Муаллиф ўз хонасидан ташқарнга чиқмасликка аҳд қилган бўйдоқ чолнинг ҳаётини бирма-бир, эринмай тасвирлаганди. Чол бирдан-бир тирик жонзод — саъва билангина гаплашади. Китобда асосан, чолнинг куш билан қурган мана шу суҳбатлари баён этилганди.

Вайс китобни ваннадан сал нарида, юмалоқ курсига ўтириб олиб ўқир, ўқтин-ўқтин бошини кўтариб қараб, Лансдорфнинг бурушган чеҳрасини, хаёл оғушида маст бўлиб жилмаётганини кўрарди.

Кейин Вайс Лансдорфга ваинадан чиқишга ёрдам берди, уни илиқ сочиқ билан яхшилаб артди, олдиндан иситиб қўйилган чойшабга ўради ва ўрнига олиб борди. У бу ерда чолга иссиққина узуп тунги кўйлакни кийдирди, устига пар адёлни ёпди-да, бошқа хизматлари борми, деб сўради.

— Сен яхши ўқиркапсан,— деди Лансдорф.— Давом эта бер!

Бироқ Вайс китобни қўлга олиши биланоқ, эшик оҳиста тақиллади. Кейин хонага оҳиста босиб, Штейнглиц билан Дитрих кириб келишди.

Лансдорф ҳалигина Вайснинг ўқишипи маъқуллаган оҳангида, бир текис осуда овоз билан каравоти олдида шамдек қотган офицерларга қараб деди:

— Жаноблар! Ҳозир мен сизларга фельдмаршал Кейтелнинг буйруғини ўқиб бераман. Унда бундай дейилган,— у юпқа папирос қоғозга босилган ҳужжатни ўқий бошладилар:— «Пункт I. Совет ҳарбий асирларига узоқ пайтгача ўчиб кетмайдиган тамға босилиши керак.

Пункт II. Тамға тахминан 45 градусли ўткир бурчак шаклида бўлади. Томонларнинг узунлиги бир сантиметр. Тамға сағрinning чап томонига қўйилади. У қиздирилган инштар билан терининг таранг қисмига ўйилади ва хитой туши билан ҳўлланади».

Шундай қилиб, разведка ва қўпоровчилик мактабларида ўқитишга яроқли материал танланаётган транзит лагерларидаги ҳарбий асирлар тамғаланган бўлади. Бу деган сўз, жаноблар, материални саралаш иши даставвал йиғув лагерларида ўтказилмоғи зарурлигини кўрсатади.— Лансдорф лабларини чалпиллатиб қўйдилар.

Вайс дик этиб туриб, унинг оғзига сигарета тутди-да, гугурт чақди.

— Жаноблар!— деди Лансдорф чийиллаб.— Мана бу ефрейтор айрим офицерлардан кўра дурустроқ тарбия кўрган, деб ҳисоблайман.— Сўнг ўша норози оҳангида давом этди:— Шу йилнинг ўн иккинчи майида берилган ушбу фармоннинг учинчи пунктида асир олинган совет ҳарбий-сиёсий ходимларига қандай муносабатда бўлиш кераклиги тушунтирилган. Унда шундай дейилади:

«Кўшинлардаги сиёсий раҳбарлар асир деб қаралмайди, улар кечи билан транзит лагерларда йўқ қилиниши зарур. Уларни мамлакат ичкарасига олиб кирилмайди».

Дитрих сабрсизлик билан деди:

— Биз бу фармонни олганмиз.

Лансдорф унга истеҳзоли қараш қилди-да, худди эшитмаган киши бўлиб, боягидай бир текис оҳангида давом этди:

— Фармоннинг бу пункти, табиийки, СД,СС, гестапо ва сизнинг хизматингиз ўртасида рақобат туғилишига сабаб бўлади.

Транзит лагерларни бошқарувчи хизмат янги келган ҳарбий асирларнинг бир қисмини қириб ташладик, деб хабар берса, бу йиғув лагерларини бошқарувчи хизматнинг камчилиги деб қаралади. Мамлакат ичкарасидаги лагерларнинг хизмати фронт қошидаги лагерларга нисбатан, процент ҳисобида кўпроқ ҳарбий асирларни йўқ қилса, фронт қошидаги лагерь администрациясини бепарволикда айблашади.

Шунга кўра, ҳар бир хизмат тури лагерь системасининг барча поғоналарида иложи борича кўпроқ асирни йўқ қилишдан манфаатдор. Чунки йўқ қилинганларнинг миқдорини камайтириб кўрсатишга бўлган ҳар қандай уриниш минг тўққиз юз қирқ биринчи йил ўн иккинчи майда чиқарилган фармонни бажармаслик, деб ҳисобланади ва айбдорлар қағтиқ жазоланади.

Лансдорф сигарета кулини Вайс мулозамат билан тутган каттакон денгиз чиғаноғига чертиб туширди-да, офицерларга кинояли қараб қўйдилар.

— Жаноблар, мен сизларни ўтиришга таклиф қилмай турибман, зотан, менинг бундоқ таклифим сизнинг ҳарбийларча матонатингизни шубҳа остига қўйиш билан барабар туюлиши мумкин эди. Аммо ишга келайлик. Юқорида баён этилганларнинг бари сизларнинг вазифангизни ниҳоятда чигаллаштиради. Сиз лагерь материални кўпроқ танлаб олишингиз керак. Махсус ўрганиб чиқилгандан кейингина шулар ичидан маълум бир миқдор кишиларни ёллашингиз, уларни ўқитишингиз, разведка ва қўпоровчилик ишига тайёрлашингиз лозим.— Бир оз сукут қилиб турди-да, сўнг хулоса қилди:— Олдиндан айтиб қўяй: гестапо билан маслаҳатлашиб танлаган материалнинг ичида кейинчалик ишга яроқсиз нусхалар борлиги аниқланса, йўл қўйилган хатода бутунлай гестапони айблаш ярамайди. Адмирал Канарис томонларнинг муносабати кескинлашиб қолишини истамайди, шунинг учун гестапонинг хатосини ўзингиз тузатишингиз ва буни ортиқча расмиятчилик қилиб ўтирмай адо этишингиз керак. Қатли одам йнгдамай ими-жимида ўтказган маъқул. Гап тамом, жаноблар.

Шундай дея чол уларни оғиз очгани қўймай, бош силкиб чиқариб юборди.

Лансдорф эрталаб касал оёғини уқалаб қўйишни илтимос қилди. Вайс чолнинг оёғини боплаб массаж қилиб қўйди. Бу хусусда у катта назарий ва амалий тайёргарлик орттирган эди. Вайс ўз вақтида массажишнинг лекцияларини тинглаган, бундан ташқари, «Динамо» стадионида спортчилар машқ ўтказиб бўлгач, бир-бирларини массаж қилиб қўяр эдилар.

Жонн кириб қолган Лансдорф қадимги Рим лашкарбошилари ҳам жанг арафасида, патрицийлар эса сенатда катта нутқ сўзлаш олдидан массаж қилдирар эдилар, деди.

Вайс чаптаст чавандоз бўлган Темурланг ҳам оёғини уқалатиб турган, деб гап қўйишга журъат этди.

Лансдорф ефрейторга бошдан-сёқ разм солиб чиқди-да, медални қандай хизмати учун олганлигини сўради.

— Афсуски, фақат мардлигим учун!— дея жавоб берди Вайс камсуқумлик билан.

— Мардликдан бошқа нарсанг ҳам борми?

— Каллам бор, генерал жаноблари!

— Мен генерал эмасман,— қуруққина қилиб деди Лансдорф. Сўнг иржайиб туриб қўшимча қилди:— Аммо биз бўлмасак, генераллар кўзи кўр одамаардай жанг қилган бўлардилар. Қани, хўш, бошингда нима бор?

— Сизга фойдам тегса девдим.

— Нима билан?

— Сиз бошқалар ҳақида унинг ўзидан кўра кўпроқ нарсани биласиз, деб ўйлайман...

— Ха, албатта!

— Менимча, майор Штейнглиц билан капитан Дитрих сўзларингизни яхши тушуниб етишмади.

— Гапир, қулоғим сенда,— Лансдорф ҳатто тирсагига суялиб олди.

Вайс нимага таваккал қилганини тушунар, аммо ўзига Лансдорфнинг эътиборини тортишнинг бирдан-бир чораси шу эди.

— Сиз уларга мактабнинг ўзида танланган одамлардан қанча кўпи пучакка чиқса, кейинчалик гестапони эътиборсизликда айблашга шунча кўп асос туғилади, демоқчи бўлдингиз.

— Хўш, кейин-чи?

— Ҳар қалай, яроқсиз материал маълум бир миқдорда мактабга

тушишига эришиш керак, шундай қилиб, уларни аниқланмаса, ксйинчалик бориб бутун масъулият абвернинг бўйнига тушади.

— О, фирибгар-е! Буни қасрда ўргангансан?

— Бошлигим крейслетер Функ Немис-болтиқ халқ уюшмасининг аъзоларнига нисбатан шундай усулни қўллар эди. Уюшмага хоҳлаган одамларнинг ҳаммасини қабул қиларди. Аммо кейинчалик, кўчиш олдидан ишончли бўлмаган одамларнинг каттакоғ рўйхатини тузиб чиқди. Берлин шундан кейин унинг хизматларини юксак даражада тақдирлади ва Ригадаги гестапо агентларининг қониқарсиз ишлагаинини қайд қилиб ўтди.

— Сен буни қаёқдан биласан?

— Функ жаноблари менга жуда ишонар эдилар.

— Сабаб?

— Сабаби шуки, бу тўғрида мен оғиз очган биринчи ва охири одам сизсиз. Функ ёдда сақланиши керак бўлган нарсаларни эслаб юрмаслигимни қадрларди.

— Сен анчайин шуҳратпараст экансан-ку,— маъқуллаб қўйди Лансдорф.

Вайс чин кўпгилдан деди:

— Сизнинг катта одам эканлигингизни билиб, эйтиборингизни қозонмоқчи эдим.

— Бу гапни қачон ўйлаб топдинг?

— Ҳозиргина,— яшириб ўтирмади Вайс.— Сизнинг марҳаматли эканлигингизни сезиб, журъат этдим...— Шивирлади:— Мен бир оз рус тилини биламан. Анкетамда кўрсатганман. Уни Латвияда рус муҳожирини қўлида ишлаганимда ўрганган эдим.— Тушунтирди:— Бу жиллаям совет кишилари гаплашадиган рус тилига ўхшамаса ҳам, лекин ҳаммасини тушунаман.

Лансдорф кўзларини юмиб ётарди. Шу тобда унинг ҳаракатсиз юзлари мумиёни эслатарди.

Вайс зорланиб деди:

— Жаноб майор менга фақат шофер деб қарайди. Лекин менинг бошқа нарсаларга ҳам қодир эканлигимни тушунадиган одам топилса, бошим осмонга етарди.

Лансдорф бақа кўзларини очди.

Вайс тешиб юборгудай бўлиб синовчан тикилган кўзларга бардош берди, ийманиб, ёлворганнамо жилмайиб тураверди.

Лансдорф деди:

— Сен озгина ўқитиб, русларнинг ичига юборилса бўладиганлардан экансан,— Вайснинг медалига кўз қирини ташлаб, истеҳзоли қўшиб қўйди:— Сен ботир йигитсан-ку, ахир.

Вайс музлаб кетди, иш барбод бўлди деб ўйлаганидан, ҳатто оёқларининг панжаларигача увушиб қолди. Таваккал қилиб, бутунлай бошқа мақсад билан бошлаган гапи мана нимага олиб келди. Демак, Вайс ўринда кайф қилиб ётган бу чолнинг қандай одамлигини билолмай қолибди, уни бошқача деб ўйлаб янглишибди. Унга тақалиб нима қиларди. У Коганинг ингилган ўша маълумотлар кониға Штейнглицга қараганда ҳам яқинроқ туради. Шундай бўлгач, тақалмай нима қилсин эди? Лансдорф уни чиндан ҳам руслар ичида ишлашга лойиқ деб билдими, ё фақат синамоқчимми? Буни қандай билса бўларкан?

Ўйлаб ўтирадиган пайт эмасди. Вайс беихтиёр, тўғрироғи, гайри шуурий тарзда мамнун бўлган одамдай деди:

— Ташаккур, Лансдорф жаноблари. Сиз ўз қарорингиздан ачинмасиз деб умид қиламан.

— Нега энди ачинарканман?—кўзларини қисиб сўради Лансдорф.

— Гап шундаки,— деди Вайс,— менинг ташқи кўринишимдан Ригадаги ҳар бир латиш немислигимни билиб оларди, русларни-ку гапириб ўтирмаса ҳам бўлади.— Шошилиб қўшиб қўйди.— Аммо бунинг аҳамияти йўқ. Мен ҳақиқий немис сифатида фюрер учун ҳаётимни қурбон қилишга тайёрман, менга ишонинг, агар ҳалок бўлишга тўғри келса, мен ўзимни чин немислигимни намойиш қилиб кўз юмаман.

Лансдорф Вайсга синчков назар билан узоқ тикилди. Кейин ачингандай деди:

— Гапинг тўғри. Сен қўйма немиссан. Партиянинг ирқий бўлимида сени орийнинг жонли намунаси сифатида намойиш қилса арзийди. Аммо мен сен ҳақингда ўйлаб кўраман,— деди Лансдорф ва қўли билан Вайсга энди кетавер дегандай ишора қилди.

Мана шу гап бўлиб ўтмасдан олди Иоганн ўзига қулайликлар туғдириши мумкин бўлган янги шароитда қандай йўл тутиши кераклигини ҳақида узоқ ўйлаган эди. Аммо бу шароитнинг тагида яна ташқи оламдан ажралиб қолиш хавфи ётарди. У, олдинги сафаргидай, рус оқ муҳожирларини совет тупроғига ташлаш учун тайёрлайдиган абвернинг махфий объектига тушиб қолиб, қамалчиб ўтиришни хоҳламасди.

Абвер хизмати кенг тармоқ ёзган жосуслик-қўпоровчилик мактабларини тизлишга киришганлиги равшан эди.

Бу гутирчиларнинг яшин тезлигидаги ҳужуми барбод бўлганида, совет мамлақати аҳолисининг айрим қисми бизни қўллаб-қувватлайди деб қилган хаёллари пучга чиққанидан дарак берарди. Улар совет ерларида ўзлари кутганларича бешинчи колоннага эмас, партизан қўшилмаларининг қудратли зарбаларига дуч келдилар.

Мана шунда улар махфий урушнинг ҳамма воситаларини ишга солишга қарор қилдилар. Совет тупроғида кенг суратда қўпоровчилик ишлари олиб бормоқчи, оммавий террор уюштироқчи бўлдилар. Бу ҳарбий операциялар ўтказишнинг тактикаси эмас, стратегиясига айланиб бормоқда эди. Шу вазифани бажариш учун немис бош штаби ва Учинчи империянинг барча махфий хизматлари бирлашди.

Лансдорфнинг кўзга кўринган СД ходими бўлиб чиққани бежиз эмасди. Вайс буни аниқлагач, абвер ва гестапо ўртасидаги рақобатдан фойдаланишга қарор қилди. Шундай қилиш керакки, унинг абвер учун куйнб-пишаётганига, бу йўлда ҳар қандай пасткашликдан тоймаслигига ишонишин. Зотан, пихини ёрғай Лансдорф ўлиб-тирилиб мансабга интилишдан бошқа нарсага, оғиз кўпиртириб ватанпарварлик қилишга ишонмаслиги турган гап эди. Таваккал қилиш фикри Иоганннинг миясига дарҳол келгани йўқ, фақат Лансдорфнинг блокноти билан танишиб чиққандан, тўғрироқ, унда дона-дона қилиб, эскича бир хат услуби билан ёзиб қўйилган мулоҳазага кўзи тушгандан кейингина таваккал қилишга журъат этди. Лансдорф бундай деб ёзганди: «Совет ҳарбий асирлари лагерларда туриб ҳам ўз сиёсий тузумларига хос бўлган одатларни сақлайдилар, одамларга раҳбарлик қилувчи яширин коммунистик ташкилотлар тузидилар.

Мана шундай «раҳбар» шахсларни аниқлаш учун маҳбуслар ичида гестапонинг ўз айғоқчилари бор — булар жосусликка, қўпоровчиликка яроқли, синовдан ўтган энг қимматли материалдир.

Бироқ гестапо бундайлардан ёлғиз ўзи фойдаланиш мақсаднда, уларни турли йўллар билан яширади, ишончли бўлмаган кишилар қаторига қўшади ва ҳатто йўқ қилиб юборилиши керак бўлганлар рўйхатига тиркайди, шу билан уларни ниқоблайди.

Бундай одамларни ҳамма лагерларда ҳам дадиллик билан аниқлаш, гестапонинг қаршилигига қарамай мактабларга олиш керак».

Лансдорф бу фикрларини курсант танлаш учун ҳарбий асирлар ла-

герларига жўнатиладиган абвер ходимларига йўл йўриқ кўрсатиш ниятида блокнотга ёзиб қўйган бўлса керак.

Вайс ундан ўзига керакли хулосалар чиқариб олган ва Лансдорф билан гаплашиб кўришга жазм қилган эди, шу сабаб бўлиб зора «материал» танлашда қатнашиш имкониятига эга бўлсам, деб ўйлаганди. Жондан кечмай иш битмас деганларидай, Иоганн бу ишга таваккал қилганида, жуда катта нарсаини кўзлаган эди. Гестапо айдоқчиларининг инқобини йиртиб ташлаш учун таваккал қилса арзимадими? Арзийди. Шунинг учун ҳам у Лансдорфнинг ўтакетган бадгумон ва зийрак одамлигидан чўчиб ўтирмай, шу ишга қасд қилди.

Аммо Вайснинг бутун хатти-ҳаракатлари табиий эди. Ахир немис йигитнинг сурбетлик билан ўзини кўрсатиб қолишга ошкора уринаётганлигининг ажабланишли жойи борми? У қандоқ кўрқиб кетди-я? Бунинг нимаси қизиқ? У зўжасининг нинжига кириб олган олғир шофер йигитга тўсидан ҳалигиндай дейилса, эсхонаси чиқиб кетмасинми, ахир? Кўрқинишга кўрқди, лекин Иоганн душман ичида бўлиш ўрнига ўзини мизаниларнинг орқа томонига парашютда ташланиш эҳтимоли туғилганидан кўрқиб кетди. Аммо бу бошқа масала. Лансдорф эса унинг ранги ўчиб кетганлигини оддий кўрқоқлик деб тушунди.

Вайс юқори лавозимли бошлиқларнинг махфий ишига аралашгани билан ҳам шубҳа орттириши мумкин эди. Аммо бунинг ҳам ажабланишли жойи борми? У сурбет-ку? Шубҳасиз. У буни яшириб ўтиргани ҳам йўқ. Камсуқум бўлганда, шоферлигига шукур қилиб юраверарди.

Нега Лансдорфга рус тилини биламан деди? Дарвоқе, у буни ҳеч яширганмиди? Анкетасида ҳаммаси ёзилган, юзларча саволга жавоб берган-ку. Майор Штейнглицни унинг билимлари қизиқтирмасди. Иоганн унга хиралик қилиб ўтирмади ҳам. Лекин ўз билимдонлигини кўрсатиб қўядиган вақт келиб етди. Хатарлими? Ҳа, хатарли. Аммо унга рус тилини ўргатган одам ҳозир немислар билан урушаётганлар қабилидан эмасди. У рус революциясидан қочган сатанг рассомлардан эди. Буларнинг бари анкетада қайд қилинган.

Иоганни ҳозир бошқа нарса ҳаяжонга солмоқда эди. Фашист концентрация лагерларига ташланган совет кишиларини кўрганда, у ўзини немисдек тута олармикин? У бу ерда ҳам ўз гурурини, номус-орини, Ватанга садоқатини йўқотмаганларнинг кўзига қандай қилиб қарайди? Унга кўн нарсаларни ўргатишди. У ҳам ёмон шогирд чиқмади чоғи. Фашистлар ўртасида немис бўлиш қийин, бу одамдан йўқни йўндиришни талаб қилади. Шунга қарамай, у немис бўлолди, фашистлар уни ҳам ўзларига ўхшаган фашист деб биладилар. Аммо совет кишилари ичига тушганда ўзини фашист қилиб кўрсатиш учун қаердан куч олсин? Ўзини қандай тутсин? Унга буни ўргатишмаган, шундоқ вазиятга тушасан деб айтишмаган. У зўжаримни ўзим тирнайман деб сира хаёлига келтирганмиди? Яна буйруқ билан эмас, ўз ихтиёри билан шундай қилди. Чунки ҳозир бу — мақсадга жавоб берадиган, қилиниши зарур бўлган бирдан-бир иш.

Бошқача қилолмасди ҳам. Инсон зоти ҳамма нарсадан ҳам хавфли саналган жойда бўлиш — унга фарз, ҳам қарз. У ўзининг инсонлигини беркитиши, одам эканлигини, совет кишиси эканлигини унутиши лозим. У ҳар бир одамга хос табиий инсонийлик туйғуларидан қанча йнроқ бўлса, совет ҳарбий асирлари олдида ҳам шунча табиийроқ кўрилади. Токи улар Иоганни фақат фашист деб билсинлар, унга қаттол ёв деб қарасинлар. Бутун ҳаракат аввал одамни одамийликдан маҳрум қилиб, сўнг жисмоний жиҳатдан йўқотишга қаратилган ўша жойларда ҳам ўзларининг чин инсон эканликларини кўрсатган киши-

лар кўз ўнгида фашист сифатида намоён бўлишдан оғирроқ қийноқ бормикин!

Буларнинг бари даҳшатли эди, шунданмикин, орадан бир неча кун ўтиб, фон Дитрих Вайсга, ҳа айтмоқчи, сизни хизмат юзасидан кўтаришди, энди иккинчи «Ц» бўлимида таржимон бўлиб ишлайсиз, аммо ҳозирча бошқа шофер бўлмаганидан, узоқ сафарга тайёрланишигиз керак, деганида Вайс унга хурсанд ҳам бўлмади. Шундай, Иоганн Лансдорфнинг кўнглини овлолганидан, таваккал қилиб ютиб чиққанидан қувонмади. Бу галабаси мағлубиятга айланиб кетмасмикин? У ўзига ҳаддан ташқари юқори баҳо бериб юбормадмикин, ўзини-ўзи гирифторман қилган даҳшатли қийноққа чидаш учун темир иродали бўлиш қўлидан келармикин?..

Бу гаплар Иоганннинг дилидан кечди, ефрейтор Вайс эса Дитрихга жавобан таъзим қилди ва бахтиёрлигидан боши осмонга етиб, тили гапга қовушмай қолганидан хизматингизга тайёрман, дегандай гўлдираб қўя қолди.

Шу тобда унинг жуда ҳам ёлғиз қолгиси келди, аммо Вайс ўзига-ўзи ҳозир Лансдорф олдига кириб, оғзим қулоғимга етган ҳолда қуллук қилиб чиқишим керак деб айтди.

Лансдорф уни совуққина қабул қилди. Ефрейторнинг ўзида йўқ билдирган миннатдорчилигини индамай туриб эшитди-да, чиқиб кетавер дегандай ишора қилди. Бироқ Вайс эшикка етай деганда, тўсиндан маънодор қилиб деди:

— Тилинг бир оз узунроқ экан. Қаллангдан ажраб қолмагин, тагин.

— Лансдорф жаноблари,— ишонч билан жавоб берди Вайс,— агар шахсан ўзингизни ҳамма гаплардан хабардор қилиб турмасамгина, калламдан ажрашим мумкин, деб ҳисоблайман.

— Мен ҳам худди шундай демоқчийдим...

25

Идорада обер-шрайбер Иоганнга уч-тўрт оғиз сўз ёзилган очиқ хат топширди. Вайснинг Смоленскда истиқомат қилиб турган оғайниси, зондеркоманда унтер-офицери Фогель рождество байрамини ўтказгани Вайсини Москвага таклиф қилибди.

Иоганн бу хабардан обер-шрайберни ҳам воқиф қилар экан, руслар шаҳарларини топширишга жуда эринчоқлик қилишяпти-да, уларни шошириб қўймаса бўлмайди шекилли, деб ҳазиллашди. Бу билан русларнинг эринчоқлигини масхаралаб кулгани обер-шрайберга баҳона топиб берди-да, гаражга кириб кетди. Гаражда у ўша Москвадан олиб келган махсус химнёвий модда шимдирилган дастрўмолини ҳўллаб, хатга сурди-да, қилдай нигичка перо билан зич ва майда қилиб ёзилган қизғиш-жигар ранг ҳарфларни расшифровка қилиб ўқиди: «Варшава, Навий свет, 40. «Коломбина» варьетеси¹ Никол, Квартиранигиз номери. Отангизнинг ёши...»

Иоганн ҳозир бутунлай Дитрихнинг измида эканлиги ва шаҳарга бориб келиш учун унинг розилиги кифоя қилишга ақли етиб турган бўлса-да, Штейнглицдан ҳам рухсат сўрашни лозим топди. Натижада Штейнглицнинг унга нисбатан ихлоси янада ошди. Кейин бу билан қаноатланмай Лансдорфнинг ҳузурига кирди-да, Варшавага кетяпман, мабодо, бирон топширигингиз йўқми, деб сўради. Бу билан у бошқа би-

¹ В а р ь е т е — Саҳна санъати турларидан жамланган енгил жанрдаги театр. (тарж.)

ровни эмас, фақат Лансдорфнигина ўзининг асосий хўжайини деб би-
лишини намойиш қилмоқчи эди.

Лансдорф ванна учун игнабарг таблеткаси ва енгил сурги дори олиб
келишни, ундан ташқари, китоб магазинларидан ўтган асрнинг тўқ-
сонинчи йилларига қадар нашр этилган китобларни ахтариб кўришни
тайинлади:

— Фақат ёшлигимга тааллуқли нарсаларнигина ёқтираман.— У кўз
қорачиғини рангсиз қовоқлари остига яширар экан, қўшиб қўйди:—
Ажойиб давр эди-да.

Дитрих Маршалковский кўчасидаги «Ян Гаевски» кондитер магази-
нидан бирожний, Штейнглиц эса қондан қилинган колбаса олиб келиш-
ни сўрашди. Майор пул бергани йўғу лекин дўстона қилиб, Варшавадан
қайтганидан кейин санитар бўлимига кириб профилактика қилиб
чиққин, деб маслаҳат берди.

Евфрейтор унвони билан медаль туфайли Иоганн қаршисида янги-
янги имкониятлар пайдо бўла бошлади.

У йўл устида учраган биринчи юк машинасини тўхтатиб, кабинада
ўтирган солдатни кузовга чиқариб юборди-да, шоферга бир пачка сига-
рета бериб, машинани тўғри Варшавага «пайғамбарни кўриб жуфтақ-
ни ростлаган шайтон» тезлигида ҳайдашни буюрди.

Иоганнинг кайфи жуда чоғ эди. Шу аснода у иши ўнгидан келгани
учун ўзида йўқ хурсанд, чапанлиги тутиб, худди имтиҳонлардан қутул-
гандан кейин сарфланган меҳнатлари эвазига бир тўйиб ҳордиқ чиқар-
гиси келган студентга ўхшаб кетарди. Шунинг учун ҳам у ўзини «эркин»
ҳис қилиб, шофер билан у ёқ-бу ёқдан гаплашиб кетмоқчи бўлди.

У ўзини шу қадар пишган, дадил ҳис қиларди-ки, ҳатто ўзига нисба-
тан ҳеч қандай нафрат ҳисси ҳам сезмасди, русларни ҳақоратлар, оғ-
зидан боди кириб, шоди чиқарди.

У букчайган, пешанасини чуқур ажиб босган кекса шофердан шил-
қимлик билан сўради:

— Қалай, яқинда Москвани оламузу, шу билан уруш ҳам тамомми?
Шофер ҳорғин кўзларини йўлдан узмай, тундлик билан жавоб
берди:

— Сен руслар билан уруш тугаб қолди деб юрибсан, улар бўлса
бизлар билан энди уруш бошляпмиз, деган хаёлда.

— Хўш, сенинг ўзинг-чи, ўзинг қандай деб ўйлайсан?

— Хайль Гитлер,— деди шофер ўнг қўлини рулдан узмай, кўрсат-
кич бармоғинигина кўтариб.

Иоганн унинг талаффузидан жанублик эканини фаҳмлади.

Шофер ҳам унинг бу тахминини қувватлади.

— Бир кил немислар фақат пиво ичишади, баъзилари—фақат шнапс,
лекин учинчи хили ҳам йўқ эмас, улар винони хуш кўришади,— кейин
Вайсга кўз қирини ташлаб:— Ҳа, мен Саарданману, сенинг эса Пруссия-
дан эканлигинг шундоқ кўриниб турибди,— деди.

— Ҳа, мен Пруссияданман,— унинг гапини қувватлади Иоганн. Би-
ласанми, бир мўътабар китобда Пруссия тўғрисида ажойиб гап бор.
«Пруссия армияга раҳбарлик қиладиган давлат эмас, тўғрироғи, мил-
латга бошчилик қиладиган армиядир», деб ёзилган.

Шофер гумонсераб:

— Пруссияликлар ичида сендақа билимдонлар йўқ эди шекилли,—
деди.

— Нега деганда, мен Геббельснинг жияниман-да.

— Рост айтасан,— розилик билдирди шофер.— Оёғингни майиб қи-
либ олсанг борми, худди ўзи бўласан қўясан-да.

— Умидим йўқ эмас.

— Руслар ёрдам қилворпшади.
 — Улгуришолмайди, уларнинг ажали етай деб турибди.
 — Бу нима деганинг. амакингга ўхшаб дафи қўмондасиданмисан, дейман? Унга қолса, русларни аллақачон кўмиб қўйгану.
 Вайс шофернинг нимага шама қилаётганини тушунмагандай ўзини гўлликка солиб сўради:
 — Кўринишдан кекса солдатга ўхшайсан. Биринчи жаҳон урушида ҳам қатнашганмисан?
 — Ҳа, Уролгача борганман.
 — Ростдан-а,— таажжубланди Иоганн.— Ундай бўлса, қаҳрамон экансан-ку.
 — Ҳеч вақт ўрмон кесувчи бўлиб ишлаганмисан?— сўради шофер.
 — Йўқ.
 — Ҳеч қнси йўқ, руслар ўргатиб қўйишади. Улар бизни Уролда дарахт кесишга ўргатишган. Биринчи жаҳон урушида ҳаммасини кесиб улгурмай, иккинчисига ҳам қолдиришибди. У томонда ўрмон сероб, ҳаммага етади.
 — Негадир жуда бемаъни ҳазил қиялпсан,— деди Иоганн дўқ уриб.
 — Ҳа, ҳақнқатан ҳам миям суюлиб қолган,— деди шофер бўғиқ овоз билан.— Куни кеча сўнгги қаҳрамоним — кенжатоёнимнинг ўлими мўносабати билан табрик хати олдим, эс-ҳушимни йўқотдим қўйдим. Учта ўғлим бор эди. Бир отага учта табрик хати кўплик қиларкан.
 — Ол, чек,— деди Иоганн унга сигарета пачкасини узатиб.
 Шофер сигаретани оларкан, ғамгин деди:
 — Чекишга чекапман-а. Лекин нафи тегмаяпти.
 Иоганн маслаҳат берди:
 — Фронтга жўнатилларини сўра, ўғилларинг учун қасос оласан.
 — Қимдан?
 — Руслардан.
 — Ўғилларимни шахта босиб қолган,— деди шофер.— Тушундингми: шахта! Бу шахталар рейхсмаршал Герингнинг хусусий мулки. Ҳарбий ҳолат вақти бўлгани учун тиргович ходаларни тежаш тўғрисида буйруқ берилган экан. Мана энди ўғилларимнинг суяклари тиргович бўлиб турибди.
 — Ғалаба қурбонсиз бўлмайди-да!
 — Геринг жанобларига қурбон бериш керак бўладими? Болаларимни-я?
 — Коммунистларга ўхшаб фикр юритяпсан!
 — Шундоқми?— Шофер энгашиб Иоганн томондаги эшикнинг нимасинидир тўғрилаб қўйди. Сўнг рулга ёпишиб машинанинг юриш тезлигини оширди-да, Вайсга қарамай:— Кел, яна бир чекишайлик,— деди.
 Иоганн сигарета олмоқчи бўлиб чўнтагига қўл солди. Шу пайт шофер уни елкаси билан қаттиқ туртиб, кабинадан ташқарига улоқтириб юборди. Эшик қарсиллаб ёпилди-ю, машина тош кўчада физиллаганча узоқлашиб кетди.
 Иоганни худо бир асради: у йўл ёқасига ўрнатилган устунча ёнидаги ариқча қулаб тушди. Агар сал нари ё бери йиқилса борми, устунга урилиб, абжағи чиқиб кетиши ҳам ҳеч гап эмас эди.
 Иоганнинг аъзойи бадани зирқираб оғриётгани, ярим йўлда шу аҳволда қолиб кетганига қарамай кайфияти бузилмади. Аксинча, бу аҳвол унга жуда наша қилди. Шу шоферга ўхшаш немисни бу ерларда биринчи марта учратиши эди. Баракалла, азамат! Қани энди шунақа немислардан кўпроқ бўлса!

Иоганн усти бошни қоқиб, ўзини ўнглаб олди. Кийими ҳам тупроққа беланди, бунинг устига қўли ҳам шилинибди. Бефойда тил «югуруги» бошга бало, деб шуни айтадилар-да. Айтганча, нега бефойда бўлсин? Йўқ, бу суҳбатдан анча-мунча фойда чиқди, ҳа, анча-мунча...

Бўлиб ўтган ҳодиса унга қанчалик сабоқ бўлмасин, барибир, кейинги учраган машинанинг шофери билан ҳам — буниси бензин ташийдиган машина эди — қуюқ суҳбатлашиб кетди. Бу шофер авваллари Зальцбургда тунги таксида ишлаган ёш йигит экан.

Бу саёқ йигит қозоғга никотин шимдирилган эрзац сигарани торта-торта, Вайсга Варшавада ҳам Франциядагидек кайф-сафо қилиш мумкинлигини гапириб берди. Фақат мулла жиринг бўлса бас эмиш. Ҳар қайси рейсдан у ўн литр биринчи сорт америка ёки инглиз бензинини орттириб қоларкан. Бозор баҳосида бу бензин бир литр қўлбола ароқ деган гап, ваҳолонки, яримта билан хоҳлаган таниш қизнинг эшигини тепса бўлармиш.

— Америка бензини эканига ким ишона қоларди,— деб кулди Вайс.

Шофернинг жаҳли чиқиб тушунтира бошлади:

— Колоннамиз авиацияга хизмат қилади. Демак, бензин сақлагичлар «Стандарт ойл оф Нью-Жерси» ёки «Роял дейтч-шелл» фирмалариники бўлади. Улар ҳатто яқин кунларгача ҳар бир миллион литр бензин сарфланди дегунча мукофот тариқасида зажигалкалар, электр фонарлари, қўл соатлари, портфеллар юбориб туришарди. Турган гап, бу мукофотлар шоферларга тегмасди. Ҳаммаси бошлиқларники эди, албатта.

— Қамситишаркан-да?

— Табиат қонуни бу.

Вайс ўсмоқчилаб деди:

— Мен ҳам шоферман. Енгил машинада бензин тежаш амри-маҳол-ку.

— Мия ишлатиш керак, оғайни,— шофер олдиндаги ойна тепасига қистириб қўйилган харитани олиб, Вайсга узатди.

Иоганн уни тиззасига ёйди.

Шофер яна тушунтира бошлади:

— Ҳалқачалар — базалар. Йўлнинг қандай кетганини кўряпсанми? Мен бўлсам қишлоқ йўли билан кесиб чиқаман, бу деган гап ҳалиги айтган ўн литрим устига яна беш литр нақдгина қолиб турибди-да.

Вайс анча вақтгача харитага тикилиб, кўрганларини хотирига жойлай бошлади. Харитани эгасига қайтиб бергандан кейин ҳам яна бир неча минутгача харитада кўрганларини кўз ўнгида тутиб турди. У машинанинг ойнасига тикилиб борар, ўша ҳалқачалар худди кўринмас бўёқлар билан шу ойнага чпзиб қўйилгандай туюларди. Бутун фикри ёди харитада бўлгани учун Иоганн ойнага урилаётган ёмғир томчиларини ҳам, қорамтир қўралар, қоп-қора хазон билан қопланган тангасимон ҳавзаларни ҳам, афти ангорлари бўзарган кул ранг кийимли солдатлар ўтирган кул ранг юк машиналарини ҳам кўрмас, ҳавонинг авзойи бузуқлиги, йўлнинг ёмонлиги, шаррос қуйиб турган ёмғирни ҳам пайқамасди. У фақат харитани кўрарди, холос. Харитада кўрсатилган ҳалқачалар ва квадрат чизиқларни хотирига аниқ ўрнаштириб олганидан кейингина Вайс ўзига келди-ю, шу заҳотиёқ шофернинг охири луқмасини илиб олиб, таклиф қилди:

— Еғ топиб бериш қўлимдан келади. Қўлимдан келадиган ишни аямайман. Гаражда беш банкача бордек эди...

— Тентак,— деб кулиб юборди шофер.— Уларга мол ёғи керак!

Вайс Маршалковский кўчасига чиқди.

Нэп даврини Александр Белов фақат китоб ва кинофильмлардангина биларди. Шунинг учун ҳам, Варшавани немислар босиб олган пайтдаги Маршалковский кўчасини нэп давридаги савдогарлар маконига ўхшатиши воқеликка, эҳтимол, тўғри ҳам келмасди. Лекин унинг юзидаги жирғаниш ифодаси, майда-чуйдалар билан олди-сотти қиладиган савдогарларга гердаиб боқиши герман босқинчиларининг хулқ-атворида жуда монанд эди.

Вайс хоҳ поляк, хоҳ немис ҳарбий магазинларига кирар экан, кеккайишни қўймас, оstonадан ичкарига қадам қўйди дегунча, баланд овоз билан:

— Герр штурмбанфюрер айнан, сизнинг дўконингиздан харид қилишни буюрганлар...— дерди.

Бу гап, албатта, ижобий таъсир кўрсатарди.

Қарбий аптекадан Иоганн Лансдорфга сурги дори олаётган пайтда капитан унвонидаги навбатчи врач кириб, герр штурмбанфюрер кўпдан бери бетобмилар, деб сўради.

Иоганн капитаннинг сўзини чўрт кесиб деди:

— Жаноб штурмбанфюрернинг бетоб бўлишлари мумкин эмас.

Бу гап шу қадар ишонч билан айтилган эдики, ҳатто капитаннинг қўли беихтиёр кўтарилиб, сал бўлмаса нацистларча честь бериб юборай деди.

Барибир, Вайс «Коломбина» варъетесига томоша бошлангунча етиб боролмади. Комендант соати жорий қилингани учун спектакллар соат бешдан бошланарди. Қўлидаги нарсалар билан варъетегга бориш, айнакча, алоқачи билан учрашиш, ҳар қалай, анча ноқулай эди.

Шунинг учун ҳам Иоганн «Гранд-отель»га кирди-да, навбатда турган полиция офицерига ўзини полковник Штейнглицнинг адъютанти деб танитиб, агар полковник Штейнглиц ваъдасига кўра бир хоним билан келса, мана шу пакетни у кишига топшириб қўйсани, дея илтимос қилди. Борди-ю, полковник «Палас» меҳмонхонасини маъқул кўриб қолгудек бўлса, у ҳолда, бу нарсаларни ўзи келиб олиб кетишини айтди.

Баръетедан намойиш қилинаётган номерлар Иоганн Вайсга унча маъқул бўлмади. Дарвоқе, у илгарин бундай томошаларни кўрмаган бўлса ҳам, бундан ортигини кутмаган ҳам эди.

Саҳнада сийқаси чиққан калта зарбоф. иштон кийган, ёшлари ўтиб қолганига қарамай, обдан пардоз қилишган ўнта ориқ аёл куй мақомига яраша оёқ ўйинига туша бошлашди. Улар бу қадар тезкор ҳаракат туфайли халлослаб қолаётганларини яшириш мақсадида ўлганларининг кунидан жилмайишарди. Буни кўриб Иоганнинг раҳми келди. Кейин плавка кийиб, баданларига бошдан-оёқ қуюқ жез рангли мой суртган икки киши чиқишди-да, қадимий ҳайкаллар тусини олиб, томоша кўрсата бошлашди.

Қовурғаларининг саналиб туриши ва ўмров суякларининг туртиб чиққани бу артистларнинг карточка билан на гўшт ва на ёғ олмасликларидан далолат бериб турарди. Улардан кейин саҳнага Чарли-Чаплин қиёфасидаги масхарабоз югуриб чиққан эди, томошабинлар «жуҳуд» дея хитоб қилишганича унга қараб олма пўчоқлари, папирос қолдиқларини ота бошлашди. Масхарабоз ҳеч қандай ҳунар кўрсатгани йўқ, у ҳатто отилаётган нарсалардан ўзини олиб қочмасди ҳам.

Маълум бўлишича, бу номер атайлаб шунгагина мўлжалланган экан. Томошабинлар қўлларига тушган нарсани отишар, масхарабоз бўлса қаршилик кўрсатмай фақат қўли билан афтини яшириб турарди, холос.

Вайс бир нарсани пайқаб қолди. Ҳалиги масхарабоз бир зумгина Чарли қиёфасидан чиқиб бошқача тус оларди — ўша мўйлов, қош устига тушиб турган тим-қора соч, кампирларникига ўхшаб туртиб чиққан даҳан бир лаҳзагина бир одамга шундай ҳам ўхшаб кетардики, Вайс бу қўрқмас одамнинг тақдирини ўйлаб, хавотирланиб қолди. Лекин орадан бир зум ҳам ўтмай яна каттакон, тумшуқлари қайрилган ялпоқ ботинкали Чарли намён бўларди.

«Икки Николь икки — саҳна акробатлари» номери эълон қилинганда Вайс беихтиёр қимирлаб, олдинга силжиб қўйди.

Зални тутун босган, ҳамма ёқ тиқилинч, гала-говур авжида эди. Ҳарбийлар пиво ичишар, мойли шалдироқ қоғозларга егулик ўраб келиб, қоғозларни шундайгина ўриндиқларга уйиб қўйишарди. Агар олдинги қаторда граждандар кийимидаги киши ўтирган бўлса, оёқларини ўша одам ўтирган ўриндиқ суянчиғига қўйиб олишарди.

Ҳарбий полиция амалдорлари орқа қаторларда гоҳ-гоҳ қўл фонарларини ёқиб, саёқ аёллар билан ҳаддан ортиқ ҳаракат қилаётган солдатларни залдан чиқариб юборардилар.

Вайс, қадди-қомати келишган, сирма қора трико кийган, акробат қиёфасидаги Зубовни дарров таниб олди. Текис сочлари орқага таралган, қошлари ингичка қилиб қирилган, лаблари билинар-билинемас бўялган акробат Николь ўз ҳунарини иштиёқ билан намойиш қиларди. Унинг ҳамроҳи эса (Иоганн ҳали у ҳақда ўйламагани учун қизнинг афти ангорига разм солмаган эди) Зубовнинг қўлида қора илондек тўлганиб, гоҳ унга чирмашар, гоҳо учаётган қуш тусига кириб қотиб турарди.

Уларни узоқ олқишлашди.

Олқишларга таъзим қилгани чиқишганда Зубов қизни қўлида ҳўтариб, юқорига ирғитган эди, у ҳавода умбалоқ ошиб, тўсатдан фашист белгиси ифодаланган қанот сифат алвонни ёйиб юборди. Залдагилар қойил қолишганидан уларни гулдуроч қарсақлар билан роса олқишлашди.

Бир кути глюкозали конфет кўтарган Вайс артистлар хонасига ўтиб, қия қоқиб қўйилган қоғозга «Икки Николь икки» деб ёзилган эшикни очди. У ойнадан кўриниб турган обдан пардозланган аёлга таъзим қилиб:

— Хоним, мен сизнинг санъатингизга жуда қойил қолдим, — деди-да, кейин қўлидаги конфет қутисини ойна курсисига қўйиб, жилмайганча Зубов томонга ўтирилди.

Бироқ у пинагини ҳам бузмай, бепарволик билан деди.

— Жаноб ефрейтор, мўътабар ота-онангиз бировнинг эшигини тақиллатмай кириш — одобсизлик эканини айтишган бўлса керак, албатта.

— Айб қилдим, кечирасиз, — деди Вайс ва гапнинг ўнг келиб қолганидан фойдаланиб, паролга мувофиқ қўшиб қўйди: — Қайтадан ўн олти марта тақиллатишга тайёрман.

У жавоб кутар, Зубов бўлса ҳамон индамасди.

Ниҳоят, орадан бир оз вақт ўтгач у сўради:

— Айтганча, сиз кимнинг ҳузурига келдингиз ўзи, жаноб ефрейтор?

— Мен уни Полонский барига кўзатиб қўяман, — деди Зубов қизга.

— Улар иккита — икки Николь икки, — дея эслатди Зубов қатъий оҳангда.

— Э-ҳа. шундай денг, мен ўзимни уларнинг бошлиғига танитмоқчи эдим, — деди Вайс, асабийлашиб. У Зубовнинг нима сабабдан бу қадар ўжарлик қилиб паролга жавоб бермаётганини тушунолмасди.

— Бош Николь — ана, — деди Зубов, юзларидаги гримни артаётган қизга кўзи билан имо қилиб.

Вайс аслнинг ёнига бориб қайта таъзим қилди. Унинг синчқов қўй кўзлари Иоганнинг хўмрайган кўзлари билан тўқнашди.

— Олтмишинчи жойда ўтирган ҳали сизмндингиз, жаноб ефрейтор? Менга айтадиган бирон гапингиз бормиди?

— Ҳа, шундай,— тасдиқлади Вайс.

— Шу ердами?

— Агар ҳамроҳингиз эътироз билдирмаса, сизни бирор жойга таклиф қилмоқчи эдим.

— Мен уни Полонский барига кузатиб қўяман,— деди Зубов қизга.

Улар чоғроққина пивохонага кириб, пештахтаси олдига бориб, туришди-да, индамай сув қўшнлган пиводан ича бошлашди.

Зубов пивохона хўжайинига пичинг қилиб деди:

— Пан Полонский дейман, кеча водопровод ншламагани учун пиво ҳам анча таъмли эдими, а?

— Бугун ҳам водопровод ишламаяпти,— дея жавоб қилди пивохона хўжайини.

— Бўлмаса, шунча сув қаердан келиб қолди?

— Бу, менинг кўз ёшларим, пан,— деди пивохона хўжайини,— савдонинг ўлаётгани учун тўккан кўз ёшларим.

Қўлида ихчам чамадонча кўтариб, сочларини рўмол билан танғиган ҳалиги қиз кириб келди. У эгнига сариқ молут жакет кийганди. Вазелин сурилгани учун юзлари ҳали ялтираб турарди. У Вайсни қўлтиқлаб олди-да, чамадончасини Зубовга узатиб:

— Кетдик!— дея буюрди.

Улар бузилган иморат гиштлари уйилиб ётган, қоронғи, тор кўчага бурилишди.

Қиз Иоганнинг пинжига суқилганича қатъий оҳангда дона-дона қилиб сўзларди:

— Мен сизнинг алоқачингизман. Унинг эса,— олдинроқда кетаётган Зубовга ишора қилди қиз,— ўзнинг алоҳида вазифаси бор.— Бир оз тургач, деди:— Менимча, ҳозир сиз билан бизга маъқул «бошпана...» айтишлик... сиз менга севги изҳор қилган бўласиз.— Кейин сўради:— Ё сизнинг бошқача режангиз борми?

— Пўқ,— ростини айтиб қўя қолди Вайс.

— Мен билан танишганингизни эртагаёқ бошлиқларингизга билдириб қўйинг. Меникида ётиб қолганингизни ҳам айтинг. Шундай қилсак, ҳар қалай ишонарлироқ бўлар.

— Нима ишонарлироқ бўлади?— дея сўради Вайс.

— Содда экансиз-ку,— деди қиз жаҳл билан,— артистка бўлгандан кейин ноз-карашма қилиб ўтирармиди. Тўғрими?

— Иўғ-е, сиз янглишяпсиз,— эътироз билдирди Иоганн.— Улар мени жуда одобли йигит деб билишади.

— Умуман, ҳеч нарсани ортиқча бўрттириб юбормаслик керак, шу жумладай, одоблиликни ҳам,— насиҳатомуз деди қиз.— Айниқса, сиз шундай қилмаслигингиз лозим, ефрейтор.

— Хўп, яхши,— розилик билдирди Вайс.

— Нимаси яхши экан,— унинг пинжига қаттиқроқ суқилиб деди қиз.— эсингизда тутинг. Мен Эльза Вольф бўламан. Фольксдейч. Онам — поляк. Отам — немис, албатта офицер. Ҳалок бўлган. Мен ошиқ-маъшўқлар фарзандиман. Агар ҳамкасбим тўғрисида сўраб қолгудек бўлишса — жазманим. Лекин яқин орада ташлаб кетса керак. Яна нима? Шу, шекилли.— Кейин қатъиян эслатиб қўйди.— Демак, меникида тўнаб қоласиз.

Иоганн илтижо қилди:

— Илоҳим йўқ-да. ахир. Мен Дитрихга, Штейнгицга, қолаверса, Лансдорфга вақтида қайтиб келаман, деб ваъда берганман. Боришим...

— Йўқ, бормаيسىз. Менга ёрдам беришингиз керак. Мен ҳарбий ҳо-
мий орттирган бўламан, бўлмаса, қўшниллар кун бермай қўйишяпти.
Тунингиз хайрли бўлсин,— деди у Зубовга қараб немис тилида баланд
овоз билан.

Зубов ҳам:

— Хўп, тунингиз хайрли бўлсин,— деб гўлдирганча қайрилиб кет-
ди.

— У қаёққа боради?— деб сўради Иоганн.

Эльза елкасини қисиб қўйди.

— Ахир бу қандай бўлди. Елғиз ўзи...

— Бу ерда менинг ёлғиз эканим, доимо ёлғиз эканим билан ишин-
гиз йўқми!

— Зубов-чи?

— Николь яхши йигит, бироқ кўпроқ куч ишлатиладиган усулларга
таяниб иш тутади. Яқинда яна отишма аттракционини ўйлаб то-
пибди.

— Кечирасиз, ёшингиз нечада?

— Ешга қараганда сиз мендан каттароқсиз, унвонга келганда бил-
мадим,— деди жиддий оҳангда Эльза.

— Сиз кўпдан бери хизмат қиласизми?

— Қайтиб борганингиздан кейин кадрлар бўлимига кириб, шахсий
ишимни олиб кўрарсиз...— деди Эльза Вайснинг кўзларига тикилиб ва
дона-дона қилиб қўшиб қўйди:— Қани, ахборотни беринг, эшита-
ман...

Вайс ахборот бериш учун тайёрлаган ҳамма гапларини қисқа-қисқа
қнлиб қайтарди. Қиз эса хотирлаб қолаётганини англашиб бош ирғаб
турди.

— Бори шуми?— деб сўради кейин.

— Йўқ, энг муҳимлари.

— Чакки эмас,— дея мақтаб қўйди қиз қатъийлик билан.— Вақтин
бекор ўтказмабсиз. Баракалла.

— Ташаккур,— деди Вайс,— сўнг киноомуз қўшиб қўйди.— Уртоқ
бошлиқ!

— Йўқ,— деди аёл, кейин яна эслатди:— Мен алоқачингизман, хо-
лос.

— Рухсат этсангиз, бир нарса сўрамоқчи эдим.

— Биласизми,— деди қиз.— Мендан хафа бўлманг. Мени багритош
деб ўйлаётгандирсиз. Аввал Зубовни, кейин эса сизни кўрганимда тўйиб-
тўйиб қучоқлагим келди. Узимизникиларни кўрмаганимга талай вақт
бўлди... Хўш, нимани сўрамоқчи эдингиз?

— Зубовнинг артистлик истеъдодини сиз очдингизми?

— Мен,— гурур билан бош ирғади Эльза.— Халқнинг кайфиятини
кўтариб туриш тўғрисида махсус «фюрер циркуляри»¹ мавжуд ва шу-
нинг учун ҳам санъат ходимлари билан полвонларга бронь берилади.
Мен Зубовни ана шу циркуляр муҳофазасига олдим. Буни қарангки,
Зубов ҳам томошабинларга ёқади. Бироқ у ўзини жуда қўпол тутади.

— Саҳнадами?

— Йўқ.

— Сизга қўполлик қиладими?

— Йўқ, немисларга.— Кейин маъюс қўшиб қўйди:— Мен уни ҳар
гал тирж кўрганимда ҳайрон қоламан.

¹ Фюрер циркуляри — Циркуляр умуман тобе ташкилотлар ё бўлмаса тобе
лавозимдаги кишиларга ёзма равишда юбориладиган мурожаат ёки фармойиш. Бу ерда
Гитлер фармойиши кўзда тутилади (тарж.).

— Нега?

— Негаки, у ҳар сафар кетаётганида гўё ўлимга юз тутаётгандек туюлади.

Қандайдир бир ўткинчи кўриниб қолди.

Эльза немисчалаб бидирлай кетди. Вайс унинг гапиришига эътибор қилди: талаффузи бенуқсон эди. Чироқ тагида Вайс Эльзанинг чеҳрасига яна бир бор диққат билан разм солди. Афт-ангори оддий, фақат ҳорғин, синиққап эди. Манглайн сал кенгроқ. Гўё ўз-ўзидан нур таратиб турган катта-катта кўзлари манглайнинг оқишлигини яшириб турарди. Лаблари юмшоқ, бўлиқ, лекин хушбичим эди.

Энгагида озгина тиртпғи ҳам бор. Овозини айтмайсизми. Ҳар хил оҳангда: гоҳ ҳазин, гоҳ бўғиқ, гоҳ шарттаки эди.

Ҳовлидан кириб борадиган кўримсизгина тўрт қаватли бинога етиб келишди. Атрофдан ювниди ҳиди анқиб турарди. Улар қоронғи зинаподан юқори кўтарилншди. Эльза эшикни ўз қалити билан очди. Узун йўлак. Ошхона билан ёнма-ён мўъжазгина хонада стол, стул, ёғоч каравот турган бўлиб, ҳатто жавон ҳам йўқ эди.

Эльза энндаги мовут жакетини ечиб стул суйанчиғига илгач, бошидан рўмолини олган эди, қалин, ялтироқ малла сочлари кифтига тушди. У шивирлаб Иоганнга тушунтирди:

— Бўялган. Шундай қилсам бачканароқ кўринади.— Кейин буюрди:

— Етиб ухланг, ўзим уйғотаман. Кителингишни ечсангиз, ошхонага олиб чиқиб, дазмоллаб келаман. Қўшниларга далил бўлади.— Истеҳзо билан илжайди:— Биласизми, бўлмаса шубҳаланишяпти, уйга бирон марта ҳам эркак бошлаб келмаганман-да. Чироқни ўчириб қўяман.

— Нега?— сўради Вайс.

— Ҳар қалай сиз ухлаб олишингиз керак.

Қиз талай вақтдан кейин қайтиб келди. У Иоганнинг ёнига ётиб, жакетини устига ёпди-да, яқинроқ сурилиб. сўради:

— Менга айтадиган бошқа гапингиз йўқми?

Вайс яна қўшимча қилиб унинг қулоғига, Марказга етказишни зарур деб ҳисоблаган гапларини шивирлаб айта бошлаган эди, нафасининг дудидан қизнинг бир тарам сочи ҳилпирай бошлади. Эльза бирдан кулиб юборди. Вайс, менинг устимдан кулаётган бўлса керак: у ахборотни унчалик ишонарли эмас, ё бўлмаса эскирган деб ўйлаяпти шекнлли, деган хаёлга борди. Лекин аёл «қитиғим келяпти» деб тушунтирган эди, Иоганн унинг қулоғи устидаги бир тарам сочни оҳиста кўтариб қўйди. Кейин яна шивирлаб гапира бошлади. Шу аснода унинг лаблари бир неча бор бехосдан қизнинг қулоқларига тегиб кетди, аммо Эльза ҳеч нарса демади: ё сезмади, ёки сезса ҳам бир нарса дейишни лозим топмади. Сўнг гапириш навбати қизга келди. Вайс унга орқа ўгириб олди-ю, Эльза унинг қулоғига буйруқнамо оҳангда шивирлай бошлади: — Бугунча у ахборотни оғзаки қабул қилишга рози экани, лекин бундан буён ўзи ҳаммасини шифрлаб бериши кераклиги, «Почта қутилари» тўғрисидаги кўрсатмани кейинроқ олажаги, ёнилғи базаларининг жойлашиш схемасини эса ҳозироқ қизиб бериши даркорлигини айтди, чунки у Зубовга керак бўлиб қолиши эҳтимоли бор экан.

— Бўлдими?

— Ҳа, бўлди!— деди қиз.

Иоганн чалқанча чўзилиб, шифтга ёпиштирилган қоғоз бўлақларига тикилиб ётар экан сўради:

— У ёқ-бу ёқдан шунчаки гаплашсак майлими?

— Оз-моз...

— Йигитлар осилишадими?

— Бўлмасам-чи. Аммо менда рейхскомендатуранинг армия ходимла-

ри билан алоқада бўлиш тақиқлангани тўғрисида ҳужжати бор. Касалим юқиши мумкин.

— Нима касал?

— Сил. Сиз нима деб ўйлаган эдингиз?

— Чинданми?— сўради Иоганн.

— Ҳа, албатта. Ҳамма вақт соппа-соғ эдим, шу ерга келганимдан кейин очилиб қолди.

— Ундай бўлса даволаниш керак.

— Урушдан кейин албатта даволанаман. Келинг, бу гапларни йиғиштирайлик,— кейин сўради:— Медальни ўзимизникилар юборишган бўлса керак.

— Ана холос!— хафа бўлди Иоганн.— Жанговар жасорат учун. Ўзлари беришди.

— Ўйдан ҳам мукофотлар борми?

— Йўқ, немислардан, холос.

— Табриклайман,— деди у.— Қаҳрамон экансиз!

— Унтер-офицерлик унвонини олиш умидим ҳам йўқ эмас.

— Амалпараст! Яна бир оздан кейин, ё генерал, ё штурмбанфюрер ҳам бўларсиз.— Шу заҳотиёқ жиддий огоҳлантирди:— Лекин тезроқ амал тега қолса деб шошилманг. Мен уларни биламан: жуда ҳасадгўй одамлар, бирининг устидан иккинчиси иғво қилади. Тез келган омадан хавфли нарса йўқ.

— Сиз қарияларга ўхшаб мулоҳаза юритаркансиз.

— Хўп, етар,— деб гапни бўлди аёл,— бас қилайлик!— Эльза бехиёёр Иоганнга ёпишиб стулдан сигарета олди.

— Қизиқ, аёл киши билан бир ўринда ётибман-а,— деб гўлдиради Иоганн.

— Мен сизга аёл эмас,— деб жаҳл билан унинг сўзини бўлди Эльза,— хизмат юзасидан ўртоқман.— Лекин шу заҳотиёқ жилмайди:

— Битта қитмирни сал бўлмаса қўлини қайириб синдирворай дедим, иккинчи тегажоғлиқ қилмасин деб...

— Дзю-до бўйича инструкторингиз ким эди?— дея сўради Иоганн соддадиллик билан.

— Яшаворинг-е,— ранжиб шивирлади аёл.— Сиз ҳаддан ортиқ синчков экансиз. Мен спзни бунчалик деб ўйламаган эдим.

— Умуман, менинг ҳақимда қанақа фикрда эдингиз?

— Ҳеч қанақа. Шунчаки ўзимча, оғир-вазмин одам бўлса керак, деб тахмин қилган эдим.— Яна энгашиб, сигарета қолдигини ўчирди.— Қулоқ солинг, шу нарса доим ёдингизда бўлсин: на сиз борсиз, на мен. Ҳозирги ишлар мавжуд экан, биз учун бошқа ҳеч нарса йўқ ва бўлиши ҳам мумкин эмас.— Қоронғида момқидек оппоқ қўлларини юқорироқ суриб қўйгандек бўлди.— Тушундингизми?— Кейин мулойимлашиб.— Хафа бўлманг, тагин,— деб қўйди.

Улар яна бир оз гаплашиб ётишди.

Эльза:

— Энди ухлаш керак,— дегандан кейин орага жимлик чўкди.

Вайс деворга ёпишиб олиб анча вақтгача кўзларини юмиб ётди-ю, барибир, ухлай олмади. Эльза уни уйғотмоқчи бўлиб, қўл теккизган ҳаммонёёқ Вайс ирғиб ўрнидан турди. Эльзанинг ранги кечагидан ҳам сийниққан, кўзлари ич-ичига тушиб кетган эди. У Иоганнга беҳолгина қўл узатиб:

— Бугун Варьетода саҳнага қандай чиқишга ақлим етмайпти. Улардай чарчадим! Ёлғизликка ўрганиб қолган эдим, бирданга ҳали Зубов, ҳали сиз. Сўнгра ёлғизлик.

— Бундан буён мен ҳам...— Иоганн гапида гутилиб қолди.— Зериксам керак.

Эльза уни кузатиб чиқди.

Ошхонадаги плита атрофида хотинлар уймалашиб юришарди. Қадам товушнни эшитиб, уларнинг ҳаммаси бирдан қайрилиб қарашди.

Эльза Иоганннинг елкасига қўл ташлаб унинг лабларидан ўпди-да, орқасига энгилгина шапатилаб жўнатди.

Иоганн кетиб борар экан, беихтиёр йўлни хотирига жойлар, йўлда учраган иншонлар ўз-ўзидан хотирига сингиб қолаётгандек туюларди. Шу тобда у қиз ҳақида хаёлга чўмган эди...

У «Гранд-отел» даги швейцардан нарсаларни олди-да, контроль пропуски пунктига кириб, ҳужжатларини кўрсатди. Уни бир ўткинчи машинага тушириб юборишди. Йўлда у фақат бир мартагина бошқа машинага чиқиб ўтириб, ўз қисмига етиб келди.

26

Штейнглиц Вайснинг кечикиш сабабларига анча хайрихоҳлик билан қаради.

— Ҳар сафар янгисига югуриб юргандан кўра битта доимий маъшуқага эга бўлган маъқул, касалдан холи бўлади киши,— деди у.

— Аммо мен чинакамга севиб қолдим, жаноб майор.

— Бизнинг заиф жойимиз ҳам ана шу кўчглимизнинг бўшлиғида.

Лансдорф Вайс олиб келган нарсалардан мамнун бўлди-ю, кечикиш сабабларини ноҳол деб билди.

— Эркаклар аёлларни ўз бемаъ依ликларини оқлаш учун ўйлаб топишган,— деди у.

Сўнг Вайсга насиҳат қилди:

— Бизга камгап, иродали, ёлғизлигига қарамай, арзиса-арзимаса ишига садоқат билан қарайдиган доимий кишилар керак.

Иоганнга жон кириб дарров:

— О, Фридрих Ницшенинг бу ажойиб фикрлари менинг юксак мақсадларимга худди узукка кўз қўйгандек мос келади,— деди.

Кейин ўзича: «Шу ерда қойил қилдим-да. Ўзимга ҳам балли, хотиримга келиб қолди. Бир кунимга яраб қолар деб ўйламаган эдим-а, қаранки, шу пайтда асқатиб қолди»,— деган фикрни хаёлидан ўтказди.

Лансдорфнинг қотма башараси бешбаттар таранглашиб, тортишиб кетгандек кўринди. У Вайснинг ёнига яқинлашиб, худди бирор кийим кийдириб кўрмоқчи бўлгандай, бошдан-оёғига разм солиб чиқди.

— Сиз Ницшени ёқтирасизми?

— У бизнинг қонимизга қалампир қўшди.

— Нима? Қани, қайтаринг-чи!— Лансдорф қақшоқ бармоғини юқори кўтарди.— Қойил! Герман миллатининг қудрати ҳокимиятпарастликка бўлган беқийёс қобилият ҳамда шу даражада итоаткорлик ва қобилликка қодирликдадир.

Вайс пошнасини бир-бирига уриб қаддини ростлади-да, зийраклик билан:

— Яна қандай топшириқлар бор, жаноб Лансдорф?— дея сўради.

Дитрихга эса кечикиш сабабларини айтиш лозим ҳам бўлмади, нега деганда, у Вайс кетгандан кейин келишган йиғит бўлмиш шофери билан аразлашиб қолган экан, шу бугун ярашиб олибди, шу боисдан ҳам Вайс билан иши бўлмади. Дитрихнинг шофери Курт капитаннинг буюмларини йиғиштирар, капитан эса, ярашиб олганидан хурсанд шекилли, унга кўмаклашарди. Дитрих Вайсга йўл ҳозирлигини кўришни буюрди-да,

мен ёлғнэликни ёқтирмайман, шунинг учун биз билан Курт ҳам боради, деди...

Қор аралаш ёмғир ёғарди. Ҳамма ёқ ифлос эди. Осмонда пастак-пастак бадбуруш қора булутлар сузиб юрар, ерни ифлос кўлмак, тош кўчани эса балчиқ босгаиди, ариқлардаги сувларининг лойқаси чиққан эди. Ҳатто машина ойналарига ҳам лой сачраб ифлос бўлиб кетганди.

Дитрих шофер ёнига ўтирди, Вайс бўлса орқа ўриндиққа бемалол ўрнашиб олди. Лой чаплашиб ётган ойналардан машинанинг ичига гира-шира ёруғлик тушиб турарди. Кишини уйқу босарди. Вайсни ҳам мудроқ босиб, фикраи ҳам Эльза деб аташга мажбур бўлган (махфий ишнинг қонун-қоидаси шунини тақозо қиларди) алоқачисини ўйлаб борди.

...Машина танк қисмларига етиб олди. Танклар оралиқдаги масофаи бузмай бир меъёрада кетиб борарди. Люклар очиқ бўлиб, улардан машина командирларининг бошлари кўришиб турарди. Иогани ойнадан қараб, уларни кузата бошлади. Хаёли ўша қиз билан банд. Унинг шивирлаши ҳамон эшитилиб тургандай бўлса-да, Вайс машина номерлари, зирҳлар устидаги эмблемалар, урган мўлжалларининг саногини билдирадиган оқ доирачаларни беихтиёр хотирига жо қилиб борарди.

Танклар ёнбошига хода боғланганди. Бу ҳол мазкур танкларнинг ботқоқ жойлардаги операцияларда қатнашишларидан далолат берарди.

Немисларнинг танк колоннаси орасида иккита бизнинг «КВ» ҳам бор эди. Янги бўялган, демак, бу машиналар ремонтдан чиқарилган. «КВ» ларнинг очиқ люкларидан совет танкчиларининг чарм шлёминни кийган кишиларнинг боши чиқиб турарди — бундан чиқди, бу танклар кўпорувчилик ишлари учун мўлжалланган. Ана шуларни беихтиёр хотирига жо қилиб бораркан, Вайснинг қиз тўғрисидаги ўйлари ўз-ўзидан давом этарди.

Ҳа, дарвоқе, у илгари бадий гимнастика тўғарагига қатнашганини ва бу нарса унга бу ерда асқатганини гапириб берганди. Қиз немис варъетесига ишга кирмоқчи бўлиб келганида, хўжайин унга:

— Қани, ҳунарингизни кўрсатинг,— дебди.

— Кийимларимни олиб келман эдим-ку.

— Э,— дебди хўжайин ижирғаниб,— мендан уялмай қўя қолинг. Ишга ярамай қолганимга анча вақт бўлган, бичилган қуллардан фарқим йўқ ҳисоб.

Хўжайин қўлидаги танга билан столни тарақлатиб қуён билан эчки тўғрисидаги болалар ашуласини хиргойи қила бошлабди. Қиз, шу куй оҳангига мос қилиб илгарилари мусобақаларда намойиш қилиб юрган бир неча машқларини кўрсатибди-ю, лекин хижолат тортганидан суръатини тезроқ олибди.

— Яхши,— дебди хўжайин.— Сизни қабул қиламан. Лекин ҳаддап ташқари жиддий экансиз. Спортни камроғу, жилваси кўпроқ бўлсин. Шунини билиб қўйингки, ҳозир кўча-кўйда бева аёллар жуда сероб. Шундай бўлгандан кейин атайлаб саҳнада аёллар қиёфасини кўргани пул тўлаб кирган эркаклар гимназиядаги спорт байрамларида бажариладиган гимнастикани кўриб чиққандек бўлишмасин.

Эльза Вайсга ҳасрат қилиб деди:

— Ҳар куни икки марта саҳнага чиқаман, кўп куч сарф қилишга тўғри келади, шунинг учун доим оч бўламан, кўнглим суст кетиб юради. Ҳатто тушларимда ҳам овқат кўраман — ё нон, ё картошка, ёки сут. баъзида бўлса бир варақайига ҳаммасини кўриб чиқаман. Карточкага берадигани эса чап учовга ҳам юк бўлмайди... Ундан ташқари ризқимни бир немис аёли билан бўлишиб ҳам тураман. Уғли қочоқлиги учун отилган экан, шунинг учун қонунга кўра унга ҳеч нарса берилмас экан. Бунча бебахт бўлмаса, бечора...

Иоганн люклардан бош чиқариб кетаётган танкчиларга тикилиб борарди. Уларнинг юзлари ёмғирдан ялтирар ва каттакон темир қалпоқ остида ҳаддан зиёд жимжитдек кўринарди. Мана, сўнгги темир қалпоқли бош ҳам липиллаб ўтди. Машина гурсиллаб, ерни ларзага келтираётган баҳайбат танкни қувиб ўтгач, бўм-бўш шоссега чиқиб олди ва пастак қирғоғида қамиш билан буталар ўсиб ётган, лойқа сувли сокин дарё устидаги кўприкдан охишта нариги томонга ўтди. Темир кўприк устидан ўтаётганларида Иоганн, бу ерга четдаги йўлакнинг тахта ташламаларини ремонт қилгани келган йўл ишчиси қиёфасида келгудек бўлса, портловчи моддани қаерга жойлаштириш маъқуллигини мўлжаллаб қўйди.

Дарё унча кенг бўлмай, ўн метрча келар, унча чуқур эмасга ҳам ўшарди: қирғоқ яқинидаги саёзликка қараганда чуқурлиги бир ярим-икки метрча бору, аммо туби балчиқ, кўприкнинг гир атрофи ботқоқ эди. Кўприк портлатилгудек бўлса, кечув жойини тиклаш учун камда икки ҳафта вақт кетади, шундай бўлгач, меҳнатга арзигудек иш бўлади-да.

Иоганн машина ойнасини тушириб, кўприк устига гижимланган газета ташлади. Соқчи буни пайқади-ю, лекин номерига кўра штаб машинаси эканини билгани учун машинани тўхтатмади, ҳатто, у ўзини ҳеч марса пайқамагандек кўрсатиш учун тескари ўнгрилиб ҳам олди. Соқчининг ёши қирқларда эди. Алоқа йўлларини ҳамма жойда ҳам ёши ўтиб қолган, ярим инвалид солдатлардан тузилган командалар қўриқларди. Иоганн ҳар хил ошқозон касалликлари билан оғриган кишилардан ташкил топган бутун бошли батальонлар ҳамда шабкўр ва қулоғи қар солдатлардан тузилган қисмлар ҳам борлигини биларди. Уларнинг номерларини аниқлаш керак эди. Бундай олиб қараганда, ҳаво айланиган пайтда машинада кўприк устидан физиллаб ўтиб, портловчи моддали пакет ташлаб кетиш ҳам мумкин! Ташлаганда ҳам дуч келган жойга эмас, худди ўша ёнғин муҳофазаси учун қўйилган қумли бочка ёнига ташлаш керак. Бочканинг орқасида пакет кўринмайди, пакетни пўлат тўсинлар орасига ташлашнинг уддасидан чиқилса динамик куч кўприкни дабдала қилади. Ростдан ҳам, бунда кўприк равоғи бутун қолади-ю, аммо на поезд, на танк ўта олади, балки кўприкнинг тепадаги фермалари унинг устидан босиб тушгудек бўлса равоғнинг ҳам қулаши ҳеч гапмас...

Асфальт йўл тугаб, улар қишлоқ йўлига чиқишди. Машина ҳали у томонга, ҳали бу томонга чайқаларди. У ҳатто чуқур кўлмак жойларда бир неча марта балчиққа ботиб ҳам қолди. Иоганн Куртга қараб, мен ҳайдай қолай, деб таклиф қилди. Курт Иоганннинг ўрнига ўтган пайтда Дитрих ҳам у билан бирга орқа ўриндиққа ўтиб олди.

Водийни пастак қалин туман қоплаган эди. Иоганн машина чироқларини ёқди-ю, аммо қалли туман тушгани сабабли чироқ шуъласи уни кесиб ўтолмади. Иоганн машинани тахминлаб ҳайдаб борарди, ҳатто машина эшигини очиб, ярим белидан ташқарига осилганча, бир қўли билан эшикни ушлаб, иккинчи қўли билан рулни айлантиришга ҳам тўғри келди. Кейин йўл юқорилаб кетди, қоп-қора, нам, моғор иси анқиб турган ўрмон бошланди. Дарахтлар тагида худди оппоқ пўпанак босганга ўхшаб юпқа қор қатламлари ётарди.

Иоганн бир вақтлар худди шундай шароитда курсдошлари билан совхозга шанбаликка чиққанини эслади. Бу номигагина «шанбалик» бўлиб, аслида иш икки ҳафта давом этганди. Студентлар кузнинг серёмғир, совуқ кунларида ботқоққа айлантириб юборган дарё ўзанидаги пайкалда картошка кавлашган эди.

Ншдан кейин улар ивнб, балчиққа беланиб ошхонага келишар, бу ерда ҳам ейдиганлари яна ўша картошка эди: биринчисига серкартошка шўрва, иккинчига — Москвадан олиб келинган маргаринларига қовурилган картошка беришарди. Ётар жойлари бўлса хашак тўшалган молхона эди.

Группа бошлиги Петя Макаров ҳар сафар ҳаяжон билан:

— Уртоқлар! Йигитлар ва қизлар!— дерди.

— Нега осонгина «болалар» дея қолмайсан-а?

— Хўп, майли,— деб рози бўларди Петя, — болалар бўла қолсин. Барибир, сиз совет ахлоқи байроғини юқори тутиб одоб сақлашингиз керак. Ундан кейин, ўз шахсиятингизни камололга етказмоғингиз лозим.

Институтда энг чиройли қиз ҳисобланган ва шу босидан сира тортинмай калта қавима камзул билзи отасининг шимини кийиб олган Алиса Босоногова бир сафар тантиқлик қилиб шундай деди:

— Мен шахсиятимни камолотга етказишни истамайман. Мен ой ёгдусидаги муҳаббат гадосиман. Ой кўринмаса ҳам майли, бир оз тасаввур қилинса Пашка Моховнинг афти мен учун бемалол ой ўрнини босаверади. Енимга келиб, мени иситиб қўй, Мохов.

Сап-сариқ, сепкилдор Мохов хижолат тортиб илжайганча, хашак устида гуж бўлиб ётган болалар устидан ҳатлаб, Алисанинг ёнига бориб ўтирди.

— Конспектларинг ёнингдами?— дея жиддий оҳангда сўради Алиса Моховдан.— Сопромат хўп ажойиб уйқу дориси-да. Сен, Павел, ўқийвер, мен ёнингда маҳлиё бўлиб, беш олиш орзусида ширин хаёллар сураман.

Қуриб ётган хашакдан кўпроқ чанг иси келарди, лекин ҳаммасидан ҳам молхонанинг аччиқ, қўланса ҳиди устунлик қиларди. Саша Белов ёмғирнинг шитирлаши, Моховнинг бир маромда мишғиллаши ва Алисанинг аҳён-аҳёнда хўрсиниб уҳ тортишини эшитиб ётарди.

— Ҳеч нима тушунмаяпман! Барака топкур, тушунадиганроқ қилиб яна бир қайтаргин...

Қизлардан бири умидвор бўлиб сўради:

— Нима дейсизлар, болалар, шу шанбаликни зачётда инобатга олишармикин? Физматда инобатга олишган эмиш, дейишяпти...

Ҳеч ким жавоб бермади, ўша пайтларда отаси Испанияда жанг қилаётган Гриша Медведев, хаёлга ботиб гапирди:

— Гвадалахара. Назаримда, у қора бўлса керак. Ундан ташқари портлаган снарядга ўхшаб қизғиш, иссиқ бўлиши мумкин.

— Снаряднинг қанақа қилиб портлашини сен қаердан биласан?

— Тушимда доим отамни кўраман. Ўша фронтда. Борис Ефимов чизган карикатуралардагилар фашистлар бўптими, биз ҳали уларни кўрганимиз ҳам йўқ. Улар бўлса Испанияда одамларни ўлдиришяпти.

Коммунистлар улар билан кураш олиб боришяпти, инсониятни фашизмдан ҳимоя қилишяпти — ана бу ҳақиқий ҳаёт. Биз бўлсак, бу ерда қорнимизни силаб, иссиққина жойда ҳазил-ҳузул қилиб ётибмиз.

— Йўқ,— деди Саша,— бизнинг ўз вазифамиз бор, мен учун энг муҳими — диплом ёқлаш. Ҳозир бу менинг ер юзида бажаришим керак бўлган энг муҳим вазифа.

Лекин у барибир, диплом ёқлашга улгурмади.

Давлат хавфсизлиги бошқармасида у инструкторларга анча-мунча фанлардан имтиҳон топширди, лекин немис тилидан ташқари улардан биттаси ҳам институтнинг ўқув программасига кирмас эди.

Немис тилидан дарс берадиган майор, Беловга шундай деб уқтирган эди.

— Талаффузда бир марта янглишилдим — гап охирига қўрғошиндан нуқта қўйилади. Шунинг учун ҳам мендан ноҳақ беш баҳо олиш, душмандан ҳаёт илтижо қилишга ўхшаган беномуслик деган гап...

Саша бўлса ноҳақ баҳо олмоқчи ҳам эмас эди.

Ўша курсдошлари ҳозир қаердайкин? Балки, шу яқин орада жанг қилишяптими? Қизиқ, Алиса қаердайкин? Институтдагилар тўсатдан унинг бир неча йилга, Шимолга кетганини эштитишгандан кейин, Алиса не ҳолга тушганикин? У доим мен ҳеч қайғурмасам тузук, бу нарса соғлигимга тўғри келмайди, деб юрарди. Инглаганмикин? Ундай бўлмаса керак. Унинг кўнглидагини ҳеч ким билмасди. У доим ҳазил-ҳузул қилиб юрар, гурунглашишни яхши кўрар, фақат ўзи учун жуда муҳим бўлган бир нарсага тил тегизишмаса бас эди.

Унинг бир сирни бор эди. Бир куни янги йилни кутиш маросимидан кейин у эшик олдида Сашага дуч келиб қолди. Алиса кўпинча институтда ўтказилган кечаларда ашула айтарди: унинг ёқимли контрольно овози борлигидан кўплар унга ҳатто консерваторияга киришни ҳам маслаҳат беришганди.

Бирданга у одатдагидек ўзига хос ҳазил қилиб:

— Қани, шпёқмас, сен ҳам ойпопук қизни уйига кузатиб қўйиб бир ором олгин,— деб қолди.

Бора-боргунча Алиса ҳазил-ҳузул гапларни айтиб, Сашани калака қилиб борди. Кўча эшиги ёнига етган пайтларида эса қўққисдан олазарак бўлиб атрофга аланглади ва бошини кўтариб:

— Мени бир ўпиб қўй, Саша,— деди-да, кейин ҳазин оҳангда қўшимча қилди:— Лабимдан бўлса ҳам майли.

Шунда Саша қовушмай унинг ҳали кўникмаган лабларига лабларини қўйди. Сўнг Алиса қўлларини унинг бўйнидан олди-да, худди айб қилиб қўйгандек уларни пастга тушириб хўрсинди:

— Биласанми, энди бундай қилмаймиз.

— Сираям-а?— сўради Саша.

Алиса унга жиддий кнёфада тикилиб турган бўлса-да, овози титраб, деди:

— Умуман, агар хоҳласанг сенга турмушга чиқишим мумкин.— Сўнг ниманпдир ҳисоблагандай осмонга қаради:— Қирқ иккинчи йилнинг иккинчи сентябрида. Биринчидан, ўша куни менинг туғилган куним.

— Иккинчидан-чи?

— Ахир муҳаббатингга ишонч ҳосил қилиш учун менга вақт керак-да.

— Бўпти, эсдан чиқармаслик учун кунини ёзиб қўяман,— деди Саша, Алисанинг сўзларини ҳазилга олиб. Қиз учун бу гаплар қанчалик муҳим эканини ҳис этиб турган бўлса-да, бундан бўлак иложи йўқ эди. Очигини айтганда, шу тобда ўзининг ҳам кўнглига ҳазил сиғмай турганди. У ўша пайтларда махсус мактабга қабул қилиниб, ҳали институтни ҳам ташламай, тақдир тақозосидан беҳабар, ўқиб юрарди.

Алиса сумкасидан ён дафтарчасини олди-да:

— Езиб қўй,— дея буюрди.

Саша унинг овозидан бу ҳазилни ҳеч қачон кечирмаслигини тушунди. Шу тобда ўзининг ҳам кўнглига қил сиғмай турган бўлса-да, бошланган ўйинни давом эттириб хушчақчақ кнёфада айтилган санани ён дафтарчага ёзди-ю, имзо чекиб қўйди.

Алиса дафтарчанинг шу варағини йиртиб олиб, уни парча-парча қилиб йиртиб ташлади-да, кўлмакка иргитиб юборди.

— Тамом!— деди у, ҳам ғурур, ҳам қаҳр билан.— Тамом!— Сўнг у шартта орқасига бурилиб, уйга кириб кетди.

Шундан кейин улар ана шу алфозда учрашганлари йўқ. Кейин эса, бошқага қандай бўлса Алиса учун ҳам худди шу тариқа у Шимолга кетиб қолди.

27

«О—Х—247» эксперименталь лагерига олиб борадиган йўл қарағай-зор орқали ўтарди. Бу ер лагерь ходимлари посёлкаси ҳисобланар, соқчилар казармаси ҳам, бошлиқларнинг уйлари ҳам шу ерда эди. Лагернинг ўзи пастда, илгарилари дов-дарахтсиз қумлоқ бўлган пастликка жойлашган эди.

Тепадан ирмоқлар оқиб тушади шекилли, пастлик бир оз ботқоқлашган. Бу ерни чиринди ҳидли кул ранг туман қоплаб ётарди. Лагерь ходимларининг посёлкаси жуда шинам: ўртада сим тўр билан ниқобланган теннис майдончаси бор, қум йўлчалар четига сопол плитчалар ўрнатилган, атир гўл туплари авайлаб чиптага ўраб қўйилган. Болалар учун махсус майдонча ҳам бор: бу ерда тахта билан ўралган қум уюми, арғимчоқлар, ярқироқ, чиройли қўзиқорин нусха соябонлар, чўмиладиган ҳовузлар ҳам бор. Ҳозир бу ҳовуз яхмалак учиш учун музлатиб қўйилган.

СС ички қўриқчилигининг навбатчи ротенфюрери Дитрих билан Вайсни меҳмонхонага бошлаб кирди-да, илтифот билан ювиниш бўлма-си қаердалигини кўрсатгач, жавонни очди — унда пижамалар, хопаки намет шиппақлар бор эди.

Ростмана баланд каравотлар устига қўш қават момиқ тўшак солиниб қўйилган эди. Тумбочкалар устида қора дерматин билан муқоваланган таврот, ҳар қайси тумбочка ичида эса тунги ҳожат учун чинни идиш ва этик ечадиган машина бор эди. Каравотлар ёнига мўйли гиламчалар тўшалган. Мум билан артилган пол ярқираб, оёқ кийимига сал-пал ёпишиб турарди. Деразаларга ҳаво ранг тўр ва кокилала даргардалар осилган эди.

Ювинадиган хонада эса иссиқ ва совуқ сув тўла кўзалар, чинни тоғоралар, пахмоқ сочиқлар, ҳали қоғози очилмаган атир совун, тиш пастали тубиклар, атир ва сирка бор эди. Дорилар солиб қўйиладиган жавончада ҳар бирининг устига лотинча номлари ёзилган ва ундан ташқари қай пайтда ишлатилиши немисчалаб аниқ кўрсатилган доридармонлар турарди.

Меҳмонлар ювиниб, ўзларини тартибга солиб бўлишлари биланоқ, алоқачи кириб, уларни оберштурмбанфюрер Франц Клейн таклиф қилаётганлигини айтди.

Улар плашчларини киймай, қумлоқ йўлга бўйлаб қалин зарпечаклар чирмаган ганч сувоқли уйга боришди. Уйга кираверишдаги эшик тепасига кўринишдан қалқонни эслатадиган шохдор кийикнинг оқ калла суяги осиб қўйилганди.

Силлиқланган эман ёғочи билан безатилиб, салобатли мис қандиллар ёритиб турган даҳлизда уларни оберштурмбанфюрернинг ўзи қарши олди. У эгнига катак-катак хонаки камзул, чолвор ва оёғига этик кийиб олганди. Афтидан, Клейн, бир ўқ билан икки қарғани урмоқчи бўлганди: биринчидан, меҳмонлар ўзларини эркин ҳис қилишлари учун меҳрибонлик билан уларга шаронт яратиб бермоқчи бўлса, айни бир вақтда, унволлари унчаллик юқори бўлмаган кишилар олдига форма кийиб чиқишни лозим топмаган эди. Мезбон меҳмонларни кўҳна мебель билан жиҳозланиб деворларига ҳам, ерга ҳам оғир-оғир катта-катта гиламлар тўшалган кабинетга бошлаб кирди-да, уларни икки офицер — семиз, қорни баҳайбат, тепакал зондерфюрер Флинк ва чак-

ка сочи қия қирилган уятчанг, доим илжайиб турадиган унтерштурм-фюрер Рейс билан, шунингдек, қора костюм, йўл-йўл шим кийган, юзлари салқинган, тамшаниб бесўнақай қора сигара чекиб ўтирган кекса бир киши — психология профессори Штурмфеллар билан таништирди.

Оберштурмбаифюрернинг ўзи бошқалардан қадди-бастининг келишгаилиги ва хушмуомалалиги билан ажралиб турарди. Унинг қирғий бурун юзлари қип-қизил, оқарган жингалак сочлар армия таомилига кўра калта қирқтирилмай, ёрқин кашмири шарфни омонатгина ўраган бўйнига гажак-гажак бўлиб тушиб турарди. У фил суягидан ясалган узун муштукда сигарета чекарди.

Нақ шифтни бўйлаган биланд жавоннинг тор-тор бўлинмаларида пластинкалар сақланарди. Қизил ёғочдан ишланган курси устида қопқоғи очиқ патефон турар — чамаси, меҳмонлар келмасдан аввал бу ерда музика эшитиб ўтиришган бўлсалар керак.

Шишадан ясалган, оёғига гилдирэкчалар ўрнатилган столчанинг усти бутилка ва қадаҳлар, шўр данак ҳамда сухари солинган тарелкалар билан тўла эди. Аммо, фақат ингичка чўзиқ шишадан рейн виноси-ю, минерал сувли шиша очилганидан бу ердагилардан ҳеч қайсиси спиртли ичимликка ўчга ўхшамасди.

Сўнгра суҳбат яна давом этди.

Клейн, Гёте поэзияси чуқур умуминсоний фалсафа билан суғорилгани учунгина эмас, балки унинг шеърлятида бундан ташқари, жарангдорлик, хушоҳанглик борлиги учун ҳам барча давр ва барча халқларнинг улуғ шоири эканлигини таъкидлар, унда доим зўр оромбахш симфония эшитажagini баён қиларди.

Ҳақиқий поэзиянинг қиммати унинг хушоҳанглигидагина эмас, аввало у фикр ўткирлигининг баланд ҳўққиларига парноз қилмоғи даркор. Борди-ю, Гёте ҳатто соқов бўлганида ҳам Фауст образини яратиб қўйибди, шунинг учун ҳам унинг шуҳрати ҳозиргидек мангу бўлаверади,— деб луқма ташлади профессор. Кейин шикоят қилиб немис ёшлари, оташин миллатчилар бўлганлари билан ўзларининг улуғ классикларини етарли даражада ўрганмаётганликларини айтди. Сўнг

Рейсга мурожаат қилиб шундай деди:

— Жаноби унтерштурмфюрер, буюк шоиримиз шеърларидан жила курса бир неча мисрасини эслатиб, менинг фикрларимни рад этсангиз ўзинини жуда бахтиёр ҳисоблардим.

Рейс бир лаҳзагина эсанкиради-ю, лекин дарҳол ўзини ўнглаб қувноқлик билан деди:

— Марҳамат, «Хорст Вессел»ни сўрасангиз, айтиб бераман.

— Вой-буй, бу дейман, маълумотингиз ҳам жуда зўр эканми!— дея манманлик билан койинди Клейн. У, афтидан, абвер ефрейторини баттарроқ калака қилишни мўлжаллаб, Вайсга кўз ташлар экан, сўради:— Қани, сиз-чи, йигитча? Сиз ҳам, балки «Хорст Вессел»ни куйлашни таклиф қиларсиз? Осони шу-да. Бечора Гётени безовта қилишнинг нима ҳожати бор?

Иоганн елкасини қисиб сиполик билан:

— Агар ижозат этсангиз...— деди-ю, ёддан ўқиди:

Эрк ва ҳаётга сазовор бўларки кимса,
Уни деб ҳар куни жангга отланса!

— Баракалла,— деди Клейн лоқайдлик билан.— Баракалла!— у худди қарсақ чалиб олқишламоқчи бўлгандек кафтларини бир-биринга қовуштирди.

Флинк хўмрайганача!

— Адмирал Канарис Рим папасига ўхшаб ўзига хизматчи таиллашда қанчалнк билимдонлиги ва эпчиллигига қарайди,— деб изоҳлади.

Дитрих:

— Шахсий жасоратига ҳам,— деб қўшимча қилди-да, ўзипипг орден тақилган кўксига маъноли назар ташлагач, Вайснинг медалини имо билан кўрсатиб тушунтирди:

— Ефрейтор Вайснинг ҳар ишда удабуронлиги фронтда жасурлик кўрастишига халал бергани йўқ.

— Абверчиларнинг фронтга бориши янгилик-ку,— дея ажабланди Флинк.

— Жаноблар!— хитоб қилди Клейн.— Ахир ҳозир биз дам олаяп-миз.— Кейин минерал сувли қадаҳни кўтариб:— Азиз меҳмонлар учун!— деди.

Кабинетга Клейн хоним кириб келди. Унинг тилла ранг сочлари жуда антиқа турмакланган, чеҳрасида эса гўзал аёлларнинг хушчақчақлик табассуми мангу қотиб қолгандек эди. У ҳамма билан хушбўй ҳид таратиб турган, узуклар тақилган оппоқ, илиқ қўлини бериб сўрашди.

Клейн хонимнинг ортидан хизматчи солдат нпак ленталар билан боғланган жимжимадор йўргакдаги чақалоқни кўтариб кирди. Ҳамма ўз қувончини изҳор қилди.

— Бу бизнинг фюрерга совғамиз. Унинг исмини Адольф қўйдик,— деди Клейн хоним.

Меҳмонлар завқ билан тилларини чучуклантириб чақалоқни эркалатишар, бармоқларини унинг устида ўйнатишарди. Хизматчи солдат чақалоқни олиб чиқиб кетгач, Клейн меҳмонхонанинг қўштавақалик эшигини ланг очди-да:

— Қани, ичкарига марҳамат. Ўз уйларингдек кўринглар. Зиёфатнинг мўътадиллиги учун афв этгайсиз,— деди.

Стол ёнида Иоганн Рейснинг ёнига ўтирди. Унтерштурмфюрер жуда соддадил йигит чиқиб қолди. У дўстларга хос меҳрибонлик билан Вайснинг талинкасига лаззатли таомлардан кўп-кўп солиб берар, коньякнинг ҳам кичкина узун рюмкага эмас, винога мўлжалланган каттакон ҳаво ранг қадаҳга қуйиб берарди. Унинг ўзи ҳам овқатни иштаҳа билан еб турганига қарамай, Вайсни анча-мунча гапдан хабардор қилиб ҳам қўйдн. Бу ердаги хизмат унча оғир эмасмиш, Клейн ҳар қанча қаттиқ-қўл, талабчан бўлгани билан, келишиш мумкин экан, фақат итоаткорликни ўрнига қўйилса бас эмиш. Флинкнинг бунчалик қўполлиги унинг табиати оғирлигидан эмас, ошқозон яллиғланишн туфайлимиш, оғриқ тутмаган пайтларда жуда хушфёъл одам, крокет ўйинининг ўтакетган ишқибози эмиш. Профессор Штурмфелга келганда, у жуда зўр олиммиш, ҳатто жаноб Гейдрихнинг ўзи ишларига қўлидан келганича ёрдам бериб туришини илтимос қилган эмиш. Аммо у профессор бўлса ҳам анойимасга ўхшар экан. Чунки бу ерга у ёшгина ассистент қиз билан бирга келибди. Қизга Штурмфелнинг ётоғи ёнидан алоҳида хона ажратиб берилган эмиш.

Дастурхон устида мезбонлар кўпроқ гапиришарди. Клейн хоним бу қумлоқ ерларда гулзор барпо қилиш жуда ҳам мушкул бўлганини гапириб берди. Штурмбанфюрер бўлса нарироқдаги қарагайзорни мақтаб кетди: бу ернинг иқлими жуда ажойиб, теварак-атроф хушманзара, ходимлар ҳам хушфёъл ёқимли кишилар бўлганидан, ҳатто олмахонлар ҳам одамдан чўчимай қўйишган эмиш. У қушларнинг қишлашн учун бир неча уя ясаб қўйишни буюрибди, эндиги баҳорда бу ерда музпка ва қўшиқларнинг сайрашларини эшитиб, мириқиб ҳордиқ чиқариш мумкинлигига имони комил эмиш.

Овқатдан сўнг эркаклар қайтиб кабинетга киришди. Қаҳва ичиб чекишиб ўтиришди, музика эшитишди, Рейс «Тангезер» операсидан ёзиб олинган пластинкаларни кетма-кет қўйиб турди. Клейн Вагнерни буюк композитор деди. Ҳамма индамай унинг гапини маъқуллади. Қорин тўйгандан кишини мудроқ босаётган ана шу дақиқада Клейн меҳмонлар ёнига, дивалга ўтирди-да, Дитрихнинг бриджага сирилган найзадек тиззасига дўстона шапатлаб, вазифасини ўташда унга ҳар тарафлама кўмаклашишга тайёр эканлигини айтди.

Маҳбуслар картотекаси батамом Дитрих ихтиёрида бўлади. Зондерфюрер Флинк эса исталган объект бўйича консультация бериши мумкин. Сўнгра Клейн, суякдан ясалган узун муштукдаги сигаретани торта-торта ўттиз учинчи йил — ҳар қайси СС полки қошида концентрацион лагер ташкил қилингандан бери — шу соҳада тажриба орттираётганини қисқа қилиб гапириб берди.

Дастлабки пайтларда концлагерлар жуда оддий эди. Маҳбуслар асосан, коммунистлар, либераллар, касаба союз ходимлари — ҳуллас, қизиллардан ташкил топганди. Маҳбуслар сонини камайтириш чораси кўрилмаганда, улар асосан, табиий йўл билан: яъни юқумли касалликлар тарқалиши, силла қуриши натижасида, ундан кейин ички тартибқондаларни бузганлиги учунгина қирилиб турарди, холос.

Яҳудийлар ёлпасига келтирила бошлагандан кейингина лагерларнинг хизмат фаолияти анча ошди, маҳбусларни техникавий усул билан қириш йўли татбиқ қилина бошланди. Бунда махсус мослама ва химикатлар етказиб берадиган йирик фирмаларнинг ҳиссалари катта бўлди.

Бу соҳадаги ютуқлар шу даражага бориб етдики, ҳатто Данциг сентининг раиси Раушнинг фюрерга, барча яҳудийларни бир варакайига қириб юбориш масаласига қандай қарайсиз, деган савол билан мурожаат ҳам қилди. Бироқ Гитлер: «Бу мақсадга мувофиқ бўлмайди. У ҳолда, биз яна кимларнидир қидиришга мажбур бўлиб қоламиз. Ҳамма вақт қаршингда қуруқ абстракция эмас, кўзга ташланиб турадиган рақиб бўлмоғи лозим», — деб жавоб берди.

Ҳозирги замон тарихий шаронтида бу албатта, унча аҳамиятга эга эмас, чунки, янги материал топилган эди. Дахау, Бухенвальд, Равенсбрук, Заксенхаузен, Флоссенбург, Нейенгаммга ўхшаган йирик, жуда яхши йўлга қўйилган, хизмат фаолияти ҳам ҳамин қадар, ундан ташқари деярли чекланмаган имкониятларга эга бўлган концентрацион лагерлар барпо этилди. Уларнинг вазифаси — жазолаш ва қўрқитишдан иборат. Ана шулар ҳар хил янги территориялардан келтирилаётган номақбул материалларни гумдон қилади.

Авваллари эксперимент лагерлар мутлақо ўқитув-ўргатув характерида эди: улар машқ қилишга, янги таъсирли тазйиқ воситалари ишлаб чиқишга, шунингдек, раҳбарлик методларини ўргатишга қаратилганди. Масалан, СС ходимларининг кўпчилиги дастлабки тажриба олган Флоссенбург ана шундай лагерлардан бири эди.

Клейн раҳбарлик қилиш шарафига муяссар бўлган «О—Х—247» эксперименталь лагери ўтмишдаги ва бошқа шунга ўхшаш концентрацион лагерлардан бир қадар фарқ қилади. Умумий вазифаларни ҳал қилишдан ташқари маъмурият зиммасига СД, гестапо ва табиийки, абвер бўлинмаларининг маълум мақсадларида фойдаланиш учун алоҳида шахсларни топиб, уларни тайёрлаш вазифаси ҳам юклатилган эди.

Гапининг охирида Клейн профессор Штурмфелнинг махсус бўлимларга тақдим этиладиган шахсларни руҳан текширишга тааллуқли анча қимматли таклифлар киритганини ҳам баён қилди.

Дитрих Клейнга миннатдорчилик изҳор қилди-ю, лекин мағрур оҳанг-

да лагерь системасидан етарли даражада хабардор эканини билдирди. Жаноб оберштурмбанфюрернинг бу ерда шунчалик илтифот билан айтган гаплари ҳар бир эсэс ходимнга маълум эканини таъкидлаб, оберштурмбанфюрер абверга таклиф қилиши мумкин бўлган номзодлар сони қанчалигини сўради.

— Э-ҳа,— жонланиб хитоб қилди Клейн,— мен сизга биронта нусха ҳам таклиф қилмайман, узр! Буниси ўзингизга ҳавола, — сўнг киноя билан қўшиб қўйди:— Мен ўтакетган бюрократман. Қартотека сизнинг ихтиёрингизда, аммо огоҳлантириб қўяй: буниси ўзингизга ҳавола. Мен қўл қовуштириб ўтнравераман.

28

Улар тенгқур бўлганлари учунми, ҳар қалай унтерштурмфюрер Рейс Иоганни ёқтириб қолди: чунки атрофидаги барча одамларнинг ёши улуг, ҳатто соқчи солдатларгача кексалардан иборат эди.

Юзлари қип-қизил, сочлари калта қирқилиб ҳурпайган, узунчоқ юзига чакка соқоли ярашмаган Рейс, ҳатто унвони жиҳатидан юқори туришини ҳам унутиб қандайдир қўланса ҳид анқиб турган дезинфекцияловчи модда шимдирилган қора клеёнка нусха камзулни ғамхўрлик қилиб Иоганнга кийдириб қўйди. Бу ҳаддан ортиқ меҳрибонлик ҳисобланарди.

Клейн Рейсга абверчиларни лагерь бўйлаб кузатиб боришни буюрганди. Бироқ Дитрих биронта касал юқтириб олишдан чўчиб, маҳбусларнинг картотекаларини ўргангани идорага қараб кетди.

Аёзли мусаффо тонг эди. Юнқа қиров пардаси қопланган тўқ сариқ қарагайларнинг игнабарглари ялтирарди. Ердаги майсаларни ҳам қиров босган, йўлаклардаги қум эса қаҳратон қишдаги қорга ўхшаб гичилларди. Қорамой, муз ва чириган ҳазонларнинг ачимсиқ ҳиди анқиб турарди. Фазо тип-тиниқ, қуёш нур сочиб турарди-ю, лекин ҳаво худди яхлаб қолган сувдек совуқ эди.

Фақат лагерь жойлашган пастликдагина нам, кўзга тушган оққа ўхшаш қалин туман сузарди.

Рейс Иоганни олиб кетгани мотоциклда келди. Иоганн мотоцикл арабачасига ўтирди-да, оёқларини узатиб, клеёнка фартукни олдига тўсиб олди. Рейс қувноқ оҳангда деди:

— Мен сени жон-жон деб шаҳарга олиб кетган бўлардим. Бир отамлашардик. Бу ер худди авлиё ҳаворий Павелнинг мактабига ўхшаб ўлардай диққинафас жой.

— Сен у ерда ўқиганмисан, дейман?

— Отам менинг пастор¹ бўлишимни истарди.

Иоганн Рейснинг бошидаги қора духоба гардишли, бош чаноғи ва бир-бирига чалишгирилган болдир суяк суратли темир эмблема тақилган фуражжасига ишора қилиб:

— Манави қурғур бутга унча ўхшамайди-ку,— деди.

Рейс жилмайди:

— Отам биринчи жаҳон урушигача Африкада миссионер эди. Менлихер милтигидан ўқ узиб осмонга иргитилган тугмага теккизаркан.

— У фақат тугмаларни отаркан, холосми?

— Негрлар одоб сақлаб юрган пайтларда, фақат тугмаларни отаркан, холос.

¹ П а с т о р — протестантизм мазҳабидаги руҳоний (тарж.).

— Тушупарли,— деди Иогани, кейин сўради:— Сен анчадан бери бу ерданмисан?

— Трёмблинкадан кейин тўғри шу ерга келганман. У ҳам эксперименталь лагер-ку, ammo вазифаси ҳамма вақт фақат қирғиндан иборат бўлиб келганди. Асосан, яҳудийларни қирғин қилинарди. Сўнг шикоят қилиб деди: Жуда хавфли иш эди-да. Биласанми, буғдан даставвал ўша ерда фойдалана бошланди, кейин эса уч камерали бўлинмада газ қўлланиладиган бўлди. Исми газ буғ билан қўшилгандан кейин тургунлашиб қоларкан, шунинг учун деярли ҳамма вақт бошим оғрирди. Ҳатто бир кун нафасим қисиб ҳам қолди.

— Шунинг учун сени бу ерга ўтказишдими?

— Бир оз вақт ўтгандан кейин. Гап шундаки, лагеримизга Краковда яшаб турган генерал-губернатор Ганс Франк келиб қолди-да, лагерь маъмуриятини роса койиб берди. У, лагернинг одамларни қириш суръати ҳаддан ташқари сусайиб кетган, деб топди. Кетиш олдидан ҳамма офицерларни тўплаб деди: «Яҳудийларни нима қилишимиз керак? Биз уларни Остландга жойлаштирамиз, деб ўйлаяспизми? Бунақа бе-маъни гапнинг нима ҳожати бор? Қисқаси шуки, ўзингиздаги мавжуд имкониятлар билан уларни йўқотинг. Улардан Рейх қанчалик халос бўлса генерал-губернаторлик ҳам шунчалик тозаланиши керак».

— Буни сенга қандай алоқаси бор?

— Алоқаси бор! Ахир гитлерюгенд раҳбарлари мени Адольф Гитлер мактабига юборишган-да. Мен у ерда махсус бўлимни тугатдим: аҳоли ўртасида контрразведка олиб бориш ишларини ўргандим. Трёмблинкада бўлса, лагерга Франк келиб кетгандан кейин, бунақа ишлар учун шароит қолмади.

— Нега?

— Шунинг ҳам тушунмаяпсанми? Блокшрайберлар келтирилган навбатдаги тўдани рўйхатга олиб улгурмасларидан, шу заҳотиёқ йўқ қилинганлар рўйхатига ўтказишарди. Шундан кейин мендан ноўрин фойдаланишяпти, деб штурмбанфюрерга арз қилдим.

— Сени ҳам қатл этишларда қатнашишга мажбур қилишармиди?

— Нималар деясан! У ерда маҳбуслар онда-сондагина қатл этилишга ҳукм қилинарди.

— Хўп ундай бўлса...

— Ахир бу қатл эмасди-да,— дея Иоганининг гапини бўлди Рейс.— Башарти сен даф қилишни назарда тутаётган бўлсанг, Қатл — расмийлаштирилган жазо чораси. Бу эса...

— Бу нимади?

— Бу шунчаки озод қилинган жойлардаги аҳолининг хашаки қисмидан халос бўлиш-да.— Шошилиб қўшиб қўйди:— Бизда ҳатто, даф қилиш жараёни шундай амалга оширилиши керакки, маҳбуслар бунинг асло жазо деган хаёлга бормасинлар, деб ўқтирилган махсус инструкция ҳам бор эди. Шунинг учун ҳам улар газ камераларига киришаётганда ҳаммомга ёки шифохона блокига кириб кетяпмиз, деб ўйлашарди. У ерга қизил крестли байроқ ҳам осиб қўйиларди. Маҳбусларнинг бир қисмини бўйларини ўлчаш баҳонасида даф қилинарди. Ўлчов ёғочининг одамнинг гарданига тўғри келадиган ерида махсус тешик бўлиб, шу тешикдан ўқ узиларди-ю, маҳбус ҳеч қандай оғриқ ҳам сезмас, нима бўлаётганини пайқашга ҳам улгура олмасди.

— Сен қаёқдан биласан?

— Бизнинг врачларимиз орқа мия мағзига теккан ўқ этни ўлдирмай тиш олдиршга ўхшаш оғриқ беради, холос, лекин кўп эмас, бир зумгина, дейишарди. Газларнинг заҳарловчи таъсири бўлса беш минутгина

сезиларкан, кейин маҳбус ҳушини йўқота бошлаб, мушакларининг механик қисқаришигина унинг жон узаётганидан далолат бериб тураркан.

— Бу дейман, ўз ишининг профессори экансан-ку.

— Ҳаммамиз ҳам буларни билишга мажбурмиз; ҳар куни шу иш бўлгандан кейин билмасанг, ҳар қалай, кишига руҳан таъсир қиларкан.

— Билганда руҳингга таъсир қилмас эканми?

— Кўнниколмай ланжлик қилганларни ё фронтга жўнатишар, ёки гестапо олиб кетарди.

— Сен ҳеч ланжлик қилганинг йўқми?

— Мен доим, ҳатто туни бўйи ибодат қилардим.

— Нафи тегармиди?

— Бу гўё бир қушхона-ю, келаётганлар инсонлар эмас, шунчаки қора мол, деб ўйлашга ҳаракат қилардим.

— Балли, хўп ўйлаб топибсан-да!..

— Бўлмаса-чи! Биласанми, мен яна уларнинг афти ангорини эслаб қолмасликка ўргандим. Ҳеч нарсани эслаб қолмасликка ўрганиш ҳам жуда муҳим-да.

— Борди-ю, бирдан эслаб қолсанг-чи?

— Нега энди эсларканман?

— Вақти келиб эслатиб қўйишса-чи?

— Ким? Ким эслатади?— сўради Рейс адоват билан, ҳатто мотоциклнинг ҳам юришини секинлаштириб.— Энди улар қайтиб дунёга келишмайди. Биз туя кўрдингми, йўқ, қабилуда иш тутиб, ҳатто ҳозир ҳам, бу ҳақда ҳеч гаплашмаймиз.

— Уруш тугади деб ўйлаяпсанми?

— Бу нима деганинг?— хижолат бўлиб деди Рейс.— Бу нима деганинг?

— Ҳеч нарсаси,— деди Иоганн хотиржамгина.— Шунчаки мен ҳали уруш тугагани йўқ, аммо бир кун бўлмаса, бир кун тугайди деган хаёл-даман.

— Тўғри,— розилик билдирди Рейс кўнгли ўрнига тушиб.— Москва-ни оламузу, бутун инсоният оёғимизга бош уради.

— Сенинг оёғингга ҳамми?

— Ҳа, менинг оёғимга ҳам.

— Оёқларинг мос келадиган, жуда ажойиб оёқлар. Бундай оёқлар билан юурса бўлади.

Иоганн заҳарханда қилаётгани билан чеҳрасидан табассум аримасди. Шундай ҳам газаби қайнаб турган пайтда шу мавзуда гап очишнинг нима ҳожати бор эди. Йўқ, аламини ичига ютиб, аксинча, иродасини метиндек мустаҳкамлаши керак, совет кишилари билан учрашувга тайёрланиши, гўё уларни кўрмагандек дадиллик билан бепарво ўтиб кетишга ҳозирланиши зарур.

Пастликни совуқ туман пардаси қоплаган.

Мотоцикл филдираклари остида қум ғичирлайди. Майда тошлар чарсиллаб ҳар томонга сачрайди. Ен бағридаги гиёҳлари куйдирилган қумлоқнинг тик деворлари қорайиб турибди. Еғоч мнноралар, бир неча қатор қилиб тортилган тиканли сим тўсиқлари кўзга ташланарди. Кул ранг қозиқлар учнда йирнк-йирик электр сими бойланадиган изоляторлар оқариб кўрнарди, демак тиканли симлардан юқори кучли электр қуввати ўтказилган.

Баланд ғиштин мўрилик пастак-пастак тош бинолар кўзга ташланди:

— Крематорийми?

— Йўқ, сопол плиталар пишириладиган хумдон,— деб мамнунлик билан тушунтирди Рейс. Бир оз сукут қилгач, давом этди:— Лекин, баъзида... ундан ҳам фойдаланилади...

Чеккаларидаги пулемётдан ўққа тутншни мўлжаллаб қилинган шинакларга бетон қалпоқлар ўрнатилиб, зич қилиб тиканли сим тутилган биринчи, сўнгра иккинчи дарвозадан ўтишди. Мотоциклни комендатурага кправеришда, пойдеворсиз қўндирилган ёғоч бино олдида қолдиришди.

Гинт ётқизилган йўлкадан юриб, бўм-бўш катта майдонга чиқишди. Бу ернинг қумлик заминини роса шиббаланган, тер ва ёрилган оёқлардан оққан қонлар қум учун елим вазифасини ўтаб, худди асфальтга ўхшатиб юборган эди.

Лагернинг қолган саҳни тиканли сим билан қўрага ўхшатиб каталарга бўлинган, уларнинг ҳар бирида ўрта бўй одамнинг қўли етадиган нккитадан пастак-пастак ёғоч уй ўрнатилган эди. Бу ердагилар бу баракларни блоклар деб аташарди.

Сим тўсиқлардан бир неча метр берида оҳак сепилган йўл чўзилган. Шу чегарадан ўтган маҳбус ҳам қочқинлар қатори жазоланарди.

На бир туп бута, на биронта гиёҳ ўсмаган бу яланглик ҳамма томондан яққол кўриниб турарди.

Ёғоч уйларнинг деразалари, энсиз бўлса ҳам, деярли бутун девор бўйлаб чўзилган, ҳаво алмаштириш учун ўрнатилган трубалар деярли ҳар ўн метр оралиққа ўрнатилгану, лекин одатдагидек томдан эмас, негадир калтагина қилиб ён томон деворлардан чиқарилган эди.

— Булар гап эшитиш учун қилинган,— деб тушунтирди Рейс. Кейин ғурур билан давом этди,— Герр Клейн лагерь ишини анча такомиллаштирди. Масалан, у очикдан-очик қатл этншни ёмон кўради. Аммо ҳар бир карцер шундай воситалар билан таъминланганки, айбдор ўзини ўзи бир ёқлик қилиши мумкин, шунда ҳам башарти, жаноб оберштурмбанфюрер унинг йўқ қилинишини мақбул топгудек бўлса.

— Бундан чиқдики, ўз-ўзини ўлдириш ташкил қилинаркан-да?

— Нега ўз-ўзини ўлдириш бўларкан? Шунчаки ўлим усулини танлаш эркинлиги берилади.

Яқинлашиб келаётган йўл-йўл кийимли маҳбуслар тўдасини кўрган Рейс, Иоганндан уларга эътибор беришни сўради.

Шахснинг хусусиятини йўқотиш принципи ҳам герр Клейннинг ихтироси. Бошламаси бундай: ҳар бир маҳбус фақат ўз номерига эга-к, бошқа ҳеч нарсаи йўқ. Биз уларга шу номердан бўлак бирон нарса бердиртирмаймиз. Шу мақсадда яна ҳар куни ҳар бир маҳбуснинг барагини ҳам, ётадиган жойини ҳам, тўдасини ҳам алмаштириб турамыз: хуллас, уларни картадек чийлаймыз. Айниқса, совет кншиларида уюшиш қобилияти кучли бўлади. Бу усул билан бўлса биз ана шу қобилиятнинг пайини қирқамиз. Бундан ташқари улар орасига айғоқчиларни қўйиш ҳам осон бўлади.

— Чақимчиларними?

— Айғоқчиларни. Бу бизнинг терминимиз, анча аниқроқ.

— Улар кўпчиликми?

Рейс мужмал жавоб берди:

— Улар оберштурмбанфюрернинг шахсий хизматчилари.

— Бизга ҳам худди шундақа йнгитлар керак-да!— деди Вайс завқ билан.— Бир нечтасини бизга ҳам берарсизлар, ахир?

— Оберштурмбанфюрер буйруқ берса бас!

Иоганн Рейснинг елкасига қўл ташлаб, ўртоқларча бир оҳангда илтимос қилди:

— Қани, бир оғайнилик қил-чи, бақувватроғидан бир жуфтинигина айтворгин. Бўлмаса, кўринишдан ҳаммаси ҳам нимжонга ўхшайди.

— Йўқ, ҳаммаси эмас. Битта «қуёни» бор, жони жуда қаттиқ.
Вайс бепарво деди:

— Бизга тиббий тажриба ўтказиш учун ажратилган бундай нусха-лар керакмас.

— Йўқ, буниси мутлақо бошқа тоифадан,— дея кулди Рейс,— изкувар хилидан. Тушундипми, изкувар қуён. Биз унга тўсиқнинг қаеридан ўттиш кераклигини кўрсатиб қўямиз-да, у бир тўда маҳбусни қочишга ундайди. Хуллас калом, шундай оддий усул билан биз инсонлик қиёфасини йўқотмаган шахсларни билиб оламузу, уларни гумдон қиламиз.

— Қойил,— деб мақтади Иоганн.

— Бу эски усул,— деди Рейс камтарлик билан.— Трёмблинкала ишлаб юрган пайтимда ҳам қўллардик бунди.

Иоганн тўдадаги маҳбусларга кўз югуртириб чиққач, илтимос қилди:

— Қани, ўша йигитни менга кўрсат-чи.

— Ҳў ана, рўпарангдаги маҳбус—730012.

Гап маҳбуснинг кўкрагидаги номер устида бораётганини фаҳмлаган Иоганн уни дарров топиб олди.

У шу ердагилар қатори бир одам экан. Ажралиб турадиган ери йўқ. Юзи кўкимтир, шилинқираган, қулоқлари катта-катта, юмалоқ, гардани букчайгап, сағри чиққан. Унг қоши тиртиқлиги учун мўйсиз.

— Бизга ярамайди, қарироқ,— деди Иоганн энсаси қотиб.

— У ҳали ўттизга ҳам борган эмас. Бу ердагиларнинг ҳаммаси чолларга ўхшаб кўринади.

Иоганн, қалбида кўтарилаётган тугённи аранг босиб, маҳбусларнинг афтига, уларнинг кўзларига тикилиб қарарди. Аммо унинг нигоҳи афтидан, уни кўрмаётган, наинки кўрмаслик, кўрншни истамаётган сўник кўзларга рўбарў келарди, холос. Уларнинг бу қарашларидан Иоганн мавжуд эмас, деган маъно англашилди. Улар учун Иоганн йўқ, вассалом. Улар учун Иоганн бўшлиқ эди. Кул ранг формадаги бўшлиқ. Улар радио карнайдан келган садога қандай итоат қилинса, унинг овозига ҳам худди шу тахлитда итоат қилишади.

Рейс бармоқларини ўйнатиб буюрди:

— Етмиш тўрт икки нол ўн тўрт.

— 740014, жаноб унтерштурмфюрер ҳузурига! — деб ҳайқирди блокфюрер.

Қатор орасидан дадил қадам ташлаб, скелетга ўхшаш қоқсуяк бир киши чиқди-да, бошидаги йўл-йўл латта қалпогини қўлига олар экан, оёғини бир тапиллатиб қотиб турди.

— Агар истасанг, гаплашиб кўр,— рухсат берди Рейс Иоганнга.

Иоганн бу кишининг афтига тикилиб туриб рус тилида баланд овоз билан дона-дона қилиб сўради:

— Ватан хонни сифатида иш олиб боришга раъингиз борми? Улур Германиянинг ғалабаси ва фюрернинг шўҳрати йўлида хизмат қилишни истайсизми?

— Тушунмадим,— деди бўғиқ овоз билан 740014 номерли маҳбус.

— Русчалаб тушунтиролмадимми?— сўради Вайс.

— Тушунмадим.

— Нимани тушунмадингиз?

— Тушунмадим, вассалом.

— Тушунганини истамайсизми?

Маҳбус индамади.

Рейс хавотирланиб сўради:

— У сенга нима деди?

— Ҳйлаб кўрмоқчи,— жавоб қилди Иоганн.

Рейс илтмос қилди:

— Унга айтиб қўй, махсус блокда даволансамикан, деган фикрга кслиб қолдим. Кўрinishдан мазаси қочиб қолганга ўхшайди.

Иоганн таржима қилди.

Маҳбуснинг юзи ундан баттар бўзариб кетди. У лабини буриб тир-жайди-да, хирқироқ товуш билан:

— Тушунарли!— деди.

— Нимаси тушунарли?— сўради Иоганн.

— Ҳаммаси,— деди 740014 номерли маҳбус ва қўшиб қўйди:— Де-мак, манзилга етбмнз-да.

— Марш!— буюрди Рейс ва югуриб келган блокфюрерга қараб бепарвогина деди:— Манавини — финишга!

— Шошманг,— деди Иоганн ва жилмайиб туриб Рейсдан илтмос қилди:— Рухсат этсанг мен ўзим уни бир исканжага олиб кўрсам.

— Қолдирилсин!— буюрди Рейс блокфюрерга.

Маҳбуслар майдон бўйлаб ёғоч бошмоқларини тарақлатганча барак-ларига тарқалишди.

Майдонга оғир сукунат чўкди. Шунинг учун бўлса керак, дарҳол туманинг аччиқ ҳиди, одам терлари ва латта-путталарнинг қўлан-са исп, дезинфекциянинг димоқни тешадиган ўткир ҳиди сезила бошлади.

Сим тўсиқ олднда шарпа янглиғ овчарка иглар изғирди. Улар сира вовуллашмасди: бу итларни одамга индамай тўппа-тўғри ташланишга ўргатишган эди.

Рейс, халқобга тушиб кетишдан чўчиб, авайлаб қадам ташлаб борар-кан, деди:

— Бу ер сараловчи лагерь ҳисобланади. Бу ерга олиб келинадиган-лар бирмунча элак-элак қилиниб, кейин келтирилади-ю, шунда қам ком-мунистлар тушиб қолади. Бу жуда хавфли-да.

— Шубҳалилари ҳозир ҳам борми?

— Ҳа, бўлганда ҳам бир неча.

— Бекорга вақт сарфлаб ўтпмаслигим учун кейинроқ уларнинг но-мерларини айтиб қўясан-а?

— Албатта,— розилик билдирди Рейс.— Улар жуда қув бўлишади. Сир сақлашнинг уддасндан чиқишади-ю, фақат қатл олдидан одатда сирларини ошкор қилиб қўйишади.

— Нима қилиб?

— Мардлпкларини беҳуда намоиш қилиб-да!

Иоганн қоп-қора майдон бўйлаб юриб бораркан, бу лагерда дастав-вал умрини узайтириб ўтиришни истамай, кунда кунда ўлгандан бир кунда ўлган яхшироқ, деб ҳисоблайдиган кишиларнинг қатл этилишини ўйларди. Бу ерда фақат ўлимгина енга оладиган матонатли кишилар ҳам бор эди. Шу билан бирга шундай бир тоифа кишилар ҳам бор эдики, улар ҳам бардошлигу, лекин улар кейинчалик бир лаҳзагина қадлари-ни ростлаш учун ниҳоясига етгунга қадар бел букиб юришарди; қадди-ларини ростлаганларида эса ўз бошларига етсалар ҳам, одам эканлик-ларини исботлаб кетардилар. Ана шундай кишиларни топиш керак эди. Бундай бебаҳо одамлар Иоганн бажараётган хизмат учун гоятда зарур эди. Аммо Вайс уларни қандай қилиб топсин?

Анави, 740014 номерли маҳбус ким бўлди? Қанақа одам? Қартоте-кадаги номергина холосми? Борди-ю, Иоганнинг ўзи асир тушиб қолган-да ростини айтармиди? Албатта йўқ, ёлгон гапирган бўларди.

Лекин бу 740014 номерли маҳбус Рейс томонидан аллақачон ўлимга маҳкум қилиб қўйилган-ку! Балки, у энди ўзи ҳақида рост гапни айтиб

берар? Нега энди? Ахир у жон саклаш учун аввал қилмагани хонликин энди қиларминди? Еки омон қелиш учун ёлгон-яшиқ гаплар тўқирминки? Ахир у қанча-қанча текширувлардан ўтган, демак, бир нимаси борки сараловчи лагерига тушибди.

У билан бетма-бет гаплашиш зарур.

Эҳтимол, у шунчаки бошқа маҳбуслардан қўрққандир. Ҳатто ўша чийлаш методи ҳам хабар етказиб турадиганларни қасосдан сақлаб қололмас экан-ку: унақаларнинг ўликлари ҳожатхоналардан тез-тез топилиб тураркан-ку. Демак, бу ерда кимдир сотқинларнинг адабини бериб тураркан. Аммо бу бир кишининг қўлидан келмайди, уюшқоқлик ҳам бўлиши лозим.

Одамнинг қалбини ёритиб кўрсатадиган нур йўқ-да. Йўқ ва бўлмайди ҳам. Аммо Иоганн иложини топиши керак. Иложини топиши зарур...

Туман қуюқлашиб, деярли ҳеч нарса кўринмай қолди. Рейс мотоциклнинг чирогини ёқиб қўйди. Кишини диққинафас қиладиган туман қоронғисиди чироқда ҳосил бўлган оқ чамбаргина кўзга ташланиб турарди. Улар тепаликка кўтарилишди. Урмоннинг ичи қуруқ, озода эди. Филдираклар остида қум ғичирлар, лагерь ходимлари уйчаларининг деразаси орқали ранго-ранг ипак абажурлардан нур таралиб турарди...

Дитрих Вайсга картотекалар билан шуғулланишни тайинлади-да, муғамбирона кўз қисиб деди:

— Мен шахсий делолар билан танишиб, рўйхат туздим. Сен ҳам шундай рўйхат тузгин. Кейин солиштирамиз. Агар маҳбусларнинг номери мос келгудек бўлса жуда яхши бўлади. Ҳар ҳолда калла иккита бўлса, иш ўнгидан келаверади.— Сўнг ҳасрат қилди:— Жаноб Клейн фирибгарликда устаси фаранглардан экан. Шахсий делолардаги махфий белгиларнинг маъносини айтгиси келмади. Эсэсчилар фақат ўз манфатларини кўзлашга олатланиб қолишган.

Шундай қилиб, Иоганн бутун оқшом ва ҳатто тунларни идорада ўткази бошлади. Унинг ишдаги бу ғайрат-шижоат, фақат Ландсдорфнинг панд-насиҳатлари туфайлигина бўлмаса ҳам, унинг маслаҳатлари инобатсиз қолди деб бўлмасди. Иоганнинг узоқни кўзлаган ўз режаси бор эди: даставвал, у ахборот етказиб турадиган чақимчиларни анқлашга қарор қилди. Сирасини айтганда, Рейс «қуён»нинг сирини очиб, Иоганнинг қўлига калаванинг учини бериб қўйган эди. Шунга асосланиб у идорадаги қоғозлар ичига шўнғиб кетди.

Иоганн силлиқ қутилардаги картотекаларга қўл теккизмади. Ҳозирча уни маҳбусларнинг шахсий делолари солинган папкалар ҳам қизиқтирмасди.

Унга биринчи навбатда озиқ-овқат таъминоти ведомостлари ва омбор мудирларининг ҳисоботлари керак эди.

Бу ердаги ҳамма ҳарбий асирлар аста-секин силласи қуриб, ўлишга маҳкум этилган. Ундан ташқари эсэсчиларнинг жазо усули ҳам очлик; штраф блокига тушганларга бўлса, мутлақо ҳеч нарса беришмайди.

Лагерда ҳаётни фақат овқат узайтириши мумкин. Шунинг учун ҳам эсэсчилар ўзларига керакли одамларни егулик билан мукофотлайдилар. Бу ерда «капо» деб ном олган блок старосталари қўшимча егулик олишди. Сотқинларга ҳам қўшимча егулик белгиланган, лекин улар учун энг олий мукофот тамаки ва шнапс ҳисобланади.

Иоганн озиқ-овқат ҳисоботларига қўйилган ғалати белгиларни синчиклаб ўрганди, уларга тиркаб қўйилган блокфюрерларнинг тилхатларини таҳлил қилди. «Қуён»нинг номери бу мураккаб бухгалтерия

жумбоғини ечишда асосий омиллик вазифасини ўтади. Шундай қилиб, Иоганн тез орада тутган йўли тўғри эканлигига ишонч ҳосил қилди.

Томида қизил крестли оқ байроқ ҳилпираб турган махсус блокка юборилганлар рўйхати орасида у «Қуён»нинг ҳам номери бир неча марта такрорланганини пайқаб қолди. Блокдан ҳеч ким тирик қайтмаган-ку, ахир. Бундай солиштириб қаралса «Қуён»нинг махсус блокда бўлган вақти блокфюрерларнинг қўшимча егулик, тамаки ва шнапс олганлиги тўғрисида берган тилхатларидаги санага мос келарди.

Худди шундай ишни Иоганн штраф блоки рўйхатларида ҳам топди. «Қуён»нинг «жазоланган» кунни ҳамма вақт штраф блоки блокфюрерларнинг қўшимча егулик олган кунига тўғри келарди.

Иоганн бир неча тунни идорада ўтказгандан кейин ўлим камераларидан биргина «Қуён» омон қайтмаганини аниқлади. Рўйхатларда бир неча мартагина махсус ва штраф блокларига тушган ҳамда уларнинг бу ерда бўлиши ҳар гал блокфюрерларнинг тилхати билан тасдиқланган яна бир неча «номер»лар бор эди.

Иоганн хониларни шу тарзда аниқлаб чиқди. Картотека унга фақат номерларни исмлар билан алмаштириш учуғина керак бўлди. Иоганн номерларни шифрлаб рўйхатни этигининг таг чарми остига яшириб қўйди, номерларни эса ён дафтарига ёзиб олди.

Озиқ-овқат ведомостлари Иоганнга керак бўлмай қолди. Энди у маҳбусларнинг шахсий делолари билан шуғуллана бошлади. Уларнинг баъзиларида гестапochи Флинкнинг белгилари бор эди. Иоганн мана шуларни текшириб кўриб, шахсий делоларга Флинк белги қўйган маҳбуслар ўлимга маҳкум этилганликларини фаҳмлади. Улар жисмоний жиҳатдан жуда ҳам мадорсизланиб қолганликларидан эмас, балки ўзларини ёрдам тутганликлари ва шу билан атрофдагиларга зарарли таъсир кўрсатаётганликлари учун ўлимга маҳкум этилган эдилар. Иоганн шундай маҳбусларнинг исмлари ва уларнинг номерларини ҳам ёзиб олди. Шулар орасида тунови кунни Вайснинг ўзи очиқ-ойдин ватап хоини бўлишни таклиф қилган 740014 номерли ўша маҳбус ҳам бор эди. Ҳатто ўтакетган сурбет фашистлар ҳам шу зайлдаги таклифларни бошқачарасқ, ноаниқроқ усулда гапиришларига қарамай, Иоганн ўшанда дабдурустдан ҳамма нарсани ўз номи билан атаб қўя қолганди.

Уйқусиз тунларнинг таъсири руҳан сезиляётган бўлса ҳам, лекин Иоганн мамнун эди. У излаш методикасини топди, аниқлаши лозим бўлган кишиларни аниқлаб олди. Ҳар қандай қийноқларга мардонавор бардош берган, Рейс елкасини қисиб бемаъни деб атаган, ўлимга мардларча тик боққан маҳбусларнинг номларини билиб олди. Иоганн шуларни ҳам шифрлаб ёзиб олди: у қатл этилганлар олдидаги ўз бурчини бажармоқчи эди. Вайс улар кўрсатган жасоратини ватапдошлари билишлари ва абадий хотираларида сақлаб қолишларини истарди.

Иоганн тонг отиши билан идорадан чиқиб тўғри маҳбуслар ишлаётган қумлоққа борар ва ўзини қизиқтираётган маҳбусларни диққат билан соатлаб кузатиб турарди. У сотқинлар ўзларини унча қийинмаётганини, назоратчилар ҳам уларга нидамаётганини пайқадди. Ўлимга маҳкум этишнинг мўлжаллаб қўйганларини эса соқчилар аямай калтаклашар, бақириб-чақириб, дўқ уриб, ишлашга мажбур қилишарди. Шунга қарамай у бечоралар ҳўл қум тўлатилган оғир замбилғалтакни ўрнидан қўзғатишда, харсанг тошларни кўтаришда ҳолдан тойган шерикларига ҳам кўмаклишишарди. Ана шу кузатишлар Иоганн идорадаги тадқиқотига мос келиб, унинг хулосалари тўғри эканлигини тасдиқлади.

Орадан кўп вақт ўтмай Иоганн Дитрих кутган рўйхатни тузиб чиқди. У парашютчи-диверсантлар ролига жисмоний ҳам ақлий сифатлари унча мос келмайдиган хониларни танлаб олди. Иоганн улар билан бир

неча бор суҳбатлашиб, бу тўнкалар ҳатто оддий арифметик масалани ечиш у ёқда турсин, учта икки хонали рақамни эслаб қолишга ҳам қодир эмасликларини аниқлади. Керамик печкали баракдан катта майдонга қадар бўлган маршрутчи қогозга чизиб бериш тўғрисида-ку, сўз ҳам бўлиши мумкин эмас эди. Улардан заб террорчи-разведкачилар чиқадиди-да! Фашист вермахти «ажойиб» ёрдамчиларга эга бўлади!

Аммо Вайдан ҳеч ким шубҳа қила олмасди. У рўйхатга киритишни лозим топган кишиларнинг шахсий делоси бунинг тўғрилигига асос бўла оларди. Мазкур шахсий делоларда эса бу қўрқоқ ва қабнҳ кишиларнинг фашист терговчиларига бидирлаб айтган гапларнинг ипидан-игнаси-гача аниқ ва равшан қайд қилинган эди.

Худди маслаҳатлашиб олгандек, уларнинг ҳаммаси Совет ҳокимиятидан жабрланганликлари, унинг қурбони бўлганликларини таъкидлашарди. Шундай экан, Советлар мамлакатада чеккан азоблари учун улар уч олишга тайёр эканликлари тўғрисидаги хулоса ўз-ўзидан келиб чиқарди. Эҳтимол, баъзи маҳбуслар жазодан қутулиб қолиш учунгина ёлғон гапирншгандир. Ҳар қандай бўлганда ҳам бу ҳол номзодларни танлашда Вайс сиёсий принципга амал қилганлигига далил бўлиб хизмат қиларди ва бу таклиф Лансдорфга манзур бўлиши турган гап эди.

Бир неча кундан кейин, ҳавонинг авзойи бузуқ бўлишига қарамай, Дитрих Вайсни ўрмонда сайр этишга таклиф қилди. Афтидан, у бу ерда деворларнинг ҳам қулоғи бўлиши мумкинлигидан хавфсираб, холис гаплашишни истагани учун шундай қилган бўлса керак.

Улар ўрмон ичида бир оз юришгандан кейин Дитрих тутатиб Клейндан шикоят қила бошлади. Зарур одамларни танлашда Клейн унга сидқидилдан ёрдам бераётганига унчалик ишонмас эмиш. Афтидан, гестапо ўзига маъқул маҳбуслардан ажратгиси келмасмиш.

Иоганн Дитрихнинг ҳасратини одоб билан тинглаб, бош силкиш билан унинг фикрларига қўшилаётганини англатиб турди: Ҳа, капитаннинг зиммасига анча оғир вазифа тушган, сўнгра Иоганн ҳамсуҳбати кўнглини бўшатиб олгунча кутиб турди-да, пайт пойлаб бир оз дам олиш учун тўнка устига ўтиришни таклиф қилди. Дитрих ўтиргунча Иоганн сумкасида номзодлар рўйхати билан ўз фикрини далиллаш учун маҳбусларнинг шахсий делоларидан ёзиб олинган кўчирмаларни чиқарди. Иоганн тантанавор бир қиёфада қогозларни Дитрихга узатар экан, гўё камтарлик ва унга бўлган алоҳида ҳурматини билдириб, қилинган ишларни ўзиники деб ҳисоблашни сўради. Дитрих қогозларни диққат билан ўқиб чиқди-да, маъқул топгандек бўлди. Уйлаб кўриб, у бу рўйхатни ўзининг ўта сезгирлиги натижаси, деб кўрсатишга қарор қилди ва Клейн қаршисида аввало ўзининг, қолаверса, абверчилар мавқеини оширишга умид боғлади.

Ана шу арзимас нарса билан Дитрихнинг кайфияти дарҳол чоғ бўлиб кетди. Чиндан ҳам ўзи тер тўкиб жуда бопта номзодлар танлагандай, мазкур ишни бажаришдаги барча хизматлар бошқа бировга эмас, фақат ўзига хос экандай туюлиб чеҳрасида ўз-ўзидан мағрурлик ҳиссиёти пайдо бўлди. Энди у Вайсга гапирмас, унга эътибор ҳам бермасди. Капитан ҳатто унга миннатдорчилик билдиришни ҳам раво кўрмасди. Хўш, нима бўпти! Уз қўл остидаги ефрейтор, деярли солдат, унга баъзи зарур материалларни топиб берибди, холос. Ахир Вайс унга тобе одам-ку, хизмат қилган бўлса бегонага эмас, ўз хўжасига хизмат қилибди-да! Демак, ўз-ўзидан англашиладики, капитан Дитрих бу ишнинг самарасидан фойдаланиш, уни ўзиники деб ҳисоблаш ҳуқуқига эга. Бу тўғрида гап бўлиши ҳам мумкин эмас.

Шундай қилиб, Дитрих бепарво ҳуштак чалганича қори эрий бошлаган ўрмон сўқмоғидан одим отиб кетди. У ниҳоят даражада хурсанд,

Клейн ҳузурига шунчалик ошиқар эдики, доимий одатига хилоф бўлса-да, чарми юпқа этигидан нам ўтишидан ҳам чўчимай, дуч келган ерга қадам ташлаб бораверди.

Худди Иоганн кутгандек, Клейн билан Флинк Дитрих кўрсатган маҳбуслар рўйхати билан таишиб чиққач, таъбиларни тпрриқ бўлиб кетди.

Флинк жаҳли чиқиб тўнғиллади:

— Жаноб капитан, жуда шафқатсиз экансиз. Бизни лагердаги кўз ва қулоқларимиздан маҳрум этиясиз ахир! Мен эътироз билдираман.

Дитрих огоҳлантиргандек қош чимирди.

— Тушунишимча, сиз генералитетнинг имкони бор воситалар билан уруш олиб бориш тўғрисидаги қарорига қарши эътироз билдирыасиз?

Клейн жанжални авж олдирамслик учун гапга аралашиб, уларни келиштиришга ҳаракат қилди:

— Жаноб Дитрих, мен сизнинг биринчи даражали уста разведкачи сифатидаги ажойиб талантингизга қойил қолдим,— деди у, кейин вино қуйиб мулойим табассум билан қадаҳни унга узатар экан, илтимос қилди:— Биз билан ўртоқлашарсиз, айғоқчиларимизни қанақанги йўл билан аниқлаб, бизни қуролсизлантириб қўйганингизни айтиб берарсиз, деган умидман.

Клейн бу сўзларни гўё хафақон бўлиб айтаётганига қарамай, кўзларининг ялтираши шодлигидан дарак бериб турарди. У энг қимматли айғоқчилари Дитрихнинг бу рўйхатига тушмагани, ундан ташқари рўйхатга ўлимга маҳкум қилиб қўйилган, коммунистлигига шубҳа қилмаса бўладиган икки кишининг кириб қолиши ҳақида чурқ этиб оғиз очмади.

Бу ҳолни Иоганн дарҳол сизди, бироқ Дитрих ҳеч нарса пайқаманган эди. Капитан бармоғи билан пешанасини уриб тўқиллатар экан, маънодор қилиб деди:

— Афсуски, бу пўлат сандиқнинг калити фақат адмирал Канарисда!

— О, мен ҳам худди шундай деб ўйлаган эдим!— дея эҳтиром билан хитоб қилди Клейн.— Абвер деган сўз бировларнинг сирри-асрорларини билиб оладиган ажойиб асбоб ва айни бир вақтда ўзига хос сирларни сақлашга келганда ҳеч кимсанинг оёғи етмайдиган қоя ҳам. Бу бизга аён.— Унинг кўзлари маккорлик билан порларди.

Эртасига Иоганн Рейсга бу ерда бекорга ғайрат қилиб тунларни бедор ўтказганидан ҳасрат қилди: капитан Дитрих шу даражада тажрибали контрразведкачи эканики, Вайснинг ёрдамсиз ҳам ҳамма ишни ўзи эплаб қўйибди. Ёнинг афсусларки, энди қўмондонлик Вайснинг мазкур командировкасини ижобий баҳоламаслиги ҳам мумкин.

Рейс Иоганнинг ҳолига ачинди, бироқ уни юпатиш учун ўз мотоциклида шаҳарга, лагерь раҳбарлари биркитиб қўйилган ўша, қизлар турадиган уйга олиб боришни таклиф этолди, холос.

Шу кунлар мобайнида 740014 номерли маҳбус тўғрисидаги фикр Иоганнинг хаёлидан сира нари кетмасди. Вайс унинг шахсий делосини қайта-қайта варақлар экан, ўзига ҳам аста-секин аломат туюлган баъзи хулосаларга кела бошлади.

Анкетада доимий турар жойи Горловка деб кўрсатилган, касби дейилган хонасига эса «якка хўжалик деҳқон» деб ёзилган. Донбассдек саноат шаҳрининг нақ юрагида қанақанги якка хўжалик деҳқон бўлиши мумкин? Ундан ташқари, 740014 номерли анкетада рус фамилияси ёзилгану, шу ернинг ўзида миллати украин деб кўрсатилган.

Шу фамилияни украинча талаффузда қандай айтилишини чамалаб туриб, бирдан бу ном бутун мамлакатга донғи кетган шахтёрнинг фамилияси эканини хотирлаб қолди. Анкетада ёзилган исм, афтидан, айнан кўрсатилган бўлса керак, у ҳам мос келарди.

Кечқурун Иоганн махсус блокка кириб, блокфюрерни чақирди-да, эътирозга ўрин қолдирмайдиган оҳангда, оберштурмбаифюрер Клейнпинг ижозати билан абсер капитани Дитрих унга икки маҳбусни сўроқ қилиш учун ваколат берганини айтди. У худди шундай қатъий оҳангда 740014 номерли маҳбусни ва роппа-роса бир соатдан кейин қошида тиртиги бор «Қуён»ни сўроққа олиб келишни буюрди.

Бундай юмушларнинг роса машқини олган ва кўринишдан, сўзсиз итоаткорликка одатланган блокфюрер Вайсни маҳбуслар сўроқ қилинадиган махсус бўлмага бошлаб кирди-да, уни ёлғиз қолдириб чиқиб кетди.

Иоганн бўлма ичнини кўздан кечирди. Аввало, унинг диққатини эшиги қия ёпилиб, баландлиги шифт бўйлаган жавон ўзига тортди. Иоганн унинг эшигини очди-ю, чўчиб орқасига тисарилди.

Жавон сўроқ пайтида маҳбусларни осиб, пайларини чўзиш учун мосланган экан. Аслини олганда у жавон бўлмай, балки ичидаги ақлга сизмайдиган ҳар хил ускуналарни яшириб турган бир филоф эди. Шифтида чиғирга ўрнатилган қўл кишанлари осиглиқ турар, пастда эса оёққа солинадиган кишан ётарди. Иоганн уларни кўтариб кўрмоқчи бўлди-ю, кучи етмади: уларга бириктириб қўйилган метин ғоятда оғир эди. Кўринишдан бу даҳшатли бесўнақай мосламанинг ижодкори Флинкка ўхшарди. У бир куни гап орасида болалигиданоқ қонни кўрншга тобнтоқати йўқлигини айтган эди. Эртагами, эҳтимол, худди шу бугуноқ Иоганн ана шу Флинк билан қўл сиқиб кўришади, жилмайиб, ундан ҳол-аҳвол сўрайди, кейин улар қандайдир арзимас нарсалар юзасидан: оби ҳаво ёки янги пластинкалар ҳақида суҳбатлашадилар.

Иоганн жавонни ёпди-да, стол ёнига ўтириб, узуксимон қилиб металл ҳалқачалар тақилган резинка таёқни куч билан сиққан эди, бармоқлари дарҳол ёзилиб кетди. Бу сафар унинг олдида турган нарса Рейснинг ижоди эканини дарров фаҳмлади, чунки у бир неча марта ҳазиллашиб, бу қуролини «никоҳ узукли асо» деб мақтанган эди.

Эшик тақиллади. Блокфюрер 740014 номерли маҳбусни олиб кирди-да, буйруқ кутиб эшик олдида тик қотиб турди. Иоганн резинка таёқни яна қўлига олиб уларга яқин келди-да, блокфюрерга чиқиб кетишни буюрди. Вайс маҳбуснинг тумшуғи остида таёқни ўйнатар экан, русчалаб сўради:

— Қани, нима дейсан?— Сўнг қўлидаги сўроқ қуролини синаб кўраётгандек, эшик кесақисига куч билан урди-да, эшикни очиб ташқарига қаради. Йўлак бўм-бўш эди.

Иоганн стол ёнига келиб:

— Утпринг,— деди.

Маҳбус, худди сувга шўнғимоқчи бўлаётган одамдек чуқур нафас олиб, хўрсинди-да, полга маҳкамлаб қоқиб қўйилган вазмин табуреткага ўтирди.

Иоганн унинг кўзига тикилиб қараб, унинг асл исмини айтди-да:

— Стахановчи. Шахтёр. Коммунист. Шундайми?— деб қўшиб қўйди.

Маҳбус бошини кўтармай, қўлларига боққанча маъюс турарди. Унинг жонсиз чеҳрасида ҳеч қандай ўзгариш сезилмасди.

— Гапир, гапир дейман, ҳайвон!— дея ўшқирди Иоганн ва таёқ билан столни чарсиллатиб урди.— Гапир деяпман!

Шахтёр ўрганиб қолган одатига кўра унга орқа ўгириб, бошини қўллари орасига олди.

Вайс курсига ўтирди-да, таклиф қилди:

— Чекишайлик...

Маҳбус ҳайрон бўлиб унга тикилиб қолди.

— Тўғри,— маъқуллади Иоганн.— Ҳаммаси тўғри. Балли.

— Сен бўлсанг аблаҳсан,— деди шахтёр хотиржам бир қиёфада.— Бўри терисидаги кўппаксан.

— Тушунарли,— деди Иоганн,— жуда аниқ ифода.— Сўнг маслаҳат берди:— Сиз ҳар қалай, пачканинг ҳаммасини олаверинг. Ҳалиги, ўлжа қатори десаммикан.

Шахтёр сигаретани аввал ишонқирамай олди-да, сўнг уни бирдан қўйнига тикди. Кейин сўради:

— Сотиб олмоқчисан шекилли?

— Қани энди сиз ўша сотиладиганлардан бўлсангиз!

— Сенга ўхшаганми?..

— Ҳўп, бўпти энди,— дея илтимос қилди Вайс,— етар.— Энгашди.— Башарти мен сенга ишонсам-чи?

— Сотиб олмоқчисан-а!— такрорлади шахтёр ўжарлик билан.

Иоганн унга қўлини чўзаман деб сал бўлмаса стол устидаги қорилган ганчли тувука идишни тушириб юборай деди. Сўнг беихтиёр сўради:

— Бунга бало борми бу ерда?

— Аҳмоқ қилмоқчимисан?— ҳамон хотиржамлик билан сўради шахтёр.— Ўзингни янги иелган кўрлардан деб кўрсатяпсанми? Сўроқ пайтида шовқин солишмасин деб оғзимизни озмунча ганчладингми?

— Шунақами, қизик,— деди Иоганн бармоғини банкадаги совуқ қорншмага тикиб кўраркан. Сўнг соатига қараб қўйгач, буюрди:

— Бу ёққа кел.

Маҳбус итоаткорлик билан унга яқинлашди.

Иоганн жавонни очди.

— Ичига кир.

Шахтёр одатга кўра қўлини кишан томонга чўзди.

— Керак эмас. Қани, тезроқ, тезроқ бўл!

Шахтёр буйруқни бажарди.

— Энди деворга ёпишиб, тик тур. Миқ этмайсан. Тушундингми?— Шундай дея ажабланганидан анграйиб турган шахтёрнинг юзига сўнгги бор қатъий тикилди-да, жавон эшигини ёпиб йўлакка чиқди.

Йўлакда ҳеч кимса йўқ. Махсус блок ёпида ҳам бирон тирик жон кўринмасди. Ачимсиқ ҳидли туман қоплаган лагерь жонсиздек кўринарди. Прежекторларнинг ёруғ нурлари ҳам хиралашиб туман ичида сузиб юргандек туюларди. Теварак-атрофни қамраб олган хаёлот янглиғ бу дунё бир лаҳзагина Иоганни ҳам ўз оғушига олди. Фақат бир лаҳзагина. Вайс блокфюрернинг товушини эшитиб ўзига келди. У билан бирга келган «Қуён» шкафга шама қилиб, маънодор кўз қисиб қўйди:

Блокфюрер эса эҳтиром билан деди:

— Жаноб ефрейтор, мен бўлсам, сизга ассистент керак бўлар деб ўйловдим, ўзингиз эплабсиз-ку,— деб қўйди.

Улар учовлашиб бўлмага киришди. Иоганн стол ёнига ўтиб ўтирди.

Сурбетларча хушомадгўйлик қилиб турган «Қуён» ҳам таклиф кутиб турмай ўтириб олди.

— Тур ўрнингдан!— деб бақирди Иоганн ва резинка таёқни қўлга олиб, қулочкашлаб унинг бошига солди.

«Қуён» йиғламсираб, юзини қўллари билан пана қилди.

Иоганн:

— Овозингни ўчир!— деб буюрди-да, блокфюрерга қараб қўл силкиб қўйди. У чиқиб кетгач, Иоганн жавон эшигини қия очиб, «Қуён»га тикилиб қаради.— Сен!..— Ундан бошқа яна уч чақимчининг номерини айтди, айтганда ҳам баланд овоз билан, дона-дона қилиб айтди. Сўнг стулга бемалол ўтириб олди-да, бошини тебратиб давом этди:— Тўртовларингиз ҳам,— у яна номерларни бирма-бир такрорлаб чиқди.— Геста-

пога қилган хизматларингиз билан мавқеингизнинг оширилишига муваффақ бўлдингиз.

— Минпатдорман, жаноб обер-ефрейтор!

— Жим! Мен ҳали тугатганим йўқ. Абвер бўлими сизларни ўз системасига олади. Энди сен...— Вайс «Қуён»га бир варақ қоғоз билан қалам узатди.— Сенингча бу ерда кимлар зудлик билан даф қилниши кераклигини ёз.

«Қуён» қоғозни юлқиб олиб, шоша-пиша ёзишга киришди. Азбаройи тиришқоқлигидан пешанасида тер доналарни пайдо бўлди. Ёзилган қоғозини Вайсга узатаётганида бояги сурбетликдан асар ҳам қолмаган эди.

Иоганн рўйхатни қараб чиқди.

— Ҳаммаси шуми? Энди бор, йўқол. Аммо хотирингда бўлсин: Биз, абверчилармиз, башарти тилингни тиелмасанг, сени осамиз.— Кейин йўлакка қараб, у ерда кутиб турган блокфюрерга буюрди:— Буни олиб бор, махсус блокка чақирилгани билиниб турсин учун тумшугинга икки-уч тушириш кераклигини ҳам унутма.— Шундай дея Иоганн уларни эшиккача кузатиб қайтди.

Қайтиб келиб бир нафас кутиб турди-да, яна йўлакка бир бор қараб, кейин жавонни очди.

— Чиқ,— деди у,— ҳаммасини эшитдингми?

Шахтёр бош ирғади.

— Рўйхатни кўриб чиқ!

Шахтёр столга яқин келди.

— Менинг номеримни ҳам ёзибди-ку, газанда...

— Ҳа,— деди Иоганн,— сени эсидан чиқариб қўймагани жуда яхши бўлди.

— Қимга яхши бўлади?

— Масалан менга,— кейин жиддий тусда сўради:— Энди тушундингми?

Шахтёр яна бош ирғади.

Вайс уни қатъий огоҳлантирди:

— Икки кундан кейин — унғача тегманглар.

— Хўп,— деди хотиржамлик билан шахтёр.— Икки кундан кейин овозини ўчирамай.

Иоганн жиддий тусда гап қотди:

— Фашистларнинг қўпоровчи-разведкачилар мактабига киришга розилик берасан. Бир оз таранг қилиб турасану, кейин рози бўласан. Аммо билиб қўй: энди мен сени танимайман, сен мени, туя кўрдингми — йўқ!

— Тушунарли.

Сўнгра Вайс:

— Юр,— деб буюрди-да, эшик томон йўналди.

Шу пайт бирдан дилга яқин азиз сўз эшитилди.

— Уртоқ!— деб чақирди шахтёр.

Иоганн ўгирилиб қаради.

— Мени ҳам бир бошлаб тушир,— шахтёр муштини кўрсатиб, кўзини чирт юмиб олди-да, талаб қилди.— Урсанг-чи!

— Уролмайман...

— И-ие, уролмайман деганинг нимаси?— тутақиб деди шахтёр. Лозим бўлгандан кейин, нега уролмас экансан?

— Уролмайман,— деб такрорлади Иоганн.

— Юраксиз, қўрқоқ,— деб таъна қилди шахтёр. Уйлаб туриб, қўшнб қўйди:— Тентак.

Бу сўзларнинг Вайсга заррача таъсир қилмаётганини кўриб турган

шахтёр бир лаҳзагина тўхтаб туриб, стол устидаги бошдан-оёқ металл ҳалқалар билан қопланган резинкани шартта қўлига олди.

— Қераги йўқ,— илтимос қилди Иоганн.

— Ҳожати йўқмикин?— сўради шахтёр.

— Ҳа, ҳожати йўқ.

Улар биргалашиб махсус блокдан ташқарига чиқишди. Олдинда, оёқларини зўр-базўр судраб шахтёр, орқароқда қопқоғи очиқ қин устига қўлини қўйиб Вайс борарди. Комендант хонасида у навбатчи солдатга маҳбусни баракка элтиб қўйишни буюрди.

Эртасига Иоганн Дитрихга танлаган номзодлар рўйхатига гўё Рейс тавсия қилган 740014 номерли маҳбусни ҳам киритиб қўйишни таклиф қилди. Кейинчалик Иоганн жуда бопта номзод тавсия қилгани учун Рейсга миннатдорчилик билдириб, ўша маҳбуснинг номерини айтганда, у ҳайрон бўлиб Иоганнга тикилиб қолди. Аммо шу заҳотиёқ илжайиб унга нафи текканидан хурсанд эканлигини айтди. Афтидан, гестапочи, абверчини роса боплаб лақиллатдим деб ўйлаган бўлса керак. У 740014 номерли маҳбус ўлимга маҳкум этилганларнинг энг олдинги навбатдагиси эканлигини жуда яхши эсларди. Бироқ абверчилар нима сабабдан нақ ўшани танлаб олганликлари Рейсни қизнқтирмади.

Қўпоровчилик мактаби учун танлаб олинган маҳбуслар рўйхати тузиб бўлингандан кейин, энди капитан Дитрих экспериментал лагердаги ўз миссиясини тугалланган, унинг таъбирига кўра, муваффақиятли тугалланган деб ҳисоблашга тўла-тўқис асос бор эди. Уни яна бир нарса, бевосита лагернинг ўзига бормаганлиги ҳам қувонтирарди, чунки у инфекция юқтиришдан чўчирди.

Кетишлари олдида оберштурмбанфюрер Клейн Дитрих билан Вайс-ни нонуштага таклиф қилди. Ҳамма нарса уларнинг келиши шарафига ўтказилган ўтган галдаги тушлик зиёфатидагидек эди. Клейн, Флинк, Рейс ва Штрумфел креслоларда ястаниб ўтириб олиб, шошмай, бафуржа суҳбатлашардилар, фақат бу сафар суҳбат мавзуи музика эмас, тасвирий санъат эди.

Лаззат билан тўйиб нонушта қилишгандан сўнг Клейн яна ҳаммани ўз кабинетига таклиф қилди.

Профессор Штрумфел Дитрихга насиҳатомуз оҳангда кўрган-билганларидан бемалол сўзлаб берарди. Модомикн, инсон ҳайвоннинг бўлакча кўриниши экан, деб вайсарди у, стимулятор сифатида иқтисод учун қулай бўлган таъсир воситаларини қўллаш керак бўлади: яъни жазо сифатида оч қўйиш ва рағбатлантириш учун қўшимча егулик инъом қилиш керак. Ошкора жисмоний жазо ва ёки қатл этишлар фақат бунга мустаҳиқ қилинган кимсалар барча даволаш тартибларидан актив равишда таъсирлансаларгина, яъни ўзларини табиий тутсаларгина, тарбиявий таъсир кўрсатиши мумкин. Башарти улар ғайри табиий равишда таъсирлансалар, яъни жазодан қўрқмасалар (бундайлар эса тез-тез учраб туради) у ҳолда бу ҳодиса томошабинларга бутунлай аксинча таъсир кўрсатади.

Ишга доир жирканч, устига устак қандайдир илмий сифати формада ифодаланаётган бу насиҳат суҳбатдошларни ўлгудек зериктирса ҳам, профессорнинг сўзини бўлишга ҳеч ким журъат қилмасди. Бир-икки қадаҳ шнапс ичиб олгач, доворак бўлиб кетган Рейсгина чўзилиб кетган лекцияни бўлишга журъат этгандан кейингина ҳаммага жон кирди.

— Биз эса, герр профессор, Трёмблинкуда «госпиталь» нусха қабулхона жиҳозлаган эдик. У ерда духоба қопланган диванлар билан ҳатто кийик шоҳларигача бор эди — унга маҳбуслар кийимларини оли-

шарди. Сўнгра:— «Марҳамат»,— дейиларди. Эшик очиларди-ю, у ёғи жаҳаннам. Худди шу ер мўлжалга олинарди.— Рейс бармоғи билан ўзининг гарданини кўрсатди.

Разведкачи Александр Беловнинг жиркапиш, пафратланиш, газаблапиш каби инсоппи туйғуларга ҳаққи йўқ эди. Иоганн ҳамма қатори креслога ясланиб ўтириб олиб, сигарета чекарди. У бир дақиқа сукутдан фойдаланиб, эҳтиром билан Клейнга мурожаат қилди.

— Агар янглишмасам, герр оберштурмбанфюрер, бу ажойиб кузатишлар жуда катта илмий қимматга эга бўлиши керак. Шунинг учун ҳам, жаноб профессор уларни кенг кўламда оммалаштирадилар, деб ишонман.

— О, албатта,— унинг гапини маъқуллади Штрумфел.— Бу менинг бурчим.

— Лекин бирданига эмас,— шошилиб гапга аралашди Флинк.— Империянинг жаҳонга ҳукмронлиги мустаҳкамланиб олмагунча биз бошқа миллатларга тааллуқли бўлган баъзи масалаларда маълум даражада сиполик қилиб туришимиз лозим бўлади.

— Ҳа, албатта,— сўз қотди Штрумфел.

— Биз, масалан,— эслатиб ўтди Клейн,— голланд яҳудийларига нисбатан ҳиммат ҳам қилдик: хокларини темир банкачаларга қалайлаб оилаларига қайтариб бердик. Ҳар қайси банка учун атиги 75 гульден олдик, холос.

— Эшитишимга қараганда,— дея гапга аралашди Рейс,— Рудольф Гесс комендантлик қилаётган Аушвиц лагериди сочларни буг билан қайта ишлаб, той-той қилиб тўшак ишлаб чиқарадиган корхоналарга жўнатилаётган эмиш. Яна бир гап борки, Дахауда суюқларни кукун қилиб далаларга ўғит сифатида сепишаётган эмиш. Бунинг учун ҳатто у ерда махсус машина ҳам ўрнатилган экан.

— У ерларнинг иш миқёси жуда кенг,— деди Флинк билимдонлик қилиб.— Борди-ю, улар техника воситаларидан кенг кўламда фойдаланишмаган тақдирда ўликларни кўмиш учун қанча-қанча қўшимча майдон пшғол қилишга мажбур бўлишарди.

Клейн гинахонлик билан хитоб қилди.

— Жаноблар, менимча, бунақа мавзудаги суҳбат таомни ҳазм қилишга фойда бермайди.

— Тўғри,— хушомадгўйлик билан маъқуллади Рейс,— нонушта ҳамма вақтдагидек жуда ажойиб бўлди, айниқса, кувланган қаймоқнинг лаззатини айтмайсизми!

— Ширин томоқ экансиз.

— Онам эсимга тушиб кетди,— деди Рейс хаёл суриб,— у киши шундай лаззатли таомлар тайёрлардики!

— Ҳа, ҳаммамиз ҳам бир вақтларда бола эдик,— хумор билан хўрсиниб деди Клейн ва иссиқ хонаки шиппак кийган оёқларини чўзиб, деразага қаради. Қор аралаш ёмғир ёғарди. Клейн маъюс қўшиб қўйди:— Энди бўлса сочларим қордек оқариб кетибди. Яқинда ойнага тикилиб қараб туриб, юз-кўзларимга ҳам анча-мунча ажинлар тушганини кўрдим...

— Ҳа, айтганча,— деди Вайс жонланиб.— Капитан Дитрих билан мен сизлардан жуда-жуда миннатдорман: шу қадар илтифот кўрсатиб, айғоқчиларингиз рўйхатини бердинглар! Абвер учун жуда яхши иш қилдингиз.

Флинк ҳайратланиб турган Клейнга шубҳа-ю, кек аралаш назар ташлади.

«Жуда соз!— деб ўйлади Иоганн.— Сиз, аблаҳлар, бир-бирингизнинг гўшгингизни ейсиз. Флинк албатта чақимчилик қилиб хат ёзиб юборарди.

Сен ҳам, лаънати жаллод, ундан қолишмайсан, эшак эшакдан қолса қулоғини кесади деганларидек, сен ҳам ёзасан».

— Шошманг, шошманг,— хижолат бўлиб минғирлади Клейн,— ҳалиги бир оз янглишилдим...

Вайс унинг сўзи тугагини кутмаёқ, ўрндан турди. Клейннинг қўлини сиқди ва мулоимлик билан жилмайиб деди:

— Муҳтарам рафиқангиз ва ажойиб чақалоғингизга энг яхши истаклар баён қиламиз.— Кейин Рейс томонга ўғирилди.— Унтершарфюрер, 740014 номерли маҳбусни тавсия қилиб бизга зўр илтифот кўрсатдилар: маълум бўлишича у ўзларининг шахсий айғоқчилари экан. Ҳақиқатан ҳам абвер меҳробига арзигудек буюк эҳсон!— Ҳаммага таъзим қиларкан, пошналарини бир-бирига уриб тақиллатди-да, эшик томонга йўналди.

Дитрих эса уларнинг биронтасига ҳам миннатдорчилик билдиришни лозим кўрмай анча сиолик билан хайрлашди.

Капитан бу ерда қўлга киритилган материалларни бутунлай ўзининг ташаббуси ва ўта сезгирлиги натижаси деб кўрсатишга қарор қилган эди. Бўлмаса, Лансдорф олдида обрў қозониб бўлмасди. Дитрих унинг кимлигини яхши биларди.

Фон Папеннинг дўсти бўлмиш Лансдорф биринчи жаҳон уруши йиллари Вальтер Николаи раҳбарлигида Европанинг йирик-йирик мамлакатларида жуда кўп ажойиб разведка операциялари ўтказган. Ҳозир ҳам у СД да алоҳида ўрин эгаллайди. Гейдрих билан Гиммлер унга таяниб иш тутишга одатланиб қолишган. Шундай бўлса-да, империя раҳбари билан «яхудийлар масаласи»да, қарашлари мос келмай, уларнинг ғазабига дучор бўлиб юрибди.

Дастлабки даврларда, нацилар ҳокимиятни эндигина қўлларига олган пайтларида Лансдорф аҳолининг яҳудий қисмини қириб юборишни мақсадга мувофиқ деб ҳисобларди, зеро, бу унинг сўзи билан айтганда «уруш кўрмаган ёшларни қонга кўниктирарди».

Аммо кейинроқ у, Польша билан Франция яшин тезлигида ишғол қилинган, яҳудийларни батамом қириб юборишнинг ҳожати йўқ, деган фикрни тарғиб қила бошлади. Лансдорфнинг фикрича, дурустроқ иш қобилиятига эга бўлганларни қадимги Рим қулларига ўхшатиб, эски маъдан конлари ва шахталарга қамаш ва уларни махсус жиҳозланган устахоналарда ҳар хил буюмлар ишлаб чиқаришга мажбур этиш лозим эди. Унингча, яҳудий олимлари билан ҳам худди шу зайлда иш тутмоқ керак: уларни ҳам тўплаб, ташқин муҳитдан ажратиш, айни бир вақтда уларга илмий иш учун зарур бўлган шароитни яратиб бериш лозим бўларди. Шунда улар эришган барча ютуқларга немис олимлари эга бўлиб олардилар-да, ўз хоҳишларига қараб улардан истаганларича фойдаланаверардилар.

Учинчи империянинг муҳим докториналаридан бири ҳақидаги ана шундай ревизионистик мулоҳаза либераллик деб баҳоланди ва Лансдорф ўзига муносиб бўлган юқори мансабни эгаллай олмади.

Ундан ташқари, разведка хизматига тайинланган ватандошларни ҳақида ҳам Лансдорфнинг алоҳида фикри бор эди.

— Биз — немислар,— дея фикр юритарди Лансдорф,— давлатга итоат қилишнинг барча усулларини мукамал эгаллашга лаёқатли қилиб яратилганмиз. Интизом тўғриси, кўр-кўрона итоаткорлик ҳисси бизда ўта ривожланган. Разведкачи учун булар зарур хислатлар. Аммо бизга, французлар, шунингдек, славянлар ҳам қодир бўлган моҳирлик етишмайди. Айниқса, славянлар — реалистик фантазия хусусиятлари ўшаларгагина хосдир. Инсониятга Достоевский, Толстой ва Чеховларни айнан руслар етиштириб бергани бежиз эмас. Довюракликни айтмайсанми! Ахир ўша революцияни ҳам шу қурғурлар қилишди-ку!

Шунинг учун ҳам, Лансдорф ўз ходимларини бўлар-бўлмасга мақтайвермасди. У доимо немислар қилган ишларда кучга ортиқча зўр беришади деб билар, мўлжалдан ташқари бўлган террории эса асабийлик белгиси — намойиш учун қилинган нарса деб ҳисобларди. У Штейнглицга ҳам паст назар билан қарарди: ахир фикрлаш қобилиятидан маҳрум бўлган оддий бир қассоб қандай қилиб разведкачи бўла оларди.

Лансдорфга маъқул тушишнинг нақадар мушкул эканини Дитрих яхши биларди.

Вайс бўлса Лансдорф уни нақадар диққат билан кузатаётганини билмасди. Лансдорф немис разведкачиларига етишмаётган ўша моҳирликни худди шу хизматини қилиб юрган ёш ефрейторда кўрган эди. Лансдорф Иоганндаги моҳирликни унга жуда ҳам зсрикарли француз романини овоз чиқариб ўқиб бераётганида усталик билан фаҳмлаб олган эди. Иоганнда деярли ўзи фаҳмламайдиган даражада образларни талқин эта билиш истеъдоди бор эди. Шунинг учун ҳам у ванпада мудраб ётган, Учинчи империянинг бутун геиералитети қатори Кайзерга ҳам, Гинденбургга ҳам, Гитлерга ҳам садоқат билан хизмат қилаётган тажрибакор йирик иемис разведкачисига персонажларнинг узундан-узоқ монологларини ўқиб берар экан, қаҳрамонларнинг товуш оҳапгини ифодалай олар, персонажларнинг усулларини етказа биларди.

29

Лагерларнинг сон-саноғи йўқ эди: фронт ёнидаги лагерлар, терма, транзит, саралаш, танлаш, штраф лагерлари... Тахта бараклардан ясалган даҳмалар, тирик мурдалар кўмилган сон-саноқсиз очиқ гўристонлар, очлик, совуқ, эпидемия бу ерларда энг тежамли қирғин воситаси ҳисобланарди. Одамларнинг ҳалок бўлиш просеити қанчалик юқори бўлса, лагерь маъмуриятининг ишлари шунчалик самарали деб тан олинарди.

Вайс комендантлар билан суҳбатлашар, уларнинг ҳасратлари, шикоятлари ва мулоҳазаларини тиигларди. Ҳасратлар, умуман, ҳамма жойда ҳам бир тусда эди. Маъмурият лагерь сатҳидан фақат ҳарбий асирларгагина жой бериш билан чекланиб қолмай, «озод этилган территория»лардаги ортиқча емишхўрларни гумдон қилиш учун ҳам фойдаланишга мажбур эди. Отиш — жуда ҳам исрофли чора: фронтга зарур бўлган ўқ-дориларнинг бир талай қисмини ютиб юборади, бироқ, афсуски, одам қиришининг техника воситалари билан фақат йирик концентрацион лагерларгина жиҳозланган, холос.

Вайс комендантларнинг ҳасратларини узрли топиб, уларга ҳамдардлик билдирди. Иоганн уларни ўзига мойил қилиб, маъмурият дуч келатган бошқа қийинчиликларни ҳам билиб олиш умидида эди. У лагерларда ҳаракат қилаётган яширин коммунистик ташкилотлар ҳақида маълумотлар олиши керак эди. Улардан ташқари, уни яна қочиш усуллари ҳақда амалда кўпроқ қўлланилган фойдали маълумотлар, соқчилик тартибининг қай тарзда амалга оширилиши, қочишларнинг олдини олиш услублари, қочқинларни қувиш, уларни қидириш ишлари ҳам қизиқтирарди. Ана шундай «самимий» суҳбатларда Иоганн уларнинг гапларини маъқуллаб, ўрни келганда ҳайратланар, уларга раҳми келган бўлиб, аъча-мунча фойдали хабарлардан воқиф бўлиб олар ва шу зайлдаги суҳбатлардан иложи борича кўпроқ фойдаланишга ҳаракат қиларди.

Лагерь картотекаларидан олинган маълумотлар ва тўплавиб қолган бошқа материалларни алоҳида яширин бир жойда сақлаш лозим бўлиб қолди. Шунинг учун ҳам, Иоганн бир куни орттирган бу бойлнгипи узун, ингичка колбасага ўхшатиб пахтага ўради-да, автомобиль камерасини ёриб ҳужжатларни унинг ичига яширди. Ҳужжатларнинг бу ерда дуруст сақланишига ишонч ҳосил қилгач, камерани қайтадан ямади. Уни пок-ришкага тиқиб, дам берди-да, машинининг орқасидаги юк қўядиган ерига жойлаб қўйди. Эҳтиёти шарт учун олиб юрилган бу гилдирак ҳам зарур бўлиб қолган пайтда бошқа тўрттасидан кам хизмат қилмайдиган бўлди.

Шу кунлар ичида жуда кўп ишлаб, ниҳояти чарчаганига қарамай, Иоганннинг руҳи тетик, фикри тийран эди. Қанчалик ғалати туюлмасин, доимий сергаклик, унга атрофида бўлаётган ишларни яхшироқ фаҳмлашга муҳимларини иккинчи даражали ишлардан ажратишга, фойдали бўлган ҳар бир сўзни йўл-йўлакай илиб олишга ёрдам берарди.

У жуда катта иш қилди, лагерь ҳужжатларидан кўчирмалар олди, уларни шифрлади, кичик-кичик қоғоз парчаларига лагерларнинг соқчи, қисм ва бўлинмаларнинг қаерда жойлашганини англатадиган схемалар чизди. Ана шу қоғоз парчаларининг ўзига яна лагерь бошлиқларининг рўйхатини, қириб ташланганларнинг статистик маълумотини, қаҳрамонлар ва хоинларнинг номларини ёзиб қўйди. У, айниқса, одамларни ўз хизматига ёллаш бўйича душман қўллаётган усулларига кўпроқ эътибор берди.

Бундай усуллар жуда кўп эди. Масалан, штраф блокадаги торгина бетон камерада бир неча кунлаб тик туришга маҳкум қилинган бандини кутилмаганда у ердан олиб чиқиб, иссиқ душда ювинтиришарди-да, соч-соқолини олишарди, эгнига бинойидек костюм кийдириб, машинага ўтқазишарди ва шаҳардаги «кўнгил очадиган» уйлардан бирига олиб боришарди. Кейин нчириб, бирор хотин билан қўшиб қўйишарди. Тонг отар пайтида бўлса уни яна машинага ўтқазиб, ўша штраф блокадаги даҳшатли метин филофга ташлашарди. Шу зайлда бир неча кун ўтарди. Сўнг гестапо ходими маҳбусни чақиртирарди. Ана шунда у ё ўлиму, ё бўлмаса хоинликни танлашга мажбур эди.

Бундан бўлак анча нозик усуллар ҳам бор эди. Масалан, маҳбус ёнига ўзини антифашист қилиб кўрсатувчи айғоқчини қўшиб қўйиш мумкин. Бунда бир йўла икки мақсад кўзда тутиларди: бир томондан — айғоқчилар маҳбусларни ўзларига мойил қилиб, уларни асл башараларини ошкор қилишар, иккинчи томондан — буниси анча мураккаб бўларди — бўйсунмаган бандилар билан иноқлашиб, уларга курашнинг фойдасиз эканлигини уқтиришар, барча совет ҳарбий асирларини ватанларига қайтиб борганларидан кейин ҳар қандай ҳолатда ҳам жазоланишига ишонтиришарди. Маҳбусларни ишонтириш мақсадида бир неча марта айғоқчилардан баъзиларининг қочиши ташкил қилинган эди. Кейин уларни фронтнинг нариги томонига, яъни партизанлар орасига ўтқазиб юборишарди. Қочиб ўтган айғоқчилар у ёқда лагерларда чидамлик, мардлик кўрсатиб, ватанга садоқатни сақлаган ҳолда душманга қарши кураш олиб бораётган кишиларга тўхмат қилиб, уларни ёмон отлиққа чиқаришарди.

Иоганн аста-секин хоинларни ошкор қилишни ўрганиб олди. Аввал бошлаб у штраф блокларидан тузукроқ озиқ-овқат билан таъминланган маҳбусларга эътибор берди. Кейин ўзининг тўғри йўл тутганини тасдиқлаш учун озиқ-овқат берилганлик тўғрисидаги рўйхатларни текширди. Идорадан қочқинлар ҳақида қўмондонликка ёзилган на бир маълумот нусхаси ва на уларни қидирув ҳақида қочоқларнинг белгилари кўрсатилган буйруқнинг топилмаслиги ҳам унинг фикри тўғри эканлигига да-

лил бўлиб хизмат қиларди. Унақа айғоқчилар на қочоқлар рўйхатида кўрсатиларди ва на бир ой мобайнида содир бўлган қочишларни жамлаб тузилган ҳисоботга киритиларди. Уларнинг дўст-ёрлари ҳам қатл қилинмасди. Одатда бунақаларнинг дўсти капо бўларди.

Баъзан бунақа хоинларни маъмуриятнинг ўзи қочоқлар тўдасига киритиб қўярди. Уларнинг бот-бот карцерга тушиб туришларини ҳамма биларди — ўзини кўрсатишнинг эса бундан бўлак илож-кори ҳам йўқ эди. Аммо жазога мустаҳқиқ қўлинган ҳамма маҳбусларнинг номлари немисларга хос аниқлик билан ёзиб бориладиган китебга уларнинг номерлари қаршисида ҳеч қачон жазоланиш сабаблари кўрсатилмасди. Айғоқчилар штраф блокига тез-тез тушиб турганлари билан ўлимга маҳкум қилинган маҳбуслар рўйхатида уларнинг номерлари кўринмасди. Ана шуларни тушуниб етиш Иоганн учун осон бўлмади. Одатдан ташқари машаққатли бу улкан меҳнат ғоят катта куч сарфлаш, ақл-фаросат ишлатиш, мантиқий зийраклик, устомонлик ва жуда кучли хотира талаб қиларди. Иоганн юз-юз килограммлаб қоғозларни бирма-бир кўздан ўтказиб, меъдага тегадиган текширув ишларини бажарар экан, кўнгли сира ўрнига тушмасди. У доим хавф-хатар остида эди. Борди-ю, шу ёзувларидан биронтаси гестапо қўлига тушиб қолиб, унинг нима мақсадда ёзилганлигини аниқ тушунтириб беролмаса, нималарга гирифтор бўлишини Вайс яхши биларди.

Душман эшелони остига миная қўйиш, бензин омборини портлатиб юбориш, йирик бир гитлерчини ўлдириш сингари ишлар Иоганн бажарган сермашаққат идора меҳнатига қараганда жарангдор ва кўзга кўринарли эди.

Шунинг учун ҳам толиққан, жисмоний чарчаган Иоганнинг дилида совуқ нафрат ҳиссиёти, қасос олишга бўлган ғайрат-шижоати мавж ураётгани сезиларди, бу ҳол уни янада дадил қилар, ҳар қачонгидан кўпроқ тетиклаштирар, ўз кучига ишончини оширарди.

У ўзи бажарган «ёзув-чизув» ишларини ҳозир куч ишлатиб бажарилган жанговар ишларга нисбатан бир неча марта муҳимроқ эканини тушунарди. У тўплаган маълумотлар марказга етиб борганидан кейин, бу материаллар штабда қайта кўрилиб тайёрлангач, совет разведкачиларининг оператив группалари фронтни кесиб ўтган хоинларгагина қарши тўғри ва аниқ иш олиб борибгина қолмай, бу ёқда, душман орқасида ҳам лозим бўлган ишларни бемалол бажараверардилар. Асирга тушиб қолган қанча-қанча мард софдил совет жангчиларини қоралаб, уларни бадном қилишга уринган айғоқчилардан халос бўлинишини айтмайсизми. Ахир шунинг ўзи одамларнинг ҳаётини, фақат ҳаётини эмас, ундан ҳам улўғроқ нарса — шаънни, номусини сақлаб қолиш билан тенг эмасми?

Чекистларнинг биринчи эмблемасида қилич ва қалқон тасвирланган. Ҳа, чекист жазоловчи қиличи билан душманни янчади, аммо қалқон унга ўзини муҳофаза қилиш учун эмас, балки барча совет кишиларни ҳимоя қилиш учун берилган. Унинг устози дзержинскийчи — чекист шундай деган эди:

— Қалқон — бу сенинг коммунистча юрагинг, совет кишисини мусибатдан коммунистнинг соф юрагидан бўлак ҳеч нарса шу даража ишончли ҳимоя қила олмайди.

Нима, Иоганн бу ерда фош қилган хоин, олоқларни жаҳаннамга равона қилишни, уларни ўз қўли билан ўлдиришни истамасмиди. Эҳти-мол, эксперимент лагеридаги ўша «қуён»ни шахтёр ўз қўли билан бўл-маса ҳам аллақачон гумдон қилиб юборгандир: лагерда уларнинг катта яширин ташкилотлари бор-да. Бироқ 740014 номери остида яшириниб юрган одамнинг ким эканлигини билиш, шахтёрни топши хоинни фош

қилишдан камроқ аҳамиятга эгами? Энди Иоганн у ҳақда марказга хабар қилади, шахтёрнинг оиласи дом-дараксиз йўқолган эри ёки отасининг буюк ҳурматга сазовор эканидан хабардор бўлиб, у билан мағрурланиб юради.

Командировка тугади. Машина қайтиб, Варшава томонга физиллаб бормоқда.

Емғир аралаш қор ёғиб турибди. Танкларнинг изи тушиб қолган йўллар, шаҳар харобалари, куйиб кул бўлган хонавайрон қишлоқлар. Мудофаа истеҳкомлари билан бағри пора-пора бўлган далаларда дафн этилмай қолиб кетган совет жангчиларининг жасадлари ётарди.

Дитрих ён сумкасини бағрига босганча, мудраб ўтирибди. Унда ўз хизматларига ёллаш учун тавсия этилган асирлар рўйхати ва капитаннинг диктовкаси билан Вайс томонидан империя стилистикасига мослаштириб мақтанчоқлик билан баландпарвоз услубда Лансдорф поминга ёзилган ҳисобот бор.

Дитрих Вайсдан жуда мамнун бўлиб, Иоганнга унтер-офицер унвонини олиб беришни ваъда қилган эди. Капитанга Вайснинг ҳамма вақт бир меъёрдаги итоаткорона камтарлиги, чин немисларга хос меҳнатсеварлиги, аслида Дитрихга тааллуқли бўлган вазифани бажариб, нечоғлик изчилик билан лагерь бошлиқларидан материал тўплаши ёқиб тушарди.

Гитлер: «Мен шундай ёшларни етиштирайки, уларнинг олдида жаҳон титрасин. Бу ёшлар қаҳрлари қаттиқ ва ҳукмдор бўладилар. Ҳеч қанақа ақлий тарбия ҳақида сўз бўлиши ҳам мумкин эмас»,— дея ваъда қилган эди. Прусс юнкер оилаларида — Дитрих эса худди шундай оилага мансуб эди — азалдан ҳукмронликка интилиш чин немис характериинг белгиси ҳисобланар, ҳарбий руҳдаги тарбия эса, уларнинг авлодлари учун бирдан-бир муносиб тарбия саналарди.

Шунинг учун ҳам Дитрих, ўз солдатларига ибрат бўлсин учун асир тушган душман солдатларини ўша жойнинг ўзида қатл этиш лозим, деб ҳисобларди. Ҳарбий асирлар лагерларини у ортиқча зийнат деб билар ва бунақа жойлардан ишончли кўпорувчилар ёллашга анча шубҳали назар билан қарарди. Лагерь ходимларига у жирканиб қарарди: унинг назарида булар озгина имкониятни ҳам қўлдан бермай ўзи учун бирои нарса юлқиб қолишни ўйлайдиган, лагерь озик-овқатини ўғирлаш билан бойлик ортирадиган, фронт орқасида хизмат қилувчи кишилар эди. Рост, ҳар бир лагерда катта-катта чўчқахоналар борлигини кўриш учун ортиқча диққат-эътиборнинг кераги ҳам йўқ эди. Катта-катта омборлар олдида келиб-келиб турган юк машиналарини пайқамай ҳам бўлмасди: бу ерда қатл этилган асирларнинг кийим-кечаклари, пойафзаллари тойтой қилиниб, кўтарасига сотиларди. Суяк кукунлари бўлса, ўғит сифатида пулланарди. Арзимас нарсалар ҳам тиришқоқ лагерь маъмурияти назаридан четда қолмасди. Қатл этилганларнинг тилла тишлари қоқиб олиниб маҳсус жиҳозланган бинолардаги газ плиталарида эритиларди, ун граммлик кўйма олтинга айлантириларди.

Аммо Дитрихнинг улар билан иши бўлмас ва умуман, у ўзини койитишни, айниқса, лагерь ахлатини ковлатишни истамасди. У ўзининг шунчалик калондимоғлигига қарамай, ефрейтор Вайс сабр-бардош билан ишламаганида ўз хизмат вазифасини шунчалик муваффақиятли адо этиш сира ҳам қўлидан келмаслигига ақли етарди.

Гарчи толиққанликдан Вайснинг юзлари синиққан бўлса ҳам у ўзининг одатдагидек хушмуомалалигини йўқотгани йўқ. У ҳамма вақт ўз бошлиқларига бир меъёрда илтифот ва ҳурматда бўлар, унинг доимий

ёқимли табассуми кишига ҳузур бағишларди. Ундан ташқари, бу ефрейтор нодон ҳам эмасди. У фаросатли, маълумоти ҳам етарли, ундан ташқари, Штейнглицга соддадиллик билан шу қадар содиқ эдики, Дитрих ҳар сафар майорнинг камчиликларидан кулиб ҳазил қилган пайтларида астойдил хафа бўларди. Бу содиқликни Дитрих бир ижобий хислат деб биларди. Чунки отаси ҳам ўзига қарам кишиларнинг шундай сифатларини қадрларди.

Вайс ҳам Дитрихдан мамнун эди. Бу аблаҳнинг тепса тебранмас, ўлардай дангаса чиқиб қолганидан ўзини омади келган деб ҳисобларди. Капитан ўз маъсулиятидаги ишларни батамом Иоганнинг зиммасига ташлаб, унинг фаолиятига камдан-кам аралашар, деярли ҳеч нарса билан қизиқмас ва унга халал ҳам бермасди.

У Дитрих тўғрисида кўп ҳам ўйлаб ўтирмади. Вайс лагерлардаги гестапо хизматида бўлган «ошналари»ни, фақат ўз соғлиқлари тўғрисида қайгурадиган, инфекция юқиб қолишидан ўлардек кўрқалиган ўша озода бойваччаларни нафрат билан эслади. Улар профилактика учун ҳар купи уч марта душга тушишар, ҳадеганда қўлларини спирт билан артишар, худо кўрсатмасин, битлаб кетмайлик тагин, деб қўлтиқларидаги ҳар бир тукни қиртишлаб туришарди. Улар атирни шу қадар кўп суришардики, ёнларида кўпроқ туриб қолгудек бўлсанг, бош оғрий бошларди.

Германиянинг ғарбдаги ҳарбий муваффақиятларидан, йирик капиталистик давлатлар армияларининг тор-мор этилишидан маст бўлган бу зотлар яқин орада Совет Армияси устидан ҳам ғалаба қозонилишига шубҳа қилишмасди. Шунинг учун ҳам ваҳшийликлари жазосиз қолишига ишончлари комил бўлгани сабабли уларни яширишмас, қалайланган шиша идишларга тўлатилган болалар қони билан мақтанишар — бу қонлар махсус самолётларда армия госпиталларига жўнатиларди. Улар медик студентлар ўликхоналардаги мурдалар ўрнига, тирик маҳбуслар устида тажриба қилишга ўргатиладиган махсус блокларни илм қасрлари деб аташарди.

Кейин кўпинча, Вайснинг тенгқурлари бўлган ана шу гестапочилар махсус блокларни кўрсатиб бўлганларидан сўнг унга дўстона ғамхўрлик кўрсатишарди. Инфекция юқишидан сақлаш учун пуркагичда атир сепиб қўйишар, душ ишламаётган бўлса, қўлларига човгумда илиқ сув қўйиб юборишарди. Бу ерда маҳбусларни «хайвон» деб аташ ҳам уларнинг оғзидан ҳақоратдек эшитилмасди. Чунки улар ҳақиқатан ҳам ҳарбий асирларни инсон сифат ҳайвон ҳисоблашар, уларни фақат итоаткор ва қайсар, қўлга ўргатса бўладиган ва бўлмайдиганга ажратишарди, холос.

Баъзан атрофдаги барча нарсалар Иоганнга телбанинг туши каби хаёлий алаҳлашдек туюларди. Мана у топ-тоза дастурхон ёзилган стол атрофида тенгқурлари билан карта ўйнаяпти, пиво ичяпти. Улар ўз болаликлари ва ота-оналари ҳақида ҳикоя қилиб беришяпти, уруш тезроқ тамом бўла қолса-ю, уйга кета қолсак, деб орзу қилишяпти. Бир-бирлари билан ҳазил-ҳузул гаплар айтишяпти, аккордеон чалиб кўнгли очишяпти. Сўнгра улардан биронтаси ўридан туради-ю, афсусланиб, навбатчиликка бориш вақти бўлиб қолганлигини билдиради-да, пилоткаспни кияди. Бўйнига автоматини осоди ва қўлига таёғи ёки қаччинини олиб калтаклаш, қийнаш, қатл этиш учун лагерга қараб йўл олади.

У, Александр Белов эса, ана шу қотил билан хайрлашиб, унга қўл силкийди, мулойим жилмаяди, кейинчалик хат ёзишиб туриш учун дала почтасининг номерини ёзиб олади ва ниҳоят шундай дилкаш йигит улфатларини ташлаб кетаётганидан ачинаётганини айтади.

Ҳар сафар Иоганн бу ерда азоб-уқубат чекаётган совет кишисини кўрганида қалбида кўринмас бир яра очилгандек бўларди. Бундай яралар кундан-кунга ортиб борарди. У тузалмас, доимий ҳамроҳ бўлиб олган, тузалиб кетишига умид ҳам қилмайдиган бу оғриқни енгишга одатланиши керак эди. У аслига қайтадиган кун ҳали-бери келмаслигини билгани ҳолда, бажариши лозим бўлган ишга бу оғриқнинг халал беришига йўл қўймай, ўз ҳисларини яшириб, шу оғриқ билан яшашга ўрганиши шарт эди. Қани энди ўша бахтли кун тезроқ кела қолса!..

30

Кеча кечқурун рейхсканцлер Адольф Гитлернинг қорни қаттиқ оғриб қолган эди. Аммо эрталабга бориб ошқозони одатдагидек ишлай бошлади. Демак, оғриқ ичак бузилишидан эмас, асабн чарчаганлиги натижаси бўлиши керак. Мана ҳозир рейхсканцлер ёқимли сархушлик билан креслода ёнбошлаб, кечагина худди шу ерда — империя идорасида, ўзининг ҳаддан зиёд улкан, ҳашаматли кабинетида, ҳаммани қўққисдан ташвишга сола бошлаган Шарқий фронтдаги вазият муҳокама қилинаётган мажлисда бирдан қорнида оғриқ туриб қолганидан шикоят қилганини ҳузур қилиб эсларди. Ана шунда донг таратган қўмондонлар, вермахтнинг казо-казолари, бу ерга нега келганликларини ҳам унутгандек, ташвишланиб ўз фюрерлари дардини муҳокама қилишди ва унга ўз бошларидан кечириб, синавдан ўтказилган жуда кўп тиббий маслаҳатлар беришди. Фюрер эса илтифот кўрсатиб уларнинг гапларига даққат, сабру тоқат ва мойиллик билан қулоқ солди. Кейтель билан Иодль ўта назокат билан, аммо ғазабдан овозлари титраб, фюрернинг ошқозони сунъий йўл билан тозалангани маъқулми ёки йўқми, деб бир-бирлари билан тортишиб қолган пайтларида Гитлер уларнинг қизгин ва жўшқин баҳсларига лутфан халал бермай, ўз ҳолларига қўйиб берди.

Германиянинг қадимги, энг машҳур ҳарбий оилаларидан бўлган ана шу маршал ва фельдмаршалларининг фюрер ошқозонини бир оз бузилганини шу даража иштиёқ билан муҳокама қилишлари, унинг олдида шифо топишнинг хилма-хил усулларидан хабардорликлари билан бир-бирларидан ўзмоқчи бўлишлари Гитлерда ғалати бир истехзоли фикр уйғотди. Башарти, у ана шу лашкарбошилар олдида ногаҳон эшитиларли даражада ел чиқариб юборгудек бўлганда ҳам уларнинг ҳеч қайсиси сира-сира гина қилмаган бўларди, — фамилияси фюрернинг хотиридан кўтарилиган бир улуғ француз, буржуа аҳлидан шу зайлда нафрат ва тантиқлик билан ўч олингани тўғрисида гапириб берган эди.

Бу ҳол унинг онгида Рейх олдидаги ҳарбий хизматлари, насабларининг улуғлиги, ота-боболарининг шон-шавкати билан кеккайдиган тевтон рицарларининг ҳаммасига ҳукм ўтказаетганидан лаззатланиш кайфиятини уйғотган бўларди.

Асли исми Шикльгубер бўлган, башараси кельнер¹никига ўхшаш бу одам бир вақтлар Австриянинг чакана айғоқчиси эди, сўнг у ефрейтор унвонида хизмат қилди, кейин эса рассомликка қўл урди-ю, бироқ унда ҳам омади юришмади. Мана энди у вазият тақозоси билан бу лашкарбошилардан юқори кўтарилиб қолди. Империяга ҳар қандай ишга тайёр, аммо шу билан бирга амалда зийракликни йўқотмаган, ҳокимиятнинг чин хўжайини ўзи эмас, балки асл эгалари — Крупплар, Стиннеслар, Тиссенлар эканлигини унутмайдиган доҳий керак бўлиб қолган эди. Гарчи

¹ Кельнер — овқат ташувчи, официант (тарж.).

«Барбаросса» плани стратегияси — герман ҳарбий фикрининг пиҳояси бўлса ҳам, у ҳр қалай империя магнатларининг қўшимча қилишларига муҳтож эди. Ахир немис фашизмга кредит очган ўшалар эди-да, шунинг учун ҳам, Донбасснинг кўмир ва металл, Бокунинг нефти билан қарзларни кечиктирмай тўлаб, ваъда қилинган муддатларда тўланадиган устамалари ҳисобига ҳар хил хом ашёни, уларнинг индустриал мулкларига қўшимча сифатида етказиб туриш лозим бўларди.

Москва билан Ленинградни ишғол қилишдек нафли галабани олий кўмондонлик бош стратегик мақсад деб ҳисобларди. Еуропада уруш олиб борар экан, генералитет «пойтахтлар билан чамалаш» га ўрганиб қолган эди, негаки, пойтахтнинг таслим бўлиши билан одатда уруш ҳам поёнига етарди. Европа давлатлари одатий равишда таслим бўлардилар.

Гарчи, унинг ўзи, Совет Иттифоқини «кесак оёқли ҳайкал» деб таъкидлаган бўлса-да, Россия билан бўлган бу уруш табиий тасодифларга тўла эканлигини ва уни пайқаб, олдини олишга на ўзи ва на сафдошлари қодир эканликларини онгининг чуқур бир жойида аста-секин ҳис қила бошлаганди. Учинчи июлдаёқ қуруқликдаги қўшинлар генерал штабининг бошлиғи генерал-полковник Гальдер телефонда ставкага:

— Россияга қарши қаратилган кампания ўн тўрт кун ичида ютиб чиқилди, десам лоф қилмаган бўламан,— деб хабар қилган эди.

Фюрернинг ўзи ҳам яқинда, 7-октябрда, гўё Қизил Армия батамом гор-мор қилинди ва Россия билан уруш асосан тугалланди, деб ёлғон баёнот беришга мажбур бўлган эди. У онгли равишда, маълум мақсадни кўзлаб ёлғон гапирган эди: бу билан у, Япония ҳокимиятида руслар мағлубият бўсағасида, деган таассурот туғдириб, уни ҳам Совет Иттифоқи билан урушга тортишни мўлжаллаган эди.

У сиёсатчи, сиёсатда эса ёлғон гап — мақсадга эришишнинг синалган методи. Унинг ўзи:

— Устунлиги шундаки, мени ҳеч қандай назарий ёки маънавий мулоҳазалар тўхтатиб қололмайди,— деган фикрни изҳор қилган эди.

Аммо унга Гальдер ва бошқа шўҳрат қозонган немис кўмондонлари хушомадгўйлик билан ёлғон гапирганларида бу собиқ ефрейтор уларга нисбатан пинҳона нафрат ҳис етарди. Бу кишилар унинг қўлидан орден қабул қилиб олганларида ҳам, худди чойчақа олаётгандек башараларида малайларникидек ялтоқланиш ифодаси намоён бўлиб турганини кўрарди. Улар хато қилиб қўйган пайтларида у атайин жазаваси тутган одамларга ўхшаб, куракда турмайдиган гаплар билан ҳақорат қилиб бақирганда ҳам, бечоралар бу билан прусс ҳарбий интизоми ва итоаткорлигини намоён қилаётгандай, одагдаги мутеликда, ҳатто ахлат ташувчини ҳам қизартириб юборадиган сўкишларни эшитиб, гинг демай тура беришарди. У ўзининг риекорлигини жуда тез намоён бўлиши ва бунинг ҳаддан ортиқ қўполлик эканини фаҳмлар ва кўпинча олий кайзер мактабидан етишиб чиққан ва хотиржамлик маҳоратини эгаллаб олган ўз генералларига ҳасад билан қарарди. Аммо у ҳозир бошқа ташвишда эди.

У, танбеҳ бергани, абвер бошлиғи адмирал Канарисни чақиртирган эди. Шунинг учун ҳам у жазаваси тутиши олдидан дам олиб ўтирарди. Бундай жазавани унга фойдали бўлиб, ақлини тийранлаштирарди.

Канарис мулойимлик, хушомадгўйлик ва қувлик билан фюрерни шаштидан туширишнинг уддасидан чиқарди. У Гейдрихга мақтаниб:

— Агар сиз, кишининг гашига тегиб, жаҳлини чиқармасангизгина, у сизнинг нуқтан назарингизни қабул қилади,— деган эди,— одам деган фақат шундагина инсофга келиши мумкин.

Бу маккор тулки, Канарис, шарбатга тушган сиртлоннинг ўзгинаси эди.

1934 йилдаёқ Интеллиженссервис¹ Шикльгрубер — Гитлернинг психик ҳолатини ўргангани ўзининг махсус психолог — айғоқчиларини Германияга юборган эди. Уларнинг ҳаммаси қидирув карточкаси билан таъминланган эдилар. Унда: «Урта бўй, қулоқлари ҳалқасимон, қирра бурни катта, чақчайган кўк кўз, сочларн қора, қомати расо. йнги сиёси ҳаракатга бош бўлиб турувчи шахс учун табиий бўлган ортиқча ҳаяжонланиш ҳамда бсҳудага жаҳли чнқадиган одатлари бор. Ажралиб турадиган белгилари йўқ»,— деб ёзилган эди.

Ана шу инглиз разведкачилари, бачкана репортерларга ўхшаб, фюрер ҳақида батафсил маълумотлар тўплашди. Улар ҳатто, унинг зурёд қолдириши учун қилган жуда кўп уринишларн натижа бермаганигача билиб олишди; худди ўшаларнинг таъкидлашларича, гўё унга ўз терининг ҳиди ёқармиш, шунинг учун ҳам Гитлер кўлини кўтариб қўлтигини ҳидлармиш. Гитлернинг мистикага бўлган мойиллигини эса улар ўспиринликдаги дардмандликнинг натижаси деб изоҳлашарди. Канарис ана шундай «материалларни» гўё дўстона хизмат кўрсатгандай, унинг олдида немис контрразведкасининг барча пўлат қутиларини очиб қўйгандай, империя бошлиғи бўлмиш фюрерга топширишга журъат этганди.

Гитлер, инглиз айғоқчилари тузган ахборотнинг асл нухасини Канарис яшириб қолди, буни ё ўзи, ё бўлмаса фюрерлик ролига даъвогар, Гитлерга ништар санчи мақсадида абвернинг хилватгоҳларида унинг ҳам ифлос ич кийимлари сақланаётганига шама қилган марҳум Рем билан биргаликда тўқиган, деб ўйларди.

Империя бошлиқлари ҳақидаги ўз жосуслари тўплай олган барча бемаъни ҳужжатлар Канариснинг пўлат қутиларида йиғилаётганидан Гитлер хабардор эди. Гиммлер ҳам, Гейдрих ҳам, Риббентроп ҳам худди шундай иштинёқ билан шунга ўхшаш маълумотлар тўплаш билан овора эдилар. Бу картотекалар — эҳтиёж туғилган тақдирда жаҳондаги буюк давлатларнинг биронтасидан валютага алмаштириб олниниши мумкин бўлган, уларнинг ҳар эҳтимолга қарши ажратиб қўйган шахсий олтин запаслари эди. Аммо Гитлер улар ҳақида ўзлари билганларидан ҳам кўпроқ нарса биларди, чунки уларнинг ҳар бири бошқаси устидан иштинёқ ва ғайрат билан чақимчилик қилиб турарди.

Модомки, Гитлернинг рейх олдидаги шахсий хизматлари устида гап боргудек бўлса, ҳар қалай қуйндагилардан бири шубҳасиз эди: у ўзининг империянинг тепасига чиқиб олгандан кейин ўзининг майда айғоқчилик тажрибасидан фойдалана олди ва улкан жосуслик системасини яратди. Ҳа, уни ҳокимият тепасига олиб чиққанларнинг хавфсизлигини сақлайдиган улкан соқчиллик системасини ташкил этди. Шу боисдан ҳам Крупплар, Стиннеслар, Тиссенлар — Германиянинг ҳақиқий ҳукмронлари ҳисобланган ана шу йирик капиталистлар, кейинчалик нима бўлишидан қатъий назар, бутун Европа бўйлаб оқаётган қон дарёларидан банкларига ўзлуksиз тушаётган олтинлардан оз-оздан тўплаб, унга ҳайкал қўйдиришлари лозим.

Канарис бедана қадам ташлаб пилдилаганча фюрер кабинетига кириб келди. У оппоқ сочлари силлиқ таралган қип-қизил бошнини бир томонга қийшайтириб ёлгондакам ҳаллослаб нафас олар, бу билан ишга садоқатн, роппа-расо кўрсатилган вақтга етиб келганлигини намойиш қилмоқчи бўларди. Аммо ҳаллослашга ўрин йўқ эди: у рейх идораси қабулхонасида бир соатдан ортиқ қақирилишини кутиб, сафсата сотиш

¹ Интеллиженссервис — Англиядаги давлат разведка бошқармаси (тарж.).

билаи фюрер адъютантларини кулдириб ўтирган эди. У муҳимроқ бирор нарса ҳақида оғиз очмай гап сотар, лекин шунда ҳам ҳамсуҳбатларини очлиқчасига гапиртиришнинг уддасидан чиқарди.

Канарис ўзининг махфий айгоқчиси — фюрер адъютанти орқали нега чақирилганидан хабардор эди.

Гитлер ҳам Гейдрих орқали Канариснинг қандай иш билан чақири-лаётганидан хабардор эканлигини биларди. У яна бунинг ким орқали маълум қилинганини ҳам биларди, чунки Канариснинг фюрер ҳузурига олиб келинадиган материалларни тайёрлаб берган энг яқин ходимлари-дан бири Гейдрихнинг махфий айгоқчиси эди. Гейдрих гапининг рост ёки ёлгонлигини эса, ўз навбатида, Гиммлер назорат қилиб турарди, чунки Гейдрих аппаратида унинг ҳам айгоқчиси бор эди. Канарис буларнинг ҳаммасидан хабардор эди. Канариснинг ҳамма нарсадан хабардор эканлиги фюрерга ҳам аён эди. У бу ҳолни табиий деб биларди. Агар ёппасига жосуслик системаси яратишда қўл остидаги бирор ходими бу ишни ҳар тарафлама тушунмаса ғалати ҳам бўларди-да. Гитлер Канариснинг нега чақиртилганлигидан жуда яхши хабардор эканлигини, унинг папкасида ҳамма материал олиб келинганлигини ва ҳатто олдиндан тушунтириш хати ҳам тайёрлаб қўйилганлигини билса ҳам, ҳар қалай Канарисни доводиратиб қўйиш мақсадида унга тўсатдан хуруж қилиш учун дарғазаб бўлиб туришни лозим топди. Канарис завқланиб, тўсатдан хуруж қилиб қолиш — фюрернинг ҳамма вақт муваффақият билан қўллайдиган бирдан-бир услуби, бунга баъзи заифа зотларга ҳам тасдиқлаши мумкин, деб бекорга айтмаганди.

Гестапо, СД ва абвер ўртасидаги кучли рақобатдан, уларнинг Учинчи империя бошлиғи учун энг ишончли махфий ахборот манбаи бўлиб олишга интилишларидан Гитлер усталик билан фойдаланар, бу билан ҳар бир ахборотчининг ўзини ҳам текшириб турарди. Гитлер ўз ёрдамчиларининг ҳар бири ҳақида уларга қарши далолат берадиган ва ўлим ҳукми учун расмий асос бўла оладиган маълумотларга эга эди. Бу нарса уларнинг ўзларига ҳам маълум эди.

Фюрер ўз эркатойи Герингга қарши ҳам шундай маълумотлар, шундай ҳужжатларга эга эдики, буларни истаган пайтида унга қарши иш-латса бўларди.

Геринг Рур магнатларидан ўзиб кетиш, ўз концернидан улар олганидан кўра кўпроқ фойда олиш орзусида очкўзлик билан муттаҳамлик қиларди. Гарчи, Геринг махфий фармон билан 1934 йилдаёқ Гитлернинг ўринбосари қилиб тайинланган бўлишига қарамай, ҳар қалай, у инсон устидан чинакам ва мустаҳкам ҳукмронлик қилиш учун фақат бойлик орттириш керак деб биларди, шунинг учун ҳам у Европанинг босиб олинган барча мамлакатларида тўхтовсиз талончилик қиларди-да, фюрер олдида эса ялтоқилик билан ўзини оқлаб, гўё санъат асарларини тўплаш дардига мубтало бўлиб қолдим, дерди.

Геббельсга келганда эса, унинг ёш-ёш раққоса қизлар билан жиний жавобгарликка тортса арзидиган қилмишлари бор эди. Бу раққоса қизлар учун унинг амлокида ҳарамсифат бутун бошли ётоқхона ҳам ташкил қилинганди. Шунинг учун ҳам Гитлер киноя билан унинг ташвиқотчилик бобндаги бир талай нутқлари, ҳатто варақа тариқасида нон карточкаларига қўшиб тарқатилган чақириқларининг унчалик ишонарли чиқмаганига, Геббельс бошқа соҳада жуда ҳам ортиқча куч сарфлаб юбораётгани сабаб бўляпти, деб таъкидларди.

Шундай қилиб, Гитлер қўлида сақлаётган қора қилмишлар тўпламида из қолдирмаган ҳукмдор йўқ эди, ҳисоб.

Бу рўйхатда немис саноат магнатлари ҳам бор эди. Гитлер йирик-йирик герман концернларининг Учинчи империя манфаатини кўзлаб

қилган бўлсалар-да, Америка, Англия фирмалари билан ҳамкорлик қилишлари тўғрисида рад қилиб бўлмайдиган ҳужжатларга ҳам эга эди.

Аммо эҳтнёж туғилган тақдирда у ботиниб, немис sanoatchиларидан баъзан бировларини, албатта, майдороқларини, Рейхга хиёнат қилишда айблаши мумкин эди. Гарчи, патентлар ва ҳарбий ихтироларни ўзаро алмашишлар, стратегик материаллар, қуrol, ўқ-дори, ёнилғи ва бошқа нарсалар билан савдо-сотиқ ҳамда шунга ўхшаш бошқа ишлар империя раҳбарларининг розилиги ва маъқуллаши билан олиб борилишига қарамай, АҚШ ва Англиядаги йирик-йирик концернларининг эгалари бундай ҳамкорликни унчалик сир сақламасалар ҳам, Гитлер бу дastакни эҳтиёт шарт сақлаб келарди.

Гитлер олдиндан кўриш қобилиятига эга бўлган иблиснамо шахс ролини нтоаткорлик билан бажаришга мажбур эди. Расмий биографлар жоҳилнинг сийқаси чиққан дид-фаросатини фантастик равишда бўяб кўрсатиш мақсадида унга мана шундай нисбат берншар, асабий васвасликни эса заковат жўшқинлигини деб кўрсатишарди.

У хулқ-атворда одамлар кўзига улар тасаввур қилганчалик алфозда кўринаман, деб ўзини шундай тутар эдики, бу билан ўзининг оддий инсон эканлигини кишилар хотиридан чиқариб ташламоқчи бўларди. Мана ҳозир ҳам, одатдагича қизишиб, гўё жазаваси тутгандек, даҳшат билан ўшқирди ва ўз ҳайқирғидан ўзи маст бўлиб, тетиклантирадиган, асабни тинчлантирадиган қора доридан озгина еб кайф қилган кишидек енгил сархушлик ҳнс қила бошлади. Шунинг учун ҳам фюрер, ўшқирар, дўқ урар, ўзини йўқотиб жон-жаҳди билан бақирар ва бундан ўзи ҳузур қиларди.

Шундай дақиқаларда Канарис, одатига кўра, қийшангланиб, гоҳ кўрққан, гоҳ ҳаяжонланган, гоҳ ёлвораётган кишндек лўппи юзларига усталик билан ҳар хил ифода бериб турарди. У нндамай шунчалик узоқ вақт афт-ангорини буриштириб турдики, натижада юз мушаклари бу машаққатли имо-ишоралардан толнқиб, оғриб кетди, қулоқлари орқасидан маржондек тер қўйилиб, лакланган ботинка ичидаги оёқ бармоқларининг томири тортишиб қолди.

Бу ҳол икки томон ўз ролларини шараф билан бажарганликларига қаноат ҳосил қилгунларича давом этди, шу билан бирга уларнинг ҳар бири шундай пайтларда ўзини қандай тутиш лозим бўлса шундай тутди. Шундан кейингина Гитлер осойишта товуш билан Канарисга ахборот беришни буюрди. Ишга доир ҳисоботни эшитиб бўлгач, Гитлер ўзига хос эпчиллик билан Канариснинг қоғозларини титкилар экан, бу ишни ипидан-игнасигача мукамал тушунгани ва билгани ҳолда, аниқ ва қисқа қилиб Советлар Йттифоқига қарши абвернинг олиб борган қўпоровчи-жосуслик ҳаракатлари, гарчи бунга харжланган маблағ 31 миллион рейхмаркани, яъни 11 миллион 700 минг долларни ташкил этганига қарамай, қаноатланарсиз йўлга қўйилганини баён қилди. Агар 1941 йилнинг июнь ойигача абвер айғоқчиларининг фаолиятини совет контрразведка органлари ва аҳолининг коммунизм афсонасига кучли садоқати бўғиб келган бўлса, ҳозирги немис агентура ишларининг бўшашиб кетишини ҳеч нарса билан оқлаб бўлмасди. Шунда Гитлер яна ўзини йўқотди, яна жазаваси тутди, кеккайиб туриб олиб, гўё қаршисида биргина тингловчи-ю, устига устак бу нарсалардан жуда яхши хабардор бўлган киши эмас. катта аудитория тургандек баландпарвоз гаплар билан башорат қила бошлади. У русларга қарши янги уруш бошлармиш-да, уни ялпи диверсия, ялпи жосуслик ҳамда ялпи қўпоровчилик ҳаракатлари каби алоҳида методлар билан олиб борармиш. У Совет мамлакатини ичидан туриб портлатармиш. Ер юзи қон фонтанлари,

завод-фабрика вайроналари билан қопланармиш. Улим ҳар бир кишининг тепасида учиб юрармиш, террор даҳшати халқларни саросимага солиб қўярмиш. Ялпи қотиллик васвасаси бошланиб, буни шу хизмат учун махсус юборилган айғоқчилар — номуссиз, виждонсиз, ватангадоки кишилар амалга оширишармиш. Улар ўзларининг жонлари жаҳаннамга равона бўлишидап қўрқиб ажал уруғини сепармишлар, нега деганда, шу ишга йўллаган кишининг буйруғини кимда-ким бажармаси, унинг ўзини ўлдириш худди ўшангга ўхшаган айғоқчиларга топширилармиш. Совет мамлакати тупроғидаги барча йирик заводлар, фабрикалар, электростанциялар портлатилиши лозим эмиш. Бу мушакбозлик Рейх учун ҳар қандай бомбардимондан арзонга тушармиш ва бу ишни ўз ўғётини сақлаш учун титраб-қақшаб юрган, жон сақлаш учун ўз ватандошларини ўлдирншдан тоймайдиғанлар бажарармиш. Шундан кейин Гитлер илҳомланиб кетиб деди:

— Шарқлик ҳарбий асирлар устидаги бир қават юпқа совет пардасини сидириб ташлашимиз керак-да, уларни йиртқич ҳайвонларга айлантириб, парашютларда минг-минглаб фронт орқасига ташлашимиз керак, токи улар вабо каби ер юзини қоплаб олсинлар-да, уни дўзахга айлантисинлар.

Канарис ибодатда тургандек, эҳтиром билан фюрерга термилиб, иш устидаги суҳбатни қайта бошлаш палласини сабр-қаноат билан кутиб турарди. Советлар Иттифоқиға қарши ҳаракат учун белгиланган айғоқчиларни кўлаб тайёрлайдиган қўпоровчи-жосуслик мактабларининг кенг тармоқларини яратиш ҳақидаги унинг олдиндан ҳозирлаб қўйган доклад-ахборотини муҳокама қилиш лозим эди. Фюрернинг дабдабали мулоҳазаларини эшитиш ҳар қанча зерикарли бўлса-да, Канарис унинг фикрларига мутлақо қўшиларди; вермахт армиясининг шарқдаги ҳаракати бунчалик кўнгилсиз сусайиб кетганлиги сабабли, шошилиш чоралар кўриш ва Россияға бўлган юришнинг тез вақт ичида муваффақиятли тугалланишиға кўмаклашиш учун кенг миқёсда ўзгача воситалар — жангу жалалсиз махфий уруш воситалари қўллаш, оддий, ҳарбий ҳаракатларға қараганда бешбаттар аёвсиз ҳаракат қилиш лозим эди.

Канарис ҳам худди мана шу мақсадда Варшава атрофидаги бирон бир жойда «Вали» деб номланган алоҳида разведка штаби ташкил қилиш ва унинг қошида разведка-қўпоров мактабларининг кенг тармоқларини очишни таклиф қилган эди. У аллақачон фюрернинг катта столи устиға бу муассасаларнинг қаерларға жойлашиши кераклигини кўрсатган схемалар, бу тўғрида ёзма ахборот, унинг тахминий сметаси ва командир-ўқитувчилар составининг рўйхатини ёйиб қўйган эди. У буларнинг ҳаммасини Рейх идорасида шарқий территориялардаги штабларнинг махфийлик даражасига тенг бўлган ўта махфий объектлар қаторида рўйхатдан ўтказишға ҳам улгурган эди.

Фюрер ниҳоят, башорат қилишдан тўхтаб, ёзма ахборотни ўқий бошлади. Гитлер бу ахборотни ўқир экан, берилиб кетиб қалам уч билан қулоғини ковлар, маъқуллаб ҳам-ҳам, деб қўяр, гоҳида эса, ишидан ҳузурланаётган пайтидаги одатига кўра, танглайини тақиллатиб қўярди. У бу мавзуни жиддий билиши ва ҳатто уруш олиб боришнинг бу қадимий соҳасига қандайдир янгиллик киритишға ҳам лаёқати борлигидан далолат берувчи бир қанча тўғри ва анча фойдали мулоҳазалар киритиб, қўпоровчи муассасаларнинг янги тармоқларини ташкил этиш лойиҳасига қамчи нзига ўхшаш имзо чекди.

Адмирал Канарис енгил тортиб тин олди. Шунда Гитлер бирданги қоғозлардан бош кўтариб, тантанали равишда баён қилди:

— Сизни, қувонтириб қўйишим керак, адмирал. Менинг кечаги

бетоблигим унчалик жиддий эмас экан. Бугун ичим жуда равон келди.

— Хайрият, жуда хурсандман, шавкатли фюрерим!—чин қалбдан хигоб қилди Канарис, ўзининг машҳур табассуми билан жилмаяр экан.

У ҳақиқатан ҳам бу вазиятдан бахтиёр эди, агар шу бўлмаганда, ким билсин, бугунги ахбороти нима билан тугарди. У Гитлери янада ўзига мойил қилиш мақсадида, унга Лансдорфнинг хабар беришига қараганда, эксперимент лагерида маҳбуслар тўрт айғоқчини бўғиб ўлдиришганини айтди. Абвернинг қандайдир унтер-офицери Лансдорфга бу айғоқчилар кўпоровчилар сифатида абвер учун жуда қимматли кишилар экани, унтер-офицер ўша айғоқчиларни мактабга қабул қилмоқчи бўлгани, аммо лагерь маъмурияти уларни абвер хизматига бергандан кўра маҳбуслар қўлига топширишни афзал кўрганлигини айтибди. Шундан кейин фюрер эксперимент лагерининг раҳбарларини жавобгарликка тортишга лутфан розилик берди ва бундан буён абвернинг олий бурчига, Шарқда ялпи айғоқчилик ҳужумининг тайёрланишига ҳеч ким тўсқинлик қилмаслиги кераклигини гестапога буюражагини айтди.

— Хайль Гитлери!—хитоб қилди Канарис.

— Хайль!—ўзига-ўзи салют бергандек, жавоб қайтарди фюрер. У табрикка беихтиёр жавоб берган эди, чунки шу пайтда унинг хиралашган ва толиққан нингоҳи 20 апрель — туғилган кунда «Иг Фарбениндустри» концернининг энг ноёб бўёқлари билан чизилиб тақдим этилган дабдабали шахсий портретига қаратилган эди. Унинг юксалган шу концерн эгалари туфайли бўлгани каби «Иг Фарбениндустри» концернининг жуда катта фойдалари, уруш пайтида йил сайин ошиб бораётган сон-саноқсиз олтинлар оқими ҳам Гитлер туфайли эди.

Шарқий фронтда ҳаракат қилаётган вермахт армияларига Гитлер, рожество байрамини Москвада кутиб оласизлар, деб қатъий ваъда берган эди. Ўзининг ҳам рожество байрамини енгилган рус пойтахтида ўтказишга мойиллиги йўқ эмасди. Ҳар қалай, «Марказ» армиясининг генерал-квартирмейстери иккинчи эшелон транспортлар карвонида ҳар эҳтимолга деб, фюрернинг исми-шарифи ёзилган сервиз ҳозирлаб қўйган эди.

Ёғиб турган ҳўл қор ерга тушар-тушмас эриб кетарди. Булутли Берлин намликдан ялтирарди. Кул ранг каналларда сузиб юрган ўрдак ва чайкалар оқариб кўзга чалинардн. Улар одамлардан чўчимасди. Сахий ўткинчилар уларга нон ушоқлари ташлашардн. Гестапо биноси олдига кетма-кет машиналар келиб тўхтар, бу машиналардан уларни олиб келган соқчилар каби оддий немислар икки қўлларини орқа мняларига кўйиб чиқишарди. Улар зиналардан юқори кўтарилишарди-да, бутун коридор бўйлаб юзларини сирланган совуқ деворга қаратган ҳолда саф тортиб туришарди.

Сўроқдан кейин бу кишиларнинг баъзилари ярақлаган полга, қонли из қолдириб камераларга ўзлари етиб беришар, аммо кўпчилиги етиб боролмай, уларни велосипед гилдираклари ўрнатилган замбилғалтакда олиб кетишарди. Гестапода ҳам ҳарбий заводлардаги каби туну кун уч сменада сурункасига ишлашарди.

Шаҳар тартибли, осойишта, булутли осмондан эриниб ёғаётган ҳўл қор кўчаларни оқартиролмасди. Қор ёғарди-ю шу заҳотиёқ эриб, совуқ кўлмаклар ҳосил қилар. бу кўлмаклар юзида эса кул ранг тошдан қурилган салобатли шаҳарининг чироқлари хира ялтирарди.

Немис разведкачиларининг Варшава мактаби, ўзининг баъзи филиаллари билан биргаликда 1941 йилнинг октябрь ойида ташкил этилган эди. У Шарқий фронтда иш олиб бораётган, «Вали штаби» деб шартли номланган қўпоровчи-жосуслик ташкилотига бевосита бўйсунарди. Мактаб Варшавадан 21 километр нарида, шарқ томонда Ромбертово қишлоғи ва Милосна темир йўл станцияси яқинидаги Сулеювек деган жойда, Педеревский кўчасига жойлашган эди. «Вали штаби»нинг филиали ва унга қарашли катта радиостанция ҳам шу ерда эди.

Лансдорф «Вали штаби»нинг бир хонасини эгаллаб олди. Казармага қарашли бу хона имкони борича шинам жиҳозланган эди. Пол ва кат устига юмшоқ гиламлар тўшалган, шкаф ойнасида инглиз ва француз тилларида ёзилган китобларнинг ранг-баранг зеҳлари кўриниб турар, икки бурчакда икки торшер ва айниқса, ҳар жой-ҳар жойга қўйилган гуллар хопга файз бағишлаб турарди. Вайс ахборот берар экан, мулойимлик билан Лансдорфнинг қоқшоқ афтига тикилиб турган бўлса ҳам на унинг юмилиб турган юпқа лабларини, на қирра бурнини, на солиққан, соқоли қирилгандан кейин пушти тус олган юзини ва на тепакал думалоқ бошини кўрарди: у фақат бошлиғининг чақчайган, кексаликдан рангсизлангану, аммо ўйноқи жилвасини йўқотмаган кўз қарашини ҳушёрлик билан кузатарди.

Лансдорф кат устида қўлини боши остига қўйиб ётганча Вайс кириб келганда ҳам қимирламади. У эгнида пижам ва туя жунидан тўқилган иссиқ инглизча халат кийиб олганди. Оёғида эса, мўйнали хонаки швед шиппаги бор эди. Шифтдаги чироқ ўчириб қўйилган бўлиб, торшернинг ёруғ шуъласи Вайснинг юзинигина ёритиб турарди. Лансдорф ўтиришга таклиф қилган стул бекорга торшер тагига қўйилмаганини тушунгани учун ҳам Вайс чироқ шуъласи кўзини қамаштиришига қарамай, стулни нари-бери суришни ўйламади ҳам.

«Лансдорф каби иш кўрган разведкачи учун бу услуб анчагина дағал-ку!»,— дея кўнглидан ўтказди Вайс.

Кўринишидан, Лансдорф Вайснинг гапига гўё эътиборсизлик билан қулоқ солаётгандек эди. Дитрихнинг ишбилармонлиги, ақли ва хаёл-парастлигига учган ефрейторни соддадил фаҳмлаб, уни кинояли койиши, чеҳрасидаги зеркиш ва бепарволик ифодалари ҳам шуичаки бемаъни бир услуб эди. Шунга қарамай, Лансдорфга қандай таъсир қилишини билиш мақсадида Вайс Дитрихга баъзи хислатларни қўшиб гапирётган пайтда полковник унинг сўзини бўлмади.

Вайс капитан Дитрихнинг чуқур кузатувчан одам эканлиги ва осонликча хоинликка рози бўлган рус ҳарбий асирлари шунчалик осонлик билан Германияга ҳам хиёнат қилишлари мумкин, деган фикрини мутлақо тўғрилигини айтди. Уларнинг қўрқоқлиги, пасткашлигига ишониб иш тутмаслик керак, бу ҳарбий асирлардан керак бўлиб қолган чоқда жон беришга ҳам тайёр айғоқчилар тайёрлаш анча мушкул. Фақат шў хилдаги кишиларга ишониб иш тутиш энг осон йўлни танлаш деган гап. Бироқ осон йўл билан ҳамма вақт ҳам мақсадга эришилавермайди.

— Хўш, ўзинг нима таклиф қилмоқчисан?— дея унинг сўзини бўлди Лансдорф сўниқ, вазмин овозда.

— Менми? Ҳеч нарса. Шунчаки, эшитганларимни айтяпман, холос.

Июган шундай дер экан, қўпоровчи, разведка мактабларига гестапо тавсия қилган одамлардан ташқари абверчиларнинг ўзларига мос тўшадиган ҳарбий асирлардан танлаб олишлари кераклигини қандай йўл билан уқтириш маъқуллиги тўғрисида ўйларди. Шунда абвер айғоқчи-

ларининг ёвузликларини олдини олиш ва курашга тайёр, мардликка қодир кишиларни асраб қолишдек хавфли, ammo ҳозир ўз ватани учун жуда зарур бўлган ишни бошлаб юбориш учун ўзига керак одамларни топиш ва мактабга жойлаштириш бир мунча осонлашарди.

Иоганн бунга замни қидираркан, мужмалроқ гап бошлади:

— Капитан Дитрих, баъзи асирлар бошқа маҳбусларнинг ўч олишидан қўрққанлари учун ҳам жонлари ширинлик қилиб, биз билан алоқа қилишдан ҳайиқишяпти, деган тахминий бир гап айтган эди. Бу ниқобланишнинг ўзига хос усулидан бўлак нарса эмас, бу тахлитда ниқобланмоқ учун эса худди ўша айғоқчидан талаб қилинадиган ақл, бардош, матонат каби сифатлар керак бўлади.

Лансдорф тетикланиб бошини кўтарди-да, Вайсга тикилиб қаради. Сўнг гижиниб деди:

— Мана бу бошқа гап, ҳар ҳолда, ўзига хослиги бор...— у шундай деди-ю, ўйланиб қолди. Бироқ бу фикр уни қизиқтирганини билдиргиси келмай шу заҳотнеқ кўзини ҳорғин юмиб, ҳасрат қилиб қолди:— Ҳавода ҳам тайин қолмади-да, гоҳ қарасанг иссиқ, гоҳида совуқ — мени жуда бўшаштириб юборяпти-да. Менинг ёшимдаги одамлар ҳар қандай ўзгаришларга ҳам сезгир бўлиб қоладди.— Шундай дея у жунжикиб елкаларни қисди-да, сархушлик билан ўзини ёстиққа ташлади. Ammo унинг дили гаш, нотинч эди.

Яқинда у асир тушиб қолган, деярли ўзига тенгқур бир совет офицерини сўроқ қилган эди. Асир қотмадан келган, кўринишдан оғир, вазмин, чайир киши эди. Бурушган қовоқлари остидаги бир оз хиралашган кўзлари кишига тик боқиб турарди. Офицерни машинада олиб бориш мумкин бўлсин учун госпиталда яраларини апил-тапил тикиб, кейин, Лансдорф ҳузурига олиб келишган эди. Унга қон қуйишиб, венасига юракни тетиклантирадиган дори юборишгандан кейин бутунлай ҳолдан тойган асирнинг қуввати қисқа муддатга қайта тикланиб, бинойидек бўлиб қолган эди: у ҳаддан ташқари ҳолдан тойган, ҳаёти сўлиб борарди. Шунга қарамай, у ақл бовар қилмайдиган бир матонат кўрсатди. Унинг кечагина жарроҳ столида ётгани сира сезилмасди.

Асир Лансдорф таклиф қилган бир рюмка коньякни ҳам, сигаретани ҳам қайтармади.

Агар унинг хатти-ҳаракатида озгина бўлса ҳам суийлик сезилгудек бўлса, сурбетлик деса ҳам бўладиган даражада хотиржамлик билан ўз шаънини сақлаб туради.

Офицер бирор маълумот беришдан қатъиян бош тортиди ва елкаларини қисиб, истеҳзо билан деди:

— Агар янглишмасам, сизга қараганда анча ёш ва ғайратли терговчиларни ҳам етарли даражада чарчатгандек эдим. Улар мени гестапонинг барча техника усуллари билан батамом таништириб қўйишди.-- Кейин сўради:— Еки сиз бирон-бир янги усул қўлламоқчимисиз? Ундай бўлса вақт фанимат, бошлайверинг.

Лансдорф соатига қараб қўйди.

— Қирқ минутдан кейин сизни отиб ташлашади.— Мулойимлик билан тушунтирди,— гапни очиқ айтишимнинг сабаби шуки, офицер сифатида хоҳ душман, хоҳ дўст бўлсин, мардлик кўрсатган кишини қадрлайман.

— Шунақа денг!— деб истеҳзо билан кулди асир ва жиғга тегадиган қилиб сўради:— Бу сўзингизнинг таслим бўлишга ўхшашлигини сезганингиз йўқми?

— Кимни назарда тутяпсиз?

— Сизни, албатта!

— Олифтагарчиликнинг ҳожати йўқ.

— Нега?

— Ҳар қалай, ўлим жиддий муносабатга арзийдиган ягона нарса.

— Э, ҳа! Сиз мавҳум муҳокамаларга мойл одам экансиз.

— Сиз-чи?

Асир офицер таржимонга имо қилиб Лансдорфдан сўради.

— Кейинчалик мана бу кишининг қўл остингиздаги одамларга сийқаси чиққан мулоҳазаларингизни завқланиб гапириб берипини истаяпсиз чамаси?

— Сизнинг мулоҳазаларингизни,— эътироз билдирди Лансдорф.— Айни сизнинг мулоҳазаларингизни. Ватан учун жон берпидек сийқаси чиққан гап бўлмайди!

— Ҳай, майли,— деди офицер,— биз сизни сўроқ қилган пайтда бунақа сийқаси чиққан гап гапирмай қўя қоларсиз.

— Сиз шундай бўлишига астойдил ишоняпсизми? Шу айтган гапларингизни амалга ошириш учун қандай имкониятлар борлигини тушунтириб берсангиз, жуда миннатдор бўлардим.

— Қўйинг! Қўйинг!— дея қатъий такрорлади офицер.— Бу ўлардай сода услуб-ку!

— Бўлса бордир!— деди Лансдорф яна соатига қараб, бармоғи билан циферблатни кўрсатар экан. Кейин сўради:— Ҳар қалай, арзирмикан? Балки, яна ўйлаб кўрарсиз?— Ҳурмат қилгандек оҳангда ваъда берди:— Мен рози бўлишим мумкин. Ҳатто бирор муҳим гап айтмаган тақдирингизда ҳам. Ҳаётингизни сақлаб қолсам хурсанд бўлардим.

— Нега?

— Айтайлик, бугун кайфиятим дуруст ва уни бузмоқчи эмасман.

— Иш услубингиз жуда содда экан,— деб таъна қилди офицер ва нафратланиб қўшиб қўйди.— Ҳа, сийқаси чиққан услуб.

— Ун минут қолди,— дея эслатди Лансдорф.

— Балки, соатингиз бир оз орқада қолаётгандир?— деди офицер ва ўрнидан турмоқчи бўлиб стол қиррасига таянди.

Таржимон сўроқ давомида қўлида ушлаб турган тўппончани юқори кўтарди.

— Илтимос, кўп ошиқманг,— деди Лансдорф асирга тилёгламалик билан,— шундай қилиб, мардларча ҳалок бўлишингизга йўл қўйиб беришади, деб ўйлаяпсизми? Содда экансиз. Сўроқ протоколи аллақачон тўлатиб қўйилган ва охири варағига имзоингиз жуда ўхшатиб туширилган. Буни биз баъзи ҳамроҳларингизга ўқитамиз, бизга хизмат кўрсатишга мойиллик кўрсатмаган чоғларида ҳам уларнинг ҳаётини сақлаб қоламиз ва ҳатто баъзи бирларига фронт линиясидан қочиб ўтишига ҳам ёрдамлашамиз. Шундай қилиб, хиёнатингиз — ҳа, шу биз тўқиган хиёнат, ватанингизда маълум бўлади.— Лансдорф креслога сўяниб нафрат билан совуққина сўради:— Сиз бўлсангиз, мени асир офицер сифатида шунчаки отиб ташлашади, деб ўйлаган бўлсангиз керак? Биз сизни инсон сифатида ҳам йўқ қилиб ташлаймиз.

Асирнинг юзлари бўзариб, пешанасида майда тер томчилари пайдо бўлди. Лаблари қимтиниб, оқариб кетди.

Уни кузатиб турган Лансдорф қаноат ҳосил қилиб деди:

— Ҳа, ўзим ҳам сизга ўхшаганларга жисмоний чора яхши таъсир қилмаслигини билардим. Ишончим комилки, худди ҳозир сизга айтганимдек йўл тутишпмизга сира шубҳа қилмасангиз керак.

Офицер индамасди. Кўзлари қисилиб, нафас олиши тезлашди, бўйин томirlари бўртиб чиқди. Соғ оёғини бир амаллаб синган оёғининг устига олди-да, уни тебратар экан, бўғиқ овоз билан тўсатдан:

— Қани, бўлмайсизми?— деди.

— Нимани бўламиз? — қатъий оҳангда сўради Лансдорф.

— Қирқ минут ўтиб кетди.

— Сизга яна ўн минут вақт бераман.— Лансдорф шошилмай папкани очди-да, худди шу зайлда ошнқмай унинг ичдан бир аёл ва бола-ларнинг расми туширилган бир нечта фотосурат олиб офицерга узатди.— Булар сизга таниш бўлса керак? Улар сиздан номус қилишади. Бутун умрга сиз улар учун иснод манбаи бўлиб қоласиз,— дея таъкидлаб қўйди.

Офицер бир лаҳза суратларга тикилиб қолди. Кўзлари ялтираб, худди ундан нур ёғилаётгандай чақнаб кетди. Сўнг бирдан стул суянчигига суяниб, енгил нафас олди:

— Улар ишонишмайди! Ҳа, улар ишонишмайди!— дея тантана билан такрорлади у, кейин ўрнидан турмоқчи бўлди.

Лансдорф стол остига ўриатилган кнопкани босди.

Икки соқчи югуриб кириб, асирга ташланди. Офицер улардан бирининг юзига тирсаги билан тушириб, иккинчисига чап берди. Таржимон бўшлиқ қилди — ўқ овози янгради...

Жасадни олиб чиқиб кетганларидан кейин Лансдорф таржимонга жаҳл билан деди:

— Майор Штейнглицга айтиб қўйинг, бу хусусда унинг таклифини мақсадга мувофиқ деб ҳисоблай олмайман. Бу офицернинг обрўси баландлиги аниқ, унинг номига доғ тушириш мушкул, шу сабабли унга мазкур чорани қўллаш натижа бермайди.

Шундан сўнг иш кунининг охирига қадар Лансдорф, номуссизликда қўлга тушиб, бесабаб ҳақоратлангандек таъби тирриқ бўлиб юрди. Бу ҳол жуда аламли эди, разведкачи кадрлар тўплашда биринчи марта шу хилдаги, Лансдорфга одат бўлиб қолган ва тузоққа илинтиришнинг мустаҳкам негизи деб билган ишбилармонликни ҳам назар-писанд қилмайдиган инсонга дуч келиб қолгани тўғрисидаги ўйлар дард устига чипқон бўлиб тушарди.

Ҳали йнгилик чоғларида, биринчи жаҳон уруши арафаларида, Лансдорф бир француз офицери билан дўстона алоқа ўрнатган бўлиб, уни махфий ҳужжатлар билан таъминлар, бунинг эвазига ўзи ҳам ундан шу хилдаги ҳужжатлар оларди. Бу ҳол икковларининг ҳам ўз соҳаларида: бири герман бош штабида, иккинчиси француз бош штабида юқори мансабга эришишларига анча енгиллик туғдирди. Шунни айтиш керакки, улардан ҳеч бири иккинчисини бирор марта ҳам алдамади, офицерлик шайнни булғашмади, қаллоблик кўчасига киришмади, боз устига, улар алмашган барча маълумотлар доим тенг қимматга эга бўларди. Шундан кейин умр бўйи Лансдорф бирор марта ҳам ўшанда хиёнат қилган эдим, деган хаёлга боргани йўқ. Юрак ютиб таваккал қилганмиди? Ҳа, бунга ўзи ҳам рози. Аммо фақат шунинг ўзигина, холос.

Лансдорфнинг фикри қайта-қайта шу совет офицерига кетиб қолар ва бу фикр унинг рашига тегарди. У ўзини алданган деб ҳис қиларди. Йўқ, ҳалиги офицер томонидан эмас. Борди-ю, Лансдорф ихлос қўйган, жуда бошқача деб тасаввур қилган халқ енголмаса Учинчи империянинг ҳолига вой эди. Шунинг учун ҳам полковник сўнгги йиллар мобайнида дастлабки марта кўнглида қандайдир ишончсизлик ҳис этди. Лекин у бунинг толиққанлик, қартайганлик ва бир вақтлар Канарис билан суҳбатидан сўнг пайдо бўлган ташвишники бўлса керак, деб ўзига-ўзи тасалли берди.

Фюрер Канарисга бир неча марта «бешинчи колонна» ташкил қилишга бўлган барча уринишларнинг ҳаммасини чиппака чиқарган бирдан-бир мамлакат Совет Иттифоқи чиқиб қолганлигидан норози эканини айтган эди. Канарис бу гапни Лансдорфга гапириб берганди.

Ушанда Лансдорф ҳатто Орша остонасида олиб борилган мудофаа жангларида қамоқхонадан чиққан маҳбуслар ҳам иштирок этганини ва улардан атиги бир печасигина немислар томонига қочиб ўтганини айтишга журъат ҳам қилолмаган эди. Немисларнинг ҳужуми қайтарилгандан кейин уларни яна қамаб қўйишган. Бироқ совет дивизиясининг қўмондонни шу маҳбуслардан алоҳида бўлима ташкил этишга ижозат олган. Бундан хабар тонган Лансдорф қўпоровчилик инлари олиб бориш учун қочқинларни шу бўлинмага юборишни буюрган эди, ammo собиқ маҳбуслардан ташкил топган бўлинма солдатлари, шов-шув кўтариб ўтнрмай уларни металл каскалари билан бўғиб бир ёқлик қилиб қўя қолишибди.

Бу ҳол Лансдорф учун кутилмаган воқеа эди, чунки ишончли информация манбаларининг таъкидлашича, Россияда бадавлат деҳқонларнинг ерлари тортиб олинганидан ва жуда кўп кишиларга нисбатан хилма-хил жазо чоралари қўлланилгандан кейин, кенг миқёсда қўпоровчилик ҳаракатлари олиб боришга лаёқатли махсус бўлинмалар ташкил этишга етарли даражада замни ҳозирланганига шубҳа қилмаса ҳам бўларди.

Гарчи, Берлиндан қўпоровчилар ёллаганда ҳарбий асирларнинг анкеталарида энг аввал нималарга эътибор қилиш лозимлиги ҳақида равшан кўрсатма берилган бўлса ҳам, бу кўрсатмалар кўпинча русларнинг сўроқ вақтидаги хулқ-атворларига мутлақо мос келмас эдики, абвер ходимлари жуда мушкул аҳволда қолишарди.

Шунинг учун ҳам, Лансдорф фаросатли ефрейторнинг гаплари устида мулоҳаза юритиб кўриб, абвернинг биринчи бўлими ходимларига разведка мактабларига одам танлаш учун лагерларда очиқдан-очиқ хиёнат билан ўзларини кўрсатмаган ҳарбий асирлардан ҳам баъзиларини олишга ва бундай ҳолларда гестапо кўрсатмаларига риоя қилмай мустақил иш кўришларига ижозат бериш мумкин, деган қарорга келди.

Лекин у, шубҳасизки, ўзининг бу мулоҳазаларини Вайсга айтиб ўтиришни лозим топмади.

Шу куниеқ Лансдорф ефрейторнинг рус тилида нуқсонсиз гапира олмаслиги, рус тили терминологиясидаги нозикликларни билмаслиги, ҳозирги махсус рус совет тилининг ўзига хос янгиликларидан беҳабарлигига қарамай, Иоганн Вайсни «Вали штаби»нинг бўлинмасига таржимон қилиб белгилашга кўрсатма берди.

Буларнинг ҳаммаси рус тилини оқ муҳожирлардан ўрганган болтиқ бўйилик немис учун табиий бир ҳол эди. Шунинг учун ҳам Иоганн таржимонлар билан гаплашар экан, ҳар бир рус сўзини айтишдан илгари ўйлаб, ўз нутқини жуда синчиклаб кузатадиган бўлди.

Капиталистик мамлакатларнинг разведка солномаларида тезкор ҳужумлар ҳақида мақтанчоқлик билан ёзилган ҳисоботлар сақланиб келмоқда. Уларни оддийгина кўчирмачилик деб ҳисоблаш ҳам мумкин: мабодо, уларни қон ва ифлосликлардан тозаланса, бас, кўз ўнгингизда фирибгарлик ҳақидаги қадимий роман намоён бўлади қўяди. Фарқи фақат шундаки, унинг иштирокчилари жонли фикрлашдан мутлақо маҳрум, ўзларига номаълум ниятларнинг шунчаки ижрочилари даражасига туширилганлар, холос.

Масалан, фашистлар Рейхининг корчалонлари 1940 йилнинг январидан Франция билан бўлаётган урушнинг «ҳазил», «ўйинчоқ» даврини тугатишга қарор қилганларида, немис учувчиларидан бири туманли кунда Бельгия территориясига қўниш ҳақида буйруқ олган. Учувчи буйруқни бажарган ва унинг ёнидан Германия биринчи жаҳон урушида синаб кўрилган Шлиффен планини такрорлаб, гўё Бельгияга бостириб кириш-

ча ҳозирлик кўраётгани ҳақида аниқ далолат берувчи ҳужжатлар топилган.

Шундай қилиб, инглиз-француз қўмондонлари бу соддагина фирибгарликка лаққа туша қолганлар. Немислар Седан районида ҳужумга ўтганларида, иттифоқчилар қўшинлари қуршовида қолган. Шунга ўхшаш олди-қочдилар билан тўлдирилган ҳужумлар баёнини жаҳоннинг барча разведка каталогларидан топиш мумкин, уларни анчайин қизиқиб ўқиса бўлади. Аммо Вайснинг чекига тушган вазифанинг усти ялтироғу нчи қалтироқ эмас эди. У олдиндан барча йўллари белгилаб қўйилган блицтурнир ҳам бўлмай, балки маслакни, маънавий тасаввурларни, руҳий мустаҳкамликни синашдек, ҳатто номус ва ватандан жудо қилинган, виждонларига қон теккан кишиларга ҳам ишончни йўқотмасликни уддалашдек улкан вазифа турарди унинг олдида, уни ана шундай ишлар кутарди.

У, ҳозиргина жанг майдонидан олиб чиқилиб, дала госпитали чодиридаги хирург столи устида тўлганиб ётган ярадорни дарҳол сафга қайтишга, ёки ўз-ўзини отиб ярадор қилган қочоқни сабри тоқат билан дарҳол қаҳрамонлик кўрсатишга ундаш маъсулияти юклатилган кишининг бошига тушадиган, ақл бовар қилмайдиган азоб-уқубатларни енгиши лозим эди.

Иоганн Вайс эндиликда бой берилган жанглarning қурбони бўлгану, аммо жанг майдоннда ҳалок бўлмаган, энди уларга дунёнинг қизиги қолмаган кишилар билан иш олиб бориши керак эди.

Жанг майдонида ҳалок бўлганларнинг жасадлари ўз қонлари билан ёпишиб ётган ерлар жароҳатланган, бу ерларни ҳисобсиз ўқлар илматешик қилиб ташлаган, оёқ ости қилиниб, расвойи радди балоси чиқиб кетган. Бу ерда куйиб жизғинаги чиққанидан чиқиндига айланган, портлаб ичак-човоги ағдарилган, зирҳлари ёрилиб, қобиқлари тўкилиб тушган танклар қаланиб ётар, қизиб турган бўғизига сўнгги граната тиқиб нортлатилган замбарақлар ағдарниб тумшуқлари тепага қараб ётарди. Бу ерларда узук-юлуқ тиканли симлар чувалашиб, ҳар бир траншея — гўр, ҳар бир блиндаж қабристонга айланган, қулча бўлиб ётган илонларга ўхшаш миналарга тўлиб-тошган, тротилнинг қўланса иси ёрни туман янглиғ қоплаган. У жойлардаги ўрмонларда дарахтлар снарядлар билан каллаканиб, фақат тўнкасигина қолган, эриган қор зангдан сарғайган жилғалар ҳосил қилган, порлаган снаряд ва миналарнинг парчалари тушиб, ёрни ағдар-тўнтар қилиб ташлаган ва обдан куйдириб жизғинагини чиқариб юборган эди.

Ана шундай жанг майдонида само кўринмайди. Бой берилган жанглarning аччиқ қисмати душман қўлига тириклайин ўлжа қилиб берган кишилар устида само сўнадн.

Ҳарбий асирлар учун яратилган Гитлер лагерлари, бу лагерлардаги барча тартиб инсондаги инсонийликни йўқ қилишга қаратилган эди.

Иоганн ана шу қатор-қатор, сон-саноксиз лагерларда кўрганларини бирма-бир кўздан ўтказиб, шу ҳақда фикр юритар экан, мураккаб ва аламли ҳислардан эзилиб кетарди. У бу ерларда минглаб совет кишиларининг ўз ҳаётларидан ҳам қимматли бўлган инсоний қадр-қимматларини йўқотмаслик учун пинҳона кураш олиб бораётганларидан хабардор эди. Бироқ Иоганн иш олиб бориши лозим бўлган немис қўпурувчи-жосуслар мактабида букилмас иродали, улуғ ва соф ниятли кишилар йўқ эди, ҳисоб.

Мактабга ҳар хил кишилар қабул қилинар, кўпинча пасткашликка-

¹ Тротил ёки тринитролуол — сариқ рангдаги қаттиқ кристалл модда. Жуда қаттиқ портлаш хусусиятига эга (тарж.).

ри, шалпыраганликлари билан душман олдида ўзларини кўрсатган палид одамлар саралаб олинарди. Иоганн буларни одамдаги барча инсоний хусусиятларни йўқотиб юборишга қаратилган, худди шу шароитда ҳам ўзларининг номатълум эканликларига қарамай совет кишилари бўлиб қолаверган, ўз шаъниларига доғ туширмай зўр матонат кўрсатаётган ҳарбий асирлар билан ҳатто фикран ҳам муқояса қилолмасди. Уларнинг ўз умрларини чўзиш учун мардларча курашлари жонларини сақлаб қолиш учун эмас, балки ўла-ўлгунча бўйин эгмай совет кишиси бўлиб қолиш ва ўз ўлимлари билан то абад ўлмасликни қарор топирмоқ учун эди.

Бошқаларни эса — ўлимтик одамлар эди.

Шунинг учун ҳам бу тирик мурдаларга нисбатан нафрат Иоганнинг дилини ўртарди.

У ўзидаги нафратни аланга олдирмаслиги, аynи бир вақтда, ўз бўшанглигининг қурбони бўлганларга кўнгилчанлик қилмаслиги лозим эди.

Шу боисдан у кўпинча Феликс Дзержинскийнинг: «Инсон, якка шахснинг қандайдир аниқ бахтсизлигига ҳамдардлик қила олсагина, у жамият бахтсизлигига ҳамдардлик қила олади»... деган сўзларини эслаб кўярди.

Албатта, шу хонлар орасида ҳам қаршилик кўрсатишга қурби етмаган, вазият тақозосига итоаткорлик билан бўйин эгиб кўя қолган шунчаки бахтсиз кишилар борлиги аниқ. Хўш, Иоганн шу ландовурларга ҳам раҳм-шафқат қилсинми?

Бироқ ватан қалқонни барча нарсадан айрилган, лекин айрилгани билан умидсиз айрилмаган, яна ватанга қайтиш мумкин бўлган кишиларни ҳам ҳимоя қилмайдими? Ана шу қалқонни Ватан Иоганн Вайснинг кўлига топшириб кўйибди. Бу ерда қалқонни ишлата билиш жазо қиличини ишлатишдан беқийс даражада қийин, аммо у майиб бўлган, лекин халоскор кўл чўзилса яна ўрнидан туриб кетиши мумкин бўлганларни батамом душман кўлига топшириб кўймаслик учун қалқонни ишлатишга ўрганмоғи лозим. Фақат унинг, жар ёқасида осилиб қолган кишининг бутунлай йиқилиб тушишдан сақлаб қолишга кучи, журъати етармикин?

Александр Белов махсус мактабда разведкачи учун зарур бўлган барча ҳикматларни ўрганар экан, келажакда олиб бориши лозим бўлган курашда бу билимларнинг кучли қурол бўлиб хизмат қилишига ишончи комил эди. «Чексиз зўравонлик» ғояларини тарғиб қилган ва ер шарини байроғига фашистлар тамғаси туширилган истилочига бериладиган кўчма мукофот, холос деб эълон қилган «тахминий душман»нинг барча ёвуз ниятларини фош қилишда бу билимларнинг ёрдам беришига ишонарди.

Ҳа, шу пайтгача Белов ўзини етарли даражада қуроолланган деб ҳисоблар эди. Аммо фашистларнинг кўпоровчи-жосуслик «Вали штаби»да бўлгусида олиб борадиган фаолият соҳаси уни изтиробга тушириб кўйди.

У гитлерчилар билан эмас, уларнинг кўмакчилари — собиқ ватандошлари билан иш тутиши лозим эди. Улардан ҳар бирини иродасизлик, қабихликнинг кўз илғамас фожиаи ва нфлос яғири қоплаб олган. Ана шу яғир оша уларнинг кўнглига кўл солиб, мағзи чириб кетганмикин ёки ўлим олдида кўнглини қамраб олган ваҳиманинг қули бўлиб қолган кишининг жароҳати устида қотиб қолган қон каби сиртигинга қорайганлигини сабр-тоқат билан текшириб кўришнинг иложи бўлармикин? Ахир бундай кишиларни фақат ўзлари воз кечиб кетган курашга чорлаш билангина ҳаётга бўлган ишончларини қайтиб бериш мумкин.

Иоганн ўзининг студентлик йиллари, Достоевский ҳақидаги баҳсларни эслади. Мажруҳ дилларнинг яширин хилватгоҳларини ковлаштириш бемаъни ва шу пайтнинг ўзида оромбахш қийноқдан бошқа нарса эмас деб ўзбилармонлик қилиб юрганида жуда содда экан-да. У зўр бериб. Достоевский даврида эҳтимол, бу балки қандайдир маъно кашф этгач бўлиши мумкин, бизнинг кишиларда эса уларни халос қилиш йўлида ҳамдардлик қилиб, шу йўл билан қайғу ҳасратларига шерик бўлиш заруриятини уйғотадиган ҳеч нарса йўқ ва бўлиши ҳам мумкин эмас, дерди.

Энди бўлса ўзи уларни аниқлаши, халос қилиши, душманнинг чайир чапғалидан юлиб олиши учун инсон дилидаги ифлосликларни кавлаштиришни керак бўляпти. Унинг назарида ватанга хиёнат қилган кишилардан душманнинг фойдаланишига имкон бермасликдек вазифани бажарса бўларди. Бунинг учун у ўзини етарли даражада қуролланган ва шароит ҳам мос деб биларди. Боз устига, Марказ ҳам тўғри ва аниқ ҳаракат режасини ишлаб чиқмоқда эди.

32

Майор Штейнглиц, Вайсдай шоферидан маҳрум бўлаётганига ачинаётган бўлса ҳам, уни янги ҳамкасби, абвер ходими сифатида табриклашга тайёр эди. Шундай бўлса ҳам Штейнглиц ҳар қалай Вайсни огоҳлантириб қўйишни лозим топди:

— Бизга мутлақо сизнинг хулосаларингиз эмас, фактлар керак. Хулосаларни ўзимиз чиқарамиз. Хотира деган разведканинг касби бўлади, — деди у насиҳатомуз. Сўнг унчалик расмий бўлмаган оҳангда қўшимча қилди: — Баъзан мардлик қилиб киши ўзини қўрқоқ кўрсата билиши керак бўлади. Босқинчилик вазифалари баҳодирларга топирилади-ю, мукофотни идорадан туриб раҳбарлик қилганлар олади.

Штейнглиц шу пайтгача мўлжаллаган лавозимига эриша олмай, аввалгидек тайини йўқ инспекторлик вазифасини бажариб келар ва ўзини четда қолаётгани хаёлидан сира нари кетмасди.

Дитрих Вайсни янги лавозимда кўриши биланоқ, ишбилармонлик қилиб, штабда жаноб Маслов деган рус таржимони борлигини айтди. Гарчи, у чор армиясининг полковниги бўлса ҳам, муҳожирларнинг баъзи бирлари орасида миллатчилик кайфиятлари ва Россия устидан Герман қуролининг ғалабасидан норозилик сезилаётгани учун, унга кўз-қўлоқ бўлиб юришни уқтирди.

Мактабнинг командир, ўқитувчи ва инструкторлар состави ҳали тўла йиғилмаганлиги сабабли деярли барча хоналар бўш турарди. Шунинг учун ҳам, Иоганн яхшироқ бир хонани эгалласа бўларди-ю, дастлабки пайтларда камтарлик зиён қилмаслигини ўйлаб, кўримсизроқ хонани танлаб олди. Бунга яна бошқа сабаблар ҳам бор эди. Йўлакнинг охирида жойлашган бу хонага ёрдамчи хўжалик хоналари — омбор ва ҳозир бўш турган шохона ёндашган эди. Чордоққа чиқадиган зина ҳам шундай ёнгинасида, зарурият туғилиб қолган пайтда Иоганн фақат ортиқча бўлмалардангина эмас, томга олиб чиқишидан қатъи назар, қўшимча чиқиш йўлидан ҳам фойдаланиши мумкин эди.

Дитрих Вайсга маслаҳат бериб, унинг ўз ибораси билан айтганда «хизмат пайтидан ташқари вақтларда курсантлар билан алоқада бўлиш мақсадида» ҳарбий кийимни гражданча кийимга алмаштириш кераклигини айтди, нега деганда, граждан кийимидаги рус тилини билган немис уларнинг кўнгил сирини ғолиблар формасидаги немисга қараганда тезроқ очиши мумкин эмиш.

Иоганн янги ҳамкасблари билан қандай муомалала бўлишни ўйлар экан, аввал бошданоқ улар билан жуда тенг бўлмаса ҳам, ҳар қалай, жиддий, ўз қадр-қимматини биладиган кишидай мупосабатда бўлишга қарор қилди. Ундан ташқари, Россия тўғрисида маълум тасаввурга эга эканлиги, шу соҳада ихтисослашиб, билганларини янада асосли равишда пухталашга интилаётганини, фақат таржимошлик нуқтаи назаридан эмас, бир вақти келиб, айтишлик, Москва генерал-губернаторлигидаги гаулейтор ҳузурда бирор обрўироқ лавозимга эга бўлиш умидида эканлигини уларга сездириб қўйиши ҳам керак эди.

Шупингдек, у прусс зодагони фон Дитрихнинг хатти-ҳаракати ва ахлоқ-одобига тақлид қилишга, унинг бу хислатларини психологик қуролга айлантиришга жазм қилди. Совуқ, бепарво, ўта назокатли суҳбат давомида қуруқ, сийқаси чиқиб кетган сўзлар билангина чекланиб қола билиш, хизматкорлар ўртасида ҳам, зодагонлар орасида ҳам баробар одат бўлиб қолган эди. Бирок зодагонларга бу гўё яхши тарбия ва одобнинг шартли ифодаси сифатида хизмат қилар ва ҳамсуҳбатига ҳам маълум даражада таъсир кўрсатиш учун зарур эди.

Очигини айтганда, Иоганн ҳамкасблари орасидаги ипдамас, одамови, ҳадиксировчи кишиларга қараганда ўлардай шилқим, серган маҳмаданаларидан кўпроқ чўчирди.

Лансдорф билан муносабати ҳам унга баъзи нарсаларни ўргатди. Эҳтимол, немис разведкасининг атоқли йирик мутахассис арбоблари қатори бу кишининг ҳам ич-этини шуҳратпарастлик дарди кемирарди. У шу пайтга қадар мисли кўрилмаган операция ишлаб чиқиб, фирибгарлик санъатида энг машҳур разведка бўлимларидан ўзиб кетишни орзу қиларди. Бу билан мана шу соҳада донг таратишни, дил ончиси сифатида машҳур бўлишни, ном қолдириб, яширин уруш тарихига ўз номининг мангу ёзилишини истарди.

Лансдорфнинг фикри ёди бир кун эмас-бир кун уни албатта оламга танитадиган ана шу номаълум операция билан банд эди. Шунинг учун ҳам у фақат тундагина ўзини бахтиёр ҳисобларди, чунки бу пайтда кундузги зерикарли ташвишлардан холи жимжитликда бу операциянинг ҳийла-найрангларга тўла тафсилотлари, беҳисоб вариантларини ўйлаб, бўлғуси шаън-шавкатлар ҳақида ширин хаёллар суришга имкон туғиларди. Кечалари шундай ҳузур қиларди-ю, кундуз кунлари бўлса адолатсиз тақдир иродаси билан майда-чуйда ишларни бажаришга мажбур эди. Шу боисдан у ялпи қўпоровчи-жосуслик ишлари учун ҳарбий асирлардан ёллаш тўғрисидаги топшириқни, худди жанговар офицерни ўз сафидан ажратиб олиб, узоқ фронт орқасига, солдатликка янги қабул қилинган ёшлар билан машқ олиб боришга жўнатилгандек қабул қилди.

Башарти, бошлиқлар истаганда Лансдорф эплайдиган ишлар жуда кўп эди. «Империя ҳарбий министрлигининг психология лабораторияси», Баварияда Гиммлер томонидан ташкил қилинган «Разведка олий мактаби», вақти-вақти билан йирик-йирик разведкачиларни қайта тайёрлайдиган Берлин яқинидаги «Малака ошириш курслари»— унга мос келадиган ишлар мана шулар эди-да, бунда у ўз асарлари билан жаҳоннинг жуда кўп разведкаларига маълум бўлган, билимдон, шуҳрат қозонган уста жосус эканини кўрсатиб қўйган бўларди.

Бу ерда эса у ихтисосига арзимайдиган қора, устига устак бемаъни иш билан шуғулланишга мажбур эди. Европанинг бошқа мамлакатларида татбиқ этилган стратегиянинг Россия билан бўлган урушда қўл келмаётганини Лансдорф аллақачон тушуниб етган эди.

Бу мамлакатларнинг барчаси икки қайталаб забт этилган эди: аввалига ҳукумат бошлиқларидан тортиб, ҳамма соҳани кўз илгамас ялпи

немис жосуслари қамраб оларди-ю, ундан кейингина вермахт ўз армияси пўлат мунгдек жамулжам қилиб, сотқинлик натижасида ўз ичидан емирилган давлатларга бостириб кирар ва яшин тезлигида ғалаба қозонар эди.

Россияда эса ялпи жосуслик учун шароит бўлмади. Немис айгоқчилари Россияда урушдан олдинги йилларда ҳам, уруш бошланишида ҳам мағлубиятга учрадилар. Ваҳолонки, Шарқий фронт немис разведка хизматлари системасида энг муҳим ҳисобланган эди.

Немис разведкаси Советлар мамлакатида ҳатто «Бешинчи колонна»нинг соясини ҳам ташкил қилишни удалай олмагач, қалбакилаштириш йўлга ўтиб, лаганбардорлик билан Россиянинг кучсизлиги тўғрисида Гитлер айтган гапларни тасдиқловчи сохта фактлар тўқий бошлади. Бундай ахборот фюрерга 1920 йиллардаёқ: «Агар Германия Россияга қарши уруш бошлагудек бўлса, ғалабага умид қилмай қўя қолсин»,—деб огоҳлантирган генерал Сект тарафдорларини тор-мор қилншда ёрдам берарди. Тарғибот соҳасида ҳам қаллоблик кенг йўлга қўйилганга қарамай, улар рақибни реал кучлар тўғрисида ҳақиқий тасаввур ҳосил қилдиrolмасди.

Лансдорф шуларнинг ҳаммасини билганн учун ҳам ҳарбий асирлардан ялпи айгоқчилар тайёрлашни ҳал қилувчи аҳамиятга эга бўлмаган, қўшимча чора деб биларди.

Енгилган Европа давлатларига қараганда Россияда ҳамма нарса бошқача эди. Уларнинг территорияларида «бешинчи колонна»ларнинг ташкил топиши ҳарбий ишларни олдиндан тайёрлаб, уларнинг муваффақиятнини белгилаб берарди. Бу ерда эса ғалаба тамоман вермахт армиясига боғлиқ эди.

Шунинг учун ҳам қўпоровчи группаларни маҳаллий аҳоли ҳисобига тўлатишнинг иложи бўлмаслигига Лансдорфнинг олдиндан кўзи етиб мактабдан мумкин бўлганча кўпроқ талаба етиштириб чиқаришга мойил эди. Демак, мактабда ташкилотчилар эмас, балки уларни юборган кишиларнинг иродасига бўйсунувчи тўпори ижрочилар тайёрланиши керак. Улар қатлдан қўрққанларидан ҳам итоаткор бўладилар. Руслар уларнинг хиёнаткорлигини кечирмасликларини билганлари учун ҳам ватандошлари томонига ўтиб кетншдан ҳайиқадилар.

Фон Дитрих Лансдорфнинг ишонмаслик кайфиятига қўшилмасди. У ёлланганлар орасида Совет органларига кириб олиш қўлидан келадиган, йирик жосус бўлишга лаёқати бор кишилар чиқиб қолишига ва бундай айгоқчиларни топишда Иоганн Вайс унга ёрдамлашишига умид қиларди. Шунинг учун ҳам Дитрих, ўз одатига хилоф бўлса ҳам, Вайсга лутфан қандайдир илтифот кўрсата бошлади. Иоганн дарҳол бунинг сабабини англаб олди. Бироқ у Лансдорфнинг нима сабабдан ўзига нисбатан бепарво, совуққон бўлиб қолганини тушуна олмасди.

Бу ерга уларни қоронғи тушгач, битталаб, иккиталаб, гоҳо кичик-кичик группалар билан эшикларига панжара тўсилиб, деразаларига брезент пардалар тутнлган усти ёпиқ юк машиналарида олиб келишарди. Уларни олиб келган индамас, қовоқлари солиқ, безбет эсэс соқчилари бу одамларни очиқдан-очиқ қочишга тутинганларидагина отиш мумкинлиги тўғрисида огоҳлантирилган эдилар. Машина бир қанча текширишлардан ўтиб, ичкарига кириб борарди-да, маҳаллий соқчилар мазкур шахс ёки шахсларни қабул қилганликлари ҳақида имзо чекишлари биланоқ эсэсчилар дарҳол изларига қайтардилар.

Олиб келинганлар, аввало ҳожатхонага олиб боришни илтимос қилишарди. Уларга кўпинча, жуда узоқ бўлган бутун йўл давомида, буйруққа биноан бир марта ҳам машинадан тушишга рухсат берилмасди.

Улар қаерга ва нега олиб келинганликларини билишмасди. Шунинг учун ҳам оқибат-натижани зориқиб кутиб ташвишида ҳаммаларининг афт-ангорларни бир тусда титраб-қақшаб турарди.

Бу ерга кўпроқ лагерларда синалган сотқинлар, ивогар, полициячи, капо сифатида иш кўрсатган маҳбусларгина тахлаб олинган эди. Бунда ҳарбий асирларнинг ўзларини Совет ҳокимиятининг ашаддий душманлари қилиб кўрсатиш мақсадида берган маълумотлари ҳам эътиборга олинарди. Ёллашдан аввал уларнинг ҳар бири лагерь ичидаги айғоқчилар ва лагерь маъмурияти орқали ҳар тарафлама текширувдан ўтказиларди. Агар у киши немислар босиб олган жойлардан бўлса, гестапо ўша ерларда қўлга туширилган ҳужжатлар орқали уни текшириб кўрар, у ҳақда маҳаллий аҳолидан ҳам суриштириб, маълумот олинарди.

Янги келган кишиларни бир-бирлари билан гаплаштиришмасди. Бўйига автомат осиб, қўлида таёқ тутган соқчи улар қамаб қўйилган бараканинг ўртасида назорат қилиб ўтириб, гинг дейишга йўл қўймасди.

Ҳужжатларни расмийлаштиришга уларни битта-биттадан олиб боришарди.

Иоганн Вайс фақат таржимонлик қилибгина қолмасди. Дитрих унга айтилган маълумотларининг тўғри-нотўғрилигини текшириб кўриб, ёлланганларнинг ёлғон гапиргани ёки руҳий яроқсиз эканлигини аниқлаш мақсадида дастлабки контрразведка сўроғи ўтказишни ҳам топширган эди.

Шу дақиқадан бошлаб маҳбусларнинг ҳар қайсисига бирор кимсага ўзининг ҳақиқий исм-фамилиясини айтгудек бўлса шу заҳотиёқ жазолаиши ўқтириларди. Фамилия ўрнига лақаб қўйиларди.

— Қани,— дея буюрарди Вайс.— Тез ва қисқа бўлсин

Бу одамлар билан муомала қилишда унинг чеҳраси энг истеъдодли мим¹ санъатининг чўққиси деб ҳисоблаш мумкин бўлган даражада «орийча» совуқ-улуғвор, нафратли тус оларди. Лекин бу сафар беихтиёр унинг дилидаги ҳис-туйғулар юзидан акс этмоқда эди.

Вайснинг қаршисида турган киши мустақил фикрлашни мутлақо ёдидан чиқариб юборгани учун индамай турарди. Унинг қалин чўзиқ лаблари устида ва тепакал бошида маржон-маржон тер кўринди.

Вайс таъкидлаб сўради:

— Демак, «Кал» деб ёзамизми?

У киши ҳамон индамай, рози бўлиб бош ирғади.

Вайс котибга ўғирлиб:

— «Кал», деб ёзинг,— деди-да, маҳбуснинг аҳволидан кулиб, дилдан: «Заб нусха эканми, яна лақабини ўзига ярашганини қаранг!»— деган фикрн ўтказди.

Аввал бошданоқ Вайс, келажакни ўйлаб, курсантларга нишонли лақаблар қўйишга қарор қилган эди. Кўп ўринларда у бунга эришди ҳам.

Калии деворга қоқиб қўйилган оқ чойшаб олдидаги курсига ўтқазилди-да, абвер «Г» бўлимининг солдати қамоқхона фотографлари сингари «лейка»сида уни аввалига рўпарасидан, кейин ён томонидан мўлжалга олди.

Вайс кални диққат билан кузатиб турарди. У суратга тушаётган пайтда илжаймоқчи бўлди.

— Тек ўтиринг!— дея буюрди Вайс шунда.

Бир зумдаёқ калнинг башараси лозим бўлган тўпори тусга кириб, тўнг қотди.

Анкетани тўлдириб бўлгач, у иштиёқ билан аниқ-равон имзо чекди-

¹ М и м — қадимги Греция ва Римда юқори даражадаги актёрлик санъати (тарж.).

да, таржиман ҳолини ёзишга тутинди. У таржиман ҳолинн узоқ ўйлаб ёзар экан, тез-тез ўзи тушунмаган нарсаларни сўраб оларди.

— Ҳалиги, уларнинг Олий Советига номзодларини доимо ўчириб юрганимни ҳам ёзайми?— сўради у, сўнг Вайсга қараб инонувчанлик билан деди:— Жуда кўп судга тушганман, аммо ҳар сафар ўзимнинг фаросати ва гапдонлигим туфайлигина қутулиб кетганман.

Барча расмиятчиликларни тугатгандан кейин, немис разведкаси фойдасига ишлаш учун розилик билдириб ёзилган тилхат — мажбуриятнинг тагига ҳам дона-дона қилиб аниқ имзо чекди. Сўнг кўрсаткич бармоғига махсус пахмоқ билан қора суртиб, бармоқ ҳам босди-да, қўлини артиб бўлгач, энгил тортиб деди:

— Мана энди тоза бўлди.

— Ким?— шартта сўради Вайс.

— Мана, бармоғим,— қўрқанидан гужанак бўлиб бидирлади кал.— Мен бармоғимни айтдим, холос.

Мактабга келганларнинг ҳаммаси ҳам шу зайлда расмий кўриктан ўтарди. Дастлабки танишни дақиқасиданоқ улардаги қандайдир ўзларига хос хусусиятларни пайқаб олиш мумкин бўларди.

Баъзилари нима дейишса ҳаммасига рози эканликларини таъкидлаётгандек безбетлик қилишарди. Бироқ улар, эҳтимол, бу хатти-ҳаракатлари билан виждонлари қийналаётганини яшираётган ёки ўзларини адоий тамом бўлган, дунёни сув босса тўпинга чиқмайдиган кишилар қилиб кўрсатиш учун атайин аввалдан бошлаган ўйинларини давом эттираётган бўлсалар ҳам ажаб эмас.

Кўзлари ўликниқидек сўниқ, руҳан эзилган, қадди букчайган, меровлашган, итоаткор бошқа бировлар эса талаб қилинган ишни шалвираб, лоқайдлик билан бажаришарди.

Кўринишдан эпчил, абжирлари ҳам учраб турарди. Улар ишбилармонлик билан мактабдаги шарт-шароитларни сўрашарди. Бошқалари швириб лагерда қилган хизматларини эслатишар, кейинчалик бу қилган хиёнатимизни унутишмасин-да ишқилиб, бошқалар билан чалкаштириб юборишмасин-да, деб ташвишланишарди.

Ўзларини анча мустақил тутадиганлари ҳам бўларди. Улар немисча гапиришга уриниб, ўзларини совет тузумининг принципиал душманлари қилиб кўрсатишарди. Бундайлар анкетада албатта ярадор бўлмаганликлари, қуршовда қолмаганликлари, балки ўз ихтиёрлари билан таслим бўлганликларини таъкидлаб кўрсатишарди. Уларнинг ҳаммаси таржиман ҳолларида ота-оналари революциягача қанча мулкка эга бўлганлигини батафсил баён қилишарди. «Қасаба союзида аъзо бўлиб турганмисиз?»— деб берилган сўроққа албатта: «Мажбуран аъзо бўлганман»,— дея жавоб ёзишарди.

Барвастандан келган, яғриндор, ёноқ суяклари бўртиб чиққан, кўзлари бежо ўйнаб турган «шилқимлардан» бири Вайснинг айтишини кутиб ўтирмай, шошилиб ўзига-ўзи:

— «Чипта ковуш»,— деб лақаб қўйди.

Вайс унинг анкетасини варақлар экан, «Армияда эгаллаган лавозими» деган жойида «Дафин командасининг жангчиси» деган ёзувни кўрди. Бундай бўлинмалар уруш бошланишида йўқ эди. Касб-кори, деб берилган сўроққа «этикдўз» деган жавоб ёзиб қўйилган эди.

— Бизда устаховалар бор, сени шунга ёзиб қўяман,— дея таклиф қилди Вайс унга.

Чипта ковуш сесканиб кетди. Кейин ишонарли баҳона топганидан хурсанд бўлиб илжайди ва ранжигандек баён этди:

— Ахир мени этикдўзликка ёллашгани йўқ-ку, жосус бўламан деб тилхат берганман. Нега энди амалимни шунчалик пасайтирар экансиз.

Чипта ковушнинг ўзи бошлангич мактабнинг уч синфинигина тамом қилганман, деб кўрсатгани билан таржимаи ҳоли мутлақо хатосиз, саводли ёзилган эди.

Вайс ҳаммасини назарга олиб қўйди-ю, аммо пайти келгунча ўз диққатини алоҳида бирор кимсага жалб қилишни мақсадга мувофиқ деб билмади.

Асирлар сўроқ пайтида, анкета тўлатишда на таржимаи ҳол ёзишда ўзларини ҳар хил туттиларди. Бир хиллари ўзлари ҳақида кўпроқ фикр баён қилишга интилишса, баъзилари, аксинча, мажбурий саволларга қисқа-қисқа жавоб беришар, совет давридаги ўз ҳаётларини гапиришга келганда ўжарлик билан ҳақоратомуз эпитетлардан ўзларини тийиб туришарди.

Вайс шундайлардан бирига дакки берди. Шунда у қовогини солиб жавоб қилди:

— Ҳамкорлик қиламан деб тилхат бердим-ку, ахир, яна менга нима демоқчисиз?

— Сен совет системасига бўлган ўз сиёсий муносабатингни билдиришинг лозим,— деди Вайс.

— Нега?

— Негаки, мабодо, жуфтани ростлаб қолмоқчи бўлсанг, бирон бир йўл билан шу таржимаи ҳолинг совет ҳукуматининг қўлига тушади-да, сени аяб-нетиб ўтирмай осишади.

— Хотиржам бўлаверинг, бусиз ҳам осишади.

— Демак, бу ерда эмас, ўша ёқда ўлишни афзал кўраркансан-да?

— Нимани афзал кўришим очиқ-ойдин кўриниб турибди. Бўлмаса, бу ерда нима қилардим!

— Лагерда ким эдинг?

— Инсон эдим.

— У ерда бизга нима хизмат кўрсатганингни сўрайман!— дея қатъий оҳангда сўради Вайс.

— Э-ҳа, хизматларимни айтмасизми?— гўё саволи энди тушунгандек такрорлади маҳбус,— хизматларим жуда оддий. Биттаси менга ер остидан қовланган йўлни кўрсатган эди, бошқаларни ҳам қочишга ундамасин деб, уни бўғиб қўя қолдим.

— Балки у биз атайин юборган «қуён» бўлса-ю.— ҳамсуҳбатининг кўзига қаттиқ тикилиб сўради Вайс,— сен уни ўлдириб қўйган бўлсанг-чи?

Маҳбуснинг ранги ўчиб кетди-ю, лекки дарҳол ўзини ўнглаб олди.

— Гестапо мен билан шуғулланган,— тишини тишига қўйиб, ёжиниб деди у. Сўнг кўйлагини кўтариб, баданидаги чандиқ ерларини кўрсатди:— Мана, муҳрларини кўринг, обдан текширишган.

Ўзини сипо тутувчилардан бири — боши ялтироқ, кекса, солқи қорин, овози командирларникига ўхшаш йўтон нусха Вайсга нега бу йўлга ўтганини батафсил тушунтириб берди.

Унинг тажрибакор командир экани, аммо унвони ҳам оширилмай, шахсий мукофот олмай неча йиллар бир лавозимда ишлагани хизмат варақасидан очиқ-ойдин кўриниб турарди. Эндиликда, уруш юқори мансабга кўтарилиш учун имконият очиб беради деб ўйлаб, ўзини кўрсатиш мақсадида кўнглига келган номаъқулгарчиликни қилаверибди: қўл остидаги қисмга мудофаа чизиғидан чиқиб, ҳеч қандай қулайлик бўлмаган бир фурсатда найза жангига ўтишни буюрибди. Шунда душман уларни ўққа тутиб битта ҳам жангчи тирик қолмай, ҳаммаси қирилиб кетибди. Унинг якка ўзи омон қолибди, қараса ҳарбий трибуналга тушиши аниқ. Шунинг учун ҳам таслим бўлишни афзал кўрибди.

— Ҳа, айтгандай,— дея эслатиб қўйди у,— мен биринчи жаҳон

урушидаёқ асир тушганман, немисларнинг инсонпарварликларини шундан бери эслаб юраман.

— Ушанда офицермидингиз?

— Имтиёзли ҳарбий хизматчи эдим, холос. Аммо менга прапорщик¹ унвони берилишини сўраб аллақачон тавсниянома юборилган эди.

Ватанга хиёнат қилишга бел боғлаган бу кишиларнинг баъзилари ўз хонликларини немислар томонидан алоҳида баҳоланишига умид боғлаб, таржимондан зўр бериб қандай имтиёзларга эга бўлишларини билиб олишга уринишарди. Ҳаммадан ҳам уларни, зиммаларига юклатилган вазифани бажариб бўлганларидан кейин (башарти, тирик қолсалар, албатта) немис гражданигини олиш ҳуқуқига эга бўлишлари ёки жиллақурса босиб олинган территорияларда ёғлиқроқ лавозимни эгаллаш имконияти қизиқтирар эди.

Вайснинг тахминига кўра, уларнинг бир хиллари бу ҳақда қизиқсиниб, ишбилармонлик билан сўрасалар, бошқалари, ўзларини ҳақиқатан ҳам мукофотга умид қилаётгандек кўрсатишга, немислардан пинҳон тутаётган сирларини шундай саволлар билан яширишга тиришардилар.

Иоганн эртадан кечгача сўроқ олиб борарди. Баракни дезинфекция, тер сингиб кетган пойафзал, кир баданнинг қўланса ҳиди босиб кетган эди.

Ҳаммадан ҳам азоб берадиган жойи мана шу кишиларнинг кўзларига қараш эди — бир хилларининг ўқ тешиб ўтган жароҳат устида қотиб қолган қондек қорачиғли кўзлари умидсизликдан садосиз ҳайқиргандек бақрайиб қолган эди. Бундай садосиз ҳайқирувчи кўзлар, аниқки, ўз-ўзини ўлдиришга муқаррар ҳукм қилиб қўйган кишилардагина бўларди.

Баъзилариники — қисилган, тиг дамидек ингичка, ўзларидан ҳам, бошқалардан ҳам қаҳрланганликларидан тўниб қолган, ҳеч нарсадан тап тортмай, ҳамма нарсага тайёр эканликларини ифодаларди.

Учинчи хилларники — ўйноқи, беқарор жавдираган ва худди ана шу беқарорликда доғули уддабуронликнинг барҳаёт кучи пинҳона яширилган бўларди.

Жонидан тўйиб ўз иродаси ва онгидан ташқари яшаётган кишиларники янглиғ сўниб, бақрайиб қолган кўзлар ҳам бор эди.

Қорачиғи кишига қаратилган тўппонча оғзидек қоп-қора, ўтдек чақнаб турган кўзлар ҳам топиларди. Уқлар тамом бўлгану, аммо ҳали яна битта, охиринги бўлиш керак, деган умидни йўқотмаган ва сўнгги дамда уни ўзим учун сақлаб қолсаммикан ёки душманга қараб отайми, деб иккиланиб тургандек кўринарди улар.

Бепарво уй ҳайвонининг нигоҳига ўхшаб нимага назари тушса, бир хилда боқадиган оқинш, қўй кўзлилар ҳам бор эди.

Терлама дардига мубтало бўлган киши иситманинг зўридан алаҳлаб, вақт ҳақида ҳам, ўзи ҳақида ҳам тасаввури йўқолиб, ҳатто ўзининг тириклигига ҳам ишончини йўқотиб, ҳамма нарса ясама бўлиб кўринадиган, гўё ич-ичидан ёниб, чақнаб турган кўзлар ҳам учраб турарди.

Хотиржамликни сақлаш қобилиятига эга кўзлар ҳам бор эди. Шунинг учун ҳам, бу кўзлар инсоннинг тирик аъзоси эмас, балки қоронғи ўрадек кўз косаси билан бировларни қўрқитмаслик учун хизмат қиладиган сунъий шиша кўздек туюларди.

Отган ҳар бир ўқи — фақатгина душманга етказилган талафот эмас, айни бир вақтда, ўзини сездириб қўйиш учун ҳам хизмат қилишини жуда яхши билган, худди мана шу ўқ билан душманни ўзига қарата ўт очишга мажбур этишини тушуниб, тепкига бармоқ босишдан илгари шошмасдан, ҳар томонлама ўйлаб иш кўрадиган пистирмадаги снайпер-

¹ П р а п о р ш ч и к — чор армиясида кичик офицерлик унвони (тарж.).

нинг кўзи сингарн доимо ярим юмуқ, ҳамма нарсани дарров пайқайдиган ўта сезгир кўзлар ҳам бор эди.

Балки, Иоганнга шундай туюлаётгандир. Унинг ўз олдидан ўтаётганлар орасидан пинҳоний пиятли кишиларни, ҳатто энг даҳшатли синовлардан кейин ҳам барча инсоний хислатларини батамом йўқотмаган кишиларни топиш мумкинлигига жуда-жуда ишонгиси келарди.

Ёланганларни наридан-берн тиббий кўриқдан ўтказиш уларнинг жисмоний яроқликларини аниқлаш учун эмас, балки бирдан-бир мақсад билан — мактабдаги немис ходимларини юқумли касалликлардан сақлаш учунгина эди. Ундан ташқари, ёланувчининг баданидаги жанг майдонида орттирган жароҳатлари ҳам шубҳа уйғотарди. Қандай вазиятда ярадор бўлганн, бу жароҳатлар бир вақтларда кўрсатилган қаҳрамопликнинг натижаси бўлиб, жиноят белгиси сифатида хизмат қиладими, йўқми, шуларни аниқлаш мақсадида уни яна қўшимча сўроқ қилинади. Сўнгра барча шубҳали кўрсатмалар ёланаётган маҳбуснинг варақасига ёзиб қўйиларди.

Баданлари ниҳоятда ориқ, суяклари туртиб чиққан кишилар ҳам бор эди. Уларнинг териларида худди қадимий ёзувларни ўқигандек қийноқнинг қандай қуроллари ва воситалари татбиқ этилиб, бу даража ночор аҳволга туширилганликларини ва оқибат натижада шу ерга келишига мажбур бўлганлигини ўқиш мумкин эди.

Қўлга тушиб қолишдан хавфсираб, лагернинг пастқам жойларида очкўзлик билан апил-тапил шошилиб ейилган мукофот емишдан кепчиб кетган хом семизлар ҳам бор эди. Ахир улар шундай қилишмаса хоинликлари ошкор бўлиб қоларди-да. Уларнинг хоинлик йўлига ўтиш сабаби ҳам ана шу емиш ва қолаверса, каторга меҳнатидан қутулиб қолиш эди. Улар худди инига яшириниб олган ҳайвонлардек — қийноқлардан кейин беҳол қилиб ташланганлар қонининг ҳиди аниқ турган якка кишилик камераларида ҳаммадан яшириниб ётишарди.

Ана шуларнинг ҳаммасига Иоганн диққат билан қарашга, хотирлаб қолишга, уларнинг баданидаги белгиларини пайқаб хил-хилга ажратишга мажбур эди. Аммо комил ишонч билан таянса арзийдиган бирор нуқта топишга муяссар бўла олмади. Ҳозирча умид қиладиган ҳеч нарса йўқ эди.

Шу кунлар ичида Иоганн анча ташвишга ва ҳатто изтиробга тушиб қолганди, чунки, олдидан ўтиб турган, шу қадар тубанлашган сон-саноксиз кишилар билан бетма-бег келавергандан кейин у умидсизликка тушиб қолди. Қалбни тилка-пора қилаётган фикрдан устун кела олармиканман, деган шубҳага тушиб, ватандошлари срасида шундай кишиларнинг кўзга кўринмайдиган бир чеккада тинчгина яшаб юрганига, ишлаганига, ҳаёт кечирганига ишонгиси келмасди.

Ўз даврининг кўпчилик ёшлари сингари Иоганн ҳам курашларда кўп марталаб фош этилган, туғма доғдек яққол кўриниб турадиган, ҳар хил белгиларга эга синфий душманларгина бор, холос, деб ўйлаб юрарди. Ҳа, бу ерда ҳам, худди шундай белгилари яққол кўзга ташланиб турганлари ҳам бор эди. Шунинг учун ҳам, улар ҳақида ўйлаш осон бўлиб, булар нега хиёнат йўлига ўтишдикин, деб бош қотириб ўтиришнинг ҳам ҳожати йўқ эди. Бироқ яна бошқа хиллари — ўйламай ташлаб қўяверса бўлмайдиганлари ҳам йўқ эмасди.

Демак, ҳали маънавий хислатлар йигиндисидан иборат бўлиб, характер хусусиятларида гавдаланадиган аллақандай сирли нарса ҳам бор экан-да. Ишонч метини худбинликнинг қалб чарвиси билан тутатиб кетолмайди. Вазият олдидан бўйин эгиш кишини иродадан маҳрум қиладди, бўйин эгган кишини эса уларга қарши курашга бел боғлаш ва хиёнат қилмасликка қурбн етмай қолади.

Булардан ташқари, яна чўчиб қолган, ақлнинг иложсиз қолган кишига шармандалик ва аянчли йўл кўрсатадиган макри ҳам борки, киши ўзи топган бу йўлнинг ахирини бориб тубсиз жарга элтишини ўйламайдя ҳам.

Киши бир мартагина душманга ён босгандан кейин, гоҳ асабий умидсизликка тушиб қолади, қаршилик кучини йўқотади ва ботқоққа бир қадам қўйдими, борган сари чуқурроқ чуқа беради.

Гарчи, қанчалик даҳшатли шароитларда бўлмасин, инсон кураш учун кучини қандай мусаффо манбалардан олиши маълум бўлса, унинг руҳини заҳарлайдиган, баъзи инсон характерларига таъсир қилишга ожиз, бироқ бошқа бировни ўлдирга оладиган заҳарларнинг турлари охирига қадар маълум бўлмай қолаверади.

Мана шу кишиларнинг ҳаммаси ватанга хиёнат йўлига киришди-ю, ватанларидан жудо бўлишга, устига устак бу қарорни шахсий имзолари билан мустаҳкамлаб, бу билан ўз устларидан чиқарилган муқаррар ҳукмга имзо чеккандек бўлишди.

Кўринишдан, ҳамма нарса аниқ, хонлар ўзлари устидан чиқарилган ҳукмга имзо чекиб қўйишди, энди Иоганн бирон йўл-йўриқ излаб шу ҳукмни ижро этиш чораларини топиши керак эди ва бу режа қанчалик тез амалга оширилса душман қўлида қурол бўлиб қолган бу хонларнинг жиноятларидан совет халқини шунчалик аниқроқ халос қилинган бўларди.

Аmmo унга бундай ҳуқуқ — бу ерда унинг суҳбатидан ўтаётган барча кишилар устидан ялписига асоссиз ҳукм чиқариш ҳуқуқи берилганмиди? Йўқ. Бундай шароитда унда ўзи шубҳаланиб қараётган қалбларни кузатишга таянишдан бўлак иншонарли материал йўқлиги ва бўлиши ҳам мумкин эмаслиги туфайли дастлабки «тергов» ишларини олиб бориши зарур эди.

Шунинг учун ҳам, у ўз иншончига иттифок қилиб, худди шундай қилишга қарор бериши лозим: бу кишиларнинг қалблари талвасага тушиб ҳеч нарсани сезмайдиган чангак бўлиб қолгани билан ватанининг жонли бир заррасини йўқотмаган бўлса, ана шу зарра киши қалбини чангак қилган ҳар қандай қора кучни енга олишига умид қилса бўлади.

Шунинг учун ҳам бу ерда, ашаддий душманлар орасида Иоганн ўзига иттифоқчилар топиши керак.

Шунинг учун ҳам у баъзан янглиштирувчи, ўткинчи бўлса ҳам, ўжарлик билан таянч нуқта ахтариб суҳбатидан ўтаётган ҳар бир кимсани синчковлик ва диққат билан кузата бошлади. Агар шундай нуқта топилгудек бўлса, инсонни жувонмарг қилиб юбормаслик учун бу жанг олди майдонини кенгайтирмоқ лозим. Жасорат кўрсатишга қарор қилган киши Иоганнга сафдош бўлиш ҳуқуқига эга бўларди.

Умид қилиб бўлмайдиган, ўз қора қилмишларини ювиш лаёқатига эга бўлмаганларига келганда, бунинг йўлини осон — ҳамма гап техникага боғлиқ эди: қандай техникавий позициялар қўлланиши кераклигини эса Иоганн пухта ўйлаб қўйган эди. У етарли даражада қуролланган, бу шароитда қўлланиши мақсадга кўпроқ мувофиқ бўлган тезкорлик санъати билан, разведка ишларини ташкил қилиш услублари билан етарли даражада таниш эди. Ундан ташқари, ишда яккаланиб қолмаслигини ҳам биларди: ўз томонидагилар унинг ахборотини олганларидан кейин шу соҳанинг мутахассислари бу таклифларни планли равишда ишлаб чиқиш учун бош қотириб меҳнат қилишларига ақли етарди.

Мазкур ишлар билан баробар «Вали штаби»даги ҳамкасблари унинг хизматдаги ғайратини хайрихоҳлик билан баҳолашлари учун ўзини қандай тутиши лозимлиги, айни бир вақтда, уларнинг ҳасадларини қўзғатмай ўзининг маълум даражада истеъдодга эга эканлиги ва бу истеъ-

дод асосан, унинг меҳнатсеварлигида кўринишини уларнинг онгига қай йўл билан сингдириш лозимлиги ҳам ҳаслидан нари кетмасди. Бу бир томондан ҳамкасбларини ўзига мойил қилса, иккинчи томондан унинг асосий масалани ҳал этишга қаратилган вақти билан кучини анча тежарган бўларди. Мана шундай муҳофаза қалқонсиз Вайс кураш майдонига чиқолмасди.

У бунга ўзининг барча маънавий кучини сарф қилиши кераклигини билар, ҳақиқий қаҳрамонлик ҳам худди шуни талаб этарди.

33

Герман армиясининг одатдаги ҳарбий қисмларидан фарқли ўлароқ абвер офицерларининг хизмат вақтида ва хизматдан ташқари пайтдаги хулқ-атворларида айтарли тафовут йўқ эди. Хизмат пайти, айниқса ишдан ташқари вақтларда ҳеч қандай расмийлик ва алоҳида интизом сақланмасди. Кўпчилик солдатлар зиёлилар табақасидан бўлганликлари учун ҳам ҳурмат билан ошначилик ўртасидаги чегарани билишарди.

Тенг унвонли офицерлар иш вақтида ҳам, ундан ташқари пайтларда ҳам бир-бирларини исмлари билан аташар ва «сен»сираб гаплашишарди. Юқори лавозим эгалари, генералдан тортиб, баъзан генераллик лавозимни эгаллаб турган полковникка ҳам муомалада унвонига «жаноб» сўзи қўшиб айтиларди, хизматга тааллуқли ишларда бўлса учинчи шахсда аталарди. Хизматдан ташқари пайтларда, айниқса, бошлиқ билан бундан аввал кўришилган бўлса-ю, суҳбат унчалик расмий тарзда бўлмаса, иккинчи шахсда ҳам аталаверарди. Айғоқчилар ҳамма офицерларнинг унвонларини атаб мурожаат қилишарди. Бундай пайтларда уларнинг фамнлиялари ҳам, «жаноб» сўзи ҳам тилга олинмасди. Табриклаш ҳарбийча эди: абверчилар, СД, СС ходимлари ва гестапочиларга ўхшаб кўтарилган қўл билан партия салюти бермай, бир-бирларини ҳечта бериш билан табриклашарди.

Аслида, уларнинг ҳаммаси эсларини танигандан бери шу хизматда ишлаб, пихини ёрган уддабурон мутахассислар эди. Улардан эпчилроқлари ўз вақтида СД билан гестапога ўтиб олган ёки Канариснинг ишончли дастёрлари бўлиб олгач, Берлинда мустаҳкам ўрнашиб қолишган эди. Баъзилари ёшликданоқ махфий полицияда тажриба кўрган, айримлари эса, бундайлари кўпчилик эди — биринчи жаҳон уруши йилларида разведка ва контрразведканинг айғоқчилик ишларида пухта тажриба орттиришганди.

Абвер хизмати ҳамма вақт Германиянинг ҳукмронлари томонидан эъзозлаб келинишига қаттиқ ишонган бу тор доирадаги мутахассислар ўзларини алоҳида табақага мансуб деб ҳисоблашар ва ана шу табақа бирлиги улар ўртасида ўзаро ишонч ва ҳурмат кайфиятини ҳосил қиларди.

Шунинг учун ҳам улар орасида янги ходим — Иоганн Вайснинг пайдо бўлиши сиёсий шубҳа жиҳатидан бўлмаса ҳам, ахлоқ масалалари юзасидан ғаразгўйлик, кўр-кўрона ишончсизликларга сабаб бўлди. Бу ерда офицерлик ахлоқ-одоб кодексидан ташқари махсус этика кодекси муҳим ўринни эгалларди. Махсус этика кодекси нарсаларни ўз номи билан атамасликдан иборат эди.

Энг қабиҳ восита, усуллар, даҳшатли, ваҳшиёна мақсадлар профессорларча назокатли иборалар билан безалиб, академик хотиржамлик билан музокара қилинарди. Ҳатто жинорий полицияда тажриба орттирган, профессионал жиноятчилар ва фоҳишалар жаргонини мукамал билганлар ҳам бу ерда ўша бой фольклордан фойдаланишга журъат қилмай назокатли илмий тилда гапиришга интилишарди.

Ҳар қанча ғалати туюлгани билан бу хушодоблик шароити Вайснинг вазифасини мураккаблаштирмай, аксинча осонлаштирди.

Унинг немис классик адабиёти, фалсафаси, олимларнинг техника соҳасидаги ишлари, қадимий тарихчи ва қонуношуносларнинг асарлари, Гитлер давригача ёзилган ҳар хил соҳадаги китоблар билан таниш эканлиги ва чуқур билими типик нациларга хос қўполликдан холи одам сифатида кўрсатишга ва шу билан бирга ўз билимлари билан бир қадар эскича кўринмаслик учун етарли даражада эпчил, ҳар борадан хабардор эканлигини кўрсатишга мустаҳкам замин бўлиб хизмат қилди.

Янги ҳамкасблар билан дастлабки учрашишдаёқ Вайс ўзидаги «немис мутаассиблиги» ватанга бўлган меҳр — немис халқи ўз тарихи давомида яратган барча нарсаларга қўйилган меҳр билан ифодаланиши мумкин бўлган Болтиқ бўйида кечирилган ҳаёти оқибати, холос, эканлигини шама қилган эди. Буни эътироф этишлик жуда яхши таъсир кўрсатди.

Шунингдек, Иоганн бу ердан узоқда эканида Германияда ўрнатилган янги тартиб ўзига жуда ҳам романтик, кўтаринки завқ бағишлаганини баён этишни ҳам лозим кўрди. У ўзини Рейх олдида қарздор деб билиши, шунинг учун ҳам бу ерда қанақанги иш топширишларидан қатъи назар, бор кучини аямай ишлаяжаги, хизмат кўрсатган, тажрибали касбдошлари фойдали маслаҳатлари ва ёрдамларини аямаслар деган умидда экани, бунинг эвазига, у ўз навбатида ҳамкасбларининг истаган хизматларини бажо келтириб, миннатдорчилик билдиришга тайёр эканини изҳор қилишни ҳам лозим топди.

Бу камтарлик ва камсуханлик Иоганнга нисбатан бўлган ишончсизликни йўқотишда муҳим омил бўлди, бошқаларнинг хизматини бажаришга лутфан тайёрлик эса мамнуният билан қабул қилинд.

Шу билан бир қаторда медаль, гестапо ва СДнинг баъзи арбоблари билан таниш эканлигини эслатиб ўтиш ўзига хос бир огоҳлантиришдек бўлди; Вайс кўринишидан соддадил бўлишига қарамай, ҳар кимдан ҳомийлик ёки қўллаб-қувватлашни тилаб юрадиган соддалардан эмаслиги аниқ эди. У хизмат борасида муваффақият қозонишга интиладиган, лекин қўлидан келадиган ишдан ортиғига уринмайдиганлардан эди.

Вайснинг эпчиллиги, фаҳм-фаросати, иш қобилияти мактаб ташкил этилган дастлабки кунлардаёқ сезилган ва ўзига яраша баҳоланган эди. У айниқса, идора ишларини зўр иштиёқ билан олиб борди. Шахсий ҳужжатларни ўрганиб чиққандан кейин ташаббус билан ҳар қайси маҳбус ҳақида баённома ёзилган варақалар тузиб, ёлланувчининг қанчалик ишончли эканини англатиш учун уларга маълум ранглардаги қоғозлар қистириб қўйди. Бу иш мактаб командирларига жуда қўл келди, чунки янги келганлар жуда хилма-хил одамлар бўлгани туфайли бу варақ орқали уларни кўз очиб юмгунча оқу қорага ажратиб олиш мумкин бўларди.

Улар тўғрисида фикр ўзгариб қолгудек бўлса, рангли белгиларни алмаштириш жуда осон эди: бор-йўғи сим қисқич билан у ёки бу варақага керакли рангдаги қоғозча қистириб қўйиларди, холос.

Вайс яратган картотека расмий сифатда эмас, фақат мактаб давомида фойдаланиш учун мўлжалланган эди. Тасдиқланган формада тузилган расмий варақалар анча катта ҳажмда эди. Вайс ўзи тузган варақага қўшимча фотосуратлар буюртирди ва бу буюртмани тўлов рўйхатига киритиб бўлмаслиги учун фотографнинг хизмат ҳақини ўз ёнидан тўлади. Буюртирилган суратлардан унинг қўлида қолган яна бошқа нусхаларини эса уддабуронлиги учун мукофот ёки ўлжа деса

ҳам бўларди. Лекин шунда ҳам Иоганн ҳар қалай ортиқча фотосуратларни фотографнинг кўзи олдида эски газетага ўраб куйдириб ташлаш и лозим топди. Бу жуда олдий усул эди, чунки эски газетага у курсантларнинг фотосуратларини эмас, қаллилиги фото қоғозга мос келадиган бир даста ялтироқ қоғоз ўраб қўйган эди, холос.

Бу билан Иоганн ўзини яна рассом ролини бажариш заруратидан, бир вақтлар Марказни тасвирий-белгили материал билан таъминлашга муяссар бўлгани каби хавфли ишни такрорлаш заруратидан озод бўлган эди.

У фотосуратларни сақлаш учун ўзи жуда иноқ бўлиб қолган оберлейтенант Гагеннинг хонасига яширишга қарор қилди-да, кўп ўйлаб ўтирмай фотосуратли пакетни умивальникнинг устига ўрнатилган катта кўзгу орқасига пластир лента билан ёпиштириб қўйди.

Буларнинг ҳаммаси Иоганн Вайснинг қўпоровчи-жосуслик «Вали штаби»да таржимон-инструктор сифатида бошлаган янги ишининг умидбахш дебочаси эди.

Кечаси бу ерда зим-зиё ўрадаги янглиғ сукунат ҳукм сурадн. Ташқаридагн қоронғилик ҳам балчиққа ўхшаган қуюқ ва совуқ туюлади.

Қозиқда Иоганнинг ҳарбий формаси билан гражданча костюми осиглиқ турарди.

У каравотда ўзининг ана шу немисча кийим-бошига тикилиб ётар, ўзини шу қурғурдан холи сезмасди. Сўнгги пайтларда у ҳордиқ чиқаролмайдиган, уйқуси ҳам қочадиган бўлиб қолганди. Лекин у ҳар қандай вазиятда ҳам яхши ухлашга одатланиши лозим.

Ҳатто қурол ҳам доимо жанговар вазиятда тутилаверадиган бўлса тепкисининг пружинаси, яъни металл бўшашиб, ўқ отилмай қолиши мумкин.

Доим зўр берилаверса металл ҳам бўшашиб қолар экан. Одам-чи?

«Вали штаби»нинг деярли барча ходимлари бу ерда қатъий режа асосида, бир меъёрда, покиза ҳаёт кечирешарди. Офицерларнинг кўпчилиги кексалар бўлгани сабабли улар ўз соғлиқлари тўғрисида астойдил қайғуришарди. Парҳез қилишарди. Уйқудан олдин секин-аста қадам ташлаб, майдонда ёлғиз сайр қилишарди. Бир-бировларн билан учрашиб қолишгудек бўлса, бош қотирмайдиган энгил мавзулардагина суҳбат қилишарди. Шунчаки суҳбатлашиб ҳордиқ чиқаришарди.

Хизматга тааллуқли гапларни фақат иш вақтида гаплашишар, бошқа пайтларда бу ҳақда гап очилгудек бўлса галатигина туюлиб қолмай, одобдан ҳам бўлмасди. Бошқаларга қараганда корпоративлик ҳислари кўпроқ ривожланганлигини айтилмаса, бу кишилар учун танлаган фаолият соҳалари касб эди, холос. Узоқ йиллар мобайнида орттирган тажрибалари уларда ўқитилаётган айғоқчиларга нисбатан ўта кетган расмиятчи ўқитувчиларникига ўхшаш муносабат ҳосил қилган эди: бу ерда энг муҳими — интизом дейиларди. Уқитиш усул-услуглари ўнлаб йиллар мобайнида орттирилган тажрибаларга таяниб яратилган ва ўқитилган айғоқчиларнинг қатор мамлакатларда олиб борган фаолиятларида синовдан ўтказилган эди. Кекса ходимлардан баъзиларига педагогик шуҳратпарастлик хос эди. Улар ўйлаб топган операциялари, немис разведкаси хрестоматиясига кирган талабаларини ғурур билан хотирлардилар.

Абвернинг Ғарбий Европа маълумотларидан тайёрланган, кўпинча юқори амал ё лавозим, ёки олди-сотди дунёсида, баъзан худди шу разведка туфайли эришилган катта мавқега эга бўлганлар орасидан ёллан-

ган айғоқчилар билан иш олиб борнишга одатланиб қолган бундай кекса офицерлари — разведка ветеранлари ўзларига юкланган вази-фа — ҳарбий асирлардан айғоқчилар тайёрлашни арзимас, бачкана, майда иш деб билиб, бу топшириқни тажрибаларига яраша фойдалан-маслик, малакаларини менсимаслик деб билардилар.

Улар ҳарбий асирлар, бўлғусп айғоқчиларнинг шахсий ишлари билан танишар эканлар, булар орасида ўз мамлакатларида ҳурмат қозонган, юқориқоқ мартаба ёки каттароқ ҳарбий мансаб эгаларининг йўқлигидан ҳасрат қилишарди. Уларнинг мутахассислик нуқтаи-назарла-рига кўра бундай материал бўш, ўта беқарор ҳисобланарди. Модомики, бундай шахслар ўз ерларида бирор бир лавозимга эга бўлолмаган экан-лар, демак, мутахассис айғоқчи жусус бўлиш учун зарур хислатлари йўқ, яъни лаёқатли эмаслар, деган хулосага келишарди. Бу офицерлар курсантлар орасида келажаги дурустроқ, узоқ иш олиб борнишга лаёқатли, уддабуронлик билан разведка учун муҳим бўлган совет муассасаларига кириб олиш қўлдан келадиганлари ҳам йўқ, деб билишарди.

Таржимаи ҳоллари орқали Совет ҳокимияти томонидан бу кишилар-га етказилган ҳар хил азият ва талафотлар тафсилотини ўқишар экан, улар елка қисиб, фаҳм-фаросатли ва уқувли эпчил киши ҳар қандай вазиятда ҳам, ҳатто мавжуд тузумга душман бўлган тақдирда ҳам, ту-банлашиб кетмай юзага сузиб чиқиш учун минглаб йўл топса бўларди, деб ўйлашарди.

Ўзи ҳукм этилган ҳамма моддалар ва қамоқ муддатларини бирма-бир санаб, қандай вазиятларда қўлга тушганликларини гапириб берган «Чуб» лақабли собиқ жиноятчи-ўғри лаёқатсиз деб топилди. Башарти у, ҳамма вақт яққа ўзи иш тутган экан, демак, ташкилотчилик қобилияти йўқ. Ваҳолонки, Европанинг барча йприк мутахассис — жиноятчилари аллақачон қаттиқ нитизом ва ташкилотчилик воситалари билан амалга оширилдиган меҳнатни тақсимлаш тажрибасини ўзлаштириб олган эдилар.

Эрнст Гаген Вайсга насиҳатомуз шундай деди:

— Шунини билиб қўйингки, Иоганн, русларнинг кўпчилиги амалиёт ва оддий турмуш ҳикматларидан маҳрумлар. Дарвоқе, Достоевский бу ҳодисани буюк истеъдод билан пайқаган эди, большевиклар эса уни ривожлантириб ниҳоясига етказдилар. Биз шу ерда манави кишиларга маълум ихтисос берамиз, ундан кейинги таълим-тарбия уларни бир қа-дар хизматга яроқли қилади. Бунинг ўзига хос хусусияти шундаки, ҳар хил маънавий тасаввурларга бўлган зарурият йўқолади. Демокриманки, бу курсантлар уни қатъий бойлаб қўйиш учун ўйлаб чиқарилган ватан, бурч, ор-номус ва шунга ўхшаш шахсни алаҳситувчи тушунчалардан озод бўладилар.

Бирон мамлакат эҳтиёжи учун бошқа бир давлатдан ёлланадиган киши миллий меҳр-муҳаббатдан, снёнй эгоизмдан халос этилади-да, у шахсий манфаати йўлида, ўзинг учун ўл етим, қабилида ўз-ўзига хиз-мат қилади.

Ўз вазифаларини худди шу хилда тушуниш биз Европа мамлакатла-рида ёллаган энг яхши айғоқчиларга хосдир. Бу русларнинг ухламай, асабийлашиб, қандайдир фожиали ғам-ташвиш чекиб юришлари мутла-қо фронт орқасига ташланганларидан кейин хавф-хатарга дучор бўлиш-ларидан эмас. Йўқ. Улар ўз-ўзларини оқлаш учун баҳона ахтаришяпти. Нимага? Вазият тақозосига бўйсуниб ақлли иш қилганларга ва енгил-ганлар сифатида ғолиблар хизматини ўташга тушиб қолганларига ба-ҳона ахтаряптилар.

Эътибор қилинг-а, ўз ишлари эвазига мукофот олиш тартиби ҳақида уларнинг айримларигина сўрайдилар, холос. Аввалига бу менга шубҳали

туялган эди, ammo кейинчалик аниқлашимча, улар ўз ўтмишлари тўғрисида шу қадар гамгин хотираларга берилиб кетишганки, фақат келажак ҳақида фикр юритиб, турмуш қизиқишларига лаёқатсизгина бўлиб қолмай, ҳатто бугунги кундаги устунликлари — концлагеримизда ётган ватандошларининг аҳволига нисбатан ўзлари имтиёзли аҳволда эканликларини ҳам етарли даражада қадрлай олмас эканлар. Улар шунга ўхшаш вазиятда ҳар бир соғлом одамнинг ақли етадиган нарсани фаҳмлашга, англашга қодир эмас эканлар. Улар лагердан қутулишга розилик беришдими, демак, биз уларни ўлимдан қутқариб қолдик. Демак, уларнинг ҳаёти бизники бўлади. Синган савдогар ўз мулкига эгалик ҳуқуқини йўқотгани сингари улар ҳам ўз ҳаётларига эгалик ҳуқуқларидан маҳрум бўлганлар. Ammo биз уларнинг шахсий мулклари — ҳаётларини қайтариб берар эканмиз, ундан оқилона ва мақсадга мувофиқ фойдаланиш ҳуқуқини ўзимизда сақлаб қоламиз.

— Сиз буни уларга тушунтиришга уриниб кўрмадингизми? — қизиқиб сўради Вайс.

Гаген хаёлчанлик билан деди:

— Уриниб кўрдим. Биттаси билан худди шу зайлда суҳбатлашган эдим, менимча, у гапларимни христиан динидаги одам маъжусийга қулоқ солгандек тинглади.

— Кечирасиз, тушунмадим, — деди Вайс, гарчи, тушуниб турган бўлса-да, Гагеннинг нима демоқчилигини аниқроқ билишни истаб. — Ахир уларнинг кўпчилиги даҳрийлар-ку.

— Мен «христиан» сўзини асл маъносидан эмас, қандайдир кучли эътиқод ҳосил қилган дин синоними сифатида кўчма маънода ишлатдим.

— Ким эди ўша одам?

— Эсимда йўқ, — аниқ жавобдан қочиб деди Гаген ва жиддий оҳангда қўшиб қўйди: — Бу деган сўз, ҳатто шу ерда ҳам қанчалик номаъқул бўлса, шунча кам учрайдиган нусхалар учраб турар экан.

— Айбга буюрмайсизу, — деди Иоганн, — уларнинг орасида жуда асл нусхалари — Совет тузумининг ашаддий душманлари ҳам бор.

— Сиз Бельчинск, Брайтенфурт ва Нойкурэн тайёрлов мактабларидан келганларни назарда тутяпсизми?

Вайс бош ирғади.

Гаген яна хаёлга чўмди.

— Улар орасида энг қимматлилари — миллатчилар. Уларнинг ғоялари ўз халқларининг оёқ-қўлини боғлаб бўлиб ихтиёримизга топшириш учун энг таъсирли қўпоровчи восита бўлиб хизмат қилади. Англиянинг «орасига низо солгину, ҳукмронлик қилавер», деган синалган сиёсати буни исботлайди. Ammo уларнинг ҳаммаси, аслида, мутаассиб — хаёлпараст одамлар.

— Нега хаёлпараст бўларкан?

— Шунинг учунки, — дея насиҳатомуз тушунтирди Гаген, — бу миллатчи элементлар, ҳозирча бизга, босиб олинган территорияларда фойдаланиш учунгина керак. Улар бизга душманни пароканда қилиш, уларнинг бирдамлигини занфлаштириш учун даркор. Бироқ кейинчалик, гарчи, биз бу территорияни мамлакатимиздан ташқаридаги майдон ва хом ашё ҳаёда қилнб турадиган жой ёки, мутлақо либераллаштириб айтганда, қандайдир тобе мамлакат деб қараган тақдиримизда ҳам маҳаллий территорияларни мустамлакага айлантириш ва германлаштириш билан бирга миллатчиларнинг мавжудлиги мақбул бўлмай қолади.

Бу гап монархистларга ва немис армияси ёрдамида Россияда Ке-

ренский руҳидаги буржуа-демократик бошқариш усулини янгитдан тиклашни ўйлаб юрганларга ҳам тааллуқлидир.

— Нега энди?

— Шунинг учунки,— деди Гаген жаҳли чиқиб,— кўп миллатли Совет Иттифоқи тажрибада бундай иттифоқчиликнинг афзаллигини синая кўрган миллатлардан ташкил топган. Боз устига, улар ўз қудратлари ҳамда улуғворликларини умумий иқтисоднинг йиғиндиси деб ҳисоблашга аллақачон одатланганлар ва шу умумий иқтисоднинг афзаллигидан фойдаланиб, маълум турмуш даражасига ва ҳуқуқий тенгликка кўникиб қолганлар.

— Хўш, шундай бўлса нима бўпти?

— Бу нарса шунини кўрсатадики, қайта бирлашмишга интилмайдилар деган мақсадда уларни бўлиб ташлаш — қилич билан ҳовуздаги сувни қийма қилиш билан баробардир.

— Қандай ўзга йўл бор бўлмасам?

— Менимча,— деди қатъий оҳангда Гаген,— бу мамлакатга нисбатан бизнинг тутган йўлимиз бирдан-бир тўғри йўлдир. Гарчи, бу проблемаларни ҳал этишга илгари фюрернинг тутган йўли баъзи бировларга ўта кескин туюлган бўлса-да, энди биз қатъий ишондик: бошқа йўл йўқ экан, ва бўлиши ҳам мумкин эмас. Фақат ўтакетган даражада зўравонлик татбиқ қилиш билангина бу территорияларни Рейх қўлида сақлаб қолиш мумкин. Улкан инсоний резервуарни бўшатиш керак, бўшатганда ҳам ладиллик билан бўшатиш керак. Остида қолган қўйқасидан эса ёрдамчи ишчи кучи сифатида фойдаланган ҳолда, наслий ўсишни ҳам шундай чеклаш лозимки, келажакда ҳеч ким бизни тўфон остида қолдириш таҳдидини сололмасин.— Сўнг насиҳатомуз қўшиб қўйди:— Тушунинг, дўстим: Совет тузуми таъсирида узоқ вақт яшаб, унинг самараларидан тотиб кўрган миллатлар, бўри эмиб ўсган Ромул билан Ремга ўхшайдилар.

Бўрини ўлдириш мумкин, лекин унинг сути қон-қонга сингиб кетган. Шунинг учун ҳам қўлимизга тушиб қолган шахслар бу бўрини йиртқич деб, уни ўлдиришга даъват этиш билан шу бўрини она ўрнида кўрганлар устидан ваҳшийлик қиладиган бўлсалар, фақат баъзи нусхаларнинггина ёрдамига умид қилишлари мумкин. Аммо бутун қабиланинг эмас.

— У ҳолда кимга таянишимиз мумкин?

Гаген илжайди-да, такаббурлик билан ўз мантиқининг устунлигини писанда қилиб деди:

— Худди ана шу миллатчиларга, улар онгида ўз-ўзидан туғилган сепаратизм¹ кайфияти ва буржуа-демократик тузумини тиклаш сингари ҳам хаёлларни қувватлаган ҳолда бу ерда ўз ватандошларини қатл этишда ишгирок этиш билан бутун умрга ўзларини бизнинг хизматимизга боғлаб қўйган шахсларга гаянаимиз. Худди ана шулар билан иш олиб боришимиз керак бўлади.

Гагеннинг мазкур мулоҳазаларидан қайси бири ўз фикрининг самараси-ю, қайси бири касб бўлиб қолган икки юзламалик ҳунари, ким бўлишидан қатъи назар ҳамсуҳбатини гапдан илинтириш каби одатнинг бир хил кўринишлигини ажратиб олиш мушкул эди. Шунга қарамай бу суҳбат ҳамкасблари ҳақида Иоганнда бўлган тасаввур доирасини кенгайтирди, улар қўллайдиган ҳамсуҳбатни чалғитиб уни гапдан илинтиришнинг хилма-хил услубларини очиб берди.

¹ Сепаратизм — кўнчиликдан ажралишга интилиш (тарж.).

Бу суҳбат натижасида Иоганн, ҳар қалай, Гагеннинг разведкачига хос эҳтиёткорликнинг мустаҳкам қобилигига ўралган руҳий қиёфасидап нозик нуқтасини топишга муяссар бўлди. Бундай нозик нуқта унинг ижодкорлик шуҳратнарастлигини эди.

Гаген ўзини разведка илмишининг назарийчиси деб ҳисобларди. Унинг фикрича, билимга бўлган интилиш ҳам разведкачилик фаолиятининг ўзига хос бир кўриниши эди. Давлатнинг барқарорлиги фақат айғоқчилик системасининг тармоқланиш даражасига боғлиқ ва мавжуд тузумга таҳдид солувчи хавфни фақат шу система етиб бормаган жойдагина кутиш мумкин. Бу концепция Гес Япониядан ўрганиб келган ва Учинчи империя заминига муваффақиятли равишда кўчира билган ялпи жосуслик системаси ҳақидаги япон доктринасининг кўчирмаси эди.

Яқиндагини яхши кўролмайдиган Гаген қўл ёзма варақаларини кўзидан анча нари тутганича зарур тоған жойларини Иоганнга баланд овоз билан ўқиб берарди. Бу пайтда унинг рангсиз юзи улуғвор тус олар ва Нероннинг мрамрдан ясалиб, бир оз уришган ҳайкалини эслатарди.

Гаген декломаторларга хос дабдабали оҳангда баён этарди:

— Ҳамма нарсани билмоқ бу ўта қудратли бўлмоқ деган гап. Душман сирини билмоқ бу ўта қудратли бўлмоқ деган маънони англатади. Душманни билмоқ бу эришилган ярим ғалабадир.

Тубан махлуқларни олий зот бўлмиш нисонга бўйсундириш табиий бўлганидек, табиий майлни бўғиш учун оч қўйиш каби регуляторни татбиқ қилиш ва оғриқ ҳисларини уйғотувчи динамик услубларни қўллаш ҳам муқаррар, мутлақ ва умумийдир. Фақат махфий хизмат бўлимларининг ишончли системасигина ҳукмрон шахсларни, улар бошқараётган жамиятнинг пинҳоний заифликлари ҳақидаги маълумотлар билан таъминлай олади ва бу шахсларга сулолавий барқарорликни бера билади.

Вайс ясама соддалик билан сўради.

— Аммо афсус, фюрернинг ворислари йўқ-ку?

— Ҳа,— унинг гапига қўшилди Гаген:— Фюрер буюк сиёсий эҳтиросга эга ва бўлак ҳамма нарсалар шунинг қурбони бўлган.

Вайс алоҳида жиддийлик билан деди:

— Сизнинг бу асарингиз бизнинг фаолиятимизнинг шу қадар чуқур томонларни очиб, уни шу қадар кутлмаган аспектда кўрсатадики, мен чиндан ҳам ҳайратда қолдим.— Кейин камтарлик билан қўшиб қўйди:— Афсуски, сиз айтган гапларнинг моҳиятини тўла-тўқисанглаш учун мен етарли билимга эга эмасман-да.

Соддадил ҳамсуҳбатининг макрли бу мақтовидан эриб кетган Гаген ваъда қилди:

— Мен сизга бир ёрдам кўрсатишим мумкин: шахсий кутубхонам сизнинг ихтиёрингизда.

Гагендан олиб ўқиган китоблари ҳақидаги суҳбатлар Иоганнинг фашистлар разведкаси қўллаётган стилистика усуллари ҳақидаги билимини оширишга имкон берди.

Совет ҳарбий асирлари орасидан айғоқчилар тайёрлайдиган разведка мактабларини ташкил қилар эканлар, Гитлер разведкасининг раҳбарлари махсус кўрсатма ишлаб чиққан эдилар. Бу кўрсатмага мувофиқ мактаб бошлиқлари, ўқитувчи ва инструкторлар состави ўз ишларини курсантлар томонидан тўла ишонч қозоншни кўзда тутган ҳолда олиб боришлари лозим эди. Шу мақсадда уларга курсантлар билан муносабатда хушмуомала ва ташаббус бўлиш, шунингдек, улардан немисларнинг инсонпарвар ҳамда юксак маданиятли эканликлари тўғрисида таассурот ҳосил қилиш учун одил бўлиш тавсия этилган эди. Курсантларга, немислар фақат сўзларга қарши хорижий марказлар-

га СССРни большевиклардан озод қилиш ишида кўмаклашаётган воситачиларгина эканлигини уқтириш лозим эди. Курсантлар — ўз мамлакатларининг, фақат янги тартибдаги мамлакатларининг фарзандлари эканликларини ва улар ихтиёрий равишда ҳаракат қилаётганликларини, немислар уларнинг ички ишларига аралашмаётганликларини, фақат қўлларидан келганча ёрдам бераётганликларини уларнинг онгига сингдириш лозим бўларди.

Бундай икки юзламачи сиёсат — мусибат билан ширин кулча тактикаси, жаллод билан қандолатчининг аралашмаси, сиртлон билан тулкининг чатишмаси Иоганнга етарли даражада маълум эди. У қўлга тушган жосусларнинг тавба-тазаррули кўрсатмаларидан ташкил топган махсус фонднинг китоб манбаларидан имперналистик разведкаларнинг қабиҳлик мактаблари ҳақида ўқиган, уларнинг ўз айғоқчиларига нисбатан қўллайдиган айёрлик методлари билан мукамал танишиб чиққан эди.

Шунинг учун ҳам, чўчиб қолган зотларнинг овчилари ўз тактикаларини фош қилиб бўлмайдиган ҳақоратомуз усталик билан қандай амалга ошираётганликларини кўриш Иогани учун ҳар куни, ҳар соатда қатл этиш олдидан ўз қурбонларига моҳирлик билан илтифот қилишда бир-бирларидан ўзиб кетмоқчи бўлган жаллодлар мусобақасини кузатиш билан тенг эди.

Кўзининг нури ўликни сингари сўнган, заҳил юзи солқиган «Гога» лақабли киши билан Гагеннинг «дилдан» қилган суҳбатини гапириб бериш учун сўз топиш ҳам мушкул!

Мана шу Гога лагерда осншга ҳукм қилинган кишининг оёғи остндаги курсни тепиб юборишдан бош тортпбди. Узингни ҳам осамиз, деб дўқ қилишса ҳам у барибир, индамай тураперибди. Шунда:

— Менга ҳамроҳ бўлишга интила кўрма!— дея қатъий буюрибди бўйнига сиртмоқ солинган ҳалиги маҳбус. Ўз ихтиёри билан ўлиш — уларга ҳамкорлик қилиш деган гап. Кейин илтимос қилибди:— Узингни тут, ўртоқ!

Гога ўша маҳбусга фашистлар билан курашда зарурдек туюлган ва шу билан ўзини оқлаши мумкин бўлган ишнн бажарибди. Бироқ маҳбуслар уни кечиршмабди. У шундан кейин руҳан заифлашиб бора-бора каполик вазифасига ҳам рози бўлибди. Ҳозир у шу ерда, курсант.

Энди шу нигоҳи сўнган кишига Гаген мулойимлик билан: агар коммунистлар ҳарбий асирлар орасида яширин ташкилотлар тузишмай, кўрсатилган барча қонун-қоидаларга итоат қилганларида, лагерларни ҳарбий соқчилар билан қўриқлашнинг ҳам зарурати бўлмасди, шунингдек, немисларга хос ҳиссиётга зид бўлган ва жазога маҳкум этилганлар тортган жисмоний азобга қараганда жазоловчиларнинг ўзлари кўпроқ руҳий азоб чекадиган жазо системасининг қўлланишига ҳам эҳтиёж қолмасди, дея тушунтирарди.

Маҳбусларга бериладиган озиқ-овқат ўлчамининг чекланишига келганда, буни изоҳлаш жуда осон экан. Германия ҳарбий асирларни таъминлаш вазифасини ўз устига олган, аммо босиб олинган территориялардаги совет граждaнларининг бош кўтаришлари у ерлардан ҳарбий асирларни ҳам таъмин этиш мумкин бўлган миқдорда озиқ-овқат олиш имкониятига халаллик қилади. Шундай қилиб, ҳарбий асирларнинг лагерларда очликдан ўлиб кетишларига ҳам босиб олинган территорияларда яшовчи совет граждaнлари айбдор бўлиб чиқадилар.

Ана шу гапларнинг ҳаммасини Гаген Иогани кўзларига меҳрибонлик билан тикилиб, дилкаш бир оҳангда гапирарди.

Гога Гаген қаршисидagi курсида, гўё «смирно» командасига итоат қилаётган кишидек қотиб ўтирарди. Унинг қўллари тиззалари устида

итоаткорона шалвираб ётар, сигарета қолдиғи лабларини куйдириш даражасига бориб қолган бўлса ҳам, гўё у буни сезмаётгандек эди. Чехраси тошдек қотган, қимир этмас, фақат ўнг оёғи — ўлимга ҳукм этилган ўртоғининг остидаги курсини тепиб юборган ўша оёғи тўхтовсиз титрарди.

Гаген Гога томон энгашаркан, маккорона табассум билан деди:

— Рус халқи — ажойиб халқ, унинг мусаффо, раҳмдил қалби ва жуда гўзал қўшиқлари бор. У жуда яхши, меҳнатсевар леҳқон. Биз рус халқини жуда севамир. Шунинг учун ҳам сизнинг мақсадларингизга, Россиянинг ўз қадрдон уйингиздек шинам бўлишига ёрдамлашамиз.— Тилёғламалик билан эслатди:— Сизларнинг Екатерина Биринчи ундан кейин Иккинчи деган жуда сахий императрицаларингиз бўлган. Улар немис аёллари эди. Э-ҳа! Рус халқига нақадар ғамхўр эди улар! Халқ бўлса уларни «онахон» деб атарди. Қандай гўзал-а!— Гаген кўзларини олайтирди, сўнг айбини бўйнига олгандек, жиддий оҳангда деди:— Албатта, биз, немислар, Маркс ғояларининг жинояткорона эканлигини ўз вақтида бутун жаҳонга фoш қилолмаганимиз учун сизнинг олдингизда айбдоримиз. Сизлар унинг қурбони бўлдингиз ва биз энди Маркс бизнинг тупрогимизда туғилганлиги учун жавобгаримиз, шунингдек, бошқа халқларни унинг ярамас ғояларидан халос қилишга мажбур бўляпмиз. Бу ишда бизга жанговар солдатларимиз кўмакдошлик қиляптилар.— Меҳрибонлик билан сўради:— Ҳаммасини уқиб олдингми?

Гога ўрнидан сапчиб туриб, гавдасини ростлади-да:

— Худди шундай!— деди, аммо унинг жонсиз кўзлари — Иогани буни пайқади, бир лаҳзагина ҳам қаҳр, ҳам истехзо билан ялтиради-ю, яна хира тортиб, сўнди.

Гога кетгандан кейин Гаген Иоганндан форточкани очиб қўйишни илтимос қилди-да, ижирганиб деди:

— Бу ҳайвонлардан итхонанинг ҳиди келади.— Сўнг мақтангандек жонланиб сўради:— Аждодлари ҳақида ёқадиган гаплар айтган пайтимида бу махлуқнинг қанчалик завқланиб кетганини пайқадингизми? Биз уларнинг тарихини, расм-русмларини жуда яхши билишимиз керак. Бу уларга хуш ёқади ва деҳқонларга хос соғлом майл уйғотади.

Раҳбарлар, ўқитувчилар, инструкторларнинг бариси курсантлар пшопчини қозониш тўғрисидаги махфий кўрсатмани мумкин қадар дурроқ бажариш учун ўзларининг маҳоратларини янада такомиллаштиришга интилишарди.

Бу ердаги ҳамма нарса сукунатдан мадорсизланиб, жонсиздек туюлган зим-зиё тунлари аламли фикрлар Иоганнинг миясини куйдириб, уйқусини қочирарди.

Вайсни курсантлар билан яқиндан алоқа боғлаш имкониятларини топиш йўлларида маҳрум қилиб қўйган макрли кўрсатманинг тузоғига ўзи тушиб қолгандек ҳислар қамраб олган эди. Агар раҳбарлар, ўқитувчилар, инструкторлар шу кўрсатмага амал қилган ҳолда рёкорлик билан уларга хайрихоҳлик кўрсатиб, курсантлар орасида ишонч қозона бошласалар, Иоганга керак бўлган кишилар, табиий, эртами, кечми, шу йўл орқали улар билан яқиндан муносабатда бўлишни истаган немисларга бутунлай ишонмай қўядилар, натижада, бу йўл Иоганга номақбул бўлиб қолади. У қилмоқчи бўлган ишларнинг ҳаммаси озодликка эришишдан ҳали ҳам умидвор бўлган кишиларга тузоқдек туюла бошлайди.

Узи кўз остига олиб қўйган кишиларга немислар кўрсатаётган бу дўстона муносабатнинг ҳаммаси тузоқдан бошқа гап эмаслигини шама қилиб қўйсамикан? Бироқ қандай қилиб? Бунинг учун Вайс аввало уларнинг ишончини қозониши керак-ку. Аммо бу ердаги ҳамма немис-

лар худди шу нарсага интилаётган бир пайтда, Иоганн кўз остига олиб қўйган кишилар унинг чинакам интилишларини бошқа ҳамкасбларининг интилишларидаш қандай қилиб ажратиб олишади?

Яна бир жуда муҳим нарса бор. Иоганн дастлабки тайёрлик машқларидан ўтаётган вақтда ўзлигини муқаррар сақлагани ҳолда немис қисфасига киришга, немисга айланишга ўзини мажбур қилган эди. Бу ролни бажарар экан, у ҳамма вақт ўзига зарур бўлган ҳамда ён-атрофдагиларда кузатган майда-чуйда хислатларни диққат билан тўплар ва орттирган тажрибасини ўзига сингдириб, такомиллаштириб борарди. Муносабатда бўлишга тўғри келган кишиларнинг руҳий ҳолатларини тўғри англаб, уларнинг идеологик одат — қоида тусига кириб қолган жумла-инбораларини жуда аниқлик билан, худди ўзига ўхшатиб талаффуз этарди, булар унга фикрнинг қандайдир фашистларга хослик қобилиги сифатида муҳофаза воситаси бўлиб хизмат қиларди. Буни у жуда ўрнига қўярди. Аммо Иоганн ватанга хиёнат қилган киши қалбининг ичига кириб бориш, унинг ўрнига ўзини қўйиб кўриб, бундай вазиятда унда инсоний хислатлардан нима қолди-ю, нималар бутунлай йўқолиб кетганлигини синчиклаб текширишнинг урдасидан чиқолмаётган эди.

Иоганн ҳали ҳам бўлса, қийналиб руҳи тушган, иродаси бўш кишининг илжосиз қолган пайтда кўра била туриб вақтинча мурасозликка ўтиб туриш баробарида дастлаб душман тазйиқига ён бериб қўйиб, шунинг натижасида гирдобнинг биринчи ҳалқасига тушгач, ундан чиқолмай, борган сари торайиб бораётган гирдоб ҳалқалари уни ўз ҳалокатли домига тортиб бораётганини тасаввур қила оларди.

Ана шундай кишини у тушуниб етиши ва унинг шармандаларча айрилган мардлигини қайта тиклай олишига мантиқан ишонтира билиши керак эди, ундан кейин жасорат кўрсатгудек бўлса, яна ўз халқи қучоғига қайтиши мумкинлигига уни умидвор қилниши лозим бўларди.

Бундай қараганда, шундай тубанлашиш йўлини босиб ўтганлар кўп эди. Бироқ иродасининг бўшлиғи натижасида хонлиқ йўлига ўтган кишилар орасида, бошқачароқларни, шу кунларда яна янги ва қабихроқ хиёнат қилаётганлари ҳам бор эди: фашистларнинг ёлғон ваъдаларига лаққа учиб, тумшугидан плинган бу қўрқоқлар ватанларини бўлак-бўлак қилиб ташламоқчи бўлаётган талончиларга ишончли шерик бўлиш умидида бу ерларда доворяклик қилишарди. Улар Герман империясининг марҳаматли ҳомийлиги остида ҳар бир бўлак ер ўзлари учун қадимий, эски урф-одатларга амал қиладиган дахлсиз, алоҳида маскан бўлишига ва Германия ўз қўли остидаги бу қўшимча манбалар — хом ашё етказиб берадиган кичик миллатларга ғамхўрлик қилажағига ишонардилар.

Иоганн ана шундай шахсларни билиш йўлининг калитини тополмас, уларни тушуниб етолмасди. Тайёрлов мактабларидан олиб келинганлар орасида бундайлар айниқса кўп эди, улар советларга қарши бўлган турли буржуа-миллатчи марказларнинг талабалари эди. Буларнинг кўз ўнгларида эски урф-одатларга амал қилинадиган қадимий даврга қайтарилган халқларнинг қулларча итоаткорлиги, похол томли уй ичида осойишта ҳаёт, «ялло қилиб» умр кечирish намоён бўлиб турарди. Бу йўлда улар бошқа совет халқлари билан бир оилага бирикиб, буюк социалистик давлат ташкил қилган ўз халқларини бағамом қириб ташлашга ҳам тайёр эдилар. Бироқ душман ташвиқ қилган қарашлар вужуд-вужудига сингиб кетганлар билан бир қаторда бундай қарашларни фақат устки бўёқ, ўз-ўзини муҳофаза воситаси деб билган кишиларнинг ҳам борлигини ўйламай бўлмасди.

Навбатдаги машғулотда ҳар бир курсантга: «Мен нега Совет ҳокимиятининг душманман», деган темада иншо ёзиш тақлиф этиларди.

Бир томондан, бундай ишолар ўзига хос бир тилхат, душманга сотилган қалб учун қўйилган гаров хизматиши ўтаса, иккинчи томондан, тадқиқот учун материал берарди. Унга қараб, қилинган хиёнат хоиннинг ўз ватани ҳақидаги фикр-мутоҳазалари билан қанчалик боғлиқ эканлиги тўғрисида хулоса чиқариш мумкин бўларди.

Бу ишоларни ўқиш нақадар жирканч бўлмасин, Иоганн бу ишга жуда кўп вақтини сарфларди. У ҳар бир жумлани диққат билан ўйлаб таҳлил қилар, ундан яширин маъно ахтарар, инсондаги энг муқаддас нарсани ҳақоратлаш заруратидан четлаб ўтиш учун ишлатилган чапдаст жумла ёки фикр қаршилигини топишга интиларди. У ҳатто ватанга бўлган меҳр-муҳаббат, эҳтимол, ҳали батамом йўқолмаганлигини, атайин анқовлик ниқоби остига яширилганлигини фаҳмлашга ҳаракат қиларди. Рус тилини бу даражада мукамал билмайдиган бошқа таржимонлар ишоларни ўқиб, ундаги яширин маъноларни тўла-тўкис фаҳмлашга қодир эмасдилар, шунинг учун ҳам улар, жумлаларнинг Иоганн фаҳмлаган чин маъносини, ундаги ниятини, қўшмаъиолиқни, пинҳоний истехзони пайқай олмасдилар.

Хусусий мулкни йўқотиш натижасида ҳосил бўлган бемаъни ғазабни, бу хусусий мулкни қайтариб олишга бўлган умидворлик аралаш ғазабни немис таржимонлари хўжайиннинг талончилик билан тўплаган бойлигига қулларнинг сурбетларча кўз олайтириши деб тушунардилар. Бундайларни бўлмағур ҳасилнарастлик дардига мубтало бўлганлар ҳисобида, алоҳида белгилаб қўярдилар.

Бу ерда ҳар ким советларга қарши ташвиқот чиқиндиларидан ўзи учун истаган байроқни тикиб олишга рағбатлантирилди. Курсантларга ўзларини вермахтнинг пинҳоний иттифоқдошлари деб ҳисоблашга ижозат берилган эди, бироқ аслида, улар бор-йўғи кеманинг таг хонасида тиши ўтган ҳамма нарсани кемирсин учун душман кемасига ташланадиган ўша қора каламушларнинг ўзи эди, холос.

Айғоқчилар дилини уларнинг ишоларида баён қилинган фикрларига қараб текшираётган абвер ходимлари советларга қарши ибораларнинг сонини котибларга хос ғайрат билан санаб чиқардилар-да, уларнинг нисбати курсант фойдасига ҳал бўлса, унга яхши баҳо қўярдилар, акс ҳолда эса иншони қайтадан ёзишга тўғри келарди.

Иоганнинг ҳам ўз рўйхати бор эди. У ишосида яширин маъноли иборалар ёки «Ватан» сўзининг катта ҳарф билан ёзилишига ўхшаш ҳийла ишлатган курсантларнинг лақабларини хотирида сақлаб қоларди. Эҳтимол, бунда қандайдир яширин ният бордир. Ё бўлмаса, тарки одат амри маҳол деганларидек, батамом йўқолиб кетмаган одатга кўра мазкур сўзларни беихтиёр ишлатиш оқибатидир.

Бемаъни ғазаб хўжайин иродасини иттиқорлик билан бажаришга доим тайёр эканлигини исботлаш учун оригинал баҳоналар ахтариб юрмайди. Иоганн Лансдорфга шу залда ёзилган иншо муаллифлар тўғрисида ахборот берар экан, уларнинг келтирган баҳоналари жуда ўхшаш эканлигини таъкидлаб ўтди ва бу кишиларга ўзининг унчалик ишонмаётгани, уларнинг ростгўйликларига шубҳа қилаётганини эҳтиёткорлик билан шама қилиб қўйди: советларга қарши бу хилдаги ибораларнинг кўп жойда айнан такрорланганини бунга далил қилиб кўрсатди.

Лансдорф уни зийраклиги учун мақтаб қўйди.

Гаген совет тупроғига қўпуровчилар юбориш услубини ишлаб чиқарди. У бир вақтнинг ўзида уларнинг вазифасини иккига бўлиб, иккитадан группа юборишни таклиф қилди. Бир группа бевосита вазифани

бажариш учун белгиланади, иккинчиси эса параллель равишда биринчисини назорат қилиб боради, мабодо, вазифа бажарилмаган тақдирда эса, у группани гумдон қиладн.

Иоганн ҳам худди шундай мазмунда баённома топширди, лекин унинг таклифи Гаген ишлаб чиққан услубга мос бўлса-да, бир оз вақт ўтгандан кейин у ўз баённомасини нима сабабдан янглиш ҳисоблаганини мукаммал кўрсатиб Лансдорф номига ахборот ёзди.

Вайс биринчи галда иқтисодий тартибдаги фикрлар: транспорт воситаларининг амортизацияси, ёнилғи, қуроқ комплеклари, алоқа воситаларининг кўп сарфланиши мумкинлигини рўқач қилди. Иккинчи галда эса Берлинга бериб турилиши лозим бўлган ҳисобот тўғрисида гапирди. Башарти, ҳар бир вазифини бажариш учун икки ҳисса кўп айғоқчи юбориб, натижани шу айғоқчиларнинг ярми қилган ишга қараб баҳоланадиган бўлса, мактаб ишининг самараси тенг ярмига қисқартирилган бўлади. Ниҳоят, учинчи даража: фюрернинг принципи ялли жосуслик экан, шунга асосланиб айғоқчиларни кўплаб юбориш керак. Бунга етарли жуда кўп материаллар бор ва ҳатто маълум даражада нобудгарчилик бўлса ҳам, улар асосий йўлдан — фюрер кўрсатмасидан четга чиқмаган бўладилар.

Лансдорф Иоганннинг бу, ўз-ўзини танқид қилувчи иккинчи таклифини қабул қилди ва шу билан бирга Гаген таклиф этган услуб фақат алоқида муҳим вазифаларни бажариш учунгина маъқул бўлади, деб у ёзган ахборотни бир чеккага олиб қўйди.

Шу зайдда Иоганн башарти, улар орасидан айғоқчилар ишини назорат қилиб, зарур бўлиб қолган тақдирда уларни гумдон қила оладиган киши чиқиб қолгудек бўлса, юбориладиган группалар ҳаракатини йўққа чиқаришга замин ҳозирлаб қўйди. Бундан ташқари у Лансдорфга баъзи группалар ўз вазифаларини бажара олмасликлари мумкинлигига аввалдан кўннш керак, деган фикрни ҳам уқтирди. Вақти келиб юбориладиган группалар миқдори янада кўпайиши туфайли бу талафотлар унчалик аҳамиятга эга бўлмай қолади.

Иоганн бунга интилар экан, ҳатто шу ерда ҳам ўзининг, аслида ҳарбий асирлар орасида хонлар қатлами унча ортиқ даражада эмасу, шунинг учун ҳам абверчилар ўзларига зарур кадрларни ёллашар экан, фақат ўша қатламини қамрабгина қолмай, балки ҳарбий асирларнинг бўлак қатлами — ватанга садоқатини сақлаб қолган асирларни ҳам ёллашга мажбур бўлардилар, деган қатъий ишончига амал қилиб иш тутди. Боз устига, яна лагердаги яширин ташкилотларни хабардор қилиб қўйилгудек бўлса, мактабга ана шу ташкилотларнинг ўзлари мардликка йўллаган кишилар ҳам келиб тушади.

Иоганн ҳатто, тубан ирқ намоёндаларни мураккаб жосуслик вазифаларини бажаришнинг уйдасидан чиқолмасликларини, уларнинг ақл жиҳатидан тўла қимматга эга эмасликлари ва руҳий ҳолатларининг ўта соддалиги бу нусхалар қаршида ўтиб бўлмас даражадаги гов эканини ҳамкасбларига уқтириш учун ирқий назарияга ҳам мурожаат қилди.

Гагенни эса у башарти, баъзи группалар қўлга тушгудек ёки душман томонга ўтиб кетгудек бўлса, бу қайтага русларнинг ҳушёрлигини заифлаштиради ва маълум бир муддатга бошқа группаларнинг ҳаракати учун қулай шароит яратиб берган бўлади, деб юлатди.

Гаген Иоганннинг фикрларига қўшилиб, буни тузоққа қўйиладиган хўрак услуби деб атади. У ҳатто бундай услубни — кўп миқдорда материал билан таъминлаб хизматлари эвазига эса ҳақ тўланмайдиган махсус ҳаракат шароитидаги қандайдир янгилик деб айтди: Ғарбий Европа уруш майдоннда эса бу иш учун ҳақ тўлашга тўғри келган экан.

«О-Х-247» экспериментал лагеридаги Иоганн ҳаётини сақлаб қолган ва ўзининг аслда ким эканлигини танитган ўша 740014 номерли маҳбус мактабга эсон-омон етиб келди ва ҳужжатлари расмийлаштирилгандан сўнг «Туз» деган лақаб олди.

Аммо Иоганн билан бўлган биринчи суҳбатдаёқ у ўзини ўлим лагеридан халос қилинганидан норози эканини очиқ баён қилди.

У Иоганнга бир қадар виқор билан ўзининг лагерда яширин ташкилотнинг раҳбарларидан бири қилиб сайланганини маълум қилди. Улар бошқа яширин ташкилот билан алоқа ўрнатишга ва кейинчалик ҳарбий асирлар иттифоқининг Олий Совети деб аташ кўзда тутилган ҳарбий асирлар иттифоқини ташкил этишга муваффақ бўлишбди. Улар немисларнинг антифашист ташкилотлари кўмагида ҳамма кучларини бирлаштириб бир вақтнинг ўзида барча лагерларда қўзғолон кўтаришга тайёргарлик кўришаётган экан, шунинг учун ҳам у ўзининг мактабга келтирилишини мақсадга мувофиқ эмас, деб ҳисоблар эмиш. Гарчи, комитет томонидан бажарилган ишлар ҳозирча айтарли даражада салмоқли бўлмаса ҳам, ҳар қалай, унинг жойи ўша ерда, лагерда эмиш.

Буларнинг ҳаммаси Иоганн учун кутилмаган бир ҳол эди. Боз устига, бу ерда ишончли таянч бўлади, деб мўлжалланган кишидан ажраб қолишига тўғри келарди. Бироқ Туз лагерга қайтиб боргудек бўлса Иоганнга ёрдами тегар, қўпоровчи-жосуслик мактабларига лагерь яширин ташкилотлари муносиб кўрган ҳарбий асирларни юборишда кўмаклашиб турарди.

Иоганн Тузга бу ердаги курсантлар орасидан ўз ўрнига муносиб ва ишончли одам топиши биланоқ ундан бирор бир айб топиб ёки айғоқчилик ишига лаёқати йўқлигини баҳона қилиб лагерга қайтариб юборишга ҳаракат қилиб кўришни ваъда қилди. Шунинг учун ҳам у ҳозирдан бошлабоқ Туз билан учрашувдан ўзини олиб қочадиган бўлди.

Собиқ 740014 номерли маҳбуснинг мутлақо янги, магрур хатти-ҳаракатлари эътиборни жалб қилмай иложи йўқ эди. У бирон бир мурувват кўрсатиб қўйгандек очиқдан-очиқ ўзини катта олиб, Вайснинг сўзларига сирли табассум билан қулоқ солар, бу билан у энди гўё илгариги маҳбус эмас, бутунлай бошқача бўлиб кетганлигини шама қилмоқчи бўларди. Эндиликда у ўзини улуғлайдиган қандайдир ҳуқуқларга эга бўлган бир зот бўлиб қолган ва бундан буён ким кимга — у совет разведкачисигами ёки совет разведкачиси унга хизмат қиладимн, бу номаълумдек тутарди.

Гарчи, ҳали унинг қоқ суяк қиёфасидан яра-чақа, калтак ва очлиқнинг излари кетмай, мактабдан берилган француз мундири қоқиққа илиниб қўйилгандек ҳалпираб тургани, тош қонидаги ҳаддан зиёда машаққатли меҳнатдан қавариб ёрилган қоқшоқ меҳнаткаш қўлларнинг катта-катта кафтлари чангак бўлиб қолганига қарамай, унинг бугун қиёфасидан шунчалик улуғворлик намоён бўлиб турардики, буни кейинчалик ҳеч ким на бронза, на мрамарда қайта тасвирлай олмасди.

Лагерда унга ишонч кўрсатиб, яширин ташкилот раҳбарлигига сайлашлари уни шунчалик сипо, ўз қадр-қимматини тўла ҳис этадиган киши қилиб қўйган эди.

У қалби гурур ҳисси билан тўлиб-тошган, бу ерда энг юқори ҳуқуққа эга эканлигига қаттиқ ишонган халқ номзоди эди.

Ана шунинг учун ҳам маҳбус Иоганнинг сўзларини гарчи, унинг совет разведкачиси, балки лейтенант ёки капитанлигига қарамай ҳар қалай, бир давлат хизматчиси-да, дегандай бир қадар мурувват қилаёт-

гандек тингларди. Тузнинг ўзи эса тўла ҳуқуқли халқ номзоди, демак, бу ерда унинг ҳуқуқи баланд. Қисқароқ қилиб айтганда, у партиялилар билан партиясизлар блокнининг вакили. Сайланишда ҳам у фақат «О-Х-247» экспериментал лагеригагина эмас, концлагерь маҳбусларининг кўзғолонини тайёрлаши лозим бўлган лагерларро ҳарбий асирлар иттифоқи томонидан ҳам сайланган эди. Шу боисдан у ана шу лагерларро иттифоқнинг раҳбарлар группасига кирарди.

Ҳарбий асирлар иттифоқининг яратилиш режалари ҳақидаги Тузнинг ахбороти жуда лўндалиги билан ажралиб турарди. Туз учрашув учун ажратилган вақтнинг қисқалигини ҳисобга олиб, уни шу даража ихчамлаштирган бўлиши ҳам мумкин, лекин шу билан бирга у Вайсга лагерь комитетининг иши зўр уюшқоқлик билан ташкил этилганига шамма қилаётган бўлиши ҳам эҳтимолдан холи эмасди.

Бироқ Иоганн шунинг ўзидан ҳам, ердаги ҳаётни йўқ қилиб бўлмаганидек, совет кишиларининг яшовчанлигини ҳам сўндириб бўлмаслигини англаб боши осмонга етди.

Авваллари Иоганннинг назарда ўз вазифаси қандайдир алоҳида шуҳрат шуъласида балқигандек туюларди. Энди эса унда бу туйғу сўнгандек бўлди. Зеро, 740014 номерли маҳбусга ўхшаган минглаб кишилар душман орқаснда у қўллаётган усул-услугларни қўллаб, худди у кўрсатаётгандек қаҳрамонлик намуналарини кўрсатмоқда эдилар. Гапнинг сирасини айтганда, шу йўлидан салгина тўйгудек бўлса, уни лагердагига қараганда ўн чандон ортиқроқ азоб-уқубатга гирифтор бўлиши эҳтимолдан холи бўлмаса ҳам, ҳозирча Иоганн деярли имтиёзли мавқега эга. Улар учун лагерда туриб курашиш худди улкан қабристон тубида тургандек беқийёс даражада мушкул эди.

Майор Штейнглиц: «Якка инсоннинг қўлидан ҳеч нима келмайди. ташкилот эса ҳар ишга қодир», деган пруссларнинг қадимий ҳикматли сўзидан руҳланиб бутун вужудни билан маъмурий ишга берилиб кетди. Авваллари ишонинқирамай юргани, ялпи разведкачилар тайёрлаш услуби секин-аста бўлса ҳам, ўзига жалб қила бошладди. Чунки у Берлинга юборилаётган ахборотлари билан ўзини кўрсатиш имконияти яратилиб қолса ажаб эмас, деган умидда эди. Штейнглиц Гаген билан бирга статистик баённома тайёрламоқда эди. Улар вермахтнинг келажакдаги ғалабаларига асосланиб, мағлуб бўлган армияларнинг одамлар составидан маълум процентини ўз мактаб тармоқларига ажратишни мўлжаллашарди. Шунинг учун ҳам бу тахминий ҳисоблар жуда салмоқли, улкан бўлиб кўринарди.

Мактабда жорий қилинган кун тартиби ҳеч вақт бузилмасди. Соат 6 да ўриндан турлар, 8 дан 12 гача ва 14 дан 18 гача машғулотлар ўтказилар, соат 21 дан 30 минут ўтганда кечки текширув бўлар, соат 22 да эса уйқуга ётиларди.

Якшанба кунлари машғулотлар бўлмасди. Курсантларга советларга қарши ҳар турли китоблар, оқ муҳожирлар адабиёти ва газеталардан иборат почта тўғри баракка келтириб бериларди. Баъзан «Совет давлатининг тарихи» деган темада қисқача лекция ҳам ўқиларди.

Штейнглиц равон ишлайдиган ташкилий ва тарбиявий система ва унинг самараси устида фикр юритар экан, тагин курсантлар бундай идеал шаронгда немисча ҳаёт тарзи ва тартибига ўрганиб қолиб, келажакда иш олиб борадиган шароитларни эсдан чиқариб юборсалар-а, деган хаёлга борди. Шунинг учун ҳам у баракларга ўлжа олинган совет плакатларидан осиб қўйиш ҳақида кўрсатма берди. Булардан ташқари, у курсантлар бир-бирларига «ўртоқ» сўзини қўшиб мурожаат қилишлар

рини ва якшанба кунлари албатта ўзларининг халқ қўшиқларини хор бўлиб айтишларини буюрди.

Дитрих бўлса «мактаб талабалари орасида тезкорлик билан хуфия хизмат кўрсатиш», деб ағаладиган ишончли системани юзага келтириш ташвишида юрарди.

У иввогарлик вазифасини ўташ учун курсантлар орасидан энг ишончлиларини танлаб олди. Баъзи шубҳали шахслар билан яқиндан алоқада бўлиб, уларнинг сиёсий ишончлилигини текширгани лаёқатли бир неча хотинларни мактабга олиб келиш вазифасини топширган эди. Эркинликда ҳам уларнинг хулқ-атворини кузатиш мақсадида бу шубҳали шахсларга мактабдан ташқарига чиқишга рухсат ҳам берди. Тажриба ўтказиш учун ўз ихтиёрига кўп миқдорда спиртли ичимликлар ажратишни буюрди. Мастлик пайтларида курсантларнинг кайфияти ҳақида бирон бир диққатга сазовор маълумот олиш мақсадида уларни ўлардек ичириб маэт ҳам қилишарди. Хатти-ҳаракати шубҳали кўринган курсантни текшириш учун эринмай хилма-хил ҳийла-найранг ўйлаб топиларди. Дитрих ётоқхоналарга микрофонлар ўрнатишни буюрган эди.

Қисқаси, ҳар ким ўз иши билан банд эди.

Елғиз Лансдорфгина белгилаб олган бир текисдаги ҳаёт йўлини бузмас ва қўл остидаги кишиларнинг мақтаниб етказадиган ахборотларини совуққонлик билан тингларди.

Одатда у ўзининг ақлий устунлиги ва кинояси билан Штейнглицнинг жонига тегарди.

— Менга марҳамат қилиб эслатинг-чи, майор, Францияни жаҳаннамга равона қилган, унинг ҳарбий имкониятлари ҳақидаги маълумотни кимдан олганимиз ёдингиздами?

Штейнглиц ҳозиржавоблик билан ўзига маълум бўлган жосусларнинг номларини бирма-бир санаб чиқарди.

— Бўлмағур гап!— дерди Лансдорф бепарвогина,— майда-чуйдаларини санаёпсиз. 1938 йилда француз генералн Шовина маршал Петепнинг муқаддимаси билан «Бостириб кириш имкониятлари» деган китобини нашр этди. Ана шу китоб бизга дастуриламаллик қилган эди.— Тирноқларни кўздан кечирар экан сўради:— Англия тўғрисида-чи?

Штейнглиц, гарчи, ўз шахсий хизматларини эслатиб ўтишнинг иштиёқида ёнаётган бўлса-да, тик қотганича индамай турарди.

— Маъшхур инглиз тарихчиси Лилдель Гарт «Британия мудофааси» деган китобини бостириб чиқарган. Фюрер китобга юқори баҳо берган эди. Гесс бўлса, бу барча вазиятни умуман, тўғри баҳолаш учун муҳим аҳамият касб этади ва амалда қўллаш учун унинг мазмуни муҳим ўринни эгаллайди, деб шархлаган эди.— Таъна қилди:— Сиз ўз малакангизни ошириш тўғрисида қайғурмас экансиз, майор. Чакки қиласиз.— Маънодор қилиб деди:— Давлат сирларининг калитини қўлга киритиш учун ҳар доим ҳам макру ҳийла усуллари билан ўмариб кетиш ёки бўлмағур очқичларни ялпи ишлаб чиқариш шарт бўлавермайди. Ақл-идрок юритадиган кишилар уни, баъзан, давлатларнинг манфаатларидан кўра ўзларининг шахсий шон-шухратлари устида кўпроқ қайғурадиган олимлар, тарихчилар, тадқиқотчилардан олишлари мумкин.

Штейнглицнинг дили ранжиса ҳам оғир-вазмин гап қотди:

— Фюреримизнинг мухлисаси бўлмиш леди Асторнинг салоида ҳар қандай шогирд айғоқчи ҳам Черчиллнинг бир соат олдин нима деганини билиб олиши мумкин. Бунинг учун у фақат бизнинг айғоқчимиз эканлигини яширмаса бас. Францияда ой сари адмирал Канариснинг махсус фондидан ўз министрлик маошига қараганда анча ортиқ ҳақ олиб турадиган бир неча министрларнинг номини сизга айтиб беришим мумкин,

Советларга қаратилган жосуслик ишларига маблағ ажратишга келганда, афсуски, бунда биз тежамкорликнинг шу даражасига етдикки, бу бизнинг ҳамма тоат-ибодатимизни бекор қилиб юбориши ҳам мумкин. Башарти,— қўшиб қўйди у,— Совет органлари қўлга туширган немис айғоқчиларнинг оиласига бериладиган нафақа ва муҳожирларга қилинадиган эҳсон харажатларини ҳисобга олмаган тақдирда, албатта.

— Қўйинг, қўйинг, қизишининг ҳожати йўқ,— юпатувчи оҳангда оҳиста дедн Лансдорф.— Мен сизнинг ғайратингизни қадрлайман ва қийинчиликларингизни тушунаман.— Сўнг ўйчанлик билан давом этди:— афтидан, большевиклар, давлат маълум даражада ҳар бир шахснинг ҳам мулкидир, деган фикрни халққа сингдиришга муяссар бўлганлар. Шунинг учун ҳам сиз билан биз ўз мулкимизни нақадар қадрласак, улар ҳам давлат манфаатларини шу қадар қадрлайдлар. Мен кўпгина асирларнинг сўроқ варақаларини қараб чиқдим. Маълум бўлишича, уларнинг баъзилари ўзларни билган маълумотларни ошкор қилгандан кўра, ўлимни афзалроқ билар эканлар. Маълумот тўпламоқ мушкул, жуда ҳам мушкул. Шу сабабдан яна бир карра эслатиб ўтаман: улар билан нечоғлик мулойимроқ бўлинг, ҳа, мулойимроқ. Агар лозим топсангиз, умид қилса бўладиганларини қанчайин маданиятга эришганимизни, фаровонликни, моддий шароитларни кўрсатиб, уларни ҳайратга солмоқ мақсадида бир неча кунга Берлинга олиб бориб келишингиз мумкин. Узлари учун майда-чуйда нарсалар сотиб олишса ҳам майли, хуллас, фақатгина бизнинг ғояларимиз хазинаси билангина эмас, буюмлар хазинаси билан ҳам таъсир кўрсатишга уриниб кўринг. Тушундингизми?..

Штейнглиц бу суҳбатдан Лансдорфни курсантлар составининг унча ишончли эмаслиги ташвишлантдираётгани ва унинг фикрича, айғоқчилик ишлари Россиядагига нисбатан Ғарбий Европа мамлакатларида дурустроқ заминга эга эканлигини тушунди, холос. Бу масала юзасидан унинг ўзи ҳам Лансдорфнинг фикрига тўла қўшилди.

Майор курсантларнинг ўқув машғулотларини кузатар экан, уларнинг нақадар нўноқ, қобилиятсиз кишилар эканлигига ишонч ҳосил қилган эди: улар арзимас нарсаларни ҳам қийинчилик билан ўзлаштиришар, барчасининг хотираси нўноқ, фаҳм-фаросатлари йўқ эди. Уқитиш муддатларининг ҳаддан зиёда чўзилиб кетётганига сабаб ҳам шу эди. Штейнглиц ана шунда ўз ватандоши билан фахрланиб, собиқ шоферн, немис миллатининг энг яхши ҳислатларини ўзида бекаму кўст мужасамлаштирган ефрейтор Иоганн Вайс тўғрисида ўйлаб кетди. У жуда қисқа вақт ичида зарур билимларнинг ҳаммасини ипидан игнасигача ўрганиб олиб, абвернинг энг тажрибали ходимлари орасидан ўзига мунөсиб ўрин эгаллашга муваффақ бўлди-да, ахир. Руслар орасида эса майор Иоганига ўхшаш қобилиятли ёшларни кўрмас ва бунга уларнинг миллий чекланганликлари ҳамда бошқа Европа халқларига нисбатан қолоқликлари сабаб бўлган, деб қатъий ишонч ҳосил қилган эди.

Курсантларнинг очиқ-ойдин кўриниб турган тўмтоқлиги, хотираларининг нўноқлиги, фаросатсизликлари улардан чиндан ҳам жуда эпчил фаҳм-фаросат, кузатувчанлик ва ўткир ақл талаб қилинишини Штейнглиц қаёқдан билибди, дейсиз.

Айтганча, баъзи курсантларнинг мана шу муғамбирлик қила билиш қобилиятлари Штейнглицга ўхшаб Вайсни ҳам жуда мушкул аҳволга солиб қўйган эди. Уларнинг бу аҳволга тушганликлари бир хил даражада бўлмай, бутунлай, бошқа-бошқа сабаблар юзасидан эканлигига қарамай, мазкур мушкулотнинг келиб чиқиш манбаи инковларн учун ҳам бир турли эди.

Иоганн шу пайтга қадар, лоқаал битта курсант билан етарли даражада тўла-тўқис танишиб чиқдим, деб ҳисоблай олмасди. Худди ана шу

нарса — инсоннинг инсонлигича қолганлигини исботловчи майда-чуйда, тарқоқ, зўр-базўр илғаб олинадиган минглаб далилларни хотирида қайта тиклаб чиқиш, фикр-мулоҳаза юришиб, тунларни бедор ўтказишга сабаб бўларди. Бироқ бу умидли зарралар шу қадар кўп салбий нишонлар билан уйғунлашган эдики, ҳозирча бирон бир қатъий хулосага келишнинг мутлақ иложи йўқ эди.

Вақт эса шифиллаб ўтиб борар, зудлик билан ҳаракат қилишни талаб этарди. Гарчи, Иоганн Марказ учун ёзилган маълумотларни Элиза кўрсатган яширин жойга муттасил қўйиб келаётгани ва у томондан тавсиянома ва маслаҳатлар олиб турганига қарамай, шу пайтга қадар Туздан бўлак, бирон содиқ киши топишга муваффақ бўлмаган эди.

Курсантларга бир кунда бериладиган озиқ-овқат 400 грамм пош, 25 грамм маргарин, 50 грамм иўхатдан ёки от гўштидан қилинган колбаса ва уч дона сигаретадан иборат эди. Эрталаб ва кечқурунлари арпа ёки лавлаги қўшиб қайнатилган кофе бериларди. Лагердаги таққослаганда бу емиш жуда тўкин, мўл кўриниши мумкин эди.

Курсантлар ҳаммасидан ҳам тамаки камчилигидан қийналишарди. Ҳукм чиқарилишини кутаётган маҳбус ўз ғам-ғуссасини узлуксиз тамаки чекиш билан босишга интилгани янглив улар ҳам бир хиллари бўшашиб, руҳи тушган, шалвайган, баъзилари асабийлашини даражасига қадар ҳаяжонланган ҳолда тамаки танқислигидан қийналишарди.

Бир куни Гаген уларга хушчақчақ оҳангда:

— Қавказни эгаллашимизга ёрдамлашарсанглар тамаки бемалол бўлиб қолади,— дея ваъда бериб юборди.

Бироқ бундай ваъда ҳеч кимни юпатгани йўқ.

Уйқуга ётиш учун қўнғироқ чалингандан кейин Иоганн бошқа таржимонлар билан бир қаторда навбатма-навбат ётоқхоналарга ўрнатилган микрофон симларининг учи туташган идорада қулоғига наушник тутиб навбатчилик қиларди. У махсус переключатель ёрдамида ҳар бир баракнинг истаган бўлмасида курсантлар ўзаро нималар ҳақида гаплашаётганларини эшитиб туриши мумкин эди.

Навбатчилардан сўнг диққатга сазовор гаплар ёзма равишда Дитрихга топширилиши лозим эди. Айтмоқчи, Иоганн худди шундай микрофонлар штаб ходимларининг хоналарига ҳам ўрнатилганлиги, лекин бу симлардан келаётган гапларни эшитиш билан фақат «Ц» учинчи бўлимининг ходимлари ва Дитрихнинг ўзи шуғулланса керак деб тахмин қиларди.

Мана ҳозир Вайс наушник орқали «Урдак» лақабини олган курсант Денисовнинг жингиллаган овозини эшитиб турибди.

Бу малла соч, қўй кўз одам «о»лаб гапирар, чеҳрасидан сохта табассум аримасди. Денисов ўзининг «иншосида»: «Маълумки инсон ҳаётда бир марта туғилади. Бироқ шу билан бирга қайси мамлакатнинг граждани бўлишлиги унга боғлиқ бўлмайди. Мен мана шундай табиий вазият тақозоси билан совет граждани бўлиб қолганман», деб ёзган эди.

Цейхгаузда Денисов анчага довур ивирсиб ўзига французлардан ўлжа олинган эски кийим-бошлар ичидан яхшироғини танлаб олган эди. У буларни кийиб тамом қилолмаслиги ва ўқув курси тулагандан кейин бошқа кийим беришларини олдиндан билса ҳам, омилкорлик билан пошнаси ва таг чарми камроқ едирилган пойафзал ахтарди. Ҳар ҳолда тежамкорлик майли реал вазиятдан устун келган эди. Шунинг учун ҳам Денисов бир уюм пойафзал орасидан қўш таг чармли бир жуфт ботинка топиб олгач, омади келиб қолганидан суюниб жилмайди:

— Зўр нарса экан,— деди у қувноқ табассум билан:— Аяб киядиган одамга мўлжалланган.

Ошхонада ҳам овқатни у хаёл суриб, шошмай ерди. Чайнаётганда

бўлса қоши, қулоқлари, чаккаси ва ҳатто тикандек тепа сочларигача қимирлаб турарди. Битта ёки яримта сигаретани бир бўлак маргаринга жон деб алмашарди.

Денисов иштиёқ билан ўқирди. Яхши баҳо олган пайтларида ичичидан суюнар, ёмон баҳо олганда эса хафа бўларди. Шу билан бирга унинг ўзига хос фаҳм-фаросати ҳам бор эди.

Мана, ҳозир ҳам у каравотда узала тушиб ётганча мулоҳаза юритаётган бўлса ажаб эмас.

— Ўзимга келганимдан кейин дастлаб ўлмай қолганимга жуда қувондим. Жанг ҳам тугабди. Ҳамма фақат сенинг гавдангни мўлжалга олиб отаётгандек бўлиб туюлиши жуда ҳам кўнгилсиз бўларкан. Тепамга бир немис келди. Қарасам — кировий одам, сиполик билан жилмайган эдим, унинг ҳам раҳми келди, шикнлли, олдига солиб ҳайдаб кетди. Нуқул елкамга автомаи билан ниқтайди, денг. Теварак-атрофда ўзимизнинг йигитлар ётишибди. Раҳмим келди. Шошилишибди-да, Нариги дунё дегани йўқ нарса-ку, ахир. Ротамизда бир ҳамқишлоғим бор эди. Асир тушишга ўшандан уялган бўлардим. Бироқ у аввалроқ, санбатда бандаликни бажо келтирган эди. Демак, гувоҳлар йўқ. Умрим узоқ экан-да ҳали. Ҳали ҳаёт кечирим керак экан. Менга унақа жудаям яхши турмушнинг ҳожати ҳам йўқ. Бир кулбаи вайронада яшасаму, елкамга озроқ офтоб тегиб турса, ундан кейин бир оз емиш бўлса шунинг ўзи кифоя. Бировга ҳасад қилмайман. Шу ерга келишимга ҳам фақат хулқим сабаб бўлди. Бўлмаса лагерда ҳам яшашга кўникиб қолган эдим. Ҳаммасига мослашиб олгандим. Ноҳақ жазодан одамларнинг жаҳли чиқади. Мен бўлсам, гўё ҳеч нарса кўрмагандек яшайвераман. Фақат гоҳо-гоҳо юрагим жиз этиб кетади-ю, яна яшайвераман. Ўзимизнинг нродамизга боғлиқ сабаблар ҳам бор, бўлмагани ҳам. Лагерлар бор, жосуслар учун мактаблар ҳам. Шу жойни барибир биров эгаллаши керак-ку, нега мен эгалламас эканман? Мен бормасам, бошқа биров боради. Бу турган гап.

Қўпол овоз эшитилди, эҳтимол, «Мих» лақабли киши бўлса керак. Унинг куйган афт-ангори куйгандан кейин териси ялтираб, юқалашиб таранг тортиб қолган. Анкетасида — сапёр деб ёзилган. Вайс уни ё танкчи ёки учувчи бўлган, машинада куйган бўлса керак, деб ўйларди ўзича.

Мих Денисовга:

— Сен ишни ўрнига қўядиган одамсан, сўйганда ҳам расамати билан сўясан,— деди.

— Менга буниси шарт эмас,— дея эътироз билдирди Денисов.— Радистликка ариза берганман. Албатта саводли эканимни инobatга олиб, ҳурмат қилишса керак. Колхозда ҳам доим озода ёзув-чизув ишларида бўлиб келганман.

— Товонялар экансан.

—Бу менинг сертакаллуфлигимдан. Ҳар қандай бошлиқнинг ҳам ҳурмати уни ўрнига қўйиш ва эҳтиром қилишда шахсий ҳаётий тажрибам бор. Ақлим унчалик кўп бўлмаса ҳам, сезгирман. Коллективлаштириш пайтида бос деб буюришган эди, мен ҳам босавердим. Аммо менинг ахборотим билан қулоқ бўлганларнинг қариндошларидан кейинчалик узр сўраганман. Айбдор мен эмас, ҳукумат! Баҳслашгудек бўлсам — калтак ўзимга тегади. Тушуншарди. Халқимиз онгли. Бошқаларнинг деразасига қараб ўқ ўзишгану, меникига тегишмаган. Мен содда дил ва шу фазилатим билан фойдали одамман.

— Қусдирадиган дорига ўхшайсан.

— Бундай қўполлигинг билан барибир иззат-нафсимга тега олмайсан. Қўлингдан келмайди. Хоҳласанг — башарамга тупура қол! Артиб

ташлвйман, вассалом! Фақат юқимли касалинг бўлмаса бас. Тупик — бу шунчаки кўз илгайдиган нарса, холос. Борди-ю, бирон бир ерда менга жисмоний куч ишлатиб қолгудек бўлсанг, шунда ҳам сенга қаршилик кўрсатмайман. Лекин мени ким жароҳатлаганини бошлиқлар аниқ билиб олишади. Нега деганда, мен энди уларнинг ҳисобларида турман.

— Бизда битта шунақасини лагеръ ҳожатхонасида бўғиб қўйишган,— деди Мих хаёлчанлик билан.

— Чакки қилишибди,— дея эътироз билдирди Денисов.— Битта ивogarни ўлдиршибди, дейлик, лекин кейинчалик ўша палидни деб ўттиз чоғлик яхши кишининг жони кетади. Мен доим шунақа ишларга қарши бўлиб келганман. Ушганақа ишларнинг олдини олиш билан қанча-қанча яхши одамларни сақлаб қолдим десам янглишмаган бўламан.

— Чақимчилик қилибми?

— Чаққан бўлсам битта-иккита ёмон ниятлиларни чаққандирман. Аммо бу билан ўнлаб кишиларнинг ҳаётини сақлаб қолдим. Бундай ўйлаб кўрсанг, жуда бебаҳо ҳисоб чиқади.

— Бир курак... экансан-ку.

— Гап билан истаганингча ҳақорат қилавер. Ҳуда-беҳуда гапни ўзимга олавермайман. Алн десанг, бали, деб олишиб ҳам ўтирмайман. Нега десанг ким бўлишидан қатъи назар, мен учун ҳар ким ҳам одам, жонивор ҳам, ҳайвон ҳам эмас, лекин мен уларга ҳам меҳрибонман. Менинг бир мушугим бўларди. Агар билсанг, ўшани ҳам ўйлаб хафа бўламан. Одамларни бўлса қўявер энди. Ҳамма жойда одам бор. Ҳамма ҳам одам ва ҳар кимнинг ўзига яраша иззат-нафси бор.

— Шундай қилиб, Совет ҳокимияти қўйнида кўпдан бери яшайсанми?

— Одатдагидек, эл қатори, ҳокимиятнинг туғилган кунидан то шу йилнинг 17 июлигача, қўлга тушгунимизга қадар,— бидирлаб баён қилди Денисов.

Мих хаёлчанлик билан деди:

— Агар бирон бир вазифа топширгудек бўлишса сен билан бирга борардим. Пишиқ-пухта одам экансан. Сен билан бирга бўлган киши хор бўлмайди.

— Йў-ўқ,— дея эътироз билдирди Денисов,— мен сен билан ўла қолсам бирга бормайман.

— Ҳамроҳликка арзимайманми?

— Мени гумдон қилишнинг турган гап. Кейин аламингдан ўзингни отиб ўлдирасан қўясан.

— Нега энди?

— Шундай ўзи, кўзларинг бежо. Немисни бизларга фаҳми етмайди, фарқлай олмайди. Мен бўлсам сезиб юрибман, қайғуряпсан. Узимиз тарафга ўтиб кетмайсан, ҳа, шундай. Утиб кетасан демоқчи ҳам эмасман. Сира ҳам. Ҳукумат ҳузурига бординг дейлик: салом, кечирсанглар, тавба қилсам дейсан. Сени эса нақ НКВДга тиқиб қўйиша қолади. Ади-бади айтишиб ўтирмай, тўппа-тўғри жаҳаннамга равона қилишлар ҳам мумкин, ё бўлмаса, жуда инсоф қилишганда, 25 йилни бўйинингга осиб қўйишади.— Таъна қилиб деди:— Агар янглишмасан орамиздан ҳали штраф ротасида ўз айбини ювишни орзу қиладиган соддалар топилиб қолса керак дейман. Гўдаклик орзуси бу. Унинг отини биздақа содда дилларни қисқартириш учун пролетариат қўлидаги «жазолоччи» қилич деб қўйишибди.

— Бу хилдаги ташвиқотинг эвазига ёр беришадими ёки сигаретамми?— дея сўрадн Мих.

— Йў-ўқ, мен шундай кўнглимдан чиқариб айтяпман.— Сўнг ҳов-ликниб сўради:— Ие, ҳали кўнгилдаги тўғри гапларни гапирса қўшнмча нарса ҳам беришадими?

— Беришади,— деди Мих,— фақат бу ерда эмас.

— Мени кўрқитмай қўя қол. Сенга ўхшшган баъзилар қўлга тушиб қолгудек бўлса, заҳарли таблеткани ютиб юборишдан ҳам тоймайди. Мен бу ишни қилмайман. Мен ҳеч қачон ўз-ўзимни ўлдирмайман. Жаноб инструктор иқрор бўлиш ҳақидаги гапни тўғри айтди. Мен совет қонунларини биламан. Фурсатни ўтказмай, чин юракдан иқрор бўлсанг айблов моддаси бўйича гуноҳинг енгиллашади. Ундан кейин лагерда ҳам яшайвераман, нима қилибди, у ердагилар ҳам одам.

— Узингам ғирт палид экансан-да, Урдак.

— Боя сенга айтдим-ку,— деди Денисов жаҳл билан.— Гап билан жиғимга теголмайсан деб.

Похол тўшакнинг шитирлаган овози эшитилди, ётган бўлса керак... Хонага сукунат чўмди.

Иогани переключатель дастасини бошқа баракка бурди. Бу ерда ўз улушларига тушган сигарета билан маргаринни тикишиб карта ўйнашмоқда эди. Езиб қўйди: «Курсант Мих, курсант Урдакка, башарти, у душман томонга қочиб ўтишни хоҳлаб қолгудек бўлса отиб ташлашини айтди. Мих яхши тарбиявий таъсир кўрсатяпти. Вазифа юклатилган пайтда, эҳтимол, уларни қўшиш лозим бўлар».

Бир куни Мих унинг огоҳлантиришига жавобан: «Жаноб инструктор, фақат менинг кўзим ўйноқни, бўлмаса ўзим девонадек беозор одамман, ишонмасангиз, нстаган кишингиздан сўранг», деган гапларини эслади. Яқингинада Иогани Михнинг собиқ жиноятчи Хнич билан муштлашганининг гувоҳи бўлган эди. У муштлашни сабабини суриштириб, Хнич Михнинг хотини ҳақида беҳаё гап айтгани, шу сабабли Мих уни сал бўлмаса ўлдириб қўйи деганини билиб олганди. Сўнг у икковини ҳам карцерга қамаб қўйган эди. Шунда Хнич ялиниб-ёлвориб, Мих телба одам, хотини учун мени бўғиб қўяди, деб бошқа-бошқа хонага қамашни илтимос қилган эди.

Навбатчилик тугагандан кейин Вайс картотекадан Михнинг адресини билиб олди-да, шифровка гузиб Михнинг хотинини топиш ва ундан эрининг номига тўрт энлик хат ёздириб олишни илтимос қилди.

Иогани Денисовнинг варақасига сариқ қоғоз қистириб қўйди — бу ишончли эмас деган маънони аниқлатарди. Михнинг варақасига — яшил, яъни текширилганлик нишонасини ёпиштирди. Буни у ўзи учун эмас, ҳамкасбларини назарда тутиб, аниқроғи, уларни чалғитиш учун қилган эди.

Емғир аралаш енгил қор ёғиб ўтди. Осмон булутли, хира эди. Курсантлар майдонда физкультура машқлари билан шуғулланишар: ўтириб, туришар, қўлларини кўтариб, туширишарди.

Денисов машқларни ихлос билан, берилиб бажаради. Унинг яноқлари қизарган, тан-жони соғлиги, шу дақиқада нафас олиб тургани ва яна маълум бир вақт яшаяжаклигидан мамнун бўлиб, роҳат қилаётганидан кўзлари чақнарди.

Мих қўлларини жон-жаҳди билан кўтариб туширарди. Унинг пушти ранг ялтироқ чеҳрасидан худди лакланган маска янглиғ ҳеч қандай маъно сезилмасди.

Курсантлар юмшоқ, майин қорни депсиб, унинг устида қорамтир из қолдиришар, бу излар шу заҳотиёқ эриган сув билан тўлиб қоларди.

Баҳайбат қарағайларнинг пушти-сариқ танасидаги юпқа пўстлоғи балиқ тангачаларига ўхшаб қатлам-қатлам кўчган, яшил игна баргли шохлари эса ён-атрофга қулоч ёйган эди. Агар бош кўтариб, шу да-

рахтларнинг тикандек шоҳларига ва ундан ҳам юқорироққа, нақ осмонга қараб енгил бош айлангунча тикилиб турилса, гўё мазкур нарсаларнинг бари йўқ, бўлган эмас ва бўлиши ҳам мумкин эмасдек сархуш бир кайфият ҳосил бўлади, мана ҳозир Иоганн нигоҳини ерга тикарди-ю, кўзига...

Йўқ-йўқ, бўшашмаслик керак, тасаввурига эрк бериб юбормаслиги, ўзига тегажаклик қилмаслиги лозим.

Бугун айгоқчиларнинг бир-бирларини сўроқ қилиш билан машғулот ўтказадиган кунлари. Бу машғулотларга анча-мунча вақт ажратилган. Айгоқчилардан бири совет контрразведкасининг расмий ходими ролини, иккинчиси эса Совет Армиясининг орқа томонида қўлга туширилган шубҳали киши ролини бажаради. Биринчи «қўлга туширилган» кишини немис разведкасига маъсуб эканлиги фош қилишга интилиши, иккинчиси эса, ўлиб-тирилиб қўйилган айбни инкор қилиши ва ўзини оқлаши лозим эди.

Ҳар бир стол атрофида жуфт-жуфт бўлиб ўтказиладиган бу «томошалар» Иоганн учун баъзи курсантни сўзсиз фош қилувчи янги-янги далил-исботлар берса, илгарироқ мўлжаллаб қўйган ва ҳатто пинҳоний меҳр қўя бошлаган бошқаларига нисбатан ишончини мустаҳкамлаб борарди.

Денисов ўз ролини астойдил, чин кўпгилдан бажарарди. У шилпиқ кўй кўзларига ёш олиб ўз «терговчисига» хокисорлик ва маъюслик билан ёлворарди:

— Сиз менга одамдек қулоқ солинг. Қуршовда қолдик. Қочдим. Ҳужжатларимни йўқ қилиб ташладим. Буларми? Буларнинг «қалбаки» эканлигини мен қаёқдан билай? Қуршовда қолган биттаси билан фронт линиясидан ўтиб келаётган эдик. Йўлда у ўқ еб ҳалок бўлди. Мен унинг ёнидан ҳужжатларини олдим: қондаси бўйича ҳукуматга топшироқчи эдим! Кейин, ҳалиги, патрулнинг қўлига тушдим. Улар ҳужжат талаб қилишди. Мен қўлларига ҳалиги ҳужжатларни тутқаздим. Агар унинг жосуслигини билганимда ўз қўлим билан бир зумда гумдон қилиб қўя қолардим-а. Қаёқдан ҳам илаша қолди менга у аблаҳ! Изтопар эмасманки унинг ким эканлигини билсам. Нега темир йўл ёқасида дайдиб юрувдинг, дейсизми? Бўлмаса, яна қаерда юрай? Ҳадеб пиёда юравериб ҳолдан тойдим, шу томонга келаётган эшелонга ўтириб олмоқчи бўлувдим. Қаёққа бўларди? НКВД си бор йирикроқ шаҳарга-да. Ҳаммасини айтиб бермоқчи эдим. Армиядаги махсус қисм ходимлари биздақа қуршовдан чиққанларни дарҳол ҳалиги... Сизларнинг эса жосуслар бўйича тажрибангиз кўп, ҳақ билан ноҳақни ажратишни сизга худонинг ўзи буюрган. Яшириндинг деганингиз нимасиз? Ҳеч кимдан яширинганим йўқ. Нега энди ўзимизникилардан яширинар эканман. Балки, немисларнинг орқа томонида яшириниб юриш одат бўлиб қолгандир, ундай бўлса, кечирим сўрайман.

Мих терговчи ролини иштиёқ билан бажариб, ўтмишда немисларга қилган хизматлари билан кеккайиб, ўзини ҳаммадан баланд олиб юрадиган собиқ петлюрачи кекса, оғир-вазмин Фишкага дўқ урарди:

— Сен, аблаҳ, немисларга Украинани илгари бир марта сотган эдинг, энди яна қолган-қутганини ҳам қўшиб сотаяпсан!

— Гражданин терговчи, сизнинг ҳеч қандай далилингиз йўқ,— дея си-полнк билан эътироз билдирарди Фишка.

— Қурол-чи? Енингдан қурол топишдими ахир? Совет кишиларини ўлдиргансан, ифлос!

— Қуролни ўзимни муҳофаза қилиш учун олиб юрган эдим. Менн ўхшатаётганингиздақа кишилардан ўзимни мудофаа қилнш мақсадида сақлаб юрган эдим уни,

— Армиядан қочдингми?

— Мен баптизм¹ мазҳабидаман. Сиёсий нуқтаи назардан эмас, диний эътиқодим туфайлигина армия хизматидан бош тортганман.

— Сенинг худонинг бутли эмас, фашист тамғали худо. Одамлар тушган эшелонни портлатдинг-а, аблаҳ!

— Бундай нотўғри маълумотларни қаердан олдингиз?

— Ўзинг мақтанган эдинг-ку?

— Кимга?

— Менга.

— Қачон? Қаерда?

— Яқинда, баракда. Нега кўзингни сузасан?

Вайс аралашини лозим топиб қатъий оҳангда дедн:

— Курсант Мих, сиз фақат қўлга туширишда олган тахминий далиллардангина фойдаланишингиз лозим...— Фишкага эса насҳат қилди:— Айтганча, билиб қўйинг, совет органлари қўлга туширганларида сизнинг ўтмишингизга тааллуқли барча материалларни сўроқлаб топтиришлари мумкин. Шунинг учун бундай саволлар берилиши мумкинлиги доим ёдингизда бўлсин. Машқ янада самаралироқ бўлиши учун ўз айбонингизни очадиган фактларнинг жиллақурса муҳимларини курсант Михга айтиб беринг. Бу шунинг учунки, қаршингиздаги одам ўша айбонингиз орқали сизни қўлга туширмоқчи бўлади. Сиз бўлса ўзингизни оқлаш учун унга қарши далил келтиришга ҳаракат қиласиз.

Фишка ғужанак бўлиб, хўрсина-хўрсина Михга ўзининг ўтмишдаги қилмишларини гапириб бера бошлади.

Михнинг юзи бўзариб, қатъий гус олди, кўзлари қаҳр билан чақнади.

Вайс, гўё бутун эътибори бошқа жуфтга қаратилгандек, Фишкага орқа ёғириб турган ерида унинг сўроқ машқида ишлатишни лозим топган ёвуз қилмишларига диққат билан қулоқ соларди.

Кейин Вайс бошқа бир янги жуфт ёнига ўтди. Терговчи ролини ўйнаётган курсант мингиллаб сўроқланувчидан бир нарсани билиб олмақчи бўларди:

— Йўқ, сен менга сирасини айт, нега уларга соғилиб, ўзимизларни кимга қарши қўл кўтардинг?

— Сираям ўзимизникиларга қарши чиққаним йўқ. Зўрлаб мажбур қилишди, ундан кейин пайт пойлаб ўнқови келди дегунча, бу ёққа қочиб ўтамап, деб ўйловдим.

— Нега ўша заҳотиёқ бошлиқлар ҳузурига бормадинг?

— Айбдор қилишди деб қўрқдим.

— Шундай қилиб у томонда лагердамидинг?

— Ҳа, лагерда.

— Лагердан қутулиш учун жосусликка ёзилдингми?

— Ҳа, худди шунинг учун. Улимдан қутулиб қолмоқчи эдим.

— Демак, энди ҳар томонлама одо бўлнбсан-да?

— Ўзинг-чи, одо бўлганинг йўқми?— деб ранжиди сўроқланувчи:— Лагерда ўзимизникиларни чаққан ким? Сен.

Вайс жиддий огоҳлантирди:

— Сўроқланувчи терговчига савол бериш ҳуқуқидан маҳрум.

Сўроқланувчи шикоят қилди:

— Нега бўлмаса у ишга алоқаси йўқ гаплар билан шахсиятимга тегяпти? Мен тавба-тазарру қилган бир оми одам, фашизм қурбони ролин ўйнаяпман, у бўлса ўзимизнинг маҳаллий маълумотни менга қарши тикнштиряпти...

¹ Баптизм — христиан динидаги мазҳаб.

Тўсатдан, тарсаки овози, сўнг ииграб хириллаган товуш эшитилиб қолди. Вайс Мих билан Фишка ўтирган стол ёнига келди. Икковлари ҳам дик этиб, ўришларидан турдилар-да, унинг қаршисида қотиб қолдилар.

— У мен урди, бор кучи билан урди!— деди йиғламсираб гўштдор юзи қип-қизариб кетган Фишка.

Мих, қуруқшоқ лабларини буриб, Вайснинг кўзларига безрайганча тикилиб турар экан, сурбетлик билан тушунтирди:

— Нима қилти? Мен терговчинман. Ростипи айтмаган эди, тарсаки билан туширдим. Ўзингиз НКВДида қийнаб калтаклашадидеган эдингиз-ку,— Фишкага имлаб, деди:— Шунинг учун мен ҳам машқ қилиб кўрувдим. Чиниқиб турсин.— Михнинг қисик кўк кўзлари истеҳзо билан чақнардн.

— Икковини ҳам карцерга,— буюрди Вайс.

— Мен нима гуноҳ қилдим?— дея ҳайрон бўлди Фишка.

— Совуққонлик, бардош ва матонат кўрсата олмадингиз. Уч сутка...

Аҳён-аҳёнда идорада баланд бўйли, ориқдан келган, мўғиз бандли кўзойнак таққан, чеҳраси совуқ бир хоним пайдо бўлиб қоларди. У ўзини анча сипо тутарди. Дитрихнинг буйруғига биноан бу хонимга бирор курсантнинг фотосуратини кўрсатиб, унинг муҳим белгилари айтиб бериларди.

Хоним эслаб қолиш учун суратга диққат билан тикилар, белгилар тўғрисида айтилган гапларни чурқ этмай эшитар ва беларвогина бош ирғаиб кўярди-да, амиркон бойлогич безаб турган мўйнали туфлисини кўз-кўз қилгандек тарс-турс қадам ташлаганча чиқиб кетарди.

Бу унтершарфюрер Флинк эди. Унинг касби: махсус танлаб олинган бир тўда фоҳишалар воситасида баъзи шахсларни тезкорлик билан текшириш эди.

Фоҳишалар ишдан бўш вақтларида ўзларининг одатдаги унча мураккаб бўлмаган касблари билан шугулланишар, даромадларининг маълум қисминини эса фронтдагиларга байрам совгаси олиш учун ажратиб беришарди.

Унтершарфюрер улар билан машгулот олиб борарди. Эрталабки гимнастикадан сўнг жанговар машқлар, тушлик овқатдан илгари эса икки соат айғоқчилик ишлари юзасидан дарс ўтказиларди.

Ҳали тўла ишонч қозоолмаган курсантлар бэшқа текширув найранглари билан бир қаторда ана шу аёллар воситасида ҳам синовдан ўтказиларди. Шунинг учун ҳам бу аёлларга ўзларига нисбатан шафқат ҳислари уйғотиш учун бирон фашизм қурбонининг аянчли тарихини ёдлаб олиш вазифаси юклатилган эди.

Мана шу мақсад учун зарур бўлган миқдордаги спиртли ичимликларни ҳам, «хонимчалар» учун олиннадиган гражданча кийим-кечакларни ҳам унтершарфюрер Флинкнинг ёрдамчи аёллар бўлинмаси «Вали штаби»нинг омборхоналаридан оларди.

Синовдан ўтишни лозим бўлган курсант мактабдан ташқарига чиқарилгач, унтершарфюрер фотосурат ва ҳалиги айтиб берилган белгилардан фойдаланиб, қўл остидагилардан бирини унинг изига туширарди. Мазкур аёл курсантнинг пайида бўлиб юрар ва ўзини идиш-товоқ ювадиган ходимами, уй хизматчисими, ёки оқсоч аёлми — ким қилиб кўрсатишига қараб, бинонинг ертўла қаватидаги ошхонагами, қоровулхонагами ёки омборгами — ишқилиб мос келадиган бирор жойга бошлаб кирарди. Уларнинг ҳаммаси ёши бир жойга бориб қолган, тажрибали аёллар эди. Шунинг учун ҳам улар одатда ўз ролларини ёддан билишар ва си-

налувчининг ғоявий жиҳатдан текширганликлари натижасини унтер-шарфюрер Флинкнинг ўзига лўнда қилиб етказиб туришарди.

Бир куни Вайс курсантларнинг микрофон орқали пайқаб олинган кайфиятлари ҳақидаги ахборотдан Лансдорфни хабардор қилган эди, у, капитан Дитрих ўзининг текшириш методини бир қадар мураккаб-лаштирамикан, деб қолди. Бунга жавобан Вайс одатдагидан кўра баланд овоз билан деди:

— Жаноб капитан Дитрих — ажойиб контрразведкачи. Мен у кишининг талантига қойилман.

Лансдорф таажжубланиб Иоганнга қаради. Вайс имо билан қулочини ушлаб қўйди, кейин деворга ишора қилди-да, яна ўша баланд овозда дона-дона қилиб такрорлади:

— Капитан Дитрих разведка техникасига тегишли барча ноёб замонавий услубларнинг жонли энциклопедиясидир.

Лансдорф жавобан ҳеч нима демади. Бироқ бир неча кундан кейин, Вайсни ҳовлида учратиб, деди:

— Ефрейтор Вайс, мен капитан Дитрих билан бирга Варшавага кетяпман, эртага қайтамиз. Мен йўғимда бир алоқачи келади. Унга менинг хонам билан Дитрихнинг хонасини кўрсатиб қўйинг. Телефонларимизнинг нимасидир бузилиб қолган кўринади.— Қатъий буюрди:— Унга зарур бўлган ёрдамни кўрсатинг. Лекин сиз ва ундан бўлак ҳеч кимса...

— Хўп бўлади,— деди Вайс.

У алоқачига юқори малакали мутахассисларча ёрдам кўрсатди ва Дитрихнинг хонасига сими Лансдорф хонасига ўтказилган яширин микрофон ўрнатишда унга кўмаклашибгина қолмай, худди шундай микрофонни Лансдорф хонасига ҳам ўрнатиб, иккала микрофондан тортилган симларни электр кабелига ўхшаган ҳолда идора биносига олиб тушишга ҳам улгурди.

Энди Иоганн навбатчилик қилаётган пайтларида фақат курсантларнигина эмас, балки Лансдорф билан Дитрих хонасидаги гапларни ҳам эшитиш имкониятига муяссар бўлганди.

Лансдорф қайтиб келгандан кейин, Вайс унга, бу ишда етарли билимга эга бўлмагани туфайли алоқачига кўмаклаша олмагани, лекин алоқачининг бир ўзи ҳам ишни удалаганини, телефон аппаратларининг жуда яхши ишлаётганини ўзи текшириб кўргани ва алоқачининг ўз қисмига жўнаб кетгани тўғрисида ахборот берди.

35

Топшириқни бажаргани фронт орқасига ташлаш учун кичик-кичик группалар ташкил қилинарди. Одатда группага бошлиқ қилиб радист тайинланар, лекин оддий разведкачи ҳам бошлиқ бўлиши эҳтимолдан холи эмасди.

Разведкачи-радистлар мактабининг кўпчилиги талабалари илгари радио иши билан шуғулланмаган эдилар. Совет жангчи-радистлари асирга тушиб қолгудек бўлсалар, одатда ўз ҳарбий касбларини душмандан зўр бериб яшириб келардилар. Ватанга хиёнат қилиш йўлига ўтиб олганлар ҳам, ниятлари бошқа бўлишига қарамай, ўзларнинг радист эканликларини яширишарди-да, бир оз муғамбирлик билан ўзларини гўё мактабда радио ишини янгитдан ўрганаётгандек кўрсатишарди.

Алоқа зуммерлари¹ ва телефон наушниклари билан жиҳозланган синфларда машғулотлар кунига етти соатдан ўтказиларди.

Бир ой ўқитилгандан кейин Морзе алифбеси усулларини эшитиб, ёддан хотирлаб қолишга лаёқати бўлмаган ёки муғамбирлик қилаётганлар радистлар мактабидан чиқариларди-да, оддий разведкачилар бараккага жўнатиларди. Иоганн кимлар ҳақиқатдан ҳам лаёқатсиз, кимлар ўзини чаласавод, тўмтоқ қилиб кўрсагаётганини билиб олиш учун ана шундай кишиларни синчиклаб кузатиб борарди.

Радиосигналларни қабул қилиб оладиган радистларни тайёрлаш муддати талабаларнинг зеҳни, гайрати ва лаёқатига қараб уч ойдан тўрт ойгача белгиланарди. Радистлар группаси жуфт номер билан оддий разведкачилар группаси эса, тоқ номерлар билан рақамланган эди.

Иоганн мактаб талабаларини кузатиб юрар экан, «Фаза» лақабли радистни айниқса, ёмон кўриб қолди.

Армия сафига кўнгиллилар қаторида борган, асли москвалик бўлган ўн тўққиз ёшли бу йигит, афтидан, урушгача радио ҳаваскор бўлган бўлса керагу, лекин бу ерда у фақат радио ишига бўлган лаёқати билангина кўзга ташланмас эди. У пинҳона илтифот ва хушомадгўйлик билан мактаб бошлиқларидан кўпчилигининг меҳр-эътиборини қозongan бўлиб, боз устига, мактабга келганига кўп вақт бўлмай туриб немисча гаплашишни ҳам дурустгина ўрганиб олган эди.

Бу безбет йигитнинг қирра бурунли, ориқ чеҳрасида доимо истеҳзоли табассум ўйнаб турарди. У курсантларни назар-писанд қилмас, ҳеч қайсиси билан дўстлашмасди. Унинг мажбурий темада ёзган иншоси фақат мақтовлардан иборат серҳашам адабийлиги билангина эмас, балки зўравон шахснинг умумҳукмронлиги ҳақидаги фашистлар қондасини кўкларга кўтарадиган дабдабали мулоҳазалари билан ҳам ажралиб турарди.

Бир сафар Вайс Фазани суҳбатга чақирганда ундаги хушомадгўйликдан асар ҳам кўринмади. Фашистлар эътиқодини қабул қилиш сабабларини пишиқ-пухта ва режали қилиб тушутириб берди. У ҳатто журъат қилиб Вайснинг ахлоқ категорияларига қарашларининг эскича эканлигини таъна ҳам қилди. У Ватан, ҳарбий шон-шараф ва бошқа шунга ўхшаш абстракт тушунчаларни олий ахлоқ даражасига кўтармоқчи эмасмиш. Соғлом фикрли одамнинг ақл-идрокини воқелик бошқариб туради. Шу сабабли, рост, фашистлар Германияси Совет Иттифоқига нисбатан анча кучли эканлигини амалда исбот қилган экан, кучлилар томонига ўтиш ҳам ҳар бир эркин шахснинг табиий ҳуқуқидир, деган гапларни айтди.

У курсантларни мўл-кўл равишда таъминлаб турилгувчи, советларга қарши қартилган брошюралардан гапларига мослаб ёдаки цитаталар келтирарди. Курсант цитаталарни ҳам шу даражада комил ишонч билан айтардики, Иоганнинг кўзи олдида немислар томонидан ёлланган хоингина эмас, балки, ўзининг совет эътиқодига чиндан ва батамом хиёнат қилган, жуда сийрак учрайдиган разил нусха турганлигига сира ҳам шубҳаси қолмаган эди. Унинг асаблари бир қадар ўйнаб турганини Иоганн, бу нусханинг ўзини бошқа курсантларга нисбатан юқорироқ кўядиган имтиёзли мавқе эгаллаш истагида эканининг натижаси бўлган сурбетларча шошқалоқлигига йўйди.

Дитрих, курсантларнинг ишончлилиги ҳақида ҳар хил манбалардан келиб тушаётган маълумотларни қараб чиқар экан, Фазани ажратиб

¹Зуммер — Электр токини автоматик равишда узнб-улаб турадиган электромагнит асбоб (тарж.).

олди-да, у билан шахсан суҳбатлашгандан кейин, бу курсант алоҳида ишончга лойиқ, бу ерда шубҳасиз бошқалардан фарқ қилиб турган лаҳқати эса уни радио иши бўйича инструктор сифатида тасдиқлаш учун старли даражада асос бўла олади, деган қарорга келди.

Вайс, Фазанинг мактабдаги ўқитувчи-инструкторлар составига киритилиши ўз Фаоллятида қанчалик қўшимча қийинчиликлар яратиши мумкинлигини тушуниб, Дитрихга эътироз билдиришга уриниб кўрди. Бироқ, афсуски, ҳаракатлари зое кетди. Иоганни таажжубда қолдириб, мактаб бошлигининг муовини обер-лейтенант Герлах ҳам унинг бу номзодга қарши эътирозини қувватлаб чиқди.

Герлах машаққатли ҳаёт йўлини босиб ўтган эди. Унинг отаси уруш инвалиди бўлиб, қашшоқликда яшарди. Герлах ўсмирлигидаёқ баққолчилик дўконига ўғирликка кирганди, бироқ омадп юрмай қўлга тушиб қолган эди. У кичик ёшдаги жиноятчилар қамоқхонасида жазо муддатини ўтади. Қамоқхонадан чиққандан кейин узоқ вақт ишсиз юрди. Аввалига текин кийим-бошу, овқатига учиб, штурмчиликка ёзилди. Бора-бора фақат фюрерининг гоёларига содиқликлари учунгина эмас, балки империя бошлиқининг ҳам ўзларига ўхшаш энг паст табақадан чиққан киши бўлганлиги учун унга ўз жонларини қурбон қилишга тайёр бўлган бошқа жуда кўп нациларга ўхшаб, у ҳам мутаассиб фашист бўлиб қолди. Герлах ҳам ўз фюрери каби яҳудийлар ва зиёлилар аҳлига нафрат билан қарарди. Чунки ўтмишда кўрган жафоларининг аламини сираям ҳайиқмай яҳудийлардан олса бўлаверарди. Зиёлиларга бўлган нафрат, уларни таъқиб қилиш эса, бу разолатга тушган саёқни билдирди, ўқимшли кишилардан устун қилиб қўяр, зиёлиларни унинг қаҳрли, ёвуз иродасига бўйсундирарди.

Гитлер жамият тубидаги барча ифлос, қуйқаларни юқори кўтаришга муваффақ бўлган эди. Шунинг учун ҳам юзага чиқиб олган бу ярамаслар Гитлерни майдонларда жар солиб, уларга тушунарли қон, босқинчилик, талончилик тилида гапирадиган раҳнамо, пайғамбар қиёфасида кўришарди.

Герлах авани димоғдор зодагон Дитрихни ҳам ёмон кўрар, аммо буни пинҳон тутарди.

Аввалига у Гитлернинг ижтимоий демагогиясидан кўзи тиниб, нацилар ҳаракати зодагонлар, ер-мулк эгаларни — помешчиклар билан санатчиларни қисиб қўяди, деб тахмин қилган эди. Аммо Рур магнатлари ва вермахт генералитети талабларига ён босиб Рем ва унинг штурмчилари устидан чиқарилган ҳукм Герлах фикрининг сароб эканлигини кўрсатарди. Гитлер, хўжайинлик қилувчи, бошқарувчи синф ҳокимиятини мустаҳкамлаш билангина ўз ҳукмронлигини мустаҳкамларди. Шундай бўлса-да, Герлахнинг фюрерга садоқати камаймади. Аксинча, бу садоқат мутаассиблик билан кўр-кўрона тан беришга айланди.

У фюрердан бошқа ҳеч кимсага ишонмасди.

Герлах гоят ишчанлиги билан ажралиб турарди, у ҳеч кимга ҳеч нарса буюрмас, ҳамма ишни ўзи бажаришга интиларди. Сершубҳа, гунд ва қансар Герлах ҳатто унвон ҳамда лавозими ўзидан юқори бўлган кишиларга ҳам ишонмасди. У фашистларга хос нуқсонсиз ўтмиш ўзига ишончли қалқон бўлишига қатъий ишонгани ҳолда ишонч ҳосил қилган ишнинг мардоналик билан ҳимоя қиларди.

Герлах Вайс учун ўзининг ўлгудай ҳадиксировчилиги билангина эмас, балки қўпоровчи разведкачилар мактабидаги ўз ишини шунчаки ҳарбий хизматни ўташ демай, олий зотга ўзига хос равишда хизмат кўрсатиш, деб билладиган, фидокорлик билан жон куйдириб, бор кучини

ишга сарфлайдиган, ишдан бошқа ҳеч парса билан қизиқмайдиган бирдан-бир киши бўлгани учун ҳам хавфли эди.

Совет ҳарбий асирларига нисбатан у ўзида ҳайвоний нафрат ҳис қилар ва бу паст махлуқлар ўлим тахлидан бўлак бирон бир хоҳишга асосланиб Германияга хизмат қилишлари мумкин, деган фикрни ҳатто хаёлига ҳам келтирмасди. Шу билан у курсант Фазага ишонмасди. Герлах Вайснинг эътирозига ўз асослари билан қўшилганининг сабаби ҳам ана шунда эди.

Бироқ Дитрих ўз сўзида қаттиқ туриб олди. Бу ўжарлик, афтидан, ўз навбатида унинг паст табақадан чиққан бу сурбет Герлахни хуш кўрмаслиги натижаси эканлиги эҳтимолдан холи эмасди.

Қўпоровчи-жосуслик мактабининг бошлиғи фабрикант Вентлингнинг куёви ротмистр Гельмут Герд эди.

Бир вақтлар Герд қайнатаси каби монархистик қарашларга мойил бўлиб, то ўттиз бешинчи йилга қадар Гитлерга қарши чиқиб келган эди. Бироқ кейинчалик, фюрернинг Учинчи империянинг раҳбари эканлигини тан олди ва янги, буюк Германиянинг императорига эътиқод қўя бошлади. Шундан сўнг у, гарчи, Герлахга нисбатан бошқачароқ ниятда бўлса-да, худди унга ўхшаб, мутаассибларча садоқат билан фюрерга хизмат қила бошлади.

Фашистлар Германиясининг империалистик босқинчилиги Вентлинг фирмасига молия дунёсининг йирик намояндалари орасида монополистик мавқени эгаллаш, шарқдаги хом ашё қўшимчаси эса ҳаддан зиёд катта фойда олиш имконини берарди. Герд ҳам худди Герлах каби қаттиқ ишларди. Бироқ бу ҳавас бўлмай, амалдорларга хос иштиёқ эди, холос. У фақат Берлинга юбориладиган ахборот ва ҳисоботларнинг улугвор ҳамда салмоқли кўриниши ҳақида бош қотирарди.

Герлах Герднинг қандайдир бир курсант туфайли «Ш-Ц» бўлимининг офицери учун ўз муносабатини бузишини истамаслигини биларди; шунинг учун ҳам у Дитрихнинг қатъий талабига ён босишга мажбур бўлди. Лекин шунга қарамай, у Вайсга ҳар қалай «Фаза» лақабли курсантга тааллуқли бўлган мулоҳазалари ҳақида ёзма ахборот топширишни маслаҳат берди.

Совет шаҳарларидан бирининг улкан макети устида ўтказилган машғулот тугаб, шу шаҳарда жойлашган металлургия комбинати (бу завод қўпоровчилнк ҳаракатлари ўтказиш учун мўлжаллаб қўйилган объект эди) ҳақидаги ҳужжатли фильм кўрсатилгач, «Хряшч» лақабли курсант Йоганнинг ёнига келиб, аста шивирлаганича махфий маълумоти борлигини айтди.

Хряшч ўзини гражданлар уруши даврида генерал Гнилоривов ҳузурда адыютант бўлиб хизмат қилган, бир вақтлар Саль даштидаги от заводида эгалик қилган кишининг ўғли деб кўрсатарди. Совет ҳокимияти даврида Хряшч Дондаги от заводларидан бирида мол доктори бўлиб ишлаган экан. Аслида орловлик приставнинг ўғли бўлишига қарамай, у ўзини казак деб юрарди.

Ҳарбий асирлар лагерида Хряшч казак эскадрони ташкил этишга ижозат беришларини сўраб ариза ёзгану, лекин текшириб кўрилганда унинг кавалерия хизматини билмаслиги аниқланган эди.

Оқишдан келган, аслларга ўхшаш лўппи юзли, қўй кўз, юраксиз, дангаса ва анқов Хряшч қўпоровчи-жосуслик мактабига келганидан буён қўлидан келганича чақимчилик қилиб юрарди. Аммо курсантлар уни ўзларига яқинлаштиришмасди. У ўзининг шилқимлиги, нолишлари, ҳадеганда суқулиб махфий нарсалар тўғрисида сўрашга интилишлари билан

уларнинг жонига теккан эди. Шунинг учун уни бир неча бор ҳеч кимга сездирмай дўғпослашган ҳам эди. Хряшч хабар қиладиган гаплар шу қадар майда-чуйда, арзимас нарсалар бўлганидан Дитрих уни айғоқчилар рўйхатидан ўчириб ташлашни буюрган эди.

Одатда, ўқитувчи ва инструкторлар бундай маълумотларни идора ёнида шу мақсад учун ажратилган махсус хонада тинглашарди. Бу жой ҳовли томонга ҳам алоҳида эшик очилган каталакдай хона эди. Хряшч Вайсга, курсант Тузнинг курсант Мих билан гаплашиб турган пайтда: «Хиёнат билан жон сақлаб юргандан кўра, иш учун мардлик билан мағрур ўлмоқ афзал»,— деганини, Мих эса унинг гапига қўшилиб, майли, ўйлаб кўраман, дея жавоб қилганини хабар қилди.

— Менмча, у улуг Германия ишини назарда тутган бўлса керак,— деди Вайс ишонч билан.

Хряшч бўйинини қисиб қолди-ю лекин, ўзини ўнглаб, эътироз билдирди:

— Ундай эмас. У мутлақо тескари маънода фикр юритди. Бошқалар билан ҳам пичирлашади.

— Бўпти,— дея унинг сўзини бўлди Иоганн.— Тушунарли.— Сўнг буюрди:— Агар яна бирон нарса сезгудек бўлсанг шахсан ўзимга келиб айт. Туз билан ўзим шуғулланаман.

— Хўп бўлади!— Хряшч аввалига иккиланиб, кейин шивирлади:— Яна ҳалиги, энёлилардан, Фаза бор-ку... Ушанинг айтишига қараганда, Гитлер Россиянинг босиб олинган территориясидаги барча аҳолига фақат тўрт синфли маълумот олишга ижозат бериш тўғрисида кўрсатма берганмиш, ундан кейин яна ёш болалар ўлганча ўлаверсин, деб уларни эмлашни ман этганмиш. Ҳалиги, у ерларда аҳоли сонини шу зайлда тартибга солинармш. Хуллас, бу Фаза бизга руҳий тушқунликини тарғиб қиляпти.

— Нега?

— Нега деганингизда, бу аблаҳ бизнинг руҳимизни тушнрмоқчи-ю, ўзининг кайфини чоғ қилиб, биздан устун чиқмоқчи-да.

Вайс бир оз ўйланиб қолди-да, сўнг буюрди:

— Шу тўғрида менга ахборот ёзиб бер!

Иоганн Хряшчнинг Фаза устидан чақимчилик қилиб ёзиб берган маълумотига имзо чекиб, санасини ёзди-да, уни обер-лейтенант Герлахга ахборот бериш учун белгиланган папкага солиб қўйди.

Ҳар қалай, у ҳалн ҳам Фаза ўрнига радио иши бўйича инструкторлик лавозимига дурустроқ номзод топиш умидидан воз кечмаганди. Тузга келганда эса, уни тезроқ мактабдан жўнатиш тараддудини кўрмоқ лозим эди. Иоганн Хряшчнинг фақат унга қилган чақимчилиги билан кифояланиб қолмай, бошқа ўқитувчилар ва инструкторларга ҳам бу гапни откашишини биларди.

Иоганн, экспериментал лагерь маъмуриятининг, капитан Дитрих лагердаги деярли барча айғоқчиларни мактабга олиб қўйиб, лагерь маъмуриятини мушкул аҳволга солиб қўйди, деб ёзган шикоятдан фойдаланиб Дитрихга шу баҳонада Тузни лагерга қайтариб юборишни маслаҳат қилди.

Капитаннинг, бу курсант унча-мунча қимматга эгами, деб берган саболига Вайс бепарволик билан жавоб берди:

— Асаби бўш, ватапни қўмсаш дардига мубтало бўлган. Жисмоний жиҳатдан жуда ҳолдан тойган. Бунақаларнинг жойи фақатгина лагерь.

Дитрих буйруққа имзо чекди. Шундан сўнг Вайс бундан буён лагерь ичидаги айғоқчилик вазифасини қандай бажариш лозимлигини тушунтириш учун Тузни ўз ҳузурига чақирғирди. Туз Иоганндан ҳарбий асирлар союзи ишига тааллуқли бўлган муҳим маслаҳатлар олди.

Вайс энг аввал ҳарбий асирлар союзи чиқарадиган барча варақаларга «Берлин» деб адрес қўйишни маслаҳат берди. Бу жуда салмоқли жаранглайди, шу билан бир қаторда ташкилот иш олиб бораётган жойни яшириб туради, деб тушунтирди у.

— Мана бу зўр гап!— деди Туз.— Ақл-заковатингизга қойилман.

Туз ўз ўрнига тавсия қилган курсантларга Иоганн аввалдан эътибор бериб юрган эди, икковларининг гаилари бир жойдан чиққани учун у жуда мамнун бўлди Туз Иоганн билан хайрлашгани қўл чўзар экан, чин кўнглидан деди:

— Ажойиб йигитсан-да,— бир оз жим туриб, кейин қўшиб қўйди:— Илгари мен сендақаларни унча хуш кўрмасдим. Энди қарасам, партия тарбиясини олган ажойиб кишиларимиз бор экан.— Жилмайди:— Энди бу ерда ҳаммамиз ҳам фашистларга қарши чекистмиз. Хоҳ расмий, гоҳ норасмий, барибир чекистлармиз.

— Бўпти,— деди Вайс.— ўзингни эҳтиёт қил.

— Албатта,— деб ваъда берди Туз.— Ахир мен энди давлат аҳамиятига эга одамман-а...

Обер-лейтенант Герлах ҳар қалай Фазани бир текширувдан ўтказишга қарор қилди. У бу ишнинг режасини анча устомонлик билан ишлаб чиқди. Герлах Фазага шаҳарни айланиб келиш учун рухсатнома ёзиб бериб, унинг қўлига ургичи эговланган ва ўқларининг порохи олиб ташланган тўппонча тутқазди. Унтершарфюрер Флинкка эса, унга мос бир қиз топиб қўйинг, деб буюрди. Бундан ташқари, лагердан қочган одам ролини бажарувчи айғоқчига ёш курсантнинг кўнглини овлаб, унинг хайрихоҳлигига сазовор бўлишга уриниб кўришни топширди. Шундай пухта тайёргарлик кўриб қўйгач, Герлах текширув натижасини зориқиб кута бошлади.

Бироқ текшириш найрангининг натижаси мактаб раҳбарларининг ҳаммаси учун ҳам фожиали чиқиб қолди.

Мотоцикл ҳайдовчисини тош йўлдан қуролсизлантирилиб, боши мажақланган ҳолда топиб олишибди. Ана шу мотоцикл ҳайдовчи Фазани Варшавага олиб бориб қўйиши лозим экан. Фазанинг ўзи эса ғойиб бўлибди. У билан бирга радио коди ҳам йўқолибди. Уни шубҳасиз, Фаза ўғирлаган: эҳтимол, у бу коддан фақат машғулот пайтларидагина фойдаланилмаса керак, деб ўйлаган бўлса керак.

Мактабга Берлиндан текшириш комиссияси келибди. Бу ишларнинг ҳаммасидан Вайс беҳабар эди. Туз лагерга қайта жўнатилган куни у ҳам командировкага кетганди. Вайс ўлжа фондлардан маълум шаҳар ва районларга юборилиш учун тайёрланаётган айғоқчиларни ўқитиш учун яроқли совет ҳужжатли фильмларини танлаб олиш тўғрисида топшириқ олган эди.

Иоганн бўм-бўш, ҳувиллаган, қўланса чанг ҳиди анқиб турган кино залида сурункасига уч сутка ўтириб фильмларни кўрди. Шунда унинг кўз ўнгидан ватанининг ҳаёти бирма-бир ўтди. Бу ғоят ҳаяжонли дамлар эди—у гўё, кўрнинишдан, инсон учун бирдан-бир ҳақиқий, дунёда бирдан-бир реал бўлган чинакам ҳаётга қайтгандек бўлди. Бу ҳол сохта, аянчли уйқудан сўнг уйғониш эди.

Иоганн бу ленталарнинг ўз вагани учун эндиликда ўтмиш бўлиб қолганлигини биларди. Ҳозир унинг ватани бутунлай бошқача—ўзининг фожиа ва шиддатга тўла курашида қатъий ва жиддий бўлиб қолган. Аммо мана бу экранда унинг ватани яқингинада қандай бўлган бўлса, худди ўшандай эди. Ана шу экранда кўрган ватани учун, ҳозиргина томоша қилган қувончли байрам ленталаридан фронтга, ўлим қаъ-

рига жўнаб кетган миллиоилаб ватандошларидек, у ҳам ўз жонини қурбон қилишга тайёр эди.

Ана шу ленталарини энди ватанга хиёнат қилиш йўлига ўтиб олганлар диққат билан томоша қилишади, хиёнат қилган халқларига устмонлик билан янада кўпроқ зарар етказиш мақсадида томоша қилишади.

Бу уч кунни Иоганн азоб-уқубатда ўтказди. У «Вали штабига» ҳолдан тойган, гўё касалликдан сўнг алаҳлаш ва иситманинг зўрдан инсоннинг асаби бўшашиб, арзимаган нарсадан — бир оғиз қаттиқ сўз ёки ногаҳон кўтарилиб қолган шовқин-сурондан ҳўнграб йиғлаб юборадиган даражада ёки кўйлагининг тугмаси солинмай қолгудек бўлса фиғони фалакка чиқиб кетадиган ҳолга тушиб, мадори қуриб қайтиб келди.

Шу заҳотиёқ Иоганни штаб биносига сўроққа чақириб қолишди.

Текшириш комиссиясининг аъзолари стол ёнида, мактаб раҳбарларни эса нарироқдаги стулларда ўтиришарди.

Вайс Дитрихнинг чўзёқ юзи қанчалик оқариб кетгани, Герлахнинг тантанали вазиятда ўтиргани, Штейнглицнинг қанчалик ҳаяжонда экани, Лансдорфнинг эса ташвиш чекаётганлигини дарров фаҳмлаб олди. Фақат биргина Герд, гўё бу ерда рўй бераётган воқеа-ҳодисаларнинг унга сира алоқаси йўқдек, парвойи фалак ўтирарди.

Фазанинг қочиб кетиши Иоганн учун қанчалик ақл бовар қилмайдиган ҳодиса бўлиб туюлмасин, унинг чарчоқ, ҳорғин миясига таажжубдан бўлак ҳеч нарса келмади. Бу таажжуб унинг юзида ҳам акс этди.

Шу тобда Вайснинг бу йигитга нисбатан ўзида ҳис қилиб юрган пинҳона қаҳрли нафрати учун ўзини-ўзи койишга ҳам мажболи етмасди.

У шунчаки таажжубланди, холос. Эҳтимол, кейинчалик ўзининг узоқни кўра олмаганлигидан, уни ўта зийраклик билан кузата олмаганидан пушаймон бўлар, ич-этини еб ўкинар. Бироқ Иоганнинг бор қуввати ҳозир фақат таажжубланишга етди, холос.

Гўё, бу нарсаларнинг ҳаммаси тушида бўлаётгандек эди. Ҳеч нарса тўғрисида ўйлагиси ҳам келмасди. Аслида, бу ҳодисанинг Вайсга тегишли ери йўқ бўлиб, унга ҳеч нарса таҳдид ҳам солмасди. Ана шу хавфсизлик туйғуси, унинг барча сезгиларини ўтмаслаштириб қўйгандек туюларди.

— Хўш, ўзи нима гап?— дея ҳорғин фикр юритарди Иоганн. У Дитрихга эътироз билдирган, Герлах билан бирга бу йигитни инструктор қилиб бўлмайди, деб мактаб бошлигини огоҳлантирган эди-ку, ахир.

Ана шу Фаза туфайли капитан Дитрих кейинги пайтларда унга нисбатан анча совуқ муомала қила бошлаган эди-да. Ажаб бўпти, энди жазосини тортаверсин.

Ҳа, Дитрих-ку, жазосини тортади. Бироқ Дитрих энди бундан буён Вайсга керак бўлмайдами? Унинг ўрнига бошқаси келади. Ким? Янги келган одам Вайсга нисбатан қандай муносабатда бўлади? Штейнглицчи, ҳар қалай у ўзини Дитрихнинг ошнаси деб билади, Дитрих билан дўстлашишдан манфаатдор. Дитрихни олиб ташлашса, унда Штейнглицнинг ҳоли нима кечади? Хўш, Лансдорф бўлса уни қобилиятли ходим деб эмас, уни немис зодағони сифатида қадрлаганидан Дитрихга илтифот қилиб келади-ку, ахир. Бу ишларнинг ҳаммасидан ким манфаатдор бўлиб чиқади? Герлах. Фашист, мутаассиб, мансабпараст, бу ерда мактаб учун энг фойдали одам. Ваҳолонки, энг фойдали бўлгавдан кейин, Вайс учун энг хавfli киши бўлади-да.

Бу фикрлар Иоганнинг мясидан аввалига билинар-билинемас, сўнгра борган сайин тезлашиб ўтар экан, ҳозирча фаҳм-фаросат ишлатишнинг унчалик зарурияти йўқ деб ўйлаб, ақлининг оз бўлмаса йўқотаёзган тийраклиги қайта тиклана бошлади. Шундай бўлиши ҳам лозим эди. Ундаги шу фикр теранлиги бўлмаганда, узоқ вақтдан бери сабр-матонат, мислсиз эпчиллик ва зийраклик қилиб бу одамлар билан муносабатда бўлишдан кўзда тутган мақсадга эришолмас, қидирган нарсасини батамом йўқотган бўларди.

Иоганн бошини кўтарди, кўзлари чақнади. Кейин текшириш комиссиясининг бошлиғига қараб огир-вазмин ва хотиржам бир оҳангда гап бошлади:

— Жаноб штандартенфюрер! Аввалига мен «Фаза» лақабли собиқ курсантпи қораловчи материалларга эга бўлмаганлигимга иқрорман, ammo капитан Дитрих уни кузатиб юришни қайта-қайта буюрар эди. Шундан кейин мен курсант Фаза тўғрисида курсант Хряшчдан маълумот олдим-да, уни жаноб обер-лейтенант Герлахга йўлладим, бироқ у киши маълумотни эътиборсиз қолдирдилар.— Вайс Герлахга қараб қўйди.— Ахир сиз, обер-лейтенант, капитан Дитрихнинг фикрларига қарши эдингиз. Мен бевосита сизнинг қўл остингиздаги ходим бўлганим сабабли фикрларингизга қўшилишга мажбур эдим.— Сўнг у штандартенфюрернинг кўзига тикилиб туриб баён қилди:— Санаси кўрсатилиб менинг имзом чекилган маълумотнома обер-лейтенант Герлахга топшириладиган ахборотлар папкасида ҳануз сақланиб турибди.

Штандартенфюрернинг буйруғи билан бир эсэсчи хонадан чиқиб, папкани олиб келди. Хряшчнинг ёзиб берган маълумоти комиссия аъзолари ўртасида қўлма-қўл ўта бошлади.

Иоганнга, ҳозирча бўшсиз, кетаверинг, деб айтишди.

Шу билан уни бошқа чақиримлади.

Герлах мактабдан эсэсчилар соқчилигида жўнаб кетди.

Бироқ ёлғиз Штейнглицига Вайсининг қилмишини очиқчасига баҳоланиши лозим топди. У йўлакда Иоганн билан тўқнаш келган пайтда кўз қисиб, елкасига қоқиб қўйди-да, бармоғи билан унинг пешанасини кўрсатар экан, дўстона оҳангда:

— Мияннг бутун экан,— деб қўйди.

Ротмистр Герд Вайсга нисбатан серилтифот бўлиб қолди, лекин бунинг заминида пинҳона ҳадиксираш бор эди.

Лансдорф эса бир сафар истеҳзо билан деди:

— Кичик унвондаги одам офицер ҳаётини сақлаб қолди-я. Энди билсам, сен, пруссак, анча-мунча мугамбир йигит экансан. Мен сени соддароқмикансан деб ўйловдим.

Фон Дитрихга келганда, у Вайдан ўзини олиб қочадиган бўлиб қолди. Тўқнаш келиб қолганларида бўлса, совуқ кўзлари билан шунчалик гараз билан, синовчан тикилар эдики, гўё, ҳар нима бўлганда ҳам ўзи контрразведкачи — капитан Оскар фон Дитрих эканлиги, шу сабабли ҳеч қанақа олижаноб инсоний майлларга ишонмаслигини Иоганнга билдириб қўймоқчидек бўларди.

Иоганн Дитрихнинг кутилмагандаги бу адовати ўзига қанчалик таҳдид солиши мумкинлиги тўғрисида ўйлаб, бунинг сабабларини аниқлаш учун озмунча бош қотирмади.

Эҳтимол, димоғдор зодагон Дитрихга қўйи унвондаги кишини ўз халоскори деб билиш ёқмас. Еки ёлғон-яшиқ ишлатишга мажбур бўлганида Лансдорф ва Штейнглици каби Вайс ҳам унинг пасткашлик қилганига шохид бўлиб қолганлигидан қайғураётган бўлиши ҳам эҳтимолдан холи эмас. Ё бўлмаса яна бошқача бўлиши ҳам мумкин: Дитрих энди қандайдир йўсида ўз тақдирини Вайс билан боғлаб қўйгандан

кейин пафрат билан унинг ўз хизматларини эслатиши ва ҳатто ундан ҳам баттарроги — сурбетлик билан мукофот талаб қилишини кутиб юргандир.

Аммо, аслини олганда, Вайс бирон арзигулик иш қилгани йўқ-ку, ахир. У фақат текшириш комиссияси аъзоларига Дитрих Герлахнинг нуқтан назарларига қарама-қарши позицияда турган эди, деб айтиди, холос. Дитрихнинг Тансдорф билан Штейнглицнинг қўллаб-қувватлаши натижасида ўзи учун пайдо бўлган имкониятдан эпчиллик билан фойдалана билишининг эса Вайсга ҳеч қандай тааллуқли жойи йўқ, бу Дитрихнинг шахсий иши.

Нима қилса экан? Иоганн ўз қилмишига ҳеч қандай аҳамият бермаётганини ва ҳатто капитаннинг унвони, шон-шуҳрати бирданига қанчалик пастлаб кетиши мумкин эканлигини тушулмаган бўлиб, шуни Дитрихга шама қилиб қўйсаникан?

Йўқ, бундан буён Иоганн ўзини содда дил қилиб кўрсатолмайди. Атрофдаги одамлар назарида у эс-ҳуши жойида, фаҳм-фаросатли йигит сифатида шуҳрат топди, эндиги муғамбирларча соддалик фақат ишнинг пачавасини чиқариб, ўзини фош қилиб қўйиши мумкин.

Демак, яхшиси, бардош билан кутиш, ҳамиша сергак бўлиб туриш ва совуққонлик, хотиржамлик билан Дитрихни ҳовуридан тушириш лозим.

Бир неча кундан кейин Иоганн Эльза кўрсатиб қўйган махфий жойда Марказдан илтимос қилган нарсаси: курсант Михнинг хотини эрига атаб ёзган мактубни кўриб қолди. Вайс бу хатни кўпдан бери орзиқиб кутарди.

Тузнинг тавсияси ва ўзининг бевосига қўзатишлари Вайснинг дилида, бу киши билан иш бошласа бўлади, деган пшончи мустаҳкамлади. Шундан сўнг Иоганн Михни навбатдаги сиёсий суҳбатга чақириб, гапни узоқдан бошлади:

— Маршал Герингнинг айтишига кўра, узоқ муддатли иқтисодий сиёсат манфаатларини кўзлаб, Шарқдаги барча янги босиб олинган территориялар мустамлака сифатида ва мустамлакачилик методлари ёрдамида эксплуатация қилиниши лозим. Шу сабабли Шарқ халқларининг буюк Германияга хизмат қилган алоҳида намояналари ўз ватандошларига қараганда баъзи бир имтиёزلарга умид боғламоқлари мумкин.

— Тушунарли,—деди Мих.—Тушунтириб берганингиз учун ташакур, бўлмаса баъзи нодонлар, немислар фақат большевизмгагина қарши, деб тахмин қилиб юришбди. Маълум бўлишича, сизлар ақл ва режа билан фикр юртар экансизлар. Мустамлака — вассалом.

— Германия Шарқ халқларини большевиклар зулмидан озод қилгани эвазига иқтисод жиҳатидан бадал олиши керак ва адолат юзасидан шунга ҳақли,—деди Иоганн. Кейин тўсатдан жаҳл билан қатъий оҳангда сўради:—Сиз ўз ихтиёрингиз билан асир тушганмисиз?

Мих сергак тортиб Иоганннинг кўзларига қаради. Унинг чеҳрасидаги илжайиш аломатлари йўқолиб, чакаклари тараंगлашди.

— Контузия натижасида ҳушнинг йўқотиб қўйган пайтимда қўлга олинган. Одоб сақлаб ўзимни, худди тирик мурдадек, тутганман.

Вайс бепарволик билан деди:

— Бундан чиқдики, юраксизлик қилиб таслим бўлибсиз-да.— Ғазаб билан такрорлади:— Юраксизлик қилиб!

Мих ўрнидан турмоқчи бўлиб, ҳаракат қилди-ю, лекин шу заҳотиёқ ўзини ўнглаб, қисилган муштларини ёзиб юборди.

— Гапингиз тўғри,— деди Мих, кейин энгашиб сўради.— Нима, дов-
юракли қилганимда хурсанд бўлармидингиз?

— Ҳа, хурсанд бўлардим!

— Буни қайси маънода тушунса бўлади? Яъни, демак, фронтда
сизларнинг солдатларингизни бошлаб адабини берай-да, кейин худди
шу йўсинда ўзимизникиларни урайми? Бунақаси сира бўлмайди-ку!
Фронтда сизларникипи жон-жаҳди билан урган одам, ўзиникиларга
қўл кўтармайди. Ҳа, тилка-порасини чиқариб юборганда ҳам қўл кў-
тармайди.

— Демак, бу ердагиларнинг ҳаммаси ҳам кўрқоқ демоқчимисиз?

— Йўқ, нега энди? Довюраклармиз! Бундан ортиқ нима бўларди.
Бундан нари борадиган ери ҳам қолмади.

— Қолмадимми?

— Йўқ, нега энди, борадиган ер бор: дорга-да!

— Қаерда?

— У ёқда ҳам, бу ёқда ҳам.

— Сиз қаердагисини афзал кўрасиз.

— Мени чалғитмай қўя қолинг, ҳожати йўқ,— мулойимлик билан
эшитмос қилди Мих.

— Коммунистмисиз?

— Ана ҳолос. Бошқатдан бошламоқчимисиз?

— Туз-чи— коммунистми?

— У ким ўзи?

— Ҳарбий асирлар Союзи комитетининг аъзоси.

— Ҳеч ким ва ҳеч нарсани билмайман.

— Хўп, бўлмаса, бошқача гаплашамиз.

— Урмоқчимисиз? Майли, ура қолинг. Лагердан кетганимдан
кейин бир оз эсимдан чиққан эди-ю, лекин у кунларни унутиб чакки
қилган эканман.

Вайс, гўё эшитмагандек, давом этди:

— Туз, унинг топшириқларини бажаришга розилик берганлигингиз
ҳақида кўрсатма берди.

Мих қовоғини солиб оёқларига тикилар экан, деди:

— Менга қара, ефрейтор, яхшиси, сафсатани бас қил. Гап билан
жонимни ҳиқилдоғимга келтирганинг етар, бунақага бўш келадиган-
лардан эмасман.

— Ҳали шунақами!—Иоганн тўппонча қинининг қопқоғини очди.

Мих истеҳзоли жилмайди.

— Хона ичини қон қилишнинг нима ҳожати бор Кейин бошлиқла-
рингиз хафа бўлиб юришади.

— Юр бўлмаса!—буюрди Иоганн.

У Михни омбор биноси орқасидаги девор тагига бошлаб борди.
Уянинг юзини тахта деворга қаратиб қўйди-да, тўппонча тумшуги билан
гарданига енгилгана туртиб, деди:

— Қани, охири марта сўраяпман?

— Отавер,—деб жавоб берди Мих.—Отавер, фриц, ишни чўзиб
ўтирма.

— Энгаш,— деди Вайс.

— Энди бу нима деганинг, аблаҳ, ҳали сен палидга қулай бўлсин,
деб таъзим ҳам қилайми?— Мих бирданига кескин ўгирилди-да, Иоган-
нинг кўзларига қаҳр билан тикиларкан, талаб қилди:

— Афтимга қараб отавер! Қани, бўл!

Вайс тўппончани қинига солиб қўйди.

— Шундай қилмай иложим йўқ эди. Сўнгра нарироқдаги гўла
ёғочни кўрсатиб деди:—Ўтирамизми?—Кейин ёнидан цилиндр шаклида

ўралган юпқа папирос қоғозини олиб, унга узатди.— Бу хотиннигиздан.— Тушунтирди:— Ишонаманки, энди ҳеч қандай шубҳага ўрин қолмас.

Мих ўроглиқ қоғозни ишонинқирамай олди-да, очиб ўқий бошлади. Аста-секин унинг чеҳрасидаги газаб ҳам сўна бошлади, кейин чеҳраси титрай бошлади-ю, кўққисдан Иоганнинг қулоғига ё йўтал, ё бўғиқ ҳўнграшга ўхшаш овоз эшитилиб қолди.

У ўрнидан туриб нарироққа бориб турди.

Осмонда паға-паға бинафша ранг булутлар аста-секин сузиб борарди. Уларнинг оралигидан милтиллаб юлдузлар кўриниб турарди. Юпқа қор ёғиб, устини чанг босган ердан ачимсиқ лой ҳиди келарди.

Турма деворларига ўхшатиб тепасига тахтадан соябон қилинган, устига тиканли сим чирмалган баланд деворнинг сояси поёни йўқ жарликдек туюларди. Теварак-атрофни оғир сунунат босганди.

Мих Вайснинг ёнига келди. Ана шу бир неча минут ичида унинг чеҳраси синиқиб, қалқиган бўлса-да, кўзлари чақнаб турарди. У шивпрлаб сўради:

— Сизни «ўртоқ» дейишга ижозат берасизми? Шундай деб атасам мумкинми? Еки, ҳали бирон иш кўрсатиб небот қилмагунимча, мумкин эмасми?

Иоганн унга қўлини узатди-да, тушунтирди:

— Ўзингизга маълум сабабларга кўра, сиз учун, ефрейтор Вайслигмича қолавераман.

Мих унинг қўлини қаттиқ сиқди.

— Механик-ҳайдовчи, сержант Тихон Лукин.

— Бўлмаса гап бундай, сержант Лукин,— деди Иоганн жиддий оҳангда.— Биринчи топширқ. Барча фанлардан аълочилар қаторига ўтиб оладиган даражада яхши ўқинг. Сиёсий тайёргарлик бўйича ҳам худди шундай. Советларга қарши ташвиқ қилувчи анави китоблардан ҳам ҳазар қилманг: бошқа курсантлар билан бўладиган суҳбатларда асқатиб қолади. Бўлмаса, сезнимча бунга аҳамият бермас экансиз. Беш кундан кейин машгулот пайтида менга бирон-бир савол билан мурожаат қилинг. Мен сизни суҳбатлашишга чақиртираман. Гап шу. Энди баракка боринг.

— Ўртоқ,— дея кўққисдан аянчли оҳангда илтимос қилиб қолди Лукин.— Рўхсат этинг, мен шу ерда бир оз ўтирай.— Сўнг айбини бўйинга олгандек деди:— Негадир оёқларим қалтираб кетяпти, ҳар қалай ўлим таҳдидини тотиб кўрдим. Тўппончани ниқтаб турганингизда, бутун вужудим билан шайланган эдим. Мана энди бўлса бўшашиб кетдим.

— Яхши,— деб розилик билдирди Вайс.— Дамингизни олинг.— Кейин яна такрор илтимос қилди:— Ҳар қалай, етказган азиятим учун мени кечирарсиз.

— Рафиқамнинг хатини сақлаб қўйсам майлими?— пичирлаб сўради Лукин, мунгли оҳангда.

— Йўқ,— деди Иоганн,— сира ҳам мумкин эмас.

У папирос қоғозини куйдириб, кулни оёғи билан тўзғитиб ташлади-да, орқасига қарамай нари кетди. Шу тобда унга юзи сукунат ичра нурланаётгандек туюларди: у ўзини гоёта бахтиёр ҳис қиларди. Инсонни тубанликка тушишдан, энг даҳшатли, ҳалокатли ўлим чангалидан сақлаб қолиш бахт-ку ахир. Гарчи, гоҳи-гоҳида Иоганн эътиборини жалб қилган киши ўзини батамом хоинлик чокига ташлагандек бўлиб туюлса ҳам, бу ердагилар фақат чиқиндилару, чин инсонлар йўқдек кўринса ҳам, инсоний ҳиссиётларнинг энг майда белгиларига қадар жуда нозиклик билан кузатиш натижасида тўпланган меҳнатга яраша бахт эди бу.

Бу ўлим тиғи устида яккама-якка олишув деган гап эди. Инсон учун олишув эди бу. Инсон жазога лойиқ иш қилган, лекин Иоганн унга ўз айбини ювиш учун имконият яратиб бериш орқали жазодан халос қилиш учун курашмоқда.

Қилган хиёнатидан руҳан эзилган кишининг қалбига йўл топа билишдай мушкул иш йўқ эди...

Мана, «Фаза» лақабли анави йигитни олинг... Қочиб кетганидан сўнг орада бир неча кун ўтгач, уни тутиб олишди. Фашистлар бечорани қуниб, яшириниб ётган чордогидан том устига чиқариб юборишибди. У сўнгги ўқи қолгунча жанг қилибди-да, кейин худди трамплиндан сувга сакрагандек қалдирғоч бўлиб, ўзини томдан ташлабди.

Уни ўлар ҳолатда сўроққа олиб келишибди. Йигит ғинг деб оғиз очмабди. Охири кучипи тўплаб, тепасида энгашиб турган таржимонга кўрсатиш учун бошмалдоғини икки бармоғи орасига олибди-ю, лекин қўлини кўтаришга мажболо етмабди. Шундай, уч бармоғини қовуштиргачча оламдан ўтибди.

Иоганн, ўзини бу йигитнинг ўлимига айбдордек ҳис қиларди. Бу йигитча душмандан қасос олиш учун бу даҳшатли ёлғизликда мардона жасорат билан ўзини нақадар пинҳоний муғамбирликка маҳкум қилди-я! Иоганн бўлса унинг қалбида туғён ураётган истакнинг лоақал кичик шарпасини ҳам сеза олмади-я!

Курсантларга, Фаза мактаб филиалларидан бирига кўчирилди, деб эълон қилинди.

Иоганн Михга ҳақиқатда воқеа қандай рўй берганини гапириб берди ва ўзи ишончга лойиқ деб билган кишиларга бу гапларнинг ҳаммасини эҳтиёткорлик билан сўзлаб беришни тавсия қилди. Шу билан бирга у Фаза шахсий иш папкасидан маълум бўлишича 1922 йилда туғилган МГУ студенти Андрей Андреевич Басалиганинг — мардларча жасорати ҳақида Марказни ҳам хабардор қилиб қўйди.

Иоганн Андрей Басалига ҳақида ўйлар экан, ҳам унинг ҳалок бўлганига ўкинади, ҳам муғамбирлигини пайқашга ўзи ҳам ожизлик қилган бу ажойиб йигитга қойил қоларди. Вайс ҳам мана устомонликни ўрганиб, бу ерда кундан-кунга унинг барча сир-асорини ўзлаштириб бормоқда. Иоганн ўз бурчини равшанроқ англаган сари кўз ўнгида алоҳида шахс сифатидаги шухрати сўниб борар, шу боисдан ҳам ишончли сафдошлар топишига бўлган умиди мустаҳкамланиб борарди.

Курсант Фазанинг қочиши ва унинг «хиёнати» «Вали штаби» қошидаги Марказий разведкачилар мактабига доғ бўлиб тушди ва натижада барча воситалар қўллангани ҳолда фақат курсантлар кетидангина эмас, ҳатто ўқитувчи-инструкторлар орқасидан ҳам кузатув ишларининг кучайишига сабаб бўлди.

Дитрих ўз қўли остидаги контрразведка бўлими ходимлари билан биргаликда бунга мувофиқ бир талай чора ва тадбирлар ишлаб чиқди. Унинг режасига биноан ҳатто абвернинг анчайин обрўли ходимлари ҳам текширув синовларидан ўтмоқлари лозим эди.

Мих Вайсдан олган кўрсатмаларига амал қилиб дарсларни дуруст ўзлаштириши натижасида бошқа курсантлар орасида анча кўзга кўриниб қолди. Советларга қарши тарғибот қилувчи китобларни қунт билан ўқиши унга Гитлер сиёсатини дурустгина маъқуллаш имконини берди. Ёз устига, у энди ўзини дадил ва қувноқ тутиш билан бошқаларга ибрат бўлар, бу ҳол эса бошлиқларда жуда яхши таассурот ҳосил қиларди. Ана шуларнинг барисин жуда махфий бир вазифани бажариш

учун белгиланган группага Мнхнп бошлиқ қилиб тайинлаш учун эсас бўлди.

Бу группани алоҳида бинога кўчиришди. Бу ерда абвернинг бир офицери курсантларни қўпоровчилик ишларида қўлланиладиган иккита энг янги немис снарядлари билан таништириб, уларга қунт билан бу снарядлардан қандай фойдаланиш йўлини ўргата бошлади.

Снарядларнинг бири темир йўллари портлатишга мўлжалланган эди. Бу конус шаклидаги металл трубка бўлиб, тагига ҳар нарсага ёпишиб қоладиган елимсифат модда суртилган эди. Трубканинг тепасига эса портлатгичнинг ипи уланадиган бурама қалпоқ ўрнатилганди.

Снаряд рельсга ёпиштирилиб, кейин қалпоқчаси бураб олинарди-да, унинг дарҳол портлаб кетиши туфайли ипни тортгандан кейин иложи борича, тезроқ пана жойга қочиш лозим бўларди.

Иккинчи снаряд колбасага ўхшаш чўзинчоқ бўлиб, телеграф столбалари, электр снмлари мачталарини портлатишга хизмат қиларди. Сув ўтказмайдиган қоғозга хамирсимон модда ўралган эди. Портлатиш олдидан бикфорд шнурининг учига боғланган капсула «колбасага» тикиб қўйиларди.

Булардан ташқари офицер курсантларга, ўт қўйиш воситаларининг турларини намойиш қилиб кўрсатди. Маълумки, немислар бундай нарсаларни ишлаб чиқаришга жуда уста эдилар.

Ана шуларнинг ҳаммаси бу группа қўпоровчилик вазифасини бажаради деган маънони англатарди.

Сўнги лекциялар ҳам ўқиб тугатилди: таъқибдан эҳтиёт бўлиш усули, қўлга тушиб қолинган пайтда ва сўроқ вақтида ўзини қандай тутиш лозимлиги уқтирилди.

Қамоқ жойларида ўзларини қандай тутишлари кераклигини азбаройи семизлигидан нафас сиқиш дардига мубтало бўлган семиз бир лектор ўргатарди. У турмалардаги одатлар ва уларга мослашиш усулларини худди бу ишда жуда омилкор одамга ўхшаб шу қадар таъсирли, шу қадар жозибали тасвирлар, ўзининг эпчиллиги ва уддабуронлигини шу қадар мақтар эдики, кишида беихтиёр унинг турмада ўтказган кезлари ҳаётининг энг гўзал даври бўлса керак, деган фикр пайдо бўларди.

Бироқ унинг саволларга берган жавоблари кескин зиддиятлардан иборат эди. Бир томондан у курсантларга тетиклик ва умидворлик ҳиссиётларини сингдиришга мажбур бўлгани учун уларни турма режимларининг қаттиқлиги билан кўрқита олмасди. Иккинчи томондан эса ихтиёрий равишда таслим бўлиб боргандан кўра ўзларини ўзлари ўлдирганлари афзаллигига ишонтириш учун улардаги барча умид учқунларини сўндириб, қамалиш ва турма даҳшатлари билан уларни кўрқитиши лозим бўларди. Шу боисдан у тўғри жавоб беришдан қочиб, ҳадеганда заҳарли хапдориларини герман химия саноатининг дурдонаси сифатида, дарҳол таъсир қиладиган ва демак, жонни унча қийнамайдиган восита сифатида зўр бериб мақтарди.

Сохта ҳужжатлардан фойдаланиш тартиби тўғрисида йўл-йўриқ кўрсатиш машқини доим ғамгин кўрнадиган, узунчоқ юзли, тепакал киши олиб борарди. Унинг ўз тишлари тушиб кетган бўлиб, ўрнига танглайли ясама тиш қўйиб юрарди. Шунинг учун ҳам гапирганида унинг оғзидан гўё қопқон шақиллагандек овоз чиқиб турарди. Валюта билан савдо қилгани учун қамоқ муддатини ўтаётган бу одамни немислар турмадан озод қилиб юборишган эди. Ота мерос бўлган бу касбга боғланиб қолганлигидан у совет маъмурий органларининг иш юритиш услубларини мукамал ўрганиб олганди.

У ўзининг осилган солқи қорнига маъюс тижилганча минғиллаб лекция ўқирди:

— Командировка гувоҳномасига учиш кунидан бир кун олдинги санани, ўзинглар ёзиб қўясизлар. Командировка муддати, амалдаги қонунга биноан ўн беш сутка. Шунинг учун муддат тўгагач, янги командировка гувоҳномасини пишиқ-пухта қилиб тўлатиб олинглар.

Ҳарбий ва гражданча ҳужжатларни бир жойда сақламанглар. Бирор кўнгилсиз ҳодиса рўй бериб қолгудек бўлса, биринчи навбатда ҳарбий ҳужжатларни йўқ қилинглар. Башарти, гражданча ҳужжатларингизни қалбаки эканлигини билиб қолишса, ҳарбий хизматдан қочиб қолиш учун сотиб олганман, деб баҳона қилишингиз мумкин. Энг қаттиқ жазо—фронтга жўнатишади. Борди-ю, иккала комплект — ҳам ҳарбий, ҳам гражданча ҳужжатларингизни бирдагина топиб олишгудек бўлса, унда жосус эмаслигингизни исботлаш мушкуллашади.

Тайинланган жойга етиб борганларингдан кейин шаҳар коменданти ҳузурига кириб рўйхатдан ўтинглар. Зинҳор-базинҳор шошилманглар. Борди-ю, навбатчининг синчковроқ эканлигини пайқаб қолгудек бўлсанглар эртасига қадар сабр қилиб туринглар. Жойлашганда меҳмонхоналарга эмас, шахсий уйларга, энг яхшиси бева аёллар уйига жойлашинглар. Ҳарбий мажбуриятдан озод этилиш медицина кўригидан қайта ўтиш шарти билан берилади. Лозим бўлган моддани ўзинглар танлаб олинглар. Ўзингларда шу моддага мос нишонларнинг бўлиши мақсадга мувофиқ бўлади. Агар бундай нишонлар бўлмаган тақдирда, асабий касалликни танланглар, ўз-ўзини ҳар кўйга солишинг усуллари тўғрисида қўшимча консультация бўлади.

У кўкимтир, ялтироқ тишларини кўрсатиб, жилмаяр экан, деди:

— Шахсан ўзимнинг тажрибамда таъқиб васвасаси ишонарли чиққан эди. Ундан ташқари, рак касалига мубтало бўлганман, десангиз ҳам бўлади. Бу касал баҳонасида ҳатто қамоқ жойларида неча марта-лаб парҳезлик овқатлар олишга ҳам муяссар бўлганман.— Виқор билан баён қилди.— Герман полиграфияси шу қадар юқори чўққига эришганки, «қалбаки ҳужжат» ясашда ҳеч ким немисларга тенг келолмайди.— Эҳтиёткорлик билан қўшиб қўйди:—Лекин ўша жойда ҳақиқий ҳужжатга эга бўлишнинг иложи бўлса, яна шуни унутмангларки: «Ўзини асрагани худо ҳам асрайди». Шахсан меннинг маслаҳатим шуки, порага жуда ҳам орқа қилманглар. Олишга олишади-ю, кейин ўзингизни ҳам аспаласофилингга жўнатишади. Бу борада, шахсий тажрибамда аянчли воқеаларни бошимдан кечирганман.

Қалбаки ҳужжатлар ясаладиган устахона эшигига тунука қопланган ва деразасиз бир бинога жойлашган эди. Авваллари «Соатлар, печатлар, оптика» артелида хизмат ўтаган наққош — Бабашкин аталмиш бир чол, шу ерда тутқунликда яшарди. У кечаси йиғма каравотда ухлаб, кундузлари уни йиғиштириб қўярди. Барча ҳужжатларни турли хил усулларда ёзиш ва зарур бўлган маълумотларни мувофиқлаштириш шу чолнинг зиммасига юклатилган эди. У ҳужжатларга ҳар хил перо ва турли рангдаги снёҳлар билан хилма-хил қилиб қўл қўярди.

Ҳар бир курсант уч марта — бир бор ҳарбий кийим бошда ва иккинчи сафариди паспорт ва гувоҳномалари учун бошқа-бошқа гражданча кийимда суратга олинарди. Ҳужжатларга ёпиштирилганда янги олинганлиги билиниб қолмаслиги учун суратлар химик усулда қайта ишловдан ўтказиларди.

Иоганн гувоҳномалар тексти ёзилдиган машинканинг ёзув намуналарини топишга муваффақ бўлди. Ундан ташқари қалбаки партбилетларнинг муқовалари бирмунча ярқироқ эканлиги, уларни қиялаб қаралганда ялтироқ шуъла сочилиб турилишини фаҳмлаб олди. Шунингдек, Иоганн Бабашкин командирлар составининг ҳисоб дафтарчаларидан пул олиш учун лозим бўлган талонларни қирқиб олаётганида ишлатаётган кичкинагина қайчисининг дафтарча қиррасига аррасимон из қолдирилишини ҳам пайқади.

Иоганн мана шу тўплаган маълумотларига бу ерда ҳужжатларга сурат ёпиштириш учун ишлатилаётган елим намунасини қўшиб, белгиланган махфий жой орқали Марказга юборди.

Ротмистр Герд ҳужжатларни курсантлар қўлига топширишдан олдин группани сўнгги маротаба насиҳат қилгани тўплади.

У қатъий оҳангда мўлжалланган ишнинг силлиқ битишига умид боғлаганини айтди. Елғон-яшиқ разведка маълумотлари тўқиш бефойда экани, барча маълумотлар қайта текширилажани таъкидлади. НКВД га мурожаат қилиш учун бўлган ҳар қандай интилиш разведкачини ҳалокатга олиб келади, немис қўмондонлиги эса бундан бир оз моддий зарар кўриш мумкин, холос, деб уқтирди.

Кейин у ўрнидан туриб, илтифот билан табассум қилар экан, деди: — Қимда-ким иккиланаётган бўлса ёки қўрқса, ҳозир айтиб қўя қолсин. Сизларга, биз билан ишлаш ёки ишламаслигини ҳал қилиш учун сўнгги имконият бериляпти. Башарти, бирон киши бош тортгудек бўлса ҳам, унга ҳеч қандай ёмонлик раво кўрилмайди. Фақат лагерга қайтариб юборилади ёки қурбн келадиган бошқа бирон ишга жойлаштирилади.

Герд кутиб турди. Аммо бунга иқроор бўладиган содда дил лақмалар топилмади.

Бу ишлар ҳақида Мих Вайс томонидан огоҳлантирилган бўлиб, у ҳам ўз навбатида группасидаги энг ишончли икки кишини худди шу тарзда пишитиб қўйган эди.

Жўнаб кетишларидан бир неча кун илгари группага кийим-бош бера бошлашди. Улар иссиқ ички кийим олишди. Қўйлақлар ҳаво ранг, иштонлар эса пахмоқ ва тўқ сариқ трикотаждан эди. Джемперлар кул ранг тусда-ю, ёқаси ва энг учларида яшил ҳошиялари бор эди. Иссиқ пахмоқ совет пайтавалари иккига бўлиб чорбурчак қилинганди. Омборда фақат қизил аскарларнинг тиринка шимларигина қолган экан. Командирлар составининг шинеллари эса мутлақо қолмабди. Пойафзал деярли кирза этиклардан иборат эди.

Гражданча костюмлар хорижий бичиқда эди: шимларнинг орқа чўнтаги иккитадан, пиджаклар бир ёқлама тугмаланиб, этак учлари гардиш нусха қилиб тикилганди. Қўйлақлар одатда ёқасиз эди. Баъзан устахоналарда уларга этагидан қирқиб ёқа тикилар, агар кўйлақ йўл-йўл материалдан тикилган бўлса, ёқасидаги чизиқлар узунасига эмас, кўндаланг тушганидан яққол билиниб туради.

Деярли ҳаммага тумшугига қора чарм тикилган қўнжсиз брезент ботинка беришди.

Берилган кийим-бош ва пойафзалларни лагерда кийиб юриш мумкин эмасди: ўлчаб кийиб кўрилгандан кейин дарҳол ҳамма нарса ўралиб, тугиб қўйинлиши лозим бўларди. Башарти, группа бирон-бир сабабга кўра жўнамай қолгудек бўлса, кийим-бошларнинг қайси бири кимга тегишли экани кўрсатилган белги қўйилиб, қайтадан омборга топшириш керак эди.

Вайс мана шу майда-чуйда, кўринишдан арзимайдигандек туюладиган икир-чикирларни билиб олиб катта иш қилган эди. Мазкур ни-

шоналар жуда муҳим аҳамият касб этарди; улар жинойтчиларни аниқлашда далил бўлиб хизмат қиларди. Ҳатто немислар ўз айғоқчиларига берган бу кийим-бошларини кийдириб эскиртишларига имкон бермасликларининг ўзиёқ совет кишиларининг ўткир кузатувчанликлари учун белги хизматини ўташи мумкин эди. Чунки уруш ва муҳтожлик йилларида оҳорли кийим кийган одам ҳеч бўлмаса қочоқ ёки қаллоб бўлиб чиқарди.

Штейнглиц кийим-бош тарқатиш жараёнини энсаси қотган ҳолда кузатиб турарди.

Гитлер Советлар Иттифоқига бостириб киришдан олдин, Европа давлатлари билан бўлаётган уруш давомида бавосита ҳарбий фаолиятни кенг қулоч ёйдириб, унга алоҳида аҳамият берган эди. У мазкур мамлакатлардаги бошқарувчи синфлар орасидан чиқадиган кўнгилли ва шу йўлга зўрлаб киритилган айғоқчиларга уларнинг ўз шахсий манфаатларини кўзлаган шухратпарастлигига, мансабпарастлик майлларига умид қилган эди. Йирик-йирик молиячилар, саноат корчалонлари ўз мамлакатларининг мустақиллиги ҳисобига янада бойиб, халқаро концерндаги немис ҳамкасблари билан муваффақиятли суратда ҳамкорлик қилардилар.

Шу пайтга қадар герман қўмондонлиги очиқ-ойдин ҳарбий ҳаркатга нисбатан душманга у ёки бу формада ичдан ҳужум қилишни афзал кўриб келар эди.

Штейнглиц илгарилари Гитлер урушни душманни пароканда қилиш ва унинг тартиб-интизомини бузишдан бошлашини биларди. Яширин урушнинг асосий мақсади ҳам душманни заҳарлаш, унинг қаршилиқ кўрсатишга бўлган иродасини букишдан иборат эди-да, ахир.

Хўш, «айғоқчи» деб ном олган манави кишиларнинг ўзлари кимлар? Чиқиндилар. Рақибнинг истеҳкомига, мина майдонларига подадек ҳайдаш учун оёққа турғизилган ўлимтиқлар. Уларнинг ҳалокати ҳам душман лагерларидаги тузоқларни, яширин хавфларни аниқлаш учунгина кўмаклашиши лозим эди.

У Европа мамлакатларида ёлланган тажрибали, обрўли айғоқчиларни эслади. Гарчи, бу одамлар унга бегона бўлсалар-да, майор улар билан доим умумий тил топа билар, ҳамфикр бўлишга эриша оларди. Ҳар икки томоннинг ҳам ҳаётий мақсадлари бир эди-да, ахир. Худди Штейнглиц каби улар ҳам ўз фаровонликларини хорижий банкларда ўз ҳисобларига ёзиладиган сўлкавойларда деб билишарди. Шунинг учун ҳам улар хиёнат қилганларида ўзларининг шахсий манфаатларига эмас, ҳукуматларига хиёнат қилишарди. Ҳарбий мағлубиятга учраган тақдирда ҳам, ҳар хил йўл билан пул топишни истаган ва бунинг уддасидан чиқадиган ҳар бир кимсанинг ҳаёт мақсади ёки моҳияти эмас, фақат ҳукуматгина ўзгарар эди, холос.

Мана булар-чи?

Улар энди, одам ўлдирнади, портлатишади, айғоқчилик маълумотлари юбориб туришади ҳам дейлик. Бироқ рақибнинг курашга бўлган иродасини букишга, уни заҳарлашга, у ёки бу совет доираларида ҳамдардлик, ҳамкорликка эришишга уларнинг лаёқатлари етармиди? Штейнглиц совет ҳарбий асирларини кузатар экан, Россияга қарши урушнинг сиёсий стратегияси сохта асосга, Совет Иттифоқида мавжуд тузумга қарши бўлган одамлар кўп, деган афсонага таянганлигини тушуниб қолган эди.

Агар вазият ҳақиқатдан ҳам шундай бўлганида, абверчиларнинг ҳарбий асирлар орасидан мақсадларига мувофиқ келадиган одамлар топа билишларининг ўзи кифоя эди. Бироқ, афсуски, аҳвол тамоман бўлакча эди.

Айғоқчиликка ёлланганларнинг асосий қисми иродаси бўш, лагердаги режим туфайли руҳан букилган, ўлимдан кўра хиёнатни афзал кўрган кишилардан иборат эди.

Штейнглиц жинорий полицияга ишга кириб, ўз фаолиятини эндигина бошлаётган пайтлардаёқ полициянинг энг яхши айғоқчилари собиқ жиноятчилар эканлигига ишонч ҳосил қилган эди. Лекин улар, абвернинг бошқа капиталистик мамлакатлардан ёлланган сиёсий айғоқчилари каби қайта тарбиялашга муҳтож эмасдилар. Бу ҳол уларнинг ишончли эканлигига гаров ҳам бўла оларди.

— Хўш, манавилар-чи?

Каллакесарликни касб қилиб олган катта жиноятчи очдан ўлиб қолмаслик учун хашаки ўғрилиқ йўлига кирган одамлардан қанчалик нафратланса, Штейнглиц ҳам булардан шунчалик нафратланарди.

Майор энсаси қотиб бурун жийирганича айғоқчиларнинг кийим-бошларини ўлчаб кўраётганларини кузатиб турарди. Ҳатто уларнинг мана шу, европача ярқироқлик ва олифталикдан маҳрум арзонгина кийим-бошлари ҳам уни жиркантирарди.

Афтидан, Лансдорф ҳам худди шундай кайфиятда бўлса керак. У Бенито Муссолини билан биринчи жаҳон уруши йилларидан бери, ҳали Муссолини «Иккинчи бюро» айғоқчиси сифатида ўралашиб юрган пайтлардаёқ таниш эди: ўша пайтларда у француз разведкасининг хизматини ўтаб, Париж, Рим, Лондондаги энг эътиборли хонадонларга қабул қилинган бадавлат немис аристократ-разведкачиси Лансдорфга ҳам хизмат килиб юрарди. Уинстон Черчиллнинг ўзи ҳам ўз сиёсий фаолиятини разведкачиликдан бошлаган эди. Лансдорф ўзи таниш бўлган Черчиллнинг бунчалик кўтарилиб кетишини фаҳмлай олганда-ку, ишлар бутунлай бошқача бўлиб кетган бўлармиди... Гитлер-чи? Унинг даврида немис разведкасининг бу қадар ривожланиб кетиши бежиз эмас. Гесс японларнинг ялпи жосуслик системасини йиллар давомида ўрганиб, диссертация ёзди ва худди шу усул кейинчалик анча-мунча кенгайтирилиб, Рейх замнинга кўчирилди.

Курсант Фаза воқеаси Лансдорфга оғир таассурот қолдирди. У зўр иродали бу шахснинг сирини пайқай олмаган эди. У билан суҳбатлашгандан кейин Лансдорф врачнинг ўғли бўлмиш бу серғайрат, билимдон йигит фашист ақидаларига ишонганидан кейин узоқни мўлжаллайдиган, мураккаб вазифаларни бажаришга қодир бўлиб қолади, деб умид қилган эди. Шунақаям алданадими, киши? Шунинг учун ҳам энди у, хизмат юзасидан ўз хавфсизлигини сақлаш майлига амал қилиб, бу курсантлар орасидан Европа мамлакатларининг кўпидан топилган ажойиб айғоқчилар каби одамларни топишга сира ҳам интилмай қўйди.

Эндиликда Лансдорф ротмистр Герднинг ахборотлари билан кифояланиб, бирор қорн ҳол руй бериб қолгудек бўлса махсус ажратилган ҳужжатларининга кўрсатиб, ўз манфаатларига зид бўлганларини йўқ қилиб юбориш учун ундан оғзаки эмас, фақат ёзма маълумот талаб қиладиган бўлиб қолди.

Курсант Фаза воқеасидан дарғазаб бўлган Дитрих эса ўзига хос бўлмаган ғайрат билан махсус группа ҳозирлигининг барча этапларини синчиклаб кузатиб борарди. Курсантлардан бири ботинкани бепарволлик билан ўлчаб кўраётган эди, оморчи унга бир пойининг таг чарми сал кўчганини айтди. Шунда Дитрих курсантнинг енгилтаклик билан: «Ҳа, майли, шуниси ҳам бўлаверади...» деганини эшитиб қолди. Шу баҳона бўлди-ю, у курсантни махсус группадан ўша заҳотиёқ чиқариб юборди.

Байс буларнинг ҳаммасидан, Дитрихнинг ғоят сергак бўлиб қолгани

ҳозирги пайтда айниқса, ўзим учун хавfli бўлиб қолди, деган хулосага келиб қўйди.

У Дитрихнинг ҳурматини ўрнига қўйиб, у буюрган ишни ўз вақтида бекаму кўст адо этар, бевосита хизматга тааллуқли бўлмаган гаплардан эса иложи борица ўзини олиб қочарди.

Дитрих курсант Фазанинг ўлими Вайсда қандай таассурот қолдирганини билмоқчи бўлиб кўрди-ю, лекин Иоганн ўзини бепарво тутиб уч-тўрт оғиз сўз билан жавоб бериб қўя қолди:

— У боланинг асаби жуда бўш экан... Айғоқчилик ишидан кўрққан, шунинг учун ҳам қочиб қолган.

— Охирги ўқи қолгунча отишибди-ку, ахир!

— Бу ишни қочгани учун жазодан кўрқиб қилган.— Кейин истеҳзо билан қўшиб қўйди:— Жон аччигида қилган-да, саваланишдан кўрққан, холос.

Мактаб лагерининг старшинаси «Читтак» лақабли ҳарбий асир эди. У барваста, хом семиз одам бўлиб, доим курсантларга дағдага қилиб юрар ва талабчанликда шафқат деган нарсани билмасди.

Биринчи жаҳон уруши йилларида у немисларга асир тушган эди. Уттизинчи йилда у совет савдо делегацияси составида қатнашиб (унга тўқимачилик саноати учун бўёқлар сотиб олиш топширилганди), Германияга борган ва ўша ерда қолиб кетган эди. Берлинда у оқ гвардиячилар марказидан нафақа олиб турди, советлар кайфиятида бўлган муҳожирлар ҳақида гестапога чақимчилик қилди. Жосуслик иши билан Совет Иттифоқига юборилганида эса кўрқоқ эканлиги маълум бўлди. Пулини ресторанларда, маишат базмларида совурди. Шунинг учун ҳам қайта чақириб олингач, концентрацион лагерга қамалди. Лагерда ҳам у ўзини гестапо ушлаб олган совет граждани деб кўрсатиб, қамалган немис коммунистларининг ишончини қозонгач, улар устидан чақимчилик қила бошлади. Лекин чуви чиқиб қолди. Лагердан уни рус ишлари бўйича мутахассис сифатида абверга ўтказишган эди, кўп нарсадан хабарсиз экани билиниб қолди. Шундан кейин таржимонлик қила бошлади. Суюқ оёқ бир аёлга уйланди. Шу даража ахлоқсиз аёлга уйланиши учун абвердан ҳам ҳайдалди. Кейин хотинининг қарамоғига ўтиб қолди. Хотини махсус касалхонага тушиб қолгандан кейин тунги меҳмонхонада швейцар бўлиб ишлади. Совет элчихонасига келиб, қандайдир йўл билан уларни аврашга муяссар бўлди. Унга раҳм-шафқат қилиб, ватанига қайтишга ижозат беришди. Бироқ 1941 йилнинг июль ойида Қизил Армия сафига чақирилгач, яна немислар томонига қочиб ўтди.

Читтак курсантларга шундай дерди:

— Руслар мужик ва солдатлар аҳли, генералларимиз эса ҳамиша немислардан бўлган. Немисларда қалб деган нарса йўқлиги рост. Қалб — бизда, славянларда бўлади. Хаёлпарастлик ва нодонлик ҳам ана шундан келиб чиқади. Немис нимани ёқтиради? Тартиб, саранжом ва саришталик. Бизда эса бу нарса йўқ. Шуларга риюя қилсанг омон юраверасан.

Ўзи қўпол, тўпори бўлган бу одам бошлиқларнинг ишончини қозониш учун бу хислатларнинг янада бўрттириб кўрсатишга интиларди.

Ротмистр Герд Читтакни славянларнинг намунали нусхаси деб ҳисобларди.

Ҳадиксираш васвасасига мубтало бўлиб қолган Дитрих Читтакни рус монархистларининг яширин тарафдори деб шубҳа қиларди. Монархистлар эса Россия большевиклардан озод бўлиши биланоқ, унинг

тахтпни рус подшохи эгаллайди-ю, немислар ихтиёрий суратда ўз йўллари билан кетаверадилар, деб ўйлайдиган лақмалардан иборат бўлиб, улар ягона, бўлинмас буюк Росспянинг мухлислари эдилар. Дитрих монархистларнинг бу зайлда фикр юритишларини бўлмағурлигидан ташқари, зарарли хом хаёлларга ҳам сабаб бўлади, деб ҳисобларди: Россия, Украина, Қавказ — буюк герман империясининг мустамлақаси бўлажигига шубҳа қилмаслик керак. Шундай бўлгандан кейин, бу территорияларни бошқаришнинг бошқа йўли бўлиши ҳам мумкин эмас. Бошқача фикрдаги кишилар шубҳали кишилар бўладн. Дитрих Читтакни кузатиб юршни буюрдн.

Бундан ташқари Дитрих штаб радиостанциясининг радисти, собиқ штурмчи Хаккега ҳам ишонинқирамай қарарди. Дитрих уни 1934 йилнинг 30 июлида герман генералитетининг талабига ён босиб, фюрер томонидан штурмчиларнинг бошқа раҳбарлари билан биргаликда қатл этилган Ремга хайрнхоҳ бўлса керак деб ўйларди. 1930 йилдан бери миллатчи-социалистлар партиясининг аъзоси бўлган Хакке ҳам оберлейтенант Герлах каби ашаддий фашист эди. Лекин у Герлахга нисбатан бир оз ақллироқ бўлиб, штурмчилар энг жирканч жаллодлик вазифаларини бажариб, немис халқини террор қилгани, Гитлер эса герман магнатларининг эътиборини қозониб, улардан генштаб ҳомийлигида уруш ҳозирлигини кўриш тўғрисида кўрсатма олгандан кейин таги паст миллатчи-социалистларга шунчаки вермахтнинг жанговар, жазоловчи кучи, ўйламай-нетмайдиган, қутурган мутаассиблар холос, деб қарай бошлаган эди. Шунинг учун ҳам Хакке Герлахга ўхшаб, Дитрихни азалдан ҳукмрон синф ҳисобланган прусс зодагон ҳарбийларининг намоён-даси деб билгани учун ҳам, уни ўлардек ёмон кўрарди.

У Гердага нисбатан ҳам худди шундай муносабатда эди, чунки Герд учун нацилар билан ҳамкорлик қилиш капиталистик монополияларнинг миллатчи-социалист раҳбарлари билан ўзаро нш олиб бориш воситасигина эканлигини тушунарди.

Герд ўз умидларини пучга чиққан деб биларди. У нацистлар ҳаракатининг ветерани бўлгани учун дурустроқ лавозимга эга бўлиш умидида эди. Лекин унинг унвони ва лавозимидан қатъи назар ҳар бир нацининг сиёсий жиҳатдан қанчалик ишончли эканлигини кузатиш учун нацистлар партиясининг махфий айгоқчилари сафига қўшиб қўйишганди. У Вайснн синаб кўришга анча уриниб кўрди-ю, лекин Иоганн ҳам бўш келмай, унинг уринишларини жуда усталлик билан даф қилиб турди. Қадимги Рим тарихидан етарли даражада хабардор бўлган Иоганн Хаккега нацилар қайси удум ва одатлари римликлардан ўрганганини ва улар дастлабки кўринишларида нимани англатишини иштиёқ билан ҳикоя қилиб берарди. Бу ҳол эса илмоқли саволларга чап беришга ва шу билан бирга фашист одатлари мажмуасининг ипидан игна-сига қадар чуқур билишини намоён қилишига имконият яратарди.

Аммо Вайснинг бу ердаги ҳаёти атрофидаги одамларнинг ўзига нисбатан хилма-хил муносабатларининг фарқини пайқаш ва шуларга асосланиб, ҳар бир киши билан муносабат тактикасини тузишдан иборат эмас эди. Шунингдек, у фақат умум жамлангандан разведкачининг меҳнати ҳисобланган: маълумот тўплаш, қайта ишлаш, материал ташкил қилиб, уни жўнатиш, диққат-эътибори остидаги кишиларни ўрганиш каби ишларга ҳам бор кучини сарф қилиб қўймаслиги керак эдн.

Асосий вазифасини амалга ошириш имкониятига эришмоқ учун у, энг аввал намунали абвер ходими сифатида ўзини кўрсатиши лозим эди. У буйруқ берадиган эмас, бор-йўғи бошқаларнинг буйруғини бажаралган, жуда кўп кишиларга тобе бўлгани учун, табийки, фақат ўз вазифасинигина ўтаб қолмай, ўзи тобе бўлган кишиларга тегишли ва-

зифаларнинг бир қисмини ҳам бажаришга тўғри келарди. Бажарганда ҳам шунчаки хўжа кўрсинга эмас, балки абверчиларнинг фаразига кўра чян немиснинг қои-қонига сингиб кетган ўта пухталиқ билан, ўринлатиб бажо келтириш лозим бўларди.

Вайс, хизмат борасида озгина янглишгудек ёки бирон-бир кишига итотсизроқ кўрингудек бўлса, ўзини дарҳол фронтга жўнатажакларини биларди. Шунинг учун ҳам у ҳамма вақт икки томолама ҳушёрлик кўрсатишга мажбур эди: бир томондан, ўзининг абверчи эканлигини бир дақиқа ҳам ёдилан чиқармай хушёрлик билан хизмат қилиши, иккинчидан, ўз вазифасининг муваффақияти абвердаги хизматиининг муваффақиятли боришига тўғридан-тўғри боғлиқ бўлган совет разведкачисининг ҳушёрлигини кўрсатиши лозим эди.

Табиийки, шу бондан Вайс бир томонлаги иши ҳар қанча кўпайганига қарамай, иккинчисини сусайтира олмасди. Аксинча, биринчи томондан бирон топшириқ олгудек бўлса, худди мокиннинг ҳаракатига ўхшаб, қарама-қарши томондаги фаолиятни ҳам кучайтириш зарурати туғиларди.

Бу ишларни расамади билан бажариш учун Александр Беловнинг куч оладиган бирдан-бир манбаи совуққонлик ва режа билан ишлайдиган ақл-заковати эди.

Миясига бир оз бўлса ҳам, расмана дам бериш учун, у ўзини туш кўрмай ухлашга одатлантирди. У озгина бўлса ҳам имкоин топди дегунча миясини ишлатмай «телбага айланиб», маълум муддатга асабларининг кўзгаш кучини сўндиришга кўниқди. У гўё юзига сердиққат тингловчи ниқобини кийиб олгандек, бошлиқларининг узундан-узоқ панд-насиҳатларини эҳтиром билан эшитаётган қиёфада кўрсатиб, миясига дам бериш учун, ҳеч нарсани ўйламай, хотирламай, сархуш бўлиб ўтирарди.

Ана шундай хотиржамлик Иоганнга ундан бор куч-қувватини талаб қиладиган иккала вазифасини жуда аниқ ва пухта қилиб бажаришда катта ёрдам берарди.

Варшавага қилинадиган сафарлар қанчалик қисқа бўлмасин, Иоганн ўлардан иложи борица унумли фойдаланишнинг пайдан бўларди. Шундай қилиб у бир сафар генерал-губернаторликда жун тайёрлашни назорат қилувчи кичкина империя амалдори билан танишишга муяссар бўлди.

Иоганн ўша амалдорнинг машинасини армия гаражида тузаттириб берган эди.

Бунинг эвазига амалдор, афтидан, ўз навбатида Вайсга кимлигини кўрсатиб қўйиш учун бўлса керак, ўзига топширилган вазифа жуда муҳим аҳамиятга эга эканлиги билан мақтанди. Яқин пайтларгача қишки кийим-кечак тайёрлаш фақат оккупацион қисмлар учунгина мўлжалланган эди. Бироқ энди Шарқий фронтдаги ҳамма армияларни иссиқ кийим-бош билан таъминлаш ҳақида буйруқ олинди.

Бу ҳол Россияни 1941 йилнинг охиригача бартараф қилиш тўғрисидаги Гитлер ва унинг генералитети берган ваъдаларга қарамай, генштаб, узоқ муддатли урушга пинҳона ҳозирлик кўраётганидан далолат берарди.

Иоганн радиостанция биносига ўрнатилган шифр аппарати — криптографни тузатиш учун Берлиндап юборилган мутахассис механикка айлнқса, кўп илтифот кўрсатди.

Криптографларни швед фирмаси ишлаб чиқарарди. Лекин бир неча йил муқаддам гитлерчилар акцияларнинг контроль пакетини сотиб олишга муваффақ бўлиб, фирманинг ҳақиқий хўжайини бўлиб олган эдилар. Фирма жаҳондаги кўпгина мамлакатларнинг махсус хизматла-

рини ўз маҳсулотлари билан таъминлаб турарди. Шундай қилиб, у кутилмаган бир пайтда гитлерчилар бостириб киришни мўлжаллаган Европа мамлакатларида ўрнатилган криптографларнинг тез ишдан чиқадиган қисмларини алмаштириб беришдан бош торғди. Бу мамлакатларнинг махсус хизматларидан айниқса, зўр фаолият талаб қилиб турилган айни бир вақтда аппаратлар ишдан чиқа берган эди.

Механик ўзини профессорларга хос виқор билан тутарди. Иоганн уни Варшава вокзалида кутиб олди-да, «Вали штаби»га олиб келди ва ҳатто ўз хонасини унга бўшатиб бериб, бунинг эвазига кечқурунлари у билан суҳбатлашиш ҳуқуқига эга бўлди.

Шунга ўхшаш машиналар конструкцияси ҳақида Иоганн бир оз тасаввурга эга эди. Академик Линев, вақти келиб улардан хотиранинг поёнсиз маълумот омбори сифатида фойдаланиш мумкин бўлади, деб қисоблар ва бу машиналарнинг буюк келажаги бор, деб таъкидларди.

Вайс механик билан суҳбатлашар экан, криптографга ўхшаш механизмларнинг комбинацияли вазифаларни бажаришда аниқ ва равшан ишлаши мумкинлигига шубҳа билдириб, кесатиб-муқатар ва бу билан ниҳоят даражада ҳамсуҳбатнинг жигига тегарди. Аммо у ўз мутаассиблигини техникадан хабардорлиги билан мустаҳкамларди. Шу сабабдан механик Вайснинг гапларини рад қилнш мақсадида криптографнинг тузилиши схемаси билан уни мукамал таништирибгина қолмай, балки жаҳл устида кодлаш системасини қай тартибда созлашни, шифрловчи белгилар ўз-ўзини қандай йўл билан назорат қила олишини, қайси бир деталлар ўзининг ноаниқ ишлаши билан шифрлаш ва уни ўқишнинг аниқлигини бузиши мумкинлигини қоғозга чизиб, тушунтириб берарди. Тушунтириш жараёнида эса бузилган намуналардан намойиш қилиб, қаерда, қайси жойда ноаниқлик рўй берганини кўрсатиб ҳам ўтарди.

Иоганн бу алоҳида-алоҳида маълумотларнинг ҳаммасини Марказга жўнатди ва у ерда кодларни шифрлаш калити топилди.

Маълумки, бундай сирлар бир вақтнинг ўзида икки кишининг қўлида сақланадиган иккита калит билан очиладиган ва ундан ташқари деярли ҳар ҳафтада алмаштириб туриладиган алоҳида шифр тўплами ёрдамида очиладиган учинчи қулфга ҳам эга бўлган сейфларда сақланарди.

Абвер чет давлатларнинг махсус бўлимларидан ана шундай сирларни ўғирлаш учун пора билан сотиб олиш, одам ўлдириш, портлатиш каби воситаларни қўллайдиган операциялар планини ишлаб чиқди. Бу операцияларнинг амалга оширилишида энг ашаддий разведкачиларнинг бутун-бутун группаларни иштирок этарди. Бу сирлардан воқиф бўлишда Иоганнга фақатгина унинг ихтирочилиги ва топқирлиги эмас, асосан, ўзининг янги, шунчалик мушкул соҳага қурбон қилган пухта математик истеъдоди ҳам жуда қўл келди.

Гарчи, код вақти-вақти билан алмаштириб турилса ҳам, ишлатилиб турган бирмунча муддат мобайнида Марказ «Вали штаби»нинг ахборотларидан хабардор бўлиш имкониятига эга бўлди.

Ана шуларнинг барчаси ефрейтор Иоганн Вайснинг меҳнати билан боғланган ҳолда разведкачи Александр Беловнинг ҳар куни қиладиган ишлари қаторига қўшилларди. Ахир у мактабдаги таржимонлик ишидан ташқари идора ҳисоботлари тузиши ва қўпоровчи группалар юбориш мўлжаллаган совет районлари ҳақида хилма-хил маълумотларни ўз ичига олган конспектлар ёзиш билан ҳам банд бўларди-да. Бошқаларнинг ҳар хил топшириқларини бажаришга, уларнинг оилаларига посилкалар жўнатишдан тортиб, мактаб бошлигининг моддий-хўжалик ишлари бўйича муовини ўрнига Вайс ёзадиган молия ҳисоботларини ту-

зишга қадар бўлган барча ишлар учун оз мунча вақт талаб қилинмайди, дейсизми.

Боз устига, яна Иоганн ўз мақсадлари учун мўлжаллаб қўйган курсантларни ҳам узлуксиз кузатиб туриши лозим эди. Вайсга айтмоқчи бўлган маълумотларини қисқача қилиб гапириб беришни жуда тез ўрганиб олган Мих эса уларнинг яширип фикрларини эҳтиёткорлик билан билиб оларди-да, учрашган пайтларида йўл-йўлакай майдондан то баракка етиб боргунча унга лйтиб берарди.

Ҳаддан зиёд банд бўлишига қарамай, Иоганнинг ишлари дуруст борарди. Шунинг учун ҳам ротмистр Герднинг фронт ёқасидаги аэродромгача махсус группани кузатиб боргани ўзи билан бирга машинага ўтиришни буюриб қолиши Вайс учун кутилмаган бир ҳодиса бўлди.

Ротмистр Иоганнга фақат ўз хонасига кириб ботинканинг ўрнига этик кийиш ва бир сидра ички иссиқ кийим олиб чиқишигагина ижозат берди.

Иоганн айгоқчилар жойлашиб олган усти ёпиқ машинанинг шофери ёнида қовоқлари осилган радист Хаккеннинг ўтирганини шайқаб қолди. Айгоқчилар орасида эса негадир фронт орқасига юбориш учун тайёрланмаган лагерь старшинаси Читтак ҳам ўтирарди.

Ротмистр группаларни аэродромга ахён-ахёндагина кузатиб борарди. Одатда бу иш офицерлардан бирига топшириларди.

У деярли бутун йўл давомида Вайс билан лутфан суҳбатлашиб кетди, ҳатто разведка мактабидаги хизматнинг фойдали эканлиги ҳақидаги мулоҳазалари билан ўртоқлашди ҳам. Мисол учун, шахсан ўзининг бу ерда орттирган катта тажрибалари бундан кейинги савдо ишларида қўл келишини айтди. Афтидан, Вайс улкан «ИГ Фарбениндустри» концернига биринчи қўллардан маълумот олиш имконини берадиган «Н — В — 7» Бюроси деб аталмиш иқтисодий разведка хизмати мавжудлигини билса керак. Шунинг учун ҳам «Вали штаби»да орттирилган айғоқчилик тажрибаси, шубҳасиз коммерсия разведкасининг услубларини бойнати, чунки усиз битта ҳам обрўли фирма муваффақиятли ривожлана олмайди.

Шу боисдан ҳам Германия жаҳон майдонини эгаллаб олган тақдирда рақобат қилувчи давлатлар қолмаслигига қарамай, немис концернлари ўртасидаги рақобат қолаверади. Уларга тажрибали разведкачи агентларнинг хизматлари зарур бўлиб туришини айтар экан, Герд Вайсга иқтисодий разведка соҳасида мутахассислашишни маслаҳат кўрди.

Иоганн бунчалик тўсатдан жўнаб кетиши натижасида қандай ишлари чала қолгани ва бунчалик зудликнинг сабаби нима эканлигини ўйлаб ўтириб, ротмистрнинг гапларини парншон хотирлик билан тингларди. Шунингдек, у бу зудлик фаяқулудда бўлмай, бундан кўзда тутилган мақсад нима эканини билишга уривиб, ҳар қанча ҳаракат қилгани билан бу ишнинг уддасидан чиқа олмади.

Вайс бу тўғрида гап очиши билан Герд дарров сергак тортар ва қовоқларини солиб жимиб қоларди. Герднинг хатти-ҳаракати Иоганнинг тўсатдан жўпатилиши аввалданоқ аллаким томонидан мўлжаллаб қўйилгани тўғрисидаги тахминини мустаҳкамлашга мажбур қиларди. Аммо у ким бўлдийкин?

Теварак-атрофни нуқрадек қор қоплаганди.

Ротмистр эгнига электр иситгичли учувчилар комбинзонини кийган бўлиб, худди шуни назарда тутиб кабина полига ўрнатилган аккумуляторларга унинг шнурини улаб қўйган эди.

Тепадаги махсус тутқичларда иссиқ кофе солинган иккита термос

турарди. Бироқ ротмистр ўзига термосдан кофе қўйиб оларкан, ҳар гал Вайсга ҳам таклиф қилишни унутиб қўяверди. Шунингдек, у қопқоғига, пластмассадан ишланган тарелкалар, буклама пичоқ, қошиқ, вилка ва ҳатто мева суви сиқадиган асбобгача багарғиб ўрнатилган сафар қутчасидаги нонуштани очганида ҳам Иоганнга олинг дейишни раво кўрмади.

Бўрон бошланди. Машина ойнасида гириллаб ўтиб турган оппоқ гира-ширада Вайс ён атрофдаги қишлоқ ва шаҳар аҳолисининг солдатлар назорати остида қор курашаётганини кўрди. Баъзиларнинг қўлида курак ҳам бўлмай, улар тахта бўлаклари билан қор курашарди.

Ротмистр ухлаб борарди. Уйқусида унинг юзлари солқиган, лаблари осилган ва кўринишидап бу тирек инсоннинг чеҳраси эмас, ниқобдек туюларди.

Шятоб билан ёғаётган қуруқ қор машина ойнасига шигиллаб урилиб турарди. Олд ойнаклардан қорни гичирлатиб сидириб турган ойна артичлар метронемга ўхшаб бир меъёрда ҳаракат қиларди. Уларнинг бир маромда тебраниши вақтни санаб бераётган соат капгирига ўхшарди.

Фақат эпдигина, ана шу бекор қолган вақтида Иоганн ўзининг нақадар ҳоригани, чарчаганини пайқади. Мислсиз сергакликдан, доимий ўткир, серқирра тафаккур заруратидан, аллақачон номаълум тенгламаларни ҳал қилишдан, ўз-ўзини тинмай назорат қилиб боришдан ва бошқа барча нарсаларга ҳушёрлик билан қаратиладиган сезгир диққат-этибордан бир зумда хотиржам вазиятга ўтиш ўз кучини кўрсатган эди. Буларнинг ҳаммаси ёлғиз бир кишининг барча билан ҳар куни, ҳар дақиқа узлуксиз давом этадиган олишувига ўхшарди.

36

Ротмистр Герд Вайсни назар-писанд қилмай кабинанинг зирхланган совуқ деворига қисиб қўйиб, ялпайганича ёнбошлаб ётарди. Учувчилар киядиган электр иситкичли комбинезон ичида мириқиб ухлаб, анча-мунча коньяк қўшилган кофе ичиб олгач, унинг кайфи жуда чоғу, Вайс билан чақчақлашгиси ҳам йўқ эмасди.

Афтидан, Герд ўзининг унвонини унчалик юқори эмаслигига қарамай — у ротмистр эди холос — герман санаотида тутган мавқеи генералга тенг ва ҳатто ундан ҳам юқори эканлигини ҳамроҳига тушунтириб қўйишни истаган кўринарди. Ҳақиқатан ҳам йирик капиталга эга бўлган унга ўхшаш кишилар шу даража дадил эдиларки, ҳатто энг ашаддий нацилар ҳам овоз чиқариб айтишга журъат қилмайдиган гапларни ҳайнқмай бемалол гапираверишарди.

Канарис тўғрисида Герд, биринчи жаҳон уруши йилларида у машҳур Мата Хари билан биргаликда айбқоқчилик қилган, лекин узунқулоқ гапларга қараганда, шеригини французларга сотиб, «Иккинчи бюро» тузоғидан қутулиб қолган, дея менсимайгина ҳикоя қилди. Ҳозир Канариснинг аҳволи ҳавас қилишга арзигудек эмасмиш, чунки Гиммлер эртами-кечми барибир барча разведка бўлимларини бирлаштириб, ўзига тобе қилиб олади-да, амалда империя бўйича иккинчи ўриндаги шахс бўлиб қолади. Гейдрихга келганда эса, гўё у бувисининг қабридаги, устига Сара Гейдрих деб ёзилган эски мармар тошни ўғирлашни буюрганмиш-да, ўрнига фақат исм-фамилиясининг бош ҳарфлари ўйиб ёзилган тош қўйдирганмиш, деган овозлар юрарди. Бундан Канарис хабардор экан. Гейдрих ҳам бундан Канариснинг хабардор эканлигини билар, шунинг учун ҳам улар ўзаро келишишга мажбур эканлар.

Герд нацилар ичидаги энг узоқни кўра биладиган одам деб Геринг-

ни ҳисоблар экан. Унинг ордонларга ўчлиги ва амалпарастлиги ҳеч гапмас, негаки, Геринг ақл-хуши борида тўғри йўл танлаган бўлиб, унинг концерни Германиянинг ҳақиқий ҳукмронлари ҳисобланган Стайнес, Борзиг, Крупп, Тиссен каби зодагонлар даврасига кириб боришга имкон яратиб берарди. Германия империясини ташкил қиладиган одамлар ҳам худди ана шулар эди. Гитлернинг сиёсий истеъдоди ҳам худди шунда, миллатчи-социалистлар партиясининг бошқа раҳбарларига қараганда бу аҳволни илгарироқ пайқаганида эди.

Герд 1936 йилда генерал штабининг олий мансабдорлари бўлажак урушнинг режаларини ишлаб чиқар экаплар, Дрездепда ҳарбий машқлар ўтказганларида бу шиддатли урушнинг иқтисодий таъминотини ҳозирлаб бераётган Бош, Феглер, Шпрингорум, Сименс, Тиссен, Крупп, Борзиг ва бошқа йирик саноатчилар ҳам қатишгапликларини айтиб берди. Аммо немис генерал штаби билан империя ҳукумати тор миллий манфаатлар юзасидангина фикр юритсалар, йирик саноатчилар улардан тафаккурларининг кенглиги билан фарқланардилар. Уларнинг халқаро иқтисодий алоқалари, давлатлар ўзаро бир-бирлари билан уруш ҳолатида милар-йўқми, бунга боғлиқ эмасди.

Масалан, Крупп биринчи жаҳон урушидан илгари «Виккерс-Армстронг» номли инглиз ҳарбий фирмаси билан шартнома тузиб, унга гранаталарнинг портлатгичи патентини сотган экан. Шартнома тузилганда ҳар бир ишлатилган граната учун бир шиллингдан тўлашга келишган эди, ана шунага биноан инглизлар ҳанузгача Круппга ҳақ тўлаб келардилар. Бошқа немис фирмалари ҳам оптик принциплар учун худди шундай мўмай пул олиб туришарди.

Ўз навбатида, немис саноатчилари ҳам шундай шартлашувга кўра хорижий фирмаларга, хусусан, АҚШнинг йирик концернларига ҳақ тўлаб турардилар.

— Шунинг учун ҳам,— деди Герд насиҳатомуз,— бизнинг Россияга юришимиз фақат рейх манфаатини кўзлабгина эмас, балки асосий мақсад — коммунизмни тугатишни кўзлайдиган муқаддас урушдир, коммунизм эса Европа халқларининг мустақкам таянчли цивилизацияга бўлган эътиқодини сусайтиришга уринади.

Йоганн сўради:

— Агар гапларингизни тўғри тушунган бўлсам: инглиз солдатлари худди ўша системадаги портлатгичли гранаталарни бизга қараб қанча кўп отишса, инглиз фунтларининг оқими, биз томон шунчалик кўпаяди, тўғрими?

— Жуда тўғри,— дея унинг гапига қўшилди Герд.— Шунинг учун ҳам маданий давлатлар ўртасидаги урушлар ҳар қанча вайроналик келтирмасин, оқибат-натижада энг буюк саноат бирлашмаларининг сиёсий ва иқтисодий таянчларига путур етказмай, уларнинг иқтисодий ва молиявий қудратларини оширади. Худди ана шундай вазиятлар туфайли биз биринчи жаҳон уруши оловларидан, гўё фениксга¹ ўхшаб чиқдик ва ундан ҳам ортиқроқ ғайрат, ундан ҳам кўпроқ қурол-яроғ билан янги зўравонлик ҳаракатига киришдик.

— Сиз, шубҳасиз, министр бўласиз,— деди Вайс.— Анализ қилиш истеъдодингиз гоят зўр экан.

— Мен фақат нарсаларни ўз номи билан атаяпман,— дея камтарлик қилди Герд. Сўнг очик кўнгил билан қўшиб қўйди:— Баъзи бир ёшларимиз молиячиларни зеби-зийнат ва айшу ишратда яшайдиган бекорчилар деб ҳисоблашади. Кўриб турибсизки, мен бор куч-қувватимни ишга сарфлаяпман, ҳеч қандай ортиқчаликка йўл қўймай, ҳамма офи-

¹ Феникс — қадимги грек мифологиясида кўлдан чиққан қуш.

перлар қатори машаққат ва муҳтожликка чидаяпман. Шу билан бир қаторда ўта қатъият билан шу қадар кенг миқёсдаги зўравонлик чораларини қўллаб, бизни қизиллар хавфидан халос қилганлиги эвазига мен фюрерга садоқат ва миннатдорчилик билан хизмат қиляпман. Ахир бу хавф мулкчиликнинг ҳуқуқий принципларига асосан тарих давомида яратилиб, муносиб кишилар томонидан бошқариб келинаётган системанинг омон қолишига таҳдид солаётган эди-да.

Гомелдаги 315-сон абвер группаси жойлашган бинода тунайдиган бўлишди.

Мазкур группанинг абверчи офицерлари одатдагидек гражданча кийимда эдилар. Улар бир-бирлари билан сира ийманмай ошна-оғайнлардек муносабатда бўлишарди. Кўпчилиги зиёллар оиласидан чиққанлари учун ҳам тарбия кўрган ва одобли кишилар эди. Бу группа ходимлари «Вали штаби»нинг вакилларига ялтоқилик қилмай, ёқимли, айни бир вақтда хийла ошиқроқ даражада ҳурмат билан меҳмондўстлик кўрсатишди.

Меҳмонлар билан суҳбат олий табақага мансуб олди-қочди мавзуларда бўлди. Абверчи офицерлар умуман бировларни иғво қилишдан тойинмасди. Шу сабабли улар стол атрофида ўтирганлардан баъзиларининг икки-чакр ишлари ҳақида ҳазил-ҳузул гаплар айтишди, лекин бу ҳазилга нишон бўлганлар ўзларини сипо тутиб, дамларини чиқармай ўтиришаверди.

Герд билан Вайс шарафига уюштирилган кечки овқат вақтида худди шундай дўстона ҳазилга зондерфюрер Вилли Крахт нишон бўлиб қолди. Ҳазилкашлар унинг аёллар билан бошидан кечирган саргузаштларига шама қилишарди. Бу гаплар Крахтнинг ўзига ҳам мойдек ёқаётгани кўриниб турарди. Зондергруппа бошлиғи Дресс, суҳбат орасида қизик бир воқеани ҳикоя қилиб берди. Вилли Крахт парашютчилар группасидан Рая Мокина деган бир радист қизни зўрлаб жазман қилиб олган экан. Кейинчалик шу Мокинанинг хонлиги, душманга хизмат қилиб юргани сезилиб қолибди. Уни иккинчи марта, бу гал Крахтнинг қалин дўсти Вилли Шульц бошлиқ бўлган Гомелдаги СД органлари қамоққа олибди. Шульц Крахтга ҳазил қилиш ниятида сўроқ пайтлари ўша аёлни ўйнаш қилиб олибди.

Кейин икковлари ҳам, хизмат бурчлари юзасидан, аёлнинг қатл этилишида иштирок этишган экан, тўсатдан у «Вилли! Вилли!» деб чақириб қолибди. Лекин уларнинг икковлари ҳам «Вилли» бўлиб, унга нисбатан бир хилда алоқада бўлганликлари сабабли шундай бир кулгил аҳволга тушиб қолишибдики, ҳатто қатлни ижро этаётган унтер-офицер ҳам ўзини тутолмай жилмайиб қўйибди.

Шундан кейин Дресс ўзини қўрқувни ҳам, таънани ҳам билмайдиган киши қилиб кўрсатишга интилиб, ҳикоясини изоҳлади:

— Кўриб турибсизки, юмор ҳисси бурчимизни бажариш билан боғлиқ бўлган баъзи кўнгилсиз томонларни бебаб туради.— Ўтирганлардан фақат Герд билан Вайсгина кулмаганликларини пайқаб, бошқача, жиддий оҳангда деди:— Аммо умуман мен бунақангни кўнгил очишларни маъқул кўрмайман.— Кейин, Крахтга мурожаат қилиб, сўради:— Хотирингиздами, Вилли, ўтмишда аллақандай кичик бир муассасанинг машинисткаси бўлган Мила деган биттаси турмада узоқ муддат ётиб, гестапонинг аяча-мушча ҳафсалали сўроқларидан кейин, бизда дам олганди? Тўғри, жуда ориқ ва силласи қуриган бўлса ҳам, келишган-гана жувон эди. Лекин баъзи бировларга худди шунақаси ёқади-да. Шундай қилиб, бизда меҳмон бўлиб турган берлинлик юқорн мансаб-

даги офицерлар кечки овқат пайтида бир оз ичганларидан кейин ҳалиги жувонни ёлғнзлатмасликнинг пайдан бўлиб қолишди.

Мен нима қилдим денг? Машинани илдамроқ гизиллатдим, уни олиб дачага жўнаб қолдим. Бу ишдан берлинлик дўстлар рапжибгина қолмай, роса жиғибийронлари чиқибди. Улар бизни ёмонлаб кетишлари мумкин эди. Лекин шундай қилмасам ишимизнинг пачаваси чиқарди. Мен бўлсам бу ишни абвер манфаатини кўзлаб қилган эдим. У аёл эртаси куни махсус вазифа билан жўнатилиши керак эди. Ўзингиз бир ўйлаб кўринг-а, ахир у бир эмас, бир неча эркакнинг қўлидан чиққандан кейин, вазифасини қандай қилиб бажара оларди? Шунинг учун мен ҳеч иккиланмай, дадиллик билан уларнинг майлларига ғов бўлдим.

— Шундай қилиб, ўша орнқ жувон ҳозир қаерда?— сўради қизиқсиниб Герд.

Вилли Крахт ўзини тутолмай қулиб юборди, лекин Дресс, унга хўмрайиб қараб қўйди-да, бажону дил тушунтирди:

— Афсуски, жаноб ротмистр, сизни хабардор қилиб қўйишга мажбурман: йиқилиб абжағи чиқди. Парашют билан биринчи марта сакрагандаёқ, очилмай қолибди. Лекин, тахминимча, техник сабабларга кўра бўлмаса керак. Биласизми, уларнинг баъзилари, вазифани бажаришдан қутулиш учунгина шундай ярамас, хунук ишлар қилишади.— Эҳтиром билан қўшиб қўйди:— Албатта, сизнинг мактабингизда таълим олаётганларнинг баҳоси йўқ. Бизлар бўлсак шунга ўхшаш талофатларга кўникишга мажбурмиз. Турмалардаги одамларни тезлик билан ёллаймиз. Кўпчилиги жисмоний жиҳатдан ҳаддан ташқари мажолсиз кишилар. Оёққа туришлари биланоқ, вазифага жўнатамиз. Тайёргарлик учун бериладиган вақт эса жуда қисқа. «Дурустроқ» нусхалар — бир вақтлар большевиклар катта-катта ер-мулкларини тортиб олган мулкдорларнинг ўғиллари ҳам учраб туради. Ушанақаларда террорчилик ишларига иштиёқ зўр бўлади. Бироқ, афсуски, улар ҳам ўша ўз ерларига эгалик қилаётганлар қўлида қурбон бўлишади.— Ҳасрат қилгандай деди:— Сиз белорус қишлоқларини кўрганмисиз? Мужикларини-чи? Осиде. Ҳар қандай Европа мамлакатларидаги ер-сувли деҳқонлар қаршисида уларни гадо деса бўлади. Жумбоқ мана шунда-да. Бутун-бутун қишлоқлари билан партизанлар отрядига қўшилиб, тиш-тирноқлари билан олишишади. Фикримча, улар сиёсий жиҳатдан биз тахмин қилганимиздан кўра анча ортиқроқ даражада йўлдан озиб кетишган.

Шунинг учун ҳам СС ва вермахт қисмларининг кучларини бирлаштириш воситаси билангина бу босиб олинган территориялардаги ортиқча аҳолни ёппасига қириб ташлаш мумкин. Инсонпарварликка тўғри келмаса ҳам, мақсадга мувофиқ келадиган бирдан-бир чора шу бўлади.

Вилли Крахт Вайсга ўз хонасида тунаб қолишни таклиф қилди.

Меҳмоннинг сиполик қилиб турганини Крахт дворян оиласидан чиққан кишиларнинг ўзига хос бир димоғдорлигига йўйди ва уни ўзига мойил қилиш истагида Рая Мокина билан бўлган алоқаси тарихини батафсил ҳикоя қилиб берди.

Ичилган винодан кейин Крахт сархуш эди, шу сабабдан у каравотда ётганича узун суяк муштукда сигарета чекар экан, хаёлчан кўз юмиб, ҳикоя қиларди:

— Унинг қанчалик ажойиб эканлигини тасаввур қилолмасангиз ҳам керак. Аввалга мени кўргани кўзи йўқ эди. Лекин мен уни ҳовуридан тушириб, янада ёқимлироқ қилиш учун, СДнинг маҳаллий бўлим бош-

лиғи Вилли Шульц билан дўстлигимдан фойдаланиб, ундан Раянинг гапига қараганда мутлақо айбдор бўлмаган маҳбусларга вақтинча енгиллик беришни илтимос қилдим. Ҳатто маҳбуслардап унга хат ҳам келтириб бердим. Ундан ташқари, ўзимни ҳам унинг ташвиқотларига нишон қилиб қўйдим. Ота-онамни ишчилар даражасига тушириб камситдим. Уз тўғрида қаёқдаги ёлгон-яшиқ гаплар топиб, гўё мактабда ўқиш учун тўйинлаб пул тўплаганман, дея ҳикоя қилдим. Ишонасизми, СДдаги суҳбатлардан силласи қуриган бу қиз ҳатто мени, бўрилар орасига тушиб қолган қўйдек билиб, раҳми кела бошлади.

Унинг соддалиги шу қадар таъсирли ва жозибали эдики, сизга очигини айтсам, уни севиб қолдим. Афсуски, ёлғиз қолган пайтларимизда у менга бўлмагур гапларни гапирарди. Унинг ишончсиз эканлигидан Шульцни расмий равишда хабардор қилиб қўйишга тўғри келди.

— Кейин нима бўлди?

— Узингиз эшитдингиз-ку: уни қатл этишди.

— Бунга асос бормиди?

— Ҳа, Шульцда баъзи бир асослар бор эди... Бу бовариялик тўғриси Шульц лоақаал жазманлигимни назар-эътиборга олиб бўлса ҳам бир оз шошмаса бўларди.

— Уни эслаб турасизми?

— Ҳа. Гарчи, у совет одами бўлса ҳам, лекин шубҳасиз ўзига ҳос содда дил, мусаффо ва эътиқодни мустаҳкам қиз эди.

Иоганн, шу қадар одобли, хушмуомала Вилли Крахтга, унинг узун покиза бўйни сал рангсиз, узунчоқ келишган юзи, бўртиб чиққан, мовийроқ кўзлари, аёлларникидек юмшоқ қўллари, кечаси, ҳатто пар кўрпа остида ҳам (чамаси бунн у уйдан олиб келган бўлса керак) шамоллаб қолишдан ўзини эҳтиёт қилиб кийиб олган камзулига тикиларди.

У Виллининг ингичка бўйнида, тилла занжирга боғлиқ бир шода бут — медальонларни кўриб турарди. Крахт ётиш олдидан пичирлаб дуо ўқиди-да, уларни оҳиста ўйиб қўйди.

Вилли Вайсга синглизининг суратини кўрсатиб, ўзларининг эгизак эканликларини айтди. Бир-бирларини жуда севишаркан. Синглизини шу медальонлардан бирини Мюнхендаги машҳур астрологдан жуда катта пулга сотиб олган экан. Бу тилсим уни бемаҳал ўлимдан сақлашнинг лозим эмиш.

Иоганн унинг тумор осилган қилтириқ бўйнига қараб турар экан, уни ўз қўли билан бўғса қанчалик ҳузур қилишини ҳатто хаёлига ҳам келтирмаслиги лозим эди.

У кўзларини чала юмганича, пайқаб олгани абвернинг Гомелдаги яширин уйларига озик-овқат элтиб берадиган автомашиналарнинг номерларини фикран такрорларди. Оператив группа ёки партизанларга бу машиналарнинг номерларини маълум қилинса улар немис айғоқчиларининг борадиган жойларини ҳам билиб олишлари мумкин бўларди.

Иоганн ўша рақамларни хотирига сингдирар экан, Вилли ёстигини тўғрилаб, ўрнашпб ётиб олганича гийбат қиларди. У асосан ўз бошлиги тўғрисида гапирарди:

— Капитан Дресс — ичкилик деса ўзини томдан ташлайдиган одам. У яқинда туғилган кунини нишонлаётган шаҳар комендант, кекса прусс амалдорининг уйига фирт маст бўлиб кириб бсрибди. Абвер ошхонасидан олиб чиқилган, чанг босиб, тарашадай қотиб қолган хурмони, полковникни ҳайратда қолдириб, столга нақ унинг тумшуги тагига тарақлатиб қўйибди. Уша пайтда полковник нутқ сўзлаётган экан. Дресс нутқни ҳам чўрт кесиб, анча вақтгача полковник қўлини сиқиб, силкиб тураверибди. Кейин стол ёнига ўтириб, тарелкага бош қўйганича ухлаб қолибди. Атиги бир неча кун аввал шу ерда, худди шу уйда ротмистр

фон Вальде билан ичишган эди. Ротмистр улфатини ёлғиз қолдириб ухлагани кириб кетди, шунда Дресс у ётган хонага бостириб кириб, улфатчилликин давом этдиришни талаб қилди. Вальде унамади. Шунда Дресс, агар у овқатланидиган хонага қайтиб чиқмаса шу ернинг ўзпада печка устига чоптирамай, деб дўқ қилди.

Вальде стол устида турган пистолетини қўлига олиб, унга ўқталди. Дрессни бир амаллаб хонадан олиб чиқиди.

Капитанга доим улфатчилик қилиб юрган Гомель жандармериясининг бошлиғи ҳам бир кун ичкеси Дресс жандармерияга бостириб кириб, узун йўлакдаги лампочкаларга қараб қаторасига ўқ узганидан буён унда ўзини олиб қочадиган бўлиб қолди. Жандармлар буни партизанларнинг ҳужуми деб ўйлашибди, башарти жандармерия бошлиғи Дресснинг ҳар ўқ узганда: «Ичгим келяйти, ичгим келяпти», деб ҳайқираётган овозидан таниб қолмаса борми, оқибат-натижа жуда хунук бўлиши эҳтимолдан холи эмасди.

Бироқ умуми олганда Дресс — дуруст одам. Ҳамма ходимларига меҳрибон, ғамхўр.

Унинг камчиликларини ҳам тушунса бўлади. Ахир контрразведка бўлими маҳаллий аҳолини сўроқ қилади-да.

Боз устига, бу паст ирқдаги кишиларнинг оғриқ сезиш ҳислари шунчалик ўтмаслашиб кетганки, асти қўяверинг. Ҳар ким учун табиий бўлган ўлимдан қўрқиш ҳисси уларда мутлақо йўқ, десам ишонаверинг, шунинг учун алоҳида чоралар қўллашга тўғри келади ва бу иш иккинчи бўлим ходимларидан жуда улкан сабот-матонат талаб қилади. Уларнинг меҳнати олдида тош йўнувчилар ёки қассобларнинг ишини ўйинчоқ десангиз бўлади.

Ўзига келганда эса Вилли қийноққа солинганларнинг дод-войига чидай олмаслигини сесканиб гапирди. Ҳайронман, деди у, ҳамкасбларим бунга қандай чидаркин. Умуман олганда янги тартибга қаршилик кўрсатиш бемаънилик эканлигини тушунишни истамайдиган бу кишилар олдида шунчалик обрўйимизни тушириб ўтиришимизнинг ўзи ҳам даҳшатли.

— Борди-ю, маҳаллий аҳолига бўлган муносабатимизни бир оз юмшатасан-чи?—дея сўради Вайс.

— Бу нима деганингиз,—ҳайратланиб деди Вилли.— Буни улар бўш келди, деб фаҳмлашиб, бизга қарши яна баттарроқ ҳужум қилишга ўтишади. Йўқ, йўқ, бу қанчалик қаҳри қаттиқлик бўлмасин, бирдан-бир восита — зулм ўтказиш. Ўзингизга маълум, бизни фронт орқасида деб ҳисоблашади. Аммо биз бу ерда дучор бўлаётган хавф-хатар фронтдагидан сира кам эмас.— Сўнг, ҳасрат қилиб деди:— Мукофотни бўлса, кам беришади. Бу адолатдан эмас.

— Сиз, ўз тегишингизни оласиз,—деди Вайс қатъий оҳангда.—Буни мен сизга ваъда қиламан.— Бу сўзларнинг оҳанги унинг ўзига ҳам кечириб бўлмас даражада яланғочдек туюлади.

Бироқ Вилли ҳеч нарсани пайқамади.

— Албатта, сиз «Вали штаби»да менинг тўғримда бир-икки оғиз дурустроқ гап айтиб қўйишингиз мумкин,—деди у. Кейин мулоимлик билан деди:— Ҳайрли тун, дўстим.

Эрталаб, нонушта вақтига қадар Иоганн Вилли Крахтга «Вали штаби»да унинг яхши томонларини кўрсатиб, мақташ истаги борлигини эслатди-да, оғайнигарчилик юзасидан 315-сонли гурпуада хизмат ўтаётган айғоқчиларнинг яхши томонлари ва камчиликлари ҳақида маълумот беришни илтимос қилди. Вайс бу илтимосни, ротмистр Герд разведка мактаблари учун номзодлар танлаш топширигини олган, бироқ, маълум сабабларга кўра, капитан Дресс дурустроқ айғоқчилар-

ни ўз группасида олиб қолишни афзал кўрганидан уларга объектив хараактеристика бермаслиги мумкин, деб тушунтирди.

Крафт иккиланиб, махфий ҳужжатлар билан муомала қилиш қондаларини эслатди.

Вайс ҳайрон бўлиб елкасини қисди:

— Ахир сиздан рўйхатларни менга беринг, деб илтимос қилаётиманми? Сира ҳам. Уларни мен эмас, ўзингиз ўқийсиз. Мен фақат сиз ўқиётган нарсаларга шунчаки кўз ташлаб қўяман ва башарти айғоқчи ишончга сазовор бўлмайдиган бўлса... сиз нмо қилиб қўясиз, холос.— Иоганн қўлини Крафтининг елкасига ташлаб, дўстона оҳангда деди:

— Орамизда қолсину, жаноб Герд кимнинг куёви эканлигини биласизми?

— Э-ҳа!— дея хитоб қилди Вилли.—Билганда қандай.

— Бўлмаса, гап бундай, ротмистр Герд абвер офицери учун зарур бўлган баъзи фазилатларга эга эмас ва афтидан, уларга эга бўлиш учун интилмаसा ҳам керак. Капитан Дресс уни осонгина лақиллатади. Аммо Герд сизнинг унга шу йўсинда кичиккина хизмат кўрсатиб қўйганингиздан хабар топиб қолгудек бўлса...— Вайс бошини кўтариб хаёлчанлик билан деди:— Оқибат-натижада урушдан кейин барча ёшлар қатори сиз билан бизга ҳам, дўстим, шундай йирик фирма эгасига шерик бўлган Гердга ўхшаш кишининг миннатдорчилиги ҳар қандай темир крестлардан ҳам дурустроқ маъқега эга қилиши мумкин. Шахсан мен шундай деб биламан ва шунга яраша иш тутаман.

Крафт иккиланиб қолди.

— Бироқ мен...— У бир оз тўхталиб, яноқлари қизарди:— Ҳалиги... менинг хизматимни ўзингизники қилиб олмаслигингизга қандай қилиб ишонишим мумкин?

— Мабодо ротмистр шахсан ўзингизга миннатдорчилигини изҳор қилмаса, сиз ҳеч иккиланмай унинг олдида мени балчиққа булғаб ташланг,— дея қатъий баён қилди Вайс ва жилмайиб, қўшиб қўйди:— Аммо онт ичиб айтаманки, Вилли, бундай қилишингизга зарурат қолмайдн.

Вилли Крафт Иоганнинг илтимосини бажарди. Роса машқ кўрган хотираси туфайли Иоганн ўзини қизиқтирган нарсаларни деярли бир қарашдаёқ жуда аниқ эслаб қолди.

Энди Гердни эпга келтириш керак эди. Бу ишга эса калла ишлатиш лозим бўларди.

Иоганн Герддан, қадимги рус ибодатхонасида сақланаётган бутлардан бир нечасини эсдалик сифатида олиб кетиш майлингиз йўқми, деб сўради-да, Германиядаги энг бадавлат хонадонларда шундай зийнатлар ҳозир жуда расм бўлганини айтди.

Бу гапдан Герд мамнун бўлди.

Шунда Иоганн овозини пастлатиб, шивирлади:

— Капитан Дресс уларни ўзига олгиси бор экану, лекин зондерфюрер Крафт, сизнинг кўнглингизни олиш мақсадида, бу ибодатхонанинг қаердалигини менга шипшитиб қўйди.

— Жуда соз. Мен ундан беҳад миннатдорман.

— Жаноб ротмистр,— деди шунда Вайс,— сиз унга ўз миннатдорлигингизни билдириб қўйсангиз, ёмон бўлмасди, лекин уни капитан олдида мушкул аҳволга солиб қўймаслик учун, фақат умумий тарзда айтиб қўйсангиз ҳам бўлади.

— Кўнглингиз тўқ бўлсин,— дея қатъий ваъда берди ротмистр.

Герд ваъдасининг устидан чиқди. У Крафтининг қўлини қаттиқ сиқиб, визит карточкасини берди-да, маънодор қилиб, унинг кўрсатган илтифотини эсдан чиқармаслигини айтди.

Уқ-дори омборнга айлантирилган ибодатхона тўғрисида Иоганн бир пайтлар черковда хизмат қилиб юрган, ҳозирдаги 315-сон абвер группанинг аравакаши орқали хабар тоиғап эди. Вайс «бу рус оқсоқоли» билан бир неча бор суҳбатлашган бўлиб, уни асосан чолнинг шаҳарнинг барча бурчакларида яшовчи айгоқчиларга озиқ-овқат элтиб бериши қизиқтирарди.

Аэродромга кетаётиб улар йўлда ибодатхонага кириб ўтишди. Гerd ўзининг шаҳар ташқарисидаги чорбогига қўйиш учун ҳеч қандай монеликсиз «янги расм бўлган зийнатлардан» ола кетди.

Атиги бир неча транспорт самолётларигина турган абвер қисмларнинг махфий аэродромида Вайсни жуда хунук бир янгилик кутиб турарди. У ерга «Зет» мактабида тайёргарлик кўрган бир гуруҳга айгоқчиларни ҳам келтиришибди. Гарчи, улар «Вали штаби» қошидаги Варшава марказий мактабидаги айгоқчиларга ўхшаб пухта техник тайёргарлик кўрмаган бўлсалар-да, лекин бу махсус мактабнинг бошқа ўзига хос усул-услугларини эгаллаган эдилар.

Уларнинг деярли ҳаммасини қатл этишларда қатнаштирилиб, аини шу вазиятдан уларни суратга олиб қўйишган эди. Бу суратлар уларнинг шахсий варақалари орасига солиб қўйилар, ҳамда Варшава мактабининг талабалари «нега ўзларини Совет ҳокимиятининг душмани деб ҳисоблашларини» изоҳлаб берган ёзма ишларнинг ўрнини босарди. Уларга террорчилик услубларни ўргатилиб, машқ қилдирилди. Уларнинг барчаси инсоний фазилатларини йўқотган, ҳар қандай қабиҳ ишларга тайёр аблаҳлар эди.

Варшава мактаби группасини «Зет» мактабининг айгоқчилар группасига қўшиб қўйишди. Энди Мнх эмас, балки, бунгача бир неча бор операцияларда иштирок этган «Зет» мактабининг «Қамчи» лақабли айгоқчиси бошлиқ бўлиб қолди. Вайс бўлса ўз режасини Мих орқали амалга оширишни мўлжаллаган эди.

Инструкцияга биноан учиндан бир соат илгари Вайс ўз талабаларига разведка объектнинг 1:30000 масштабли харитаси ҳамда қўниш жойидан то объектгача бўлган йўлнинг 1:100000 масштабли харитаси ва ўқланган тўппончалар улашиб чиқди. Булардан ташқари икки кишига биттадан компас, икки кишига биттадан электр фонарлари, ҳар бир кишига 10 минг сўмдан совет пули, қўл соатлари ҳамда буклама пичоқлар бўлашиб берди.

Мустасно тариқасида радиоинструкторни Мих билан биргаликда ўзаро шартли чақирув сигналларини такрор синаб кўришга мажбур қилди. Михнинг имзосини ифодалайдиган ҳарф, қайтаётганда фронт чизигидан ўтиш чогида айтиладиган парол, дуч келган немис қисмларининг штабида кўрсатилган лозим бўлган шахсий номерларни яна бир бор текшириб чиқди. Михнинг қўлига, мутлақо иложсиз қолган тақдирда рацияни йўқ қилиб ташлаш учун битта граната топширди.

Вайс раҳбарликининг ҳеч бир вақт бир операцияда бошқа-бошқа мактаб талабаларини аралаштириб қўймаслигини биларди. Ута кетган расмиятчи бошлиқларнинг қўллаган гайри одатий қилмишлари уни ажаблантирди ҳамда бу бўлаётган нарсалар заминидан бирон номақбул ва хавфли ният яширинган бўлиши эҳтимолдан холи эмас, деб ўйлашга мажбур этди.

Михнинг кўз қарашларидан Вайс унинг ҳам режа бузилгани ва Қамчи ўз одамларни билан баландроқ мавқега эга бўлиб қолганини фаҳмлаганини тушунди.

Вайс Михни гўё кийимларга ўраб кўкрагига тақиб олган рациянинг қайишлари қандай тортилганлигини текшириш баҳонасида бир оз тўхтатиб турди.

— Чатоқми? — шивирлади Мих.

Иоганн бош силкиди.

— Мен биринчи бўлиб сакрасам яхши бўларди-да.

— Нега?

— Бир фикр бор.— У Иоганнинг кўзларига қараб қўйди-да, қатъий илова қилди:— Керак.

Иоганн инструкцияга биноан самолётга чиқариш тартиби парашютдан сакраш тартибининг аксича бўлишини (охирги бўлиб чиққан одам биринчи бўлиб сакрашини) билар эди. У шу қондан Михга айтиб қўйди.

Бу ишлар камлик қилгандек, тўсатдан Михга рацияни ечиб, «Зет» мактабининг радиостига беришни буюриб қолишди. Бу ерга тушгач, группанинг қаерда эканлиги тўғрисида радиосигналлар орқали Марказга хабар бериш имкони йўққа чиқишини аёнлашди. Бироқ янги радист Михдан рацияни олди-ю, унга тегишли бўлган гранатани сўрашни унутиб, граната Михда қолиб кетди.

Самолётга чиқиш олдиндан Мих ерга ўтириб олди-да, пойафзалини ечиб қайтадан кия бошлади.

Шу сабабли самолётга ҳаммадан кейин чиқди. Мих, орқасидан маънос ва бўшашиб қараб қолган Иоганнга ўгирилиб қарар экан, кутилмаганда хотиржам ва тантанавор жилмайиб қўйди.

Вайс учиш майдонидан штаб баракига қайтиб борса, бу ерда Хакке билан Читтак ўтиришган экан. Аввалига уларнинг талабалар билан бирга сафарга чиқишгани Иоганни таажжублантирган эди-ю, кейин бу ғалати ҳол унинг хаёлидан кўтарилиб кетганди. Мана энди уларнинг ташвишли қиёфасини кўргач, бу ишларнинг бежиз эмаслиги, уларнинг иккови ҳам Вайсга ховатирлик билан тиклиб туришгани боисидан, эҳтимол ўзига ҳам бирон тааллуқли жойи бўлса керак, деб ўйлаб қолди.

Ротмистр Герд аэродром коменданти билан бирга кириб келди-да, қўлидаги телеграф лентасини ёзиб, тутила-тутила штаб буйруғини ўқиб берди. Буйруқда махсус бир вазифани бажариш учун Вайс, радист Хакке ва Читтакдан иборат группани зудлик билан душман орқасига ташланиши кўрсатилган эди. Группага бошлиқ қилди Вайс тайинланганди.

Вазифанинг моҳияти тўғрисида, группага, ерга тушганларидан кейин дарҳол маълум қилинармиш.

Герд буйруқни ўқиб бўлиши биланоқ комендант группа аъзоларидан «ТТ» совет пистолетларига алмаштириш учун, шахсий қуроолларини топширишларини талаб қилди. Дарҳол бир солдат совет кийим-бошлари: ички кўйлак, пайпоқ, этиклар ва ҳатто совет папирослари ва гугуртларгача кўтариб кириб келди.

Комендант эса абвер устахонасида ясалган ҳарбий ҳужжатларни стол устига ёйиб қўйди. Вайс учун орден дафтарчаси ҳам ҳозирланган эди.

Қайта кийиниб бўлгач, Иоганн нега дарҳол қуролини олиб қўйишгани ҳақида ўйлаб қолди. Агар бошқасини беришмаса, демак... Нима бўляпти ўзи? Қаерда хато қилдийкин? Ундай деса ёлғиз ўзи эмас, ахир у билан Хакке ва Читтак ҳам бирга-ку. Йўқ, бу ерда бошқа сир бўлиши керак.

Комендант қайтиб келди. У пистолетлар олиб келиб, номерларини солиштириб кўрди-да, ҳужжатлар ёнига қўйиб чиқди. Ҳатто лимон

нуха гранаталарни ҳам стол устига олиб қўйди. Буниси дуруст бўлди. Демак, бу ерда бошқа гап бўлиши керак.

Вайс столга яқин келди-да, жилмайиб, комендантдан, совет қуролининг эътибор бериш лозим бўлган бирон-бир хусусиятлари борми-йўқми, шуни тушунтириб берсангиз, дея илтимос қилди.

Комендант ҳозиржавоблик қилиб, илтифот билан зарур изоҳларни айтиб берди.

Бироқ Вайс худди шу пайтда ротмистрининг унга таажжуб билан қараб қўйганини пайқади.

Иоганн қош қўяман деб кўз чиқарганини тушунди. Ахир мактабда барча қурооларнинг намуналари ўрганилган-ку. Шу босидан Иоганн дарҳол комендантга совет қурооларининг конструктив хусусиятлари ўзига жуда яхши маълум эканлигини айтди. Аммо унга беришган пистолетдан отиб кўрилганми, отиб кўрилган бўлса, қандай хусусиятлари аниқланди, зотан, ҳар қандай қурол ўзига хос хусусиятларга эга бўлади ва уни отиш вақтида ҳисобга олиш лозим, буни сўрашдан мақсади ҳам ана шуни билиб олиш эканлигини тушунтирди.

— Йўқ, отиб кўрилмаган,— дея жавоб берди комендант.

— Чакки бўлибди,— деди Вайс ўпкалаб,— демак, мўлжални хато олсам, жавобини сиз берар экансиз-да!

— Тўғри,— деб унинг гапига қўшилди Герд.— Бу жиддий камчилик. Комендант соатига қараб қўйди.

— Вақт бўлди. Энди тушлик овқатни самолётда қиласизлар.

Солдат уларга парашютларни елкага осиб олишда кўмаклашиб юборди. Вайс Герднинг ёнига бориб унга қўл узатди.

— Кўришгунча хайр, жаноб ротмистр.

Бироқ Герд, гўё узатилган қўлни кўрмагандек, қуруққина қилиб:

— Уз бурчингизни шараф билан бажаришингизни тилайман,— деб қўя қолди.

Иоганн Герднинг хира ва нафратомуз нигоҳини пайқади-ю, баъзи нарсаларни тушунгандай бўлди.

Уларнинг душман томонга ташланишини Герд қаҳрамонлик деб билмасди. Буниси аниқ эди. Герд уни қаҳрамонлик ишига қузатаётгандек туюлмади ўзини. Бу билан у баъзи бир нарсаларни Вайсга фони қилиб қўйди. У нимадандир ташвишда эди. 315-сон абвер группада эканликлариди Вайс билан жуда очиқча гаплашиб, офицерлар олдида унга нисбатан ўз мойиллигинин ҳаддан ортиқ бўрттириб юборганидан хавотирда бўлмасин тағин? Аммо бундан нега хавотирлапади?

Иоганн, энг кейин сакраш мақсадида зинадан биринчи бўлиб чиқишга қарор қилди. Нега дейсизми? У бир неча дақиқа бўлса ҳам вақтдан ютиш мақсадида шундай қилганди. Бу вақт бир кори ҳолига яраб қолса ҳам ажаб эмас.

Самолёт деразаларига фотопенкалар ўраладиган қора қогозлар ёпиштириб қўйилган эди.

Хакке ичкари кириб, эшикни ёпиши биланоқ, самолёт учини чизнига қараб йўл олди. Кўксига рация осилган Хакке самолётга энг кейин чиққан эди.

Батарейаларни Читтак кўтариб олганди.

Бир неча минут давомида самолётнинг ичи зим-зиё бўлиб турди-ю, кейин шифтдаги плафон лампочкаси ёнди.

Читтак «оч ўлгунча тўқ ўлганим яхши», деди-да, таом ўралган пакетини очди. Киши бошига бир шишадан ароқ берилган эди.

Хакке овқатга қўл урмаган бўлса ҳам, шишани қўлидан қўймай, унинг оғзидан оз-оздан ҳўплаб турарди.

Читтак иштаҳа билан еб-ичди. Бирпасда кайфи ошиб, эзма бўлиб қолди. Заҳарли ампулани кафтпда ирғитиб ўйнар экан, унга мулойим тикилиб:

— Одамларнинг гапига кўра, бир зумда нариги дунёга равона қилармиш,—деди.

— Кимдан эшнтдинг?—сўради Вайс.—Тотиб кўрганлар айтишдими?

— Тўғри,—хохолаб кулди Читтак. Кейин умидворлик билан сўради:—Ҳар қалай химия эмасми, сиз немислар бизларга ўхшаб лалайиб ўтирмай, бунақа ишларни қийворасиз-да,—хўрсинди.—Эҳ, Россия!—Сўнг кафтига пуфлади:—Бор эди-ю, йўқолди.—Ҳасрат қилди:—Мен бўлсам ўша-ўша ландовурлигимча қолавердим.

Вайс сўради:

— Ландовур деганинг нимаси?

— Шундай...—деди ғамгин оҳангда Читтак.—Ҳалиги, ўзини-ўзи алдаб, бошқаларни алдашни эпломлайдиган одамларни шундай дейишади. Ҳойнаҳой ақллилар Берлинда ўтказилаётган мажлисларда ўтириб, контрреволюциялар ўйлаб топишаётгандир. Менга ўхшаган соддароқларни эса худди балкондан туриб ўткинчиларнинг бошига ташланадиган ахлатдай итқитишади.

— Сизга бу нарса ёқмайдими?

— Йўқ, нега энди!—деди Читтак сергак тортиб.—Ҳар ким пешанасига ёзилганини кўради.

Хакке, афтидан, бу русни ўзи билан тенглаштириб қўйпшганидан ҳафалигн учунми, Читтакдан очиқдан-очиқ нафратланарди. У Вайсга қараб деди:

— Менимча, бу нусха бизга ҳаммолликдан бўлак нарсага ярағмаса керак.

Вайс бош ирғади. Хакке яна шиша оғзидан ҳўплаб, зарда билан деди.

— Уйлашимча, ротмистр мени бу ишга унинг баъзи бир фавқулодда енгилтак қарашлари ҳақида партияга хабар қилганим учун танлаган бўлса керак.

— Хўш, нима бўлди?—сўради Вайс.

Қип-қизариб кетган Хакке тутоқиб жавоб берди.

— Менга, Гердга ўхшаган жаноблар билан тенг келиб бўлмаслигини тушунтириб қўйишди. Ундан кейин улар биздан эмас, биз улардан қарздор эмишимиз. Буни қаранг-а, шу ҳам гап бўптими?

— Агар янглишмасам,—деди Вайс жиддий тусда,—барча йирик саноат ва молия эгалари фюрернинг дастлабки фаолияти бошланишида уни қўллаб-қувватлашган, буни хотирангиздан чиқармаслигинингизни маслаҳат кўрардим.

— Ҳа, бу тўғри гап,—унинг фикрига қўшилди Хакке.—Лекин мен фюрер деб қон тўкканман.

— Тўғри, лекин сиз ўз қонингизни тўкмагансиз, шундайм фронтда эмас.

Хакке ўйланиб қолди, кейин хафа бўлиб, деди:

— Гестапочиларга бошқача муомала қилишадн, уларни бунақа вазифаларга юборишмайди ҳам, улар ичкарида ишлашади...

— Бу қисмат жанобларининг чекларига тушиб қолганига боис нима бўлди?

Хакке яна шиадан бир ҳўплаб, аввалгидан бешбаттар қизариб кетди, сўнг йўталиб, лабларини кафти билан артди-да, арақ ҳиди анқиб турган оғзини Вайснинг юзига яқин олиб келиб шивирлади:

— Нега деганда, фашистлар ҳаракатининг кўпгина ветеранлари

қатори мен ҳам ҳалиги баъзи бир ишлар ҳақида ортиқчароқ биламай... Шунинг учун мана,—Хакке орқасида букридек дўппайиб турган парашютни шапатлаб, деди:— Гувоҳлар қапча кам қолса, шунча яхши бўлади. Людвиг Рем, фюрер бизнинг ҳисобимизга бошқалар билан келишиб кетади, деб бизни огоҳлантирган эди. Мана, айтгани келди,— унинг лаби чўччайиб, оғзи қийшайди,— жаноб Герд — катта одам. Мен эсам, нациларнинг кекса ветераниману бу фабрика эгаси биздақаларни оёгининг учиде кўрсатади. Ҳатто фюрерни ҳам.

— Жаноб Хакке,—жаҳл билан деди Вайс,— мен сизнинг мулоҳазаларингизни тинглашни истамайман.

Хакке кабина деворига суяниб қолди-да, анча вақтгача Вайсга диққат билан тикилиб турди, кейин мутлақо ҳушёр тортиб:

— Булар менинг мулоҳазаларим эмас,—деди.

— Бўлмаса кимники?

— Ўзингча мени ким билан бўлса ҳам ишлаб кетаверади, унга фарқи йўқ, деб ўйлайсанми?— деди Хакке қўполлик билан.— Йўқ биродар, фарқсиз эмас. Мен сени синаб кўрдим. Тушундингми?

— Ҳўш, нима бўпти?

— Чакки эмас,— деди Хакке.— Тузук экансан. Фаришта деса ҳам бўлади. Шуниси борки, менимча, совет одамлари сени дарров пайқаб қолишса керак.

— Нега?

— «Гитлерюгенд»да немис деган қандай бўлиши кераклиги ҳақида таълим олганлардақа ўтакетган немиссан.

— Ҳа, мен шунақаман,— деди Вайс ифтихор билан унинг фикрига қўшилиб.

— Афсуски, бўйнингга сиртмоқ тушган пайтда ҳам «хайль Гитлер!»— деб ҳайқириш истагинг борлигини ҳеч ким билмай қолади-да... Ҳеч ким.

— Ўша пайтда ўзинг қаерда бўларкинсан?—сўради Вайс. Кейин огоҳлантирди:— Ветеранмиш! Қўрқоқлик қилгудек бўлсанг ўша заҳотиёқ Реминг билан қўшмазор қиламан...

— Тўғри,— деди Хакке.— Ҳақ гапни гапирдинг, командир. Қойилман сенга,— деди-да, қўлини узатди.

Бироқ Вайс қўлини бермай совуққина деди:

— Ҳай, кўрармиз, ҳали у ёқда ўзингни қандай тутаркинсан.

— Бу гапинг ҳам тўғри.— Хакке шундай деди-ю, мамнун бўлгандек илжайди:— Заб пишиқ йигит экансан-да—бизга худди ана шунақа шунқорлар керак.

Иоганн Хаккенинг гапларини тинглаётганда ҳам, у билан суҳбатлашаётганда ҳам «Вали штаби»нинг нимани кўзлаб уни душман орқасига юбораётгани ҳақида ўйларди. У учиб олдиан соатига қараб қўйган эди. Унинг мўлжалида ҳозир самолёт фронт чизигидан ўтиб, совет тупроғи устида учаётган бўлиши керак эди. Бироқ негадир моторлар ҳамон бир меъёрда ишлар, баландликка кўтарилганда бўладиган ланжлик сезилмасди. Инструкцияга биноан эса самолёт душман тупроғи устида 4 мингдан 6 минг метр баландликкача кўтарилиши керак бўлиб, шу боисдан кабинага кислород аппаратлари ўрнатилиши лозимлигидан Иоганн хабардор эди. Қизиқ.

Кейин у бир амаллаб Хаккенинг қўлидаги рацияни эгаллаб олиш кераклиги тўғрисида ўйлади. Мих иштирок этаётган группага таҳдид қилаётган хавф ва ўзининг қўнган жойи ҳақида Марказни хабардор қилиб қўйиши керак. Бироқ рацияни қандай қилиб эгалласа бўларкин? Қурол ишлатсамикан?

У Хакке билан Читтакни осмоннинг ўзндаёқ парашютда осилиб

гушаётганларида отиб ташлашн ҳам мумкин: ахир, у энг кейин сакрайди-ку. Аммо бунда Иоганн Вайс бутунлай ҳалок бўлади. Аслида, абвер ефрейтори — бебаҳо Вайсни жувонмарг қилган Александр Белов тирик қолади, холос. Вайсни халос қилиш, уни ардоқлаш ва ҳозир қаерда бўлиши керак бўлса, уни шу жойга қайтарнш Беловнинг бурчи-ку. У тақдирда «Зет» мактаби айғоқчилари группаси амалга ошириши мумкин бўлган ёвузликларнинг олдини олинб бўлармикин? Мих уларнинг қуршовида қолди. У билан ҳамфикр икки киши бор, холос— Мих икки кишинигина ўз томонига оғдирншга улгурган ва бу ҳақда ўз вақтида Поганин хабардор қилган эди.

Кабинага иккинчи учувчи кириб, сакрашга ҳозирланишии буюрди.

Парашютлар ярим автомат усулида очнладиган хилидан эди: қопқоқ илмоғини парашютчининг ўзи тортмай, самолётга боғланган арқонча воситаси билан тортиларди. Сакраш люкнинг устига пўлат чилвир тортилган, парашют қопқоғига эса учи илмоқ ҳалқали 8—10 метр узунликда арқонча калава қилиб қўйилган.

Сакраш олдидан бир қисм арқон бўшатилади-да, ҳалқа тросга илинади ва разведкачн тарнов нусха люкдан бошини пастга қилиб сирпаниб туша беради.

Курсантлар билан ҳеч қандай махсус парашют машқлари ўтказилмаган ва ҳатто сакраш услуби ҳақида нзоҳ ҳам берилмаганди. Фақат ерга тушганда оёқларни жуфтлаб, ёнбошга йиқилиш кераклиги айтиларди, холос.

Вайс, Хакке ва Читтак ҳам худди шу хилда маслаҳат олишган эди.

«Вали штаби»нинг қўмондонлиги курсантларни парашютдан сакрашга ўргатиш учун моторесурс ва ёнлагн сарфлашни мақсадга мувофиқ эмас, деб ҳисобларди.

Шу бонсдан одатда ерга тушиш пайтида айғоқчилардан биронтаси майнб бўлиб қолгудек бўлса, группа бошлиғининг зиммасига ярадорни ўша ернинг ўзида гумдон қилиб қўя қолиш вазифаси юкланган эди. Бошқа разведка мактабларининг бошлнқларн каби «Вали штаби»нинг қўмондонлиги ҳам знкналик билан барча моддий воситаларни тежаш ва харжнатларин камайтиришга интиларди. Ҳатто айғоқчиларга бериладиган қишки кийим-бош ҳам хилма-хил бўлиб, мовут гимнастерка берншса, шими тиринкадан бўлар ёки аксинча эди. Шунинг учун ҳам ҳеч кимга совет офицерларининг сифатли шинеллари берилмаган эди. Бунақанги яхшн нарсалар қўлга тушнб қолган тақдирда ҳам уларни сўкиб, қариндош-уруғларга жўнатишарди.

Биринчи бўлиб тарновдан Хакке, кетндан Читтак тушиб кетди.

Юлдузлар нур сочиб турган чароғон осмон, Иоганнинг тепаси, худди океандек поёнсиз кўринарди. Вайс ерга яқинлашган пайтида совет кишиларидан бирон-бир киши билан тасодифан учрашиб қолиш эҳтимолини мўлжаллаб, ўз ҳамроҳларидан бир мунча четроққа тушиш учун парашютнинг бир томон арқончаларини торта бошлади.

Иоганн борган сарн яқинлашиб келаётган ерга назар ташлар экан, юпқа қор пардаси яширолмай қолган уватлардан ташкил топган каттакларга кўзи тушди, нарироқда бўлса ибодатхона гумбазн кўриниб турарди. Бу нарса Вайс беҳуда уриниб, ҳал қилолмаган жумбоқнинг ечими эди.

Иоганн энди ҳамроҳлари яқинига тушиш учун зудлик билан иккинчи томондаги арқончани торта бошлади. Бироқ вақт ўтган эди. У оёқларини букиб, зарбни енгиллатди-да, кўпчиб турган парашют устига ёнбошн билан йиқилди.

Парашютни ечиб, ерга кўмгач, шошганча ҳамроҳлари тушган жойга қараб йўл олди. Аммо тўсатдан тўхтаб, пистолетни қинидан

чнқарди-да, чўкка тушиб, қулоқчинини ечди ва пистолетни унинг ичига тнқиб, тенкисини босди.

Чиқ этди-ю, аммо ўқ отилмади. Стлолини орқага тортиб, тенкини бошқатдан босди. Яна ўша аҳвол. Граната портлатгичини бураб олиб қараса, у ҳам қуп-қуруқ экан.

«Қойил. Демак, менга пагма кўрсатмоқчи бўлишибди-да. Хўп, майли».

Иоганн энди пайкал бўйлаб тахминига кўра ҳамроҳлари пойлаб турган ўрмон ёқаси томонга югуриб кетди.

Хакке, аллақачон наушникларни қулоғига қўйиб, рация олдида ўтирарди.

Тўппа-тўғри чакалак орқали юриб, ўрмон соқчисининг қоровулхонасига бориш ва янги кўрсатмаларни ўша ерда кутиб туришни буюришди.

Қоровулхона ташландиқ бўлиб, у ерда ҳеч ким яшамасди. Иоганн печка ёнида поляк алифбесининг чала куйган саҳифаларини кўрди, дераза токчасида турган чанг босган бўш консерва қутисининг устига эса Дания этикеткаси ёпиштирилган эди.

Хакке антеннани билингирмаслик учун ҳовлидаги кир ёйиладиган арқонга ўраб чиққунча Вайс барча кўрган ва пайқаганларини фикран бир ерга жамлади ва Дитрих томонидан ўйлаб чиқарилиб, ҳозирда амалга оширилаётган текшириш комбинациясининг қурбони бўлганлигига борган сари аниқ ишона бошлади. Шунинг учун ҳам, энди кўр-кўрона иш тутмаслигини англаб етди ва бу ҳол унга гайрат-шижоат бағишлаб, ўзига бўлган ишончини орттирарди.

Вайс ўт ёқишга рухсат бермади. Кечки овқатни совуқлигича ейишди. У Читтакка биринчи бўлиб навбатчилик қилишни буюриб, Хаккега яхшилаб ухлаб олишни маслаҳат берди. Кейин ўзи ҳам тахта сўрига чнқиб ётди.

Қоровулхонадан чиринди ва зах ҳиди анқиб турарди. Қуруқ тахта устида ётиш ноқулай эди. Бироқ Иоганн ҳордиқ чиқариб, аниқ ва раван фикрлаш қобилиятини тиклаш учун ўзига ҳеч нарсани ўйламасдан ухлашни буюрди.

Шу тарзда у ҳеч нарса тўғрисида ўйламаслик керак, деган фикр билан ухлаб қолди.

Уларни тонг отар пайтида қўлга олишди.

Читтак қон оқиб турган бошини чангаллаганича ўтирган жойида, у ёқ-бу ёққа тебраниб, инграрди. У билан ади-бади айтишиб ўтирмай, тенкилаб ўрнидан туришга мажбур қилишди.

Қўл-оёғи боғланган Хакке тўлғаниб, тишларини гижирлатарди. Лекин уни ҳам, Вайсни ҳам ҳеч ким урмади, фақат антенна сими билан орқага қилиб боғланган қўллари зирқираб оғирди, холос.

Тупроққа беланган иккита парашютни далил сифатида қоровулхонага олиб киришди.

Уларни қўлга туширган жангчиларга петлициларига иккитадан шпал ва енгига сиёсий ходимлар юлдузи тақилган бир киши бошчилик қиларди.

Хакке билан Вайсни қоровулхона ёнидаги музхона — ертўлага олиб тушиб, ўша ерга қамаб қўйишди.

Демак, сўроқни Читтакдан бошламоқчи бўлишибди-да.

Бу йигитлар ўз топшириқларини қойиллатиб бажаришди. Лекин улар махсус бўлимнинг жангчилари бўлса, нега уларга батальон комиссари қўмондонлик қияпти. Бундан ташқари нега улар қўниш жойидан иккита парашютни топиб олишибди-ю, Вайс келишиб қўйил-

ган жойдан бошқа ерга салгина тупроқ тортиб кўмган учинчи парашютни топишолмабди? Буларнинг ҳаммаси Вайснинг тахминини тасдиқларди.

Улардан бири тўтиқушга ўхшаб тинмай сўкинарди. Бошқалари гўё гапларига биров тушунишга ишонмагандай, имо-ишоралар билан паст овозда калта-калта қилиб гапиришардп.

Батальон комиссари қўлига майин теридан тикилган қўлқоп кийиб олганди. Қизиқ. Жанговар операция бўлса-ю, у қўлига қўлқоп кийиб юрса. Қўлқопли қўл билан қандай қилиб мўлжалга аниқ отиб бўлади? Унинг қурол ишлатиши лозим бўлиб қолишини ҳисобга олмагани аниқ эди.

Нега ҳисобга олмайди? Ахир немис парашютчиларини қўлга туширганлиги унга аён-ку. Аён бўлгани ҳам тўғри-да: ахир совет ҳарбий хизматчилари ўзларининг ерларига ўзлари парашютда сакрамайдилар-ку? Парашютлар эса топилди ахир.

Ертўла томига ўрнатилган тахта мўридан Читтақнинг бўкириши ва оғриқдан инграши эшитилди. Қоронғида Вайс Хаккени кўрмаса ҳам, унинг муз устига ташланган ноҳолда у ёқдан бу ёққа ағанаётгани эшитилиб турарди.

— Эшитяпсанми?—бўғиқ овозда сўради Хакке, сўнг хириллаб қўшиб қўйди:— Аммо мен, теримни шилиб олсалар ҳам русларга бунақа томоша кўрсатмайман. Улар бизни шу ерда тириклай музлатиб қўйишмоқчи бўлса-я?

— Ундай эмасдир,—деди Вайс. Совуқдан унинг овози титрарди.

— Қўрқяпсанми?—сўради Хакке.

— Ҳозирча унчалик қўрқаётганим йўқ.

Читтақ бўкирмай қўйди. Хаккени чақирди.

У қоронғида пайпаслаганича Вайснинг қўлини топиб сиқди-да:

— Мендан чурқ этган овоз эшитмайсан, яхшиси тилимни тишлаб узиб ташлайман,—дея ваъда қилди.

Эшик ёпилди. Иоганн ёлғиз қолиб қулоқ сола бошлади. Олишув, гурсиллаб йиқилиш ва калтакнинг гупиллашидан бўлак ҳеч нарса эшитилмасди. Оббо Хакке-эй! Бақувват йигит экан.

Иоганн ўзини қандай тутиши лозимлигини аниқ ўйлаб қўйган эди. Ҳозир у фақат қандай қилиб бўлса ҳам ертўлада шамоллаб қолмаслик ташвишида эди: охири хайрли бўлган тақдирда ҳам майиб бўлиб қолиш учун шунинг ўзи етарли эди-да. Қимирлаб туриш керак, акс ҳолда музлаб қолиш ҳеч гап эмас. Шунинг учун ҳам у сакрар, қўл ва оёқ бармоқларини қимирлатар, ҳали у, ҳали бу ёнига эгилар, ертўланинг тош деворларига ўзини урарди.

Ниҳоят, уни ҳам чақириб, қоровулхонага олиб киришди.

«Комиссар» стол ёнида ўтирарди. У ҳамон қўлқопларини ечмаганди. Читтақ ерда сулайиб ётарди. Хакке қўлларини юқори кўтарганича юзини деворга қаратиб, инграб турарди. Унинг шими пастга туширилган, яланғоч баданида эса қабариб чиққан қамчи излари бор эди.

Бурчакда ғилофга солинган рациянинг олдида қулоғига наушник тутган солдат ўтирарди.

Иоганн бир зум диққат билан диапазон кўрсаткичига назар ташлади.

Кўрсаткич «Вали штаби» радиостанцияси ишлайдиган диапазонда турарди.

Радист ўрнидан туриб, қабул қилинган радиограммани батальон комиссари формасини кийиб олган ҳаракатсиз, совуқ юзли кишига узатди.

У ўқиб бўлгач, қозонни йиртиб ташлади-да, ерда ётган Читтакка ишора қилиб деди:

— У сизларни фош қилди. Сизлар биз томога юборилган қўпоровчилар экансиз.— Бармоги билан кўрсатиб деди:— Сен Иоганн Вайс, у Зигфрид Хакке.— Қопқоғи очиқ турган қиндан тўппочасини чиқариб, Вайснинг қоринни мўлжалга олар экан, буюрди:— Қани?! Тезроқ бўл,— бир оз кутиб тургач, сўради:— Тилинг яхлаб қолдими? Яхши. Ҳозир боплаб иситиб қўямиз.

«Ҳали сенлардан калтак сймаими? Ҳозир кўраимиз!»

Иоганн энгашиди-да, илтимос қилди:

— Яхши. Мен розиман. Бироқ,— у кўзи билан Хакке ва Читтак томонга ишора қилди:— Фақат қўлларимни ечиб қўйинглар, ёзма кўрсатма бераман.

Унинг қўлларини ечишди. Вайс энгашиб, табуреткани секин стол томонга судраб келди-да, тўсатдан уни кўтариб офицернинг бошига зарб билан урар экан, айнаи бир вақтда чап қўли билан унинг пистолетини тортиб олди.

Шартта эшикка отилди-ю, бир ўқ узди. Сўнг тумтарақай қочаётган солдатларга кетма-кет ўқ узиб, ҳовли орқали югуриб кетаверди.

Омбор орқасида мотоцикл турар, унинг брезент ёпқич тутилган кажабасида бир солдат ўтирарди. Солдат ўрнидан қўзғалишга ҳам улгурмай, Иоганн унинг бошига пистолет дастаси билан урди-ю, мотоциклни пастликка етаклаб чопди. Кейин унга сакраб минди-да, чакалак орасидаги тор йўлдан гизиллаб жўнади.

Орадан бир оз вақт ўтгач, бир қўли билан рулни ушлаганча иккинчи қўли билан ёпқични ечиб, солдатни юриб кетаётган мотоциклдан ерга ағдариб юборди. Тош кўчага чиқиб олгач, газни охиригача босди. У чўққн гумбазли ибодатхонанинг қайси томонда эканлигини эслаб қўйган эди. Каттагина қишлоқ кўринди. У ерда немис комендатураси бўлиши керак.

Иоганн қишлоққа етай деганда гимнастёркасини ечиб ташлади: бошдан-оёқ совет ҳарбий кийимида қишлоққа кириб бориш анча хавфли эди.

Қишлоқнинг катта кўчасига кириб борди. У қишлоқнинг энг яхши биноси олдида машиналар тўпланиб турганини кўриб, комендатура шу ерда эканлигини тушунди. Эшик олдида турган соқчининг нақ тумшуги тагига келиб мотоциклни тўхтатди-да, буюрди:

— Герр комендант керак. Фавқулодда муҳим хабар бор.

Уни комендатура биноси ичига олиб киришди. Навбатчи офицер, комендантга хабар қилишдан аввал нима иши борлигини суриштирди. Вайс жаҳл билан депсинди:

— Ҳой кўркаламуш! Шундайгина тумшуқларингиз тагига совет парашютчиларининг десант группаси тушади-ю, сен бўлсанг абвер айгоқчисига ўзингни штаб адъютанти қилиб кўрсатмоқчи бўласан!— У шундай деди-ю, зарда билан эшикни тепиб, кабинетга кирди.

Вайс бўлиб ўтган ҳодисалар ҳақида «Вали штаби»га хабар қилинадиган маълумотларни зудлик билан радистга айтиб туриш зарурати баҳонасида, совет десантчиларини йўқ қилиш операциясида қатнашишдан бош тортди.

«Вали штаби» Вайснинг абвер бўлимига тааллуқли киши эканини тасдиқлашга мажбур бўлганидан кейин наватчи офицер жуда серилтифот бўлиб қолди ва ҳатто Иоганн одам башара бўлиб олсин учун унга ўзининг бир сидра кийим-бошини ҳам берди.

Шу кун Иоганн ўзининг ҳамроҳлари билан ҳам, уларни қўлга туширишни ташкил қилганлар билан ҳам учраша олмади. Афтидан, «Вали

штабннинг буйруғига биноан бўлса керак, уни анчайин серҳашам жойда ҳурматини роса ўрнига қўйиб икки сутка ёлғиз сақлашди. Штейнглиц билан Дитрих бу ерга етиб келиб, Вайснинг танҳо ўзи билан анча вақт холи суҳбатлашишганидан ва Иоганн бўлиб ўтган воқеа тўғрисида худди келишиб олганларидагидек ахборот беражагига онт ичиб, бу икки офицерни ишонтиргандан кейингина уни озод қилишди. Штейнглиц билан Дитрих расмий равишда Вайснинг хатти-ҳаракатини қаҳрамонона деб баҳолашди.

Мазкур районга фалон кунни совет десантчилари группаси парашютларда туширилганлиги ҳақида рапорт тузилиб, гарнизон коменданти ҳам бу рапортга итоаткорлик билан имзо чекди. Совет десантчиларига қарши жангда фалончи-фалончилар ҳалок бўлди, деб шундан кейин операция ўтказиш топширилган СС бўлинмаси ҳарбий хизматчиларининг номлари ва совет десантчилари билан олишувда ўлган немис горнизони солдатларининг номлари бирма-бир кўрсатиб ўтилган эди.

Уч томон: табуретка зарбидан обдан жароҳатланган СС бўлинмасининг офицери, гарнизон коменданти ва майор Штейнглиц билан капитан Дитрихлар — авваламбор ўзларининг, қолаверса бошқаларнинг ҳам шаънига доғ туширмаслик учун ўлдирилган совет парашютчиларининг миқдори ҳақида келишиб олишди.

Асос қилиб, ҳар қандай ҳужум жангида юз берадиган одатдаги 1:3 нисбатини қабул қилишди.

Читтакни шу кунгиде ҳоинлиги учун отиб ташлашди.

Ҳакке қийноқларга дош берган бўлса ҳам, сўроқ қилиб турган «комиссар» унга, гестапочисан, деганига асти чидаёлмади, Ҳакке гестапога ҳеч қандай алоқаси йўқлигини айтиб, абвер ходими экаилогига иқдор бўлди. Шундан кейин у гестапочилар жаллодлар, абвер эса разведканинг ҳарбий бўлими деган гапларни айтди. Шунинг учун ҳам ўзини осиб бўлмаслиги, осиб мумкин эмаслигини, фақат асир олиб, у билан ҳарбий асир сифатида муомала қилиш лозимлигини баён қилди.

37

Иоганнинг музхона — ертўлада ётиб чиққани беасорат бўлмади: унинг ўпкаси шамоллаб, зотилжам бўлиб қолди. Бироқ Вайс госпиталга боршдан қатъиян бош тортди.

У «Вали штаби» хузуридаги ўз хонасида ҳузур қилиб ҳорднқ чиқара бошлади.

Лансдорф уни бетоблик вақтида бир неча марта кўргани кирди. Биринчи мартасида у эҳтиёткорлик билан бўлиб ўтган воқеа-ҳодисаларни Вайс қандай баҳолаётганини билиб олишга нтилди, холос.

Муидирнинг шаъни тўғрисида мингирлаб нималарнидир гапирди. Эсиз-эсиз Ҳаккенин бўшанглиги абвер шаънига доғ бўлиб тушди, ўзини шу қадар яхши кўрсатган Читтак бўлса, ҳатто энг содда синовга ҳам дош беришга қодир бўлмади. Шунинг учун ҳам, энди СС бўлими билан гестапо Канариснинг пайини қирқиш мақсадида бу воқеани кўпиртиришга ҳаракат қилиши ҳақида гапирди.

Аммо Вайс ташвишланидиган ҳеч гап йўқ: унга унтер-офицер унвони бериш ва совет десантга қарши курашда иштирок этганлиги учун иккинчи даражали темир крест билан мукофотлаш ҳақида буйруқ имзоланган эди.

Шундан кейин Лансдорф гўё гап орасида биринчи жаҳон уруши вақтида содир бўлган бир ибратли воқеани, ўша вақтларда полковник

Вальтер Николаи бошчилик қилаётган разведка ходимларидан бирининг худди Вайсга ўхшаб, ғоят даражада жасорат кўрсатгани ва рейхга садоқати учун темир крест билан мукофотлашганини ҳикоя қилиб берди. Бу ходим душманининг генерал штабидаги бир неча олий мансабли офицерларнинг хотинларига асл бриллиантдан ясалган буюмларни сохта безаклар, деб сотган. Сўнг бир амаллаб душман коптрразведкасига ўзини тутиб беришга ҳаракат қилган. Улар эса жосуснинг ёнидан қимматбаҳо буюмларни кимларга сотганлиги кўрсатилган рўйхатни топиб олишган.

Офицерлар, хотинларимиз арзимас тақинчоқлар сотиб олишибди. Бу нарсаларнинг ҳаммаси сариқ чақага арзимайдиган матах, деб кўрсатма беришади. Текширув натижаси бу бриллиантларнинг ҳақиқий экани ва жуда катта қимматга эгалигини тасдиқлаб бергандан кейин эса бу офицерлар тақдири ҳал бўлган эди.

— Шунинг учун ҳам,— маънодор қилиб деди Лансдорф,— қаҳрамонлик, жасорат—буларнинг ҳаммаси мушакбозликка ўхшаш нарса. Мен оҳисталик билан ўхшатиб, шовқин-суронсизу, лекин мўлжаллаб бомба ташлагандан ҳам ортиқ емирувчи кучга эга бўлган операциялар тарафдориман.

Иоганн Лансдорфнинг бу гап билан нима демоқчи эканлигини фаҳмлаёлмади: бу билан у Вайс кўрсатган «жасорат» моҳиятини камситмоқчимн, ё бўлмаса унинг онгига куч-қувватини мутлақо бошқача иш-ўлбигга сарфлаш майлини сингдиришга интиляптими, билиб бўлмасди.

Штейнглиц Вайснинг муваффақиятига чин кўнглидан қувонарди. Бироқ, Лансдорф каби у ҳам ўз касбларида жасорат кўрсатиш солдатнинг ботирлигидек бир нарса, дея мулоҳаза юритарди. Паст мансабдагиларни тақдирлаб, юқори мансабдагиларга ҳақ тўлайдилар. Сўнг у Гейдрих немис генералитетининг манфаатини кўзлаб Бломбергнинг хотини нлгари фоҳишалик қилгани ҳақида нибр қилиб бўлмайдиган далилларни фюрерга билдирмай тиқиштириб, фельдмаршал Бломбергни устомонлик билан бадном қилганини айтиб берди.

— Бундай ишлар учун,— деди Штейнглиц,— мукофот бермайдилар, албатта. Аммо ҳақ тўлашади. Тўлаганда ҳам шунча тўлашадики, ана шунақа битта операциянинг ўзи кексайиб қолган одамнинг умрининг охирига қадар боқади.

Вайс жилмайиб деди:

— Бироқ мен ҳали кексалик ҳақида ўйлаганимча йўқ-да!

— Чакки қиласиз,— таънаомуз деди Штейнглиц.— Ёшлик кексаликни таъминловчи бир восита, холос. Ундан ортиқ бир нарса эмас.

Иоганн, Дитрихга нисбатан совуқ муносабатда бўлиб, текшириш сиповлари комбинациясига дучор этиш билан уни ҳақорат қилганлигига чидай олмаслигини ҳар гапда писанда қилиб турди.

Курсант Фаза билан бўлган ҳодиса вақтида, у аслида капитанни қутқариб қолгани, Дитрих эса мазкур синов билан хизмат пайтида йўл қўйган шармандалигининг гувоҳидан қутулиш истагида эканлигини эслатиб таъна қилди.

— Шунинг учун ҳам, деди у қатъий оҳангда, энди бу гапларни сир сақлай олмайман...

Бундай шижоаткор услуб ўз кучини кўрсатди.

Дитрихнинг ўтакаси ёрилди.

Гапнинг охирида Вайс, бемаъни синов комбинациясини ўйлаб топган Дитрихни СС ходимлари ва комендатура солдатларининг бекордан-бекорга ҳалок бўлишининг бирдан-бир айбдори, деб ҳисоблашини айтди.

Буни атайин қилинган қотиллик деб қараш мумкин ва бундай жиноят учун рейхсфюрер Гиммлер, эҳтимол, отиш эмас, балки шармандалар-

ча осиб ўлдиришни буюрса керак. Шу бондан Иоганн ўзини ҳозир жиноятчини яшириб юрган кишидек ҳис қиляпти.

Ким билан суҳбат қилаётганини яхши билган Вайс, бир марта унинг макрини синаб кўрганлиги учун энди ўзини эҳтиёт қилиш чорасини кўриб қўйганлигини айтди. Яъни бу гапларнинг ҳаммасини қоғозга тушириб, бир дўстига юборганлиги, Вайс бирон бир бахтсизликка йўлиққан тақдирда у дўсти ўша пакетни дарҳол СД га топширишини айтиб, Дитрихни огоҳлантириб қўйди.

Бу гапларнинг ҳаммасини Вайс шивирлаб айтар, Дитрих ҳам унга пичирлаб жавоб қайтарарди. Патефонга қўйилган навбатдаги пластинка тугаси билан икковлари ҳам жимиб қолишди.

Дитрих ачинарли аҳволга тушиб қолган эди. У ҳатто, оиласининг шаънига доғ туширмаслик учун, ўзини ўзи отиб қўя қолсамникин, деб Вайсдан маслаҳат ҳам сўради.

Бироқ ҳадеб шафқатсизлик қила бериш Иоганнинг жонига тегди. Боз устига, бу ҳаминша терлаб, титраб турган, упа ҳиди анқилётган башарани кўра бериш ҳам кишининг газабини қўзғарди.

У қатъий оҳангда деди:

— Майли. Лекин эсингизда бўлсин, Дитрих: сиз мендан анча-мунча қарздор бўлиб қолдингиз, менинг эса спздан ҳеч қандай қарзим йўқ.— Қейин: дағдаға қилиб огоҳлантириб қўйди:— Башарти сиз буни бир даққа бўлса ҳам эсингиздан чиқаргудек бўлсангиз, сизга айтган гапларнинг ижро этишни сира пайсалга солмайман.

Хаккени тергов комиссияси келгунига қадар «Вали штаби»га қарашли якка хонага қамаб қўйишган эди.

740014 номерли маҳбуснинг тавсияси билан эксперимент лагеридан мактабга келган «Хурмо» лақабли курсантни Иоганн Марказ орқали қайта текшириб кўрди.

Бу янги курсант радистлар группасида ўзининг билими ва пухта тайёргарлиги билан тез орада кўзга ташлана бошлади. Шунинг учун ҳам Иоганн, гап орасида Дитрихга — бу Хурмо дуруст йигитга ўхшайди, деб қўйган эди, орадан бир неча кун ўтгач, курсант инструкторлик вазифасига тайинланиб қолди. Иоганн бу гапни эшитиб, сира таажжубланмади ҳам.

Вермахт армиясининг Москва бўсағасида ҳалокатли суратда тормор этилиши хабарини ҳамкасбларининг нақадар такаббурлик ва улуггерман офицерларига хос сиполик билан сир бой бермай кутиб олганларига, Иоганн ҳатто ўзича анчагина қойил қолиб ҳам қўйди. «Вали штаби»да ҳеч ким бу ҳақда чурқ этиб оғиз очмасди. Кўринишдан, бу ердаги барча одамлар устомонлик ва муғамбирлик қилишда бир-бирлари билан мусобақалашаётгандек туюлишарди.

Илгарилари бу ерда рақибни назар-писанд қилмаслик ва Шарқ компаниясини яш-паш дегунча тугашига сира ҳам шубҳа қилмай, бу ишга қаттиқ ишонганлик натижасида ҳосил бўлган дўстона бепарволик кайфияти ҳуқм сурган бўлса, энди у бир-биридан ортиқ даражада шубҳа, темир интизом ва бенуқсон итоаткорлик билан алмашинди. Мана шу шартлардан биронтасини бузган одам шу заҳотиёқ жазоланарди.

Башарти, Иоганн абвернинг хизмат пиллапоисидан кўтарилишни ҳозирги шароитда бошлаганида борми, бунчалик муваффақиятларга эришниши амри маҳол эди.

Қўпоровчи-жосулар мактабига курсантлар танлаш иши энди кўп поғонали ва ҳаддан ортиқ пухталлик билан олиб бориларди. Номзодлар шу қадар устомонлик билан қўлланадиган синовларга дучор қилинардики,

бунга фашистларнинг товодини ялайдиган пасткашларгина дош бера оларди, холос. Шунинг учун ҳам лагерлардаги яширин ташкилотлар томонидан тайёрланган анча-мунча одамлар бу синовлар натижасида ҳалок бўлиб, сапоқли кишиларгина мактабгача етиб келишарди.

Мактабдаги интизом кучайтирилди, кундалик қондани сал бузганлар ўлардек калтакланар, баъзан эса ҳатто отиб ҳам ташланарди.

Аммо ҳозир Иоганн Вайснинг мавқеи илгаригига қараганда бошқача эди. Мактабда унинг ўз одамлари бор эди. У ўзига қарашли кишиларни зашжирсимон қилиб жойлаштирганди ва улар бир-бирларига раҳбарлик қилишарди. Улардан фақат биргина киши Вайсни билар ва ундан йўл-йўриқ олиб турарди. Қолганлари эса уни душман, немис деб билишарди.

Иоганн бетоблик пайтида уни кўргани кирган Штейнглиц энди Гиммлер билан Гейдрих Шарқий фронтдаги вақтинча муваффақиятсизликка душманнинг ҳақиқий кучини билиб ололмаган абверни айбдор қилиб кўрсатишга ҳаракат қилсалар керак, деган кўнгилсиз бир гапни айтди. Қанарис ўзига таҳдид қилаётган хавфни тушунмай, инглизлар билан алоқа қилиб, яширин дипломатик ишларга берилиб кетди. Бироқ энди вақт ўтган эди.

Вермахтнинг Москва бўсағасида енгилишига қадар Черчилл, большевикларга қарши биргалашиб курашгани Германия билан келишув сулҳи тузиш керакмикан, деб иккиланиб турган бўлса, энди ҳаммаси барбод бўлди.

— Бўлмаган гап,— деди Вайс,— шунчаки бир неча марта илтимоснома ёзганинга қарамай, сендан (у энди Штейнглиц билан жуда қадрдон бўлиб олган эди) ғарбий мамлакатлар бўйича мутахассис сифатида фойдаланишга Берлиндан яна рад жавоби келгани учун, дилинг ранжиб юрибди, холос.

— Нега дилим ранжимас экан?— деди Штейнглиц жонланиб,— инглизлар билан бўлаётган бу даҳмазада аллақачонлардан бери қатнашмай, мўмай пул топаётган ва мартабалари ошаётган эски улфатларимнинг бир нечасини биламан.

— Дипломат бўлиб олишибди-да!— киноя аралаш кулиб қўйди Вайс.

— Йўқ, нега энди, мутахассисликлари бўйича ишлашяпти. Хуфия дипломатик вазифаларни ўтаётган ёки битимларда воситачилик ролини бажараётганларнинг кетларидан билинтирмай кузатиб юришади.— Сўради:— Эри-хотин гунг-соқовлар эсингдами?

Иоганн бош ирғади.

— Ҳатто шу майиб-магриблар ҳам Швецарияда анчагина пул ишлаб олишди.— Сўнг заҳарханда билан қўшиб қўйди:— Бироқ уларга нақд олиш насиб бўлмади.

— Нега?

— Гиммлернинг йигитлари уларни гумдон қилишибди:— Хўрсинди.— Афтидан, инглизлар билан бўлаётган музокараларда Қанариснинг катта кетиши рейхсфюрерга хуш келмаган бўлса керак.

— Фюрернинг хабари борми? Ахир бу хоинлик-ку.

— Аҳмоқмисан ёки муғамбирлик қиляпсанми?— деди Штейнглицнинг жаҳли чиқиб.— Гесс фюрернинг биринчи ўринбосари бўла туриб, унинг розилигисиз бекордан-бекорга Англияга парашютда сакрайди, деб ўйлайсанми? Фюрер Гудерианни Дюнкерк остонасида, инглиз экспедицион лашкаларини қириб юбормаслиги учунгина тўхтатиб қўйгани ҳар қайси солдатга ҳам маълум-ку. Уларнинг жонини омон қолдириб, бўғознинг нариги томонига ўтиб олишга шароит яратиб бериши каби одамгарчилик қилиш инглиз ҳукуматини асосий рақибимиз — Россияга қарши курашда иттифоқдош бўлишига ҳали ҳам имкон борлигига ишон-

тириш учун эди. Фюрернинг заковати ҳам ана шунда. Ҳозир Гиммлер, Геринг, Риббентроп, бизнинг Канарис ва яна баъзи бировларнинг ўз ҳолларича инглизлар билан ўралишиб юришлари эса фюрер сиёсатига қаршиликдан эмас, аксинча, унинг режаларига мос келяпти. Фақат уларнинг ҳар бири рақибларининг инглизлар билан нималар тўғрисида сўзлашаётганларини иложи борича дурустроқ билиб олишга қизқишадди. Шунинг учун ҳам бу борада айтайлик, менга ўхшаш ҳақиқий омилкор одам учун катта сиёсат йўлига чиқиб олишга зўр имкониятлар мавжуд. Бунинг эвазига мукофот эмас, истаган банкдан истаган валютада олиш шарти билан чек берилади...

Вайс, курсант Мих аъзо бўлган қўпоровчи-жосуслар группасининг тақдирини маъна бўлганини сўради.

Штейнглиц, гарчи группани советлар томонига олиб борган самолёт базасига қайтмаган ва муваффақиятсиз сакраш натижасида группа бошлиғи билан радист ҳалок бўлган бўлсалар ҳам, қолган уч киши устидан раҳбарликни Варшава мактабининг радисти Мих ўз зиммасига олганлигини айтди. У қимматли маълумотлар юбораётганмиш. Яқинда бу группа ҳарбий эшелонни портлатиб, қўпоровчилик операциясини бажаришди.

Штейнглиц группанинг муваффақиятли ишлари ҳақида ҳеч қандай завқ-шавқсиз, бўшашиб гапирди. Бу ҳол унинг учун ё айғоқчилар фаолиятининг одатдаги оддий бир иши бўлганлигидан, ё бўлмаса, кейинги пайтларда анча-мунча ташвишда юрганнан бўлса керак. Бир фикр унга сира тинчлик бермасди. Нега 1940 йилнинг июнида адмирал Канарис Штейнглицнинг инглиз қуроли кучларининг ғоятда заиф эканлиги тўғрисидаги ҳақиқат юзасидан ёзилган ёзма ахборотини йиртириб ташлаб, унинг ўрнига инглизларнинг қудрати сохта равишда кўпайтириб кўрсатилган ахборот ёзишни буюрганлиги унинг хаёлидан йари кетмасди. Ахир Канарис инглиз қуроли кучларни тўғрисида энг анқ статистик маълумотларга эга эди: Лондондаги америка элчихонасининг шифрловчиси Тейлор Кент абверга микропенкага сурати кўчириб олинган 1500 дан ортиқ шифрланган маълумот берган эди.

Башарти, бунда қандайдир сиёсий найранг кўзда тутилган бўлса, одатга кўра, Канарис Штейнглицнинг хизматларига ҳақ тўлаши лозим эди. Еки Канарис уни сохта ахборот ёздиришга мажбур қилиш билан вақти келганда, судраб юриш мақсадида тумшугидан нп ўтказиб олди-микан? Лекин нега? Бусиз ҳам у ҳамиша хавф остида-ку: гестапо айғоқчисини у Интеллиженс сервис қўлига тутиб берганидан Гейдрих хабардор-ку. Бу ишни у билмай қилиб қўйганлиги билан кимнинг иши бор?

Штейнглицга ўзининг шарманда бўлганлиги ҳақидаги яна бир хотира азоб берарди. 1940 йилнинг мартида у ўз айғоқчисидан Герделер билан Шахт Швецарияда инглиз ва француз ҳукуматларига яқин бўлган бир шахс билан учрашиб, унга Гитлернинг Данциг ва Варшавадан ҳам нарига, Шарққа қараб қора тупроқли Украина ва Руминия билан Кавказнинг нефть манбаларини босиб олишга қарор қилганлигини айтиб беришганлиги тўғрисида маълумот олган эди.

Шунда Штейнглиц, қўлимга икки олийнасаб жанобларни хорижий давлатлар учун жосуслик қилишда айбловчи жуда ғалати материал тушиб қолди, энди мана шу материаллар билан аввал етишиб бўлмайдиган орзумга эришаман, деб ўйлаган эди.

Бу ахборотни олган Канарис, қоғозни ҳатто спирт лампасида куйдириб ташламай гижимлаб, саватга иргитди-да:

— Эшакнинг қандай белгиси бор?— деб Штейнглицнинг қулоқларига тикилиб қаради.— Сиз ўйлайсизки...— Шундай дея у ўз қулоқларини

ушлаб, илжайди. Сўпг бармоги билан саватни кўрсатиб деди:-- Мана, сизнинг эшак экаилингиз ҳақида далолат берувчи нарса.

Штейнглиц орадан бир неча ой ўтгандап кейингиин Герделер билан Шахт шу усул орқали, фюрернинг топширигига биноап Англия ва Франция Германиянинг Шарққа қиладиган ҳужумига хайрихоҳлик билан қараётганини билиб олишганидан хабар топди.

Рейхнинг бошқарувчи олий синфига мансуб бўлганларнинг олий даражадаги разведка услублари мана шундай эди.

Штейнглиц эса уларнинг оддий ишчиси, холос. Шунинг учун ҳам Россияга юборилган қўпоровчи группалардан бирининг ўз вазифасини муваффақиятли бажараётгани уни қувонтирмас эди. Бу икир-чикирлар унинг мўлжалидаги ишлар эмас, унинг мўлжали бутунлай бошқача.

Штейнглицни умидсизлик кайфияти чулғаб олган эди.

Ротмистр Герд ҳам кейинги пайтларда ўзи билан овора бўлиб, ташвиши бошидан ортиб ётарди.

Масала шундаки, у билан қайнатаси биргаликда «Дейч-амернканише петролеум АГ» акционерлик жамиятига шерик эдилар. Бу жамият капиталнинг 95 проценти мамлакатда истеъмол қилинадиган нефтнинг ярмисини етказиб берадиган «Стандарт ойл» америка компаниясига қарашли эди. Уруш бошланиши олдидан у фақат авиация бензинининг ўзидан 20 миллион долларлик етказиб бераётган эди. Бундан ташқари, у Гамбургда нефтни қайта ишлайдиган жаҳонда энг йирик завод қурган ва синтетик бензин ишлаб чиқарувчи завод қурилишга маблағ бериб турган эди.

Шу боисдан Герд зудлик билан, америка фирмалари инглиз ҳарбий ҳаво кучларининг немис территориясидаги ўз мулкларини бомбардимон қилишга розилик берадиларми ёки йўқми, шуни аниқлаши лозим эди. Форд ва «Женерал моторс»нинг молиявий назорати остидаги автомобиль ва танк саноатн корхоналари ҳам шу ҳисобга кирарди. Агар розилик берадиган бўлсалар, унда вақтни қўлдан бой бермай, ўзининг страхованиедан келган қўшимча мукофот пулини қайси бир ишга сарфламоқ фойдалироқ бўлишини ўйлаб кўриши лозим бўларди. Масалан, Кавказ нефтига сарфлагани маъқулми ёки румин нефтигами? Кавказники-ку, шубҳасиз, улкан фойда келтириш маъносида маъқулроқ бўларди. Бироқ ҳозир Украина территорияси билан Кавказнинг нефтли районларини ишғол қилишга қараганда Москвани ер билан яқсон қилиб ташлаш камроқ аҳамиятга эга эканлигига фюрерни ким ишонтира оларди.

Шу кунларда Берлинда, сиёсат тўқилаётган жойда бўлиш лозим эди. Герд бўлса муҳим ва ҳал қилувчи масалалардан мутлақо четда, Варшавага яқин бир ерда, Қизил Армиянинг орт томонига ташлаш учун жосуслар тайёрлаб ўтиришга мажбур эди.

Герд ўйлаб-ўйлаб, инглиз герцоги Олбани унвонига мансуб бўлган, қиролича Викториянинг набираси ва айни бир вақтда САнинг группенфюрери герцог Эдуард Саксен-Корбург Готскийга хат ёзди. Герд мактубга, тақдим қилган кишига тўланадиган чек қўшиб, СА группенфюрери — герцог Карл Эдуарддан дўстона хизмат кўрсатишни, ўз фирмасини ташвишлантираётган масала юзасидан бамаънироқ маслаҳат беришни илтимос қилган эди.

Ана шу фавқулудда муҳим ишларнинг ташвиши билан юрган Герд, ҳар қалай маблағини Кавказ нефтига сарфлашга мойил эди. Шу сабабдан, вермахт армиясн Кавказга ҳужум қилиб бораётган пайтда нефтли районларни ишдан чиқариш учун инглизлар ўзларининг қўпоровчи айғоқчиларини юбориб қўймасалар гўрга эди, деб ҳавотирланарди. У, Руминия билан битим тузилмасдан илгари абвер унинг нефть чиқади-

ган районларига инглизларнинг қўпоровчилик ишни олиб борадиган кишилардан нефть конларини сақлаш учун махсус группалар юборганидан хабардор эди.

Шунинг учун ҳам Герд ҳозир, абвер бошлиқларини худди ўшанақа группаларни Кавказга ҳам юборишга кўндириш пайнда жиддий бош қотирди. Бундан мақсад, нефть чиқадиган районларни босиб олишдан аввал, уларни душманнинг қўпоровчилнк ишларидан муҳофаза қилиш эди.

Герд ана шу олий стратегик мулоҳазалар билан шу қадар банд бўлгани сабабли мактабнинг бошқарув ишларини батамом Штейнглицнинг зиммасига юклаб қўйганди. Кўрсатган бу илтифоти эвазига эса унга урушдан сўнг қайнатасининг фирмасидан сердаромад бир лавозим олиб беришни ваъда қилган эди.

Ана шуларнинг ҳаммаси ҳақида Штейнглиц Вайсга очиқ-ойдин гап-приб берди.

Иоганн Герднинг барча мулоҳазалари тўғрисидаги маълумотдан Марказни хабардор қилиб қўйди.

Иоганн Вайс ҳатто бетоб вақтида ҳам бекор ётмай, балки, ўзини қизиқтирган масалалардан ҳаммиша воқиф бўлиб туриш учун ҳолидан хабар олган кирган ҳамкасбларининг гап-сўзларидан илғаган маълумотларни тўплаб, фаолнинг давом эттираверди.

У «Вали штаб»нинг Михдан олган сўнги радиограммаси фожиали характерда эканлигини ҳам шу тарзда билиб олди. Мих: «Совет контр-разведка органлари группамиз фаолиятдан воқиф бўлиб қолди. Рацияни йўқ қилипмиз. Башарти, таъқибдан халос бўлсак, фронт линиясидан ўтиб олишга уннаб кўрамиз», деб хабар қилган эди. Демак, унинг ишлари чакки эмас.

Дитрих, мактаблар учун талаба танлаб, лагерлардаги сўроқ пайтларида орттирган тажрибасига асосан, русларда биродарларча ҳамкорлик, муҳтож бўлганларга снқидилдан ҳамдардлик кўрсатиш ҳиссиётлари ҳаддан ташқари ривожланган, деган хулосага келган эди. Ундан ташқари, Совет ҳукуматининг ҳам аҳолидан бир-бирларига нисбатан ўзаро меҳрибонлик билан муносабатда бўлишлари талаб қилинадиган расмий кўрсатмалари ҳам бор эди. Энг муҳими эса: совет граждандари ҳаддан зиёд ватанпарвар эканликлари туфайли ярадорлик натижасида ишга яроқсиз бўлиб қолган ҳар бир солдат ёки офицер ватандошларининг ғамхўрлигига, чуқур ҳурматига ва ҳукумат ҳомийлигига сазовор бўлар эдилар.

Шу боисдан Дитрих, лагерлардан ишга яроқсиз кишилар топишга киришишни мақсадга мувофиқ ҳол деб ҳисобларди.

Дарвоқе, у бу ишларнинг муваффақиятига унча ишонмасди ҳам, чунки лагерь маъмурятлари иқтисодий мулоҳазаларни кўзда тутиб биринчи навбатда ишга яроқсиз бўлиб қолган ҳарбий асирларни йўқ қилиб юборарди ёки улар шундай бир шароитга дучор қилинардики, натижада бу асирлар кўп ўтмай табиий равишда ўлиб кетаверардилар.

Дитрих аллақачон абвер группаларига лагерлардан бир оёғи ёки қўлидан ажралган ҳарбий асирлардан топишга киришиш ҳақида буйруқ бериб қўйган эди. Мабодо бунақалари топилмаган тақдирда, ишончли эканликлари текшириб бўлингандан кейин бироқ бир баҳона билан «даволаш» учун госпиталга ётқизишса бўладиган номзодлар кўрсатилиш лозим эди. У ерда тажрибали медиклар кўрсатмага мувофиқ уларнинг ё қўли ёки оёғини кесиб ташлашарди..

Аммо бунақанги одамларни мактабга қабул қилиб ўтиргунча, лагердаги маҳбусларга қараганда жисмоний жиҳатдан анча бақувват, демак, операциядан сўнг тезроқ соғайиб кетадган ва аллақачон тайёргарликдан ўтган курсантлар орасидан бир неча номзод белгиланиб қўя қолгани маъқулмикин?

Дитрихнинг фикрича, оёқнинг кесиб ташлангани дурустроқ бўларди. Нега деганда, бу ҳол яққол кўзга ташланиб туради ва юборилган айғоқчи қўллари соғ бўлгани сабабли бирон бир совет мудофаа корхонасидан иш беришни талаб қилиши ҳам мумкин бўларди.

Қўллари бўлса ншлай олади, оёғининг йўқлиги эса (табиийки, у фронтда йўқотилган дейилади) — мудофаа корхонасига ишга кираётган айғоқчини унча синчковлаб текширилмаслигига энг яхши гаров бўлади.

Дитрихнинг бу таклифини Штейнглиц юксак баҳолади.

Лансдорф, бу икки офицернинг баёнотини ижирганиб эшитди-да, деди:

— Шунақага ўхшаш нарсаларни компрачикослар¹ ҳам қилишган.

Штейнглиц компрачикослар кимлар эканлигини билмасди. Шунинг учун ҳам у меросираганича кўзларини пириллатиб тураверди.

Дитрих эътироз билдириб деди:

— Бироқ ҳарбий асирлар ёш болалар эмас!

— Контрразведкачи учун жуда сезгир экансиз-ку!— деди Лансдорф киноя билан.

У ёши ўтган сари хотирасининг сийқалашиб бораётгани натижасида бир пайтлардаги моҳир ва жуда бой тажрибасидаги кўп нарсаларни унута бошлаганини ҳозиргина пайқаб, аини бир вақтнинг ўзида ҳам азоб чекар, ҳам маъюс тортар эди.

Биринчи жаҳон уруши йилларидаёқ, Верден бўсағасидаги жанг пайтларида у сайёр разведка группаларини ўйлаб чиқарган эди. Бу группалар баъзи бир энгил ярадор немис солдатларига ошиқич йўл-йўриқ кўрсатишарди-ю, кейин уларга француз формасини кийгазиб, кечаси жанг майдонига олиб бориб ташлашарди. Бу қўпоровчиларни у ердан француз санитарларни топиб олишарди-да, елкаларига ортмоқлаб ўз қалъаларига олиб кетишарди.

Испаниядаги уруш даврида Лансдорфнинг Франко қошида маслаҳатчи лавозимини эгаллаб турган ҳамкасбларидан бири шу услубни эслаб қолган эди. Энгил ярадор бўлган франкочиларнинг эғнига республикачилар комбинезони кийдириларди. Улар кечаларни Мадрид кўчаларида пистолет ва бомбаларни усталик билан ишга солишар, кундузлари ваҳимадор қилиб боғланган оёқларини кўз-кўз қилиб Риоде-Гранде бўйлаб қўлтиқтаёқларини дўқиллатганларича шаҳар аҳолисининг олқишларига сазовор бўлиб юришарди.

Бироқ Лансдорф ўзининг ажойиб ўтмиши билан кеккайиш ва гўё хизматлари етарли даражада қадрланмастганидан шикоят қилгандек ўша хизматларини эслатиб ўтишни ўз шаънига ярашмайди деб ҳисобларди. Шунинг учун ҳам у Дитрихнинг фикрига тан бериб лутфан унга қўшилди.

— Сизнинг таклифингиз ўз замини билан жуда ақлли ва руҳан инкор қилиб бўлмайдиган таклиф. Аммо...— Лансдорф қўлларини стол устига қўйиб, силлиқ кўкимтир тирноқларини томоша қилар экан (юрак илгаригидек эмас: ёш ўтган сари унинг уриши ҳам сустлашаёт-

¹ Компрачикослар — болалар билан савдо қилувчилар. Улар болаларни ўғирлаб ёки сотиб олиб, майиб қилишарди-да, бой хонадонларга қизиқчилик қилиб кулдириб юрвчи ё бўлмаса, кўчаларда масхарабозлик қилдиргани бировларга сотишарди (тарж.).

ган эди) совуққина деди: — Аммо мен бундай зўрлаб қилинадиган операцияларга ўхшаш ғайри табиий ишларга мутлақо қаршиман.

Дитрих шошилиб унинг сўзини бўлди:

— Ҳеч қандай зўрлаш деган гап йўқ. Объект госпиталга ётқизилади. У ерда курсантга операция қилиш мутлақо зарурлиги роса уқтирилади. Замоनावий анестезия воситалари ёрдамида у ҳатто ҳеч қандай оғриқ ҳам сезмайди. Уйғонади-ю...

Лансдорф афтини буруштирди.

Буни пайқаган Дитрих, шошиб гапирди:

— Ахир бизнинг хирургларимизга, лагерь материалларидан фойдаланиб, баъзан тиббий тажрибалар ўтказишга ижозат берилган-ку. Махсус блокларга бориб юрганимда, бундай ишларни ўз кўзим билан...

— Сиз кўрибсиз, мен эса бу ҳақда эшитишни ҳам истамайман, — аччиқланиб, унинг сўзини бўлди Лансдорф.

— Аммо бу ишларнинг ҳаммаси умуминсоний мақсадларни кўзлаб қилинади-ку, — дея эслатди Дитрих. — Ҳозир врачлар фақат инсон органини сирларини билиш мақсадида мурдаларнинг ичини ёриб кўрганликлари учун уларни ўтда куйдиришга ҳукм қилинадиган ўрта аср даври эмас, ахир.

— Худди шундай, ҳозир ўрта аср даври эмас, балки инсониятга биз бахш этаётган цивилизация даври эканлигини ёддан чиқармаслик зарур. — Бу жумлани Лансдорф, ўзининг яқинда Берлинга қилган сафарини эслаб туриб, деярли беихтиёр айтди.

Берлинда у буюк ва кўримсиз Геббельснинг уйида холи зиёфатда бўлган эди. Геббельс рафиқаси Магданинг рашк қилиб жанжал кўтаришидан юрак олдириб қўйган эди. Чунки Магда Янги Герман Маданиянинг даракчиси ҳисобланган эрининг барча шахвоний майлларини ҳатто фюрерга ҳам чақиб турарди.

Шундай қилиб, зиёфатдан сўнг Геббельс Лансдорфни ўзининг хилма-хил Европа давлатларининг машҳур музейларидан ўғирлаб келтирилган расмлар осигликл суратлар галереясига бошлаб кирди.

Бу суратларнинг кўпчилигини Лансдорф ҳар хил вазибаларни бажариб, Европа бўйлаб кезиб юрган пайтлариданоқ биларди, чунки у зиёли киши бўлгани сабабли санъат хазиналарини бориб кўришга ҳам вақт топарди.

У ўз хотираларини Геббельсга гапириб берган эди, Геббельс ташвишлиниб деди:

— Гапингиз тўғри. Бу буюмларга ўзига хос бир давлат мулки, миллий бойликдек қараш одатлари мавжуд. Лекин мен фюрер, Геринг, Гиммлер, Риббентроп, шунингдек империядаги бошқа олий насаб кишиларнинг шахсий илтимосларига кўра энг етук юристлардан кичкинагина бир консилдум тўпладим. Шунда, улар мени халқаро қонунлар фақат йигирма йил давомидаги муддатни кўзда тутишни, ундан кейин эса, киши қандай жиноят қилган бўлмасин жавобгарликка тортилмаслиги ҳамда жабрланувчи томоннинг мулк эгасига ҳеч қандай даъвоси ўтмаслигига ишонтиришди. Мен бу ҳақда манфаатдор шахсларни хабардор қилиб қўйганман.

— Юристларни овора қилиб ўтиришнинг ҳожати бор эканми? — сўради Лансдорф.

— Нега ҳожати бўлмасин? — ўз навбатида савол берди Геббельс ҳам. Кейин айёрлик билан сўради: — Пайқаднигимизми, азизим, минг афсуски, бизнинг коллекциямизда Лондон ва Нью-Йоркнинг миллий галереяларидаги нарсалар етишмаётганлиги шундоқ сезилиб турибди, энг хафа қиладиган жойи шуки, ҳали Москва, Ленинградлардан ҳам ҳеч вақо йўқ. Шундай бўлгач, — деди у маънодор қилиб, — менинг га-

лерям деворлари Кремль бутлари ва Ленинград Эрмижаги суратлари билан безалмай қолгудек бўлса, юристларнинг изоҳлари сира ортиқча бўлмай қолади. Коллекционер сифатида мен узоқни кўзлаяпман. Бу ҳол улар учун маъzur тугилади. Фақат коллекционерларгина эмас, узоқни кўзлайдиган бошқалар ҳам бор, шундай эмасми?

Геббельс билан бўлган ана шу суҳбат ҳозир Лансдорфнинг эсига бежиз келмаган эди. Шунинг учун ҳам ўша гандан узоқни кўзлаб хулоса чиқарган Лансдорф Дитрихга расмий оҳангда деди:

— Бошлигингиз сифатида инсонпарварлик асосларига зид келадиган ҳар қандай уринишни ман этаман.— Сўнг Штейнглишга тикилиб сўради:— Спзнинг хотирангиз жуда яхши ва менинг бу қатъий кўрсатмам ҳар қандай вазиятда ҳам ёдингиздан кўтарилмас деган умиддаман.— У бир оз хаёлга чўмиб турди-да, кейин ҳафсалалари пир бўлган офицерларнинг башараларига истеҳзо билан қарар экан, такрорлади:— Шундай, ҳар қандай зўрлик чораларини ман этаман. Шунинг учун ҳам фараз қилайлик, янги портловчи моддалар билан танишаётган пайтда ёки қуролни эҳтиётсизлик билан ишлатиш натижасида курсантлардан биронтаси жароҳатлангудек бўлса (бу ҳол жанговар тайёргарлик кўраётган солдатлар орасида тез-тез содир бўлиб туради), шубҳасиз, ана шу машғулотни олиб бораётган офицерга қаттиқ танбеҳ бераман. Аммо башарти, жароҳатланган одам соғайгандан кейин жисмоний жиҳатдан яроқли бўлиб, айғоқчилик ишини давом эттиришга ихтиёрий равишда истак билдирса — бундай киши ҳар қанча мақтовга лойиқ.— Шундан сўнг у насиҳатомуз қўшиб қўйди:— Умуман, фронтда яраланиб ишга ярамай қолган кишилардан фойдаланиш истагингиз эса инсонпарварлик мақсадларини кўзда тутуди. Яъни уларнинг бирон касб эгаллашига имкон яратиб, бу билан рейхга манфаат етказишларига ёрдам берган бўламиз. Дарвоқе, одатда майиб бўлган кишилар ўзларининг ногиронликларни фаҳмлайдилар ва келажакларидан умидсизлиги азб чекадилар. Шу боисдан улар ёллашга дарров кўна қоладиган кишилар ҳисобланади. Фақатгина абвер эмас, бизнинг бошқа разведка ва контрразведка ташкилотларимиз ҳам бунга бир неча бор ишонч ҳосил қилганлар. Бу ишда аллақачон бой ва самарали тажриба тўпланган.

Мана, масалан, майор Штейнглиш инглиз ташқи ишлар мннистрлигидаги бир олий насаб шахс дабдурустдан фюрер ғояларининг муҳлиси бўлиб қолганлиги туфайли бизга хизмат кўрсатиб келган, деб ўйлаётган бўлса керак? Афсус! Биз унга ғоявий эмас, тиббий усуллар билан таъсир кўрсатдик. Ўз ватандошимиз бўлган лондонлик машҳур докторга унинг бедаво дард — рак касалига йўлиқиб қолганлиги ва ҳатто бу ёруғ дунёда саноқли кунлари қолганлигини аниқ айтиб, унинг онгига сингдиришни таклиф этдик. Табнники, унинг руҳи жуда тушиб кетиб, фақат бир нарса, ўз ўлимидан кейин оиласининг таъминоти масаласини ўйлаб қолди. Биз унинг хизматлари эвазига катта ҳақ тўлаб, бу борада унга кўмаклашдик. У бизни «Фореин-оффис» пўлат сейфларидаги ҳужжатлар билан таъминлаб турганлигидан ўзларингиз хабардорсиз.— Эснаб, киришди.— Кўрдингизми, жаноблар, янги ғояларнинг ниҳоллари биз — кексалар тўплаган уруғлардан униб чиқади.

Ҳар қалай Лансдорф ўзини тутиб туролмади ва Дитрих қилган таклифнинг унчалик янги эмаслигини унга уқтириб, ўзининг азият чеккан иззат-нафсига тасалли берди.

Дитрихнинг қандай мақсад билан елиб-югуриб юрганидан Ваёс хабардор эди. Фақат курсантлардан қайси бирини майиб қилиш мўл-

жаллангани, шунингдек, кўпоров ишини қайси муассасада бажариш белгиланганлигини билиб олиш қолган эди. Аввало Вайс, шу ишга мос ҳужжатли филмлар таилаш учун ёзилган талабнома билан танишишга қарор қилди. У илгари ҳам Марказ учун маълумот тўплаган пайтларда бу услубдан бир неча марта фойдаланган эди.

Шу пайтга қадар «Вали штаби»нинг айғоқчилари советларнинг ҳеч бир мудофаа муассасасига кириб олишга муяссар бўлмаган эдилар. Канариснинг сердағдага талабларига қарамай, шу мақсадда олиб борилган барча ишлар бирор сабаб бўлиб албатта чиппака чиқарди.

Энди кўпоровчилик ишларига тайёргарлик мутлақо махфий олиб бориладиган бўлди.

«Вали штаби» қошида махсус лагерь барпо қилиниб, унинг тўсиқларидан ичкарига фақатгина олий унвонга эга бўлган офицерларгина кира оларди. Лагерь ичкарисида тайёргарлик машғулотларини олиб борадиган абверчилар бўлса лагерь ташқарисига чиқарилмасди. Вайс ҳам у ерга киролмас эди.

Бу махфий лагернинг барпо этилиши «Вали штаби»нинг фаолиятида янги босқич бошланганидан, унинг олдига жиддий вазифалар қўйилганлигидан ва бу лагерь ҳозир Совет мамлакатига жуда катта хавф солаётганидан дарак берарди.

Интизом шундай ҳам қаттиқ эди-ю, лекин Шарққа қарши курашга қаратилган барча абвер группаларини назорат қилишга отланган Канариснинг келиши кутилаётгани сабабли у бешбаттар оғирлашиб кетганди.

Ана шу шароитда Иоганн жуда зўр эҳтиёткорлик ва эпчиллик кўрсатиб, ҳатто душман ниятларини фош қилишда бой берилган ҳар бир кун даҳшатли хавф келтириши мумкин бўлган бир дамда ҳам шошилмай, бафуржа ўйлаб иш олиб бориши лозим эди.

Варшава разведка мактаби аёллар филиалининг бошлиғи, немислар сотқин ва хоинлардан ташкил этган Рус озодлик армияси (РОА) нинг капитани Клара-Клавдия Ауфбаум-Зеленко ўқимишли ва катта турмуш тажрибасига эга аёл эди.

Унинг қистови билан 1920 йилдаёқ эри, Донецдаги Белгия компаниясига қарашли шахтанинг собиқ бухгалтерн Фриц Ауфбаум фақат исми-шарифинигина эмас, балки ихтисосини ҳам ўзгартириб олган эди. Шу боисдан у Советлар ҳокимияти даврида бош инженерлик лавозимини эгаллаб олди. Бунинг ҳеч ажабланарли ери йўқ эди. Техник билимга эга зиёлиларга эҳтиёж катта бўлиб, янги инженер қўл остидаги кишилар олдида ўзини жиддий тутиши, камгаплиги, бошлиқлардан қайси бири иш буюргудек бўлса, уларнинг кўрсатмаларини итоатгўйлик билан бажариши унинг билими камлигини ювиб кетарди. Ақл бобида у унча зўр эмасди-ю, лекин манманликка келганда дадил эди, негаки, у руслар билан украинларни ярим оснёкликлар деб билар ва дилнда бунга қаттиқ ишонарди. Ауфбаум соф насаблик европалик бўлгани учун ҳам қўл остидаги одамлар орасида ўзи сал-пал тасаввурга эга бўлган нарсаларни мукамал билладиган кишилар ҳам учраб туришига қарамай уларга бошчилик қилишга шу билимининг ўзи етарли деб ҳисобларди.

Клавдия Зеленко Украинанинг тарихига қизиқар ва ҳатто шу масала юзасидан этнография журналинда қандайдир бир мақоласи ҳам босилиб чиққан эди. Кейинчалик эрини Брянска ўтказишгач, у русларнинг ўтмиши билан ҳам қизиқа бошлади.

Узларининг меҳнатда кўрсатган рекордлари билан донг таратган стахановчилардан ишлаб чиқариш командирлари тайёрланаётган ўша пайтларда Клавдия Зеленко мана шу муҳтарам кишиларга немис тили-

дан дарс бера бошлади. Бу хизмат туфайли ўшалар орасидан кейинчалик йирик корхоналарда раҳбарлик лавозимларини эгаллаган кишилар билан дўстона алоқада бўлиш имконига мушарраф бўлди.

Ауфбаум меҳнатсевар аёл бўлганидан немис тилидаги техникага оид китобларни рус тилига таржима қилар ва бу билан дурустгина пул топарди. Кейинчалик эса немис нашриётчиларининг заказига биноан металлургия ва кончиликка доир совет китобларини рус тилидан немис тилига таржима қила бошлади.

Федор Зеленко бир неча марта Германияга командировкага бориб келган эди.

Германияда Зеленконинг немис эканлигидан хабар топишгач, унга алоҳида ҳурмат-эътибор кўрсатиб, айғоқчи қилиб ёллашга уриниши.

Бу таклифу ваъдаларни эшитиб, ҳаммасини жуда пухта ўйлаб кўргач, Зеленко-Ауфбаум уларга рад жавоби берди, чунки унинг Советлар мамлакатидagi мавқеи мустақкам, обрўли ва истиқболи порлоқ бўлгани туфайли герман айғоқчисига қараганда ўзига кўпроқ мойил қиларди.

У уйга қайтганидан кейин бу таклифлардан ГПУ ни ҳам, рафиқасини ҳам хабардор қилиб қўйишни ўзи учун фойдали деб билди. Бу маълумот унга бўлган ишонччи янада мустақкамлади. Хотинига келганда, бу хабар унга қутилмаганда бошқача таъсир кўрсатди.

Клава-Клара шўжқин табиатли, хаёлотга берилган аёл бўлганидан бу ишда романтикани кўрибгина қолмай, мазкур таклифни эшитгач, қалбида ўз авлод-аждодларининг ерларига бўлган муҳаббат аланга ола бошлаганини ҳис этди. Шу боисдан у эрининг иродасига қарши ўлароқ ўзи хизмат қилаётган нашриёт ходими, немис айғоқчиси билан ҳамкорлик қила бошлади.

Янги фаолиятдан руҳланиб ўзини замонавий Мата Хари деб тасаввур қилган Клава-Клара елиб-югурар экан бир оз озди ҳам; қадди-қомати қизлик пайтидаги аслига қайтай деди, ҳатто чиройи ҳам очилди.

Бироқ шу пайт мутлақо қутилмаган бир ердан Зеленко-Ауфбаумлар оиласининг бошига бахтсизлик тушиб қолди.

Уларнинг комсомол аъзоси бўлган ўн беш ёшли ўғиллари бор эди. Комсомол бўлганда ҳам, у социализм қурилишидаги қаҳрамонликлар гўё ўзи учун маънавий озуқа бўлиб қолган комсомоллар сирасидан эди.

Павел Корчагин образи унинг учун идеал эди. У ота-онасининг гапига қулоқ солмай, мактабни ташлаб, қолоқ шахталардан биридаги ёшлар бригадасига аъзо бўлиб киради.

Улар фидокорлик кўрсатиб, жон-жаҳдлари билан ишласалар-да, ярим очликда яшар эдилар, негаки, тажрибалари йўқ бўлиб, жисмоний жиҳатдан ҳам заиф бўлганлари сабабли белгиланган нормаларини бажаришолмасди.

Бундай бригада-коммуналар гарчи, ҳамма аъзолари орасида барча соҳада тенглик ва биродарлик мавжуд бўлса ҳам, лекин ноўрин тенглаштириш йўлида турганликлари учун, кейинчалик тарқатиб юборилган эди.

Шундай қилиб, бир куни уйига мириқиб ухлагани ва ўтган кунлар ҳисобига тўйиб овқатлангани келган йигитча қўққисдан тунда отасининг онасидан немис айғоқчиси билан қилаётган ҳамкорликдан воз кечишни талаб қилаётганини эшитиб қолади.

Ўғил ота-онасининг ётоқхонасига бостириб киради-ю:

— Шу гап ростми?— деб сўрайди.

Клава-Клара ҳам эри, ҳам ўғлидан эшитган таъналаридан кейин дод солиб:

— Бўлмасам, бориб мени чақа қолинглар, — деб қичқиради.
Уғил ҳам бўш келмай:

— Хўп бўлади, худди шундай қиламан, — дейди-ю, ушлаб қолишга уринган отасига ҳам куч бермай, уйдан чиқиб кетади.

Эртасига эрталаб Федор Зеленко шахсий «эмкаси» — ўзи бошлиқ бўлган корхонанинг йиллик планини 114 процент бажарганлиги учун мукофотга берилган машина турган гаражга кириб бундай қараса, ўгли ўзини осиб қўйибди.

Бу бахтсизликдан кейин ўглининг йўлини тутишга, Федор Зеленконинг иродаси заифлик қилди, боз устига, кечаси бўлиб ўтган ҳодисадан кейин эс-ҳушини йўқотиб қўйган Клава-Кларани телба ҳолда жинниҳонага элтиб қўйишга тўғри келди.

1937 йилда Клава-Клара эмас, унинг эри қамоққа олинди.

Уғил ўлгач, ўзи жинниҳонадан чиққандан кейин Клава-Клара немис айғоқчиси билан ҳамкорлик қилмай қўйган эди. Энди эри учун ўч олиш ниятида узиб қўйган алоқасини қайта тикламоқчи бўлди. Бироқ немис айғоқчиси икки сабабга кўра унинг хизматини рад этди. Биринчидан, у қамоқдаги кишининг хотини бўлганлиги сабабли таъқиб остида бўлиши мумкин эди. Иккинчидан, ўглининг ўлимидек арзимас баҳона билан бажараётган вазифасидан воз кечганлиги учун унинг гуноҳидан ўтишни хоҳламади.

Клава-Кларанинг бир талабаси саноатнинг йирик командирларидан бири бўлиб қолган машҳур стахановчи эди. У собиқ муаллимасининг хизматларини унутмай, унга дўстлик қўлини чўзди. Шу туфайли Клава-Клара ўша пайтларда қамоққа олинган кишилардан кўпчилигининг оилалари бошига тушган оғир қисматдан қутулиб қолди.

У ўн йиллик мактабда ўқитувчилик вазифасига тайинланди, кейинчалик ҳатто унга директор ҳам бўлиб олди.

Клава-Клара яшаб турган шаҳарни немис армияси босиб олгандан кейин у лагерга тушиб қолди. Клава лагерда бир неча ой ётиб, ҳар томонлама текширувдан ўтказилгандан кейин уни РОА қисмига таржимон қилиб белгилашди, кейинчалик эса, унинг жўшқин фаолиятини ҳамда насаби немислигини инobatга олиб, шубуҳасиз гестапонинг иштироки билан унга капитан унвони берилди ва аёллар разведка мактабига бошлиқ қилиб тайинлашди.

Варшава мактабига ўхшаш шаҳар чеккасига жойлашган бу мактаб аёллардан разведкачи-радистлар тайёрлаб чиқарарди. Уқиш муддати олти ой давом этарди.

Сўнгра курсант аёллар марказий мактабга олиб бориларди-да, у ерда эркаклар билан биргаликда, ҳар бири ўз ҳамроҳи билан яна бир ой давомида тайёргарлик кўрарди.

«Вали штаби» қўмондонлиги радистлар сифатида эркаклардан эмас, аёллардан фойдаланишни кўпроқ мақсадга мувофиқ деб билардилар. Чунки бир жойда доимий яшаб турган армия ёшидаги эркак аёлларга қараганда тезроқ шубуҳа остига олинини мумкин эди. Аёл эса ўзини немислар босиб олган жойдан келган қочоқ ёки эвакуация қилинган деб кўрсатиши мумкин бўларди. Бундай одамлар ҳатто маҳаллий аҳолининг ҳамдардлигига сазовор ҳам бўларди.

Курсант аёллар состави СС ва гестапо ходимлари олдиндан тайёргарлик синовларидан ўтказиб турадиган лагерлардан ёлланарди. Улардан махсус тилхат олиниб, одатда мактабга жуда ночор аҳволда олиб келинарди. Бўлғуси курсантларни олиб келган соқчилар бошлиғи ҳар сафар Клара Ауфбаумни ишонтиришга ҳаракат қилиб: омилкор тиббий экспертиза, олиб келинган ёки олиб келинганларнинг муҳим ички аъзо-

ларига ҳеч қандай оғир жароҳат етказилмагани ва албатта соғайиб кетажаклари ҳақида справка бергаплигини уқтирарди.

Босиб олинган жойларда ҳаракат қилаётган немис комендатуралари, полиция, абвер группалари ҳам ўзларига хизмат қилиб, синовдан ўтган кадрлар етказиб бериш билан мактабга кўмаклашиб турардилар.

Имтиёзга эга бўлган бу хонимларни баъзи-баъзида соқчилар олиб келишмаса, қолган пайтларда кузатувчилар билан бирга келишарди. Улар анчагина олифта, ранги рўйлари ҳам дурустгина бўлиб, ўзларини енгил тутишарди. Бироқ капитан Клара Ауфбаум ўзига хос услуб билан бу ер фоҳишахона эмас, балки ҳатто армия тартибидан ҳам қаттиқ интизомли разведка билим юрти эканлигини уларга дарҳол уқтириб қўярди.

Капитан Ауфбаумнинг шаҳсан ўзи, ҳеч вақт жисмоний куч ишлатиб тарбиялаш услубларини қўлламасди.

Бу вазифани бажарадиган махсус киши — мактаб бошлигининг сиёсий қисм бўйича ёрдамчиси, РОА лейтенанти бор эди. Бу аёл кеккайиб ўзини Инга Ратмирова деб таништирарди-ю, аммо уни Нюрка деб ҳам атайверишарди. Нюрка елкалари кенг, барваста, чалворга сирилиб турган семиз корсонли, энсиз пешапасига текис тушиб турган сочлари калта қирқилган, тамаки тутунидан тишлари сарғайиб кетган бир аёл эди. У ўзини эркаклардек тутарди. Жиноятчиликни ўзига ҳунар қилиб олганидан, қамоқхона ва лагерь урф-одатларини жуда яхши билган бу аёл турмадалигидаёқ фронтга юборишларини сўраб арзнома ёзгани туфайли ҳарбий қисмга санитария инструктори қилиб жўнатилган эди. У асирга тушганидан кейин немис солдатлари унинг сумкасидан анча-мунча қўл соатлари, портсигарлар, гижимланган даста-даста пуллар топиб олишди.

Уни оз бўлмаса урпб ўлдиришаёзди: аёлни бу ҳунари солдатларни қаттиқ газаблантириб юборган эди. Бироқ гестапочилар Нюрканинг қилиқларини энг яхши далил деб билиб, унинг ўзини шубҳасиз Рейхга иш берадиган аёл деб топишди. Шу бондан жанг майдонида ҳалок бўлганларни талаб юрган бу маразни аввалига жазодан озод қилиб, кейинчалик жуда яхши тавсияномалар билан РОА қисмларида хизмат ўташ учун фронт ичкарасига жўнатишди.

Босиб олинган районлардан келган хотин-қизлар немислар билан ҳамкорлик қилиш ва улар билан алоқа боғлаш борасида анчагина тажриба орттирган, бундан ташқари куч-қувватларини ҳам йўқотмаган аёллардан иборат бўларди. Шунинг учун ҳам, Нюрка уларга нисбатан баъзи бир ўзига хос қилиқларини татбиқ қилмоқчи бўлганида, янги келган аёллар унга кескин зарба беришарди. Аммо у гестапо турмаларидаги қийноқ ва сўроқлардан азобланиб ҳолдан тойган аёлларга гўё ўзини меҳрибон ва ғамхўр қилиб кўрсатиб, айтганларини бажаришга мажбур қиларди.

Капитан Клара Ауфбаумнинг ўзи юксак ахлоқи билан бошқалардан ажралиб турарди. У ёши қирқдан ошганига қарамай, ўзига оро бериб, озодалик ва поклик билан ҳаёт кечиргани туфайли анчагина ёш кўринарди. Унга ҳарбий кийим ҳам жуда ярашган бўлиб, қирра бурун, қушсурат юзи қип-қизил магиздек, узун бўйнида битта ҳам ажини йўқ эди.

Абвернинг баъзи бир кексароқ, сипо офицерлари кўнгилларини хушлаш мақсадида у билан яқин муносабатда бўлиш, ҳатто унга уйланишга ҳам рози эдилару, аммо Клара ўз эри тирик бўла туриб бошқа эрга тегишни одобсизлик деб билгани туфайли эркакларнинг тилак ва хоҳишларини матонат билан рад этиб келарди. Қисқа фурсатли енгил-елпи алоқаларни эса ўз шаънига ярашмайдиган нарса, деб ҳисобларди.

Клара Нюрканинг шарм-ҳаёсиз қилиқларидан жирканарди. Бироқ капитан Ауфбаум гоҳи пайтларда жазаваси тутиб турадиган, қўлидан ҳар қандай бемаъни ишлар келадиган бу жиноятчидан зимдан чўчирди. Шунинг учун ҳам у сиёсий қисм бўйича ёрдамчисининг одобсиз ахлоқидан норозилигини ошкор баён қилмай, Нюрканинг ҳомийлигидаги курсантларга нафрат билан қараб, уларни таъқиб остига олиш билангина чекланиб қолаверарди.

Курсантлар салгина айб иш қилиб қўйишгудек бўлса Ауфбаум уларни концлагерга қайтариб юборарди. Гуноҳлари жиддийроқ бўлган тақдирда мактаб яқинидаги СС бўлинмасига ҳам жўнатарди. Бу бўлинма гумдон қилиш ишларини, одатда қатл этиш жойларига қўйиландигандек, атрофига «Тақиқланган зона» деб ёзилган устунлар ўрнатилган ахлатхоналарда амалга оширарди.

Хўжалик, молия ёки ўқитув ишларини текшириш учун мактабга келган абвер офицерларини капитан Ауфбаум жуда меҳмондўстлик билан кутиб оларди. Бундай пайтларда хонаки таомлар билан «меҳмон» ларининг кўнглини олиш учун овқат пийриш ишларига ўзи бошчилик қиларди. У ҳали Донбассдалик пайтларидаёқ ҳар хил мевалардан ажойиб шарбатлар тайёрлашни ўрганиб олгани туфайли ўз санъати билан «меҳмон»ларни мафтун этарди.

Мўл-кўл зиёфат ва ичкиликдан сўнг у ўзининг аёллик ва офицерлик шаънига муносиб бўлмаган шилқимликларни бартараф қилиш мақсадига, қулай пайт пойлаб, кайфи ошгач, егиллик қила бошлаган меҳмонга илтифот билан курсантларнинг шахсий ишларини кўриб чиқишни таклиф этарди. Мазкур шахсий ишлар ичида уларнинг расмлари ҳам бўларди. Башарти биронта шахсий иш меҳмоннинг эътиборини жалб қилиб қолгудек бўлса, меҳмон қолган қўшимча маълумотларни бевоқифа ўша кўнгли мойил бўлиб қолган курсантдан олиши мумкинлигини айтарди-да, у аёлни абвернинг текширувчи мансабдорлари учун махсус ажратилган хонага чақириб келишни буурарди.

Уновони ёки мансаби ўзидан юқори бўлган офицерларнинг шилқимликларидан халос бўлиш учун капитан Ауфбаум ишлатадиган бу услуб ёрдамчисининг ғазаб ва эътирозига сабаб бўларди. Бироқ бу ғаразғўйлик ахлоқий мулоҳазалар юзасидан эмас, балки, шунчаки пасткашларча рашк қилишнинг натижаси эди, холос.

Буни тушуниб етган капитан Ауфбаум дарров унинг ўзига яраша муомала қилиб:

— Лейтенант, смирно! Кругом марш,— деб буйруқ берарди.

Шундан кейин лейтенант Нюрка, вермахт қисмларидагига ўхшаб, бу ерда ҳам сўзсиз бажарилши лозим бўлган муқаддас ҳарбий интизомга итоат этишга мажбур бўларди.

Рурдаги металлургия фирмаси директорининг ўғли. «Бремен» крейсерининг олифта офицери Вильгельм Канарис, абвер бошлиғидек олий мансабга эришишига сабаб бўлган разведкачилик ихтисосини герман разведкасининг ана шу сузувчи базасида эгаллаган эди.

Унинг гестапо бошлиғи Гейдрих билан (у ҳам бир вақтлар «Бремен» крейсерининг офицери бўлиб, шарм-ҳаёсиз қилиқлари туфайли флотдан ҳайдалган эди) дўстона муносабатлари ёшлик пайтларидагидек беғубор эмас эди. Уларнинг икковларида ҳам бир-бирларидан қўрқишга, нафратланишга, бир-бирларини кўролмасликка ҳамма асослар мавжуд эди.

Улар маккорлик аралаш ўзига хос бир шижоат билан очикча душманлардан кўра ўзларини дўстона муносабатда кўрсатишни, ботма-бег олишувдан кўра орқаваратдан пинҳона панд беришни афзал кўришарди. Аммо ана шу орқаваратдан панд бериш икки томон учун ҳам баробар хатарли эди.

Канарис одатда, энг муваффақиятли разведка операцияларини немис сапоатчилари доирасига таянган ҳолда олиб борарди. Улар ўзларининг халқаро алоқаларидан фойдаланиб, абвернинг герман концернларининг иқтисодий манфаатига мос келадиган разведка топшириқларини бажону дил бажаришарди. Боз устига, концернлар фирма бюджети ҳисобидан ўзларининг хусусий махсус разведка бўлимларига ҳам эга эдилар.

Фюрер учун энг бебаҳо маълумотларни Канарис герман саноатини бошқарувчилар ва айни бир вақтда АҚШ, Англия, Франциянинг энг қудратли магнатларига шерик бўлган ана шу шахсларнинг оғзидан эшитарди....

Бу уддабурон одамларнинг иш юзасидан ўзаро маълумот алмашиб туришларини фақат ўта одобсиз ва ахлоқсиз кишигина ўз мамлакатларининг хавфсизлигига путур етказадиган жосуслик деб аташи мумкин эди. Аммо барибир, ҳар қандай вазиятда ҳам, ҳатто бу мамлакатлар ўртасида уруш эълон қилинган тақдирда ҳам улар улкан ва улгуржи фойда билан таъминланган эдилар.

Табийки, Канарис хорижий мамлакатлар сафаридан қайтган йирик герман фирмаларининг директорини хашаки айғоқчилар қаторига қўшмас ва уларнинг адо этган хизматлари эвазига абвернинг махсус махфий фондидан ҳақ тўламас эди. Аксинча, герман концернларига янада кўпроқ ҳарбий буюртма олиб боришда кўмаклашишлари учун уларнинг ўзлари империя министрларига, маршал ҳамда фельдмаршалларга жондиллари билан ҳақ тўлаш истаklarини баён этишарди. Бундан ташқари, директорлар — ўз мамлакатларининг ҳарбий буюртмаларини бажариб турган корхона эгалари хорижий шерикларидан олган савдо-сотиқ гувоҳномаси бўйича махсус қуроллар ишлаб чиқаришни тезроқ бошлаб юбориш учун маълум ёрдам пули олишни истардилар.

Чунончи, немисларнинг «Карл Цейс» фирмаси билан американинг «Бауш энд Ломб» фирмалари ўртасида худди шу тарзда мутлақо дўстона савдо-сотиқ алоқалари ўрнатилган эди. Шу боисдан америка фирмаси, ҳурматли ҳамкорининг манфаатини кўзлаб, ўз иттифоқдоши — Англия ҳарбий оптикага буюртма қабул қилишни илтимос қилганида, уни рад этган эди.

Маълумки, Германияда қурилган ҳарбий маҳсулот ишлаб чиқарувчи «Опель» заводлари ҳам «Женерал мотрос» америка фирмасининг хусусий мулки эди.

Рурнинг ҳукмрони Гуго Стиннесга келганда эса, у узоқни кўзлаб, океан нарёғида «Гуго Стиннес индастрис корпорейшн» (Нью-Йорк) фирмасини барпо қилган эди. Англияда, Глазгонинг марказида эса «Гуго Стиннес Лимитед» деган лавҳа осигўлиқ бино қад кўтариб турарди. Шуни ҳам таъкидлаб ўтиш керакки, Германияда ирқчилик машини роса авжга минган бир пайтларда ҳам немис магнатлари, агар шундай дейиш жоиз бўлса, бидъатни ҳам оёқ ости қилиб, бадавлат хорижий оилалар билан фақат молия алоқаларинигина эмас, балки қудачилик ҳам қила бошладилар. Ҳолбуки, бу хорижий оилаларни Рейх қўллаётган ирқий саралаш элагининг энг йиригидан ҳам ўтказиб бўлмасди.

Гитлернинг босқинчилик режаларида уни тезлаб туриш учун Рур сапоатчилари АҚШ, Англия, Франциянинг ҳарбий қудрати ҳақидаги маълумотларни бир мунча ошириб кўрсатишдан манфаатдор эдилар. Улар ҳарбий ишлаб чиқаришга маблағ етказиб бериб, мамлакат ичкарисида фашист террорининг барча воситаларидан фойдаланган ҳолда маднаткаш омманинг норозилигини бутунлай бўғмоқчи эдилар.

Бундан ташқари, улар фюрер СССРнинг ҳарбий қудрати ҳақида чиннакам тасаввурга эга бўлмаслигини ҳам истардилар, чунки бу унинг большевизмга қарши бўлган жанговар шижоатини бир мунча совутган

бўлур эди. Айниқса, герман магнатларининг хорижий шериклари ҳам гоҳо-гоҳо илтифот юзасидан унча-мунча ён босиб ҳам туришарди, чунки Гитлер Германияси Шарққа бўлган юришини амалга ошириш билан уларнинг капиталлари ва сиёсий ниятларини бирлаштирган корпорацияларининг гуллаши учун самарали замин яратилишига қаттиқ умид боғлашарди.

Шунинг учун ҳам Вильгельм Канарис герман магнатлари кўрсатган жосуслик хизматлари эвазига Гитлерни келишиб олинган руҳда хабардор қилиш билан орани очиқ қилиб юрарди.

Гейдрихга келганда эса, унга мамлакат ичкарасидаги разведка ишлари топширилган бўлиб, бу вазифани у бор тажрибасини ишга солиб, муваффақият билан бажариб келарди.

Хориждаги разведка ва контрразведка соҳасида Гейдрих рақиби каби қимматли кадрларга эга бўлмаганлиги туфайли, Канарис билан рақобатда муваффақият қозониши амри маҳол эди.

Канарис хориждаги сиёсий доиралардан маълумотлар олиш учун Рейхнинг олий зотларнинг шажараси ҳисобланган гот альманахига ёзилган энг юқори табақали аристократ хонадонлари хизматларидан ҳам фойдаланарди.

Тўғри, бундай ҳолларда у абвернинг махфий фондидан ғарбнинг қимматли валютасида катта-катта миқдорда маблағ харжларди. Бироқ бундай харажатлар доимо ўз-ўзини қоплаб кетарди.

Дабдабали унвонга эга бўлган бу кишилар ҳатто расмий равишда давлат хизматида бўлмасалар ҳам, хорижий мамлакатларда ўзларига ўхшаш кишилар билан учрашиб қолганларида бепарволик билан, шунчаки гап орасида, муҳим сиёсий сирларни билиб олиш лаёқатига эга эдилар. Олий табақага мансуб одамлар ўртасида бундай сирларга юқори насабли хонадонларнинг шаънига тегадиган оилавий сирларга қараганда камроқ эътибор бериларди.

Бу соҳада айниқса, князь Гогенлоэ катта истеъдод кўрсатган эди.

Француз маршали Петэннинг кўрсатган хизматлари бебаҳо эмасми-ди, ахир? У Мадридда француз элчиси бўлиб турган пайтларидаёқ айтган гаплари зудлик билан Гитлерга маълум бўлиб туриши ва ўз хизмати эсдан чиқарилмаслигига қатъий ишониб, Франкога ўз мамлакати ҳарбий кучларининг ҳақиқий аҳволи тўғрисида узлуксиз маълумот етказиб турарди.

Лондонда кенг қучоқ очиб кутиб олинган, фюрернинг мухлиси, машҳур америкалик Чарльз Линдберг-чи?.. АҚШнинг миллий қаҳрамони ҳисобланган бу одам немис дўстларига Америка, шунингдек, Англия ҳаво флотларининг имкониятлари тўғрисида қулларча иштиёқ билан тўла-тўқис маълумот бериб турарди.

Ватиканнинг хизматларини айтмайсизми!..

Ҳа, Канарис ўзини билимдон овқат шинавандаси, санъат ҳомийси, такса итларни яхши кўрадиган, най чалиб ўзини овутадиган, оранжерейда иссиқ иқлимда ўсадиган ноёб ўснимликларини парваришлаб ўстирувчи ғалати одам қилиб кўрсатиши ҳамда устига фрак кийиб олиб ўзининг шаҳар чеккасидаги боғида айғоқчиларни олий зотлар ва немис саноатининг ҳукмронлари сазовор бўлган тантана ва эҳтиром билан қабул қилиши ҳам мумкин эди.

Гарчи, Гейдрих билан Канариснинг фаолият доиралари расмий чегараланган: Канарис хорижий, Гейдрих эса мамлакат ичидаги разведка билан шуғулланишларига қарамай, ҳар иккови ҳам бир-бирларининг сир-асрорларидан воқиф бўлишга интилишарди.

Гейдрих бунга абверни кузатиш мақсадида, Канарис эса ҳукмрон тўдага кирган ҳар бир кишини зарур бўлган чоғда жиловда тутиб туриш

учун, у кишилар ҳақида ўзига керак бўлган маълумотларни, фисқу фу-
журларни иложи борича кўпроқ тўплаш мақсадида қиларди.

Шунинг учун ҳам уларнинг ҳар бири мағлуб бўлган рақибининг хў-
жалигини ўзлаштириб олинш мақсадида бу курашда бир-бирини қўлга
туширишга, панд беришга интиларди.

Оилавий крокет ўйинидап кейин Канарис билан Гейдрих, хотинларини
боғда қолдириб, тушлик овқат тайёр бўлгунга қадар холи чақчақлашиб
ўтиргани кабинетга кириб кетишди.

Гейдрих ҳатто крокет ўйини пайтида ҳам кителининг тугмаларини
ечиб қўйишни эп кўрмади.

У, ҳамма вақтдагидек ўзини гоётда сипо тутар ва башарти, ютқазиб
қўяётган бўлса, қаттиқ қисилганидан энсиз лаблари оқариб кетарди.

Канарис аксинча, кийим-бошга унча аҳамият бермасди. У ютқазает-
ганда ҳам, рақибининг ютуғидан шу қадар қувонар эдики, рақибининг
дилида бенхтиёр: унинг кўнглини кўтариш учун ғалаба қилишнинг нима
ҳожати бор эди?— деган фикр пайдо бўлиб, таъби тирриқлашарди.

Гейдрих Канарисга қисқагина қилиб бир рапорт ҳақида гапириб
берди. Унда абвернинг хотин-қизлар разведка мактабларидан бирида
аллақандай курсант қиз гестапо ходимига суиқасд қилганлиги тўғрисида
хабар қилинган экан.

— Хабарим бор,— деди Канарис,— асаби бўш аёл экан,— кейин
огоҳлантиргандай баён қилди:— Модомики, йигитларингиз маълум ва
машҳур уйлар билан менинг мактабларим орасидаги тафовутни тушун-
май, ўзларини шундай бемаън тарзда тутишар экан, уларни мен эмас,
сиз тартибга чақириб қўйишингиз лозим.— Кейин пичинг билан қўшиб
қўйди:— Зотан, жосус аёллар билан ишлашда сизнинг тажрибангиз
кўпроқ. Яширин жиний полицияга бошлиқ бўлиб турган пайтнингизда
ўша кўча-кўйда санқиб юрадиган берлинлик аёллар энг ишончли агент-
ларингиз эди, шекилл? Бу ерда эса гап бошқача. Афтидан, ҳали уларда
хотин-қизлар номуси тўғрисидаги баъзи бир тасаввурлар ҳануз йўқолиб
кетмаганга ўхшайди.

— Мактабларингизнинг ифбатли қизлар пансионига ўхшашлигини
билмаган эканман,— дея кесатди Гейдрих.

Канарис соддадиллик билан жилмайди:

— Муҳтарам дўстим! Худонинг ўзи аёлларни биологик табиати жи-
ҳатидан биз эркакларга тобе қилиб яратган. Лекин биз эркаклар ҳам
физиология қонунларига кўра қисман аёлларга тобемиз. Зеро, биз қи-
лаётган барча нарса бутун моҳиятнимизни ўз ичига қамраб олган ҳамда
руҳий майл деб ҳисобланган пинҳоний ҳис-туйғунинг ифодаси ҳисобла-
надн. Буни эътиборга олмаслик ҳам зарарли, ҳам хавфлидир.— У сўнг-
ги сўзларни айниқса, таъкидлаб айтди.

— Бу хавф менга тааллуқли эмасми, ишқилиб?

— Йўғ-е, қўйсангиз-чи,— деб эътироз билдирди Канарис.— Мен фа-
қат бир нарсани кўзда тутяпман: ўша унтершарфюрерингизни госпитал-
дан соғайиб чиққандан кейин жазолаш керак. Ахир у бемаъни қилмиш-
лари билан оз бўлмаса муҳим вазифа учун тайёрлаётган қимматли ма-
териалимизни ишдан чиқарай деди. Энди бўлса ўша аёл сал бўлмаса
умндимизни пучга чиқарай деб, мазкур вазифаннг бажарилишини
кечиктириб турибди. Инсоният эса хаёлотсиз ёввойилашиб кетган бўлар-
ди. Биз ҳаммамиз орзу-умид қурбонларимиз.— Хўрсиниб деди:— Мен,
масалан, доимо машҳур музикачи бўлишни орзу қилардим.— Афсусла-
ниб қўлларини ёйди.— Оқибат нима бўлди? Ҳатто сиз ҳам менга тасал-
ли бериб: «Канарис флейтани жуда моҳирлик билан чалади», деёлмай-

сиз. Мендаги маълумотларга кўра,— у мулоим жилмайди,— сиз бунинг мутлақо тескарисини айтибсиз. Бошқа манбалардан олинган маълумотларга қараганда — сўз менинг иззат-нафсимга унча таъсир этмайдиган масала ўстида боряпти — гўё мен бизнинг десантмиз Англияга бориб тушгандан кўра Россияга қарши биргалашиб уруш олиб бориш мақсадида еримизга инглиз десант туширилишини афзал кўрган эмишман. деган тахминий гапларни айтган эмишсиз.

Гейдрих диққат билан унга совуқ кўзларини тикди.

— Дарвоқе,— Гейдрихга худди шу тариқа тикилганча бурро-бурро қилиб давом этди Канарис,— Черчилль Россиянинг шимолига инглиз экспедицион лашкарларини тушириб тажриба орттирган. Буни биз ҳар қандай вазиятда ҳам унутмаслигимиз лозим. Борди-ю, у янги шароитда янгича шартлар билан ўз тажрибасини энди биз билан биргаликда татбиқ қилганда, кейинчалик биз «Денгиз арслони», операциясининг, гарчи, бир пайтлар руслар бу арслоннинг болаб таъзирини берган бўлсаларда, янгича варпантга қайтишимиз мумкин бўларди. Лекин бу гап, албатта, Черчилль Шарқий компанияда бизга қарши эмас, балки бирга иштирок этган тақдирдагина амалга ошиши мумкин.— Сўнг таъна қилди:— Швейцариядаги менинг гунгалакларимни йўқ қилиб юборганингиз чакки бўлди-да. Мени фақат маълумот олганимдан кейин сизга икковимизнинг ҳам манфаатимизни кўзлайдиган бир неча фойдали маслаҳатлар бериш ниятида одамларнингизнинг инглизлар билан қанчалик самарали музокаралар олиб бораётгани қизиқтирган эди, холос. Дабдурустдан бунчалик илтифотсизлик қилиб қолдингиз. Лекин мен эътироз билдираётганим йўқ: улар керагидан ортиқроқ нарсаларни билишарди. Шу сабабли ижозатингиз билан буни гестапонинг абверга қилган дўстона хизмати деб қўя қолайлик.— Истеҳзо билан баён қилди:— Мен учун катта яхшилик қилдингиз, десак ҳам бўлади.

Гейдрих ярақлаб турган этигининг тумшугида товланаётган нурларни кузатиб индамай ўтирарди. Кейин у тундлик билан сўради:

— Шундай қилиб, у ярадор унтершарфюрерга нима чора кўрамиз?

— Унга медаль берипг. Башарти, тентак бўлмаса, қилган аҳмоқчилигини тушунишга ақли етар. Борди-ю, тушунмаса, у ҳолда мардлигини фронтда кўрсатсин. Ваҳолонки, қиз болага кучи етмаганлиги эсэси учун шармандалич.

— Яхши,— дея розилик билдирди Гейдрих.— Шундан кейин билинар-билинмас илжайган бўлиб, дўстона оҳангда сўради:— Бу дейман, анави рус аёли репрессия қилинган совет полковнигининг қизи эканми?

— Ҳа,— лоқайдлик билан деди Канарис ва қўлини Гейдрихнинг қоқ суяк елкасига қўйди-да, ҳазилнамо таъна билан деди:— Ана шундай қизни, олижаноб совет полковнигининг қизини сизнинг йигитингиз ноумид қилмоқчи бўлибди.— Сўнг шўхлик билан қўшиб қўйди:— Ундан ташқари яна баъзи нарсалардан маҳрум этиш-а... Бай-бай-бай, жуда хунук бўлибди-да! Одобсизлик. Ахлоқсизлик. Ахир биз европаликлармиз-ку...— жиддий қиёфада сўради:— Лансдорфни биласизми?

Гейдрих тундлик билан бош ирғади.

— Буюк одам,— деди Канарис чин кўнглидан завқланиб.— У менга ўзининг «Вали штаби»дан одобли ҳамда мутлақо ишончли, қаддиқоматли келишган ҳақиқий бир орий¹ йигит топиб беришни ваъда қилди. Бу йигит ўша қиз билан бирга ахлоқу одобни ўрнига қўйган ҳолда кўн-

¹ Орийлар — олий ирққа мансуб киши, фашистлар ўзларини шундай деб даъво қилишарди.

гил очиш сафарига чиқади. Қизни юпатиб, бажариши лозим бўлган вазифага майлпни қўзғайди. Шундай, дўстим. Бизга йирик ҳарбий штабга юборгани муносиб бир одам керак. У қизни тобига келтириб қўйишар деган умиддаман...— Енгил хўрсиниб, иқроп бўлди:— Битта камчилигим шуки, мен Шарққа қарши қаратилган разведка мактабларимизда тўлиб ётган разиллардан кўра киройн одамлардан бўлган айғоқчиларни хуш кўраман.

Профессорларга хос семиз юзларини ажин босган кекса хизматчи кириб келди. У абвер лейтенанти сифатида маош олар ва айни бир вақтда гестапо айғоқчиси сифатида ҳам деярли шу миқдорда пул олиб турарди.

— Овқат тайёр...— деб эълон қилди у.

39

«Озодалик — буюк зийнат». РОА капитани Клара Ауфбаум курсантларига шундай дер экан, ҳеч қандай хом хаёлсиз кийим-бош ҳамда бинолар ичининг покиза бўлишини назарда тутарди, холос.

Бир сафар мактабни текширгани келган «Вали штаби»нинг вакили Эрнст Гаген унга шундай деб насиҳат қилган эди:

— Айғоқчи учун аёллик нафосатининг икки томони мавжуд, яъни ижобий ва салбий томонлари бор. Биринчиси, мойил қилиш воситаси. Иккинчиси, бу воситани қўллашда айғоқчи шу қадар берилиб кетиши мумкинки, оқибат-натижада бу нарсани у шахсий мақсадга айлантириб юборадиде, ўз хусни-жамолини нима сабабдан мойил қилиш воситаси сифатида ишлатаётганини эсидан чиқариб қўяди.

Маданий давлатларда — булар ҳисобидан Россияни истисно қилман — ўзларини бозорга солувчи маълум касбдаги аёллардан ташқари, шундай ишлар билан шуғулланадиган эркеклар ҳам бор. Биз улардан фақат ғарбий йўналишдагина фойдаланамиз. Мана бу шарқий айғоқчиларимизга келганда, улар орасида ўз-ўзини ўлдириш процентининг жуда ҳам ошиб кетганлиги тўғрисида сизга таъна қилаётганимиз йўқ. Эркак айғоқчилар орасида ҳам шундай ҳодисалар рўй бериб туради. Лекин қўллайдиган усул-услуглари даққионусдан қолган.— Гаген тушунтириб, бармоқларини ёзди-да, ўзининг серажин, қаримсиқ бўйнига қўйиб кўрсатди.— Чунки биз ўзларини ўлдиришда қўллайдиган энг содда турмуш воситаларидан уларни маҳрум қилишга деярли ожизмиз. Шундай бўлгач, такрор айтаман, бу тўғрида сизга ортиқча эътирозим йўқ.

Аммо аёллардан айғоқчи тайёрлашда дилемма бўлиб кўринган бир жойи бор.

Улар бизни қизиқтирган шахслар билан яқин алоқа ўрнатишга интилиб, душманнинг орқа томонида иш олиб бораётганларида, табиийки, табиат уларга инъом қилган бойликларини обдан ишга солишга мажбурлар.

Цивилизацияга эришган миллатларда, айниқса, ўқимишли доираларда, физиологик эҳтиёжни қондиришда қандайдир маънавий мажбуриятлардан халос этадиган, ахлоқ деб аталувчи қулларча тушунчадан узоқ бўлган мутлақо соғлом фикрлар ҳосил қилинган.

Шарқий ирқларда эса ҳанузга қадар ибтидоий тасаввурлар ҳукмронлик қилади. Улар ҳаётнинг пинҳоний томонларини ҳаддан ортиқ бўрттириб юборадилар, виждон азобида қийналадилар. Бунақа ишлар эса маданий кишилар учун алақачон ҳеч қандай муаммо бўлмай қўйган.

— Бинобарин,— Гаген ҳар қалай тик қараёлмай, нигоҳини ерга қаратди,— талабаларингизнинг бизнинг ҳарбий хизматчиларимиз билан

очиқ алоқада бўлишлари, айгоқчилар тайёрлаш вазифасини ўқитиш сингари мажбурий программага киради. Бунда, албатта, ҳеч қандай ўзаро меҳр қўйишнинг рўй бермаслигини қаттиқ назорат қилиб туриш лозим. Бунга эришишнинг бирдан-бир йўли такрор учрашишга мутлақо йўл қўймасликдир. Шундай қилиб, айгоқчиларни хавф-хатардан халос қиламиз ва улар душманнинг орқа томонида ўз вазифаларини адо этишар экан, кўнгил сирларини очиб юборишга қадар олиб борадиган лирик ҳиссиётлар пайдо бўлмаслигига ишонч ҳосил қилган бўламиз.

— Жаноб Гаген,— насиҳатомуз деди Ауфбаум,— муқаддас китобдаги гапларни эсдан чиқаряпсиз.

— Мен христианман, фрау капитан,— совуққина деди Гаген,— шу сабабли бу гапларни эслатиб туришнинг ҳожати йўқ.

— Лекин Мария Магдалинани эсланг, у ҳар қалай тавба-тазарру қилган-ку. Шу боисдан ҳам сиз айтган нарсаларнинг қатъий гаров бўлишига ишонмайман.

— Мария Магдалина бундан истисно,— деди Гаген қатъий оҳангда,— шу боисдан сизнинг манфаатингизни кўзлаб, айгоқчи қизларингиз орасида у сингари фаришталарнинг бўлмаслиги айтиш муддао эди.

Капитан Клара Ауфбаум Гаген уларга раҳбарлик қилиб турган «Вали штаби»нинг вакили бўлгани учун ҳам унинг маслаҳатларига итоат қилиб, мактаб хизматчиларига тегишли кўрсатмалар берди.

Шундан кейин фақат яқин атрофда жойлашган қисмларнинг офицерларигина эмас, балки қуйи унвондаги ҳарбийлар ҳам мактабга кириш ҳуқуқига эга бўлиб қолишди. Бир эмас, икки бор ўз жонига қасд қилиш ҳодисаси — уларнинг бири курсант қизнинг ўлими билан тугаган эди — юқоридан берилган кўрсатмага қатъий амал қилаётган мактаб раҳбарларини сира ҳам ташвишга солгани йўқ.

Бироқ курсант қизлардан бошқа биттасининг СС унтершарфюрерини уриб ярадор қилгани мактаб шаънига доғ бўлиб тушди.

Шундан кейин ўзининг қон томирини ҳам шиша парчаси билан қирқиб ташлаган бу курсант қизнинг ҳаёти бошқаларга ибрат бўлсин учун мактаб ҳовлисида дабдаба билан отиб ташлаш мақсадидагина сақлаб қолинди.

Аммо қўққисдан маҳбус қизни қамоқдан озод қилиш тўғрисида буйруқ келиб қолди. Бўлиб ўтган ҳодисани текшириш учун эса «Вали штаби»нинг мухтор вакили келиши керак эди.

Ана шу махсус мухтор вакил Иоганн Вайс бўлиб чиқди.

Унга зарур кўрсатмалар берилиб, айбдорларни қаттиқ жазолаш, жабрланувчи қизга эса ўзи истаган маршрути бўйича ўн кунлик саёҳатга ижозат бериш тайинланганди. Мақсад ҳордиқ чиқариб, кўнгил ёзиш эди.

Шу билан бир қаторда Вайс шу қизга керагича ғамхўрлик кўрсатиб, унга саёҳат пайтида ҳамроҳ бўлиши лозим эди.

Вайснинг мактабга етиб келадиган куни у ерга РОА полковниги Со рокин ҳам ташриф буюриб қолди. Унга абвер вақилининг барча фармоишларини шу ернинг ўзида бажариш ҳақида буйруқ берилган эди.

Вайс курсант аёлларни навбатма-навбат сўроққа чақирар экан, Гаген тавсия қилган услуб уларнинг инсонийлик қадр-қимматларидан ҳатто нишона ҳам қолдирмаганига ишонч ҳосил қилди. Уларнинг баъзилари меровлашиб, ҳамма нарсага бефарқ қарайдиган бўлиб қолгандилар. Бу аёллар ўзларига берилган саволларни ҳам тушунишга қодир эмасдилар. Улар фақат титраб-қақшаб Вайснинг қўлларигагина қараб туришар, у беихтиёр кескинроқ ҳаракаат қилиб қўйгудек бўлса ғужанак бўлиб кўзларини чирт юмиб олишарди.

Уларнинг юзлари солқиб кўпчиган, кўзлари бўлса хиралашиб, бақрайганча қараб тураверарди. Улар зўр-базўр «ҳа», «йўқ», «билмайман» дейиша оларди, холос, ҳар сафар жавоб беришган пайтда ўринларидан туриб, энгакларини юқори кўтарганча икки қўлларини ёнларига тушириб қотиб туришаверарди.

Асабий ҳаяжонланган, деярли телбалик даражасига бориб қолган бошқа бировлари хандон ташлаб кулишар, йиғлашар, сўкинишарди. Улар безбетлик билан ароқ, сигарета сўрашиб, эвазига кўнгил майлини ваъда қилишарди. Чакаклари тинмай жаврарди-ю, аммо Вайс бу телба-кезик гаплардан на бир маъно англаб олар ва на ўз саволларига жавоб ола биларди. Уларнинг кўпчилиги руҳий касалликка чалиниб қолган: энгаклари титраб, пастки қовоқлари учиб турар, қўллари эса бетўхтов қалтирарди. Булар руҳий жиҳатдан майиб қилиниб, телбалашган аёллар эди.

Айниқса, бу ерда руҳий ва жисмоний соғлиғини ҳали бутунлай йўқотмаган аёллар жуда оғир таассурот қолдиришарди. Уларнинг кўпчилиги лагерда шунчалик дарғазаб ва бешафқат бўлиб кетишгандики, кейинчалик қиладиган жиноятлари учун кимнинг қурбон бўлиб кетиши улар учун фарқсиз эди. Бундай аёллар кўпинча ўтмишда жиноятчи бўлган, тўпори, галварсдек хотинлар бўларди. Лагерларда улар ўз умрларини чўзиш, тўқроқ яшаш ва ўзгалар устидан йиртқишларча ҳокимликка эришмоқ мақсадида жаллодликни ўзларига касб қилиб блок но-зиралари бўлиб олишарди.

Ана шундайлардан бири, бесўнақай, солқиган юзли, қошлари ипдек ингичка қилиб терилган хотин Вайсга қараб хафақонлик билан дед:

— Мен буни пасткашлик деб билмайман. Ҳамма нарса одатдагидек. Бу ер уларга ҳаваскорлик тўгараги эмас.

— Ўзингизга-чи?

— Менинг йўриғим бошқа. Менинг эътиқодим бор. Отамнинг шахсий тегирмони бор эди. Эрим эса мўйнадўз бўлиб, то охири пайтларига гача уйда устахонаси бўлган. Қўлимиздан келганича ҳукуматдан бори-мизни яшириб фаровон ҳаётимизни асраб қолишга тиришардик.—Нафрат билан деди:— Бу ердаги кўпчилик қизларнинг ўзи қанақа денг? Немис офицерларининг қўлидан чиққан жувонлар. Аввалига хушмуомалалик билан келинчақлардек майхоналарга олиб боришди-да, кейин СС га топшириб юборишди. Улар бўлса бу ерга, пансионга жўнатишди. Улардан жосус чиқармиди? Номигагина, холос. Тун бўйи уйқу бермай йиғлаб-сиқтаб чиқишади. Нимага йиғлашади денг? Совет ҳокимиятини деб йиғлашади. Энди уларга мана, Совет ҳукумати.— У шундай деб, икки бармоғининг ўртасидан бош бармоғини чиқариб кўрсатди-да, уқтириб маслаҳат берди:— Мен сизнинг ўрнингизда бўлсам, жаноб офицер, бу ерга кадрларни кимлардан қўярдим денг? Ҳаётнинг аччиқ-чучугини тотиб кўрган, унинг қадрига етадиган, Совет ҳукуматидан рўйирост норози кексалардан қўярдим. Мана, масалан, ўзимни олайлик. Менга, кўрсатган жасоратим учун на медаль ва на орденнинг кераги бор. Менга мўйна буюмлар билан олди-сотди қилгани рухсат қогози бўлса бас. Сизни ишонтириб айтаманки, бу ишни дўндираман.

— Бу ерда сиздақалардан кўпми?

— Бор-йўғи бир-иккитагина, холос. Мана РОА да росмана одамлар сероб. Полканов деган унтер-офицер ҳаммомни орзу қилади. Унинг ота-боболари ҳаммомчи ўтишган, ўшандан бойлик тўплашган,—умид боғлаб сўради:—Большевикларни қувиб юборишгандан кейин савдо-сотиққа бемалол рухсат беришадими?

Вайс кўзларини қисиб, қатъий оҳангда деди:

— Лекин сизга эмас.

— Нега энди?

— РОА материалларидан ўзингизга маълумки, Россия бизнинг мустамлакамиз бўлиб қолади ва сизга ўхшаб ўқитилган одамлар кейинчалик ҳам маҳаллий аҳолига нисбатан назоратчилик вазифаларини ўтай берадилар.

— Ҳай майли, демак, фельдполияга ўтказиб қўйнаркан-да. Гапингизга тўғри тушунибманми?— Сўнг хўрсинди.— Нима ҳам дердик. Бу ҳам мансаб.

Семиз, тепакал бошининг атрофида тим қора рангга бўялган сочи гардишдек кўринадиган РОА полковниги Сорокин зиқнафас дардига мубтало бўлгани туфайли ҳансираб гапирарди.

У Вайснинг кўзларига садоқат билан тикилиб, таъкидлади:

— РОАмизда олифталик ва ҳар турли замонавий найрангбозликларни тани олишмайди. Қадимгидек, ота-боболаримизнинг йўлини тутамиз. Савалаймиз. Шундай устаси фаранглар борки, гестапода ҳам бунақалари топилмайди. У ерда ишлар европача, ҳар хил техника воситаларини қўллашадп. Бизнинг РОАдагилар бўлса ўша теридан қилинган қайиш ишлатишга устаси фаранг бўлиб кетишган.

Вайс полковникка СС унтершарфюрерининг иши бўйича лейтенант Нюрка билан унинг ёрдамчисини яна бир бор сўроқ қилишни топшириб, капитан Ауфбаумни эса ўзи сўроқ қилмаганини айтди. Кейин капитан Ауфбаум билан бирга курсантларнинг ётоқхоналарини айланиб чиқди. Ётоқхоналар «Вали штаби» дагига ўхшаш баракка жойлашган эди.

Ҳамма ёқдан дезинфекциянинг қўланса ҳиди анқирди. Бу ҳидга атир ва упа-элик — мактабга бошлиқлар келадиган куни курсантларга бериладиган пардоз ашёларининг кўнгил оздирадиган ислари аралашиб кетганди.

Ауфбаум «смирно» командаси бўйича қотиб турган аёлларнинг упа-элик суртилган жиддий чеҳраларига диққат билан тикилиб чиқди. Уларнинг бир хиллари пардозни ўрнига қўйиб қилишган, баъзилари эса, гўё ўзларни ўзлари масхара қилгандек, атайин чаплаб ташлашганга ўхшарди. Ана шунақаларига капитан хоним қаттиқ танбеҳ берди. Вайсга у курсантларнинг бундан ташқари граждандча кийимлари ҳам борлигини, аммо улар омборда сақланиб, баъзи пайтларда, зарур бўлиб қолган чоқлардагина берилишни айтди.

— Масалан?— сўради Вайс.

Ауфбаум иккиланиб қолди.

— Ҳалиги... келадиган одамлардан биронтаси улар билан суҳбатлашпш истагини билдириб қолгудек бўлса...

— Тушунарли,— деди Вайс.

— Биз уларга солдатларнинг ички кийимларини беряпмиз. Лекин иштонларнинг почасини қирқиб ташлашга ижозат берганмиз. Қийматларидан улар ўзларга сийнабанд тикиб олишади.

— Қандай жазолар қўллайсиз?

— Бу вазифа ўринбосарим лейтенантга тааллуқли,— дея тушунтирди Ауфбаум.

— Бирон шикоят ёки эътирозинглар борми?

Аёллардан ҳеч қайсиси жавоб бермади.

Вайс юзи куйиб, чандиқ бўлиб қолган қиздан:

— Юзингизга нима қилган? — деб сўради.

Ауфбаум шошилиб:

— Бунга ўзи қилган, дазмол билан,— деб баён қилди.

— Қизиқ. Одатда дазмол юзга босилмайди-ку.

Чеккароқда турган семиз, обдан пардоз қилган аёл гаразгўйлик билан изоҳлади:

— Буни у офицерлар ҳузурига камроқ чақиришсин, деб чиройини бузиш учун атайин қилган. Унинг ўрнига бошқалар хизмат қилаверсин эмиш.

— Ҳали шунақа денг, қизиқ,— деди Вайс. Кейин юзи куйган қиздан.— Фамнлиянгиз нима?— деб сўради.

— Отим ҳам, фамилиям ҳам йўқ.

— Лақабингиз?

— «Қаламча» — деди Ауфбаум ва шикоят қилди,— биздаги талабалар асосан, хотин-қизлардан бўлгани учун мен уларга лақабни гуллар номи билан қўйишни мўлжаллаган эдим, аммо қўмондонлик буни маъқулламади.

Бу ерга келишнинг сабабчиси бўлган курсант «Пилтакач»ни Вайс кузатувчиларсиз, ёлғиз ўзи кўрмоқчи бўлди. Унга қиз қамаб қўйилган хонани кўрсатиб қўйишди. Ёғоч каравот устида ҳаддан ортиқ кенг, ялтироқ пистонлар қадалган кўйлакли, новдадек ингичка бир қиз ўтирарди.

Унинг рангпар юзи кулчадаккина бўлиб, калта қирқилган, билинар-билинемас жингалак қора сочлари лагерда олиб ташлангандан кейин ҳали унча ўсмаганди. Қизнинг лаблари шишиб, кўзлари ич-ичига тушиб кетган, бўйни узун ва ингичка, билагининг бинт билан боғланган эди. Унинг шу қадар ориқлиги, гипчалиги ва енгиллигидан ҳатто ўзи ўтирган ёғоч каравотдаги тўшак ҳам у ўтирса эзилмасди.

Иоганн хушмуомалалик билан ўзини танитиб, нима боисдан келганлигини тушунтирди. Аёл жимгина қулоқ солиб турди-да, сўнг:

— Ёлгон гапиряпсиз,— деди.

— Вақти келиб ўзингиз ҳам ишониб қоларсиз. Айбдорларни қаттиқ жазолашади.

— Қўрамиз.

— Ўтирсам майлими?— сўради Вайс ва ёғоч каравот чеккасига ўтирди. Қиз иргиб ўрнидан турди-да, ўзини эшикка отиб, жон ҳолатда уни очиб борди.

— Балким бошқа жойда суҳбатлашганимиз маъқулдир?..— сўради Вайс ўзи ҳам ўрнидан турар экан.

— Мен сиз билан суҳбатлашишни хоҳламайман.

— Бўлмаса, бошқачароқ ном билан айтайлик. Менга ҳамма нарса равшан бўлса-да, расмиятчилик тариқасида зарур бўлган баъзи кўрсатмаларни айтиб берсангиз.

Қиз қаҳр билан илжайаркан:

— Агар ҳамма нарса равшан бўлса, унда менинг нима ҳожатим бор?— деб сўради.

— Исмингизни билсам бўладими?

— Менинг «Пилтакач» деган лақабим бор.

— Марҳамат қилиб исмингизни айтсангиз.

— Фараз қилайлик, Инга.

— Сиз Инга, мен бўлсам Иоганн — ҳамоҳанг эшитиларкан.

— Ундай бўлса менинг исмим Ольга.

— Ростданми?

— Сиз энди сўроқ қила бошляпсизми?

— Биласизми,— дўстона оҳангда мурожаат қилди Иоганн,— менга кўйлагингиз ёқмаяпти, у жуда ҳам ҳалигидек...

— Ҳалигидек деганингиз нимаси?

— Ўзингиз биласиз-ку... Мен илтимос қиламан, сизга бошқа кўйлак беришса.

— Ялтнроқднги ёқмаяптими...

— Худди шундай. Шунинг учун ҳам у сизга ярашмаяпти.

Қиз Иоганнинг кўзларига диққат билан тикилди.

— Бекорга мугамбирлик қиялпсиз. Сиз, гестаночилар, аввал бошда ҳамиша шунақасизлар...

— Кейин-чи?

— Кейин нималигини ўзингиз биласиз. Ахир мен тилхат берганман-ку... Энди менга истаган нарсангизни буюраверишингиз мумкин.

Қизнинг кўзлари хира тортиб, сўнди.

Вайс кескин оҳангда деди:

— Фрейлейн, менинг «Қаламча» лақабли курсантни, — эслатиб қўйди:— Ҳалиги, юзига дазмол босиб куйдирган қиз бор-ку, ўшани ҳақиқий эътиқодларини яшираётганидан шубҳаланишга асосларим бор. Уни Равенсбрукдаги штаф блокига қайтариб юбориш лозим бўлади.

— Йўғе қўйсангиз-чи!— саросимага тушиб қолди Ольга.— У... у чи-накам контрреволюционер қиз, кейин фюрернинг мухлиси.— Қизнинг чеҳрасида ҳаяжон ва ташвиш аломатлари ифодаланиб турарди.

— Сиз шунга аниқ ишонасизми?

— Ҳа-ҳа, аннқ ишонаман,— қизишиб деди Ольга.

— Сизнинг гувоҳлигингиз биз учун шу қадар қимматлики, бу ҳолда мен капитан Ауфбаумнинг буйруғини бекор қиламан.— У Ольганинг чеҳраси очилиб кетганини кўриб, шу заҳотиёқ сўради:

— Анали, қоши терилган мўйнадўз-чи, у қалай?

— Аблаҳ.

— Кечирасиз, мен бу сўзга тушунолмадим.

Кўзлари чақнаб, лабларн бурушган Ольга мугамбирлик билан жил-маяр экан, баён қилди:

— Бу нуха ишончингизни қозонолмайди.

— Ташаккур.— Вайс ўрнидан туриб, товонларни жуфтлади-да, таъзим қилиб бошни эгди. Сўнг ер остидан қараганича тез-тез гапнриб сўради:

— Отангиз полковникмиди? У армия штабининг бошлиғи бўлиб, кейин Советлар томонидан репрессия қилинган-а?

Қиз, нафаси тикилиб, бош иргадн. Унинг бўйин томирлари бўртиб кетган эди.

— Мен сизга қанчалик эътибор билан муомала қилсам, сиз ҳам менга худди шундай диққат қилишингизни сўрардим,— деб жилмайди Иоганн:— Ахир менинг вазифам жуда мураккаб. Рус қизн эса — жумбоқли славян қалби деган гап.

Ольга журъатсизлик билан сўради:

— Ахир сиз гестаподанмисиз?

— Афсуски, бу шарафга муяссар эмасман,— деди Вайс.— Сизга ҳали айтганимдек абвернинг унтер-офицериман, холос... Бир оз жим тур-гач деди:— Лекин уларнинг бир-бирига ўхшайдиган ери бор.

— Буни менга айтиб нима қилардингиз?

— Ҳаммаси равшан бўлсин дедим-да.

Вайс Ольгага бошқа кийим-бош беришни буюргани Ауфбаумни ах-тариб кетди. Ауфбаумнинг ўзи полковник Сорокин ва РОАнинг икки солдати билан бирга уни қидириб юришган экан. Ауфбаум шафқат қи-либ ўзини қутқариб қолишни сўраб, Вайс томон отилди...

Полковник, капитан Ауфбаумни четга суриб, ҳансираганча амалдан туширилган лейтенант Нюрка билан СС унтершарфюрери воқеасида унга ҳамкорлик қилган курсант хотинни ўлардек қийнагани тўғрисида Вайсга ахборот берди.

Шу топда махсус чопар капитан Ауфбаумни вазифасидан озод қи-

либ, оддий солдатликка туширнш тўғрисида РОАнинг буйругини олиб келган эди.

Ауфбаум Вайсга зорланиб тикиларкан, сўради:

— Энди менга нима маслаҳат берасиз?

— Сиздан яна сўраб оладиган гапларим бор,— деди Вайс совуққина қилиб.

— Бош устига. Жон-дилим билан хизматингизга тайёрман,— дед чор-ночор илжайди Ауфбаум. Унинг лаблари титрарди.

Вайс РОА капитани билан холи қолгач, сўради:

— Менга маълум бўлишича, сиз «Вали штаби»нинг ходими жаноб Гагенининг бевосита кўрсатмаларига амал қилиб иш тутгансиз, шундайми?

Ауфбаум жавоб ўрнига бош ирғади, холос. У ҳаяжонлангани ва гангиб қолганидан ҳали ҳам ўзига келолмаган эди.

— Иш шундай экан, сиз бу гапларнинг ҳаммасини ёзма равишда тасдиқлаб бера олсангиз, гуноҳингиз анча енгиллашади.

— Нимаки десангиз ҳаммасини шу заҳотиёқ ёзиб беришга тайёрман.

— Мен сизга ҳеч нарса деяганим йўқ. Шундай бўлганми ёки йўқми деб сўраяпман, холос. Агар шундай бўлган бўлса, марҳамат қилиб ҳаммасини мантиқан қоғозга ёзиб берсангиз.

— О-о, шу қадар ҳаяжонланяпманки.

Бироқ ҳаяжонланганига қарамай, Ауфбаум хоним Гаген устидан интиқом билан жуда мазмундор шикоят хати ёзиб берди.

Вайс қоғозни кителининг чўнтагига солар экан, уни огоҳлантириб қўйди:

— Сиз жуда қаттиқ жазоланишингиз керак эди. Лекин менда шундай яхши таассурот қолдирдингизки, фақат огоҳлантириш чоралари билан чекланиб қўя қолишни лозим топдим. Лекин шу шарт, ёки аннқроғи гаров билан...— сўради:— Гаров бўладиган бирон нарсангиз борми?

— О, мен айтдим-ку: истаган нарсангиз-да,— Ауфбаум, садоқат билан жилмайганича, қўлларини кўтариб сочларини тузатмоқчи бўлди.

— Бу гапни қўйинг,— унинг сўзини бўлди Вайс.— Сиз ҳозир менга ёзма гаров тариқасида...— Иоганн бир дақиқа ўйланиб қолди.— Фараз қилайлик, полковник Сорокин сизга Совет разведкаси манфаатига ишлашни таклиф қилганлигини ёзиб берасиз...

— У жаллод ҳар ишга қодир, ҳар қандай ишга ҳам,— деди қизишиб Ауфбаум.

— Бўпти — худди ана шуни ёзинг. Жуда қисқа бўлса ҳам майли.

Вайс иккинчи қоғозни ҳам биринчисининг ёнига солиб қўйганидан кейингина, Ауфбаум сўради:

— Буларнинг сизга нима кераги бор?

— Шунинг учунки,— деди Вайс қатъий оҳангда,— башарти, сиз кейинчалик менинг бирор-бир арзимас илтимосимни рад этишни ўйлаб қолгудек бўлсангиз, бу нарсалар менга гаров бўлиб хизмат қилади.— Сўнг буюрди:— Айтиб қўйинг: юзи куйган курсант қиз кечки овқатдан кейин менинг хонамга кирсин.

— Дидингизга қойил-е,— тетиклашган Ауфбаум яна меҳмондўст мезбон қиёфасига кирди.— Бизда жуда роҳатинжонлари бор, ахир.

— Такрорлашга одатланган эмасман.

Иоганн Вайс «Қаламча» лақабли қиз билан бир соатдан ортиқроқ суҳбатлашди. Суҳбат ннҳоясида улар бир-бирларининг қулоғига шивирлаб гапира бошлашди.

Вайс унинг юзн куйганлиги туфайли танимаган эди-ю, ammo у Вайс-ни кўрган заҳотиёқ танибдн.

Қиз 48-мактабдаги Люся Егорова эди. У бир вақтлари пионер во-жатийси бўлиб ишлаганди. Александр Белов уларнинг мактабида ўт-казилган кечада иштирок этиб, ҳатто у билан танца ҳам тушган эди.

Люся оғир контузия бўлган ҳолда Смоленск бўсағасида асирга ту-шиб қолган экан.

Вайс у билан гаплашар экан, унинг бутун вужуди титраб-қақшаётга-шини кўриб турарди.

— Ўзингизни босинг энди.

— Ўзимни босиб олганман, жуда-жуда босиб олганман. Шунчаки, сизнинг хони эмаслигингизни билиб, қувониб кетдим, холос.

У Ольга тўғрисида ҳеч нима деёлмади-ю, Вайсдан Ольга уни контр-революционер деб, муҳофаза қилишга интилганини эшитгач, жуда ажаб-ланди.

— Қизиқ,— бир алфозда титраб турар экан, чўзиб деди Люся.— Мен у билан сира ҳам гаплашмаган эдим. Жуда қизиқ.

— Жуда бадбашара бўлиб кетибманми? — сўради қиз кетиш олди-дан.

— Сиз ҳақиқатан ҳам гўзал одамсиз,— дея жавоб қилди Вайс самимият билан.

— Елгон гапиргингиз келмаяпти. Ундай бўлса кераги ҳам йўқ. Ас-лида кўҳликкина бўлганим билан юзимга сира ачинмайман. Кўплар, мен-га албатта бирон кинода ўйнагин, деб маслаҳат беришарди. Хўп, хайр...

Иоганн энгашиб, унинг чандиқ юзидан астагина ўпди.

РОА полковниги Сорокин Клара Ауфбаумнинг хонасида чой ичиб ўтирарди. Вайсни кўриши биланоқ у ўрнидан туриб, Ауфбаум томонга қараб имлади-да, илтифот билан баён қилди:

— Мана, ташвишга солиб қўйганимиз учун Клара Федоровнага ач-ниб ўтирибман.

— Бўлди, бас,— дея гапни чўрт бўлди Вайс, кейин расмий оҳангда баён қилди:— Капитан Ауфбаум масаласи бўйича текширув ишини тугатаман. Ҳеч қандай чора кўрилмайди. Сиз бўлсангиз, полковник, ҳо-зироқ курсант «Қаламча»ни мактаб бўйича капитан Ауфбаумнинг ўринбосари қилиб тайинлаш ва унга РОА лейтенанти унвони берили-ши тўғрисида буйруққа нмзо чекинг. Бажариш муҳлати кечи билан уч кун.

— Анави, қийноққа солинганларни нима қилайлик?

— Лагерга жўнатиш.

Полковник пошналарини тақиллатдн-да, сочлари бўялган бошини таъзимга эгиб хонадан чиқиб кетди.

Ауфбаум ишва билан:

— Ҳаётини сақлаб қолдингиз,— деди, сўнг ўзини тутиб туролмай, киноялп оҳангда давом этди:— Лекин сиз қизларга сахий экансиз: бир марта учрашганинг ўзида ҳам унвону, ҳам лавозим-а.

— Гап шундай, капитан Ауфбаум,— деди Вайс унинг икки қоши ўртасига тикилиб.— Умрингизни узайтиришни истайсизми? Ундай бўл-са, сизга ким келиб етказишидан қатъи назар, буйруқларимни сўзсиз бажаришга ўрганинг.

Битта маркани иккига бўлиб, бир бўлагини капитан Ауфбаумга берди-да, иккинчи бўлагини кнтелининг юқори чўнтагига солиб қўйди.

— Тушундим,— деди Ауфбаум.

— Ҳа, ана, аллақачон тушуниш керак эди. Огоҳлантириб қўяй: аб-вер контрразведкаси ҳам кескин таъсир кўрсатиш воситаларини қўл-лашда гестаподан сира қолишмайди.

— Демак, мен ўзимни...

— Ҳа, балли. Ўзингизни ким деб ҳисобласангиз, ўша деб ҳисоблай-вериинг. Бироқ ўзингизни ким деб ҳисоблашингизни учинчи бир шахс билиб қолгудек бўлса, РОА ҳам, гестапо ҳам, абвер ҳам сизга нисбатан муносиб чораларни кўради.

Вайснинг бундан кейинги кўрсатмалари фақат идора қоғозларига тааллуқли эди.

У, ўзини курсантларнинг шахсий ишлари, мактаб бўйича чиқарилган буйруқлар ва советларнинг орқа томонига юборилган айгоқчи аёлларнинг фаолияти ҳақида ҳисоботлар билан таништиришни талаб қилди. Ана шу маълумотлар устида у бутун тун бўйи идорада ўтириб чиқди.

На узбекском языке

Вадим Михайлович Кожеников

ЩИТ И МЕЧ

Роман

Часть первая

Перевод осуществлен по «Роман-газете», 1965
год, № 21

Редактор Ҳ. Турабеков

Расом Э. Исҳоқов

Расмлар редактори И. Циганов

Техн. редактор Т. Смирнова

Қорректор Н. Рўзимухамедова

Босмадонга берилди 29/II-1969 й. Босишга рухсат этилди 31/VII-1969 й. Формати 70×108 1/м. Босма л. 22,0. Шартли босма л. 30,8. Нашр л. 30,3. Тиражи 60000. Рафур Фулом номдаги бадий адабиёт нашриёти. Тошкент, Навоий кўчаси, 30. Шартнома 255—65

Ўзбекистон ССР Министрлар Совети Матбуот давлат комитетининг Тошкент полиграфкомбинатда тайёрланган матрицалардан 1-нчи босмадонасида № 2 қозоғга босилди. Тошкент, Ҳамза кўчаси, 21. 1969 йил. Заказ 890. Баҳоси 98 т.